

# მსოფლიო დიეტურაჭურის წიგნი



რომენ როლანი



კოლა ზრონიონი  
ჯეთკოვინის ცხოვრება  
ვიქელანჯელოს  
ცხოვრება

მ ს ო ფ ლ ი ო ლ ი ტ ე რ ა ტ უ რ ი ს  
ბ ი ბ ლ ი ო თ ე კ ი ს ს ა რ ე დ ა ქ ც ი ო ს ს ა ბ ჭ ო

---

- ბ. აბაშიძე
- ა. ადამია
- ზ. ასვლედიანი
- მ. ბაქრაძე
- თ. ბუაჩიძე
- ბ. ბაჩიჩილაძე
- ა. გომიაშვილი
- დ. დუნდუა
- თ. ერისთავი
- მ. თოდუა
- ც. თოფურიძე
- მ. კვამელავა
- დ. ლაშქარაძე
- კ. ლორთქიფანიძე
- მ. მაღრაძე
- ბ. მელაძე
- ბ. ნატრუშვილი
- ბ. ჟღენტბი
- ს. ყაუხჩიშვილი
- ნ. ყიასაშვილი
- დ. შენგელაია
- ო. ჩხეიძე
- ბ. ციციშვილი
- მ. ჰელიძე
- ბ. ხუციშვილი
- ო. ჯინორია

მხატვარი  
ლადო გრიგოლია

ილუსტრაცია სუპერზე  
მ. ა. კიბრიძისა





## ათასი სიტყვით

სამი ათეული წელი გვაძოვებს ომებს როლანისაგან, მისი მღელვარე მოქმედება და შემოქმედება კი თითქოს დღევანდელია.

კლამსი, 1866 წ. — ვეზლე, 1944 წ. ამ პატარა ქალაქებს შორის ოცდასამი კილომეტრი ფეხითაც დაიფარება, მაგრამ მოუსვენარი ბურგუნდელის ცხოვრებამ ეს მანძილი დედამიწის ზურგზე გავლილ შორეულ გზებზე გააძაბა, ხოლო თარიღთა შუალედში ქვეყნები და საუკუნეები მოიცვა.

ჩავერდოვანი ღვინო, ამწვანებული ბორცვები ამ მხარის მკვიდრს საკუთარი ზვედრით კმაყოფილებას შთააგონებს, მწერლის მოხიბლული სული კი სამართლიანობის დანერგვასა და სილაშხის გავრცელებაზე ოცნებობს.

რასაც არ უნდა მოჰყიდოს ხელი, ხელი კი ბევრ რამზე მიუწვდება, ზნეობრივი სრულყოფა დარჩება მისთვის მთავარი. მიშელ მონტენიდან აღენსა და ალბერ კამიუმდე ფრანგულ მიწას არა ერთი მორალისტი აღუზრდია. მათ წყებაში ნაწერისა და საქმის შერწყმას ლამობს რომენ როლანი: მის სიტყვას კმედების ქრუანტელი უკლის.

ქმედება ასაზრდოებს შინაგან ქიდილს, დაპირისპირებას: ხელოვანი განკერტეს სამყაროს. ზოგჯერ მოჩვენებითი უღარდლეობით, ოხუნჯობით, უფრო ხშირად — სედიანად, თუმცა იმედს არასდროს ჰკარგავს; მეცნიერი ფაქტებსა და ოცუშენებებს ეყრდნობა, ცალკეული დაკვირვება თუ არგუმენტის ვაშლა დინჯია, განზოგადდება კი მკვერმეტყველი, ალგზნებული ან დისპროპორციული. გეგონება, როლანს მიზნად დაუსახავს დიალექტიურად მოხსნას პასკალის შენიშვნის პოლარულობა: „Le coeur a ses raisons que la raison ne connaît pas“ (გულს თავისი, გონებისათვის უცნობი მოსაზრებანი აქვს). ჩაეარდნის, შეცდომის, მიგნების მიღმა ერთი: ოამ რჩებოდა ურყევი: როლანის დუნდობი და წრფელი ძიება ადამიანური კვამარიტებისა. ეს ცეცხლი დიდხანს არ შეიძლებოდა დარჩენილიყო ფარული. თანამედროვეთა თვალს იგი სხვადანსხვავებარად ეცა ზოგმა როლანს სკოლის მოღალატე და საფრანგეთის მტერი უწოდა, სხებმა, ამ კაშკაშა შუქით ნაკლებად დამრმავებულებმა, ეეროპის სინდისი.

არიან სილამაზეში შევეარებული ხელოვანები, საკუთარ სუნთქვას ჰარმონიულ ქმნილებას რომ შთაბერავენ. მათში თვლემს ნარკისი ან პიგმალიონი. მძლავრია ესთეტიური საწყისის ზიარება როლანთანაც, ოლონდ აქ მის პრიმატს განდისა და ტოლსტოის მსგავსად ადამიანის არსებობის ძირეული მოთხოვნილებების მოწესრიგება ეცილება.

ამ მიზნის ემსახურება უველა საშუალება. როლანი მრავალა: მუსიკათმოდნე,

დრამატურგი, რომანისტი, ხელოვნებათმცოდნე, ლიტერატურათმცოდნე, თეატრის თეორეტიკოსი, ბიოგრაფი, ლექტორი, მოგზაური, საზოგადო მოღვაწე, პუბლიცისტი, მოაზროვნე, კინოსცენარისტი...

როლანი ერთია: იგივე ფიქრები გადადის მისი გამოკვლევიდან მის რომანში, სტატიიდან პამფლეტში, ფილოსოფიური ნარკვევიდან დღიურში, ნაფიქრალი განაპირობებს სორბონის კათედრიდან თუ მსოფლიოს ნებისმიერი ტრიბუნიდან წარმოთქმულ სიტყვას.

მუსიკათმცოდნის დაწერილია: „ოპერის ისტორია ევროპაში ლივლიდან სკარლათიმდე“ (1895 წ.), „წარსულის მუსიკოსები“ (1908 წ.), „დღევანდელი მუსიკოსები“ (1908 წ.), „ჰენდელი“ (1910 წ.), ოთხი ნაშრომი ბეთჰოვენზე. დრამატურგმა, ცალკეული ნაწარმოებების გარდა, დავეტირვა საზ და რვაპიესიანი ციკლები: „რწმენის ტრაგედიები“ და „რევოლუციის თეატრი“, ხელოვნებათმცოდნე — გამოკვლევა მიქელანჯელოზე, თეატრმცოდნე — წერალების კრებული „ხალხური თეატრი“ (1903 წ.), ლიტერატურათმცოდნე — ორტომიანი გამოკვლევა „ბეტი“ (1944 წ.), ბიოგრაფია — „გმირული ცხოვრებანი“, — „ბეთჰოვენის ცხოვრება“ (1903 წ.), „მიქელანჯელოს ცხოვრება“ (1906 წ.), „ტოლსტოის ცხოვრება“ (1911 წ.), რომანისტმა — „ჟან-კრისტოფი“ (1904—1912 წწ.), „კოლა ბრონიონი“ (1914 წ.), „პიერი და ლუისი“ (1920 წ.), „ელერამბო“ (1920 წ.), „მოხიბლული სული“ (1922—1933 წწ.), კინოსცენარისტმა — „მანქანების ჩაყრა“ (1921 წ მხატვარ ფრანს მანერელის თანავეტორობით). ადამიანებზე და საყუთარ თავზე დაცვირეების შედეგია დღიურები, ავტობიოგრაფიული ციკლი: „შინაგანი მოგზაურობა“ (1924—1942 წწ.), „ზღურბლი“ (1945 წ.), „მოგზაურობა დედამიწის გარშემო“ (1946 წ.).

თუმცა პირველი მსოფლიო ომის წლებში რომენ როლანმა „შეჯახების მალა“ პოზიცია აირჩია და შემდგომშიც თავს არიდებდა რომელიმე პოლიტიკურ დაჭრუფებაში შესვლას, რათა განსჯის დამოუკიდებლობა შეენარჩუნებინა, იგი მაინც დღენიადაც თავისი დროის ორომტრიალში იყო: გასული საუკუნის დაბლევას დრეიდუსის საქმეში ემილ ზოლან მიემხრო; 1914—1918 წლებში ებრძოდა ძმთაშვილ ომს, შოვინიზმსა და ნაციონალიზმს, ოცდაათიან წლებში — ფაშიზმს, დღეებში და მძაბტმა განდის მოძღვრებას და ინდურ ფილოსოფიას, გეოლოგიდა რაგორც საბჭოთა კავშირის ერთგული მეგობარი, 1935 წელს კიდევაც ესტუმრა მაქსიმ გორკის, მეგობრობა და მიწერ-მოწერა ჰქონდა თავისი დროის სხვადასხვა ქვეყნის გამოჩენილ მოღვაწეებთან: შტუდან ცვაიგთან, გეორგ ბრანდესთან, მაქსიმ გორკისთან, როჟე-მარტენ დიუ გართან, ეან-რიშარ ბლოლან, ეტონ სინკლერთან, მაპატმა განდისთან, ალბერტ აინშტაინთან, ელეონორა დუზესთან...

ძიებისა და ბრძოლის გზებზე მწერლის საიმედო დასაყრდენი გახდა ხელოვნება. თუმც ბევრი რამით როლანი ენათესავება ეან-ჟაკ რუსოსა და ლევ ტოლსტოის, ხელოვნების ღირებულებაში მას არასდროს შეუტანია ეჭვი. ამით როლანმა ენეველი მეოცნებისა და იასნაია პოლიანას პატრიარქის საშინელი გაორება აიცოლა თავიდან. დაპირისპირებული წყვილის ნაცკლად — ზნეობა და ხელოვნება — მან ზნეობრივი ხელოვნება იწამა და თავისივე ნებით, დიდი ხალისით ჩადგა მის სამსახურში.

წინამდებარე ტომში შეყულ ხაწარმოებებს — „ბეთჰოვენის ცხოვრებას“, „მი-

ქელანჯელოს ცხოვრებას“ და „კოლა ბრონონს“ — ხელოვნთა თავგადასავალი ერთიანებს. ქანდაკებისა და ფერწერის იტალიელი მესაიდუმლე მიქელანჯელო მუსიკის გერმანელი მესაიდუმლე ბეთოვენის და მწერლური ფანტაზიის ნაყოფი — კლამელი ხის მეჩუქურობე ოსტატ—სამივე მსოფლიოს როლანსეული აღქმის შვილია. თვით მსოფლმეგრანებაც ხომ მასალის შერჩევასა და გაშუქებაში ყალიბდება.

\* \* \*

რომენ როლანის ხელწერა მკაფიოა. მწერალი არ მალავს დაუოკებელ წყურვილს პირველ რიგში დახატოს, მისი გაგებით, სათაყვანო პიროვნებანი ამიტომ ბუნებრივია, რომ როლანის ნაწერი მისეულ ფასეულობებს ნერგავს. ეს გარემოება რომანტიკოსებთან სიახლოვის მომასწავებელია, რაც ხორცს ისხამს ვიქტორ ჰიუგოსადმი დამოკიდებულებაში: ორივე მწერალს ბევრი აქვთ საერთო ფრაზის ძალეუ სუნთქვაში, დიად შედარებებსა და ამაღლებულ მკვერამეტყველებაში. ვიქტორ ჰიუგოსი არ იყოს, რომენ როლანის პროზა ავტორიტარულია, მკადაგებლური და, ამდენად, შეუპოვარი, თუმცა თავის უციდურეს განზოგადებაში იგი ყოვლის შეწყნარებისკენ მიილტვის.

როლანი ღვას ცდუნების წინაშე — დაშალოს ზღვარი ფიქციასა და სინამდვილეს შორის: თუ უან-კრისტოფი ან კოლა ბრონიონი ზოგიერთ თვისებას ბეთოვენის ხასიათიდან სესხულობს, მეორეს მხრივ, იქმნება შთაბეჭდილება, რომ ბონელი მუსიკოსიც თავისი პიროვნების ამა თუ იმ გამოვლინებას როლანის პერსონაჟებს უმაღლის. რა თქმა უნდა, ეს ილუზიაა და მწერალი (შეგნებულად მაინც) ზღვარს არ გადადის.

ფაქტი ფაქტად რჩება: როლანის „გმირული ცხოვრებების“ კითხვა თავის უშუალო დანიშნულებასაც პასუხობს და მწერლის სამყაროსაც გვაყნობს. ამას როლანი ზემოხსენებულსა საშუალებით აღწევს: თუ პიროვნება არ მოსწონს, მის გამოყვანაზე ხელს იღებს. ხელუხლებელი რჩება ცხოვრების სიმართლეც და როლანსეული სამყაროს კეშმარჩებაც

მორალისტის მოქმედება ხომ სელექციურია: აღზრდა მაგალითებზე წარმოებს. რომენ როლანის აზრით, ნამდვილი ხელოვნება ყოველთვის აღმზრდელია თია, დიდი ხელოვანის ცხოვრება კი მეტწილად მაშინ, როცა ეს ცხოვრება მის მიერ შექმნილ ნაწარმოებებს შესატყვისება. ლუდვიგ ვან ბეთოვენის ამ მხრივ თითქმის იდეალური მაგალითი აღმოჩნდა. მიქელანჯელოს ტანჯულ სულში ასეთი შესატყვისობა ამოიკითხა მწერალმა. როლანისათვის აუტანელი იყო გულწრფელობის მოღუბება: ეს ვერც შილერს შეუნდო; ამით გამორიცხული იყო, რომ როლანს ოდესმე შილერის ცხოვრება დაეწერა.

ამრიგად, როლანისათვის დემოლი არ ნიშნავს სიცრუეს. წიგნის, ქანდაკების, ფერწერული ტილოს, სიმფონიის დანიშნულება გამათავისუფლებელია და მომწესრიგებელიც. მათ გარკვეული მიმართულებით უნდა წარმართონ ადამიანის ღირსეული ძალები და შესაძლებლობანი. ამ არჩევანშიც, „უან-კრისტოფში“, როლანის სხვა ნაწერებშიც ადგილი აქვს ნებსით შეზღუდვას ამეტყველებული ობი-



ეჭტისა. როლანის მხატვრული პროზა მოგვაგონებს არა ტბის სარკისებრი ზედაპირით დაფარულ ნებისმიერ ნაირსახოვან ნიადაგს (რაც „მადამ ბოვარის“ ტიპის ქმნილებას წარმოშობს), არამედ მიწის ურჩ ფენებში გაჭრილ მდინარის კალაპოტს. ამას, პირველ რიგში, თვით როლანი გრძნობდა. მდინარის სიმბოლიკას ჩვენ ქვემოთ შევვხებით.

არ უნდა ვიფიქროთ, თითქოს მასალის შერჩევისას როლანი გაურბოდეს ცხოვრების ბნელ და უღამაზო მხარეებს. ცხოვრებას ისეთად ხედავდა, როგორც სინამდვილეშია და მიიწვ გიყვარდეს, — რომენ როლანი ამას უმთავრეს ღირსებად თვლიდა. სხვა ამბავია, რომ თავის ნაწარმოებებში იგი ჰეროიკულ მხარეს გამოჰყოფს და არა ყოველდღიურ-პროზაულს

საერთოდ როლანის შემოქმედებას და, კერძოდ, მის ბიოგრაფიებს საფუძვლად უდევს მწერლის ფართო განსწავლულობა, ეპოქისა და ხელოვანის მშობელი მხარის თავისებურებათა მიუხედავად ახლის აღსაქმელად მზადყოფნა. დემოკრატიულია რომენ როლანთან საშენი მასალის შერჩევაცა და გადამუშავებული ნელდუქლის მიწოდებაც მკითხველისადმი.

ასეთია როლანისეული გაგება ბიოგრაფიული ენარისა. „ბეთჰოვენის ცხოვრება“, „მიქელანჯელოს ცხოვრება“ და მწერლის სხვა ამგვარი ნაწარმოებები თავისებურად ადგილს იკავებს კაზმულსიტუაციის ამ უფელეს დარგში, სადაც წარმოდგენილია ბერძენი პლუტარქე, როლანის მეგობარი გერმანელი შტეფან ცვიგი, ჩვენი თახამდროვე ფრანგი ანდრე მორუა. ჩანს, როლანს პლუტარქე თავის წინამორბედად მიაჩნდა როლანის ციკლის სათაურშიც იგრძნობა ბერძენი ავტორის „რჩეული ბიოგრაფიების“ გამოძახილი. აღფრთოვანებით კითხულობს ამ ნაწარმოებს კოლა ბრონიონიც.

ნიშანდობლივია ის შემოქმედებითი პროცესები, რომლებიც უბიძგებენ როლანს რეალური პიროვნების ბიოგრაფიიდან მოგონილი პერსონაჟის თავგადასავლის გადმიცემისაკენ: ასე მოჰყვა „უენ-კრისტოფი“ „ბეთჰოვენის ცხოვრებას“, „კოლა ბრონიონი“ კი — „მიქელანჯელოს ცხოვრებას“. კომპოზიტორისა და მოქანდაკის სახეებზე ამდროვე მწერლის წარმოდგენა, სათქმელი მას გაცილებით მეტი გაუნდა, ვიდრე ამას გაეკებება რეალური ცნობების ფარგლებში წარმართულ დოკუმენტურ თხრობაში მოხერხდებოდა. „უენ-კრისტოფის“ შემკვიდრობითი კავშირი ბეთჰოვენთან ტრუნიზშია. სავარაუდოა სიღრმისეული მონაცვლეობა აგრეთვე „კოლა ბრონიონისა“ მიქელანჯელოსთან, თუმცა, ავტორის აღიარებით, ეს უქანასკნელი რომანი მისდა მოულოდნელად იშვა.

ეს ორი პარალელი რამდენიმე მოსაზრებას უხშობს. დიდი ხელოვნების არსებული ნიმუშები თვით არიან მატარებელნი მომავალი, ჭერ შეუტნობი და არანახული ქმნილებებისა. არტულ ისე იშვითად ხელოვანისთვის გზა აღმოჩენისაკენ იწყება არა ცხოვრებისეული ფაქტით, არამედ უშუალოდ ხელოვნების სფეროდან. შესაძლოა, ამასთან იყოს დაკავშირებული როლანის მიერ ფიქსირებული „კარნახის“ ცნებაც, რაზედაც ცალკე გვექნება საუბარი. ვის შეუძლია, მაგალითად, ახლა, გარეშე მდგომის პოზიციიდან განსაჯოს, თუ რაიგი ნაყოფიერი აღმოჩნდა ბალზაკისათვის ერთი შეხედვით შემთხვევითი და გარეგნული მომენტი, როდესაც იგი გაეცნო დანტეს და თავისი „ადამიანური კომედიის“ სათაურზე შეჩერდა? ხელო-

ვანთა მონაცვლობას. წარსულის ოსტატებთან ერთგვარ ერთობლიობას, როლანი მრავალჯერ მიგვანიშნებს. ახალგაზრდებს იგი ურჩევს მიქელანჯელოს ქმნილებების წინ კი არ გაირინდონ. არამედ მოქმედების წყურვილით აივსონ. როლანი ბეთჰოვენის დაკვირვებასაც გამოჰყოფს: პირველივე მიგნებული ბეგრები მთელ ნაწარმოებს შეიცავსო.

თუკი როლანი ცალკეულ შემოქმედთა შრობიურ ნიდაგში გაშვებულ ღრმა ფესვებს მნიშვნელობას ანიჭებდა, საამისოდ მას საკმაო მიზეზი ჰქონდა: მიქელანჯელო მან იტალიის ცის ქვეშ აღმოაჩინა, ბეთჰოვენის შესახებდრად კი გერმანიაში გაემგზავრა. ამ შეხვედრებმა იმდენი „პირველი ზგერა“ მიაწოდა როლანს, რომ ისინი თავისუფლად უნდა განეეითარებინა. ეს ერთ-ერთი მიზეზი იყო ბიოგრაფიიდან რომანზე გადასვლისა, თუმცა მწერალს არც „ცხოვრების“ ენარი მიუტრეებია საბოლოოდ.

როგორც ჩანს, ხატოვანი აზროვნებიდან ანალიტიკურზე გადასვლა უფრო გავრცელებულია: კრიტიკოსი ლეონარდო და ვინჩა მხატვარ ლეონარდო და ვინჩას გამოცდილებას განაზოგადებს. მაგრამ არსებობს თვალსაჩინო მაგალითები პირუკუ ბრუვისა: ასეთია მუსიკათმცოდნე რომენ ოლანი. პიესებისა და რომანების წერას რომ იწყებს. როლანის შემოქმედების ამ საერთო ტენდენციაში გარდამაჟალი რგოლი „გმირული ცხოვრებანა“

რომენ როლანის ბიოგრაფიებს, თემის მიუხედავად, საერთო მიზიდულობის ცენტრი აქვთ: სიყვარული. და ეს საყოველთაო სექტიციზმის, ტრადიციული ფასეულობების გაქიანურებული კრიზისის ხანაში. ამ გრძნობის მრავალი სახეობიდან როლანი აქ ვნებასა და ხორციელ სიყვარულს კი არ მიმართავს, არამედ სულიერ სიახლოვეს, დიდებულსა და ხშირად. ქმური განწყობილების შემცველს (მსოფლიოში სახელმწიფოეკილმა გრაფმა ლევ ტოლსტოიმაუ ხომ ასე უპასუხა უენობი პარიზელი სტუდენტის, რომენ ოლანის, პირველი: „რემო ძმაო“). საკუთარი არსებობის ქარცეცხლში გახვეული ბეთჰოვენი ყურადღებას არ აკლებს ძმისწულს, თან ჰყვება უმაღლერ მამასა და ნათესაობას მიქელანჯელო, ასევე გულუხვია ქალაშვილის, სატრფოსა და მეგობრების მიმართ კოლა ბრონიონი.

შემოქმედების ცერებრული სახესხვაობის ნაცვლად რომენ როლანი რომანტიკული ტიპის ხელოვანს გეთავაზობს, რომლის გენიას გული განაპირობებს (გაეიხსენოთ ალფრედ დე მუხის სიტყვები: „ხელი გულს იყარ, ნიჭი იქ არის!“). თავის ფასეულობათა სკალაში როლანი თუმცა პატვის სცემს ინტელექტს, მს მიონც გრძნობას უმორჩილებს; აკი სილამაზეც სინდისს დაუქვემდებარა. გულში ჰპოიებს როლანი თავის მეგრძოლი ჰუმანიზმისა და ადამიანში რწმენის დასაყრდენს. გული ენახება უკვლა მნიშვნელოვანი მოქმედების მამორჩავებლად. ამაჟ ჰაილუსტრაციოდ ბეთჰოვენის, ეან-კრისტოფისა თუ კოლა ბრონიონის ცხოვრების შატიანის ნებისმიერ ფურცელი გამოდგებოდა.

როლანისეული სიყვარული არსებითად მეოცნებეა. გარდა ამისა, იგი გულუხვია, უფრო გაცემა ეხერხება, ვიდრე მოხვეკა და, რაც მთავარია, სიყვარული იმდენად თავისთავად მიზანს კი არ წარმოადგენს, არამედ მოქმედების საშუალებას. როლანის სამყარო თითქმის გამორიცხავს ეროტიზმს, ამიტომ სიყვარული მისთვის შეიცავს ადამიანური სითბოსა და ენთუზიაზმის ბუნებრივ მარაგს.

კარგია მისი არსებობა, იმიტომ, რომ იგი უზომოდ ამრავლებს ადამიანის შესაძლებლობებს, ბევრად მდიდარს და ამდენად უფრო მიმზიდველს ზღის მის სულიერ სამყაროს.

სიყვარული მოკავშირეა, რომელსაც, მართალია, ზოგჯერ ტანჯვაც მოაქვს, მაგრამ უფრო ხშირად აღმაფრენას გვანიჭებს და, ორივე შემთხვევაში, ხელს უწყობს ინტროსპექციულ ხილვას. როლანის სამყაროს რეალური და წარმოსახვით პროექციბული პერსონაჟების პირისპირ ჩვეულებრივ არც სიღამაზე აღიმართება (როგორც ოსკარ უაილდის „ღორიან გრეის პორტრეტში“), არც სიყვარული (როგორც აბატი პრევოს „მანონ ლესკოში“ ან პროსპერ მერიმეს „კარმენში“), არამედ ქმედება.

სიყვარულის წყალობით როლანის პერსონაჟები პირადი ბედნიერების მოსაპოვებლად კი არ იბრძვიან, არამედ ემორჩილებიან ადამიანური საქციელის იმპერატივს. როლანის ადამიანი ვერც უსიყვარულოდ იმოქმედებდა და ვერც მხოლოდ სიყვარულისათვის.

მოკავშირე სიყვარული რომ აირჩია, რომენ როლანს აქედან გარკვეული დასვენების გამოტანა მართებდა. მან ძალადობაზე აიღო ხელი. ამ რჩევას ქრისტე, განდი და ტოლსტოი აძლევდნენ. სიმართლით, სამართლიანობით, თანაგრძნობით, ალტრუიზმითა და სინდისით აღკუთრებულ ადამიანს რეალურ მოუწესრიგებელ სამყაროში ტანჯვა და დამცირება ელოდა (ჩვენ ვნახავთ, თუ ამ საკიოსნა გადაქა მოუნახა მწერალმა). აქედან რელიგიურ ასექტიზმამდე ერთი ნაბიჯი იყო, რომელსაც როლანი არ გადადგამს — ხასიათის ბუნებრივი კეთილშობილებიანა თუ სიყოცხლის სიყვარულის გამო. თავისი სულიერი მასწავლებლებისაგან განსხვავებით არსებობის არსი ზეციური სფეროებიდან მიწიერ ადამიანზე გადააქვს და მას ნამდვილად დვთაებრივ მოთხოვნილებებს წარუყენებს. უფერულ არსებობათა მტერი, როლანი, მათ ზოლასავით როდი გამოუცხადებს სიძულვილის წმიდა ომს, პირიქით, სანუგეშოდ გადაუშლის ბეთსოვენიისა თუ მიქელანჯელოს მწარესა და უტკებს არსებობას.

თვით ძალადობაზე ხელის აღება როლანთან თავისებურია: არსებითად, ბოროტების გავრცელებას მწერალი ხელოვნებას უპირისპირებს.

ხელოვნება ამხნეებს და აკაეებს ადამიანს, რომელიც მას ემსახურება, ისეთ გამძლეობას ანიჭებს, რომელიც უამისოდ არ ექნებოდა. ასეთნაირად გაგებულ ხელოვნებას მხოლოდ პიროვნების ჩანსალი გაფურჩქვნა ძალუძს. იმიტომ, სხვა არგუმენტებთან ერთად, ეს გარემოება აშართლებს ხელოვნებისადმი ნდობას. ხელოვნება ერთგვარად „სულთა მკურნალია“, ტონუსის მიმცემი. ასე ხელავეს როლანი მიქელანჯელოს ხედვას: სუსტ და წინააღმდეგობრივ ადამიანს ხელოვნება გარდაქმნის და გასახიფოსნებს, რათა მიწიერი არსებობის მწვერვალებზე აიტაცოს იგი. სხვა გარემოებაში წვრილმანი კაცი ამიერიდან გარდუვალი, თითქოსდა მისგან დაშოუკიდებელი, და მარად ვანახლებული შინაარსით იცემა.

შემოქმედებითი წვა წარმატცი ფორმაა არსებობისა, ხელოვანისათვის — უბრეტი სიხარულის წყარო. ამ ორივე მიზეზით, ნაწარმოების წარმოშობის საიდუმლოება როლანის შეუნელებელ ყურადღებას იპყრობს. მწერლის დაკვირვების და თვითდაკვირვების შედეგად დასტურდება სხვათა მიერ ამ ბურუსით დაფარულ

მხარეში აღმოჩენილი კანონზომიერება და ჩვენს ცოდნას რამდენიმე ახალი კრი-  
ტალი ემატება. აქ ბევრ რამეში შთაბეჭდილებას, შეგარძნებას, შეუმოწმებელ ასო-  
ციაციას უნდა ვენდოთ.

ერთი დაკვირვება მრავალგზის გვხვდება მიქელანჯელოზე თხრობისას და სხვა-  
განაც: დიდოსტატის ხელიდან, გვეუბნება როლანი, ქმნილება თითქოსდა მის  
დაუკითხავად გამოდის, შთაგონება თუ სხვა რამ უსახელო ძალა მის სხეულს  
ბრძა, მორჩილ იარაღად იყენებს, ქმნის მის მიღმა, მასზე გავლით. შედეგი,  
იღბლიან შემთხვევაში, სიცოცხლის განუმეორებელ ნაპერწკალს შეიცავს, თაობებს  
რომ მოაჯადოებებს და რომლის ზუსტად იმავე სახით ხელმეორედ მიღება არავის  
ძალედს, თვით ავტორის ჩათვლით. ეს კარგად იციან ხელოვნების მოყვარულებმა,  
როდესაც მხატვრის მიერ რამდენჯერმე ასახული სიუჟეტოდან ერთ რომელიმე ეგ-  
ზეშმალარს ამოიჩემებენ, ანდა ავტორისეულ ასლს დედნისაგან რომ გაარჩევენ. ეს  
დაკვირვება არ არის ახალი. მას რომენ როლანი თავის შემოქმედებაზეც ახდენს,  
როდესაც „კოლა ბრონიონისათვის“ დაწერილ წინასიტყვაობაში „კარნახის“ ცნება  
შემოაქვს. მკითხველს ეუბნება, ასეთი მოულოდნელი ნაწარმოების შექმნით თა-  
ვდაც ვაოცებული ვარო. ოინბაზ „კოლა ბრონიონის“ თვითნებური გამოჩენა ორი  
„ოღნავ ტრაგიკული ატმოსფეროს“ შემცველი ჩანაფიჭრის განხორციელების ნაც-  
ვლად რალაციტ გვაგონებს მოგზაურობის დროს გასართობად დაწერილ ერთმ  
როტერდამელის „სისულელის ქებას“, რომელსაც ავტორი მნიშვნელობას არ ანი-  
ჭებდა და რომლის გარდა დღევანდელი მკითხველი მისას ააფერს კითხულობს.  
წარსულის კოლა ბრონიონებში, განაგრძობს როლანი, მე თავიანთ „მდიენად“ ამი-  
ყვანეს:

„რა გაეწყობოდა? იძულებული ვიყავი დაემორჩილებოდი და მათი კარნახით  
მეწერა“

ცნებანი და ვითარება „აღაძიანური კომედიის“ წინასიტყვაობიდან გვაგონება  
გადმოღებული: „შემთხვევა მსოფლიოს უდიდესი რომანსტიკა, ნაყოფიერი რომ  
იყო, უნდა შეიწავლო იგი. ისტორიკოსი თვით ფრანგი საზოგადოება უნდა ყუ.ფ.-  
ლიყო, მე მისი მდიენობადა დამარჩენოდა.“

ეს დამთხვევა კანონზომიერია: ორივე შემთხვევაში რეალისტმა მწერლებმა  
სინამდვილის კარნახით რეალისტური ნაწარმოებები შექმნეს.

მსგავსი სიტუაცია გამოხატა პაბლო პიკასომ. როდესაც „გერნიკას“ სიმძაფრით  
გაოცებულმა ესესელებმა მხატვარს ჰკითხეს:

— ეს თქვენ გააკეთეთ?

პიკასოს უპასუხია:

— არა, თქვენ.

რა არის ეს, თუ არა რეალური სამყაროს მდიენობა? მაგრამ, ჩანს, ამ კარნახის  
პროცესში ხელოვანი არც ისე პასიურია, როგორც ამას ერთი შეხედვით ბალზაიკ,  
როლანი ან პიკასო გვეუბნებიან. მართლაც, ასეთივე „კარნახით“ ჯეიმს ჯოისმა სულ  
სხვა ხასიათის, „ქვეცნობიერების ნაყლის“ ნაწარმოები მიიღო — „ულისე“, მარ-  
სელ პრუსტის „დაკარგული დროის ძიებაში“ კი სინამდვილემ მანამდე არნახული  
არეკლა ჰპოვა. მასასადამე, მასალის გადამუშავებისას გუზს შემოქმედი იძლევა.

ამას ანდრე ბრეტონმა ხელოვანის კონტროლი უწოდა, მოხსნა ეს კონტროლი და მიიღო „ავტომატური წერის“ ნიმუშები, ანუ სიურრეალიზმი, „ზე-რეალიზმი“.

როგორი სიმკაცრითა და აწესრიგებს რომენ როლანი მის მიერ განხილულ სხვა მოვლენებს, ასევე აწესრიგებს იგი შემოქმედებითი პროცესის ამ სათუთ უბანს. აქაც, როგორც „გმირული ცხოვრებებისათვის“ მასალის შეკრებისას, მწერალი ნაწილს ღებულობს, ნაწილს უკუაგდება არჩევანის უფლებით. თუმცა როლანი ჯოისისა და პრუსტის ძიებების მოწამე და თანამედროვე იყო, მან მხოლოდ ერთი სახეობა აირჩია „კარნახისა“ და თავის შემოქმედებაში დაამკვიდრა: რეალისტური, ბალზაკისეული კარნახი, რომელსაც იგი ზედაეს, თითოეულ ეპოქასა და ქვეყნის თავისებურებების გათვალისწინებით, ბეთჰოვენის სიმფონიებში, მიქელანჯელოს ქანდაკებებსა და სიქსტის კაპელის მონახტულობაში, ჟან-კრისტოფის თხზულებებში, კოლა ბრონიონის ხელში გამოქორულ სახეებში.

სიამეთა და ტანჯვის პროპორციას შემოქმედის არსებობაში თვით სიცოცხლე განსაზღვრავს. აქ როლანი სინამდვილის ძვგრას უგდებს ყურს. სიამე თითქმის არ უგებია მიქელანჯელოს, კოტა სინარული ზედა წილად ბეთჰოვენს, არა ერთი ბედნიერი წუთი ჰქონია ჟან-კრისტოფს, ხოლო კოლა ბრონიონი ისე განეწყო, რომ ბუნებისაგან თავისი წილი ღებნა მიეღო. დანარჩენი დრო? დანარჩენი თითქმის ეოთიანად ტიტანურ შრომას უქირავს. ამჟამა ზიზლს იწვევს როლანსა და მის პერსონაჟებში უსაქმურობა.

„დანტეს ცხოვრებაში“ ბოკაჩო მოგვითხრობს თუ როგორ კითხულობდა დანტე ფლორენციის ერთ პატარა მოედანზე, სკამზე პირქვე დაწოლილი, წიგნს, რომელშიც დაინტერესა: ქუჩაში ხალხმრავლობა იყო და ცეკვა-სიმღერით ახალგაზრდების ჭგუფსაც ჩაუვლია, მაგრამ დანტეს საღამომდე ერთხელაც არ აუღია თავი, ვიდრე წიგნის ბოლო ფურცელი არ ჩაუკითხავს. გარე სამყარო ამ ხნის განმავლობაში მისთვის არ არსებობდა.

ასეთი თავდავიწყებით, გაშმაგებით შრომობენ როლანის პერსონაჟები. ცხადია, როლანს არ მოუგონია დაუცხრომელი ქიდილი, სიქსტის კაპელის მონახტვის ეპიზოდი. სმენადარსებულ და ბოლოს მთლად დაყრუბულ ბეთჰოვენს მუსიკის სტიქიონი თან სდევდა ქუჩაში, საუბრისას, არისტოკრატულ სალონში. წერის დროს სანოტო ნიშნები გიჟურ სრბოლაში ვერა და ვერ ეწეოდნენ ბგერებისა და აკორდების მოზღუაებას, ფანტაზიის ბოპოქრობას. შესაძლოა ამ შემთხვევაშიც, მისი ავადმყოფობის გამო, ბეთჰოვენის მაგალითი სხვაზე თვალნათლივ მოწმობდეს იმას, რომ რეალურ შეგრძნება-შთაბეჭდილებებსა და გამოცდილებებზე დაყრდნობით ხელოვანი სულ სხვა, შემოქმედების სამყაროში გადადის, სადაც ყოველდღიურობის კანონზომიერება ქარწყდება და ძალაში შედის მისი გენიის დაუწერელი კანონები. სხვანაირად რომ ყოფილიყო, იგი ვერც შექმნიდა ცოცხალ სამყაროს, პომეროსის ეპოსისა ან ესქილეს ტრაგედიებივით სიცოცხლისუნარიანს, რომლებიც მსოფლიო იმპერიების ზრდასა და გაქრობას მოეწონენ ისე, რომ მათ ნათელმზილველ ტექსტში ერთი სტრიქონიც არ დამხობილა

თავის პრაქტიკულ საქმიანობაში ადამიანი ხელმისაწვდომ მონაკვეთებს აწესრიგებს. ხელოვნება კი თვალწინდენულ სივრცეებს ეკიდება. ორივე ერთნაირად აუცილებელია კაცობრიობის წინსვლისათვის: პრაქტიკული საქმიანობის გარეშე

იგი ფიზიკურად დაიღუპებოდა, ხოლო ხელოვნების შუქს მოკლებული ბრძანსავე რეალობის კედლებს გაჰყვებოდა. ერთის საზოგადოებრივ მხარეზე არ უნდა მიუყუდნოთ ამ პრობლემას რომენ როლანი ხელოვნებისა და საზოგადოების რთულ ურთიერთობაში იხილავს.

როლანის მიერ გადაშლილი შემოქმედებითი შრომის შენაარსი ის არის, რომ აქ ხედება წამოიჭრა მარადიულს, ზედაპირული — არსებითს და თვით სიცოცხლის ფაქტა, შესაძლოა, ყველაზე მძლავრად აქ გაისმოდა.

გარდა ამისა, ხელოვნების დიდ ქმნილებებს შორისაც არის განსხვავება: ზოგნი შედარებით ვიწრო და ენტიმურ სფეროს განიხილავენ, ერთეულნი კი სამყაროს მის მთლიანობაში ექიციან. ეს უნივერსალური ტიპი იზიდავს როლანს მიქელანჯელოსა და ბეთჰოვენის სახით.

ამ ორი ელემენტის — შრომისა და ხელოვნების — გადაჯვარედინებაში თავს იყრის რომენ როლანისათვის სხვა საკვანძო ფასეულობანიც.

შრომის თემის შექცევითი როლანი დემოკრატიული პოზიციებიდან იძლევა ხელოვნების ფენომენის ანალიზს. მიუხედავად ხელოვნის სოციალური მდგომარეობისა — არისტოკრატია იგი, მდებრივ თუ გლეხი, მისი შემოქმედება არის სერიოზული შრომა, უღელი და არა შრომა-გართობა, წარჩინებულთა ან არილიგებულთა ლამაზი თავშესაქცევი. ჰოდა, როლანის ფიქრით, შემოქმედებითი შრომა ერთგვარად მიწათმოქმედებას უახლოვდება (სიტყვამ მოიტანა და ისიც აღვნიშნოთ, რომ ქართული ენის არსამა როლანის საყვარელი ეს სამი ცნება ფუძით დააკავშირა. მოქმედება, შემოქმედება და მიწათმოქმედება, მართლაც, ფრანგი მწერლისთვის ადამიანის დამოკიდებულებას გამოხატავს სამყაროს მიმართ). მიწათმოქმედება და შემოქმედება, ორივე სასიცოცხლო მოთხოვნილებას უკმაყოფილებს (ამრიგად მიუახლოვდა როლანი ბოდლერის დებულებას: პოეზია პურივით აუცილებელია), ორივე დამკანცხელია და ნაყოფიერების სამსახურში დგას. არსებობს სიღრმისეული ახალგაიაც გლეხის მიწასთან ურევეი კავშირისა და შემოქმედებისა — ცხოვრებასთან. მოქმედება ორივე შემთხვევაში შექერას გულისხმობს (მიწაში, ცხოვრებაში) და როლანის ხელოვნება-მშენებარე, როგორც ვთქვით, ასეც იქცევა

ამ ვითარების ნათელსაყოფად რომენ როლანი ხელიდან არ უშვებს შემთხვევას, რომ არ შეაქოს ბეთჰოვენის თუ მიქელანჯელოს „გლეხური“ თვისებები. მთენი სისრულით კი ამ სახელოვეს გამოხატავს კოლა ბრონიონი, გლეხი-ხელოვანი. კლამსლის თავზე დატეხილი მრავალი ქირისა, ბელის უკუღმართობისა თუ ადამიანთა სულმდაბლობის მიუხედავად, ამ ორ საწყისში სიხარულისა და სისავის საწინდარია.

ცხადია, ამ შეწყვილებას პატრიარქალობის ელფერიც გადაჰკრავს, ისმის გამოძახილი რუსოისტული თეზისისა, რომელიც მოგვიანებით თავს იჩენს „მანქანათა ჯანყის“ ტექნიკური ცივილიზაციის გროტესკულ აბსურდულობასა და პირველყოფილ ადამიანთა მოდგმის ყოფის იდილიურ სურათებში.

შრომისა და ნიჭის გარდა, ხელოვნებისათვის არც ის არის უმნიშვნელო. თუ რა ცხოველყოფილობა მიაქვთ მის საყრდენზე. ვინაიდან როლანისეულ ზნეობრივ ხელოვნებაში ურეულობის იგვეც გამოვლინებანი ფასობს, რაც ნამუთიან ცხოვრებაში, კემარტ პარმონის ოსტატი მაშინ მიაღწევს, როცა მას, ბეთჰოვენი-

ვით. პირადი ვეჯაცობა და მტკიცე ხასიათი აქვს. ასეთ ძღვენს ხელოვნებაც საკადრისად უპასუხებს, იქცევა ჩრეულ სულთა ელექსირად და ამავე სიმხნევეს უბრუნებს გახსაცდელისა თუ ეჭვის ემს. გამწარებული, იმედგაცრუებული, გაუგებრობის ბარიერთან შიმწყვდელი ბეთპოვენი მუსიკამ იხსნა თვითმკვლევლობისაგან: ხელოვნება სამკვდრო-სასიცოცხლო რამაა.

არ შეიძლება გვერდი აუარო ალტრუისტულ აქტს, რასაც არსებითად წარმოადგებს ხელოვნება წიგნის დაწერა თუ ქანდაკება განუყოფელია როგორც შრომისაგან, ისევე გულუხვობისაგან. ბეთპოვენთან ეს თითქოს აშკარაა. ამიტომაც უფრო გააფთრებით უკუაგდებს როლანი მიქელანჯელოს წინააღმდეგ დახეავებულ სიძუნწის ბრალდებებს. როლანისათვის ძუნწი გენიოსი ისეთივე შეუსაბამობაა. როგორც, ალბათ, მუნჩი მქადაგებელი

აქ კვლავ მელანდებდა როლანისეული რწმენა ხელოვნების სიწმინდისა, სისპეტაკისა. საიდანაც გამოძინარე მწერალი განასხეავეებს ნამდვილ ხელოვნთ (მხოლოდ ესენი არიან ღირსნი ამ სახელისა) ხეა დანარჩენ მღებავთა თუ მკლანდელთაგან, რომლებმაც თავიანთი ამორალობით წინასწარვე დაგმეს საკუთარი თავი. ასეთია პეტრო არეტინო, რომლის სილუეტი რამდენჯერმე უხალისოდ გაიფლევებს მკითხველის თვალწინ „მიქელანჯელოს ცხოვრებაში“. ესეც მოქანდაკის ევთილი სახელის დაცვის აუცილებლობამ მოიტანა, თორემ როლანის ზიზღი ავბორცობის მიმართ ისეთია, რომ იგი თავს ძალას ატანს და იძულებული ხდება ასეთი პიროვნებების გამოყენებით დაიმცროს კალამი. ამ მხრივ როლანის მორალურ შეტრეივებლობას, ერთგვარ პურიტანიზმსა და დასავლური ლიტერატურის ერთი ნაწილის „ღამის კიდემდე მოგზაურობებს“ შორის საგრძნობი ზღვარია. რა თქმა უნდა, ცნობილია, რომ სწორედ მორალური შეფასების ფაქტორი იჩენს დროთა განმავლობაში ღიდ ცვალებადობას (ბეთპოვენის მუსიკა ზოგ მის თანამედროვეს უზნეოდ და გარყენილად ეჩვენებოდა, ხოლო არეტინოს ნაწარმოებთა დადებითი გადაფასება ახლა მიმდინარეობს), მაგრამ როლანი სამყაროს მყარი მოწესრიგების შინაგანი მოთხოვნილებიდან გამოდის.

როლანი გვიჩვენებს მორალურ თ ა ე დ ა კ ე რ ი ლ ო ბ ა ს და უბიწოებას, რის გამოც იგი თავისუფლად გრძნობს თავს მოზარდთა თუ ახალგაზრდათა აუდიტორიის წინაშე (ამიტომაც იქცა „ბეთპოვენის ცხოვრება“ მთელი ერთი თავიანთი განუყრელ თანამგზავრად). მას არ სჭირდება მიმართოს რაიმე საგანგებო „თვით-ცენზურას“, ვინაიდან ეს უკანასკნელი მასში გამუდმებით მოქმედებს, მისი ნიჭისა და ბუნების ნაწილია. ასე შეაქვს თვით როლანს დაზუსტება ზემოხსენებულ „კარნახის“ ცნებაში.

ქეშპარიტი ზნეობა როლანის მიერ გამოყენილ პიროვნებებსაც ახასიათებს. ამის გამო ისინი ზოგჯერ სტოიციზმისა და ბერად შედგომის მიჯნაზე აღმოჩნდებიან ხოლმე. ალტერნატივის შემთხვევაში მიქელანჯელო და ბეთპოვენი პირად ევთილდღეობას ხელოვნების მოთხოვნებს ანაცვალებენ. მაგრამ ნუ დაევიწყებთ, რომ ჩვენ აქ საკმე გვაქვს ნამდვილ ამბავთან და რომ მწერალი მხოლოდ ამა თუ იმ მხარეზე ამახვილებს ყურადღებას. თუმცა შემოქმედებითი პროცესი და ესთეტიურ ლირებულებათა შექმნა თავისთავად ხალისის მომგვრელია. როლანს სურს, როგორც ჩანს, უშუალოდ ხელოვნის არსებობაშიც მეტი სიხარული დაგვანახოს.

იქნებ ამით მწერალი ხსენებულ ასკეტ-ზმის ცუხენებასაც განზრახ უპირისპირდებოდეს ეს შესაძლებლობა მას მხატვრულ ნაწარმოებებში ეძლევა: „კოლა ბრონოონისა“ და „უან-კრისტოფის“ ატმოსფერო უფრო გამაზარია მეგობრობით, სიყვარულითა და თანაგრძნობით, ვიდრე „გმირული ცხოვრებანი“, როლანი აქ კაცობიერებას გვიანდერძებს.

ბიოგრაფიების ციკლისათვის მოგვიანებით მიცემულ სათურშიც და თვით ტექსტშიც რომენ როლანი საგანგებოდ გამოჰყოფს შემოქმედების გმირულ ასპექტს. როლანი ემოციება გმირობის განყენებულ. შელამაზებულ და მიუდგომელ გაგებას. ასეთი გაგება მისთვის ადამიანური შინაარსისაგან არის დაკლილი. მწერლის კონცეფციით გმირობა მტკიცდება ადამიანის სისუსტეთა მიუხედავად, ან თუნდაც მათი მეოხებით. გმირობის მთავარი საზომი გულია, მიზანი კი — ადამიანთა ურთიერთობის სრულყოფა. სულდგმულის უმაღლეს ღირსებას განსაზღვრავს სიცოცხლისთან რაც შეიძლება ახლო მისვლა, ეს კი გმირობაა

გმირობაა თუნდაც იმიტომ, რომ გზად ადამიანს აუცილებლად ტანჯვა გადაეღობება. ჩვენ უკვე ვახსენეთ რომანტიზმთან და, კერძოდ, ალფრედ დე მიუსეს და ვიქტორ ჰიუგოს მსოფლშეგრქნებასთან როლანის შეხების წერტილები. ტანჯული ხელოვანის სახე როლანიან გარკვეულად უახლოვდება მიუსეს „ვარჩეში“ და სახელ ალგორიას პოეტისა, რომელიც საკუთარი სისხლით წერს ლექსებს. ოღონდ ან ხილვაში როლანს მძლავრი ოპტიმისტური კორექტივი შეაქვს. ამაში ბეთოოვენის ცოცხალი მავალით ეხმარება. სწორედ კომპოზიტორის მიერ განვლილი გზიდან გამოაქვს როლანს მთელი თავისი მოღვაწეობისათვის გამოსადევი პარაბოლა: ტანჯვის გავლით — სიხარულისაკენ.

პარაბოლა სხვა მხრივაც გვიანტერესებს. იგი, როგორც წვეთი, არეკლავს არა მხოლოდ „ბეთოოვენის ცხოვრების“ შემაქამებელ სიბრძნეს, არამედ შეიცავს „უან-კრისტოფის“ ჩანაფიქრსაც. ეს არის თავისებური მათემატიკური პროგრესიის პირველი წევრი: სხვადასხვა ელემენტების მიმატებით (ან გამოკლებით) ვლენებლობთ ორ ან მეტ დამოუკიდებელ თვითმყოფად ნაწარმოებს. ცხადია, ყოველივე ეს ხდება შემოქმედების რთული პროცესების გავლით და არა შაშის პარტიის კანონზომიერებით. ასეთი პროგრესიული წყობა ბევრ ნაწარმოებში შეიმჩნევა. ამასვე გულისხმობს ბეთოოვენისეული „პირველი ბგერა“. შექსპირის ტრაგედიების პირველსავე მოქმედებაში ხედავენ კონფლიქტის ჩანასახს. ამოსავალი წერტილის ძიებით იწყება გოეთეს შედეგრი. და როდესაც დოქტორი ფაუსტი ბიბლიის თარგმნისათვის მისეულ ეკვივალენტს მიაგნებს — „დასაბამიდან იყო ქმედება“ — „ფაუსტი“ უკვე „დაწერილია“. მოულოდნელ „პირველ წერს“ გვთავაზობს ბალზაკი „ადამიანური კომედიისათვის“. „ამ ნაწარმოების იდეა, — წერს იგი, დაუბადა კაცობრიობისა და ცხოველთა სამყაროს შედარებიდან“. აქაც მოპოვებულა ვეება ფრესკის დედააზრი. თვით ეს სიტყვა „დედააზრი“ უღვება ამ მოვლენას, რადგან სწორედ იგი ბადებს ნაწარმოებს. ამ უკანასკნელ მხარეს ჩვენ კიდევ დაუბრუნდებით.

დედააზრის ხორცმესხმის თავისებურ ფორმას წარმოადგენს პორტრეტის ეიზაყი. მას როლანი ზოგჯერ დასკვნის ნაცულად მიმართავს. ასეთია „ბეთოოვენის ცხოვრების“ ბოლოს შესანიშნავი აბზაცი, რომელიც იწყება სიტყვებით: „მისი



სიტუაციაზე ქარიზმლიან დღესა ჰგავს“ და სადაც ერთი დღის ცვალებადი პეიზაჟი შეესატყვისება კომპოზიტორის მიერ განვლილი გზის მთავარ ეტაპებს. იმაზე, რომ ეს შემთხვევითი ხერხი არ არის. მეტყველებს „მიქელანჯელოს ცხოვრების“ ბოლოს სხვა ამდაგვარი პორტრეტი-პეიზაჟი: „ღიადი სულები მაღალ მწვერვალებს გვანან“... ამ მწვერვალებზე ასვლა, გვეუბნება მწერალი, განახლებს ჰაერს ფილტვებში და ახალი ბრძოლებისათვის მოგვიმზობს

პორტრეტი-პეიზაჟი კლასიკური ფორმით ჭერ კიდევ შარლ ბოდლერმა შემოიღო „შუქურბში“, სადაც რუბენსის, ლეონარდო და ვინჩის, რემბრანდტის და სხვათა დახასიათებას თითო კატრინე ეთმობა (გარდა დელაკრუასი, რომლისაც ლექსის ოთხი დასკენით; სტროფი უჭირავს)

მიკთხველს შეუძლია როლანის მიერ დახატული მიქელანჯელოს პორტრეტი-პეიზაჟი ბოდლერისეულ წარმოსახვას შეუდაროს.

მიქელანჯელო, ეს ბურუსი, სადაც ქრისტეებს  
ჰერაკლები აღრევიან და სად კირთებით  
წამომართულნი წყედიადიდან წყედიადს მისდევენ  
და თეთრ სუდარას დაკრუნჩხული ხევენ თითებით \*

პორტრეტი-პეიზაჟი მხოლოდ ერთი განზომილებათაგანია რომენ როლანთან ბუნების თემისა. როგორც მოტანილი მაგალითებიდანაც ჩანს, მწერალი თვალსაჩინო ადვილს უთმობს ბუნებას თავისი პერსონაჟების ენებიან სამყაროში. ცხადია, ამ მხრივ ყველაზე თავისუფლად იგი თავსა გრძნობს ეან-კრისტოფთან, რომელიც შადღღერებით ერწყმის მამა-ჩაინის მაცოცხლებელ სტიქიონს, მშობლიური გერმანიის, მეზობელი შვეიცარიისა თუ გულით არჩეული სამშობლო-საფრანგეთის ბუნებას. როდესაც ისტორიულ პიროვნებებთან აქვს საქმე, როლანმა ნამდვილ ძონაცემებს უნდა გაუწიოს ანგარიში: ბეთჰოვენს უყვარდა ბუნება, რომლის მიმართ მიქელანჯელო მეტ-ნაკლებად გულგრილი იყო. მიუხედავად ამისა, თვით მწერლის ლამოკიდებულება ბუნებისადმი ორივე შემთხვევაში ახერხებს გამოვლინებას და სწორედ ამგვარად განმტკიცდება როლანისეული ერთიანი საწყისი, რაზედაც უკვე გვქონდა საუბარი როლანმა ჩინებულად იცის ბეთჰოვენის ბუნების ტრფილის წინა პლანზე წამოწევა. მიქელანჯელოს მოთმინებით ელის, სანამ სიბერეში შესული მხატვარი ბუნებისაკენ იგრძნობს ლტოლვას და მაშინ როლანიც მორიდებით ნათელყოფს ამ შემობრუნებით მოპოვებულ სიმშვიდესა და წონასწორობას.

ახლოს დგას იგი ბუნებასთან თუ შორს. ხელოვანი მის სიღრმისეულ არსს დაეძებს და გამოხატავს. ფაქტიურად, იგი ყოველდღიურობასთან შედარებით სხვა, თავისი ხელოვნების რეალობაში არსებობს. მაგრამ, ხელოვნების დიალექტიკის თანახმად, სინამდვილის შესაცნობად ჭერ უნდა დაშორდეს მის ყოველწამიერ გამოვლინებებს, რათა აღიქვა გარდუვალი ბირთვი. მართალია, რომენ როლანი მთავარ ამოცანად ისახავს გააშუქოს შემოქმედების ადამიანური განზომილება და ამიტომ მეტწილად გაკვრით ეხება ამ „განზე გამდგარობას“, რომლის

\* თარგმანი გივი გეგეკვიორისა.

ალსახიშხავად იგი ვითვან ბეთოვენის სიტყვებს მოიშველიებს. ბეთოვენი ამბობს, რომ მისი „სამეფო ჰაერშია“, რაც მოგვაგონებს ანალოგიურ სახეს, ჟან-პოლ სარტრის „სიტყვებს“ დაიწვებით რომ გაქყება, ანდა ალბერ კამიუს ნოველების კრებულს. რომლის სათაურშივეა გადმოცემული ყოველდღიურობისა და არსებობის დაპირისპირება: „სამეფო და ჯანდენა“

არსებობის საკითხმა კიდევ სხვა განზომილებასთან მიგვიყვანა. მართლაც, არსებითი ხომ კონდენსირებული რეალობაა. ეს მხარე ზუსტად გამოხატა მაიაკოვსკიმ: ერთი გრამი მხატვრული მასალის მისაღებად საჭიროა ათასობით ტონა სიტყვის ნედლეული გადაამუშაო. ასე გადადის რაოდენობა ნაწარმოების ხაზისში. ამავე ვითარებას გამოხატავს სხვაგვარად ჭეშინჯუის აისბერგის ცნება. ყოველივე ეს მიუთითებს ხელოვნების ინტენსიურ არსებობაზე, ექსტენსიურად მიღებული ცოდნის ერთი მიმართულებით ზიღვა-აყოლებზე (ამ შინაარსსაც წეღება როლანსიეულა ილინარის სიმბოლო). ინტენსიური არსებობა ხელოვანში იწვევს სურვილს, რომელსაც ესოდენ კარგად გამოხატავს ბეთოვენი ვეგეტერისადმი მიწერილ ბარათში: „ო! რა მშვენიერია ათასი სიცოცხლე იცოცხლო!“ სწორედაც რომ ბეთოვენის სიცოცხლე — ათასი სიცოცხლეა. ეს სიტყვები იმდენად ნიშანდობლივი მოიჩვენა რომენ როლანს, რომ თავისი პატარა ბიოგრაფიის ფურცლებზე მათ სამ ადგოლას იმეწმებს.

ინტენსიურ არსებობას როლანის პერსონაჟები აბსოლუტის ძიებასთან მიჰყავს. ჩვენ გვახსოვს, რომ ბალზაქის სტუდენტმა რაფაელ დე ვალანტენმა სცადა სრული ნეტარება ეგემა და ამისათვის უმოკლესი გზა ამჟობინა — შვიდინა ჯადოსნური შაგრენის ტყავი, მაგრამ, როგორც ჩანს, აქაც ირიბ გზას უფრო ხალხურად მიეყავართ მიზანთან, ვიდრე სწორს. ტყუილია, თითქოს მიქელანჯელოს და ბეთოვენს ცოტა სიხარული ეგემოთ ცხოვრებაში. სინამდვილეში წარმავალ პატარა სიამებზე ხელის აღებით ისინი ეზიარნენ ათასი სიცოცხლის სიხარულს, რაც არც იმდენთა ხვედრია. ამიტომ სავსებით სწორია როლანე თავის „გმირულ ცხოვრებათა“ დადებითი ჯამის გამოყვანისას. რაფაელ დე ვალანტენმა, იმ არა, მიქელანჯელო ბუნაროტიმ და ლუდვიგ ვან ბეთოვენმა იპოვეს, როგორც დღეს იტყოდნენ, აბსოლუტის ძიების ოპტიმალური ვარიანტი. მხოლოდ სიამეთა მოხვევით ყოველგვარ სიამეს ჰყარავ და გრჩება მხოლოდ სიცარიელე და სასიზმარაკვეთილება. მიღებული ტანჯვისა და სიმწრის საპასუხოდ უხვად და სამარადისოდ გაცემული სიხარულით კი მთელი ამ ქვეყნის პოტენციურ სიხარულს ეზიარებენ.

ხსენებულ თვისებებს უმაღლის ხელოვნება იმ პატივისცემას, რასაც მის მიმართ მოკვდავნი იჩენენ. უკმაყოფილო ბეთოვენის წასვლა ვენიდან ავსტრიის სირცხვილი იქნებოდა და ამ ქვეყნის მოამაგენი ყველა ღონეს ხმარობენ, რათა თავიდან ააცილონ მშობლიურ მხარეს ეს დამცირება. ხელოვნება არის გენიის გმირული დაძაბვით მიღწეული სულის იშვიათი განწყობილება, უხვანესი გამართლება ადამიანური არსებობისა, მისი უსაზღვრო შესაძლებლობების ხელშესახები დასტური. ხელოვანს, რომელიც თავის განზოგადებაში ჯალადი სინამდვილის მიღმა შეაღწევს, სჭირდება სულიერი საჭმუშევედვე რომლის უქონლობას ბევრნი და. იერძოდ, დოსტოვესკიცი უჩიოდა და შატკარაძეოვი საზრუნავისაგან

2 რ. როლანი

განტვირთვა. ხშირად ადამიანები და საზოგადოებები გაბრაზებულნი უკუაგდებენ გენიის შექრას ჩვეულებათა მდორე სფეროში, ამ ჩარევისაგან უხერხულობას გრძნობენ და ცდილობენ მისი გამოშფევეი გასრისონ. დრო და გენიის გასხივანებული სიაშუარავე ზოგჯერ აიძულებენ თანამედროვეებს აღიარონ იგი. გარემოებათა ბედნიერი დამხვევისა: ვარაუდობენ ცდილობენ შეუქმნან გენიას სათანადო პირობები. თუმცა, ყველაზე ხშირად, კეთილი ზრახვანი დიდხანს ვერ უტოლდება სინამდვილის მკაცრ შეხებას. უიშვიათესი გამონაკლისის გარდა, გენია იძულებულია საკავშირის დაქვემდებარე ნაწილობრივ კაცობრივ წინააღმდეგ, ანდა მისდა მიუხედავად გაეკეთოს. ამ ვითარებას რომენ როლანი ნათლად აღიქვამს და გამოხატავს „წინამორბედის“ წინასიტყვაობაში.

ეს პრობლემა გაშლილია ბიოგრაფიებში, ერთის მხრივ, გენიისა და ბრზოს ურთიერთობის ასპექტით. მიქელანჯელოსა და ბეთოვენის მტერი და ავის მოსურნე იმთავითვე ბევრი ჰყავდათ. მიუხედავად ამ დაპირისპირების სიმძაფრისა, ცხადია, რომ მთავარი ბრძოლის ხაზი აქ არ გადის, რადგან გენიის დანიშნულება ხომ სწორედ შემყენარებლობის დამკვიდრებაა და ახალ შესაძლებლობათა აღმოჩენა.

მაგრამ არსებობს დაპირისპირების სხვა ხაზიც, სადაც გენია რეაქციულ წესწყობილებებს უნდა გაუძღვოდეს. ხელოვანს რომც არ უნდოდეს, ეს დაპირისპირება გარდუვალია. რეაქტია ფანატიზმს ეყრდნობა, ხოლო ფანატიზმის პირველი მტერია კრიტიკული გონება და შემოქმედება. ფანატიზმის მასაზრდოებელი არისა ვიწრო და უცვლელი დოგმა, შემოქმედების კი — ნაცნობისა და უცნობის მიჯნაზე ძიება, მოულოდნელი და წინასწარ გაუთვალისწინებელი აღმოჩენები. ექვი, ძიება და აღმოჩენა აშოშინებს და ნოსტალგიას და გამოირიცხებს ბრმა თვითაჭრებულობას. ამიტომ თრგუნავენ პაპები და არისტოკრატები მიქელანჯელოს, ამიტომ ელის ვოლტერს ბასტილია, დიდროს კი ვენსენის საპრობილე, ხოლო ბეთოვენს, ფლობერი და ბოდლერი სხვადასხვა დროს უზნეობის ბრალდებას უზნეოთაგან იშვენენ.

ამ პრობლემას გულისუფრით იხილავს როლანი თავის ნაწერებში. სოციალურ-ისტორიული ვითარებისა და არტისტული ტემპერამენტის მიხედვით ხელოვანი სხვადასხვაგვარად უპირისპირდება რეაქციას, მათი მიზანი კი ერთია. ეს იწლევა ბეთოვენის ტოტალურ ჯანყს, გოეთეს გონივრულ, მაგრამ არა ნაკლებად მტკიცე და მთლიან პოზიციას, ანდა მიქელანჯელოს მოჩვენებით მორჩილებას და თავდაცვისათვის მოშველიებულ დამამცირებელ ხერხებს. ამ მხრივ ხელოვნება გამონაკლისის კი არ წარმოადგენს, არამედ განუყოფელი შემადგენელი ნაწილია კაცობრიობის წინსვლისა. ხელიხელჩაიდებული მეცნიერი და ხელოვანი სლიდარულნი არიან: მიქელანჯელო იქნება ეს თუ გალილეო გალილეი, ისტორიულ ჯერს-ბექტივაში რეაქციონერ ხელისუფალათვის მათთან გათამაშებული პარტია წინასწარვე წაგებულია.

უფრო დაწვრილებით შევჩერდეთ გოეთესა და ბეთოვენის ურთიერთობიდან ვაიმარის გახმაურებულ ეპიზოდზე, სადაც მისალმება-არმისალმებისა თუ გზის დათმობა-არდათმობის ალტერნატივა დაისვა. ამასთან დაკავშირებით ხშირად უთქვამთ, გოეთე ფილისტერულად მოიქცა, ბეთოვენს კი — როგორც დამოუკიდებელი ადამიანი და მეამბოხო. საპირისპირო აზრიც არსებობს: ბეთოვენმა უპასუ-

ხისმგებლო ბიკოვით დაიკირაო თავი, გოეთე კი მოქმედებდა როგორც ზრდილი და ბრძენი ოსტატი, რომელიც თავისი ნაწარმოებებით იბრძვის და იცის, რომ გამოწვევად ჭიბში ჩაწყობილი ხელეები ამქვეყნად ვერაფერს შეცდის.

ამ შემთხვევაში ჩვენ ბეთჰოვენის საქციელი გვაინტერესებს, თანაც გარკვეული კუთხით. კომპოზიტორის პიროვნება ახლო დგას რომენ როლანის სულსკვეთებასთან (სწორედ „ბეთჰოვენურად“ იქცევა ვან-კრისტოფი). ბეთჰოვენის საქციელს მაგალითის ძალა აქვს, იქნება არც იმდენად საქმეში ჩახედულთათვის, ვისთვისაც ყოველივე ისედაც ნათელია, არამედ „საშუალო“ ადამიანისათვის, რომელიც შორსა ხელოვნების სპეციფიკური პრობლემებისაგან. ამ „ფესტი“ ბეთჰოვენმა ვანამტკიცა ხელოვნების ადგილი და ღირებულება და თავი — სახელმწიფო მასშტაბებით უმწიფო ეული ფიგურა — ძალაუფალთ დაუპირისპირა. თუკი ხელოვანმა პატრიკ უნდა სცეს ხელისუფლების წარმომადგენელს მისი საჭირო და აუცილებელი საქმიანობისათვის (იმდენად, რამდენადაც იგი საზოგადოების ინტერესებშია გამოდის), თავის მხრივ ხელისუფალს არანაკლები დაფასება მართებს ხელოვანისა, რომლის „დანიშნაყ“ არ იქნება და რომლის არსებობასაც შემოქმედებითი პროცესი მთლიანად შთანთქმავს. თანაც, როგორც ვთქვით, ხელოვნება განსახიერებს ადამიანთა ურთიერთობის მომწიფებულ, მაღალ მოდელს. ისევე როგორც მედიცინა შესასვლელობისდაგვარად ისწრაფვის ქირურგიული ჩარევისაგან თერაპიული მკურნალობისაკენ, ასევე ადამიანთა ურთიერთობაში მეტ-ნაკლებად იძულებული ძალადობის ადგილს ესთეტიკისა და მეცნიერების ატეგორიები უნდა იკავებდეს. ამას გვეუბნება რომენ როლანი შემოქმედთა მრავალი მხატვრული სახით, რომელთა სულიერი მამაა ბეთჰოვენი და საწყისი — მისი ეს „ბიკური გამოხტომა“

გარკვეულ ეტაპზე ოოქვს როლანიც ყოყმანობს ნიციშესა და ვანდის, ძალადობასა და ძალდაუტანლობას შორის. ეს დიღემა, როგორც ვთქვით, მწერალმა იმით გადაკრა, რომ ძალა ხელოვნების მშვიდობიანი ზემოქმედების სამსახურში დააყენა და არსებითად კეთოლ, ხალხის ღრმა ზნეობის მატარებელ. მოქმედსა და შთავონებულ „გლენურ“ პიროვნებას დაეყრდნო.

თავისებურად ავითარებს ხელოვნების როლანისეულ კონცეფციას „კოლა ბრონიონი“, სადაც, ბეთჰოვენის პარაბოლას თუ გაიხსენებთ: „ტანჯის ვაელით — სიპარულისაკენ“, მახვილი აშკარად მეორე კომპონენტზეა გადატანილი. წიგნის მავორულ ტონალობაში გამოსკვივის გალური, რაბლესებური, ბურგუნდული ობჟნკობა. აქაც ხელოვანის სახე არის გამოყვანილი, ოლონდ ბიოგრაფიებთან შედარებით უფრო მეკეთრად ჩანს ის გარემოება, რომ „სიცოცხლეა უპირველეს ყოვლისა“, ხელოვნება კი მის ერთ-ერთ სახესხვაობას წარმოადგენს. ცხალად, ამ წიგნში არის დაბრუნება პირველსაწყისებისაკენ. მარადიული განახლება მის წყაროსაკენ.

მწერლისათვის დამახასიათებელი ხერხია ამ ვითარების გახსნისათვის მოშველიებული პარალელი: სიცოცხლე-მდინარე. ამ ცნების გარშემო შეიძლება აიგოს რომენ როლანის შემოქმედების „ტიპოლოგიური“ ანალიზი. არც კოლა ბრონიონია ბეთჰოვენი და ვერც ბურგუნდის პატარა მდინარე ბოერონი გაუტოლდება დიდებულ რაინს. სათანადო პროპორციის დაცვით, ბოერონი ხშირად ჩნდება „კოლა ბრონიონის“ ფურცლებზე; მას ხალისი და მხნეობა მოაქვს ადამიანებისათვის მოძ-

რავი წყალი მკიდროდ ერწყმის როლანის პერსონაჟების ხედრს ვინ დაგვარწყუნებს, რომ მხოლოდ შემთხვევით გადაჰყურებს ჟან-კრისტოფის სახლი რაინს (რომლის გუგუნი გვაუწყებს მომავალი კომპოზიტორის და მისი მუსიკის დაბადებას) და რომ კოლა ბრონიონიე სწორედ ბოვრონის პირას იშენებს საცხოვრებელს? ბოკრონი სიცოცხლესა და ნაყოფიერებას განასახიერებს.

„მოხიბლული სულიდან“ მკითხველს ეხსომება ანეტ რივიერის სახე, რომლის გვარი ფრანგულად „მდინარეს“ ნიშნავს. თუმცა რივიერები, ლარივიერები, დერივიერები და სხვ. არსებობენ საფრანგეთში, ცხადია, რომ მწერალი სიტყვის სემანტიკაში მიიზიდა. ასევე არ მოუგონია როლანს გვარი „ბრონიონი“ და მისი ბურგუნდული ვარიანტი „ბრენიონი“, რომელსაც ვნათმეცნიერი ალბერ დოზა სიტყვა „შავგვრემანს“ უკავშირებს. როლანის ხატოვან აზროვნებაში კი ჩვენს ყურადღებას სხვა გარემოება იპყრობს ფონეტიკურად „ბრონიონი“ ახლოა „ბოვრონთან“. მეტიც, მის ანაგრამას გვაგონებს, სადაც მხოლოდ ერთი კომპონენტია განსხვავებული: „ენი“-ს ცვლის ბგერა „ვ“ განზრახ თუ უნებლიეთ. როლანმა აქაც გამოიყარა კლამენტო ოსტატისა და ბურგუნდიის მდინარის ნათესაური კავშირი.

მიამიტ და უაზრო გაიგივებას თუ გამოერიცხავთ, შეუძმნეველი არ დაგვრჩება ის: რომ მდინარეთა მრავალი განსაზღვრება, ამავე დროს, ზედმიწევნით უდგება პერსონაჟთა დახასიათებას. გაიხსენოთ, თუ რა მოაქვს რაინის აღწერას ჟან-კრისტოფის ფიზიკური და მორალური პორტრეტისათვის. ასევე ბოვრონის აღწერა აესებს, აზუსტებს. ნიუანსებს ჰმატებს კოლა ბრონიონის სახეს. ისევე როგორც „გარანტუა და პანტაგრელში“, „კოლა ბრონიონშიც“ ხდება „მიწის საკვებთა“ სუბლიმაცია.

მართლაც, სხვა კუთხით თუ მივედგებით ზემოსხენებულ ცნებას, როლანის ნაწარმოები რაბლესებური მონაცვლეობის პროგრესიას წარმოადგენს ისევე, როგორც გოეთეს ტრაგედია—ხალხური „ფაუსტისას“, ოსკარ უაილდის „დორიან გრეის პორტრეტი“ — ბალზაის „შაგრენის ტყავისას“, ჟოისის „ულისე“ კი — ჰომეროსის „ოდისეასას“. ცხადია, მოტიანილ ძვალითებს მხოლოდ ამოზიციურობა აერთიანებს და არა ამ ანოზიიის კონკრეტული ფორმები და ხასიათი.

თავის ძირეულ ფასეულობას — თავისუფლებას — რომენ როლანი უხვად უნაწილებს მდინარეებსა და ადამიანებს. ბოვრონის პირას იგემებს კოლა ბრონიონი ხსნასა და შევბას.

არტიტული ლოგიკის თანახმად. მდინარეებია იმიტომ უწყობენ ხელს ადამიანთა ნაკვებების გამოყოფას, რომ მათ თვითონ განსაზღვრავენ ადამიანის თვისებები. პერსონიფიკაციის ამ მორევი ამადიანის თვისება მასვე უბრუნდება, ოღონდ მდინარის სტიქიონის გავლით, სადაც იგი განახლებება და თავს იგრძნობს ბუნების ნაწილად. ასეთია ბოვრონისა და ბურგუნდიის მთავარი მდინარის, იონის დახასიათება: იონი „ზარმაცია“, ხოლო ბოვრონი „უსაქმური“.

ორივე ამ ეპითეტს, რა თქმა უნდა, აფექტური, მოფერებითი ელფერით, ფოლკლორში გავრცელებული ხერხის მსგავსად, რომენ როლანი სისტემატურად იყენებს ბურგუნდიის მდინარეების დასახასიათებლად. ესეც ერთი კომპონენტია კოლა ბრონიონის პერსონაჟის განსაზღვრაში იმდენად, რამდენადაც შემოქმედება შეიცავს, თავის გარეგნულ გამოვლინებაში, „სიზარმაცის“, ანუ თავისების მემეტს, რასაც

კოლა ბრონიონი უწოდებს „ღვთებრივ უსაქმურობას, როდესაც ამდენს საქმიანობა“. სწორედ აქ, ბოკრონის წყლებში, ისევე როგორც ბურგუნდელის ბუნებაში, ძვეს ტუბობისა და ნეტარების საიდუმლო.

ასე მიგვიყვანა „სიზარმაცის“ განშტობამ სიცოცხლის სიზარულისა და სიტკბოების რაბლესებურ პერსპექტივასთან. იონის და მისი შენაჯღის, ბოკრონის თვისებები ერთმანეთში ირევა და კიდევ სხვა ხარისხში გადადის. ასე წარმოიქმნება „ნომადოღებელი იონი“. იგივე ითქმის კოლა ბრონიონის ხელოვნებაზეც.

იონი „კოლა ბრონიონში“ სხვა შინაარსსა და ასოციაციებსაც გულისხმობს. იონის სახელი ჰქვია იმ დეპარტამენტს, რომლის მიწასაც იგი ჰქვითს და ანაყოფიერებს, იგივე ითქმის საფრანგეთის ბევრ სხვა დეპარტამენტზე და, ალბათ, მსოფლიოს ყველა ქვეყანაზე: მდინარე პეიზაჟის აქტიური შემადგენელი ნაწილია. ამ აქტიურობას უნდა უმადლოდეს იგი, სხვა მიზეზთა შორის, თავის წარმოადგენლობას. მართლაც, ნილოსი ეგვიპტეს „წარმოადგენს“, მისისიპი—ამერიკას, კოლგა—რუსეთს და ა. შ., ხოლო განგის ტალღას უერთდება, სიცოცხლის დასასრულს, ინდოელის ფერფლი. ამრიგად, მდინარის წარმომადგენლობა რომენ როლანის ნაწერებში თავისებური ანარეკლია მისი მდგომარეობისა თვით ბუნებაში. ამ კონტექსტში ისიც შეიძლება აღინიშნოს, რომ ქართული სიტყვა „მდინარე“ ინარჩუნებს თავის კავშირს „დინების“ ცნებასთან, რაც გამოყოფილია ბუნებაშიც და როლანთანაც (ხოლო ფრანგული სიტყვა—rivière“ პარადოქსალურად უკავშირდება სტატიკურ ნაპირს). ის გარემოება, რომ „მდინარე“ უდგება ისეთ ცნებებს, როგორცაა „მომდინარეობა“, „აქედან გამომდინარე“ და სხვა, როლანის ელენქი უნდა თავისთავად. ასე მოულოდნელად გვეხმარება ქართული სიტყვის ბუნება როლანისეული ცნების აღქმაში.

ფრანგული ენის მასალაზე ფართო და მიგნებებით სავსე ექსკურსს შეიყავს ტრონიშიკისა და ადგილობრივი კულტურის, ცივილიზაციის, თვით ადამიანთა ბუნების ურთიერთკავშირის თაობაზე მარსელ პრუსტის „დაკარგული დროის ძიება“, რასაც ცალი კუთხით „კოლა ბრონიონი“ უდგება.

კოლა ბრონიონის სახით რომენ როლანი ესალმება სასარგებლო, ან თუნდაც უტილიტარული დანიშნულების ხელოვნებას. ამით როლანი ეხმაურება ლიტერატორის დევიზს: „პოეზიას მიზნად უნდა ჰქონდეს პრაქტიკული ჰეშმარტება“. ასეთია კოლა ბრონიონის სახლი, მის მიერ მრავალჯგზის აშენებული და აღდგენილი. ოსტატის ახირება—პირვანდელი სახით აღადგინოს ომისათუ სხვა მიზეზით დაზიანებული ნაგებობა, არის, ამავე დროს, ხელოვნების ღირსებისა და საჭიროების განმტკიცება. ისევე როგორც მდინარეს თუ ბუნების სხვა ნებისმიერ ელემენტს, არქიტექტურულ ნაგებობასაც ადამიანური განზომილება აქვს. ასეთია, მაგალითად, მოწარველკაბიანი „სენ-მარტენის კოშკი“.

ჰუმანოკლავ არისტოკრატთან საუბარში კოლა ბრონიონი ერთს ამბობს, ზუსტად საპირისპიროს კი გულისხმობს, შენიღბულად ხოტბას ასხამს „გამოყენებით ხელოვნებას“, რომელიც თითქოსდა „შეზღუდული გონების“ ხვედრია. კოლა ბრონიონი ერთმანეთს უკავშირებს სილამაზისა და საჭიროების ცნებებს და დასცინის სენიორს, რომლისთვისაც მხოლოდ უსარგებლო რამ შეიძლება იყოს ლამაზი.

შემოქმედების ნაყოფი კოლა ბრონიონისათვის ნაზი ქმნილებაა, რასაც სათუ-

თი შენახვა და ფრთხილი მიდგომა სჭირდება ამ მხრივ ნიშანდობლივია წიგნის პირველსავე თავში მოქცეული კოლა ბრონიონის ტრადა, სადაც იგი ერთ მწკრივში მოიხსენიებს ხელოვნებას, სიცოცხლის სიამეს, ნაყოფიერ მიწას. რაბლეტაჟი სიუხვით, მრავალ ზმნას იშველებს რომენ როლანი, რათა გადმოგვეცეს ოსტატის უხეში თითებიდან მშვენიერი ნახელავის წარმოშობა, ის დაუეწიყარი წუთები, როდესაც ბუნება პირველად ამიშვლებს თავის საიდუმლოებას ცნობის წყურვილით შეპყრობილი ადამიანის თვალწინ. საეულისხმოა, რომ კაკლის ხე, რომლისგანაც გამოჰკრის კოლა ბრონიონი ნიმფებს, და ბურგუნდიის მდინარეები მსგავსი ან იდენტური ეპითეტებითაა დახასიათებულნი: „ნაზი და მსუყე“. მეორე კომპონენტს, ნაყოფიერებას, რომენ როლანი ამავე პასაჟშიც და წიგნის სხვა ადგილებშიც გამოჰყოფს. მშობლიურ ნიადაგთან ურყევი კავშირის დასრულებულ პროგრამას შეიცავს ოსტატის სიტყვები: „ჩემი ველი მე თავის სხეულს მძღვეს, ჩემი ვაზი კი თავის სისხლს“. ასევე სხარტად გადმოგვეცეს სიცოცხლის ნადიმს, რასაც ხელოვნება წარმოადგენს, მეტაფორა: „მიწისა და მზის გამოვლილი სუფრა“.

ინტერესს მოკლებული არ იქნებოდა შედარებითი ანალიზი როლანისეული ცნებებისა: ღვინო, ვაზი, სუფრა, სიცოცხლე-ნადიმი — და ქართული მწერლობიდან ამოკრეფილი მათ: შესატყვისობებისა. ასეთი შედარება უთუოდ მოგვეცემდა ნუხების წერტილებსაც და ნიუანსებსაც, რასაც ორი ცივილიზაციის თავისებურება განაპირობებს. მათ ბევრი რამ ამორებს, მაგრამ საერთოდ აქვთ: ისტორიულად კრიტიკანობა და ხმელთაშუა ზღვის აუზი დღემდე „ვაზის ცივილიზაციაა“. ასეთი შეპირისპირებისათვის, რაბლეს წიგნის გარდა, სწორედ როლანის „კოლა ბრონიონი“ იძლევა უხვ მასალას და ესეც იმის საწინდარია, რომ ქართული მკითხველი ინტერესით გაეცნობა კლამსელი ოსტატის თავგადასავალს თავის ენაზე.

„კოლა ბრონიონი“ შემოქმედებითი აქტი დანახულია როგორც შობა (engendrement). ნაწარმოების წარმოშობა ცოცხალი არსების დაბადებაა. ხატოვანი აზროვნების ეს კატეგორია იმდენად ბუნებრივია როლანისათვის, რომ იგი მას სწრაფად დაწერილ და გადაუმუშავებელ პირად ბარათებშიც მიმართავს. ასე მაგალითად, მხატვარ ფრანს მანტრელს „მანქანათა ქანის“ შავ ვარიანტს რომ უგზავნის, როლანი აუწყებს: „ესეც ცხოველი, ჯერ ისეც თბილი და გამოუშინავი. იმედი მაქვს, რომ ამ სიტყვაში (ბარათი იელისის თეშია დაწერილი — გ. ბ.) საქმოდ შენახული მოაღწევს თქვენამდე“.

აჭ რომენ როლანი არსებითად ემოქნება ბოდლერისეული უნაყოფობის ცნებას. როლანისათვის, ისევე როგორც პოლ ელუარისთვის, შემოქმედება არის სასიცოცხლო მოქმედება, თბილი, ცეცხლოვანი, ამიტომ ბუნებრივია, რომ შობის, მოღვწის გამრავლების ცნება მასთან შემოქმედებასაც მოიცავს. მის მიერ აარაობას მოწყვეტილ ქმნილებებს კოლა ბრონიონი უყურებს ხან როგორც თავის ქალიშვილებს, ხან კი, ზოგადად, როგორც თავის ნაშიერთ. სიცოცხლისეული ძალა და შემოქმედების ნაყოფიერება მისთვის პარალელურია: „ვიდრე ხელოვანს ჯანი მოსდგამს, იგი სიცოცხლეს ბადებს და ნაშიერზე აღარა ფიქრობს“.

წრე შეიკრა. ბუნებისაგან მიღებული სითბო და საკვები ხელოვანმა ბუნებასავე დაუბრუნა გამრავლებული, ცოცხალი არსების — ნაწარმოების — სახით. ცხოვრების ჩარხს აყოლილი ხელოვანი წვდება იშვიათ სიხარულს — ათას სიცოცხლეს.

**ქოლე ბრონიონი**



თარგმანი  
ბიორბი ბეგელისი

წმინდა მარტენს ბაღიისას,  
კლამსის მფარველს

წმინდა მარტენი კაოგ ღვინოსა სეაჲს,  
ხოლო წუალს უხვად წისკვილზე ასხაჲს.

(XVI საუკუნის ნათქვამი)



## ღმის შემდგომი წინასიტყვაობა

ეს წიგნი, მთლიანად დასტაპებული, ჯერ კიდევ ოთხმდე მზად იყო გამოსაცემად და მასში არაფერს ვცვლი. სისხლიანმა ეპოპემამ, რომლის მსხვერპლნი და გმირები კოლა ბრონიონის შვილიშვილები გახდნენ, მსოფლიოს დაუმტკიცა, რომ „კიდევ ცოცხლობს ძმაკაც“.

და მე მგონია ევროპის ხალხები, შარავანდმოსილნი და დაბეულილნი, გვერდების ზელით იპოვიან ცოტაოდენ საღაზრს „მწყემსსა და მგელს შორის მოქცეული ჩვენებული ბატკნის“ მსჯელობაში.

ნოემბერი. 1918.

რ. რ.



## გაფროხილია ჩვენიველისადმი

„ჟან-კრისტოფის“ მკითხველები უთუოდ არ ელოდნენ ამ ახალ წიგნს. არანაკლებ მოულოდნელი იყო იგი ჩემთვისაც. მე სხვა ნაშრომებს ვამზადებდი, — დრამასა და რომანს თანამედროვე თემაზე, — „ჟან-კრისტოფით“ ტრაგიკულს, მაგრამ იძულებული გავხდი, განზე გადამედო ჩანაწერები და დამზადებული სცენები ამ უწყინარი წიგნის გამო, რომელზედაც წინადღითაც კი არ მიფიქრია.

— ასე ავუმხედრდი ათი წლის მანძილზე „ჟან-კრისტოფის“ საჭურველის ტარებას, რომელიც თავდაპირველად ტანს კარგად მედგა, მერე კი მეტად დამივიწროვდა. ისევე მომწყურდა ლალი, გალური მხიარულება, რომელიც ხშირად თავგედობამდეც კი მიდიხ. მშობლიურ მხარეში დაბრუნებამაც, მხარეში, ჭაბუკობის დროიდან რომ არ მენახა, კვლავ დამაკავშირა ნევერული ბურგუნდიის მშობლიურ მიწასთან; გააღვიდა წარსული, რომელიც სამუდამოდ მიძინებული მეგონა, გააღვიდა ყველა კოლა ბრონიონი, ჩემს სულში რომ თვლემდა. იძულებული გავხდი, მათ ნაცვლად მელაპარაკა. ამ შეჩვენებულ ყბედებს, ჩანს, სიცოცხლეში ლაპარაკით გული ვერ მოუჭერებიათ. ისარგებლეს იმით, რომ ერთ მათ შვილი-შვილთაგანს მწიგნობრის ბედნიერი ხვედრი ერგო (ხვედრი, რომელიც თავადაც უნატრიათ) და მდივნად ამიყვანეს. რამდენი არ ვეცადე:

— პაპაჩემო, ბოლოს და ბოლოს, თქვენ გკონდათ თქვენი დრო! ახლა მეც მალაპარაკეთ. ყველას თავისი დრო აქვს.

— ჯერ ჩვენ გვაცალეთ, — მიპასუხეს. — ჯერ ერთი, საინტერესო არაფერი გაქვს სათქმელი. აი, აქ დაჯექ. მის-მინე და ერთი სიტყვაც არ გამოტოვო... აბა, აბა, ჩემო ბი-

ჭიკო, შენს მოხუცს დაუჯერე! მერე კი, როდესაც აქ მოხვალ, სადაც ჩვენა ვართ, მიხვდები, ჩემო, რომ... ყველაზე საზარელი სიკვდილში დუმილია...

რა უნდა მექნა? იძულებული გავხდი, დამეთმო და მათი კარნახით მეწერა.

ახლა კი მორჩა, გათავდა... და აი მეც ისევ თავისუფალი ვარ (ყოველ შემთხვევაში, ასე მგონია). მიეუბრუნდები საკუთარ სათქმელს, თუკი რომელიმე ჩემს ყბედთაგანს არ მოეპრიანა კვლავ დატოვოს საფლავი, რათა შთამომავლობისათვის თავისი წერილები მიკარნახოს.

ფიქრადაც ვერ გავივლებ იმას, რომ ჩემი კოლა ბრონიონი მკითხველს ისევე გაართობს, როგორც ავტორს. ჰაგრამ ეს წიგნი მიიღონ ისე, როგორიც არის, — გულღია, მოურიდებელი. იგი არ ცდილობს მსოფლიო გარდაქმნას ან აჩხნას, ეს არის უპოლიტიკო, უმეტაფიზიკო წიგნი „კარგ ფრანგულ ყაიდაზე“, რომელიც დასცინის ცხოვრებას, იცის მისი გემო და თვითონაც ჯანსაღია. მოკლედ, როგორც ამბობს „ქალწული“ (აუცილებელი იყო მისი სახელის ხსენება გალური მოთხრობის თავში), მეგობრებო. „კეთილი თვალთ შეხედეთ“.

მაისი. 1914 წ.

რომენ როლანი

## მირძმის ტ(ო)რ(ი)ლა

### 2 თებერვალი

იკუროთხოს წმინდა მარტენი! საქმეები ჩახლართულია, არცა ღირს წელის წყვეტა. ცხოვრებაში შრომა არ მომკლებია, მოდი და, ცოტა დროც გავატაროთ. აი, მეც ჩემს მაგიდას ვუზივარ, ხელმარჯვნივ ხელადით დვინო შიდგას, ხელმარცხნივ — სამელნე, წინ კი ახალი რვეული საწერად ძეპატიევა. შენი სადღეგოდლო იყოს, ბიჭო, მოდი ერთი, ვიბაასოთ. ქვემოთ ცოლი ბუზღუნებს. გარეთ ჩრდილოეთის სუსხიანი ქარი ზუზუნებს და ომიც იმუქრება. დაე, იბობოქროს, ეჰ რა სიხარულია, ჩემო ჩაგოდრებულო გვრიტუნიავ, ჩვენი პირისპირ შეყრა! (ჰეი, შენ გეუბნები, ჭიგრისფერო, ცნობისმოყვარე და ხითხითა სიფათო, გოდელი ბურგუნდული ცხვირი გვერდზე მოქცეული ქუდივით რამ ვაქვს დაკოსებული.) ერთი მითხარი, გეთაყვა, თუ იცი, როგორ მსიამოვნებს შენი დანახვა, ჩემს მოხუც პირისახეს რომ ჩაეხედავ, მის ნაოკებში მხიარულად რომ გავივლ-გამოვივლი და როგორც ქის სიღრმიდან... რაო? (ჯაჰნაბას ჭა!) როგორც ჩემი ქვევრის სიღრმიდან, ჩემი გულიდან ძველ მოგონებათა ერთ ყლუშს დავლევ? კაცმა რომ იოცნებო, არა უშავს, მაგრამ დაწერო ის, რაზეც ოცნებობ?... რაო? ოცნებაო? რას ვროშავ? თვინიერი, დამცინავი, ნაოკებშემოვლებული თვალები ხომ ფართოდ მაქვს გახელილი. ცარიელი ოცნება სხვისთვის დაჰილოცნია, მე კი ვყვები იმას, რაც მინახავს, მითქვამს ან გაძიკეთებია. მერედა, ეს დიდი სიგიჟე არ არის? რისთვისა ვწერ? რასაკვირველია, სახელისათვის არა, მაღლობა უფალს, ჩერჩეტი არა ვარ, საკუთარი თავის ფასიც ვიცი... მაშ, შვილიშვილებისათვის? ჰე!... ათი წლის შემდეგ რალა დარჩება ჩემი ნაქაღბნისგან? ჩემი დედაბე-



არი ჩემ ნაჯღაბნებზე ექვიანობს და, რაც ხელში ჩაუვარდება, წვავს... მაშ, ვილასთვის ვწერ? ეჰ, ჩემთვის, ჩემი სიამოვნებისათვის. გული მისივდება, თუ არ დაწვერე. ტყუილად ხომ არა ვარ შვილიშვილი პაპა-ჩემისა, რომელიც მანამ ვერ დაიძინებდა, სანამ ძილის წინ არ ჩაწერდა რამდენი ხელადა დაელია და ამოენთხია. ლაპარაკი მოთხოვნილებად მექცა. ჩემს კლამსიში მჭევრმეტყველებთან პაექრობა რას გამაძლებს, რა ბრძანებაა! მეფე მიდასის დალაქისა არ იყოს, რაც გამიგია, უნდა ვადმოვანთხიო. ენაც ცოტა გრძელი მაქვს. ჩემი ლაპარაკი რომ გაიგოს ვინმემ, კოცონი არ ამცდება. ეჰ, ჩემდათავად, მოხდეს, რაც ჰოსახდესხია, კაცი რომ ყველაფერს მოერიდო, სევდისაგან გაიგულები; ჩვენი დიდი თეთრი ხარებისა არ იყოს, მეც მიყვარს დღისით ნაჭამის საღამოთი გადაცობნა; მერედა, რა კარგია შეხება, ცაცუნნი, ფა-თური ყოველივე იმისა. რაც გიფიქრია, რასაც დაკვირვებიხარ და დაგიგროვებია; რა კარგია ჩანისკარტება, ჩაკენეტა, მირთმევა, ენაზე დადნობა, მოგონება და ნელა ჩახრამუნება ყოველივე იმისა, რისი მშვიდად დაქაშნიკების დროც არ გქონია. რა კარგია შემოუარო შენს პატარა სამყაროს, უთხრა შენს თავს: „ეს ჩემია, აქ მე ვარ ბატონ-პატრონი, ჩემს სამყაროს არ აშინებს არც სუსხი, არც მეფე, არც რომის პაპი, არც ომები და არც ჩემი ბუზღუნა დედაბერი“...

აბა, ერთი ამ სამყაროს ნუსხა შევადგინოთ!

\* \* \*

უპირველეს ყოვლისა, და ყველაზე მნიშვნელოვანი ჩემს ავლადიდებაში მე მყავს ჩემივე მე, ჩემი თავი, კოლა ბრონიონი, ბურგუნდელი, ხათრიანი და დარდიმანდი ბიჭი, ღიპიანი, ჩასუქებული, ჩაკურატებული, არც მთლად ჭაბუკი — ორმოცდაათ წელს გადასული, მაგრამ ჭანიანი, კარგად ჩასხმული, საღკბილებიანი, ნაფოტასავეით მკვირცხლთვალებიანი. ხშირი, ოღნავ შევერცხლილი თმა ხოშიანად მაქვს აჯაგრული. ვერ გეტყვით, რომ ჭალარა თმას ქერა არ მერჩიოს. იმაშიც გამოგიტყდებით, მაინცდამაინც თავს არ შევიპატიეებ, თუ ოცი ან ოცდაათი წლით უკან დახევას შემომთავაზებთ, მაგრამ ყველაფერს რომ თავი დავანებოთ, ნახეგარი საუკუნეც დიდებული რამ არის. იცინეთ, ჭელებო, იცინეთ, ამ ხანს ყველა როდი აღწევს. გგონიათ, არა-

ფერია, შენი ტყავი ორმოცდაათი წლის მანძილზე საფრანგეთის გზებზე ათრიო და ისიც ასეთ ღროს?... ღმერთო! ეპ, ჩემო კარგებო, თავს ჩამდენი გვალვა და დელგმა დაგვტყდომია, ჩამდენჯერ შევბრაწულვართ, გადავბრაწულვართ და გავრეცხილვართ. ამ ძველ, დათრიმლულ ქიშელაში ჩამდენი დარდი და შვება, ოინბაზობა და ოხუნჯობა, გამოცდილება და სიანცე ჩაგვიწყვია. დაგვიგროვებია ჩალა და თივა, ლედვი და ყურძენი, მკვახე და მწიფე ხილი, ვარდი და ასკილი, ნახული, წაკითხული, ყურმოკრული, გაგონილი, შეძენილი და გადატანილი! ებ ყველაფერი ჩვენს სანადირო ჩანთაშია დაგროვილი, არეულ-დარეული. ოპ! რა კარგია ამ ჩანთაში ქექვა და ხელის ფათური... აბა, აქ შესდექ, ჩემო კოლა! ხვალ ვქექოთ, დღეს რომ დავიწყო, ვერ მოვრჩები... მოდი და, ჭერ ჩემი ავლადიდების ნუსხა შევადგინოთ.

მაქვს სახლი, მყავს ცოლი, ოთხი ბიჭი, ერთი ქალიშვილი, გათხოვილი (მადლობა უფალს), სიძე (რა გაეწყობა, საქირია), თვრამეტი შვილიშვილი, ნაცრისფერი ვირი, ძაღლი, ექვსი ქათამი და ერთი ღორი. ეპე! ბარაქალა! ხედავთ, რა მდიდარი ვყოფილვარ! აბა, ერთი სათვალე შოვიმარჯვოთ და დაკვირვებით შევხედოთ ჩვენს საუნჯეს. თუმცა, მართალი რომ გითხრათ, ზოგი მათგანი მოგონებაშია შემრჩა, რადგან ომები გადავიტანეთ, ჭარისკაცებმა ჩაიარეს, მტრეიძაც და მოკეთებამაც. ღორი დამარილდა, ვირი ოთხივე ფეხით კოკლობს, მარანი დაიღია და ქათმები გაიბტყვნა. მაგრამ ცოლი შემრჩა. ჰაი, ჰაი, რომ ნამდვილად შემრჩა! ერთი უსმინეთ, როგორ ჩხავის. შეუძლებელია ჩემი ბედნიერების დავიწყება. ჩემია, ჩემი, ეს ტურფა ჩიტუნია, მე ვარ მისი მფლობელი. ჰა! შე ყალთაბანდო ბრონიონო! მთელი ქვეყანა შენ შემოგნატრის... ბატონებო, აბა მიბრძანეთ, თუ ვინმეს გინდათ... გამრჩე ქალია, ყაირათიანი, უშიშარი, პატიოსანი, ერთი სიტყვით, მადლით სავსე (თუმცა ეს მადლი მას არ აპურებს; მე კი, ცოდვილი, უნდა გამოვტყდე, შვიდ მქლე მადლს ერთი ფუნჩულა ცოდვა მირჩევნია. ეპ! რა გაეწყობა, დავრჩეთ უცოდველი, რადგან სხვა გზა არ არის. ასეთია ნება უფლისა)... ჰაიტ! როგორ ბორგავს ივენი ფეთხუმი მარიკო, როგორ ძირისძირამდე ავსებს სახლს თავისი აწოწილი სხეულით და მთელ სახლს აქოთებს. დაძვრება, ანჩხლობს, წუწუნებს, ბუხუნებს და ბუზღუნებს, გვის მტვერსა და მყუდროებას. თითქმის ოცდაათი წელია, რაც დავქორწინდით, ეშმაკმა, იცის, რატომ. მე სხვა მიყვარდა, ის დამცინოდა, ამას მე ვუნდოდი, მე კი მასზე გუ-

ლი არ მიმდიოდა; იმ დროს ერთი ფერმიხდილი, შავგვრემანი გოგონა იყო. მისი მკაცრი თვალები მზად იყვნენ შევექამე და ისე დავედაგე, როგორც წყლის ორი წვეთი დაეანგავს ხოლმე რკინას. ვუყვარდი ისეთი სიყვარულით, რომელსაც შეეძლო სამარის კარამდე მიეყვანა. იმდენი მდია, იმდენი მაწვალა, ისე მომაბეზრა თავი, ისე დამალა, რომ (რა სულელები ვართ მამაკაცები!) შემებრალა, სულგრძელობამ და სიამაყემ დამძალა და, ბოლოს და ბოლოს, ცოლად შევიერთე (ვაის გავეყარე და ვუის შევეყარე). იმ დღიდან მყავს ის, მყავს ოჯახში მადლიანი და ეს ნაზი ქმნილება ჯავრს იყრის ჩემზე. იცით, რატომ? იმიტომ, რომ ვუყვარდი. მაბრაზებს; არა, ცდილობს გამაბრაზოს, მაგრამ ამაოდ, სიმშვიდე ისე მიყვარს, რომ დარდს ახლოსაც არ გავიქარებ. როდესაც წვიმს, ხელს არ ვუშლი, დაე, იწვიმოს. როცა გუგუნებს, ჩემთვის ვლულუნებს; თუ ყვირის, ვიცინი, რატომ არ უნდა იყვიროს? სულაც არ ვაპირებ ყვირილი დავეშალო, მისი სიკვდილი როდი მინდა, სადაც ქალია, იქ მყუდროება ხომ ზღაპარია. დე, იგალობოს, მე ჩემს სიმღერას ვიტყვი. რატომ ვერ ბედავს, ჩაბრები დამიმუწვოს? იცის, ძვირი დაუჭდება და ძალიან ერიდება. თვითონ ხომ შეუძლია ჭიკჭიკი... ყველა თავის მუსიკას უკრავს.

ერთი სიტყვით, ჩვენი ჩონგურები შეწყობილნი იყვნენ თუ არა, მაინც საკმაოდ საამური ნაწყვეტები შევასრულეთ; ერთი ქალიშვილი და ოთხი ვაჟი გვყავს, ყველა ბრგე და ტანადი; ამისათვის არც ქსოვილი დამიზოგავს და არც ხელობა დამიკლია, თუმცა ამ ნაბარტყში ერთადერთი, რომელშიც ჩემს თესლს ვცნობ, არის ჩემი მატრაბაზი, ჩემი ოინაზი მარტინა. რამდენი ჰაპანწყვეტა გადამხდა, სანამ ქორწინების ნავსადგურს უხიფათოდ მიადგებოდა. უჰ! აი, ისიც დამშვიდებულა!.. არა, ძალიან კი არ უნდა დაენდო, მაგრამ ეგ უკვე ჩემი საქმე აღარ არის. მარტინამ საკმაოდ მატრეხინა ღამეები. მაცუნცულა და მაძუნძულა; ახლა ალავერდს ჩემს სიძესთან ვარ, მისი ჭერია, ჩემი სიძის, ფლორიმონ მეფუნთუშისა, ახლა მან იკითხოს, მან მიხედოს თავის თონეს... ყოველ ნახვაზე მე და მარტინა ერთ ბასტიბუბუს ავტეხთ ხოლმე, მაგრამ არავისთან ვართ ისე შეხმატკბილებული, როგორც ერთმანეთთან. ყოჩალი გოგოა, თავის სიანცეშიც კი ფრთხილი და პატიოსანი; ოღონდ პატიოსნებამ იცინოს, ვინაიდან მარტინას ყველაზე დიდ ზადად ის მიაჩნია, რაც ადამიანს აღარდებს. ჯაფისა არ ეშინია. ჯაფა ბრძოლაა, ბრძოლა კი სიამოვნებაა და მარტი-

ნასაც უყვარს ცხოვრება. ჩემი არ იყოს, იცის, რა არის კარგი. ჩემი სოსხლი და ხორცია, მხოლოდ მის გაკეთებაში ვყოფილვარ შეტად გულუხვი.

ბიჭები კი აგრე კარგი ვერ გამოძივიდნენ, დედამ თავისი საფუარი გაურია და ცომიც დამიმეავდა. ოთხიდან ორი მოწმინდანაა, დედის კვალბაზე, მაგრამ სხვადასხვა ჯურისა. ერთი შავანათორიანებს გადაჭიდებია, ხუცებს, ლეთისმსახურ ბაღლინჯოებს, მეორე კი ჭეგებოტია. ვერ გამიგია, როგორ გამოვჩეკე ასეთი ბეიტები. მესამე ჯარისკაცია, ოძობს, ღმერთმა იცის, სად დაწანწალებს: მეოთხე მთლად არარაობაა, ერთი პატარა მეწვრილმანია, უმნიშვნელო, სხვისი ფეხის ამყოლი, მის გახსენებაზე მამთქნარებს ხოლმე. ჩემს ჯილაგს მხოლოდ მწმინა ვცნობ, როდესაც ექვსივე დანა-ჩანგალ მომარჯვებული მაგიდას შემოვუხსნებოთ. სუფრაზე არც ერთს არ გეძინავს, ყველანი შემატკვილებულნი ვართ; მართლაცდა, საამური სანახაობაა და არაფერი სჯობს იმის ცქერას, თუ როგორ ვიქნევთ ყბებს, რა ჯიგრიანად ვილუქვებით და ლოთიანად გადავუძახებთ ხოლმე ნუნუას წიალსა შინა სტომაქისასა.

მოდრავ ქონებას თავი გავანებოთ, ახლა სახლზე გადავიდეთ. ესეც ჩემი პირმშოა, ჩემი ხელით ნაგები, აგურა აგურზე თვითონვე დამიდვია, ერთხელ კი არა, სამჯერ ამიშენებია ზანტი, ბინძური, მწვანე ბალახებითა და ნეხვით უხვად ნაკვები ბოვრონის პირად. ქალაქის კარიბჭესთან, ხიდს გაღმა ჩაცუტქულა ეს მოკლეფეხა ფინია, წყალი მუცელს უსველებს. მის პირდაპირ აღმართულა ქედმაღალი, ჰაეროვანი, ჩიხორამოქარგული წმინდა მარტენის კოშკი და ყვაილეებით ჩაჩუქურთმებული სტოვა, რომლისაკენაც ისე, როგორც სამოთხისაკენ, ძველი რომის შავი და ციკაბო საფეხურები მიიმართება. ჩემი ხულა, ჩემი ხუხულა, გალაგანს გარეთ არის მოქცეული. ასე რომ, როდესაც კოშკიდან ბარში მტერს შენიშნავენ, ქალაქი გალაგანის კარს კეტავს და მტერი შე მესტუმრება ხოლმე. თუმცა მუსაიფი ძალიან მიყვარს, ასეთი სტუმრები არაფრად მეპიტნავენა და მეც, უმეტეს შემთხვევაში, სახლს ვტოვებ და გასაღებს კარის ქვეშ ვინახავ, მაგრამ დაბრუნებისას არც კარია და არც გასაღები, ოთხი კედელია მხედება და ისევე თავიდან ვიწყებ შენებას. მიკაჩინებენ:

— გამოთაყვანებულა! მტრისთვის მუშაობ, დაეხსენი მაგ თხუნელას სოროს და გალაგანის კედელს შემოაფარე თავი, უშიშრად მიხეც იქნები.

მე კი ვუპასუხებ:

— ღმერთო ჩემო! სადაცა ვარ, კარგადა ვარ. რა თქმა უნდა, სქელი კედლის უკან უშიშრად ვიქნები, მაგრამ სქელი კედლის უკან რას დავინახაუ! მხოლოდ კედელს. სევდისაგან ჩამოვხმები. მე სილაღე მინდა, მინდა, თუ ხოში მაქვს, ბოვრონის პირად წამოვწვე, და თუ ბალში არ ვმუშაობ, მშვიდად ვუმზირო წყალზე ამოხატულ ათინათებს, წყლის ზედაპირზე თევზების ბოყინით ამომსხდარ ბუშტულებს, წვერა ბალახებს, წყლის სიღრმეში რომ ირხვეიან, მინდა ვითევზაო, ჩემი ძონძები ვრეცხო მდინარეში და ღამის ქოთანი ჩავცალო შიგ. არა, გეთაყვა, ავად თუ კარგად, ნიადაგ აქ ვყოფილვარ; წასვლა გვიანდაა, რაც მომსვლია, იმაზე ცუდი რა უნდა მომივიდეს. მეუბნებით, სახლს კიდევ დაგინგრევნო. შესაძლებელია. მერე რა? ხალხნო! ხომ არ ვამბობ, სამუდამეამო რამ უნდა ავაშენო-მეთქი; მაგრამ სადაც ფესვი გამიდგამს, იქიდან ჩემი აღმოფხვრა, ჰაი დედასა, ადვილი როდია. სახლი ორჯერ ამიშენებია. კიდევ ათჯერ ავაშენებ. იმიტომ კი არა, რომ ეს მართობს, — ათჯერ მეტს შევწუხდები, ადვილი რომ გამოვიცვალო, გატყავებულ სხეულს დავემსგავსები. სხვა სახლს მთავაზობთ? უფრო კარგს, უფრო ახალს, უფრო მშვენიერს? ისე მომიხდება, როგორც აქლემს გალია, თვითონვე დაევანგრევე. არა, ძმაო, ჩემი მირჩევნია, ჩემი...

აბა, გადავთვალოთ: ცოლი, შვილები და სახლი. განა მთელი ჩემი ქონება ჩამოვთვალე? არა! დამრჩა უკანასკნელი, ყველაზე უკეთესი. გემრიელი ლუკმა ყელის ჩასატკბარუნებლად შემოვინახე. ჩემს ხელობაზე მოგახსენებთ. მე წმინდა ანას ამქარს ვეკუთვნი, ღურგალი ვარ. დაკრძალვებისა და პროცესიების დროს მე მიმაქვს ფარგლიანი ქნარით შემეკული კვერთხი. ფარგალზე ქრისტეს ბებია კითხვას ასწავლის თავის პაწაწინა ქალიშვილს, ცეროდენა გოგონას, კურთხეულ მარიამს. მე ჩემს დაზგასთან ვდგავარ, ცულითა და შალაშინით შეიარაღებული, კორძებიანი მუხისა და გულკრიალა კაკლის მეფე ვარ. რას ვაკეთებ მათგან? რაც მომპირიანება, ანდა რის ფულსაც მუშტარი მომცემს. რამდენ მიჩქმალულსა და მიმაღულ ფორმას სძინავს ამ ხეებში. მზეთუნახავი რომ გააღვიძოთ, მისი შეკევარებულის დარად, ხის სიღრმეში უნდა შეიჭრათ. სილამაზე, რომელსაც შალაშინის ქვეშ ვპოულობთ, პრანჭია როდია. იტალიელ ხელოვანთა რომელიმე უმჯერდო, უუკანალო და კაფანდარა დიანას მირჩევნია ბრინჯაოს ფერ-

მოდებული, მკერივი, ნაყოფით დამძიმებული ვაზივით დოვლათიანი ბურგუნდული ავეჯი, მშვენიერი, მუცელგამობერილი ზანდუკი, ანდა კიდევ ოსტატ ჰიუგ სამბენის მკაცრი ფანტაზიით მოჩუქურთმებული კარადა. მე ლირსით და ჩუქურთმებით ვმოსავ სახლებს. ვშლი ხვეულ კიბეთა რგოლებს და, შპალერებზე ამოხატული ვაშლების მსგავსად, კედლებში მძიმე და განიერი ავეჯი გამოძყავს, იმ ადგილისათვის ზედგამოჭრილი, სადაც დამიდგამს. მაგრამ ჩემი ყველაზე საამო მახა არის ფურცელზე გადატანა ყოველივე იმისა, რაც ჩემს ფანტაზიაში იცინის: რაიმე მოძრაობა, ეესტი, გადაზნეპილი წელი, მსუქანი ყელი, აყვავებული ხვია, გირლანდა, გროტესკი, ანდა რომელიმე გამვლელის სიფათი, რომელსაც სახელდახელოდ დაეიქერ და ჩემს დაფაზე მივაკრავ ხოლმე. მონრეალის ეკლესიის საგალობლის მერხებზე ჩემსა და კიურეს სანეტაროდ ამოვაცანდაკე (ეს ჩემი შედეგია) სუფრაზე ხელადასთან მჭდარი ორი მედაბური, ლხინში მხიარულად ჭიქებს ერთმანეთს რომ უჭახუნებს, და ორი ლომი, ძელისათვის რომ უღრენს ერთიმეორეს.

ვსვამ და ვმუშაობ, ვმუშაობ და ვსვამ — რა საამური ცხოვრებაა... ჩემს ირგვლივ უხიაგი ხალხი ჯუჯღუნებს. მეუბნებიან: შენც რაღა სიმღერისათვის მოგიცლიაო, ახლა ახირებული დროება არისო... არა, გეთაყვა, არ არსებობს ახირებული დროება, არიან მხოლოდ ახირებული ადამიანები. მადლობა უფალს, მათ რიცხვს არ ვეკუთვნი. ერთმანეთს ელეტენ? ძარცვავენ? ყვლეფენ? მუდამყამს ასე ყოფილა, მუდამყამს ასე იქნება. თავი წამქერით, თუ ოთხასი წლის შემდეგ ჩვენი შთამომავალნი ასევე გააფთრებით არ დაერევიან, თავ-პირს არ დაამტვრევენ და თმებით არ ათრევენ ერთიმეორეს. ის კი არა და, მრავალ ახალ ხერხს გამონახავენ, ეს ჩვენზე უკეთ მოიმოქმედონ, მაგრამ გარწმუნებთ, სმის ახალ ილეთს ვერ გამოიგონებენ. აბა, თუ ბიჭები არიან, ჩემზე უკეთ დალიონ... თანაც, ვინ იცის, რას ჩაიდენენ ეს აოამზადები ოთხასი წლის შემდეგ? შესაძლებელია, მედონის კიურეს ბალახის, საოკარი ჰანტაგრუელონის წყალობით მთვარის სამყაროს, მენის სამქედლოს, ან წვიმების სათავეს ეწვიონ, ზეცაში დაბინადნენ და ღმერთებთან ილოთონ... კეთილი, მეც მათთან ერთად წავალ. განა ისინიც ჩემი ხორცი და ჭილაგი არ არიან? იმრავლეთ, ჩემო კეთილებო! მაგრამ ჩემი დრო უფრო ნაღია. აბა, ვინ მეტყვის, რომ ოთხი საუკუნის შემდეგ ღვინო ისეთივე კარგი იქნება, როგორც დღეს არის?

ქვიფი მეტად გიყვარსო, მაყვედრის ცოლი. მე არაფერს ვწუნობ, მიყვარს ყველაფერი, რაც კარგია, მიყვარს კარგი პურ-მარილი, კარგი ღვინო და უხვად ხორცშესხმული, ნაზკანიანი, ხავერდოვანი და ჩაქვირითებული... ნეტარება, რომლითაც ოცნებაში ტკბები. ოცნება! ღვთიური უსაქმობა, სადაც ამდენს საქმიანობ (ხარ სამყაროს მბრძანებელი, გესმის როგორ იზრდება ბალახი, ესაუბრები ხეებს, ცხოველებსა და ღმერთებს). შენც მიყვარხარ, ჩემო ძველო თანამგზავრო, შენ, ვისთვისაც დალატი უცხოა, ჩემო მეგობარო, ჩემო აქატო, ჩემო შრომაქ!.. რა საამურია იარაღით ხელში დაზგასთან დგომა, გამოხარატება, შემოჭრა, გამოთლა, ვალესვა, რანდვა, ქლობვა, ხერხვა, ქექვა მშვენიერ და მკვრივ მასალაში, რომელიც ჯერ ურჩობს და შემდეგ ქედს იხრის, მიყვარს ნაზი და მსუქანი კაკლის გარანდვა, ხელში ფერიის ტანივით რომ თრთის, რა საამოა ცქერა ცუღით სამოსელშემოძარცვული. ჩვენი ტყეების ნიმფების ვარდისფერი, შავგვრემანი და ოქროსფერი სხეულებისა, რა კარგია ღებნა მარჯვე ხელისა, გონიერი და მსუქანი თითებისა, რომელნიც ქმნიახ ხელოვნების სათუთ ნიმუშებს, ღებნა გონებისა, რომელიც მბრძანებლობს მიწიერ ძალებზე და ხეზე, რკინასა და ქვაზე თავისი კეთილშობილი და დალაგებული ფანტაზიის ყინს ასახავს ხოლმე. ქიშკრითა სამეფოს მბრძანებელი მგონია თავი. ჩემი მინდორი თავის ხორცს მაჭმევს და ვენახი თავის სისხლს მასმევს, შანარის სულები ჩემი ხელოვნებისათვის ზრდიან, ასუქებენ, აგრძელებენ და აკრიალებენ ხეების ტანის მშვენიერ ნაკვებებს, რომელთაც ვეფხვნი ვეფხვი. ჩემი ხელები მორჩილი მუშებია, რომელთაც ჩემი პირველი თანაშემწე — ჩემი ტვინი ხელმძღვანელობს. ტვინი მე მემორჩილება და ჩემი ოცნებისათვის სასიამოვნო ტაშფანდურს მართავს. განა ოდესმე ვინმეს ჩემზე უკეთ მომსახურებიან? ხომ მაქვს უფლება, ჩემი სადღეგრძელოც დავლიო? ნურც ჩემს ყოჩად ქვეშევრდომებს დავივიწყებთ (უმაღლური როდი ვარ). კურთხეულ იყოს ამ ქვეყნად ჩემი გაჩენის დღე. რამდენი რამ არის თვალწარმტაცი, საამური და ტკბილი ამ მრგვალ მანქანაზე. ღმერთო დიდებულო! რა საამურია ცხოვრება! რამდენიც არ უნდა ჩავცეცხო, მაინც მშობია, შიმშილისაგან ნერწყვი მომდის, უთუოდ ავადაც ვარ. რა დროც არ უნდა იყოს, მიწისა და მზის მიერ გაშლილი სუფრის დანახვაზე იშტაზე მოვიდვიარ...

მაგრამ, ძმობილო, მგონი წავიტრახებ, მზე ჩაესვენა, ჩემს სამყაროში ყინავს. სათოკე ზამთარი ოთახში შემოპარულა. გათოშულ თითებში კალამი ბორძიკობს. უფალმა შემიწყალოს, ჭიქას ყინული ედება და ცხვირი გამფითრებია. დაწყველილი ფერი მაქვს, სასაფლაოს სამოსის მსგავსი. მძავს მკრთალი ფერი. ჰეი! რეკენ და გუგუნებენ წმინდა მარტენის ზარებმა დღეს მირქმამა... „ზამთარი ან სულს ღაფავს, ან ანჩხლდება“... ზეაობს ავაზაკი, ღონიერდება. კეთილი, მოდი, მივბაძოთ, დიდ შარავზაზე გავიდეთ და პირისპირ შევხედოთ...

დიდებული სიცივეა, ლოყებზე ნემსებივით მჩხვლეტს. ქუჩის მოსახვევში ჩასაფრებული ქარი დაწვებში მწვდება. გავთბი, ვიწვი. იდიდოს უფალი, ადამიანის ფერი დამედო... მიყვარს ფეაქვეშ გამაგრებული მიწის ღრქიალი, თავი ჭაბუკი მგონია. რა ჩემი ცოდვა დამართა ამ ხალხს, რა საბრალო და აპრუწული გამომეტყველება აქვთ, რა აბუზული დადიან?

— აბა, აბა, მხიარულად, მხიარულად, ტურფა მეზობელო, ვისზე ხართ გაჯაერებული? ამ ცულლუტ ქარზე, კაბის კალთებს რომ გიფრიალებთ? კარგს შვრება, ჭაბუკია. რატომ მეც ჭეელი არა ვარ? კარგად გიღის კბენს ეგ სალახანა, კარგად გიღის. იცნობს მსუნავი გემრიელ ლუკმას. მოთმინება იქონიე, ნათლიდედ, ყველამ უნდა იცხოვროს, მაშ!.. კი მაგრამ, სად გარბიხართ ასე დაოთხილი? თითქოს უკანალზე ეშმაკი მოგკიდებოდეთ. წირვაზე? ვადიდოთ უფალი, ის ყოველთვის მოერევა ტარტაროსს. ვინც ტირის, იცინის კიდეც, გაყინული გათბება... ოო, თქვენ უკვე იცინით? მაშ, ყველაფერი რიგზეა. მე სად გავრბივარ? მეც წირვაზე მიმეჩქარება, მაგრამ ხუცებისა კი არა, მინდვრების წირვაზე.

ჭერ ჩემს გოგონასთან მიედღივარ პატარა გლოდის გამოსაყვანად. ყოველდღე ერთად ვსეირნობთ მე და გლოდი. ის ჩემი საუკეთესო მეგობარია, ჩემი ბეკეკა კიკინა, ჩემი ვასაკა ყოყინა. მეექვსე წელშია გადამდგარი, წრუწუნაზე უფრო ფხიზელი და ეშმაკზე უფრო ეშმაკუნაა. როგორც კი დამინახავს, ჩემკენ მორბის. იცის ცულლუტმა, რომ პაპას გულდაკალათი სავსე აქვს ზღაპრებით. ზღაპრები ჩემსავით უყვარს. ხელს ვკიდებ:



— აბა, წამოდი, ჩემო პატარა. ტოროლას შევხვდეთ.

— ტოროლას?

— საშ! განა არ იცი, რომ დღეს მირქმაა და ტოროლა ციდან ბრუნდება?

— იქ რას აკეთებდა?

— ჩვენთვის ცეცხლს ეძებდა.

— ცეცხლს?

— მზის ცეცხლს. ცეცხლს, დედამიწის ქოთანს რომ ათუხთუხებს.

— ცეცხლი განა წასული იყო?

— მაშ, ყოველწლიურად, ნოემბერში, ყველაწმინდობა დღეს ცეცხლი ციური ვარსკვლავების გასათობად მიემგზავრება.

— მერე უკან როგორღა ბრუნდება?

— სამი ჩიტუნია მიდის მის საძებნელად.

— პაპა, მოყევი, რა...

წრუწუნასავით მოცუნცულებს გზაზე ჩემი გლოდი. თეთრი შალის ქსოვილით თბილად შეფუთულს თავზე ლურჯი კაპიუმონი ახურავს და წიწკანას დამსგავსებია. სიცივისა არ ეშინია, თუმცა ფუნჩულა ლოყები ვაშლივით გასწითლებია და ბოტოტები ცხვირიდან შადრევანივით სცემს...

— აბა, აბა, კუდიანო, ცხვირი მოიხოცე, აბა, კელაპტრებს შეუბერე, მირქმის გამო ხომ არ აგინთია? ცაზე კანდელი აინთო.

— პაპა, პაპა, მიაძებე, როგორ წავიდა სამი პატარა ჩიტუნია...

(რა ვქნა, მიყვარს, რომ მეხვეწებიან).

— გზას გაუდგა სამი პატარა ჩიტუნია; სამი მამაცი ძმაკაცი: ნარჩიტა, კიოტა და ძმა-ბიჭი ტოროლა; არტაბანივით ქედმაღალმა, ცეროდენასავით მკვირცხლმა და ფუსფუსა ნარჩიტამ პირველმა შეამჩნია ფეტვის მარცვლისოდენა მშვენიერი ცეცხლი, რომელიც ჰაერში მოგორავდა და მყისვე მისკენ გაფრინდა ყვირილით: ჩემია, ჩემი! არა, ჩვენია, აჰყვენ სხვებიც, მაგრამ ნარჩიტამ ცეცხლს უკვე ჩაუქროლა, ნოსკარტი ჩაავლო და მიწისკენ ისარივით დაეშვა... „მიშველეთ! ცეცხლი! ცეცხლი მედება! ვიწვი!“ მდულარე ფაფასავით გადააჰკეს ნარჩიტას ცეცხლი ნოსკარტის ერთი კუთხიდან მეორეში. მეტი არ ძალუძს, ნოსკარტს აღებს, ენა გაჰყვლეფია, ცეცხლს აფურთხებს და პატარა ფრთებქვეშ მალავს. „ვაი! ვაი! ვიწვი!“ ფრთებს ალი ედება (განა არ შეგიმჩნევია, რა გარუჯული ლაქები და ხუჭუჭა ბუმბული

ქვს?). ფიცხლად მიიჭრა კიოტა საშველად. ცეცხლის მარცვალს მარ-  
ჯად დაავლო ნისკარტი და მოკრძალებით თბილ ელევში ჩამალა. და  
ი ლამაზი ელევი გაწითლდა, სულ გაწითლდა. კივის კიოტა: „კმარა!  
მარა-მეთქი ხალათი სულ დამეწვა!“ მაშინ მოვარდა ტოროლა, პატა-  
რა, ყოჩალი ძმობილი. ცეცხლი ზეცისკენ მიიძურწებოდა, ჰაერში  
ვაიქირა ალი ტოროლამ და მარდი, ცქვიტი და ზუსტი, როგორც ისა-  
ოი, მიწაზე რომ დაეშვა, სწორედ ის არი: მზის ლამაზი მარცვალი  
ვენს გაყინულ ორნატებში ჩამალა და მიწამაც სიხარული ვერ იქნა,  
ერ დამალა.

გათავდა ჩემი ზღაპარი. ახლა გლოდი კაკანებს. ქალაქიდან გავდი-  
ართ. აღმართში მხრებზე ვისვამ. ცას ლეგა პირბადე აუკრავს. ფეხ-  
ქვეშ თოვლი ხრამუნობს, თეთრი საბანი წამოუსხამს წვრილ და სუსტ-  
ანიან ხეებს. ქოხებიდან ლურჯი და ზანტი კვამლი სწორად მიიმარ-  
იება ზეცისაკენ. ჩქამი არ ისმის, მხოლოდ ჩემი ვასაკა არღვევს მყუდ-  
როებას. ბორცვის წვერზე ავდივართ და აი, ჩვენს ქვეშ, ზარმაცი  
იონისა და ცუდლუტი ბოვრონის ბაბთებშემორტყმული ჩემი კლამსი  
აღაიშალა. თოვლით დაფარული, გათოშილი, მცივანა და აცახცახე-  
ულიც კი მუდამ გულს მითბობს ჩემი ქალაქი...

წარმტაცი ათინათინებისა და გლუვი ბორცვების ქალაქო... ირ-  
ვლივ, როგორც ბუდეში ჩაწნული ნაძვის ღეროები, დახნული ფერ-  
დობების ფაქიზი ზოლები გაკრავს. ხუთი თუ ექვსი წყება ტყით და-  
ურული მთები წაგრძელებული ზვირთებივით ზანტად ლივლივებენ;  
ჩორიდან ლურჯად მოჩანან, გეგონებათ, ზღვა არისო, მაგრამ ამ  
აღვას არაფერი აქვს საერთო იმ ვერაგ სტიქიასთან, რომელმაც იტა-  
ელი ოდისევსი აბურთავა; არც მზაკვრობა და არც ქარიშხალი. ყვე-  
ლაფერი მშვიდი და წყნარია, მხოლოდ აქა-იქ ოხვრა თუ აღმოხდება  
პეკრული სუნთქვით დაბერილ რომელიმე ბორცვის მკერდს. ზვირთე-  
ის ერთი წვეროდან მეორემდე ნავის ნაკვალევს მსგავსი სწორი  
ქნები ზღაზვნით მიიმართებიან. და აი შორს, ამ ტალღების ქოჩორზე  
ეზღვის წმინდა მარიამ მაგდალინელის ტაძარს ანძები ცისკენ აუშ-  
იერია. იქვე ახლოს, დაკლანცილი იონის მოსახვევთან, ბასერვილის  
ლდეები ტახისებრ ეშვებს აჩენენ. დალბა ტაფობში კი დაუდევარ  
და მორთულ, სათოფურებიანი კოშკით დამშვენებულ ქალაქს მდი-  
არეებისაკენ დაუხრია თავისი ბალები, ქოხები, ძონძენი, სამკაულები,  
კრძელი სხეულის ქუჭყი და ჰარმონია.

ასე შევხარი ლოკოკინა ჩემს ნიჟარას. ხეობაში ჩემი ეკლესიის ზარების რეკვა გაისმის. ეს კოიალა ხაა ახკარა ხაკადულივით ეფინება სუფთა და გაყინულ ჰაერს და მაშინ, როდესაც ამ მუსიკის სმენით ვტკბები, მზის სხივი აპობს ზეცაში გაშლილ ყომრალ პირბადეს; და ამ დროს, ანაზღად, პატარა გლოდი ტაშს უკრავს, ყვირის:

— პაპა, პაპა! მისი ხმა მესმის! ტოროლაა, ტოროლა!

მის წკრიალა ხმაზე ბედნიერებისაგან ვიციანი, ვკოცნი, ვკოცნი და ვეუბნები:

— მეც მესმის, ჩიტუნიავ ჩემო სულისა, მეც მესმის, ტოროლაგაზაფხულისა...

## II

### ალყა, ანუ მწყმმხი, მგელი და ბატკანი

შამუს ბატკანი ყველა ბატკანს სჯობს.

სამი მიუშვი, მგელსაც წაახრჩობს.

შუა თებერვალი

მარანი მალე დამიცარიელდა. ჩვენი ჰერცოგის, ბატონიშვილ დე ნევერის მიერ ჩვენს დასაცავად გამოგზავნილმა მეომრებმა იერიში უკანასკნელ კასრზე მიიტანეს. აბა, დროს ნუ დაგვარგავთ, მათთან ერთად გადავკრათ. დავიქცევი? კეთილი და პატიოსანი, წინააღმდეგი როდი ვარ, მაგრამ მინდა მხაარულად დავიქცე; პირველი ხომ არ არის და, თუ უფალმა ინება, უკანასკნელიც არ იქნება...

კარგი ბიჭები არიან, მე და ჩემმა დემოთმა! კარგი ბიჭები! წარმოდგინეთ, ღვთიური სითხე მეღვევა-მეტქი, რომ ვუთხარი, ჩემზე უფრო ეწყინათ. ვიცი, ზოგიერთი მეზობელი ასეთ რამეზე სასოწარკვეთილებას მიეცემოდა; მე კი მეტი აღარ შემიძლია, თავი მობეზრებული მაქვს; ჩემს ცხოვრებაში თეატრში ხშირად ვყოფილვარ და ჭამბაზებს ყურადღებას არ ვაქცევ. ბევრი მინახავს ასეთი სიფათი ამ ქვეყანაზე ხეტიალისას: შვეიცარიელები, გერმანელები, გასკონელები,

ლოტარინგიელები, მეომარი ზედაგები, ჯავშან-ჩაჩქანში ჩამსხდარნი, იარაღით ხელში, გაუმაძღარნი, დამშეული ნაგაზები, კეთილი კაცის ჭამით რომ ვერ ძლებიან. ნეტავი ოდესმე თუ ვინმე მიმხვდარა, ვისთვის ან რისთვის იბრძვიან ეს ვაჟბატონები? გუშინ მეფისათვის, დღეს კი ლიგისათვის. ხან ფარისევლები არიან და ხან ჰუგენოტები, საუკეთესო მათგანნი ჩამოსახრჩობ თოკადაც არა ღირან. აბა ერთი მითხარით, ჩვენ რა გვესაქმება, თუ რომელიმე ხელძრუდღე ბარონი თაღლითობს სამეფო კარზე? მერე რარიგ უნდათ თავიანთ საქმეებში მამა-ღმერთიც ჩარიონ... ჯანაბა და ღოზანა, ხალხნო და ჯამათნო, შეეშვიით უფალს, ხნიერი კაცია. თუ კანი გექავებათ, ერთმანეთი ატყავეთ, ღმერთს არაფერში სჭირდებით, რამდენადაც ვიცო, ცალხელა არ არის და თუ ესია მოვინება, თვითონვე მოიფხანს.

მაგრამ აი უბედურება; განუზრახავთ, მეც ღმერთს ველაბუცო... პატივსა გცემ, უფალო! ბაქიობა რა საჭიროა და მწამს კი, რომ დღემში რამდენიმეჯერ გხვდები, თუ მართალია ჩვენი გალური ანდაზა: „ვინც თვრება, ღმერთს ხვდება“. არა, უფალო, მე ფიქრადაც არ მომივა დავიჩემო, როგორც ამას ის მუზმუზელა ხალხი ამბობს, ღმერთს კარგად ვიცნობ, ჩემი დეიდაშვილია და თავის ნება-სურვილს ნიადაგ მამცნობს-მეთქი; ხომ არ გაწუხებ, უფალო, მოდი და, ნურც შენ შემაწუხებ. ორივეს თავსაყრელი საქმე გვაქვს, შენ შენს სამყაროში, მე კი — ჩემს პატარა სამთავროში. ზეციერო, თავისუფლება მიბოძე, არა? მეც შენს ნებაზე მიმიშვიხარ, მაგრამ იმ ნაძირალებს განუზრახავთ, შენი საქმეები განვაგო, შენი სახელით ვილაპარაკო, ვთქვა, თუ როგორ შეგახრამუნებ და ვინც სხვანაირად შეგახრამუნებს, შენსა და ჩემს მტრად გამოვაცხადო! ჩემს მტრად? ღმერთმა დამიფაროს, როგორ გეკადრებათ. მე მტერი არა მყავს. ყველა ჩემი პეგობარია. ჩხუბობენ? კისერიც უტეხიათ. მე არ ჩავერევი. „ქვა აგორდი, მე ამშორდი“. მაგრამ იმ უნიფხოებს რომ არ უნდათ? თუ ერთის მტერი არა ვარ, მეორე ამეკიდება ზურგზე, თუ არც მეორესა ვმტრობ, — ორივე მეცემა ხოლმე. კეთილი, რაკი ორივემ ყოველთვის მე უნდა მბეგვოს, მოდი, ჩვენც ვბეგვოთ. ასე სჯობია. ჯერ გოდემლი ვიყოთ, მერე კი — ურო.

ნეტავ ვინ მტყვის, რად გაჩნდა ამქვეყნად ყველა ეს ხედაგი, ძარცვის თავადი, ფეოდალი, პოლიტიკოსი, ბატონიშვილი, ამდენი ცხოველი, საფრანგეთის სისხლისმწოველი. მარად ქვეყნის დიდებაზე

გალობენ და მის ძარცვას კი არ თაკილობენ; ჩვენი დღეებით რომ ვერ იჯერეს გული, სხვისი ბედლის შესანსვლას ლამობენ. ემუქრებიან გერმანიას, იტალიის დაპყრობა სურთ, ცხვირს ყოფენ სულთანის ჰა-რამხანაში, დედამიწის ნახევარი უნდათ ხელთ იგდონ და კომბოსტო რომ კომბოსტოა, ისიც ვერ მოუყვანიათ. აბა, აბა, მშვიდად, კოლა, ნუ ბრაზობ-მეთქი; ყველაფერი, რაც არის, რიგზეა... სანამ არ გავაუმ-ჯობესებთ (როგორც კი შესაძლებლობა მოგვეცემა). წყალწალღებული ცხოველიც გამოსადეგია. გაბიგონია, ვითომც ერთხელ მამა-ღმერთს (უფალო, რა ხათაბალაა, დღეს სულ შენზე ვლაპარაკობ) წმინდა პეტ-რესთან ერთად ბეიანის გარეუბანში სეირნობისას ერთი კარის ზღურ-ბლზე მოწყენილი ქალი დაენახოს. იმდენად დაღონებული ყოფილა ქალი, რომ უფალს შებრალებია, ჯიბის ღილი შეუხსნია, ასიოდე ტილი ამოუღია, ქალისთვის გადაუყრია და უთქვამს: „გამოძართვი, შვილო, და გაერთე“. ქალი მყისვე გამოცოცხლებულა, დაუწყია ნადირობა და როგორც კი დაიჭერდა ტილს, კისკისებდა თურმე. ჩვენი ორფეხა ტილებიც უთუოდ ჩვენს გასართობად ბოძებული ციური წყალობაა. მამ, ვიმხიარულოთ! ტაში! ტაში! ტილები თურმე ჯანმრთელობის ნი-შანია (ტილები ჩვენი ბატონებია). თუკი ასეა, მამ, გავიხაროთ, ჩვენ-ზე ჯანსაღი კაცი არ ყოფილა. ერთ რამეს გეტყვით (ჩვენში კი დარ-ჩეს): „მოთმინება იქონიეთ და... ბოლო ჩვენია. სუსხსა და ყინვას, ბა-ნაკებისა და სამეფო კარის ნაძირალებს დიდი დღე არა აქვთ... წყალნი წავლენ და წამოვლენ, ქვიშანი დარჩებიანო; დარჩება მადლიანი მიწა და დავრჩებით ჩვენც მის დასამაკებლად. ზარალს ერთი ნაბარტყით ავანაზღაურებთ... მანამ კი კასრი სულ გამოვცალოთ. მომავალი რთვე-ლისათვის ჭურჭელი გვკვირდება“.

• • •

ჩემი ქალიშვილი მარტინა მეუბნება:

— ბაქია ხარ. ვინმემ რომ გისმინოს, იფიქრებს, ეს კაცი მხოლოდ ყბებით მუშაობს, დოყლაპიასავით დაეხეტება, ბუზებს ითვლის, სარე-კელასავით ყბედობს, უსმელობისაგან ამთქნარებს, ქეიფისათვის ცხოვრობს და მზად არის, რონა და გარონა შესვასო. ნამდვილად კი უქმად ერთი დღეც ვერ გაჩერდები. ძალიან გინდა იფიქრონ შენზე,

რომ ქარიფანტია ვინმე ხარ, ჩიტირეკია, ქარაფშუტა, ბედოვლათი, უწესრიგო, რომელმაც არც კი იცის, რა აქვს ქისაში, ანდა, რა დაუ-ხარჯავს; ავად განდებოდი, შენი სამუშაო დღე საათივით აწყობილი რომ არა გქონდეს. უკანასკნელ გროშამდე იცი, რა დაგიხარჯავს აღ-დგომიდან დღემდე და შენი გამბრიყვებელი არავის უნახავს... უცოდ-ველი გიყუნია! ერთი ამ ლამაზ ბატკანს დამიხედეთ!.. შამუს ბატკანი ყველა ბატკანს სჯობს, სამი მიუშვი, მგელსაც წაახრჩობს.

ვიციანი, არ ვედავები ენამახვილ ქალბატონს. მართალია გოგო, მხოლოდ იმაში ცდება, რომ ამბობს ამას, მაგრამ ქალს მარტო იმის დამალვა შეუძლია, რაც არ იცის. მიცნობს მარტინა, მიცნობს იმი-ტომ, რომ ჩემი ნაშეირია; აბა, კოლა, ამაში მინც გამოტყუდი, ბიკო, რომ რამდენიც არ უნდა იგიჟმაჟო, არა და არა, ვერ გახდები გიჟლა-რა. რა თქმა უნდა, როგორც ყველა ფრანგს, შენცა გაქვს შემონახუ-ლი სიანცე, რომელსაც როდესაც გსურს, გამოაჩენ, ანდა გადამალავ, თუ სამუშაოდ თავისუფალი ხელები და ნათელი გონება გჭირდება. როგორც ყველა ფრანგს, შენცა გაქვს მაგ გოგრაში ჩანერგილი გონი-ერებისა და წესრიგის ინსტინქტი, ამიტომაც შეგიძლია თავშესაქცევად იბაქიბუქო; ეს მხოლოდ იმათთვისაა საშიში, ვინც დოჟლაპიებივით პირლადებულნი გიყურებენ და სურთ მოგბძონ. (ბრიყვები!) ლამაზი სიტყვები, როხროხა ლექსები, ზვიადი ზრახვები საამო რამ არის; აღვეგზხები, ცეცხლი მედება, მაგრამ მხოლოდ ფიჩხსა გწვავ, ბეჯითად დაწყობილ შეშას კი საწყობში ვინახავ. მხიარულდება ჩემი ფანტაზია, წარმოდგენას უმართავს გონებას, რომელიც არხეინად მოკალათებუ-ლა და ტკბება სანახაობით. ყველაფერი მართობს და მახალისებს. სამ-ყარო თეატრად მაქვს, ჩემი სავარძლიდან ვუყურებ კომედიას, ტაშს ვუკრავ მატამორს, ანდა ფრანკატრიპას; ასპარეზისა და მეფური ზეი-მების ცქერით ვტკბები, შექაზილებით ვამხნევებ ხალხს, რომელიც ჩემი სიამოვნებისათვის ერთმანეთს თავ-პირს ამტვრევენ და ბოლოს, უფრო სასაცილო რომ გავხადო, ყასიდად მეც ვერევი, თითქოს ამ ოიხბაზობისა მჭეროდეს. მაგრამ ოჰე: ვინ მოგახსენათ, ზუსტად იმდენი მჭერა, რამდენიც გასართობადაა საჭირო. ასევე ვუსმენ ზღაპრებს ფე-რიებზე... და განა მარტო ფერიებზე! აი, ცის კამარის ყველაზე მაღალ და ნათელ სფეროში ერთი მსუქანი ვაჟბატონი ცხოვრობს... ჩვენ მას დად პატივსა ვცემთ: როდესაც ის გალობით, ჭვრითა და ბაირალით ხელში ჩვენს ქუჩებში გაივლის, კედლებს თეთრი ზეწრებით ვმოსავთ.

ჩვენს შორის დარჩეს და... ენა ჩაიგდე, შე სულძაღლო ლაზღანდარავ, შენა. კოცონის სუნი მცემს... უფალო, არაფერი მითქვამს. ბოღიში. ქუდს ვიხდი შენს წინაშე.

ოებერვლის ბოლო

ვირმა ველი მოასუფთავა და იფიქრა, ახლა რა საჭიროა ამ მინდვრის დარაჯობაო და მეზობელი ველებსაკენ გაემართა საბალახოდ (სადარაჯოდ-შეთქი, უნდა შეთქვა). დილით აიყარა ბატონ ღე ნევერის გარნიზონი. ბიჭები ისე იყვნენ კურატებივით ჩასუქებულნი, რომ მათი ნახვა გეამებოდათ. ნამდვილად მქონდა უფლება მეამაყა ჩვენი სამზარეულოთი. ერთმანეთს გულთბილად დავემშვიდობეთ. თავანიახად, ალერსიანად გვისურვეს პურის უხვი მოსაავალი, გვისურვეს, ვენახი არ დაგვეტყველოდა.

— ძია, ყოჩაღად იმუშავეთ, — მითხრა ჩემმა სტუმარმა ფიაკრ ბოლაკრმა (ძიას მეძახის და მე ეს უდავოდ დავიმსახურე. ზომ გაგიგონხათ: იმას ვეძახი ბიძაჩემს, ვინც რომ გემრიელ პურს მაქმევს), — ჯაფას ნუ დიხზარებ, ვაზის გასხვლა არ დაგავიწყდეს, წმინდა მარტენის დღეობაზე დასალევად გეახლებითო...

კარგი ბიჭებია, მე და ჩემმა ღმერთმა; ყოველთვის მზად არიან სუფრას მოუსხდნენ და ხელადასთან მოჭიდავე კაცს შეეშველონ.

მათი წასვლის შემდეგ თავს შელავათიანად ვგრძნობთ. ფრთხილად აღებენ სამალავის კარს მეზობლები. ასე გასინჯეთ, იმანაც კი, ვისაც ბოლო დღეებში ცხვირ-პირი ჩამოსტიროდა და შიშპილისაგან ისე კენესოდა, თითქოს მუცელში მგელი უზისო, თავის ბელელში ჩალის ქვეშ ან მარნის სამალავში ნადირის დასაპურებელი აღმოაჩინა. არ დარჩენილა არც ერთი კონკიაელარუნა, ვისაც კენესა-წუწუნის მიუხედავად ერთი კასრი კარგი ღვინო მაინც არ შემოენახა. წარმოიდგინეთ, მეც კი (ღმერთმანი, ვერ გამიგია, როგორ მომივიდა ასეთი რამ), ჩემი დისწული ფიაკრ ბოლაკრი გავისტუმრე თუ არა (იუდეის გარეუბნამდე მივაცილე), თავში შემოვირტყი: უცბად შაბლის ერთი პატარა, ჩამრგვალებული კასრი მომაგონდა; ნაკელში ეგდო, მივიწყებული, თბილად რომ ყოფილიყო, იქ იმიტომ შევიინახე, მეტად შევწუხდი, ვაი, როგორ შევწუხდი; მაგრამ მახლას, რაც მოხდა, მოხდა; რაღას გააწყობ, უნდა შეურიგდე... მეც შევურიგდი. ბოლაკრ, ჩემო

დისწულს! აფსუსს, ბოლაკრ, რომ იცოდე, რა დაკარგე, რა ნექტარი, რა ბუკეტი!.. არა, არაფერს დაკარგავ, შვილოსა, შენს სადღეგრძელოს მაინც დავლევ.

სახლიდან სახლში გადავდივართ. ვმეზობლობთ, შემთხვევით სარდაფში ნაპოვნ ხორაგს ვათვალიერებთ, ერთმანეთს ვკოცნით. მოგვებივით ვკუტავთ თვალებს, ვლაპარაკობთ ზარალზე და ვნებაზე (ქალებისთვის მიყენებულ წყენაზე); კაცს ხომ მეზობლის ზიანი გართობს, შენსას გავიწყებს. გვაინტერესებს ვენსენ პლუვიოს მეუღლის ჯანმრთელობა. ქალაქში ჯარის ყოველი ბანაკობის შემდეგ, საოცარი შემთხვევითობით, გალთა ქვეყნის ამ მხნე ასულს ფეხი უმჭიმდება და მუცელი უსივდება. ვულოცავთ ბედნიერ მამას, ალტაცებაში მოვდივართ მისი თირკმლების ნაყოფიერებით ჟამსა საზოგადოებრივის განსაცდელისასა. ყოველგვარი ბოროტი ზრახვების გარეშე, მეგობრულად, ხუმრობით დიპზე ვუთათუნებ ცუდლუტს და ვამბობ: „დიდებულსი სახლ-კარის პატრონო, ვენსენ ბატონო, თქვენი ოჯახი ერთადერთია, სადაც მუცელი მადლიერია, როდესაც სხვების ცარიელია“. ყვვლა გულიანად იცინის, რა თქმა უნდა, მორიდებით, ესე იგი, ფართოდ ხახდაფჩენილი, როგორც აღვირაწყვეტილი ტუტრუცანა; მაგრამ მეზობელი პლუვიო ქებას თაკილობს და მეუბნება, უკეთესია შენს ცოლს მიხედო. ვეუბნები: პლუვიო, ჩემი ცოლის ბედნიერ პატრონს შეუძლია არხეინად ეძინოს, საუნჯეს არავინ მოსტაცებს-მეთქი. იმდენად ბოროტია ხალხი, რომ ზრდილობისათვისაც კი არავინ მელაგება.

• • •

აი, ყველიერის ბედნიერი დღეებიც. რაც უნდა გვიჭირდეს, მაინც ღირსეულად უნდა დავხვდეთ ყველიერს. ეს ხომ ჩვენი ქალაქის, ყოველი ჩვენთაგანის ღირსების საქმეა. აბა, რას იტყვიან კლამსიზე, ძეხვებით სახელგანთქმულ მხარეზე, ყველიერის ძეხვი რომ არ გვქონდეს... ისმის ტაფების შიშხინი, ქონის საამო სუნით იჟღინთება ქუჩაში ჰაერი. ააგდეთ ფასალი! უფრო მალლა, უფრო მალლა ააგდეთ ჩემი გლოდისთვის!..

ისმის დოლების დაფდაფი, სტვირის შემოძახილი, სიცილი, კივილი. თუღის მეუფენი მობრძანდებიან სტუმრად რომში. წინ მუსიკოსები და შუბოსნები მოუძღვებიან; ცხვირებით აპობენ ბრბოს. ხორთუ-



მისებრი, შუბისებრი, სანადირო ბუკისებრი, საყვირისებრი ცხვირებით. ზოგს ცხვირზე ეკლები აუსხამს, ზოგს ჩიტი წამოუსკუთავებია. ეს ცუდ-ლუტები ჩველემენ დოყლაბიებს, გოგოებს კალთებქვეშ ხელებს უფათურებენ; ქყვირიან ლამაზები. ანაზდად ყველა განზე დგება, გარბის. ურნალივით მოექანება ცხვირთა მეფე და ძველებური ქვემეხის მსგავს გორგოლებიან ზედადგარზე მოაგორებს თავის ცხვირს.

უკან მოსდევს დიდი მარხვის ეტლზე გაპაპაყვარებული... თევზი-ყლაპიათა იმპერატორი. რამდენი გაფითრებული, გამწვანებული, გაძვალტყავებული, ანაფორაწამოსხმული, არახჩინის ქვეშ მოკანკალე ან თევზის თავით შემეკული სიფათია. რამდენი თევზი! ერთს ქორკილა ან ქანარი უჭირავს ხელში, მეორე ლიფსიტებწამოცმულ ორკაპს ატოიანებს, მესამეს ქარიყლაპიას თავი წამოუცვამს. ქარიყლაპიას პირიდან ნაფოტა გამოდის; ნაფოტა თევზით სავსე მუცელს ხერხით იფატრავს, რათა იშშობიაროს. ვუყურებ და მათ შემეყურეს მუცლის გვრემა მომდის... აი, ამათ კი პირი დაუღიათ და შიგ თითებს იჩრიან, ცდილობენ პირის გაგანიერებას, რომ კვერცხები გადაყლაპონ, (მოიტათ ღვინო!) სუნთქვა ეკვრით, ყელში კვერცხი აღარ გადასდით. აქეთ და იქით, მარჯვნივ და მარცხნივ, ეტლზე, ბუქნაჭოტების ღრანქები, ბერები, ანაფორები, მეთევზეები წილკავით ბიჭბუჭებს იჭერენ; თიქნებივით ხტიან ანკესზე წამოცმული ცუდლუტები, პირი დაუღიათ და ჰაერში იჭერენ კანფეტებს და შაქარლამას, ხრამუნ, ხრამუნ, ხრამუნე, მოდი შეახრამუნე! მათ უკან კი შზარეულად გადაცმული ავი სული ცეკვავს, — ხელში ქვაბი და ჩამჩა უჭირავს და კიბის თვალიდან ამოყოფილ ჩაჩიან და დაღრანჯულ თავებს, ერთმანეთზე გადაბმულ ექვსიოდე ფეხშიშველ ცოდვილს პირში თხლეს ასხამს.

აი გამარჯვებულნიც, დღევანდელი დღის გმირები! ლორების ტახტზე დაშაშხულ ენათა თაღქვეშ მობრძანდება ცერცველების გვირგვინით თავშემკული დედოფალი, ყელი სოსისების კრილოსნით შეუშკია, ფუნჩულა თითებით კეკლუცად ეალერსება და მარცვლავს ამ საყველიერო ყელსაბამს. დედოფალს შეიარაღებული მხლებლები მოჰყვებიან, თეთრი და შავი კუპატები, კლამსის ძეხვები. ისინი პოლკოვნიკ კუპატმაქახელას გამარჯვებისკენ მიჰყავს: კრიალა მახათ-შამფურით შეიარაღებულთ და ჩასუქებულთ მართლაც დიდებული იერი აქვთ. ძიყვარან ეს დიდებულნიც, მათი მუცელი ქვაბია, სხეული — შებრაწული პაშტეტი; მოგვ მეფეთა მსგავსად, ვის ღორის თავი, ვის

შავი ყურძნის დოქი ღვინო და ვის კიდევ დიუონის მდოგვი მოაქვს. თითბერის საყრავების, წინწილების, ქაფქირებისა და ტაშტების დაფ-დაფზე, საერთო ხმაურში ვირზე ამხედრებული მობრძანდება რქოსან-თა მეფე, დოსტი პლუვიო ვენსენი! ძაღლის ბედი აქვს, ის აურჩევიათ, ის. ვირზე პირუტყუ შემეძღარი, დოლბანდით თავწაყრული, თასით ხელ-ში ზვიადად უსმენს ჭოკითა და ჭოგრით შეიარაღებულ მეტივეებს, თავის მხლებლებსა და რქიან ეშმაკებს. მხლებლები კრიალა ხმით, კაოგ და გულლია ფრანგულ ენაზე დაუმალავად ღრიალებენ ვენსენ ბატონის ამბავსა და დიდებას; ჩვენი ვენსენი, ვითარცა ბრძენი, უკადრო-სობას როდი ამეღავენებს. გულცივად სვამს, ყელს ისველებს, მაგრამ, როდესაც მსგავსი ბედნიერებით ცნობილი სახლის წინ გაივლის, თასს მაღლა სწევს და ყვირის: „ჰეი, კოლეგა, შენი სადღეგრძელო იყოს“.

კორტეის ბოლოში მობრძანდება გაზაფხული: კეკლუცი ასული, ლამაზი, ვარდისფერი, მალხაზი, თხილნარში მოკრეფილ მწვანე კოკობებით ჩვარედინად გარშემორტყმული. ხუჭუჭა, ქერა თმებში ღიაყვი-თელი ფერისულები ჩაუწნავს, მკერდს ორი საამო მრგვალი კოკორი უმშვენებს, ქამარზე სავსე და წკარუნა ქისა ჰკიდია, ხელში კალათა უჭირავს. ქერა წარბები აუწევია, თვალები ფართოდ გაუხელია, დახა-სავით მჭრელკიკებიანი პირი დაუღია და „მერცხალი დაგვიბრუნდე-ბაო“, მღერის და მღერის. ორ უღელ თეთრხარებშებმულ ურიკაზე გვერდს მზეთუნახავები უმშვენებენ, — მორთული, ფუნჩულა, ტან-აყრილი, ჩამრგვალებული, ზომაზე შებრაწული ხათუნების ჯარი. ისე-თი ლამაზები არიან, ერთი სიტყვით, ისეთი, რომ... თითებს ჩაატან... მათ გვერდით კი გარდამავალი ასაკის, აქა-იქ ამოსული სუსტი ხეების მსგავსი პატარა გოგონები ჩაცუკქულან. ყოველ მათგანს რაღაც აკლია ან წინ, ან უკან, მიუხედავად ამისა, მგელი ასეთ საუზმეზე უარს არ იტყვოდა. ამ უშნო, მაგრამ მაინც ლამაზ გოგონებს გალიით გადა-მფრენი ჩიტები მოჰყავთ, ან კიდევ გაზაფხულის დედოფლის კალათი-დან დოყლაპიებს უყრიან ფუნთუშებს, სიურპრიზებს, ქაღალდის ფუ-თებს, რომელშიაც პოულობენ ჩიხორებსა და ქუდებს, დაშაქრულ ნუ-შის გულს, დაწერილ ბედს, სატრფიალო ლექსს, ანდა, კიდევ უკეთესს, დაგრძელებულ რქებს.

ბაზრის მახლობლად, კომკის მისადგომთან, ქალწულნი ურიკიდან დიდ მოედანზე ხტებიან, ნოჭრებთან და გადამწერლებთან ცეკვავენ: ყველიერი, დიდი მარხვა და რქოსანთა მეფე კი ტრიუმფალურ მარშს

განაგრძობენ, ყოველ ოც ნაბიჯზე ჩერდებიან, რათა ამცნონ ხალხს და  
ჯამათს კეშმარიტება, ან სასამისის ფსკერზე ეძიონ იგი...

ოავისხით ღვინო, დაგვალევიანთ,  
ძმაკაცი ისე როგორ გავუშვათ,  
მის ეელში ღვინო რომ არ ჩავუშვათ.

ბევრი სმა ენას ამძიმებს, გუნებას ასველებს. მეგობარ პლუვიოს  
თავისი ამალითურთ მორიგ გაჩერებაზე სამიკიტნოს აბრის ჩრდილში  
ვტოვებ. დიდებული და მშვენიერი დღეა. გალიაში გამოკეტილი რად  
უნდა დავრჩე? წავიდეთ, შინდვრის ჰაერი ვისუნთქოთ.

თავისი სოფლიდან ვირშებმული ურიკით წმინდა მარტენის ეკლე-  
სიის დეკანოზთან სანადიმოდ ჩამოსული ჩემი ძველი მეგობარი მოძ-  
ღვარი შამაი მთხოვს, ცოტაზე გავაცილო. მიმყავს გლოდი და ჯაბახანა  
საზიდარში ვსწდებით. აცე, ვირო!.. მუტრუკი ისე პატარაა, ისე პატარა,  
რომ შამაის ვეუბნები, ჩემსა და გლოდს შორის საზიდარზე დავსვათ-  
მეთქი... ჩვენ წინ თეთრი გზა იშლება, ჩაჩანაჯი მზე თვლემს; თავის კე-  
რიასთან თვითონ ძლივს თბება, ჩვენ რას გავვათბობს. იძინებს ფიქრს-  
მიცემული მუტრუკიც და ჩერდება. აღმფოთებული მოძღვარი თავისი  
ზარასებური ხმით შეუძახებს:

— მადელონ!

ვირი კრთება. წვრილ ფეხებს აბაკუნებს, ორ ნაკვალევს შორის  
დაბორიალობს, კვლავ ჩერდება. ფიქრს ეძლევა. ჩვენს ლანძღვა-გი-  
ნებას აინუნშიაც არ აგდებს.

— ჰა, შე წყეულო შენა, ზურგზე ჯვარი რომ არ გქონდეს გამო-  
სახული, როგორ გადაგამტვრევდი ამ ხელკეტს ხერხემალზე, — იღრი-  
ნება შამაი და მუტრუკს გავაზე ჯოხს უთათუნებს.

პირველ სახამროსთან, გზის მოსახვევში ვისვენებთ. გზა ჩადის  
თეთრ სოფელ არმში, თავმომწონედ რომ იცქირება ანკარა წყალში.  
იქვე, მახლობლად, მინდვრის შუაგულში, დიდი კაკლის ირგვლივ, რო-  
მელსაც შავი მკლავები და ამაყი, ტიტველი ტანი ცისკენ აუშვერია, ქა-  
ლიშვილებს ფერხული ჩაუბამთ. წავიდეთ. ვიცეკვოთ... გოგონებს ყვე-  
ლიერის ფასალი მოუტანიათ ჰორიკანა კაქკაქისათვის.

— აბა, გლოდი, ბუდის კიდეზე თეთრ ელეგში მორთულ ყიპალა  
მარგოს შეხედე, აი იქ, მალლა, სულ მალლა. ძირს იყურება, უნდა  
ყველაფერი დაინახოს; ცნობისმოყვარე სალახანა! მის მრგვალ თვალს

და ლაქლაქა ენას რომ არაფერი გამოეპაროს, სახლი მაღალი ხის კენწეროზე გაუშეხებია, არც კარი აქვს და არც ფანჯარა, აწვიმს და ათოვს. იყინება, სველდება, მერე რა! სამაგიეროდ ყველაფერს ხედავს. რატომღაც ცუდ ხასიათზეა. თითქოს გვეუბნება: „რა თავში ვიხლი მე თქვენს ძღვენს, უკანვე წაიღეთ. როგორ გგონიათ, თქვენი ფასალი რომ მსურდეს, ვერ მოფრინდებოდი და ვერ წავიღებდი? ჭამო ის, რასაც გაძლევენ, აბა, რა გასახარია. მხოლოდ ის არის საამო, რაც ნაქურდ-ნაპარავია“.

— პაპა, მაშ, რად აძლევენ ლამაზი ბაბთებით მორთულ ფასალს, რად ულოცავენ დღესასწაულს მაგ ბაცაცა კანტალას.

— ეს იმიტომ, ჩემო პატარა, რომ სჯობს ბოროტთან მეგობრობა, ვიდრე მასთან დავა, მტრობა.

— ეჰ, კოლა, კოლა, კარგ რამეს ასწავლი ბავშვს, — ბუზღუნებს შამაი.

— მე განა ვეუბნები, კარგია-მეთქი, მხოლოდ იმას ვამბობ, რასაც ყველა აკეთებს; აბა, გაბედე და თქვი, როდესაც საქმე ერთ-ერთ შენს ღეთისმოსავ დედაკაცთან გაქვს, რომელიც ყველაფერს ხედავს, ყველაფერი იცის, არ აჩერებს პირს, ყველგან ყოფს ცხვირს, ქიშელა აფეიოებით აქვს საესე, თქვი, რომ ჩავაჩუმო, პირში ფასალს არა ვჩრიო!

— ეჰ, უფალო! ეგ რომ კმაროდეს! — წამოიძახა მოძღვარმა.

— მე კი მარგოს ცილი დავწამე, ის ასეთ ქალს სჯობია, მის ენას ზოგჯერ სარგებელიც მოაქვს.

— მაინც როდის, პაპა?

— როდესაც მგელი მოდის, ყვირის ხოლმე...

სწორედ ამ სიტყვებზე კაქკაჭი იწყებს ყვირილს, ლანძღვას, წყევლას; ფრთებს შლის, ნეარდობს, გინებით ამკობს, არ ვიცი, ვის, რას; უთუოდ ვილაცას, ვინც არმის ველზეა. ტყისპირეთიდან მკვახე და გაბრაზებული ტონით ბანს აძლევენ მისი ფრთოსანი ძმაკაცები, მხიარული გუგული შარლო და ყვავი კოლა; ხალხი იცინის, ყვირის: „მგელი, მგელი“. არავის სჯერა, მაგრამ მაინც სანახავად მიდიან (ყურით გაგონილს თვალთ ნანახი სჯობიაო...) და რას ხედავენ? ღმერთო ჩემო! ამხედრებული ბანდა ჩორთით ამოდის ფერდობზე. ვიცანი, ეს ვეზლეთის ჭარია, გაიგეს ავაზაკებმა, რომ ქალაქი დაუტყავია და გადაწყვიტეს წაასწრონ კაქკაქს (ამას კი არა) ბუღეში.

მერწმუნეთ, რომ მათ ცქერაში დროს არ ვკარგავთ. ყველა ყვირის, ქყივის: „თავს უშველეთ!“ ატყდა ერთი ჭახა-ჭუქი, აურზაური. მიიძურწებიან გზაზე, მინდვრებზე, ვინ ქუდმოგლეჯილი გარბის, ვინ კიდევ უკანალზე მიგორავს. ჩვენ სამნი ურიკაზე ვსხდებით, ისარივით მიფრინავს მადელონი, თითქოს ესმოდეს რა ხდება ირგვლივ. მოძღვარ შამაის დაავიწყდა ჭვარგამოსახული მუტრუქის პატივისცემა და უზოწყალოდ უმათრახებს ზურგს. დასაკლავი გოჭებივით მყვირალა ხალხის ტალღას მივებობთ, და ბოლოს, როგორც იქნა, მტვრითა და დიდებით მოსილნი შევდივართ კლასმისში, ფეხდაფეხ მოგვდევენ დანარჩენებიც, მიეჭრებივართ, ურიკა ხტის, მადელონი ფეხს მიწას არ აკარებს, მოძღვარი მუტრუქს ამათრახებს, ყვირილით ბიანის გარეუბანს ვჭრით:

— მტერი მოდის, მტერი!

ჩვენს დანახვაზე ხალხი იცინოდა, მაგრამ მალე მათაც ალღო აართვეს და მყისვე, თითქოს ჭიანჭველების ბუდეში ჯოხი შეყვესო, იწყებს ფუსფუსი, შერბენ-გამორჩენა. იარაღს ისხამენ მამაკაცები, ფუთებს კრავენ დედაკაცები; სახელდახელოდ შეკრულ ფუთებს, გუდაკალათებს, ურიკებზე აწყობენ; ქონმახებს ტოვებენ გარეუბნელები, ქალაქის გალავანს აფარებენ თავს, ისევე, როგორც იყვებენ, საყველიეროდ გამოწყობილნი, ნიღბებით, რქებით, ბრქყალებით, ღიპებით; ვინ გარგანტუად და ვინ კიდევ ბელზებელად გადაცმულმა, ბარჯებით და ხოჭებით შეიარაღებულმა მეტივეებმა ფიცხლად სიმამრეებისაკენ გასწიეს. ასე რომ, როდესაც ვეზლუის ჯარი ჩვენს კედლებს მოადგა, ხიდი აწეული დახვდა და თხრილის იქით დარჩა ის, ვისაც გადასარჩენი არაფერი ჰქონდა, რამდენიმე ბეჩარა და მათთან ერთად ამალის მიერ მივიწყებული, თავის მუტრუქზე მიძინებული, კასრივით მრგვალი, ვით ნოე მთვრალი, რქოსანთა მბრძანებელი, მეფე პლუვიო.

აი, სწორედ ასეთ გარემოცვაში დაინახავ კაცი, რომ სხვა ხალხის მტრად ყოლას ისევ ფრანგის მტრობა სჯობია. სხვები რომ ყოფილიყვნენ, მაგალითად, რეგენი გერმანელები, შვეიცარიელები ან კიდევ ინგლისელები, ვისაც ჰქუა-გონება თავში კი არა, ფაშვში აქვთ და რასაც ეტყვი ახალწელს, იფიქრებს, იფიქრებს და მადლობა უთხარი, თუ გაიგო დეკემბერს, რქოსანთა მეფის დანახვაზე იფიქრებდნენ, დაგვცინიანო და მშვიდობით, ჩვენო საყვარელო პლუვიო. მაგრამ ჩვენ, ფრანგებს, უსიტყვოდ გვესმის ერთმანეთისა. რომელი კუთხნ-

დანაც არ უხდა ვიყოთ, ლორენიდან თუ ტუოეხიდახ, 'მაძახიდან ,ოუ ბრეტანიდან, ბოსის ბატები ვიქნებით, ბონის ვირები თუ ვეზლვის კურდღლები, თუნდაც ერთმანეთს ვკამდეთ, სისხლსაც რომ ვსვამდეთ, ლაზათიანი ხუმრობა ფრანგ ვაჟკაცებს ყოველთვის გვეამება. ლოთი სილენივით გამსკდარი რომ დაინახეს რქოსანთა მეფე ვენსენი, მტრის ბანაკმა მორთო ჭიხვინი, ხვიხვინი, ხარხარი, სიცილი, იცინოდხენ პირით და ცხვირით, გულით და მუცლით, ყელით და ხელით. წმინდა რიგობერს გეფიცებით, ჩვენც გადმოგველო მათი სიცილი და ვხარხარებდით ჩვენს კედლებს უკან, სამშვიდობოში. მერე კი თხრილის ორივე მხარეს აიაქსისა და ჰექტორ ტროელის მსგავსად ჩვენებური ძმებიკური ლანძღვა-გინებით გაუუმასპინძლით ერთმანეთა, მაგრამ ჩვენი გინება უფრო ლაზათიანი და ჭიგრიანი იყო. მინდა ჩაეწერო, მაგრამ დრო არა მაქვს, თუმცა, (მოთმინება იქონიეთ!) ჩაეწერ კოებულში, რომელსაც აი, თხუთმეტი წელი იქნება, რაც ვადგენ. როცა ვიგონებ პილპილით შეკაზმულ-შენელებულ ურიდო ხუმრობას, მასხრობას, ოხუნჯობას, რაც ამ სევდის ველზე ჩემი ხეტიალის უამს უთქვამთ, მსმენია ან წამიკითხავს (დასანანი იქნებოდა, რომ დაიკარგოს), სიცილით ვსკდები. ფუი ეშმაკს! აი, წერისას ლაქა დავაავი.

• • •

კარგა ხნის ღრენისა და ყვირილის შემდეგ რაღაც უნდა გველონა (საქმიანობა ლაპარაკის შემდეგ ადამიანს ამშვიდებს), თუმცა, მართალი გითხრათ, რაიმეს გაკეთების ხალისი არც ჩვენა გვქონდა და არც იმათ. მათი საქმე წაგებული იყო, ჩვენ სამშვიდობოს ვიყავით; არაფრის შიში არ გვქონდა, მათაც არ სურდათ მოეტანათ ჩვენს კედლებზე იერიში, ასეთი რამ ხომ სახიფათოა, შეიძლება კაცმა თავიც წააგო, მაგრამ გულხელდაკრეფილებიც ხომ ვერ ვისხდებოდით, რამე მაინც უნდა გველონა. დაეწვიოთ თოფის წამალი, დაცალეთ მაქააელები. აჰა! მიირთვიოთ, გაამოთ, თქვენი სადღეგრძელო იყოს! ეს იყო და ეს. ბელურების მეტი არავინ დაზარალებულა. მიწაყრილის ქვეშ კედლებზე მიყრდნობილნი მტრის ფინდიხებს მშვიდად ველოდით, შემდეგ ჩვენც ვცლიდით მაყარებს, ისე, დაუმიზნებლად (რა საჭიროა მეტისმეტი თავის გამოღება). ტყვეების ღრიალს რომ გავიგებდით,

მხოლოდ მაშინ გავბედავდით გახედვას. გალაენისაკენ პირუკუ გამწვრივებულ თორმეტობედ ბეიანელ კაცსა და ქალს მტერი მათრახით უჭრელებდა უკანალს. საახალწლო გოქებივით ჭყვიროდნენ საბრალონი, მაგრამ ეს დიდი უბედურება როდი იყო. ჭავრი რომ გვეყარა, ჩვენც კედლებს მშვიდად ამოფარებულებმა გალაენის გასწვრივ მალა აშვერილი შუბებითა და შუბებზე წამოცმული ცერცველათი და ლორით, ძეხვითა და ლორით პროცესია მოვაწყვეთ. ამის დანახვანზე მტერმა შურისა და ბრახასაგან ყვირილი მორთო. მათი ყვირილი სმენას გვიტკობდა, გულს საამოდ ეფინებოდა (ყარგი ოინი თუ წამოიწყე, ბოლომდე უნდა მიიყვანო ხოლმე). შებინდებისას, ვარსკვლავებით მოქედილი ცის ქვეშ, ფერდობებზე, კედლებს ამოფარებულებმა გავშალეთ სუფრა, საამო, ტურფა, ხორაგითა და ღვინის დოქებით დატვირთული; ვიმღერეთ და ვიქეიფეთ, ვინადიმეთ, ვადღეგრძელებთ ბედნიერი ყველიერი. გაცოფებული მომხდურნი კი ჭიანჭველად სკდებოდნენ. დღე ასე გავიდა, დიდი ზარალი არც ჩვენ მოგვსვლია და არც იმათ, თუ მხედველობაში არ მივიღებთ გაბერილი გენო დე პუსიოს სიკვდილს, რომელიც კარგად გამძღაოი, ღვინით გამსკდარი, სასმისით ხელში მტრის გასახელებლად გალაენზე აბრძანდა, მაგრამ საბრალოს დამბაჩის ტყვიამ აუზილა ტვინი და კიქა. სამაგიეროდ ჩვენც დავასახიჩრეთ ერთი თუ ორი ვეზლეელი ღორი, მაგრამ ამან არ დაგვიდუმდა ენა, არ დააცხრო ლხენა. აბა, რა ქეიფია ის ქეიფი და ლხენა, თუ არ დარჩება დამსხვრეული ჭურჭლის თუნდაც პატარა ფენა.

ჩენი მამაცი მოძღვარი შამაი ქალაქიდან გასასვლელად ღამეს ელოდა. შინ უნდოდა დაბრუნება. რამდენი არ ველაპარაკეთ:

— მეგობარო, სახიფათო საქმე განვიზარახავს. სჯობს დაიციადო, შენს მრევლს უფალი მოუვლის.

დაიყინა:

— ჩემი ადგილი ჩემს მრევლთანაა. უფლის ხელი ვარ. იქ მელის ყველა, უჩემოდ ღმერთი არის ცალხელა. მე მისი მეორე ხელი ვარ, მერწმუნეთ ამაში.

— მწამს, მწამა, — ვუთხარი მე, — შენ ეს მაშინ დაამტკიცე, როდესაც შენს სამრევლოს ჰუგენოტები შემოერთებენ და შენც ერთი დიდი სიპი ქვით მათ კაპიტანს, პაპიფაქს, სული გააცხებინე.

— მაშ! მაშ! მეტად განცვიფრდა ურწმუნო და, შენ წარმოიდგინე, მეც. კეთილი კაცი ვარ და სისხლის დანახვა არ მიყვარს. საზიზღრო-

ბა, მაგრამ ეშმაკმა იცის, ტანში რა გიზის, როდესაც გიყებში ხარ! ამბავი ძველი, შენც ხდები მგელი.

— მართალია, — ვუთხარი მე, — საკმარისია ერთად თავი მოვიყაროთ, რომ გონება დავკარგოთ. ანგარიში ასეთია: ასი ბრვენი — ერთი ხელი, ასი ცხვარი — ერთი მგელი... მაგრამ, მღვდლო, ერთი ეს ამიხსენი: როგორ ათანხმებენ ამ ორ მორალს: პირველს, ადამიანისას, ვინც ეულად, პირისპირ ცხოვრობს თავის სინდისთან, თხოულობს მშვიდობას სხვისთვის და თავისთვის და მეორეს, ადამიანთა ჯოგისა და სახელმწიფოთა მორალს, ომსა და ავზაჯობას თავდაღებად რომ თვლის? რომელია ცოური და ღვთიური?

— ღმერთო ჩემო! რა საკითხავია? ორივე, კოლა. ორივე, ორივე ცაურია, ორივე ღვთიურია.

— მაშ, იცი, რა გითხრა? როგორც ჩანს, შენმა ღმერთმა თვითონაც არ იცის, რა უნდა. უფრო სწორად, კარგად იცის, მაგრამ არაფერი შეუძლია. თუ საქმე ეულ ადამიანთან აქვს, ადვილია: დიდი ჭაფა არ სჭირდება მის დასამორჩილებლად. მაგრამ როდესაც ადამიანები ჯოგად არიან, უფალი ველარ არის მხნე და მამაცი. აბა, რას გააწუბობს ერთი ყველას წინააღმდეგ? მაშინ ადამიანი მარჩენალი მიწის ანაბრად რჩება, დედამიწისა, რომელიც შთაბერავს მასში თავის მზეცურ ინსტიქტს... ჩვენებური, ძველებური ზღაპრები მოიგონე, ზოგჯერ ადამიანები მგლები რომ ხდებიან, შემდეგ კი ისევ თავიანთ ტყავში ძვრებიან. ჩვენებურმა ზღაპარმა უფრო მეტი იცის, ვიდრე შენმა ლოცვანმა, მოძღვარო. სახელმწიფოში ყოველი ადამიანი მგლად იქცევა. შენი სახელმწიფოები, მეფეები და მათი მინისტრები, რამდენიც არ უნდა მოირთონ მწყემსებად და რამდენიც არ უნდა იძახონ ცბიერად, დიდი მწყემსის, შენი კეთილი მწყემსის, ბიძაშვილები ვართო, სინამდვილეში მგლები და ბულები, ღრანჭები და მუცლები არიან, რომლებსაც ვერაფერი ამოავსებს. და მერე რატომ? იმიტომ, რომ გაძღეს მიწის დაუცხრომელი მადა.

— ბოდავ, წარმართო, — ყვირის შამაი. — მგლებიცა და სხვა დანარჩენიც ღვთის წყალობაა. ყველაფერი ჩვენი კეთილდღეობისათვის გააჩინა ღმერთმა. განა არ იცი, რომ თვით იესომ შექმნა მგელი, ოთა მისი ნეტარი დედის, უბიწო მარიამის ბოსტნის კომბოსტო თებების, ბატკნებისა და ციკნებისაგან. დაეცვა? იესო მართალია. მუხლი მოვიდრიკოთ მის წინაშე: ჩვენ მუდამ ვუჩივით ძლიერებს ამა ქვეყ-



ნისა, მაგრამ იცოდე, სუსტნი რომ გამეფდნენ, უარესი იქნება. მაშასადამე: ყველაფერი საჭიროა. საჭიროა მგლებიც და ცხვრებიც. ცხვრებს სადარაჯოდ ძგლები სჭირდებათ, მგლებს კიდეც ცხვრები: ხომ უნდა ქამონ... აბა, ჩემო კოლა, მოვრჩეთ ამაზე, მე ჩემი კომბოსტოს სადარაჯოდ მივდივარ.

კომბალს ეცა, ანაფორა აიკეცა, მემამბორა, მომამბარა მადელონა და უმთვარო ღამეში გზას გაუდგა

ლალი დღე მწარე დღეებმა შეცვალეს. პირველ საღამოს ღორმუცლობამ, ბაქიობამ, სიტუტუცემ, ხეთქვამ, ცეცხლვამ ჩვენი სანოვავის მარაგი ძალზე შეამცირა. ქამრის მოქერა გახდა საჭირო. ჩვენც მოვუჭირეთ: მაგრამ მაინც ვყოყოჩობდით, იხტიბარს არ ვიტეხდით. ძეხვი შემოგველია. დავამზადეთ კუბრში ამოვლებული კანაფით და ქატოთი გატენილი ნაწლავები და ბარჯებზე წამოცმული მტრის ცხვირწინ დავატრიალეთ: მაგრამ ყურუმსალი ყალთაბანდობას მიგვიხვდა. ერთმა ტყვიამ ასეთი ძეხვი შუაზე გაფატრა და ვინ იცინა, თუ იცით? მტერმა, ჩვენ არა. და ბოლოს, ჩვენთვის რომ საბოლოოდ აეგოთ წესი, ავაზაკებმა შეამჩნიეს თუ არა, სიმამრიდან ანკესით თევზს ვიჭერდით, მდინარეში აღმა და დაღმა ბადეები გადაისროლეს. თევზაობა შეწყდა. ბევრს ემუდარა ჩვენი დეკანოზი, ბევრი არწმუნა წარმართნი, მარხვა დაგვანებეთო, მაგრამ ამაოდ. რა გვექნა? სამარხვოს არ გვაქლევდნენ, ჩვენს საკუთარ ქონს მივეუბრუნდით.

მართალია, შეგვეძლო ბატონიშვილ ნევერისათვის გვეთხოვა დახმარება, მაგრამ, რაღა დაგიმალოთ და გამოგიტყდებით, სულაც არ გვეპიტნავებოდა გაგველო კარი და შეგვეკედლებინა მისი ლაშქარი, სჯობს მტერი გყავდეს კარში, ვიდრე აბეზარი მოყვარე სახლში. ასე რომ, სანამ შეგვეძლო თავის დაცვა, ჩუმად ვიყავით. მტერიც მოკრძალებით დუმდა, საშველად არავის უხმობდა. არ გვინდოდა შუთაყაცი, მორიგება ორში სჯობდა. მოლაპარაკება დინჯად დავიწყეთ. აბა რა გვეჩქარებოდა. ირგვლივ სიმშვიდე სუფევდა, ვწვებოდით ადრე, ვდგებოდით გვიან, ვთამაშობდით კოქს, ვამთქნარებდით უფრო მოწყენილობისაგან, ვიდრე შიმშილისაგან და იმდენს ვთვლებდით, რომ მარხვის მიუხედავად, გავსუქდით.

ცვდილობდით ნაკლებ გვემოძრავა, მაგრამ ბაეშვებს ვინ გააჩერებს. არამზადები დარბოდნენ და ხვიხვინებდნენ, იცინოდნენ, ჭიხვი-

ნებდნენ: აცოცდებოდნენ კედლებზე, დაწანწალედნეს, ენას უყოფდნენ და ქვების სეტყვას უშებდნენ მტერს. ცულლუტებს ანწლის მაქახელების მთელი არტილერია ჰქონდათ: კანაფიახი შურდულები, გაპობილი ჯოხები, და... აჰა, მიირთვი, დაიჭი, არ დაგეკარგოს, გემრიელია? შეგარგოს! და პატარა მაიმუნებს კისკის-სიცოლისაგან მუცელზე კანი აღარ რჩებოდათ. გაბრაზებული და ჩაქოლილი მტერი ბავშვების გაუღეტი იმუქრებოდა. გაგვაფრთხილეს: პირველ ცულლუტს, რომელიც კედელზე ცხვირს ამოყოფს, იქვე მივაწვენთო. დავპირდით, რომ ყურადღებას მივაქცევდით, მაგრამ რამდენი არ ვუყვირეთ, ყურები ავუწიეთ, მაინც ვერაფერს გავხდით და აი, უბედურებამაც გვიწია (რომ მაგონდება, ახლაც ელეთ-მელეთი მომდის). ერთ საღამოს კვილი შემოგვესმა: თურმე ნუ იტყვიო, გლოდი, ეს ქვეშქვეშა, ჩუმჩუმელა, პატარა კრავი, ეშმაკის თავი, ფერდობიდან თხრილში გადაეშვა... ღმერთო ჩემო! მზად ვიყავი გამეწკებლა... კედელზე ავეარდი და იქიდან გავყურებდი პატარას. მტრისთვის აღვილი იყო ჩვენი მიზანში ამოღება, მაგრამ ისიც ჩვენსავით უყურებდა ჩემს საუნჯეს, რომელიც (იკურთხოს წმინდა ღვთისმშობელი მარიამი!) პატარა ფისუნისავით რბილად დაგორებულა და იჭდა აყვავებულ მდელოზე, უშიშრად აეწია თავი, ორივე მხრიდან მისკენ დახრილ თავებს უღიმოდა და ყვავილებს კრეფდა. მტრის მეთაურმა, ბატონი-შვილმა ლე რენიმ ბრძანა, ბავშვისათვის ხელი არ ეხლოთ და, უშველოს ღმერთმა, ტყბილეულით სახსე კოლოფი გადაუგდო გლოდის.

და აი, იმ დროს, როცა ჩვენ გლოდის ცქერით ვიყავით გართული, მარტინა (ეშმაკმა იცის ქალების თავი და ტანი) თავისი ბატქნის გადასარჩენად კისრისტეხით, სრიალით და კოტრიალით დაეშვა ფერდობზე. ჭუბა კისრამდე ასწეოდა და მტერს უჩვენებდა თავის აღმოსავლეთს და დასავლეთს, ცის კამარის ოთხ მხარეს, მოკაშქაშე ცაზე მოელვარე მნათობს, პატიოსანი კაცის გულს რომ ათბობს. უღაოდ დიდი მოწონება დაიმსახურა, მაგრამ ამან როდი შეაქართო. აიყვანა თავისი გლოდი, ჭერ ჩაიხუტა, აკოცა, მერე მიტყეპა, გაცოცხა.

მარტინას ორივე ნახევარსფეროთი აღტაცებული ერთი ახმახი, ურჩი მემომარი გადახტა თხრილში და სირბილით მისკენ გაექანა. მარტინა შედგა. სიმაგრიდან ცოცხის ტარი გადავუგდეთ: დაავლო ხელი და მამაცურად მტერს შეუტია... თხლაშ, თხლუშ, ტყაა, ტყუპ, მიირ-

თვი ბიჭო, კიდევ ხომ არ გასურს? გული არ დაგწყდეს. შეშინდა წუწკი აშკი, მეტი ვერ გაძლო, ველარა, ზურგი იბრუნა, გაქუსლა, დაჰკარით ბუკი-ნალარა! ორივე ბანაკის სიცილ-ხარხარში თოკით ამოვიყვანეთ გამარჯვებული ღუდა-შვილი. ფარშავანგევით. აყოყოჩებულ ვეჰაჩებოდი თოკს, რომელზედაც ეკიდა თხრილში ჩასული ჩემი მამაცი ასული. მას კი მტრისათვის მიეშვირა თვალის დამტკბობი შუამამის მნათობი.

კიდევ ერთ კვირას გაგრძელდა მოლაპარაკება (სასაუბროს, თუნდაც ჭირში, რა გამოლევს). უეცრად ხმა დაირხა, ბატონიშვილი დენევერი კლამისიკენ მოიჩქარისო და ჩვენც შევთანხმდით; საბოლოო ჯამში ზავი იაფი დაგვიჯდა. ვეზლეელებს მომავალი ჭირნახულის მეთედს შევპირდით. ადვილად იმეტებ იმას, რაც არა გაქვს, რაც გექნება... ხომ შეიძლება, არც კი გექნეს; ასეა თუ ისე, დანაპირების შესრულებამდე ხიდების ქვეშ ბევრი წყალი ჩაივლის და ჩვენს მუცელში ბევრი ღვინო ჩავა.

ორივე მხარე დიდად კმაყოფილი ვიყავით ერთმანეთისა. რა თქმა უნდა, ჩვენი თავი უფრო მოგვწონდა. მაგრამ აი ხათა, ვაის გავეყარეთ და ვუის შევეყარეთ. ზუსტად დაზავების ღამეს ცაზე ნიშანი გამოისახა. სამბერის უკანა მხარეს ყოფილა მიმალული, ღამის ათ საათზე გამოძვრა, ვარსკვლავების ველზე გასრიალდა და სენ-პიერდიუ მონისკენ წაგრძელდა. იტყოდით, ხმალიაო; წვერი კვამლის ენებთან ჩირაღდანს მიუგავდა. ხელს ხმლის ტარი ეჭირა. ხუთივე თითის ბოლო საზარელ თავებს წარმოადგენდა. არათითზე ნათლად ჩანდა ქალი, რომელსაც თმებს უფრიალებდა ქარი. ვადას ერთი მტკაველი სიგანე ჰქონდა, წვერი სანტიმეტრ-ნახევარი, თვითონ მახვილი ორ გოჯ-ნახევარი იყო. ფერი სისხლივით წითელი ჰქონდა, მეწამული, როგორც ჭრილობაა ფერდზე. ირგვლივ კბილების კაწკაწი გაისმა, დავაღეთ პირი, ცისკენ ავწიეთ ცხვირი; ორივე ბანაკი თავის თავს ეკითხებოდა, ნეტა ვის ემუქრებოდა ციური ნიშანი. ჩვენ დარწმუნებული ვიყავით, რომ მათ ემუქრებოდა, თუმცა საამისო საბუთი არა გვქონდა რა. ყველა შიშმა აიტანა, ყველა, ჩემს გარდა. მე არ შეშინებია. უნდა გამოგოტყდეთ კი, რომ არაფერი მინახავს, ცხრა საათიდან ლოგინად ვიყავი. დავწიქი კი იმიტომ, რომ აღმანახის ნებას დავყვევი, ეს თარილი წამლების მისაღებ დღედ ითვლება და სადაც არ უნდა ვიყო, თუ აღმანახი ბრძანებს, უსიტყვოდ ვემორჩილები, რადგან ბრძა-

ნება და ღვთის მცნება ერთია. მაგრამ რაკი ყველაფერი მითხრეს, მი-  
ამბეს, თუნდაც საკუთარი თვალით მენახოს და შთამობავლობას რომ  
შეენახოს.. ჩავწერე.

\* \* \*

ზავს ხელი რომ მოვაწერეთ, მტერი და მოყვარე საქეიფოდ დაე-  
სხედით და რადგანაც დიდი მარხვის სუთშაბათმა მოგვისწრო, გავიხს-  
ნილეთ, მოვილხინეთ, არაფერი დავიკელით; ჩვენი განთავისუფლების  
აღსანიშნავად ახლო სოფლებიდან მოგვიტანეს საქმელი და სასმელი,  
ბლომად გვეწვია მჭამელი. რა დიდებული ღღე იყო, მე და ჩემმა  
ღმერთმა, რა დიდებული. კედლების გასწვრივ გაიშალა სუფრა; მოგ-  
ვართვეს დაკეპილი კუქმაქი, ჭიგრითა და ყანჩის ღვიძლით დატენილი  
სამი შებრაწული გოჭი; ღვიის ტოტების ბოლში გამოყვანილი სურ-  
ნელოვანი ლორი; ნივრითა და დაფნით შენელებული კურდღლისა  
და ლორის პაშტეტი; შავი კუპატები და შიგნეული; ქარიყლაპიები  
და ლოკოკინები; ხაში და ისეთი ღვინისწვინაანი კერძი, რომლის სუ-  
ნიც კი ათრობდა ადამიანს; ისეთი ხბოს თავები, რომ ენაზე გაღნე-  
ბოდათ. მოგვიტანეს პილპილმოყრილი ღაქლაქა კიბოების პირამიდა,  
გქამდით და ყელში ალი გვედებოდა; ეს ალი რომ დაგვეცხრო, წვრი-  
ლი ხახვითა და ძმრით შეზავებულ სალათასა და შპროტს მივირთმევე-  
დით, მანდრისა და ვოფიუს ადგილობრივ მადლიან ღვინოს ვაყოლებ-  
დით, დესერტად კი მკვრივი და გრილი მაწონი გვექონდა, რომელიც  
სასასა და ენას შუა ღნებოდა და კიქაში ღვინოს ღრუბლებივით რომ  
იწოვდნენ, ისეთი ბისკვიტები.

ფეხი არავის მოუცვლია, სანამ ჩასახეთქი რამ იყო. იკურთხოს  
უფალი, რომელმაც იმდენი შნო და ძალა მოგვცა, რომ მოკლე ხანში  
ჩვენი მუცლის ტომარაში ჩავუშვათ ამდენი პური და ღვინო შეუზ-  
რალეხელი ორთაქიდილი გაიმართა მტრის ჯარის თანმსლებ, ვეზღეის  
წმინდა მარტენის მონასტერში დაუუღებულ ბერ მოკლეყურასა (აჰ  
დიდმა მეცნიერმა თურმე პირველმა აღმოაჩინა, რომ ვირი ვერ დაიყ-  
როყინებს, თუ კუდი არ ასწია) და ჩვენს, ვირს კი არადა, მწირ ღონ  
ენეკენს შორის, რომელიც ამტკიცებს, წინა ცხოვრებაში ქარიყლა-  
პია ან ჭანარი ვიყავი, რადგან მიყვარს მაჭარი და მძულს წყალი,  
წინა ცხოვრებაშიც უთუოდ ბევრი დამიღვიაო. ერთი სიტყვით, ვეზ-

ლევლებს და კლამსელებს უფრო მეტი ურთიერთპატივისცემა გვექონდა, როდესაც სუფრიდან ავდექით, ვიდრე მაშინ, როდესაც დავსხედით. მიყვარს, ვისაც კარგი უყვარს. აი, ასეთია ბურგუნდელი.

ის იყო, ვახშამს ვინებდით, რომ ჩვენი თანხმობის დასაგვირგვინებლად გამოჩნდა ბატონ დე ნევერის მიერ ჩვენს დასახმარებლად გამოგზავნილი ჯარი. ბევრი ვიცინეთ. მერე კი ორივე ბანაკმა ზრდილობიანად, თავაზიანად ვთხოვეთ, საიდანაც მობრძანდნენ, იქით წაბრძანებულიყვნენ. უარის თქმა ვერ გაბედეს. ყურჩამოყრილები წავიღვნენ, იმ ნაგაზებივით, ცხვრებს რომ მიჰყავთ საძოვარზე, ჩვენ კი ერთმანეთს ვკოცნიდით და ვეუბნებოდით.

— განა სულელები არ ვიყავით, ერთმანეთს ჩვენი დარაჯების სახეიროდ რომ ვეჩხუბებოდით! მტრები რომ არ გვყავდეს, მათ ჩვენივე დარაჯები გამოიგონებდნენ ჩვენს დასაცავად. დიდი, დიდი მადლობა! უფალმა დაგვიცვას დამცველებისაგან! დანარჩენებისაგან კი როგორმე თვითონვე დავიცავთ თავს. საბრალო ცხვრები! მარტო მგლისაგან რომ გვეჭირდებოდეს თავის დაცვა, რამენაირად გავართმევდით თავს; მაგრამ გვითხარით, ამ მწყემსისაგან ვინ დაგვიცავს?

### III

## ბრძვას მ(ო)ძალკარი

პირველი აპრილი.

როგორც კი ამ დაუპატიებელი სტუმრებისაგან გაიწმინდა გზები, გადავწყვიტე დაუყოვნებლივ მოძღვარი შამაი მომენახულებინა, მასთან სოფელში წავსულიყავი. მართალი გითხრათ, დიდად არ მაშფოთებდა მისი ხვედრი. თავს არავის დააჩაგვრინებს, მაგრამ გული საგულესა გაქვს, როცა შენივე თვალით ხედავ მეგობარს... ისე კი, გამოგიტყდებით, გავლა მინდოდა.

გზას გავუდექი. არავისათვის მითქვამს, რატომ, ან რისთვის. სტვენით მივყვებოდი ტყით დაბურული ზოაკვების ქვეშ გაჭიმული მდი-

ნარის ნაპირს. ნორჩ ფოთლებს ნამავდა ჟუჟუნა წვიმის კურთხეული წვეთები, გაზაფხულის ცრემლები. ჟუჟუნა წვიმა ერთხანს დადუმდებოდა, მერე კვლავ რაკრაკს მოჰყვებოდა. ტყეში შეყვარებული ციყვი კნაოდა. მინდვრად ყიყინებდნენ ბატები, გულიანად ქახქახებდნენ შაშვები და პატარა წიწკანა „ტი-ტი-პიუს“ გაიძახოდა...

გზაში გადავწყვიტე, დორნესშიც გამეგლო და ჩემი მეორე მეგობარი, ნოტარიუსი მეტრ პაიარი წამომეყვანა: ძველი საბერძნეთის გოაციებივით ჩვენ სრული შემადგენლობით მხოლოდ მაშინ ვართ, როდესაც სამივე ერთად ვიყრით თავს. თავს მაშინ წავადექი, როდესაც თავის დავთრებში წერდა, თუ რა დარი იდგა, რა დასიზმრებოდა და როგორი იყო მისი პოლიტიკური მრწამსი. „De Legibus“-ის გვერდით ნოსტრადამიუსის წინასწარმეტყველებათა გადამლილი წიგნი ელო; როდესაც მთელი შენი სიცოცხლე სახლში ხარ გამოკეტილი, გონება თავისას შვრება, ოცნების მინდვრებში და მოგონებათა ტევრში გარბის და ჩვენი პლანეტის მანქანას რომ ვერ წარმართავს, ცდილობს მომავლის წიგნში ამოიკითხოს, რა ბედი ეწევა ქვეყნიერებას. ასე ამბობენ, ამ წიგნში ყველაფერიად დაწერილი: მჯერა, მაგრამ გამოგოტყდებით, რომ მხოლოდ მაშინ მოვახერხე „ცენტურიებში“ მომავალი ამომეკითხა, როდესაც უკვე წარსულად ქცეულიყო.

ჩემს დანახვაზე ძმაკაცს სახე გაებადრა. ჰერი ავხადეთ სიცილხარხარით. მახარებს ამ პატარა კაცის ცქერა; ღიპიანია, ჩოფურა, ლოყებგამობერილი, სახედაბლვერილი და ბუზლუნა. წითელი ცხვირი აქვს, ნაოქებით შემორკალული ეშმაკუნა და ცოცხალი თვალები. წყევლის ამ დროებას, ადამიანებს; სინამდვილეში კი ოხუნჯი, მასხარა, ლაზლანდარა და ჩემზე მეტი ეშმაკის ფეხია; და როცა მკაცრი და მრისხანე თავისებური ოხუნჯობით გაგიმასპინძლდებათ, მის სიხარულს საზღვარი არა აქვს. უნდა ნახოთ, როცა მაგიდას ბოთლით ხელში დინჯად მიუჯდება, კომიუსსა და მომიუსს იგონებს და სიმღერას შემოსძახებს. ჩემი ნახვა ძალიან გაუხარდა, ჩამავლო თავისი ტლანქი და უხეში ხელები, რომელთაც საოცრად ემარჯვებთ დურგლობა და ქლიბვა, თლა და აკინძვა. სახლში ყველაფერი მისი გაკეთებულია, ყველაფერი უშნოა, მაგრამ მისი ნახელავია: ავია თუ კარგია, მისი სახე და ხატია.

პაიარი ჩვეულებისამებრ წუწუნებს ამაზე და იმაზე, მე კი, მის ჯინაზე ალტაცებაში მოვყავარ ამასაც და იპასაც. ის არის „მით უა-

რისი“ მეცნიერებათა დოქტორი, მე კი — „მით უკეთესისა“. ასეთი ხასიათი გვაქვს. სალამ-ქალამს მოვრჩით თუ არა, თავის მუშტრებზე ბუზღუნნი და წუწუნნი მორთო. მართალი გითხრათ, მუშტრებიც ფულის გადახდას არ ჩქარობენ, ზოგიერთის ვალი ოკდათხუთმეტი წლისაა და თუმცა ჩემი ნოტარიუსი ფულის მოყვარული კაცია, მაინც არ აჩქარებს მოვალეებს და თუ ზოგიერთები ჟამიდან ჟამზე მაინც უხდინან, მხოლოდ შემთხვევით, როდესაც მოაგონდებათ და ისიც ნატურით. მიუგდებენ ერთ კალათა კვერცხს, ანდა წყვილ ვარიას. ასეთია ჩვეულება; მოვალეები შეურაცხყოფად ღებულობენ, თუ ვალი მოსთხოვა. მეტრ პაიარი იღრინება, მაგრამ თავის ფულს არ ითხოვს და მე მგონია თავად რომ იყოს მათ ადგილას, ისიც ასე მოიქცეოდა.

საბედნიეროდ, საკუთარი ქონება ჰყოფნის, კარგი ავლადიდების პატრონია, დიდი მოთხოვნილებაც არა აქვს. მარტოხელა, ბებერი კაცია, მექალთანეც არ არის; ტაბლის სიამოვნებაზე კი ჩვენში ბუნება ზრუნავს. სუფრა ჩვენს მინდვრებშია გაშლილი; ჩვენი ვენახი, ბღები, პალაურები, საკურდღლეები სასმელ-საქმელის მდიდარი საკუჭნაოა. ფული მარტო წიგნებში ეხარჯება: ამ წიგნებს მხოლოდ შორიდან გიჩვენებთ (ხვადაგს არ უყვარს მათი თხოვება). ძვირი უჯდება აგრეთვე ჰოლანდიიდან ჩამოტანილი ღურბინდებით მთვარისა და ქალების კურტუმების ცქერა. (ცულლუტი!) სხვენის სახურავზე საკვამლეებს შორის აქვს მოწყობილი ერთი დანჯღრეული დანადგარი და იქიდან ყურადღებით ადევნებს თვალყურს ცის კამარის ტრიალს და საწყალი, ცდილობს ამოიკითხოს ჩვენი სვე-ბედის ანბანი. უნდა გითხრათ, რომ თვითონაც არ სჯერა, მაგრამ სურს დაიჯეროს. მესმის მისი, აბა რა სჯობს ფანჯრიდან ცის მნათობების მზერას, ქუჩაში მოსეირნე ქალიშვილების ზეერვას. უცქერ და მიაწერ ათასგვარ ოინებს, ამბებს, რომანებს; ჭეშმარიტია თუ ყალბი, მაინც გართობს და გალადებს.

დიდხანს ვიდავეთ ყველიერის სასწაულზე, პრილა მეწამულ ხმალზე, გასულ ორშაბათ ღამით რომ მოგვევლინა ცაზე. ის სასწაულს თავისებურად ხსნიდა, მე — ჩემებურად და, რა თქმა უნდა, ორივე თავგამოდებით ვიცავდით ჩვენსავე აზრს, მაგრამ ბოლოს გამოიჩინა, რომ არაფერი გვინახავს არც მე, არც იმას, რადგან ზუსტად იმ ღამეს ჩემს ასტროლოგს თავის იარაღებთან ჩასძინებოდა. რას გავაწყობდით; რადგან სისულელე მარტო შენ არ მოგსვლია, ბედს უნდა

შეუროგდე; ჩვენც მხიარულად შევეუროგდით, მაგრამ გადავწყვიტეთ მღვდლისთვის არაფერი გვეთქვა.

გავედით სახლიდან და გზას გავუდექით. გავყევით მინდვრებს, ყუოს ვუგდებდით ფოთოლთა შრიალს, ვათვალღებდით ბუდეების კეთებაში გართულ ჩიტებს, ნორჩ ყლორტებს, გასხლული ხეების გარდისფერ ტოტებს, ვუტკერდით ჩვენს თავზე ცაში ქორის ბორბალივით ტრიალს. მოგვაგონდა, ერთხელ რა ოინი მოუეწყვეთ შამაიხ წარმოიდგინეთ, მთელი თვეების მანძილზე პაიარი და მე ოფლში გავიწურეთ, რომ ერთი დიდი შაშვისათვის ჰუგენოტური სიმღერა გვესწავლებინა და, როგორც კი შაშემა სიმღერა ისწავლა, შევეუშვით ბატონ შამაის ბაღში. ჩიტმა თავი ლაღად იგრძნო მოძღვრის ბაღში, სოფლის სხვა შაშეებს ჩაუღდა თავში და სიმღერა ასწავლა. ჩიტების ჭორომ შეაწუხა მღვდელი. ლოცვანის კითხვაში შეუშალა ხელი. წმინდა კაცი პირჯვარს იწერდა, ილანძღებოდა და იგინებოდა, ფიქრობდა, ეშმაკი შემომეჭრა ბაღშიო, სწყევლიდა ბოროტ სულს და დარაბის უკან ჩასაფრებული უმოწყალოდ კლავდა მაცდურს; მაგრამ ეშმაკის ამბავი სავსებით როდი სჯეროდა ჩვენს ღვთის მსახურს, რადგან, როგორც კი მოკლავდა, იმ წამსვე ქამდა ბოროტ სულს.

• • •

ლაპარაკ-ლაპარაკში სოფელს მივადექით.

გეგონებოდათ, ბრეეს სძინავსო. გზის გასწვრივ ამთქნარებდნენ სახლები, გამკლელთა ცხვირწინ გაზაფხულის მზისათვის გაელოთ კარი. ძეხორციელი არ გვინახავს, გარდა ერთი ბაღლის უკანალისა. დლაპი თხრილთან იდგა, უკანალს ანიაებდა და თხრილში შარდავდა. მაგრამ, როგორც კი ხელიხელგადახვეული მე და პაიარი ფუნითა და ჩალით მოფენილი გზით დაბის ცენტრს მივუახლოვდით, ჩვენს ყურამდე გაბრაზებული ფუტკრების ბზუილისებურმა ხმამ მოაღწია. ეკლესიის მოედანზე გავედით. მოედანი ხალხით იყო სავსე, იქნევდნენ ხელებსა და ფეხებს, წუწუნებდნენ, გუგუნებდნენ, გაჰყვიროდნენ და გაჰვიოდნენ. მღვდლის ბაღის ნახევრადგაღებული კარის ზღურბლზე ბრაზისაგან აქარხლებული შამაი ღრილებდა და მუშტებით ემუქრე-



ბოდა მთელ მრევლს. შევეცადეთ მიზიზი გაგვეყო, მაგრამ მხოლოდ ღრიალ-ღგრიალი ისმოდა:

„...მუხლუხი და მუხლუხუნა... ხოკოები და თავუხა... ისმინე, უფალო“...

შამაი ყვიროდა:

— არა, არა, არ წამოვალ.

ბრბო კი:

— ეშმაკმა წაგიღოს! ხარ თუ არა ჩვენი მოძღვარი? გვიპასუხე, ჰო თუ არა? და თუ ჩვენი მოძღვარი ხარ (ამას კი ვერ უარყოფ), უნდა გვემსახურო კიდევ.

შამაი კი უპასუხებდა:

— უტიფარო ავაზაკებო, მე უფლის მსახური ვარ და არა თქვენი. ატყდა სოდომ-გომორი. ამ აურზაურისათვის ბოლო რომ მოეღო, შამაიმ მრევლს ცხვირწინ კარი მიუჭახუნა და დაეინახეთ, მოაჯირს იქით როგორ იქნედა ხელებს, ცალით ნეტარად ასხურებდა ლოცვა-კურთხევის წვიმას ერთგულებს, მეორეთი კი წყევლა-კრულვას აფრქვევდა დედამიწაზე. ცოტა ხნის შემდეგ ფანჯარაში მისი ჩამრგვალებული მუცელი და ბრტყელი სახე დაეინახეთ. რალაც უნდოდა ეთქვა. მაგრამ, რადგანაც ხალხის ყაყანს მიჰქონდა ყურთასმენა, გაბრაზებულმა მოძღვარმა ერს გამოუყო ენა; მერე დარბებები დაკეტა და სახლი სიჩუმემ მოიცვა. ხალხს მოსწყინდა ყაყანი, დაიღალა, დაიშალა, მოედანი დაიცალა, ჩვენც დრო ვიხელთეთ, შეთხლებულ დოცლაპიებს შორის გავძვერით და მეგობრის კარზე დავაკაკუნეთ.

დიდხანს ვაკაკუნეთ, ხმას არავინ გვემედა, ხვადავს არ სურდა კარის გაღება.

— ჰეი, მასპინძელო, ბატონო მღვდელო!..

რამდენი ვეძახეთ (ხმას განგებ ვიცვლიდით).

— მეტრ შამაი, შინა ხართ?

— ჯოჯოხეთში წასულხართ, ვინა ხართ, ვინა? რით ვერ გაიგეთ, არა ვარ შინა.

და რაკი არ მოვეშვით, გაცეცხლებულმა გამოგვძახა:

— აბა, მოუსვით აქედან, თუ არ წათრეულხართ, თქვე წუნკლებო, თქვენა, გაძლევთ სიტყვას, რომ დაგატეხთოთ ჰქეა და მეზი, ისე მოგნათლოთ, რომ ვერ წაილოთ თავი და ფეხი.

ავაზაკი! კოკა წყალი უნდა გადმოესხა ჩვენთვის. ვუყვირეთ:

— შამაი, ლეინო მაინც გადმოგვასხი, შე კაი კაცო!

ამ სიტყვებზე, თითქოს სასწაულიაო, ჩაქრა ცეცხლის ალი, ჩადგა ქაოიშხალი. შამაის გაწითლებული და მზესავით გაბადრული სახე გამოჩნდა.

— ღმერთო ჩემო! ბრონიონ, პაიარ, თქვენა ხართ? ვაიმე! კიდევ ცოტა და, კარგ ოინს გიზამდით. ყურუმსალებო, ვერა თქვით, რომ თქვენ იყავით?

საფეხურებზე ჩამოგორდა წმინდა კაცი.

— შემოდით, შემოდით! წყალობა ნუ მოგიშალოთ ღმერთმა. მოდით, გაკოცოთ! საყვარლებო, რა ბედნიერი ვარ, იმ სიფათების შემდეგ ადამიანის სახეებს რომ ვხედავ! ერთი მითხარით, იმათი ფუნდრუკი თუ ნახეთ? რამდენიც უნდათ, იმდენი იხტუნონ, ფეხს არ მოვიცელი. ამოდით, ამოდით, დავლიოთ, დაგცხებოდათ; წარმოიდგინეთ, წმინდა საუფლო ძღვენით უნდოდათ გავყოლოდი. მალე წვიმა წამოვა და მე და უფალი ხომ გავიწუწუებოდით. არა, ერთი მითხარით, მათი მსახური ხომ არა ვარ, ანდა მათი მოჯამაგირე? გაგონილა, ღეთის მსახურს ისე მოექცე, როგორც მოჯამაგირეს? ავაზაკები! მე მათ სული უნდა განუწმინდო და არა მინდორ-ველი.

— ერთი ადამიანურად აგვიხსენი, რასა მღერი, ვისზედა ხარ აღრენილი? — ვკითხეთ ჩვენ.

— ამოდით, ამოდით, — გვითხრა შამაიმ, — ზევით სკობია, მაგრამ ჯერ უნდა დავლიოთ. ბრაზი მახრჩობს. მეტი არ შემიძლია... ჰა! ამ ღეინოზე რას იტყვი? ჰე, ჰე, ჰე, არც ისე ცუდია... არა, წარმოიდგინეთ, იმ ხვალაგებს უნდოდათ ყოველდღე პარაკლისი მეხადა აღდგომიდან ამაღლებამდე... ნათლისღებიდან ახალწლამდე არ უნდათ? მერედა, რისთვის? ხოკოებისათვის.

— ხოკოებო! — გავოცდით ჩვენ. — რა ხოკო შეგიძვრა? ბოდავ, შამაი.

— არა ვბოდავ, — შეჰყვირა აღშფოთებულმა შამაიმ. — არა, ეს მეტისმეტია! მათი სიგიჟე უნდა ვითმინო და თანაც გიყად მე ჩამთვალონ.

— მაშ, გონიერულად, მშვიდად აგვიხსენი.

— ჰკუთიდან შემშლით, წაწყმედამდე მიმიყვანთ, — ყვირის შამაი და გამწარებული ოფლს იწმენდს, — მშვიდად როგორ ვთქვა, როდესაც მე და უფალს, უფალსა და მე მთელი წმინდა დღე თავს ლათაიებით

გვაბეზრებენ. (უჰ! სული მეხუთება!) ეგ უღვთოები და წარმართები, ოომელთაც ფეხებზე ჰკიდიათ საუკუნო სასუფეველი და არ განიბანენ არც სულს, არც ფეხებს, მოძღვრისაგან ითხოვენ ხან წვიმას, ხან დარს; უნდა ვუბრძანო მთვარესა და მზეს: ოდნავი ალი, მერე წყალი, კმარა! ბევრი არა, ეხლა ცოტა მზე, თბილი და რბილი, ნიავი გრილი, გვაშორე ყინვა, ვენახისათვის გვიბოძე წვიმა. ჰაიტ! შესდექ! გეყოფა ფისი, ცოტა შეგვათბე. ამ უქნარებს რომ ყური უგდო, ლოცვებით გამათრახებული უფალი მებალის იმ ვირს უნდა დაემსგავსოს, ქას გარშემო რომ უვლის და წყალს ექაჩება. ამას ისიც დაუმატეთ. რომ ერთმანეთშიც ვერ რიგდებიან; ზოგს მზე უნდა, ზოგს კი — წვიმა. და აი, საშველად წმინდანებს უხმობენ. იქ, ზევით, ოცდაჩვიდმეტი წმინდანი განაგებს წყალს; მათ წინ მიუძღვის შუბოსანი მხედარი, ქვეშაფსია მედარი. მეორე მხარეს კი მხოლოდ ორი წმინდანია, წმინდა რეიმონი და დია ღრუბელთრეკია; მათ დასახმარებლად მორბიან წმინდა ბლეზი ქარირეკია, სეტყვამაშორე წმინდა ქრისტეფორე, ჭექა-ჭუხილისყლაპია ვალერიანე, მეხიკვეთია ორელიანე და წმინდა კლერი, კარგი ამინდის მქნელი. უთანხმოებაა ცათა შინა. ეს დიდებულნი ერთმანეთს სცემენ, ჩხუბობენ. წმინდა სიუზანი, ელენე და სქოლასტიკაც ერთმანეთს თმებში ჩაფრენიან. არ იცის უფალმა, რომელ წმინდანს მიენდოს. და თუ უფალმა არ იცის, მისმა მღვდელმა საიდან უნდა იცოდეს?.. საბრალო მღვდელი!.. ბოლოს და ბოლოს, ეს რა ჩემი საქმეა? მე ჩემი მრევლის ვედრება უნდა გადავცე უფალს, შესრულება კი მისთვის მიმინდვია. კიდევ არაფერს ვიტყვოდი, (თუმცა ჩვენს შორის დარჩეს და, ეს კერპთაყვანისმცემლობა მეზოზღება. მოწყალეო იესო, ნუთუ ამაოდ ეცვი ჯვარს?) მაგ არამზადებს ცის აყალმაყალში ჩემი გარევა რომ არ სურდეთ. ჰკუიდან შეიშალნენ, მე და ჯვარი თილისმად უნდათ გამოგვიყენონ, უნდათ დაგვაპირისპირონ ქია-ლუებს, მათ მინდვრებს რომ ღრღნიან. დღეს ვირთაკეების წინა-აღმდეგ აგვამხედრონ, აქაოდა, ბელღებს შესევნიან და ხორბლისაგან გაგვცალესო. ეს ლიტანიოა, ეს შეჩვენება, წმინდა ნიკესისადმი ვედროება, თანაც დეკემბრის სუსხიან დღეს, ყელამდე თოვლში წელკავი ავიკიდე... ახლა მუხლუხოების მოსასპობად წმინდა პეტრუდას ევედრე, კელავ ლიტანია, პროცესია. ეს იყო მარტში: თოვლ-ჰყავი იღვა, წვიმდა. გავცივდი, დღესაც მახველებს. დღეს კიდევ ხოქოებით, კიდევ ერთი პროცესია, სურთ, რომ მათ ბაღებს, თითქოს სხვა საქმე

ალარა მქონდეს, ასეთ სიცხეში ლოცვა-გალობით შემოვუარო (პაპანე-  
ბაა, მაგრამ ცას საადროდ შეუკრავს პირი, ჩამოწოლილი, სქელი  
ღრუბლები ცას ბუზებივით შემოჭარვიან, ქექა-ქუხილიც რომ ემზადე-  
ბა? ვერ გადავრჩები, ფალტვების ანთება დამემართება). „Ibi cecide-  
runt უსამართლობის მომქმედნი, atque expulsi sunt და ვერ შეძლონ  
stare“... საგრამ გაძევებით მე გამაძევებენ... „Ibi cecidit შამაი ბატისტ,  
შეტსახელად „ტებილო პაპაო“... არა, მაღლობელი ვარ, არსად მეჩქა-  
რება, ბოლოს და ბოლოს, კარგი ხუმრობაც მოსაწყენია. არა, ერთი  
მითხარით, ვინ დამავალა მათი ჭია-ღუების დევნა? თუ ხოკოები აწუ-  
ხებენ მაგ უსაქმურებს, თვითონვე შეებრძოლონ. თავს უშველე და  
უფალიც გიშველის. რა ადვილია გულზე ხელები დაიკრიფო და  
უფალს უბრძანო: ეს გააკეთე, ის გააკეთე! მე იმას გავაკეთებ, რაც  
გვნებავს უფალსა და მე, დავლევ, დიახ, დავლევ, თქვენც მომბაძეთ.  
მეგობრებო... მათ კი. თუ სურთ, ალყა შემომარტყან. გეფიცებით  
უფალს, ისინი უფრო ადრე დაშლიან რკალს, ვიდრე მე ამ სავარძლი-  
დან ავწევ უკანალს. დავლიოთ!

• • •

ამდენი მკვერმეტყველებითა და ქებით არაქათგამოლეულმა მოქ-  
ღვარძა გადაჰკრა, ჩვენც მალლა ავწიეთ ჭიქები და განვჭვრიტეთ  
მათში ცის კიდევანი და ჩვენი სვე-ბედიც, და ისიც ვარდისფრად  
გვეჩვენა რამდენიმე წუთით ჩამოვარდნილ სიჩუმეს პაიარის ენის  
წკლპუნის და შამაის ხახაში ღვინის რაკრაკილა არღვევდა. მღვდელი  
ერთი გადაკვრით სვამდა. პაიარი კი ყლუპ-ყლუპად; შამაი ღვინის ნა-  
კადს ორმოში რომ გადაუშვებდა, „იფო“, იტყოდა, მალლა ასწევდა  
თავს და ცის კამარას მიაპყრობდა თვალს, პაიარი კი ჭიქას ათვალღე-  
რებდა ზევიდან და ქვევიდან, სვამდა ცხვირითაც, თვალითაც, ხახი-  
თაც, მე კი სასმელებითა და მსმელებით ვტკებოდოდი; ჩემს სიხარულს  
მათი მხიარულება აორკეცებდა; სასიამოვნო იყო მათი მზერა: ტყუ-  
პებია სმა და ცქერა, მეფის კერძია. მათ კი ვუმზერდი, მაგრამ მერ-  
წმუნეთ, ბუზებს არ ვთვლიდი. თავგამოდებით მეც ჭიქას ვცლიდი.  
ერთმანეთს უკან არ ვრჩებოდით, თმაბიჭურად, ვაჟაკურად, ფეხ-  
აწყობით მივიდიოდით!.. მაგრამ, ღმერთო, აბა ამას ვინ იფიქრებდა?  
საბოლოო ჯამში, რამდენიმე ყლუპით გაგვასწრო და გაჩნდა თავში  
Legibus-ის პატრონი, ნოტარიუს ბატონი.

და როდესაც მარნის ცვარმა საბოლოოდ დავეისკილა ჩიხახეები, გაგვიმტყიცდა ძალა, გული, გაგვინათდა სახე, სული. ფანჯრის რაფას იდაყვებით დავეყრდენით და ალტაცებით დავეუწყეთ მზერა ლამაზ დედოფალს, ჩვენს მინდვრებში მობრძანებულ ახალ გაზაფხულს, ჩინარების ახლადშეფოთლილ შტოებში მოციაგე მზის სხივებს, შორს, თვალსაწიერში მოკარგულ იონს, გიჟმაჟ მურიასავით რომ უტრიალებს მინდვრებს. იქიდან ჩვენს სმენამდე ტაბუტების ხმა, მრეცხავი ქალების ყაყანი და იხეების ყიყინი აღწევდა. გამზიარულებული შამაი მკლავზე გვჩქმეტდა და გვეუბნებოდა:

— ვაჰ, რა კარგია ამ მხარეში ცხოვრება! იკურთხოს უფალი, რომ სამივე აქ დაგვბადა! განა შეიძლება რამე ამ კუთხეზე უფრო ლამაზი, მალხაზი, ტკბილი, რბილი, მსუქანი, ნოყიერი, მადლიანი და ეშხიანი იყოს? როცა ვუყურებ, ცრემლი მერევა, ეგ სალახანა შემომეკმევა...

ჩვენ თანხმობის ნიშნად თავი დავეუკანტურეთ... მაგრამ უეცრად შამაი განრისხდა:

— არა, ერთი მითხარით, რა ეშმაკად მოუვიდა იმ ზეციერს თავში, ხვადაგებიც გაეჩინა ჩვენს ველსა და ბარში? რა თქმა უნდა, უფალი მართალია: იცის, რას აკეთებს... მაგრამ გამოგიტყდებით, მერჩია, შემცდარიყო და ჩემი მრევლი ეშმაკს წაეღო: ინკებთან ან სულთანთან, სადაც ნებადა იქ დაეყარა, ოღონდ აქ არა.

ჩვენ ვუთხარით:

— შამაი ჩემო, ალია და ოსმანა ორივე თათარი არ არის განა? სხვას ისევ ესენი გერჩიოს. ღირს განა გაცვლა?

— მაშ, ეს პირუტყვები უფალს ამქვეყნად ჩემს გადასარჩენად და ცოდვების მოსანანიებლად გაუჩენია და არა იმიტომ, რომ მე გადავარჩინო ისანი. დაქეთანხმეთ, ძმაცაცებო, დამეთანხმეთ, ამას არ უნდა ფიქრი და ბუკობა, არ არსებობს სოფლის მღვდლობაზე უფრო უბადრუკი ხელობა. საბრალო მოძღვარი, ოფლში იწურება, რომ იმ გამოთაყვანებულთ რეგვენ გოგრაში წმინდა ჭეშმარიტებანი ჩაუნერგოს. მაგრამ მათ და მათ ღლაპებს რამდენიც არ უნდა ასვათ წმინდა სახარების წვენი, კატეხიზმო აწოვოთ, ეს რძე როგორც კი ჩაუვათ პირში, მყისვე ამოსდით ცხვირში; მათ დიდ ყანყრატოებს სალაფავი სკირდებათ, მართალია ხანდახან „შამაო ჩვენოს“ წაიდუღუნებენ,

ანდა თავიანთი ყროყინით რომ სმენა დაიტკბონ. ლიტანიობენ და მწუხრის ლოცვის იტყვიან, მაგრამ წმინდა სიტყვისა არაფერი გადასდით მოწყურებული საყლაპავის კარიბქეს იქით. გულსა და სტომაქამდე არაფერი აღწევს. ლოცვისა და ლიტანიობის შემდეგაც, მღერიან თუ არ მღერიან, მინც წარმართად რჩებიან. საუკუნეთა მანძილზე ამოდ ვცდილობთ ქინკებისა და ფერიებისაგან განწმინდოთ ჩვენი მინდვრები, ნაკადულები და ტყეები, ამოდ ვუბერავთ, ბერვისაგან ფილტვები გვტკივა, ვუბერავთ და ვუბერავთ, რომ ჩავაქროთ ეს ჯაჯოხეთური ჩირაღდნები, რათა სამყაროს უკუნეთ ღამეში მხოლოდ ქეშმარიტი უფლის სინათლე კაშკაშებდეს, მაგრამ ვერ იქნა, ვერ გავწყვიტეთ დედამიწის ეს წარმართი მოციქულები, ეს ბინძური ცრუმორწმუნეობა, ეს ნივთიერების სული. მუხების ძველი ჯირკვები და სიბი ქვები მალავენ ამ სატანურ ჯილაგს. რამდენი დავწვით, ავჩახეთ, ავკუწვით, ამოვადგეთ ძირფესვიანად, მაგრამ ამოდ. ვფიქრობ, ყოველი ბელტის, ყოველი ქვის, ჩვენი დედის, გალების მიწის, მშობელი ფუძის გადმობრუნება დაგვიკირდება, რომ ამოვგლიჯოთ ბოროტი სული, ამ ბედოვლათებს ტანში რომ უზიოთ და, მგონი, მაშინაც ვერაფერს გავხედეთ. წყეული ბუნება ხელიდან გვისხლტება: თათებს ჩამოსჭრი, ფრთები ესხმება, ერთი რომ კვდება, ათი ცოცხლდება. ამ ტუტუცებისათვის კი ყველაფერი სულ ერთია, ყველაფერი ეშმაკი და ღმერთია, სწამთ თეთრი და უთავო მერანი, შავი დედალი, დიდი გველკაცი, ბოროტი სული, ჯადოქარი იხვები და მაქცია მგლები... აბა, ერთი მითხარით, გთაყვია, რა ხასიათზე უნდა იყოს უბიწო მარიამისა და ღვთისმოსავი ღურგლის უწყინარი ძე ამ ნოეს კიდობანიდან გაქცეულ ურჩხულთა შორის?

პაიარმა უპასუხა:

— ძმაკაცო, ხომ გაგიგონია, „სხვის თვალში ხიწვს ვხედავ, საკუთარში ღირესაც ვერაო“. შენი მრევლი უდაოდ გიყია, მაგრამ შენ? შენ რა, მათზე ქკვიანი ბრძანდები? მღვდლო, არაფერი გეაქმის, შენც ისევე მღერი, როგორც შენი მტერი. ერთი მითხარი, შენი წმინდანები მათ ავსულებს ან ფერიებს რითი სჯობიან? თითქოს არ კმაროდეს სამსახე და ერთარსება ერთი ღმერთი და წმინდა ქალწული, ღვთისმშობელი მარიამი, დედა-ღმერთი, რომ თქვენს პანთეონში დააბინავეთ მანდილიანი და შარვლიანი პატარა ღმერთების მთელი ხროვა, რათა შეგეცვალათ თქვენს მიერვე დამსხვრეული ძველი კერპების

გროვა და დაცარიელებული ნიშები შეგვესოთ: მაგრამ ამ ღმერთებს, ვფიცავ ნამდვილ ღმერთებს, არ ვანაცვალებ ძველ კერპებს. ეშმაკმა იცის, საიდან მოდიან, ლოკოკინებივით ძვრებიან ყოველი ხვრელიდან, მიწიდან და ციდან: გონჯები, გაძვალტყავებულნი, ტურტლიანები, ხეიბარნი, პირუბანელნი, კოპებით და იარებით შეშკულნი: ერთი დასისხლიანებულ ტაკვს გიჩვენებთ, ანდა ბარძაყზე მბრწყინავ წყლულს, მეორეს კეკლუცად რაღაცნაირი ფიცარი გაუყარა ქეჩოში, მესამე ილიაში ამოჩრილ თავს დაასეირნებს, მეოთხე, დიდებით მოსილი, საკუთარ ტყავს ხალათივით ფერთხავს. რომელი ერთი გავიხსენო. შორს რომ არ წავეიდეთ, შენს წმინდანზე რაღას იტყვი, მამაო, აი იმაზე, შენს საყდარში რომ მბრძანებლობს, დაყუდნებულ მესვეტე სვიმონზე, ორმოცი წელი სვეტის წვერზე ყანჩასავით ცალ ფეხზე რომ იდგა?

შამაი შეხტა და შემოტრიალდა:

— კმარა, შესდექ! სხვა წმინდანებთან რა მესაქმება. მათი თვალყური არ მევალებდა, მაგრამ წარმართო, სვიმონს მოეშვი, ჩემი წმინდანია, მის სახლში ვარ. ჰოდა, მეგობარო, ზრდილობით იყავი.

— კეთილი (რა გაეწყობა, შენი სტუმარი ვარ), დარჩეს ასე ცალ ფეხზე დაყუდებული შენი მესვეტე, მაგრამ ეს მიაიღ მითხარი. რა აზრისა ხარ კორბინის აბატზე, რომელსაც დაუჩემებია, ბოთლში ყოვლად წმინდა უბიწო ღვთისმშობლის რძე მაქვსო, ანდა რას ფიქრობ ბატონ დე სირმიზელზე, რომელმაც ერთხელ, როდესაც კუჭი აეშალა, წმინდანთა ნაწილების ფხვნილგარეული წყლის ოყნა გაიკეთა.

— რასა და, იმას, — უპასუხა შამაიმ, — რომ შენ თვითონაც, ვინც ეს ამბავი ასე ახსენი, იმასვე იზამ. თუ აგტიკვდება სახსენე. კორბინის აბატს კი ნუ მიხსენებ. ეს წუწკი ბერები, მუშტრები რომ წაგვართვან, მზად არიან დუქნები გახსნან და ივაკრონ მთავარანგელოზების რძით, ანგელოზების ნალებითა და სერაფიმების კარაქით. მაგ ხალხს ნუ მიხსენებ-მეთქი. ბერი და მღვდელი ძალღსა და კატასავით ემტებრიან ერთმანეთს.

— მღვდლო, მაშ, არც შენა გწამს წმინდანთა ნაწილები?

— არა! ჩემი წმინდანების ნაწილები მწამს, სხვების კი არა. მე წმინდა დიეტრინის ბეკის ძვლის მორჩი მაქვს, რომელიც წმინდს შარდს და სირსველით აქერცლილ კანს. მაქვს აგრეთვე წმინდა ეტუ-

პის თხემის ძვალი (რას იღრიკები, დაგიდგა თვალი), იგი ცსერის მუც-  
ლიდან ავსულებს დევნის. ნუ იცინი-მეთქი. ურწმუნოვ. კვლავ იკრი-  
კები? არაფერი გწამს განა? მე სიგელებიცა მაქვს თანა (ბრმანი  
არიან, ვისაც არ სჯერათ, ახლავე წავალ და მოვიტან). ხელმოწერილი  
პერგამენტები დაგარწმუნებენ სინამდვილეში.

— იჯექი, იჯექი და მოეშვი მაგ შენს ქალადებს. სახეზე გატყობ,  
თვითონ არ გჯერა, საიდანაც არ უნდა მოიტანო, ძვალი ძვლად რჩება  
და წარმართია, ვინც მას ეთაყვანება. ყველაფერს თავისი ადგილი  
აქვს: მიცვალბულებს სასაფლაოზე წაასვენებენ ხოლმე. მამაო, მე  
ცოცხლები მწამს. მწამს აგრეთვე, რომ დღეა, რომ ვსვამ და კარგად  
ვმსჯელობ. ვამბობ, რომ ორჯერ ორი ოთხია და დედამიწა მოძრავ სივ-  
რეში მიკარგული მნათობია. მწამს გი კოკი და შემოდლია ზეპირად  
გითხრა ჩვენი ნევერის ზნე-ჩვეულებანი, მჯერა აგრეთვე წიგნები, სა-  
დაც წვეთ-წვეთად გროვდება ადამიანის ცოდნა-გამოცდილება, ყვე-  
ლაზე მეტად კი ჩემი გონებისა მჯერა და. რა თქმა უხდა, მწამს საღ-  
ვთო წერილი. სიბრიყვეა, კაცმა საღვთო წერილში ეკვის შეტანა გა-  
ბედოს. ხომ კმაყოფილი ხარ, მამაო?

— არა. არა ვარ კმაყოფილი, — იყვირა მეტად გაბრაზებულმა  
შამაიმ. — შენ რა, კალენისტი ხარ? ერეტიკოსი? ჰუგენოტი, ცხვირ-  
ში ბიბლიას რომ ბურტყუნებს, დედა ეკლესიას ჰკუთას ასწავლის და  
გველის წიწილას ჰგონია, ცხოვრებას უმღვდლოდაც შესძლებს.

ახლა კი ჰაიარი გაბრაზდა და თქვა, რომ არავის მისცემს ნებას,  
პრორესტანტი უწოდოს, განაცხადა, რომ ის კარგი ფრანგია.  
მართლმორწმუნე კათოლიკე, კაცი გონიერი, საკმაოდ ღონიერი, და  
რომ უსათვალოდაც კარგად ხედავს, სულელს სულელს ეძახის. შამა-  
ის კი სამ სულელს ერთში, ან ერთს სამში (როგორც თავად ინებებს),  
და რომ აღიღებს უფალს და თავის გონებას, რააც დიდი მნათობის  
ყველაზე მშვენიერი სხივია.

• • •

გაჩუბდნენ. ბუზლუნით დალიეს. მაგიდას იდაყვებით დაეყრდნენ  
და გაბუტულბემა ზურგი შეაქციეს ერთმანეთს. გადავიხარხარე. უც-  
ხად შეამჩნიეს, რომ არაფერი მითქვამს. გარწმუნებთ, რომ მეც მსო-  
ლოდ მაშინ შევნიშნე ეს ამბავი. მანამდე კი მათი ცქერითა და სმენით



წყავეი გართული. მათი საბუთიანობა მართობდა, ორთავეს ვაჭაერებ-  
დი თვალეებითა და წარბებით, ჩუმაღ ვიმეორებდი მათ ნათქვამს,  
კომბოსტოს ლეკვით გართული კურდღლეოვით ვაცმაიუნებდი ტუ-  
ჩებს და აი, მეცნენ გააფთრებული მოდავეები და მომთხოვეს მეთქვა,  
ვის ვემხრობოდი.

გუპასუხე: ორივესა და კიდევ მესამეს-მეთქი.

— განა ამქვეყნად ცოტა მოკამათეა? რაც მეტი გიყია, მით უფ-  
რო მეტს იცინი და რაც უფრო მეტს იცინი, მით უფრო ჰკვიანი ხარ...  
ძმაკაცებო, როდესაც გსურთ გაიგოთ, თუ რა გაგაჩნიათ, ჯერ ფურც-  
ლებზე ჩამოსწერთ და მერე შეაჯამებთ ხოლმე; ახლა კი რატომ არ  
ჩამოსწერთ და არ შეაჯამებთ ყველა თქვენს ხუსტურს. შეჯამებამ,  
შეიძლება, ჰეშმარიტებაც გიჩვენოთ. თქვენ რომ ჰეშმარიტების ხელში  
ჩაგდება გინდათ, ის ენას გამოგიყოფთ ხოლმე და ეს იმიტომ, რომ  
სამყაროს მართო ერთი ახსნა როდი აქვს, ყოველი ადამიანი საკითხის  
ერთ მხარეს განმარტავს, შვილნო ჩემნო. მე ყველა თქვენი ღმერთის  
მომხრე ვარ: წარმართებისა და ჰრისტიანებისა. ისევე, როგორც  
ღმერთ-გონებისა.

ეს რომ ვუთხარი, ჩემს წინააღმდეგ პირი შეიკრეს და განრისხე-  
ბულებმა პირონელი და ურწმუნო მიწოდეს.

— ურწმუნო! კიდევ რა გნებავთ? რა გინდათ ჩემგან? თქვენ  
ღმერთს თუ ღმერთებს, კანონს თუ კანონებს ჩემთან მობრძანება  
სურთ? მობრძანდნენ. მივიღებ. ყველას მივიღებ. სტუმართმოყვარე  
ვარ. მამაუფალი ძალიან მომწონს. კიდევ უფრო მისი წმინდანები  
მიყვარს, პატრესა ვცემ და ვუღიმი (კეთილი ხალხია). ჩემთან მოს-  
ვლას და მასლაათს არ თაკილობენ: მაგრამ უნდა გამოვტყდე, რომ  
ერთი ღმერთი არ მყოფნის, რა ვუყო, რომ მსუნაგი ვარ... თქვენ კი  
გსურთ მამარხულოთ. მე ჩემი წმინდა მამები და წმინდა დედები  
მყავს, ჩემი ფერიები და სულელები, ციური და მიწიერი, ტყისა და  
წყლის; მწამს გონება. ჰეშმარიტების მქვერტელი გიყებიც, მჯერა კუ-  
დიანებისა. მინდა ვიფიქრო, რომ სივრცეში დაკიდული დედამიწა  
ჰაერში ჰანაობს, ღრუბლებში ბანაობს. მსურს მას შევეხო, ავშალო  
და დაეშალო, ავაწყო და დაეაწყო მსოფლიოს საათის მშვენიერი მე-  
ქანიზმი; მაგრამ ეს ხელს არ მიშლის ციური ჰრისტიანების, მრგვალ-  
თავა ვარსკვლავების გალობით დავტკბე და მთვარეზე ჩირაღდნია  
კაცს ვუთვალთვალო... მხრებს იჩეჩავთ, არა? წესრიგი გინდათ? ე, ე,

წესრიგს თავისი ფასი აქვს! უფასო როდია. ქისის გახსნას მოითხოვს. წესრიგი ინას კი არ ნიშნავს. გააკეთო ის. რაც გინდა. ის უნდა გააკეთო, რაც არ გინდა: ცალი თვალი უნდა გამოითხარო. რომ მეორეთი უკეთ დაინახო. გააკეთო ტყეები, რომ გაიყვანო დიდი და სწორი გზები. რასაკვირველია, ეს კარგი და საჭიროა... მაგრამ, ღმერთო ჩემო, რა უშნოა! მე ძველი გალი ვარ. მინდა ბევრი ბელადი მყავდეს. უოციხვი კანონი მქონდეს. სუყველას ვეძმო და ყველა თავის ნებაზე ვაცხოვრო. გინდა? ერწმუნე, მე კი მომეშვი, ნება მიბოძე, მინდა ვერწმუნები და მინდა არა. თავყვანი ეცი გონებას და, რაც მთავარია, ღმერთებს შეეშვი, უთვალავნი არიან, ღმერთების წვიმა მოდის, რიყის ქვებივით ყრიან. მაკე ღორივით ღმერთებით გაბერილა სამყარო. ყველას პატივს ვცემ, იმრავლონ და იბედნიერონ. მაგრამ, აბა, გაბედეთ და შეეცადეთ, თუნდაც ერთი წამართვათ ან გამასტუმრებინოთ, არ გამოვა, არა. თუ ეშმაკმა გზა-კვალი არ ამირია და ჩემი გულუბრყვილობა ბოროტად არ გამოიყენა, ვერ მოგართმევთ, ვერა.

შევებრალე პაიარსა და მღვდელს, მკითხეს, ამ დავიდარაბაში როგორ ვიკვლევდი გზას.

— ჩინებულად, — ვუპასუხე მე, — ძალიან კარგად ვიცნობ ყველა ბილიკს და არხეინადაც დავსეირნობ: როგორ ფიქრობთ. შამუღან ვეზლეიში ტყით რომ მივდივარ, ფართო გზა მქირდება? ბრაკონიერების საცალფეხო ბილიკებით თვალდახუჭული მივდი-მოვდივარ და თუ ზოგჯერ ჩემს ბუნაგში უკანასკნელი ვბრუნდები, სამაგიეროდ ნახადირევით საესე მაქვს აბგა. იქ ყველაფერი აღნუსხულია და ყველას თავისი ადგილი აქვს მიჩნეული. კეთილი უფალი თავის ეკლესიაში მყავს, წმინდანები — თავიანთ ეკვდირებში, ფერიები — მინდვრებში დამიდიახ. გონება — თავში მაქვს ჩაქედლილი. წარმოიდგინეთ, ჩინებულად ეგუებიან ერთმანეთს: ყველა ვარდს თავისი გულის მურაზი ჰყავს, თავისი საქმე გააჩნია, თავისი სახლი აქვს, არ ემორჩილებიან მტარვალ მეფეს და ბერნის ბატონებისა და მათი კონფედერატების მსგავსად მოკავშირე კანტონები აქვთ მოწყობილი. ჩემს სოფელში სუსტნიც არიან და ძლიერნიც, თუმცა ამას არ უნდა ენდო; ზოგჯერ ძლიერების წინააღმდეგ სუსტია საჭირო. ცხადია, უფალი ფერიებზე ძლიერია, მაგრამ თვით მანაც კი უნდა გაუწიოს ფერიებს ანგარიში, რადგან უფალი თუ მარტო დარჩა, ისეთი ძლიერიც აღარ იქნება. ძლიერიც ხელდება მასზე ძლიერს, რომელიც მას შეახრამუნებს. მაშ,

როგორ! ვერაინი დამარწმუნებს იმაში, რომ ყველაზე „უძლიერესი ღმერთი“ ენახოს. ის ზეცასაა, ძალიან შორს, ძალიან მაღლა, ისე მაღლა, როგორც ჩვენი ბატონი მეფე. ჩვენ ძალიან კარგად ვიცნობთ მის მთავრებს, მოურავებს, ლეიტენანტებს; თვითონ კი თავის ლუვრში განისვენებს. გონება მეუბნება, რომ დღეის ღმერთი, რომელზეც ყველა ლოცულობს, არის ბატონი კონჩინი... გეყოფა, ჰო, მუჯღუგუნებს ნუ მკრავ, შამაი... გული რომ არ გატყინო, ვიტყვი, რომ დღევანდელი უფალი არის ნევერის ხელისუფალი, ჩვენი კეთილი ჰერცოგი; აკურთხოს უფალმა, პატივსა ვცემ, მაგრამ ლუვრის ბატონთან ჭკუით არის და კარგადაც იტყევა. ამინ! და იყოს ასე!

— ამინ, ასე იყოს, — გაიმეორა პაიარმა, — მაგრამ ასე რომ არ არის, ეს ყველამ იცის! „პატრონის შინ არყოფნისას შემოძვრება მაცდური და მაშინ დაფასდება ამ ოჯახის მსახური“. ჩვენი დიდი ანარის სიკვდილის შემდეგ დედაკაცები გამეფდნენ ჩვენს დალოცვილ მხარეში და დაიწყო თავადების უნამუსო თარეში... დიდკაცები შენსა და ჩვენს ხარჯზე ხელს ითბობენ. დიდ პალაურში თევზაობენ ქურდაცაყები. ხაზინიდან იტაცებენ არსენალის სკივრებში მიძინებულ ოქრო-ვერცხლსა და მომავალ გამარჯვებებს, რომელსაც ბატონი დე სიული დარაჯობს. აჰ! ნეტავი მოვიდეს შურისმაძიებელი, მაგ ყაჩაღებს წააცალოს თავი, ამოჰხადოს სული და წაართვას ნაქურდალი ფული.

იმდენი ვილაპარაკეთ, იმდენი ვქენით, ისე ხმაშეწყობილად ვიმღერეთ და ისეთი ვარიაციები შევასრულეთ ქოჩრიან დიდებულებზე, ქოშიან მუზმუზელებზე, გასუქებულ მღვდელმთავრებზე და მუქთახორა ბერ-მონაზვნებზე, რომ სიფრთხილე ნებას არ მაძლევს ყველაფერი ჩავეწერო. ისე კი, უნდა ვთქვა, რომ ყველაზე ლამაზ და ბრწყინვალე სიმღერებს ამბობდა მოძღვარი შამაი. და ჩვენი სამება გზას გაუდგა ფეხაწყობით, ვაყკაცურად, რა აილო ერთხმად თემად: ლაქუცები, აყიანი, ღვთისმოსავნი, ფლიდნი, ავნი, ფანატიკოსნი, ჰუგენოტნი, თითლიბაზნი, ჰკუთხელნი, ბრიყვნი, შტერნი, ვისაც განუზრახავთ ღვთის სიყვარული კომბლითა და ხმლით ჩავკინებრგონ გულსა და სულში. მამათუფალი მევირე ხომ არ არის, ჯოხით რომ გვრეკოს. ვისაც წაწყმედა სურს, დაე წაწყმდეს! ესეც ეყოფა, რა საჭიროა ცოცხლად წამება ან ცეცხლზე დაწვა? მოგვეშვით, ღვთის მადლსა, დაგვანებეთ თავი. ამ ჩვენს საფრანგეთში ყველამ, როგორც სურს, ისე

მოაწყოს თავისი ცხოვრება და ნუ დაეძებს, როგორ ცხოვრობს მოყვანი თვისი. ურწმუნოც კი ქრისტიანია, იესომ ხომ ყველა ადამიანის ცოდვათა მოსანანიებლად იტვირთა ჭვარი. ეგეც არ იყოს, საბოლოო ჯამში ორთავ ერთია: ავიცა და კარგიც, ამაყიცა და მკაცრიც. და ერთმანეთს ისე ჩამოჰკავს, როგორც ორი წვეთი.

ლაპარაკით რომ გული ვიჭერთ. ბახუსს სამ ხმაზე შეგასხით ქება. ეგ ერთადერთი ღმერთი იყო, რომელზედაც მე, ჰაიარსა და მღვდელს დავა არ გვექონდა. შამაი გაპყვიროდა, რომ ბახუსი ერჩია ყველა იმ ღმერთს, რომელზეც ქადაგებენ კალვინისა და ლუთერის ლაზღანდარა და ბინძური ბერები. ბახუსი, ამბობდა იგი. პატივისცემის ღირსია, მასში ნამღვილი ფრანგული ჭილაგის ღმერთი ჩანსო... ფუი ეშმაკს, რას ვამბობ? ფრანგული კი არადა, ქრისტიანული, ძვირფასო ძმებო, ქრისტიანული. განა იესო ზოგიერთ ძველ სურათზე ბახუსად არ არის წარმოდგენილი? ხელთაც რომ ყურძნის მტევანი უჰყრია. მაშ, ჩვენი მხსნელის სადღეგრძელო დავლიოთ, ძმებო, ჩვენი ბახუსის, ქრისტიანულის, მომღიმარი იესოსი, ვისი ალისფერი სისხლიც მოჩუხჩუხებს ჩვენს ფერდობებზე და ასურნელებს ჩვენს ვენახს, გულს და თავის ფაქიზ, უხვ, ადამიანურსა და უწყინრად დამკინავს სულს შთაბერავს ჩვენს ნათელ საფრანგეთს, ჯანსაღი სისხლის პატრონს. მახვილგონიერ ბატონს.

• • •

ამ საუბარში რომ ვიყავით და ჭიკებიც ერთმანეთს მიუტყახუნეთ, რათა დაგველია სადღეგრძელო ზომიერი და მხიარული ფრანგული გონიერებისა, რომელიც ყოველგვარ უკიდურესობას დასცილის („ორთა შუა ბრძენი ჯდება“... ამიტომაც ზოგჯერ მიწას ენარცხება), კარების ჩახუნმა, კიბეზე მძიმე ნაბიჯების ხმამ, ოხვრამ, ძახილმა: „იესო ქრისტე“, „დედაო ღვთისა“, გოდებამ, ქშენამ, მღვდელ-ქალბატონის, ან როგორც ეძახდნენ შამაის მსახურ ელოიზას — „მოდღვარ-ქალბატონის“ შემოსევა გვამცნო. ხენეშით შემოვიდა, წინსაფრით ბრტყელი სახე მოიწმინდა და წამოიძახა:

— ვაი, ვაი! გვიშველეთ, ბატონო მოძღვარო!

— ჰა, რა ამბავია, სულელო? — შეეკითხა მოთმინებადაკარგული შამაი.

— მოდიან! მოდიან! ისინი მოდიან!

— ის მუხლუხები, ლიტანიით მინდვრებში რომ დადიან? აკი გითხარით, ჩემს წარმართ მრევლზე არაფერი მითხრათ-მეთქი.

— გემუქრებიან, ბატონო მოძღვარო, თქვენ გემუქრებიან!

— ყურებზე ხახვი არ დამაქრან რითი გემუქრებიან? სასულიერო სასამართლოში გიჩივლებთო? როგორც ენებოთ! მზად ვარ.

— ვაიმე, ბატონო მოძღვარო, მარტო საჩივარი რომ იყოს...

— მაშ რაა? მითხარ!

— აყლაყულა პიკთან შეყრილან, რამლს ყრიან, ულოცავენ და მღერაინ: „მუხლუხებო, ხოქოებო, ხერელებიდან გამომდევრით ერთად და შამაის ბოსტანსა და მარანს შეუტყით მელდგრად“.

ამ სიტყვებზე შამაი შესტა.

— ვაიმე! ვაიმე! წყეულები! მათი ხოქოები ჩემს ბოსტანში უნდათ მორეკონ... ვაი, ჩემს მოსწრებას! უფალო! წმინდაო სვიმონ! უშველეთ თქვენს მსახურს!

ამაოდ ვეცადეთ დაგვემშვიდებინა. ბებრიც ვიცინეთ.

— იცინეთ, იცინეთ, ქკუის კოლოფნო! ჩემს ადგილას რომ იყოთ, ვნახავდი, როგორ გაიცინებდით. მეც ეგრე ვიზამდი, სხვისი ქირი, ღობეს ჩხირიო, ხომ გაგიგონიათ? ერთი თქვენ იყოთ ჩემს ღლეში, ვნახავდი, რა მასპინძლობას გაუწევდით, რა სუფრას გაუშლიდით ასეთ ყურუმსაღებს. ხოქოებიო, რა საზიზღრობაა... მუხლუხები... არ მინდა, არა! მაგრამ რა მოეუხერხო, რა წყალში ვეცე?

— რა ამბავია, რამ გადაგრია, მღვდელი არა ხარ? რისი გეშინია? შენს მრევლს ქკუით მაინც არ სჯობიხარ? განიწმინდე მათი შელოცვებისაგან. მათზე ძლიერი არა ხარ განა?

— ჰე, ჰე, ჰე! მე არაფერი ვიცი; ვერაფერს გავხდები, ვერა, ახმახი პიკი ისეთი გაიძვერა და ბოროტია. მეგობრებო, ჩემო მეგობრებო! სად გაგონილა, ამ სათოკეებს სურთ ხოქოებს შეაქამონ ჩემი თავი. მე კი როგორი იმედი მქონდა... დაიმედებული, დამშვიდებული ვიყავი... მაგრამ ამქვეყნად მყარი არაფერია, მხოლოდ უფალი არს დიდი. რა შემიძლია? მაგათ ხელთა ვარ... ელოიზა, გეთაყვა, გასწი, გაჟურცხლე, საყვარელო, და უთხარ, შეჩერდნენ! მოვდივარ, მოვდივარ, მაშ, რა უნდა ექნა. ავაზაკები! ჩემი ღლეც მოვა, სიკვდილის წინ ჩემს ხელში იქნებით. მანამ კი (რა გაეწყობა), მათ ღულუჯზე უნდა

ვიცეკო!.. უნდა დავცალოთ ეს ფიალაც. დავცლო, განა ეს ერთი დამიცლია?

წამოდგომა რომ დააპირა, ჩვენ შევეყითხეთ:

— ერთი გვითხარი, სად გარბიხარ, სად ჯანდაბაში.

ჯვაროსნულ ლაშქრობაში, ხოკობთან საომრადო. გვიპასუხა შამამი.

#### IV

### დოყლაპია მოხმებიალჷ, ანუ ბაზაყხულის დღე

აპრილი.

აპრილო, ნეტარებაჷ გულისა, ტანწერწეტა ქალწულო ტურფა გაზაფხულისა, სახესანდომიანო, ტანკენარა გოგონავ, თვალეზლაყვარდიანო. რა საამოდ ყვავის გარგარის ტოტებზე დილის მზით ნალერსები შენი გულმკერდის კოკრები, თეთრი ტოტების ყლორტები. რა შშვენიერი დილაა! რა საამურია იმაზე ფიქრი, რომ მოესწრები, რომ იხილავ ასეთ დღეს! ვდგები. ვშლი ბებერ ხელებს, რომლებშიც დიდი ჯაფით გამოწვეულ საამო დაღლასა ვგრძნობ. იძულებითი უსაქმურობა რომ აგვენახლაურებინა, მე და ჩემმა შეგირდებმა უკანასკნელი ორი კვირის მანძილზე შალაშინით ავამღერეთ ხე-ფიცარი, ვაფოილეთ ბურბუშელა. სამწუხაროდ, ჩვენი შრომის წყურვილი უფრო გაუმძღარია, ვიდრე კლიენტების მადა. არაფერს ყიდულობენ, არ ფიქრობენ გადაიხადონ შენაკვეთის ფასი. ეჰ, რა დრო დადგა — თარსი. ქისები ცარიელია. საფულებებში ერთ წვეთ სისხლსაც ვერ იპოვით: მაგრამ სამაგიეროდ ის ჩუხჩუხებს ჩვენს მკლავებში და მინჯვრებში: მიწა ბარაქიანია. მიწა, რომელმაც შემქმნა და რომელზედაც ვცხოვრობ (ეს ერთი და იგივე მიწაა). ილოცე და იშრომე, მეფობას მიიღებ. ყველა კლამსელი მეფეა და ჯერ თუ არა, მომავალში მაინც იქნება. დილიდანვე მესმის წისქვილების ხმაური, გრდემლზე მჭედლების უროების გუგუნი, ურმების ბორბლების გრუხუნა,

წყალსადენთან ცხენების ფრუტუნი, მათრახების ტყაცუნი, მეწალის ჩაქურჩის კაკუნი და მღერა, სამქვედლოში საბერველის ქშენა, ყასბების ფიცრებზე ძვლების კეპვა, გამვლელთა ლაყბობა, ლანძღვა, ზარების რეკვა, ერთი სიტყვით, მშრომელი ქალაქის სუნთქვა და კვნესა: „მა-მაო ჩვენო, რომელი ხარ ცათა შინა“, სანამ შენ გვალირსებ, ჩვენ თავად მოვიზელთ „პურსა ჩვენსა არსობისასა“, ასე არ სჯობს?“ თავზე კი გაზაფხულის დიდებული ლურჯი ცა დაგვენათის, ქარი ქრის და თეთრ ღრუბლებს მიერეკება, მზე თბილია, ჰაერი — გრილი. თითქოს... სიკაბუტე მკვდრეთით აღმსდგარა და ეამთა სიღრმიდან მოფრინავს, მოჰქრის, რომ აღადგინოს მერცხლის ბუდე ჩემი ბებერი გულის ფარდულქვეშ. რა საყვარელია ძვირფასი წარსული, როცა ბრუნდება. უფრო საყვარელი, უფრო სანატრელი, ვიდრე პირველ დღეს...

უცბად სახურავიდან აფქიოს ჭრიალი და ჩემი დედაბერის კრიახი შესმის. ისევ უყვირის, არ ვიცი რას, არ ვიცი ვის, შეიძლება მეც მეცახის. არ ვუსმენ, მაგრამ მახლას, დამფრთხალი სიკაბუტე გაფრინდა. ეშმაკსაც წაუღია აფქიო!.. ის კი (ჩემს დედაბერზე ვამბობ) გაცოფებული ჩამოდის, რომ თავისი გალობით ყურთასმენა წაიღოს:

— აბა, აქ რას დამქდარხარ გულხელდაკრეფილი, დოყლაპიავ, ბუზებს რომ თვლი ურცხვად პირდაღებული, მუქთახორავ, ერთი მითხარი, რას შერები? შენს დანახვაზე დაფრთხნენ ზეციერი ჩიტები. მითხარ, რას ელოდები? იქნებ ფიქრობ, მაგ სავერანე ხახაში ჩაგვიცივდეს მოსრაკული ხობბები, ან მერცხალმა ჩაგაწვეთოს ცრემლები? მე აქ თავს ვიკლავ, ვქშინავ, ოფლში ვბანაობ, ვით ქანქარა, აქეთ-იქით ვქანაობ, მოსვენება აღარა მაქვს, ვით წამებულ ქადაგს, რომ ვაამო ამ უქნარა ზედაგს... ეჰ! საბრალო ქალო, ასეთია შენი ხვედრი... მაგრამ, არა, ზეციერო მამა, ხომ არ გითქვამს, რომ მთელი ჯაფა ჩვენი ხვედრი იყოს და ადამმა უსაქმურად იყიალოს. მსურს ისიც დაიტანჯოს, დე, იმანაც იდარდოს. სხვანაირად რომ იყოს, რომ ილხინოს ავარამ. შენში რწმენას დაეკარგავდი! მაგრამ არა. მე აქა ვარ, რათა აღვასრულო შენი ნება-სურვილი. მორჩი სიცილს თუ არა? ადვ ჩქარა, უქნარა, თუ გინდა, რომ იჩუხჩუხოს ქოთანმა!.. ერთი ამას დამიხედეთ, არც კი მისმენს! გაინძრევი თუ არა?

ნაზი ღიმილით ასე ვეუბნები:

— რა თქმა უნდა, ჩემო მშვენიერო. ასეთ ლამაზ დილას სახლში დარჩენა ცოდვა იქნება.

შევდივარ სახელოსნოში და შევირდები ვუძახი:

— შეგობრებო, ხის ნაქერი მკირდება, მკვრივი, დოკადი, ფაფუკი. რიუსთან მივდივარ, ვნახავ ერთი, კარგი მორი თუ აქვს. აბა, კანია! რობინე! წავიდეთ, ავარჩიოთ.

ერთად გამოვდივართ. დედაკაცი კივის. ვეუბნები:

— შენ დაუქარ.

მართალი რომ გითხრათ, ეს უკანასკნელი რჩევა ზედმეტი იყო. რომ იცოდეთ, რა დასცხო და დასცხო. მისი საკრავის ნარნარი ხე რომ გამეძლიერებინა, სტენით ბანი ვუთხარი. კეთილმა კანიაშაც შემაწია:

— აბა, რა შოგდით, ქალბატონო, თითქოს სამოგზაუროდ მივდიოდეთ, თხუთმეტ წუთში დავბრუნდებით.

— ასეთ ავაზაკთან საქმე რომ გექნება, — თქვა ჩემმა დედაკაცმა, — აბა, რა იცი!

• • •

ჩამოჰკრა ცხრა საათმა. ბეიანში ძივდიოდით, შორი გზა არა იყო, ბოვრონის ხიდზე შევჩერდით (აბა ისე როგორ იქნება, ხალხი უხდა მოიკითხო, მონახულო), რომ ფეტიუს, ვადენს და ტრინკეს, მეტსახელად ლამაზ-ჯანს, მივსალმებოდით: შარავნაზე ჩამომსხდარი ეს ვაჟბატონები მდინარის დინების ცქერით იწყებდნენ დღეს. ცოტა ხანი ვილაპარაკეთ ამასა და იმაზე, ავდარსა და წვიმაზე. მერე კი დინჯად განვაგრძეთ გზა. ნამუსიანი ხალხი ვართ, გზაზე არ ვჩერდებით, აქეთ-იქით არ ვიციქვებით, პირდაპირ მივდივართ, არავის ვესაუბრებთ (თუმცა, მართალი რომ გითხრათ, არც არავინ შეგვხვედრია), მხოლოდ (ბუნების მშვენიერებით აღტაცებულნი) შევხარით ზეცას, კედლის ახლოს ჩრდილში აყვავებულ ვაშლს. ვუყურებთ მერკხალს, ვჩერდებით, ვკამათობთ საიდან უბერავს ქარი.

შუა გზაზე მომაგონდა, რომ დღეს გლოდისათვის არ მოკონია. შევირდები ვეუბნები: თქვენ წადით, მე კი აქეთ შევეუხვევ და რიუსთან დაგეწევით-მეთქი.

სახლს რომ მივუახლოვდი, მარტინა დუქანს რეცხდა. გაუჩერებლივ მუსაიფობდა, ყბედობდა. ლაყბობდა ერთთან. მეორესთან. ქმართახ, ბიჭებთან, შევირდთან, გლოდისთან და სამიოდე მეზობელ დე-



დაკაცობან. კისკისებდა, ხითხითებდა ისე, რომ ლაყობას და ყბედობას არ წყვეტდა და როდესაც გაათავა, ყბედობა კი არა, რეცხვა, გამოვიდა და ერთი მოქნევით გადმოღვარა თასლიდან წყალი. კარიდან რამდენიმე ნაბიჯზე ვიდექი, მსურდა ცქერით დავმტკბარიყავი, გულსა და თვალს ახარებს ჩემი მარტინა. რომ იცოდეთ რა ნაქერია. უჰ! ნახევარი წყალი ფეხებზე მომასხა. ამაზე სიცოცხლე უმატა, მეც ვალში არ დაერჩი და აეტეხეთ ერთი სიცოცხლესარი. მარტინას შუბლზე თმა ჩამოშლოდა. ხშირ წამწამებიანი თვალები და ნაკვერჩხლებზე უფრო წითელი და ქლიავივით ფუნჩულა ტუჩები უცინოდა. იდგა ეს გალების ქვეყნის მშვენიერი ასული და ცხვირწინ მიცინოდა. მკერდ-გაღელილი იყო, მკლავტიტველა, კაბაც გაბედულად ჰქონდა აკეცილი. მითხრა:

— კეთილი იყოს შენი მობრძანება. მოგხვდა თუ არა?

ვუპასუხე:

— მომხვდა, სულო და გულო, მაგრამ არა უშავს, წყლისა არ მეშინია, თუ მის დაღვევას არავინ მაძალებს.

— შემოდი და გენახე, წარღვნას გადარჩენილო, ნოე მევენახე.

შევედი. დავინახე დახლის ქვეშ ჩაცუკებული მოკლე ჩიხორიანი გლოდი.

— სალამი პატარა მეფუნთუშეს.

— გინდა დაგენაძლეო, -- მეუბნება მარტინა, — რომ ვიცი, ასე დილაადრიან რად გამოხვედი სახლიდან.

— ნაღზე ნაძლეობ, იცი, არ წააგებ. რა თქმა უნდა, მიზეზი იცი, შენ ხომ მისი ძუძუ გიწოვია.

-- დედა გეჩხუბა, არა?

— სხვა ვინ იქნებოდა?

— რა ლაჩრები ხართ მამაკაცები!

ფლორიმონმა, რომელიც ამ დროს შემოვიდა, მიირთვა ქათინაური და აიფხორა, ვით ინდაური. ვუთხარი:

— ეს მე მომართვეს, ნუ იწყენ, ბიჭო!

— ორივეს გეყოფათ, ნუ ხარ მსუნაგი. — მითხრა მარტინამ.

ფლორიმონი მაინც შეურაცხყოფილი დარჩა. ნამდვილი ბურჟუაა. ვერ იტახს, როცა დასცინიან. სწოოდ აძიტომ მე და მარტინას ერთად რომ დაგვინახავს, სულ გვითვალავალებს, უნდო თვალთ ელო-

დება სიტყვებს, რომელთაც ჩვენი მოღიშარი პირი იტყვის. ეჰ! და საბრალო ალაღმართლებს რა ოინებს არა გეწამებს!

გულუბრყვილოდ ვეუბნები მარტინას:

— ხუმრობ, მარტინა; მე ხომ ვიცი, ფლორიმონი ოჯახის ბატონია, ჩემსავით თავს არავის დააჩაგვრინებს. თანაც მისი ხათუნა ალერსიანია, მშვიდი, უენო, მოკრძალებული, ქმრის მონა-მორჩილი, გულჩვილი. მამამისია პირწავარდნილი, სულ მე მგავს. აკი მეც საბრალო კაცი ვიყავი, გაუბედავი, მორიდებული, მივიწყებული!

— კმარა, გეყოფა, მალე მორჩები ხალხის გამასხარავებას? — მითხრა დაჩოქილმა მარტინამ, რომელიც ფანჯრებს შმაგი სიხარულით წმენდდა და აკრიალებდა (წმენდს და წმენდს, რაც შეუძლია).

ის მუშაობდა, მე ვუყურებდი. ლაზათიანი და მოურიდებელი სიტყვებით ვაძკობდით ერთმანეთს. დუქანში, რომელსაც მარტინა ავსებდა თავისი მოძრაობით, ყბედობითა და ჭანსალი სიცოცხლით, კუთხეში მივიწყებული იჯდა შუბლშეკრული და გაბღენძილი ბატონი ფლორიმონი. ჩვენს შორის თავს ცუდად გრძნობს. გაბედული სიტყვა და ჭანსალი გალური ოხუნჯობა აშინებს, მის ღირსებას შეუღაცხყოფს. ვერ გაუგია, ჭანმრთელი ადამიანი რომ იცინის. პატარა კაცია, ფერმკრთალი. ჩამომხმარი, დაღერემილი და ჩამომდნარი. ყველაფერზე ჩივის და წუწუნებს. კარგს ვერაფერს ამჩნევს, უთუოდ იმიტომ, რომ ცხოვრების სარკეში მხოლოდ თავის თავსა სედავს. აი, ახლაც, წვრილ კისერზე პირსახოცმემოხვეული, შეწუხებული აქეთ-იქით აცეცებს თვალებს და ბოლოს ამბობს:

— როგორც კომჭზე, ყოველი მხრიდან ქარი ქრის. ყველა ფახჯა-რა დაღებულა.

მარტინა მუშაობას განაგრძობს და ეუბნება:

— რას ბრძანებთ, მე კი სული მეხუთება.

ფლორიმონმა ცოტა კიდევ გაიბრძოლა (მართალი გითხრათ, არა უშავდა რა, სასიამოვნო და გრილი ქარი ქროდა)... ვეღარ გაუძლო და გაცოფებული კარში გავარდა. ჩაცუტქულმა მარტინამ თავი აიღო და მოსიყვარულე და დამცინავი ღიმილით თქვა:

— თონეს მიუბრუნდება.

გავიღიმე. ვკითხე, თავის მეფუნთუშესთან ძველებური განწყობა თუ კიდევ ჰქონდა. აუგი არ უთქვამს. აჰ! წყეული არამზადა, რომ აკუწო კიდევ, თავის შეცდომას არ აღიარებს.

— რატომაც არა, ის ჩემი გემოსია.

— შე კი შევეკამდი, მაგრამ შენი დიდი პირისათვის ეს ნამცხე არი პატარაა, ლუკმადაც არ გეყოფა.

— უნდა დასჯერდე იმას, რაცა გაქვს, — მიპასუხა მან.

— კარგი სიტყვაა, მაგრამ გამოგიტყდები, პატარა ნამცხვრის ადგილას რომ ვიყო, დამშვიდებული ვერ ვიქნებოდი.

— რატომ? საშიში არაფერი აქვს, ჩემი სიტყვის პატრონი ვარ, მაგრამ იცის ამ არამზადამ, თუ მილაღატებს, ერთ დღესაც არ დაგაყოვნებ და რქებს დავადგამ. ყველას საკადრისი უნდა მიეზლოს (კუთვნილს არ დავუქარგავ), ამიტომ კეთილინებოს და შეასრულოს თავისი ვალი.

— მთელი თავისი მოვალეობა.

— მაშ, როგორ? აბა, ერთი გაბედოს და ქალწული მეტისმეტი სილამაზისათვის დაიწუნოს!

— კუდიანო! არ ვცდები, სწორედ შენ იყავი, ციური ბრძანების მომტან ძელქორს რომ უპასუხე.

— შე ბევრ გაქუცულ ძელქორს ვიცნობ, რომელზე ბრძანებ?

— განა იმ ძელქორის ამბავი არ იცი, რომელიც ზეციერ მამას დედაკაცებმა გაუგზავნეს თხოვნით, რომ ახალშობილთ მყისვე ტუნცული დაეწყოთ? მამა უფალმა ბრძანა, „თანახმა ვარ (თავაზიანია ქალებთან), მხოლოდ ერთი პირობით: ამიერიდან ჩემი მრევლის ქალები, ასულები და გოგონები მარტონი დაწვენენ“. ძელქორმა ფრთის ქვეშ ამოიღო უფლის პასუხი და მოწიწებით წამოიღო. რომ დაბრუნდა, იმ დღეს მე იქ არ ვყოფილვარ, მაგრამ გავიგე, რა დღე დადგა ზეციერის მოციქულს.

ჩაკუცქული მარტინა წმენდას შეეშვა, ხარხარი მორთო; მერე მეჯღუგუნი მკრა და მიყვირა:

— ბებერო ყბედო! კაჭკაჭივით ლაქლაქავ, ენას აღარ აყენებ, არ ილღები, ქაქანებ, ლათაიებს კაკანებ, აბა, მოწყდი აქედან, მითხარ, რის მაქნისი ხარ? ხალხს დროს რად აკარგვინებ? აბა, მალე მომშორდი. ხელში არ ჩამივარდე... ეგ უკულო ფინიაც წაიყვანე, ფეხებში რომ მეღება. აქეთ მოდი! დიახ, დიახ, შენი გლოდი. ისევ გამოაგდეს სახაბაზოდან, უთუოდ იმიტომ, რომ ცომში ჩაყო თათი (ცხვირიც გათხუპხული აქვს). აცხა! მოუსვით აქედან, მუშაობას ნუ მიშლით. არ მათქმევინოთ მეტი, თორემ მოვიდა კეტი.

კარში გამოგვყარა. ჩვენ კმაყოფილები გავუდექით გზას, რიუსკენ გავწიეთ, მხოლოდ ცოტა ხნით იონის პირას შევისვენეთ. თევზაობას ვუყუარებდით, რჩევა-დარიგებას ვიძლეოდით, გვალალებდა ტივტივას ყვინთვა, ანდა მწვანე და სარკესავით კრიალა ზედაპირზე ნაფოტას ხტუნვა. მაგრამ გლოდომ უცებ შეამჩნია, ანკესზე კია სიცილისაგან რომ იგრინებოდა და უკმაყოფილოდ მითხრა:

— პაპა, სტკივა საცოდავს, უთუოდ შექამენ.

— ეპ, ჩემო პატარავ, უთუოდ! შექამონ. ეგ დიდი უბედურება როდია. არ უნდა იფიქრო ამაზე. სჯობს იმ თევზზე იფიქრო, ვინც მაგ კიას ჩაყლაპავს და იტყვის: „გემრიელია“.

— შენ რომ ჩაგყლაპონ, რაღას იტყობ?

— იმასვე: „ვაპ! გემრიელი ვარ განა! ბედნიერი სალახანა! ბედნიერია ვაყკაცი, ვინც შემქამს-მეთქი!“ ამრიგად, ჩემო წრუწუნა, მუღაჰ-ქამს კმაყოფილია შენი ბებერი პაპა: თვითონ ქამს თუ მას ქამენ, როგორც გინდა, ისე გაიგე. ბურგუნდელისათვის ორივე კარგია.

ასეთი ბაასით, ჯერ თერთმეტი საათიც არ იყო, რომ რიუსთან გავჩნდი. ნაპირზე გაწოლილი კანია და რობინე არხეინად მელოდებოდნენ, წინდახედულ ბინეს ანკესი წამოეღო და ლიფსიტას ელაციცებოდა.

საწყობში შევდივარ. როგორც კი შიშველ, გატიტვლებულ, მშვენიერ და გაწოლილ ხეებს შორის გავჩნდები ხოლმე, როგორც კი ნახერხის საამო სუნი ცხვირში მეცემა, გამოგიტყდებით, სულ მავიწყდება, რომ დრო და წყალი მიედინება, ვერ ვძღები მათ ბარძაყებში ხელის ფათურით. ხე ქალზე მეტად მიყვარს. ყველას თავისი ხუსტური სჭირს. მართალია, კარგად ვიცი, რომელი მინდა. მაგრამ მერე რა? სულთანთან რომ ვიყო და ბაზარზე ოც ტიტველ ლამაზთა შორის დავინახო ის, რომელიც მიყვარს, როგორ გგონიათ, ჩემი სატრფოს სიყვარული ხელს შემიშლის გზადაგზა თვალი დავატებო დანარჩენების სიტურფით? არა, ასეთი სულელი როდი ვარ. მაშ, რა ჯანდაბად მომცა უფალმა თვალები, თუ სიტურფის დანახვაზე უნდა დავხუჭო? არა, გახელილი მაქვს თვალები, ვით ალაყაფის კარები. ყველაფერს იტევს, არაფერი იკარგება და ბებერ გაქნილს იოლად შემიძლია ამოვიკითხო ცბიერ დედლებს კანქვეშ მათი სურვილი, სიმუხთლე და ვერაგი ფიქრი, ისევე როგორც ჩემი ხეების გლუვი ან ხორკლიანი ქერქის ქვეშ შემიძლია დავინახო დატყვევებული სული, რომელიც გამოიჩეკება კვერცხიდან, თუ კრუხად ჯდომა ვინებე.

და სანამდე ვინებებდე, მოთმინებადაკარგული კანია (ეგ უმიქამია; მხოლოდ ბებრებმა ვიცით ქაშნიკის გემო), თათხავს იონის მეორე ნაპირზე მოხეტიალე ანდა ბეიანის ხიდზე აყუდებულ რამდენიმე მეტივეს. გარეუბანში სხვადასხვა ჩიტუნები არიან, მაგრამ ჩვეულება ერთი და იგივე აქვთ: მთელი გრძელი დღე საჯდომებით ხიდების კიდეზე მოჯაკვეული სხედან და მეზობელ დუქანში პირს ისველებენ. საუბარი ბოვრონელ ბიქსა და ბეთლემის შვილს შორის ჩვეულებისამებრ უხეირო ხუპრობით იწყება. იუდეის ბატონები ჩვენ გლახებს, ბურგუნდელ ლოკოკინებს და ნეხვიკამიებს გვიწოდებენ. ჩვენ კი, ამ ქათინაურების პასუხად მათ „მყვარებსა“ და ქარიულაბიების ღრანქებს ვეძახით... ჩვენ-მეთქი, იმიტომ ვამბობ, რომ, როდესაც მესმის ლიტანიების გალობა, ჩემი „Ora pro nobis!“ რომ არ დავურთო, არ შემოძლია. გული არ მიშვრება. როდესაც გელაპარაკებთან, თავაზიანობა მოითხოვს, პასუხი გასცე. ლამაზი სიტყვებით რომ გავუმსპინძლით ერთმანეთს (ვაიმე! შუადღის ლოცვას რეკენ. ჰეი, დრო! ჰეი! შენი საათის ქვიშა იცლება. რა ჩქარა გარბის ეს სატიალე!), ყოჩად მეტივეებს ჯერ ვთხოვე კანისა და რობინეს დატვირთვაში შეშველებოდნენ. სურე ურიკაში გაბმულიყვნენ და ტვირთი ბოვრონში წაეღოთ. ბევრი იყვირეს:

— ბრონიონ! ეშმაკის კერძო! მორიდებაც რომ არა გაქვს!

ბევრს ყვირიან, მაგრამ მაინც მესმარებიან, მაინც ვუყვარვარ.

დაოთხილი მივქროდიტ უკან. დუქნების კართან შეყრილა ხალხი აღტაცებული იყო ჩვენი გულმოდგინებითა და გაოცებული გვიყურებდა; მაგრამ როდესაც ჩემი „ცხენები“ ბოვრონის ხიდს მიადგნენ და დაინახეს სამი ერთგული ბელურა, ფეტიუ, გადენი და ტრინკე, რომლებიც ისევ წყლის დინებას უყურებდნენ, გაჩერდნენ ფეხები და ფიცხლად დატრიალდნენ ენები. ერთნი ლანძღავდნენ ამათ იმიტომ, რომ ესენი რაღაცას შვრებოდნენ, მეორენი კიცხავდნენ იმათ, რადგან ისინი არაფერს აკეთებდნენ... მომღერლებმა მთელი რეპერტუარი შეასრულეს. მე კი კუნძზე მიმჯდარი შეჯიბრის დამთავრებას ველოდი, რომ გამარჯვებულებისათვის ჯილდო გადამეცა. უცბად ვილაყამ ყურში ჩამჩხავლა:

— ყაჩაღო! დაბრუნდი განა! მეტყვი თუ არა, ცხრა საათს აქეთ ბოვრონიდან ბეიანამდე დრო რაში დაკარგე? სახლში გასწი, ავაზაკო! შენს ლოდინში სადილი დამეწვა.

ვთქვი:

— ჯილდო შენია. მეგობრებო. ნუ ირჩებით: სიმღერაში მაგასთან ტუქუმწოვრები ბრძანდებით.

ქალს ჩემი ქება თავში აუვარდა და კიდეც ერთი არიით დაგვატ-  
ბო. ვიყვირეთ:

— ვაშა!.. ეხლა კი შინ წავიდეთ. უკან მოგყვები, გამიძებ წინ!

• • •

ცოლმა პატარა გლოდის ჩაავლო ხელი და ორივე შეგირდის თან-  
ხლებით შინისაკენ გასწია. მორჩილად, თუმცა აუჩქარებლად, ის იყო,  
უკან უნდა მიველოდი, რომ ზემო ქალაქიდან მხიარული ხმები მო-  
ისმა. ატყდა ბუკების ძახილი, წმინდა მარტენის კოშკიდან ზარების  
ლალი გუგუნი. ბებერმა მეძებარმა ჰაერი დაეყნოსე, ახალი სანახაობა  
ვიგრძენი. დღეს ბატონ დე ამაზის და მადმუაზელ ლუკრეცია დე შამ-  
პოს, ხარკისა და ბეგარის ამკრეფის ასულის, ქორწილი იყო.

ნეფე-დედოფალი და მათი მაყრები რომ ენახათ, ციხე-კოშკის მო-  
ედნისკენ გაეშურა ყველა. მეც არ ჩამოვრჩი და ვიკადრე რბენა. ყო-  
ველდღე როდი გვაქვს ამისთანა წყალობა. საამური. სანდომი: მხო-  
ლოდ ტრინკემ, გადენმა და ფეტიუმ არ ინებეს აეწიათ წყლის ნაპირ-  
ზე მოხარახნილი საჭდომები, თქვეს, გარეუბნის მკვიდრებს არ გვე-  
კადრება ციხე-კოშკის მცხოვრებთ ვეახლოთო. კარგია ქედმაღლობა,  
მიყვარს თავმოყვარეობა, მაგრამ მათ ვანაცვალო მოლხენა და გარ-  
თობა?.. ნურას უკაცრავად, ეგ რა სიყვარულია? კარგად გნახეთ,  
დიდი, დიდი მადლობა; მაგონდება, მოძღვარი ჩემს პატარა ბიჭობაში  
რომ მცემდა და ამბობდა, თითქოს ამას ჩემი სიყეთისათვის სჩადი-  
ოდა...

მიუხედავად იმისა, რომ ერთი ნახტომით გადავევლე ოცდათექვს-  
მეტსაფეხურიან კიბეს, წმინდა მარტენის ეკლესიისკენ რომ მიემარ-  
თება, მაინც დავაგვიანე (ბედი არ გინდა!), ნეფე-დედოფალი და მათი  
ამალა უკვე ეკლესიაში იყვნენ. ასე რომ, იძულებული გავხდი მათი  
გამოსვლისათვის დამეცადა. აბა, მათ უნახავად შინ რა წამიყვანდა.  
მაგრამ ამ წყევულ მღვდლებს არასოდეს ელლებათ ენა და არ ბეზ-  
რდებათ საკუთარი გალობის სმენა, და დრო რომ მომეკლა, ეკლესი-

ამი შევედი. ამისათვის თავაზიანად მივწი-მოვწიე ღიპები და ლამაზ-  
მანების ხორცშესხმული ბალიშები. კარიბჭეს რომ მივალწიე, ცოცხალ-  
ლი საბნის ქვეშ აღმოვჩნდი, თითქოსდა ბუმბულის თბილ ლოგინში.  
გამოგიტყდებით, წმინდა ადგილი რომ არ ყოფილიყო, თავში ცულ-  
ლუტი აზრები მომივიდოდა, მაგრამ კაცს სიღინჯე შეენის. ყველა-  
ფერს თავისი დრო და ადგილი აქვს და როდესაც სიღინჯე მმართვეს,  
შემიძლია ვირივით ღინჯი ვიყო. ოღონდ ხდება ხოლმე, რომ ვირი ვი-  
რობას ვერ დამალავს და ყროყინს იწყებს. ასე მოხდა ამ დღესაც: იმ  
დროს, როდესაც კრძალვითა და რიღით მივიწვედი წინ, რათა უკეთ  
დამენახა, ქალწულ ლუკრეციას როგორ მიჰქონდა თავი ზვარაკად  
ამაზის სამსხვერპლოზე, გაისმა, მოწმეა წმინდა ჰუმბერი, ოთხი სანა-  
დირო ბუკის გუგუნე, რომელმაც მონადირის პატივსაცემად ბანი  
მისცა წირვა-გალობას; ძაღლების ხროვალა აკლდა, აფსუს! ძლივს შე-  
ვიკავე სიცილი და, რა თქმა უნდა, ბუკების გუგუნს სტვენით ავეყვი  
(ისე, ჩუმად, მხოლოდ ჩემთვის). და აი, დადგა საბედისწერო წუთი,  
როდესაც საცოლემ ცნობისმოყვარე მღვდლის კითხვაზე „დაიხ“ უპა-  
სუხა და დაბერილმა ლოყებმა ნადირის დაჭერის აღსანიშნავად დას-  
ცეს დაფი-ნალარა. ეს მეტისმეტი იყო. ვერ მოვითმინე და შეეყვირე:

— არ გაუშვა! ჰკა მაგას!

წარმოიდგინეთ, რა სიცილი ატყდა. წარბშეკრული მნათე ჩემკენ  
გამოემართა. თავი მოვიკატუნე, კურტუმოებს შორის გავძვერ-გამოვ-  
ძვერი და კარში გამოვედი.

მოედანზე აღმოვჩნდი. აქაც ხალხმრავლობა იყო. სულ ჩემსავით  
პატიოსან ხალხს მოეყარა თავი, იმათ, ვისთვისაც ღმერთს თვალი  
საკქერლად და ყური სასმენად მიუცია. ზოგჯერ გაგონილსაც დას-  
ჯერდებიან, ენა სომ უჭრით, რომ მოყვენ ამბავს, რაც არ უნახავთ.  
რა სავალდებულოა თვითონვე ნახო ის, რასაც ჰყვები. გაგინარია, გზა  
მივეცი ჩემს აღმაფრენას!.. კარგად რომ იცრუო, რომ მიედ-მოედო,  
საჭირო არ არის შორი ქვეყნიდან იყო მომავალი. ასე რომ, დრო ჩქა-  
რა გავიდა, ყოველ შემთხვევაში ჩემთვის, და აი, ორღანების გუგუნში  
გაიღო ეკლესიის მთავარი კარი. გამოჩნდნენ ნადირობის მონაწილენი:  
თავში დიდებით მოსილი ბატონი ამაზი მოდიოდა და ხელკავით მო-  
ჰყავდა ნანადირევი, რომელიც პრანჭვითა და მანჭვით აქეთ-იქით აცე-  
ცებდა ჭეირანივით ლამაზ თვალებს... რა კარგია, გუებნებით თქვენნი  
მონა-მსახური, რომ მე არ მევალება ამ ლამაზის თვალყური. ვინც

გაულებს სახლის კარებს, ბევრს ინანებს, ბევრს იდარდებს. ვინც მოიტანს ნანადირევს. ლამაზ რქებსაც ის მოირგებს...

უნდა გითხრათ. რომ კარგად ვერ დაეინახე ვერც ნადავლი და ვერც მონადირე, და ვერ აღწერ (ბაქიობაში კი ნუ ჩამომართმევთ), თუ რა ფერისა იყო სამოსელი ბატონისა, ანდა კაბა ლამაზი ქალბატონისა, რადგან ზუსტად იმ დროს ჩემი გონება და ყურადღება მეტად მნიშვნელოვანმა საკითხმა მიიპყრო: საქორწილო კორტეჟის წესრიგმა და მონაწილეთა უფროს-უმცროსობის საკითხმა. მიაშბეს, რომ შესვლისას (ვაიმე! ვაიმე! რატომ ჩემი თვალით ვერ ვნახე), თურმე სამთავროს მოსამართლე, იგივე პროკურორი და მუნიციპალიტეტის მრჩეველი, იგივე მერი, ერთმანეთს დაეჭახნენ, როგორც ორი ერთკემალი. მაგრამ ქალაქის თავი უფრო მსხვილი და ღონიერი აღმოჩნდა და პირველი შევიდა; ახლა კი გვსურდა გაგვეგო, ეკლესიიდან გამოსვლისას პირველი ვინ გვიჩვენებდა პირს. ვის გამოყოფდა ცხვირს. სანაქლეოსაც კი ვეღბდი. მაგრამ არავინ გამოდიოდა. შუაზე გაწყვეტილი გველივით საქორწინო კორტეჟის თავი მიჰყვებოდა გზას, ტახი კი არა ჩანდა. მიუუხლოვდით კარის ზღურბლს და დაეინახეთ ერთმანეთის პირისპირ ჩვენი ორი გააფთრებული ხედაგი. ერთმანეთს გამოსვლას უშლიდნენ. და ვინაიდან წმინდა ადგილას ყვირილს ვერ ბედავდნენ, აცმაცუნებდნენ ცხვირსა და ლაშებს, კარკლავდნენ თვალებს, იბლინძებოდნენ, შუბლს იკრავდნენ. ხენეშოდნენ, იბერებოდნენ, მაგრამ უსიტყვოდ, ჩუმად. ჩვენ კი ვიქაჩებოდით. ბოლოს დავნაძლევედით, ორ ბანაკად გავიყავით, ხნიერნი ბატონ ჰერცოგის წარმომადგენლის, ბატონი მოსამართლის მომხრენი ვიყავით (ვისაც პატივისცემა უნდა, ის სხვის პატივისცემასაც ქადაგებს). მამლაყინწები ჩვენი ქალაქის თავს ემხრობოდნენ. ჩვენ თავისუფლებათა ფალავანს. ყველა ყვიროდა, ყველა თავის ფალავანს აქეზებდა:

— ქს! ქს!.. მიდი, ბატონო გრასე! ბიბილოზე უკბინე, პეტო ბატონო! ასე, ასე, მაგრად მოაკვნიტე! ხმა ჩააწყვეტინე, აჟ! აჟ! არ შეშინდე, ვირიკელა!..

მაგრამ ეს ჭაგლაგები ერთმანეთს მხოლოდ ცოფს აყრიდნენ პირში, მკლავს კი არ იშველიებდნენ, ლამაზი ტანსაცმლის დახევისა თუ ეშინოდათ... ასე რომ, მათ აყალ-მაყალს ბოლო არ მოეღებოდა (მათ ენას რა ქავლი მოეღებოდა), ბატონი დეკანოზი სადილზე დაგვიანების შიშით დავაში რომ არ ჩარეულიყო.



— ძვირფასო შვილებო, უფალი გისმენთ. სადილი გელოდებათ, არ ხამს სადილზე დაგვიანება და ჩვენი დავიდარაბით უფლის შეწუხება და ისიც მის წმინდა სამლოცველოში. მოდიოთ და ჩვენი თეთრეული შინ გავრეცხოთ...

მე არაფერი მსმენია და ასე თუ არ უთქვამს, ყოველ შემთხვევაში, აზრი ასეთი უნდა ყოფილიყო: რადგან დავინახე, რომ მოძღვარმა თავისი მსხვილი ხელები კისერში ჩაავლო და შესარიგებლად ერთმანეთს დაუახლოვა მათი დრუნჩები; ორი დედაბოძივით პეტო და გრასე მოედანზე ერთად გამოვიდნენ. გული არავის დასწყვეტია, ბატონების დავაში ხალხი არ არის ზარალში.

• • •

ყველა წავიდა. თავი ციხე-დარბაზს შეაფარეს, რომ ეჭამათ ტკბილად შენელებული და ასეთი ჭაფითა და შრომით მოპოვებული სადილი. ჩვენ კი, ტუტრუცანები, მოედანზე უჩინარი ქოთნის ირგვლივ ვაძოქნარებდით და საკმლეობის სუნით ვძლებოდით. მეტი სიამოვნება რომ მიმელო, ჩამოვათვლევინე კერძები. სამი მსუნავი ვიყავით: ბატონი ტრიპე, კეთილი ბოლდეკენი და ბრონიონი, თქვენი მონაძორჩილი. ყოველი კერძის დასახელებაზე ერთმანეთს ვუცინოდით და მუჭლუგუნებს ვკრავდით, მოგვწონდა ერთი კერძი, მეორეს წუნს ვდებდით, ვამბობდით, შეიძლებოდა უკეთ შეენელებინათ, ჩვენისთანა გამოცდილ ხალხს რომ მოათაბირებოდნენო. მაგრამ საბოლოო ჯამში ვერც გრამატიკული შეცდომა ვიპოვეთ და ვერც მომაკვდინებელი ცოდვა. საერთოდ, სადილი საამოდ გამოიყურებოდა; მხოლოდ კურდღლის რაგუზე გამოვთქვით ჩვენი აზრი, მაშენელებმაც თავიანთი ჩაურთეს და მალე გაიმართა კამათი (მეტად საკირბოროტო თემა და ძალიან ცუდი კაცი უნდა იყო, რომ ამაზე მშვიდად და გულცივად ილაპარაკო). კამათი მეტად გამწვავდა პერინასა და ეაკოტას შორის. ჩვენს ქალაქში დიდ ნადიმებს ეს ქალბატონები ამზადებენ და სულ ერთმანეთის ქიშობაში არიან, თითოეულ მათგანს თავისი პარტია ჰყავს, სუფრაზე ერთიმეორის დაჩრდილვას ცდილობენ. მათი ქიდილი მშვენიერი პაექრობაა. ჩვენს ქალაქებში გემრიელი სადილები მოსახლეთა ნამდვილ ასპარეზობად იქცევა ხოლმე. მართალია, მარილიანი

დუბატების დიდი მოყვარული ვარ, მაგრამ ისე არაფერი მღლოს, როგორც სხვისი საგმირო საქმეების მოსმენა. როდესაც თვითონ გულზელი მაქვს დაკრეფილი და დამუნჯებული მაქვს ენა. ისეთი კაცი როდი ვარ, რომ ჩემი ფიქრების წვენითა და იმ კერძების ახილილით ვიკვებო, რომელთაც თვითონ არ ვკვამ: ამიტომ ცას ვეწიე სიხარულით, როდესაც ტრიპე ბატონმა მითხრა (ეტუობა, ისიც იტანჯებოდა):

— ბრონიონ! როდესაც ბევრს ყბედობენ გემრიელ კერძებზე, კაცი იმ შეყვარებულს ემსგავსება, რომელიც სიყვარულზე ლაპარაკით ვერ ძღება. მეტი არ შემიძლია. ვაიმე! ვიღუაბები. მეგობარო, ალი მედება, ვიწვი, კუქმაკი შეფუფქება. წავიდეთ, ყელი ჩავისველოთ, დავაუროთ ნადიოი. შიგნეულობას რომ მიღრღნის.

— კისერს მოვეუგრებთ, ბოლოს მოვეუღებთ, ჩემი იმედი გქონდეს. შიმშილი რამ მოკლა და კარგმა ქეიფმაო, ასე ამბობდა თურმე ჩენი წინაპარი.

დიდი ქუჩის კუთხეში მდებარე „საფრანგეთისა და დოფინეს“ სასტუმროში გავემართეთ. ორი საათის შემდეგ შინ დაბრუნებაზე არც კი ვფიქრობდით. ტრიპესაც ჩემსავით ეშინოდა, რომ გაციებული სადილი და ათუხთუხებული ცოლი დახვდებოდა. ბაზრობა დღე იყო. მიღეთი ხალხი ფუსფუსებდა დარბაზში. თუ მაგიდასთან მარტო და ლაღად ხარ, რაღა თქმა უნდა, კარგად ჰამ, მაგრამ, როდესაც კარგი შეინახებით გარშემორტყმული ვიწროდ ზიხარ, უკეთ ილუქმები. მაშ. ყველაფერი რიგზეა.

ერთხანს შევწყვიტეთ სჯა-ბაასი. ვსაუბრობდით მხოლოდ in pello, ესე იგი, გულითა და ყბებით, ერთ კომპოსტოთი შეკაზმულ და ახლად დამარილებულ შაშხთან, ვარდისფერი, გემრიელი და სურნელოვანი რომ იყო და ენაზე გვადნებოდა. ამას დავუმატეთ წითელი ღვინის ხელადა. თვალებიდან ნისლი რომ გაეფანტა. ხნიერნი ამბობენ. რომ ქამო და არ დალიო, არ შეიძლება, თვალის ჩინი დაგეკარგებო. მერე მხედველობადაწმენდილნი და ყანყრატოგარეცხილნი კვლავ შევეუღე-ქი ადამიანებისა და ცხოვრების პატივისცემით თვალიერებას. მაძლარ კუქზე ყველაფერი ლამაზი გეჩვენება.

მეზობელი სოფლიდან მოსულ, გვერდით მაგიდასთან მჯდომ მოვდელს ერთი ხნიერი, ზურგაფხორილი ფერმერი დედაკაცი ეჯდა. დედაბერი ხან მოვდელისკენ გადაიხრებოდა, ხან თავს მხრებში ჩამალავდა, ხან განზე გადახრიდა, ხან კიდევ მოძღვარს ნეტარად მიაზ-

რობდა თვალებს, თითქოს აღსარებაზე დგასო; ყურადღებით უსმენდა მოძღვარი და, როგორც თავაზიანი კაცი, რვეერანსზე რვეერანსით პასუხობდა, მაღიანად ილუქმებოდა და თითქოს ეუბნებოდა: „კეთილი, კეთილი, შვილო ჩემო, absolve te. უფალმა ყველა ცოდვები მოგიტევათ. უფალი მოწყალეა. კარგად ვისადილე. მოწყალეა უფალი, და ეს შავი ძეხვიც გემრიელია“.

ცოტა მოშორებით ჩვენი ნოტარიუსი მეტრ დელავო ერთ თავის კოლეგას უმასპინძლდება, ლაპარაკობს სათნოებაზე, ფულზე, ხელშეკრულებებზე, პოლიტიკაზე, რომაულ რესპუბლიკაზე (ის რესპუბლიკელია, როცა ლათინურ ლექსებს წერსო; მაგრამ ცხოვრებაში ფრთხილი და მეფის ერთგული კაცია).

უეცრად ჩემმა გამჭირახმა თვალმა დარბაზის სიღრმეში აღმოაჩინა კოროვოლ-ლორგელი მზარეული პერენი; გახანებული ლურჯი ხალათი ეცვა. ჩვენი თვალები ერთმანეთს შეხედნენ. პერენმა რაღაც წამოიძახა, წამოდგა და დამიძახა (დავიფიცებ, თავიდანვე დამინახა, მაგრამ იმ წუწქს და გაიძვერას ეუხერხულა, რადგან ორი წელია მასზე არის ვალადა ორი კაკლის კარადა). მოვიდა ჩემთან და ჭიქა მომაწოდა:

— გულით, სულით, გესალმები!..

...მომაწოდა მეორედ.

— თუ გსურს, გზა არ ამერიოს, ორივე ფეხით ხამს იარო!

...წუწქმა შემომთავაზა მასთან მეჭამა პური, სალახანას ეგონა რადგან ნასადილევი ვიყავი, უარს ვეტყობდი; მაგრამ ბევრი არ ვახვეწე. მაშინვე დავეთანხმე. მეტს რას გამოვრჩებოდი.

ასე რომ, კვლავ შევუდექი ჭამას, მაგრამ ამჯერად უფრო მშვიდად, უფრო დინჯად. შიმშილისა უკვე არ მეშინოდა. თანდათან წაიღე-წამოვიდნენ უშნო მკამელნი, დაკავებული ხალხი, ვინც არც ჭამა იცის და არც სმა და ხვადაგივით მხოლოდ იმიტომ ჭამს, რომ გაძღეს. დარჩა ხნიერი ხალხი, ვინც კარგის, მშვენიერისა და ნებიერის ფასი იცის, ვისთვისაც კერძი გემრიელი, საქმეა მშვენიერი. კარი ღია იყო. შემოვიდა ჰაერი, მზე და სამი თამამი შავი ქათამი; კისერგაგრძელებულნი კენკავდნენ ნამცეცებს და კორტნიდნენ მიძინებული ბებერი ძაღლის თათებს; ქუჩიდან ისმოდა ქალების ჭარტალი, მუშების ყვირილი, მეთევზის ძახილი: „თევზი, ახალი თევზი“ და სახედრის ლომისებური ბღღვინვა. მტკრიან მოედანზე ურემში შებმული ორი თეთრი სარი

უძრავად იწვა და დუეიანი დრუნჩებით არხეინაღ იცოხნებოდა. სახურავზე ჩამომსხდარი მტრედები ღულუნებდნენ. იმდენად ბედნიერად ვგრძნობდი თავს, რომ მეც და, მგონია, სხვებიც ძალე აკყვებოდით და ვინმეს ზურგზე ხელი რომ გადაესვა, კატებივით დავიწყებდით კრუტუნს.

შეიქმნა ერთი გადაძახება, ღრიანცელი. საუბარი გავაბით, ყველამ ერთად. ყველამ, ძმებმა, მეგობრებმა, მღვდელმა, მზარეულმა, ნოტარიუსმა, მისმა სტუმარმა და სასტუმროს დიანახლისმა. რომელსაც ბეზლა ერქვა (ეს მაცდური გვარი ბევრ რამეს გვპირდება კაცს და მანაც პირნათლად დაიმშვენა). უფრო მაღიანად რომ მეშაუბრა, ერთი მაგიდიდან მეორეზე გადავდიოდი, ვჯდებოდი ხან აქ. ხან იქ და თან პოლიტიკაზე ვლაპარაკობდი. ბედნიერება სრული რომ იყოს, ზოგჯერ დროთა ვარამზეც უნდა იფიქრო. ჩვენც ეწუწუნებდით სილატაკეზე, სიძვირეზე, ცხოვრების სიძნელეზე, ჩვენი საფრანგეთის აოხრებაზე, ფრანგული მოდგმის დაცემაზე, მმართველებსა და მძარცველებზე. ეწუწუნებდით, მაგრამ ფრთხილად. არავის ვასახელებდით. დიდ ბატონებს ყურები აქვთ და ვინაა თავდები, რომ მათი ყურები კარებში არ გამოჩნდება; თუმცა ჭეშმარიტება ხომ ბურჯუნდელი ტურფაა, რომელიც კასრის ძირში ცხოვრობს და მისი ძებნით აღგზნებულმა მეგობრებმა ნელ-ნელა ხმა აიმაღლეს იმ ბატონების წინააღმდეგ, ვინც შორს იყო. მედგრად დაესხნენ იტალიელებს, კონჩინის, ამ ტილს, რომელიც ფლორენციელმა ფაშფაშმა ინდაურმა, ჩვენი ღირსეული მეფის მეუღლემ თავისი კალთის ქვეშ დამალული თან მოიყვანა. თუ წაასწარიტ ორ ძალს, რომლებიც თქვენს მწვანს ჰამენ, და თუ ერთი თქვენია და მეორე კი სხვისი, თქვენსას გაჯობავთ და სხვისას მოკლავთ: საწინააღმდეგო რამ რომ მეთქვა და თანაც სიმაროლე გადამერჩინა. განვაცხადე. ორივე დაისაჯოს-მეთქი. ხალხს რომ ყური უგდო, იტყვი, საფრანგეთში სხვა სახადი არ არის, გარდა იტალიურისა. თუმცა ღეთის წყალობით არც სიკვამლე გვაკლია და არც ავიკაცი-მეთქი. ყველამ ერთხმად მიპასუხა, რომ ერთი იტალიელი გაიძვერა სამ სხვას უდრიდა და რომ სამი პატიოსანი იტალიელი ერთი პატიოსანი ფრანგის მესამედადაც არა ღირდა. ვუთხარი: აქ იქნება თუ იქ, სადაც აღამიანები დადიან, ერთი და იგივე სვადაგები არიან, მათ კი ყველგან ერთი ფასი აქვთ: კეთილი კაცი, სადაურიც არ უნდა იყოს, პატივისცემის ღირსია. ამას ისიც დავსძინე, რომ მიყვარს კაცი

წესიერი, გინდ იყოს იტალიელი. ამ სიტყვებზე ყველა ერთხმად, ყველა ერთად თავს დამესხა. დამცინეს, მითხრეს, ვიცით შენი გემოვნება, ბებერი გიყი ხარ, ბრონიონ, მოუსვენარი, ყარბი, მაწანწალა, ბრონიონ შარახვეტია, ბრონიონ მოხეტიალე... ეს მართალია; ვინ მოსთვლის წინათ რამდენი მიბორიალია, რამდენი მიწოწიალია. ეს მაშინ იყო, როდესაც ჩვენი ახლანდელი ჰერცოგის ნეტარხსენებულმა მამამ მინანქრის, ფაიფურისა და ხელოვნების სხვა სახეობათა შესასწავლად მანტუსა და ალბისოლაში გამგზავნა. ხელობა ვისწავლე და ჩვენს მშობლიურ მიწაზე გადმოვიტანე, არ მოვრიდებდებიარ არც გზებსა და არც ფეხები დამნანებია. მთელი მანძილი კომპლით ხელში სენ-მარტენიდან სენტ-ანდრე-მანტუანამდე ფეხით გავიარე. რა სასიამოვნოა ქუსლებით თვალუწვდენელი მიწა გადათელო და ფეხებით ზილო სამყაროს ცოში... მაგრამ ამაზე ბევრს ნუ ვიფიქრებთ, თორემ, მგონია, კვლავ კომბალი ავიღო ხელში და გზას გავუდგე... დამცინიან! ძერე რა? დაცინვას კაცი არ მოუკლავს, ეჭე! გალი ვარ, გალი, იმათი შვილი, ვინც მთელ მსოფლიოს ძარცვავდა. სიცილით მეუბნებიან: „რა გაგიძარცვავს, რა მოგიტანია?“ ის მომიტანია, რაც ჩემს წინაპრებს-მეთქი. არავისზე ნაკლები. სავსე თვალები, ცარიელი ჭიბე და შთაბეჭდილებებით სავსე თავი!.. ღმერთო ჩემო, რა საამოა ნახო, გაიგონო, იგემო და მოიგონო! ვიცო, ყველაფრის ნახვა და ცოდნა არ შეიძლება, მაგრამ, რისიც შეიძლება, ის მაინც მენახოს! მე ის ღრუბელი ვარ, ოკეანეს ხარბად რომ სწოვს, ან კიდევ მეტი, მიწის საამური წვენით სავსე, დაბერილი მწიფე ყურძნის მტევანი. ჰაი, დედასა, რა ბარაქიანი ღვინო დადგება, ვინმე რომ დამწურავდეს! არა, შვილოსა, გიყი როდი ვარ, თვითონვე დავლე! თქვენ ითაკილებთ: კეთილი და პატიოსანი. შემხვეწნი მოგიკვდეთ. ჩემთვისაც ასე სჯობს. იყო დრო, როდესაც მსურდა თქვენთვის გამეყო დაგროვილი ბედნიერების ნამცეცები, მოგონებანი შარავანდელიან მხარეებზე; მაგრამ ჩვენი კუთხის ხალხი არ არის ცნობისმოყვარე, მას მხოლოდ ის აინტერესებს, რას აკეთებს მეზობელი, ან კიდევ, მეზობლის ცოლი. დანარჩენი შორსაა და როგორ უნდა ერწმუნო. თუ ძალიან გინდა, წადი და თვითონვე ნახე! მე ისიც მეყოფა, რასაც აქ ვხედავ. „წინაც ჯურღმულია და უკანაც. არა, რითი გეჯობიან, ვინც რომიდან მოდიან!“ კეთილი, კეთილი! ილაპარაკონ, რამდენიც უნდათ, ძალას არავის ვატან. არ გინდათ და ნუ გინდათ. მე კი ქუთუთოებქვეშ, თვალების წი-

აღში შემომინახავს რაც ამ ქვეყნად მინახავს. ბედნიერებას ძალიდ ვერავის შემოახვევ თავზე. სჯობს აქაური ქული დაეინუროთ, მათ ბედნიერებას ვეზიაროთ. ორი ბედნიერება, გეფიყებით ღმერთს, რომ სჯობია ერთს.

სწორედ ამიტომ მალულად ვხატავ დელავოს სიფათს და აგრეთვე მღვდლისას, რომელიც ლაპარაკისას ფრთებს აფრიალებს, ვუსმენ და მეც მათ ყაიდაზე ვმღერი: „რა საამოა, რა მოსალსენი, რომ ხარ კლამსელი!“ მაშ, როგორ! დიდებული ქალაქია. სხვანაირად არც შეიძლება, არ შეიძლება ქალაქი, რომელმაც მშობა, ცული იყოს. ადამიანთა მცენარე ხარობს, ლალი, მგზნებარე, მშვიდი, მსუქანი, უეკლო, უბოროტო და უნაკლო, თუ არაფერს ვიტყვი დანის პირივით აღესილენაზე, მაგრამ ცოტას თუ იჭორიკანებ მოყვასზე (რომელიც ვალში არ დაგრჩება), ამით ის ავად არ გახდება, ჩვენ კი უფრო მეტად გვეყვარება და ბეწვსაც არ შევეხებით მის თავზე. დელავო გვასსენებს (და ყველანი ვამაყობთ, თვით მღვდელიც კი), რომ ჩვენი ნევერის საბთავრო მაინც ინარჩუნებს მშვიდ ირონიას მთელი სამყაროს სიგიჟის მორევში, რომ ჩვენი მოურავი რაგონი არ მიემხრო გიზებს, ლიგას, ერეტიკოსებს, კათოლიკებს, ღვთისმშობელს თუ ევას, რომს თუ ეენევას, გაცოფებულ ქოფაკებს ან ბოროტ ფოცხეერებს; მოიგონა წმინდა ბართლომე, ჩვენთან რომ იბანდა სისხლიან ხელებს. მაშინ ჩვენ, ჩვენი ჰერცოგის ირგვლივ მჭიდროდ შეკრულნი, გონიერების პატარა კუნძულს წარმოვადგენდით, რომელსაც ამაოდ ეხეთქებოდა ბობოქარი ტალღები... განსვენებული ჰერცოგი ლუი, ნეტარხსენებული მეფე ანრი, აბა როგორ შეიძლება ისინი მოიგონო და გული არ აგიჩუყდეს! როგორ გვიყვარდა ერთმანეთი. ისინი ჩვენთვის იყვნენ დაბადებულნი და ჩვენ კიდევ — მათთვის. ნაკლიც საერთო გვექონდა. მაგრამ ეს ადამიანური ნაკლი იყო და ერთმანეთს გვაახლოვებდა. ღიმილით ამბობდნენ ხოლმე: „ნევერის ჰერცოგი ჯერ კიდევ მწვანეა“, ანდა „ჩვენი მეფე მექალთანეა, კიდევ ერთი ყმა გაგვიკეთა. წელიწადი უხვი იქნება. ბევრები არ მოგვაკლდებიან“... ეჰ! აბა, მაშინ ვკამდით შემწვარ-მოხრაკულს. ამიტომაც გვიყვარს იმ დროებაზე სჯა-ბასი. დელავო ჩემსავით იცნობდა ჰერცოგ ლუის, მაგრამ მეფე ანრი მხოლოდ მე მინახავს და ამით ვსარგებლობ: ვუყვები მეასედ (მე კი მგონია, რომ პირველად, და თუ კარგი ფრანგები არიან, პირველად იქნება მათთვისაც), თუ როგორ ვნახე მეფე ნაცრისფერი, ქული

ნაცრისფერი, ტანსაცმელი ნაცრისფერი (დახეულ სახელოებში იღაცეები მოუჩანდა), ნაცრისფერ ცხენზე მჯდარი, ნაცრისფერთმიანი, ნაცრისფერთვალებიანი, გარედან სულ ნაცრისფერი, შიგნით კი ბაჯალლო ოქრო...

სამწუხაროდ, ამ დროს ბატონი ნოტარიუსის უფროსი მწერალი მოდის, სიტყვას მაწყვეტინებს და დელავოს ეუბნება, ერთი შენი კლიენტი კვდება და გეძახისო. თუმცა დელავო ძალიან წუხს, მაგრამ, რა გაეწყობა, უნდა წავიდეს, წასვლამდე მაინც გვასაჩუქრებს ერთი ამბით, რომელსაც მთელი საათი ამზადებდა (კარგად ვხედავდი, რომ ენის წვერზე ჰქონდა მომდგარი, მაგრამ როდი ვაცალე, ჯერ მე მოეყეე ჩემს ამბავს). მართალი უნდა ვთქვა, მარილიანი ამბავი იყო, ბევრიც ვიცინეთ. ოხუნჯობაში დელავოს ტოლი არა ჰყავს.

\* \* \*

და როდესაც დავმშვიდდით, დავწყნარდით, განვიბანეთ თხემით ტერფამდე, ყველა ერთად გავედით... (მგონი, ხუთს თხუთმეტი წუთი აკლდა, ან ძლივს ხუთი საათი იქნებოდა... ეჭვ, სამ მოკლე საათში მოვიმეე ორი გემრიელი სადილი, მნიარული მოგონებანი და ნოტარიუსისაგან ორი სკივრის შეკვეთა)... მეაფთიაქე რატრისთან მოცხარის ნაყენში დასველებული ბისკვიტები მივირთვით, დელავომ თავისი ამბის მოყოლა აქ დაამთავრა და სხვისიც რომ მოესმინა, მირანდოლამდე გამოგვაცილა, ჩვენი კამპანია აქ დაიშალა, მაგრამ დაშლამდე ცოტა ხნით კედელთან შეეჩერდით, რათა ნასვამის ბეგარა იქ მშვიდად გადაგვეღვარა.

ვინაიდან უკვე გვიან იყო, მაგრამ შინ დაბრუნებისათვის კი მეტად ადრე გახლდათ, ერთ მენახშირესთან ერთად, რომელიც თავის ურიკას გვერდით მისდევდა და საყვირს უკრავდა, ბეთლემისაყენ გავემართე. ლურდოს კოშკთან მეფორნე შემოგვხვდა, სირბილით მიაგორებდა ბორბალს და როდესაც ბორბალი სიჩქარეს შეანელებდა, მივარდებოდა და ფეხს ჰკრავდა; იმ კაცს ჰგავდა, რომელიც ბედის ბორბალს მისდევს და ჰგონია, ესაა დავეწიე და უნდა შეევახტეო, ბორბალი კი გაურბის. ეს სურათი დავიმახსოვრე, რომ შემდეგში გამოვიყენო.

მაინც ვყოყმანობდი, ვერ ვადამეწყვიტა, შინ დასაბრუნებლად

რომელ გზას გავეყოლოდი, უფრო გრძელს. თუ უფრო მოკლეს. ამ უოყმანში რომ ვიყავი, დავინახე, რომ პანტენოიდან პროცესია გამოვიდა, წინ მოუძღვოდა მუცელზე შუბივით დაყრდნობილი ჯვრით ერთი თითისტოლა ცუღლუტი, პატარას მეორე ძგალობელი ბავშვისთვის გამოეყო ენა, თვალები კი წმინდა ჯოხის ბლოსკენ გაურბოდა. უკან ოთხ მოხუცს ბაჯბაჯით მიჰქონდა სუდარაში გამოსვეული მიძინებული, რომელიც მღვდლის ფრთისქვეშ მიემგზავრებოდა მიწაში ძილის გასაგრძელებლად. ღილი კაცი ვარ და სამუდამო სასუფეველსკენ გავაცილე. უფრო მხიარულობ, როდესაც მარტო არა ხარ. ისე კი, გამოგიტყდებით, პროცესიას იმიტომ ავედევნე, რომ ქვრივისთვის მესმინა. ქალი მოძღვარის გვერდით მიდიოდა და ჩვეულებისამებრ გოდებდა, მოთქვამდა, ყვებოდა, ქმარი როგორ უკვდებოდა, როგორ ავადმყოფობდა და რა წამლებს იღებდა. დაწვრილებით გვიამბობდა ყველა მის ღირსებას, სულიერსა თუ ხორციელს; ერთი სიტყვით, როგორც საკუთარი, ისე თავისი ქმრის მთელი ცხოვრება გადმოგვიშალა. მის ელეგიებს მღვდლის გალობა ცვლიდა. დაინტერესებულნი მივდედით უკან: ალბათ, თვითონაც მიხვდებით. რომ გზადაგზა ბლომად გვიერთდებოდნენ თანამგრძნობი და კეთილი გულები, სმენადქცეული დაცქვეტილი ყურები. როგორც იყო, მივალწიეთ საუკუნო ტბილ სასუფეველს. მიცვალებული პირდაღებული ორმოს წინ დაასვენეს; ენაიდან საწყალ კაცს არ შეუძლია თავისი ხის პერანგი თან წაილოს (ტიტველაც ტბილად იძინებს), ყუთს სახურავი ახადეს, მკვდარს ზეწარი მოხადეს და ორმოში გადაუძახეს.

და, როდესაც მუჰა მიწა მივაყარე, რათა საწოლი შემესწორებინა, თან პირჯვარი გადავსახე, რომ ცუღ სიზმრებს მისთვის ძილი არ დაეფრთხო, გამოვბრუნდი მეტად კმაყოფილი: ყველაფერი ენახე, ყველაფერი ვისმინე. გავინაწილე ჰირო და ლხენა და გავავსე ჩემი ჰიშელა.

უკან წყლის პირს გამოვეყვი, გადავწყვიტე, შინ დასაბრუნებლად ორი მდინარის შესართავთან ბოვრონს ავეყოლოდი: მაგრამ ისეთი წარბეცატი საღამო იყო, რომ შეუმჩნეველად ქალაქგარეთ აღმოვჩნდი და მოძიბულელ იონს გავყევი. მდინარემ ლა ფორეს ხეობამდე მიმიყვანა. მღორედ მიდიოდა მშვიდი და გლუვი წყალი, ერთი ნაოქიც კი არ აუშნობდა მის ღია ფერის კაბას; წყალს თვალი ვერ მოვწყვიტე, ისევე, როგორც ანკესზე წამოცმული თევზი ვერ მოსწყვეტს პირს



ანკესს. ზეცაც ჩემსავით მოჰყოლოდა მდინარის ბადეს; თავის ღრუბ-  
ლებიანად შიგ ზანაობდა და პაწაწინა, ფთილა ღრუბლები ლივლივით  
ჩამოჰკიდებოდნენ ბალახებსა და ლერწმებს; მზეც წყალში იბანდა  
თავის ოქროსფერ ფაფარს. მივუჯექი ერთ მოხუცებულს, რომელიც  
ორ მკლე ძროხას დარაჯობდა (ფეხს ძლივს ითრევდა საწყალი). ჯან-  
მრთელობა გამოვკითხე, ვურჩიე სუსხიანი ჰინჭარით დატენილი წინ-  
და ჩაეცვა (თავისუფალ ღროს მიყვარს ექიმბაშობა). ბერეკაცმა თავისი  
ამბავი მითხრა. მხიარულად მომიყვა თავის ჰირსა და ვარამს; იწყინა,  
რომ ხუთი თუ ექვსი წლით უფრო ახალგაზრდა მეგონა, ვიდრე სინამ-  
დვილეში ყოფილიყო (სამოცდათხუთმეტისა ვარო). ამით ქედმაღ-  
ლობდა; ამაყობდა, რომ სხვებზე მეტი ეცხოვრა, მეტიც გადაეტანა;  
ბუნებრივად მიანდა კაცს ვაება აეტანა, კეთილსა და ბოროტს ერთ-  
ნაირად ეტანჯა და სწამდა, რომ ციური წყალობა თანაბრად ნაწილ-  
დება კეთილებსა და ბოროტებს შორის; ასე რომ, საბოლოო ჯამში  
ყველაფერი რიგზეა, ყველაფერი კარგადაა, ღარიბი თუ მდიდარი, ლა-  
მაზი თუ გონჯი, ერთ მშვენიერ დღეს ყველანი ერთი და იმავე მამის  
მკერდზე მიიძინებენ... მისი ფიქრები, ხრინწიანი ხმა, ისევე, როგორც  
ბალახებში ჰრიჭინების ჰრიჭინი, რაბის ჩუხჩუხი, ქარის მიერ ნავსად-  
გურიდან მოტანილი ხისა და კუპრის სუნი, მშვიდად მდინარე წყალი,  
მშვენიერი ანარეკლები, ყველაფერი მწუხრის სიმშვიდეს ეხამებოდა,  
მასში დნებოდა.

წავიდა მოხუცი. უკან დავიწყვე ხელები და შინისაკენ გავემართე,  
გზადაგზა წყლის ზედაპირზე რგოლების ტრიალს ვუცქერდი. ბოვ-  
რონზე მოლივლივე სურათებით ისე ვიყავი გართული, რომ დამა-  
ვიწყდა, სად მივდიოდი, არც ის ვიცოდი, თუ სად ვიყავი; ასე რომ,  
ანაზღად შევეკრთი, როდესაც მომესმა მეტად საამური და კარგად ნაც-  
ნობი ხმა, რომელიც მდინარის მეორე ნაპირიდან მეძახდა... თურმე  
სახლში არ მოვსულვარ! ფანჯრიდან ჩემი ცოლი, ჩემი სული საამუ-  
რი, მუშტებს მიღერებდა. თავი მოვიკატუნე, თითქოს არ დამენახოს,  
წყალს მივაშტერდი; მართობდა ხილვა იმის, თუ როგორ ბობოქრობ-  
და და ანჩხლობდა ჩემი ცოლი მდინარის სარკეში. ხმას არ ვიღებდი,  
მაგრამ სიცილისგან მუცელი მიცახცახებდა. რაც მეტს ვიციინოდი,  
მით უფრო აღმფოთებული ყვინთავდა ჩემი სულიყო ბოვრონის ტალ-  
ლებში. ბოლოს გაცოფებულმა კარი და ფანჯარა მიაჯახუნა და გრიგა-  
ლივით ჩემკენ გამოქანდა... მაგრამ ჩემამდე რომ მოელწია, წყალზე

უნდა გამოსულიყო. აქეთ ეცა, იქით ეცა, ორ ზიუს შუა ვიყავით. აირჩია საცალფეხო ხიდი, მარჯვნივ. რომ დავინახე, ამ გზით მოდიოდა, რა თქმა უნდა, მარცხნივ გავუხვიე, გავსწიე დიდი ხიდისაკენ, სადაც ეული გადენი დილიდან ყახჩასავით დაყუდებული იდგა.

სახლში ვარ. ღამეა. რა მალე გარბიან დღეები! საბედნიეროდ ტიტუსი არა ვარ, ის რომელი უქნარა, რომელიც მუდამეამს იმას წუწუხებდა, რომ დღე დაკარგა; მე არაფერი დამიკარგავს. ჩემი დღით კდაყოფილი ვარ, ოღონდ არა მყოფნის, გული მწყდება. რომ ყოველი დღე ორი დღისოდენა არ არის. სმას დავიწყებ თუ არა, ჭიქა ცარიელია, ხანდახან ექვიც კი შემეპარება, გაბზარული ხომ არ არის-მეთქი. ზოგიერთი კი წრუპავს სასმისს, სმას კი ბოლო არ უჩანს. ეჰე! მათი ჭიქა უფრო დიდი ხომ არ არის? აბა! აბა! ეს ხომ საშინელი უსამართლობა იქნებოდა. ჰეი შენ, მანდ, მზის აბრიანო მერიქიფევე, დღეებს რომ გვისხამ, წესიერად დამისხი რადა!.. მაგრამ არა, არა, იკურთხე უფალო; იკურთხე შენ, ვინც დამიწესე მაგიდიდან ყოველთვის მშიერი ავდგე და მიყვარდეს დღე (არც ღამეს ვწუნობ), არც ერთი არ მყოფნის. შენ მაინც სად გარბიხარ, აპრილო? დღეც რა ადრე გათავდა!.. არაფერია. მაინც კარგად გიგემე, ტურფა მთვარის დარი; ჩაგიხუტე, გულში ჩაგიკარ, დაგიკოცნე ძუძუები, ნეტარებავ გულისო, ტანწერწეტა ქალწულო, ტურფა გაზაფხულისო... ახლა შენი ჭერია! გესალმები, ჩემო ღამე! მობრძახდი, გელი გაშლილი ხელით. ყველაფერს თავისი დრო აქვს! ერთად დავწვებით... ვაიმე! ვაიმე! ჩვენს შორის ხომ ის ჩაწვება... დაბრუნდა ჩემი დედაბერი...

## V

### დ ე ღ ო ფ ა ლ ა

შ ა ი ს ი ი.

ამ სამი თვის წინათ ანუას ციხე-დარბაზისათვის ბურჯებიანი კარადა შემიკვეთეს. სანამ მუშაობას შევუდგებოდი, გადავწყვიტე კიდეც ერთხელ დამეთვალეირებინა სახლი, ოთახი და ადგილი. ღამაზი ავეჯი ხილივითაა, ხეზე უნდა მოწყვიტო: როგორცაა ხეხილი, ისეთია მისი ხილი. ვერ წარმომიდგენია მშვენიერება, რომელიც აქაც არის,

იქაც დადის, ყველას უღიმის, ყველას უცინის და ვით კახა-როსკიპი პატივს იმას სცემს, ვინც რომ მეტს მისცემს. ასეთი ტურფა გზაჯვარედინების ვენერაა. ხელოვნება ჩვენთვის მშობლიური რამ არის, ოჯახის გენიაა, მეგობარია, ამხანაგია. ის ჩვენზე უკეთ გამოხატავს ჩვენს გრძობებს; ხელოვნება ერთია, ჩვენი ოჯახის ღმერთია, რომ გაიცნო, მის ბინას უნდა ეწვიო. ღმერთი შექმნილია ადამიანისათვის, ხელოვნების ქმნილება კი იმ გარემოსათვის, რომელსაც იფერებს და აგვირგვინებს. ლამაზი ის არის, რასაც ადგილი მოიხდენს.

ასე რომ, ადგილის სანახავად გავემართე, ადგილისა, სადაც შევძლებდი ჩემი ავეჯი დამემყნო; ნახევარი დღე იქ გავატარე, სადილიც იქ გვახელით. გიყვარდეს სული, მაგრამ, სხეულიც არ დაივიწყო. ორივე დავაპურე თუ არა, იქით წავედი, საიდანაც მოვედი. შინ კარგ გუნებაზე ვბრუნდებოდი.

გზაჯვარედინს მივადექ უკვე. კარგად ვიცოდი, რომელ გზას უნდა დავდგომოდი. მაგრამ მაინც მეორეზე მეჭირა თვალი; იმაზე, რომელიც მინდვრებში ბრწყინავდა, ლამაზი, კოხტა, ყვავილებში ჩამჯდარი.

ჩემს თავს ვეუბნებოდი: „აჰ! რა კარგი იქნება, ეს ოხერტიალი, იმ მხარეში ყიალი. ეშმაკსაც წაუღია ეს შარაგზა, დღე გრძელი და კარგია, მეგობარო, ნუ გავრბივართ აპოლონზე სწრაფად. რა მეჩქარება. ლოდინისაგან დედაბერი არ დაკარგავს ლაილას მადას... ღმერთო დიდებულო! რა საამო სანახავია ეს პატარა, თეთრად მორთული ქლიავი! მივიდეთ მასთან. მანძილი? დიდი არაფერია, — ხუთი თუ ექვსი ნაბიჯი. ნიავი მის პატარა ბუმბულებს ჰაერში დააფრიალებს: გეგონება, თოვლი მოდისო. აუ, რამდენი მოქიქვიე ჩიტია! რა ნეტარება!.. ეს ნაკადულიც დუდუნით ბალახებში რომ მისრიალებს, თითქოს კატის კნუტი ხალიჩაზე მატყლის გორგალს ეთამაშებაო... მოდი და მივეყვით. აი, ხეების მწკრივი გზას უღობავს. ვაიმე, ვაიმე, გამოიჭერენ საბრალოს... არა, გაექცა. ნეტავ, სად გაძვრა ეგ სალახანა?... აჰ არის, აი აჰ, ბებერ და თავმოჭრილ თელას დასიებულ, ნეკრესიან და დაკოჭრილ ფესვებში. ერთი ამ თავხედს დამიხედეთ!.. მაინც სად ჯანდაბაში მივეყვარ ამ გზას?..“

ასეთი ბაასით ფეხდაფეხ მივდევი ჩემს ლაზლანდარა აჩრდილს; თავს ვიკატუნებდი, თითქოს არ ვიცოდი ფარისეველმა, სად მივეყავდი ამ მაცდურ ბილიკს. ჰა, კოლაჯან, რა კარგად ცრუობ. ოდისევსზე უფრო საზრიანი ხარ და თავს იტყუებ, თავს იგდებ: შე სულძალდო

შენა, მშვენივრად იცი, სადაც მიდინარა! ქვეშქვეშავე, მაშინაც იცოდი, როცა ანუას ციხე-დარბაზიდან გამოდიოდი. აქედან ერთი საათის სავალზე ჩვენი ყოფილი ტრფილის, სელინას, ფერმაა. მივალთ, უცერად თავს წავადგებით, გავაკვირვებთ... მაგრამ ვინ უფრო გაკვირვებული დარჩება, მე თუ ის? რამდენი წელია, არ მინახავს! ნეტავი რა დარჩა ჩემი დედოფალას მშვენიერი სახისგან, ტურფა ლამაზმანისგან? ახლა ხომ თამამად შემძლია პირისპირ შევეყარო, არ მეშინია, თუ თავისი გალესილი კბილებით დამიღრღნის გულს. ჩემი გული ხომ ბებერი ვაზის რქასავით გახმა. ნეტავ, კბილები თუ შერჩა? ეპ, დედოფალავ, დედოფალავ, სიცილის დროსაც როგორ იკბინებოდნენ ეგ შენი კიკები, როგორ აპამპულე საბრალო ბრონიონი! ბზრიალასავით აბტუნავე და ატრიალე. რა ვუყოთ, ეს თუ გართობდა, ღმერთმა შეგარგოს, ჩემო გოგონი, ღმერთო ჩემო, რა ტუტრუცანა ვიყავი.

მაგობდება ჩემი თავი ახალგაზრდა, მთელ ამ მხარეში სახელგანთქმულ მოქანდაკე მედარ დანიოს შეგირდად რომ ვედექი. რავეზე იდაყვებით დაყრდნობილი ვარ და პირადლებული მეზობლის ბოსტანში ვიციკირები. იქ სალათების, მარწყვების, მწვანე კიტრების, ვარდისფერი ბოლოკებისა და ოქროსფერი ნესვების მარგებში ლამაზი და შარდი გოგონა დადის. დადის ფეხშიშველა, მკლავტიტველა, მკერდგაღელილი, ქერა ნაწნავები აქვს, უხეში ტილოს ხალათი მკვრივ ძუძუებს ამოუბურცავს და მოკლე კაბა მუხლებამდე ძლივს სწვდება. მზისაგან დამწვარი ხელებით ორ სავსე სარწყულს მცენარეების თავზე ხრის, იმათაც პატარა ნისკარტები დაუფრენიათ და წყალს დასწაფებიან... და მეც, მოჯადოებულ კოლას, უკეთ რომ დამენახა, არც თუ ისე პატარა ხახა დამიფრენია. მიდი-მოდის ლამაზი, ცლის სარწყულებს, მერე ისევ წყალსაცავისაკენ მიდის, ავსებს ორივეს, ლერწამივით წელში იმართება, უკან ბრუნდება, ვიწრო ბილიკებზე, დასველებულ მიწაზე ფრთხილად ადგამს თავის გრძელთითებიან ფეხებს, სიარულისას მწიფე ხენდროებსა და მარწყვებს რომ ეალერსებიან. ჰაბუკივით მრგვალი და მაგარი მუხლები აქვს. თვალებით ვკამ. თითქოს ვერ ამჩნევს, რომ ვუყურებ და თავის ყუყუნა წვიმის პკურებით სულ ახლო და ახლო მოიწევს; მომიახლოვდა, თვალთ ისარი მესროლა... ვაიმე! ამ ისარმა შიგ გულში დამკოდა. ვიგრძენ, მახეში გავები. რა კარგი ნათქვამია: „რა ქალის თვალი, რა დედაზარღლი“. წამოვეგე თუ არა მის ახკესზე, ბორგვა დავიწყე... გვიანდა იყო!

დავრჩი ჩემს რაგვზე მიჯაჭვეული... თითქოს მივავენიწყდი, ყუოადღებ-  
საც არ მაქცევს, ჩაცუტქულა და კოძბოსტოს რგავს; მხოლოდ დრო-  
დადრო გადმომხედავს. თვალს შემავლებს. ამოწმებს ვერაგი ნადირი,  
ხადავლი ხომ არ გამექცაო. ვხედავ, როგორ იცინის, ამაოდ ვეუბნები  
ჩემს თავს: საბრალო ძმაკაცო, მოუსვი აქედან, ხომ ხედავ, მასხრად  
გოგდებს-მეთქი. მაგრამ მის სიცილზე მეც ვიკრიკები. უთუოდ გამო-  
თაყვანებულის სიფათი მაქვს!.. და აი უეცრად განზე გახტა: ერთ,  
მეორე, მესამე მარგს გადაეელო, გარბის, ხტის, იკერს ბაბუაწვერას  
მფრინავ ბუსუსებს, რომლებიც ნებივრად მიცურავენ ჰაერის ტალ-  
ღებზე, ხელს მიქნევს, მიყურებს და მიყვირის:

— გაბმულხარ ჩიტო მახეში!..

და ამის თქმაზე ღია მკერდში, ორ კოკორს შუა, ჰაერში მოცურა-  
ვე ფაფუკ ნავსა დებს. მართალია, ბრიყვი ვარ, მარამ სატრფიალო  
საქმეებში არც ისეთი არიფი. ვეუბნები:

მეც იქ ჩამდევი-მეთქი.

გაიცინა ლამაზმა, ღონიჯი შემოიყარა, ფეხები გაშალა და მომა-  
ხალა:

— ერთი ამ მსუნავს დამიხედეთ: დაგიღება თვალები, შენთვის  
როლი მწიფდება ჩემი ქორფა ვაშლები.

ასე გავიცანი აგვისტოს მიწურულის ერთ საღამოს დედოფალა  
მალხაზი, ის მებაღე ლამაზი. დედოფალას იმიტომ ეძახდნენ, რომ იმ  
წვრილდრუნხა ქალბატონს ჰგავდა: გრძელი ტანი ჰქონდა, პატარა  
თავი, პიკარული ეშმაკუნა ცხვირი, წინ წამოწეული და ფართო პირი,  
რომ ეცინა და ეღრღნა გულები და კაკლები. მაგრამ ავდრის მომასწა-  
ვებელი მზიანი დარის ნისლში მობანავე მისი მუქი ლურჯი თვალები-  
დან და დამცინავად მოღიბარე ბაგეების კუთხეებიდან, ტყის კეკლუც  
ფერიას რომ მიუგავდა, იშლებოდა ძაფი, რომლითაც ქერა თბობა  
ადამიანების ირგვლივ თავის აბლაბუდას ქსოვდა.

ამის შემდეგ მუშაობას ვუკელი და პირდაფჩენილი რაგვზე მანამ-  
დე ვიჭექი, სანამ დუნდულოებში უსტა მედარის ჩიგრიანი პანლური  
სინამდვილეს არ მომავონებდა. ზოგჯერ დედოფალაც გაბრაზებით  
დამიყვირებდა:

— ხომ კარგად შემათვლიერე წინიდანაც, უკნიდანაც; სანახავი  
მეტი რა დაგრჩენია? კარგად უნდა მიცნობდე, მგონია.

მე კი თვალს ეშმაკურად ჩავუკრავდი და ვეტყოდი:

— ქალი და ნესვი ძნელი შესაცნობია.

რომ იცოდეთ, რა სიამოვნებით მოვჭირდი ერთ ნაჭერს!.. არა, შეიძლება სხვა ხილზედაც არ მეთქვა უარი, ჭაბუკი ვიყავ, მქონდა მჩქეფარე, მდულარე სისხლი, მგზნებარე გული, ათას ქალწულზე ვიყავ შეყვარებული; განა ეს მიყვარდა? ცხოვრებაში არის წუთები, როდესაც კაბაჩაცმული თხაც შეიძლება შეგიყვარდეს. არა, ბრონიონ, მკრეხელობ, სულ ტყუილია, რასაც ამბობ. პირველად ვინც გიყვარს, ის არის ნამდვილი საყვარელი, სანეტარო, საამური და სწორედ ის უნდა გიყვარდეს კუბოს კარამდე. ჩვენი წყურვილის მოსაყლავად გაუჩენია მნათობებს და უთუოდ მუდამ ეამს იმიტომ მწყურია, რომ ის არ დამიღვია. და ალბათ მთელი სიცოცხლე მეწყურება.

როგორ ვიყავით შეხმატკბილებული! ერთმანეთის თრევამი ვალამებდით და ვათენებდით. ორივეს კარგად გვქონდა გაღესილი ენა. ლანძღვა-გინებით მამკობდა, არც მე ვრჩებოდი ვალში. ერთმანეთს თვალებით ვჭამდით და კბილი საკბენად გვქონდა გამზადებული. ხან ჩვენს სისულელეებზე სიცილით ვკვდებოდით, ან კიდევ რომელიმე ავი სიტყვის შემდეგ, უფრო გულიანად რომ ეცინა, მიწაზე დაეშვებოდა, კრუხივით ჩაცუტქდებოდა, თითქოს თალგამების და ხახვის გამოჩეკა უნდაო.

სალამოთი ჩვენს ღობესთან სამუსაიფოდ მოდიოდა, მაგინებდა. ერთ დღეს გაბედულად თვალში თვალი გამიყარა, ჩემ გულში სუსტად გიღს ეძებდა, სურდა მისი აკვნესება. ეხლაც ვხედავ ხელებაწეულს; ალუბლის წითელი ნაყოფით დახუნძლულ ტოტს თავისკენ ეწევა, ქერა თმებს ტოტი ყვავილწნულად ეხვევა, კისერდაგრძელებული ნაყოფს ტოტზევე კენკავს, კურკებს კი ხეზევე ტოვებს. სურათი წუთიერი, მარადიული და მშვენიერია, ეს სიკაბუკეა, ციურ ცურებს დაწაფებული გაუმაძლარი სიკაბუკე! მერე ავეჯის პანოებზე რამდენჯერ ამომიკვეთავს აყვავებულ თელას ქვეშ მისი მშვენიერი მკლავების, კისრის, ძუძუების, გაუმაძლარი პირის და უკან გადახრილი თავის მოხატულობა... ვერ მოვითმინე, კედელზე გადავიხარე, ტოტი გამომგლიჯე, ტოტი, რომელიც ხელში ეჭირა, ვწვდი პირით და სველ კურებს ხარბად დავეუწყე წუწნა.

კვირაობით სეირნობაზე ან ბოქის მარანთან ვხვდებოდით ერთმანეთს. ერთად ვცეკვავდით; ლარტყასავით მოქნილი და კონტა ვიყავი. სიყვარული ფრთებს მასხამდა, ამბობენ, ტრფობა ვირსაც ააცეკვებ-

სო. ვცეკვავდით, მაგრამ კინკლაობას ერთი წუთითაც არ ვწყვეტდით... ღმერთო! რა პირველი რამ იყო! რა არ უთქვამს ჩემს დაღრანჯულ გრძელ ცხვირზე, დაფჩენილ დიდ პირზე; შიგ ნამცხვრის გამოცხობა შეიძლებაო. გამუდმებით დასცინოდა ჩემს მეჯღანის წვერსა და სიფათს, რომელიც, თუ ჩვენს მოძღვარს დაუუჯერებთ, ჩემი გამჩენი უფლის ნაღდი ასლია (რამდენს ვიცინებთ, ერთმანეთს რომ შევხვდებით). ერთი წუთითაც არ მაძლევდა მოსვენებას. არც მე ვიკავი ენაბლუ ან ცალხელა.

რაც უფრო გრძელდებოდა ეს თამაში. ცეცხლი მით უფრო გვედებოდა... კოლაჯან, უსტა მედარ ლანიოს რთველი თუ გახსოვს! დედოფალაც მოეწვიათ. კვლავში ერთმანეთის გვერდით ვიყავით დახრილი. თავებით თითქმის ვეხებოდით ერთმანეთს. ზოგჯერ, კრფის დროს, ჩემი ხელი შეცდომით მის კანქს ან ღუმას ხედებოდა, მაშინვე სახე წამოუნთებოდა, ნორჩი ფაშატივით ტლინკებს მესროდა ან ყურძნის წვენი მითხუნიდა ცხვირს, მე კი შავი მტევნით ვუსრესდი მზით დამწვარ ოქროსფერ ყელს.. თავს ალქაჯივით იცავდა. ბევრი ვუარე, ბევრი ვდიე, მაგრამ ვერ იქნა და ვერ გამოვიქირე. ერთმანეთს ვუთვალთვალავდით. ის ცეცხლს ალვივებდა, ენას მიყოფდა და მიყურებდა, როგორ ვიწვოდი.

-- ვერ გამომიქერ, კოლა...

მე კი იმ ჩასუქებულ კატას ვემსგავსებოდი, ლობეზე რომ მოიკალათებს, თვალებს მილულავს, მალულად უქვრეტს მოცეკვავე წრუწუნას და წინდაწინ ილოკავს ტუჩებს:

— იცინე, იცინე, ვნახოთ ბოლოს ვინ გაიცინებს.

და აი, ერთხელ, ნაშუადღევს (ეს იყო იმავე თვეს), მაისის მიწურულს (მაგრამ უფრო ცხელოდა, ვიდრე დღეს), როცა სულშემხუთავი პაპანაქება იდგა, თეთრი ცა თონის პირივით თავის მგზნებარე აღმურში გვხვევდა. და ამ ბუდეში უკვე ერთი კვირა ჩასაფრებული გრიგალი კრუხივით თავის კვერცხებს ამოდ აჯდა. ადამიანი სიცხისაგან დნებოდა; სველი იყო შალაშინი, ხელზე მეწებებოდა ბურღი და აღარ მესმოდა დედოფალას ხმა, წელან რომ მღეროდა. თვალებით ძებნა დავუწყე, ბაღში არავინ იყო... უეცრად კარვის ჩრდილში ჩამომჭდარი დავინახე, პირი დაედო, თავი გადაეხარა და კარის ზღურბლზე მიწოლილს ეძინა... ერთი ხელი სარწყულზე ჩამოედო. ძილს ერთბაშად მოეცელა. ჩემს წინ იყო, ვით დანაე მცხუნვარე ცის ქვეშ, ტანაყრილი, ნახევ-

რად შიშველი და მიბნედილი, ვიფიქრე, იუპიტერი ვარ-მეთქი. ღობეს გადავევლე, გზად კომბოსტო და სალათა გავთელე, გულში ჩაეიკარ, ხარბად დავკოცნე: შიშველი იყო, ცხელი და მთლად გაოფლილი, ნასევრად მძინარე და ვნებააშლილი მორჩილად მნებდებოდა. თვალმინაბული, ტუჩებით ჩემს ტუჩებს დაეძებდა. კოცნაზე კოცნით მიპასუხებდა და... რა მოხდა, რა მომივიდა, რა ტუტუცურად მოვიქეცე. ვხევის ჩანჩქერი მიჩუხჩუხებდა კანქვეშ: მთვრალი ვიყავი, გულში მყავდა ჩაქრული სიყვარულს მოწყურებული სხეული; სანატრელი დავლა, მოხრაკელი ტოროლა ხახაში მივარდებოდა... და მე გამოთაყვანებულმა ვერ გავებდე ამელო. ვერ გეტყვით, რა უგუნურმა რიღმა დამიპყრო, მაგრამ ფიქრი იმისა, რომ ძილი ბოკავდა, რომ ხელში მისი სხეული მეკავა და არა სული, რომ ჩემს ამაყ მებაღე ასულს მხოლოდ ღალატით დავეუფლებოდი, მეტად მიმძიმდა. და გავეცალე ბედნიერებას, ხელი გავუშვი, ტუჩი ტუჩს მოვაცილე და დავშალე ბორკლები, რომელიც გვბოკავდა. ეჰ! ეს ადვილი როდი იყო: მამაკაცი ცეცხლია, ქალი კი ფარტენა, ასე რომ, ორივე ვიწვოდით, ალი გვედებოდა, ვკანკალებდი და ვხვნეშოდდი ისე, როგორც ის გამოთაყვანებული, რომელმაც ანტიოპე დამიმორჩილა. გავიმარჯვე, არ წაივქეცი, ესე იგი, გავიქეცი. უჰ! ტუტუცი სიკაბუტეჟი.. მაგრამ რა საამოა იმის მოგონება, რომ სულელი იყავი, როგორ აჯაბუტეხს ეს გულს!..

ამ დღიდან დედოფალა ჩემთვის ნამდვილ ალქაჯად იქცა. სამას მოუსვენარ თხაზე უფრო ახირებული, ზმანებაზე უფრო ცვალებადი, ერთ დღეს შეურაცხმყოფელი ზიზლით მგესლავდა, ან თითქოს ვერ მაძინევდა; მეორე დღეს მიბნედილი თვალებით გადმომხედავდა, მომხიბლავად გამიცინებდა, ანდა ხეს ამოფარებული მუხანათურად მუჟა მიწას მიმიზნებდა და, თუ ზურგი შექცეული მქონდა, შიგ კისერში მაყრიდა, ან კიდევ, თუ ცხვირს ავწევდი, თხლამ, და ზედ ხორთუმზე ქლიავის კურკა მხვდებოდა. სეირნობისას კი კაკანებდა, ლიკლიკებდა, კიკიკიკებდა, ხან ერთს, ხან მეორეს თავს აწონებდა.

და რომ უფრო გავემწარებინე, განიზრახა მახეში მეორე ჩემისთანა შაშვიც გაება და საამისოდ ჩემი რჩეული ძმაკაცი კირიას პინიონი აირჩია. მე და პინიონი ერთი ხელის ორი თითივით ვიყავით, ორესტისა და პილადესავით. არ ყოფილა ჩხუბი, ქორწილი თუ არიფანა, სადაც ერთი ყოფილიყო და მეორე არა, ყველგან ერთად დავდიოდით და ერთგულად ვიქნევდით ღრანქსა თუ ხელებს. პინიონი



ჯმუხი, ჩაფსკენილი, მხარბეკიანი, გონებამახვილი, ენაწყლიანი და ძოჩხუბარი იყო. მზად იყო მოეკლა ყველა, ვინც კი აყალბაყალის ატეხვას გამოხედდა. ჩემს გასამწარებლად სელინამ სწორედ ის აირჩია. მის გამოსაქერად დიდი ჭაფა არ დასდგომია. ერთი ორჯერ გაეკექლუა. თვალი ჩაუკრა, თავი უცოდველად მოაჩვენა, მიბნედილი მსერა ესროლა, მის წინ ცბიერად ახითხითდა... ეჩურჩულებოდა, ეპრანჭებოდა, თვალებს ნახად ახამხამებდა, კბილებს უკრეკდა, ტუჩებს იტბენდა, თეძოებს არხევდა, ბოლოქანქარასავით კურტუმოს აქნევდა. აბა, ერთი მითხარით. რომელი ძე აღამისა არ გაებმებოდა იმ ხრიკების ქსელში, რომელსაც ქსოვდა ეს თავგასული გველის ასული. პინიონმა, რაც გონება ჰქონდა, ისიც დაკარგა და ამ დღიდან ორივენი ჩვენს ლობეზე მოვიკალათებდით და გაოგნებული და ათრთოლებული დედოფალას ვუთვალთვალედით. თან კრიკაშეკრულხი ერთმანეთს თვალებს ვუბრაილებდით. ის კი ცეცხლს აღვივებდა და, რომ უფრო გავემწარებინეთ, დროდადრო ცივ წყალს გვაპყურებდა. მიუხედავად იმისა, რომ განაწყენებული ვიყავი ამ ღვართაფზე, მაინც ვხარხარებდი. პინიონი კი ეზოში კვიცივით ჩლიქებს სცემდა, ბრაზისაგან ხვიხვინებდა, იგინებოდა, ილანძლებოდა, იმუქრებოდა და ბობოქრობდა. სხვისი ხუმრობა არ ესმოდა (თავის ოხუნჯობაზე კი მხოლოდ თვითონ ეცინებოდა, მაგრამ თვითონ სამის მაგივრად იცინოდა), პირიმზე კი ნეტარებდა, როგორც ბუზი თაფლზე და შარბათივით მიირთმევდა ამ სამიჯნურო ძაგებს. თუმცა პინიონი უხეშად იქცეოდა და ლამაზი, ხითხითა და ანცი გალის ასული ჩემთან უფრო ახლო იყო, ვიდრე იმ ხვიხვინა, გაქირ. ტლინკია და კუანა ცხოველთან, მაინც სიახლის სიყვარულით, ჩემი გულის მოსაკლავად, მხოლოდ მისთვის ჰქონდა შემონახული იმედის მიმცემი გადმოხედვა და დაპირებით აღსაესე მომხიბლავი ღიმილი. მაგრამ, როცა საქმე დაპირების ასრულებაზე მიდგებოდა, ტურფა ჩემს მეგობარს პირში შესცინებდა და დარცხენილი დატოვებდა. რა თქმა უნდა, მეც ვიცინოდი. ბოლმამორეული პინიონი ბრაზით მომეარდებოდა. ასე ეგონა. ლამაზმანს ვპარავდი. და აი, ერთ დღეს პირდაპირ მთხოვა, გუდანაბადი აიკარ და ადგილი დამიცილო.

ძმობილო, მეც ეს მინდოდა შენთვის მეთხოვა-მეთქი, მშვიდად ვუპასუხე.

— მაშ, ერთმანეთს კისერი უნდა დავუზილოთ. — მომიგო მან.

— მეც ასე მგონია, მაგრამ, მართალი გითხრა, მეტად მეძნელება.

— ჩემზე ნაკლებად, უთუოდ. ბრონიონ, გეთაყვა, გამეცალე. გაყრაა ჩვენი წამალი. ერთ საქათმეს რად უნდა ორი მამალი.

— შენს პირს 'მაქარი, — ვუთხარი მე, — მაშ, გამეცალე აქედან, მზად ვარ გაგილო კარია, რადგან ჩემია ვარია.

— როგორ თუ შენი! — იყვირა მან, — შე დოყლაპია, რეგვენო გაგ-  
რია, მაწენისყლაპია, ტყუი, ჩემია, ჩემს მეტი იმას ვერავენ იგემებს.  
ვუპასუხე:

— საბრალო ძმავ, ერთი შენს სიფათს დახედე! ოვერნელო ფხა-  
ლიყლაპიავე, ეს კერძი ჩემია, შენ სხვაგან ეძებე! ვერც ეს ტყბილი  
ბურგუნდული ნამცხვარი მოგართვი. საშენო აქ არაფერია, წადი და  
ფხალი მოკრიფე.

მუქარით დავიწყეთ და მუშტიკრივზე გადავედით. ძეტად ვწუხდი,  
რადგან ერთმანეთი გვიყვარდა.

— მისმინე, ბრონიონ, — მითხრა მან, — დამითმე ქალი, ხომ ხე-  
დავ, მე ვუნდივარ.

— აბა, პა, პა, პა, შენ კი არა, მე ვუყვარვარ.

— მაშ, თვითონ ვკითხოთ. ვისაც აირჩევს, დარჩება, მეორე კი  
წავა აქედან.

— ყაბულსა ვარ, დაჰქარ ხელი. მან აირჩიოს!

კი, მაგრამ, მიბრძანდით და სთხოვეთ ქალს, რომ ამოირჩიოს! მას  
უსაზღვროდ სიამოვნებს მოლოდინის გახანგრძლივება, შეუძლია ოც-  
ნებაში ერთიც ჰყავდეს და მეორეც, მერე კი ორივე მშრალზე დატო-  
ვოს, შამფურზე ააგოს და დადაგოს თავისი მოტრფილენი. შეუძლე-  
ბელია მისი დაჭერა. არჩევანი რომ მოეთხოვეთ კანკალით, დედოფა-  
ლამ გვიპასუხა კისკისით და ხარხარით.

სახელოსნოში დავბრუნდით. ქურთუკები გავეხადეთ.

— სხვა გზა არ არის, ერთი ჩვენგანი უნდა ჩაძალდეს.

ის იყო ერთმანეთს უნდა ვცემოდით, რომ პინიონმა მითხრა:

— მაკოცე.

ორჯერ ჩავეკარით ერთმანეთს.

— აბა, ახლა კი დავიწყეთ.

და დაიწყო ფერხული. ერთმანეთს ჯიგრიანად ვეცით. პინიონი ისე  
მირტყამდა, რომ, მეგონა, თავის ქალა თვალეებზე ჩამომაფხატა. მეც  
მუხლებით ვუბეგვავდი მუცელს. შეუბრალებელნი არიან მეგობრები,

თუკი ერთმანეთს გადაემეტრნენ. წამიც და ორივე სისხლში ვცურავდით. ძველ ბურგუნდულ ღვინოსავით მოჩუხჩუხებდა წითელი ნაქაღულეები ჩვენი ცხვირებიდან. ვერ გეტყვით, რით დასრულდებოდა ყოველივე ეს, ან ვინ ვის მოუგრეხდა კისერს, რომ, ჩვენდა საბედნიეროდ, აღელვებულ მეზობლებსა და უსტა მედარ ლანიოს, რომელიც სწორედ ამ დროს დაბრუნდა სახლში, არ გავეზავებინეთ. ადვილი საქმე როდი იყო, ნაგაზებივით ვუღრენდით ერთმანეთს. ერთი-ორჯერ სახრეც გადმოგვიჭირეს, ერთმანეთისთვის ხელი რომ შეგვეშვა. უსტა მედარი ძალზე გაბრაზდა, შოლტი გადმოგვიჭირა, გაგვწყება, სილაც არ დაგვაკლო და მერე ლაზათიანად შეგვახურა. ბურგუნდელი ცემა-ტყეპის შემდეგ მოდის ჭკუაზე. ნაცემ-ნაგვემი ფილოსოფოსი ზღები, უფრო ადვილად გესმის გონიერი სიტყვა. ერთმანეთს რომ ვუყურებდით, სირცხვილი გვწვავდა; სწორედ ამ დროს შემოძვრა მესამე ბაცაცა.

ეს გასიებული მეწისქვილე, გაპარსული, წითური, მრგვალი ღორისთავი ყან-ყიფლარი გახლდათ, პატარა ჩაცვნილი თვალები და დაბერილი ლოყები ჰქონდა, ასე გეგონებოდათ, ბუკს უკრავსო.

— რა ყვინჩილებივით დარევიხართ ერთმანეთს! — ხარხარით თქვა მან. — ბერს კი მოიგებთ, როცა მაგ ვარიისთვის ერთმანეთს დააგლეჯთ ბუმბულსა და ბიბილოს! დოყლაპიებო! ნუთუ ვერ ხვდებით, რა ნეტარებით იფხორება, როდესაც თქვენ იბღვირებით და ერთმანეთსა ჭამთ. რა თქმა უნდა, ყოველ დედალს უხარია კალთაზე გამოიბას შეყვარებულთა ხროვა, რომელიც მის ტყავს შებღავის... გინდათ, გონიერი რჩევა მოგცეთ? მუქთად ვიძლევი. შერიგდით. ქალს ქედმალღურად გასცილდით, ხომ ხედავთ, დაგცინით. ზურგი აქციეთ, ორივენი წადით. დაღონდება, მოენატრებით, თავის გრძნობებში გაერკვევა და მაშინ ვნახოთ, რომელს აგირჩევთ. აბა, მოუსვით, ჩქარა! ნუ აყოვნებთ! უცბად გადავკრათ, მხნე! ხალხნო კეთილნო, დამიჯერეთ! და სანამ თქვენ საფრანგეთის შარაგზებზე გაცვეთდეთ თქვენს მტკრიან წაღებს, მე აქ დავრჩები, რომ გემსახუროთ. მზეთუნახავს მე ვუთვალთვალე, გაცნობებთ, ვით იწუწუნებს და როდესაც ერთს აირჩევს, მეორეს კი დაიწუნებს, გამარჯვებულს შევატყობინებ. დამარცხებული წავიდეს და სახარჩობელა ეძებოს... მოდით, ამით გაავთავოთ, წავიდეთ და დავლიოთ! გადაკრავ, დალევ, დაახრჩობ სხოენას, წყურვილსა და სიყვარულს...

დარდი ისე კარგად ჩავახრჩვეთ (ქვევრებივით დავლიეთ), რომ იმავე საღამოს, სამიკიტნოდან გამოსვლისთანავე, ავიკარით გუდნაბადი, ხელში კომბალი ავიღეთ და კეთილი ეიფლარის მადლიერი ორი სულელი უმთვარო ღამით თავმომწონედ გზას გავუდექით. ეიფლარი კი სიამოვნებისაგან იბერებოდა, ღორივით გასიებული სახე გაბადროდა და მსუქან ქუთუთოებქვეშ პატარა თვალები უციმციმებდა.

მეორე დღით უკვე ისე აღარ მოგვწონდა თავი, მაგრამ ამაში არ ვტყდებოდით, ისტიბარსაც არ ვიტყხდით; ვფიქრობდით, თავს ვიმტვრევდით, არ გვესმოდა ეს სამხედრო მანევრი: ციხე-სიმაგრე უნდა აგველო და ჩვენ კი თავაწყვეტილი გავრბოდით. რაც უფრო მალლა აღიოდა მზე ცის კამარაზე, მით უფრო ვგრძნობდით ჩვენს სისულელეს. საღამო ხანს ერთმანეთს უკვე თვალთვალი დავუწყეთ. მართალია გარეგნულად არაფერს ვიმჩნევდით და უღარდელად ვსაუბრობდით დარსა და ავდარზე, მაგრამ გულში ვფიქრობდით:

„მეგობარო, რა კარგად ჰიკიკიკებ! ვხედავ, გაპარვა გინდა, მაგრამ ვერ შოგართვი, თვალს ვერ ამიხვევ, თავზე მეტად მიყვარხარ, ძმობილო, მარტო როგორ დაგტოვო. თუ სადმე წაბრძანდები (ვიცი, ვიცი, გაიძვერავ), მეც ფეხნაფეხ მოგყვები“.

რა ხერხს არ მივმართეთ, ერთმანეთს რომ გავპარვოდით (უკვე საშარდავადაც ერთად დავდიოდით), ღამით ვხვრინავდით, თავს ვიმძინარებდით, მაგრამ ჩალაზე დაყრილებს რწყილები და სიყვარული გეჭამდა; ბოლოს, პინიონმა ვერ მოითმინა, წამოხტა და იყვირა:

— ჯანაბა და ღოზანა, ვიწვი, დავიდაგე, მეტი არ შემიძლია! ვბრუნდები.

— დავბრუნდეთ. — ვუთხარი მე.

გზას მთელი დღე მოვუწდი. მზე ჩადიოდა და დაღამებამდე მარშეს ტყეს შევაფარეთ თავი. არ გვინდოდა, ჩვენი დაბრუნება გაეგოთ. მასხრად აგვიგდებდნენ. თანაც გვსურდა მოულოდნელად წავდგომოდით მოწყენილ, თვალცრემლიან, მიტოვებულ, თავის თავის მოსაყვედურე დედოფალას:

„ვაი, ვაი, საყვარელო, საყვარელო, რად წახვედი, რად დამტოვე!“ ეჭვი არ გვეპარებოდა, რომ თითებს იკვნეტდა და იმდულრებოდა, მაგრამ ვინ იყო საყვარელი? ორივენი ვამბობდით:

— მე.

და აი, მის ბაღს ჩუმად მიეუახლოვდით (გული უცნაურად გვე-  
კუმძებოდა) და მთვარის შუქით განათებული ღია ფანჯრის ქვეშ,  
ვაშლის ტოტზე დაინახეთ... იცით რა? ვაშლი? არა... მეწისქვილის  
გაფქვილული ქუდი!.. გიამბოთ დანარჩენიც? ძალიან გაიხარებთ, მე-  
გობრებო. ცულლუტებო, კარგად ვხედავ, სახე გინათლებათ. კაცს ისე  
არაფერი ახარებს, როგორც მეზობლის უბედურება. რქოსნებს მუდამ  
უსარიათ სათვისტომოს გამრავლება...

კირიასი გაქანდა, ირემივით გადახტა (ირმის რქები ხომ ჰქონდა),  
ხაყოფდაფქვილულ ვაშლის ხესთან მიიჭრა, კედელზე აცოცდა და  
ოთახში შეიჭრა. გაისმა ყვირილი და წკაფწკავი, ხბოს ბლავილი, გინე-  
ბა...

— ჯანაბა და დონანა, არამზადავ, ღეთის რისხვა! მიშველეთ,  
მკლავენ! რქოსანო, წუპაკო, წუწკო, კახა, ჩათლახო, ორპირო, ბაყა-  
ყო, მუტრუკო, ყურებს დაგაკრი, შიგანს დაგაყრევინებ, ავიკრელებ  
ღუნღულებს, ჰა, მიირთვი, ოყნის თავო!..

ატყდა ცემა-ტყემა, ტყაპატყუპი... ტყლაშ! ტყლუშ! თხლაშ!  
თხლუშ! ქურტყელი დაიმტვრა. მიწაზე გორაობენ, ისმის ქალის წივი-  
ლი, უნამუსოთა ბლავილი... ამ ჭოჭოხეთურ მუსიკაზე (შენ დაუქარ!),  
რა გასაკვირია, მთელი უბანი ფეხზე დადგა.

მეც მეტი არ დავაყოვნე. ისიც კმაროდა, რაც ვიხილე, და საიდა-  
ნაც მოვედი, იქით გავეშურე, ცალი თვალთ ვიციხოდნი, მეორეთი  
ვტიროდნი, ყურჩამოყრილი, ცხვირაწეული მივიდიოდი და ჩემს თავს  
ვეუბნებოდნი:

— ხომ ხედავ, ჩემო კოლა, კარგად გადაარჩი, მე და ჩემმა ღმერ-  
თმა!

გულის სიღრმეში კი წუხდა კოლა, რომ არ გაება ამ მახეში. ბა-  
ქიობდა, ხუმრობდა, აჯაერებდა ხან ერთს, ხან მეორეს, დასცინოდა  
მეწისქვილეს, მზეთუნახავს და ვირს. სული კი წუხდა, გოდებდა და  
ტიროდა.

— იფ, რა კარგია! გული მიწუხს! ვაიმე! მოვკვდები სიცილისა-  
გან... არა, ტირილისაგან. ცოტა კიდევ და, თვალთმაქცი ამკიდებდა  
ქორწინების კურტანს! ნეტავ რად არ ამკიდა! ან რქები რატომ არ  
დამადგა! ის ხომ მეყოლებოდა. განა ცუდი საქმეა, გყავდეს  
შეყვარებული კურტნად აკიდებული!.. დალილა! დალილა, ტრადერი-  
ღერა.

ორი კვირა ორ ცეცხლშუა ვიყავი: არ ვიცოდი, მეტირა თუ მეცი-  
ნა. ჩემს დაღობაზე სიფათზე მეწერა მთელი ანტიკური სიბრძნე. ხან  
მტირალა ჰერაკლიტე ვიყავი, ხან კი ხითხითა დემოკრიტე. ხალხი  
პირში დამცინოდა. ზოგჯერ, ჩემს გულისვარდზე რომ ვფიქრობდი,  
შზად ვიყავი თავი მომეკლა, მაგრამ ასეთი სურვილი ხანმოკლე იყო.  
საბედნიეროდ... სიყვარული საამურია, მაგრამ ღმერთმანი, ტრფობი-  
სათვის არ ღირს თავის მოკვლა. ეს ამადისებს და გალაორებს შეჭფე-  
რით! ჩვენ კი, ბურგუნდელები, რომანების გმირები როდი ვართ. ჩვენ  
ვცოცხლობთ, ვცხოვრობთ. როდესაც გვაჩენდნენ, არავის უკითხავს,  
გინდათ სიცოცხლე თუ არაო; მაგრამ რაკი გაუჩნდით და მოვევლინეთ  
ამ ქვეყანას, დასწყევლოს ეშმაკმა, აქვე ვრჩებით, არსად გვეჩქარება,  
ქვეყანას ვკირდებით... შეიძლება. ჩვენ გვკირდება. კარგია თუ ცუდი  
ეს ქვეყანა, ჩვენი ნებით არ დაეტოვებთ, ძალით უნდა გაგვებრძანონ  
აქედან. ქვევრს თუ თავი მოჰხადე, უნდა დასცალო კიდევ ბოლომდე.  
ღვინო თუ დაილია, ახალი ჩავასხათ ჩვენი მადლიანი ფერდობებიდან.  
ბურგუნდელ კაცს სიკვდილისათვის სად სცალია. ტყუილად ნუ ტრაბა-  
ხობთ, ჩვენც ვიტანჯებით და ამ ტანჯვა-ვაებას თქვენზე ნაკლებ რო-  
დი ვართმევთ თავს. ოთხი თუ ხუთი თვე ძალღვივით ვეტანჯე, მაგრამ  
დრო ყველაზე კეთილი მკურნალია, ცხოვრების მდინარეზე გა-  
დაკვავართ და ჩვენს მძიმე მწუხარებას მეორე ნაპირზე ტოვებს.  
ახლა ჩემს თავს ვუთბნები: ვითომც მყოლია-მეთქი ჩემი დედო-  
ფალა...

ეჰ! დედოფალა, დედოფალა!.. სადედოფლო ქალი იყავ და ის გა-  
ბერილი ძეხვი ჟიფლარი, ფქვილის ტომარა, გოგრის სიფათი კი დაგე-  
პატრონა. და უკვე ოცდაათი წელია, რაც გეალერსება და გეაზიზება!..  
უთუოდ გაძლა კიდევ, ასე მითხრეს, ქორწინების მეორე დღესვე მადა  
დაეკარგაო. ღორჭუტელა მსუნაგებისთვის, მეგობარო ჩემო, გადა-  
ყლაპულ ლუქმას ეკარგება გემო. თუ ის ალიაქოთი არა, რომლის გა-  
მოც ლოგინში, არა ბოდინში, ბუდეში წაასწრეს გუგულს (ეხ! ეგ ღრი-  
ალა პინიონი), მუქთახორა ჯამილოკია თავის სქელ თითს არ გაყოფდა  
ვიწრო ხიშხობის ბეჭედში... ოჰ, ჰიმენ, ჰიმენე! თქმა არ უნდა, კარ-  
გად გაება! მაგრამ დედოფალას უფრო მაგრად მოხვდა. უკმაყოფილო  
მეწისქვილე ჯავრს იყრის მასზე. მაშ, გავიცინოთ, ბრონიონ-ჯან, (სა-  
საცილო ბევრია) ვიცინოთ ჟიფლარზე, ლამაზზე და საკუთარ თავზე...

და აი, სიცილში რომ ვიყავ, ოც ნაბიჯზე, ხეივნის მოსახვევთან (მამა ზეციერო! ნუთუ მთელი ორი საათი ვყბედობ), წითელსახურავიანი, მწვანედარაბებიანი სახლი შევნიშნე; გველივით დაკლაკნილი ვაზი თავისი მორცხვი ფოთლებით მოსავდა მის თეთრ მუცელს. ღია კარის წინ, კაკლის ჩრდილში, ქვის გეჯიდან, სადაც ანკარა წყალი მოჩუხჩუხებდა, თავდახრილი ქალი წყალს იღებდა. დავინახე და მყისვე ვიცანი (თუმცა წლების მანძილზე არ მენახა), მუხლები მომეკვეთა...

ცოტა დამაკლდა, არ გავიქეცი, მაგრამ თვალი შემასწრო, დამაქქრდა და აი, მივხვდი, რომ მანაც მიცნო... არა, არაფერი დაიტყო, მეტად ამაყი იყო; მხოლოდ თასლი დაუტურდა გეჯაში და წყნარად მითხრა:

— დახე, ვაჟბატონი, რომელსაც ბევრი თავისუფალი დრო აქვს... რა გეჩქარებოდა?

— როგორ, მიცდიდი? — ვკითხე მე.

— მეტი საქმე არა მქონდა, შენზე ფიქრში ჩამოვდნი!

— ჩემსავით ყოფილხარ, — ვუთხარი, — მაგრამ მაინც მახარებს შენი ნახვა.

— არც შენ მიშლი ხელს.

პირისპირ ვიდექით, ის მკლავებდასველებული, მე — პერანგის ამარა. ორივე ვტოკავდით, ვუმზერდით ერთმანეთს და ძალა არ შეგვწევდა ერთმანეთი დაგვენახა. წყალსატევში სათლი მიცურავდა.

— დრო ხომ გაქვს? შემოდი რაღა, — მითხრა ქალმა.

— მხოლოდ ორი წუთით, ცოტა მეჩქარება.

— არ გეტყობა. რამ მოგიყვანა?

— მე? არაფერმა, — ვუთხარი უტიფრად, — ისე, ვსეირნობდი.

— მაშ, მდიდარი ყოფილხარ.

— ფანტაზია მაქვს მდიდარი, ქისა კი არა.

— არ გამოცვლილხარ. ისევ ის გიყლარა ხარ.

ვუპასუხე:

— ვის უნახავს გიყად დაბადებული, ერთ დღეს განკურნებული. ეზოში შევედით; ჭიშკარი მოიხურა. მარტონი ვიყავით. გარს მოკ-

რიახე ქათმები გვეხვია. ფერმის ხალხი მინდვრად იყო გასული მოღღვარება რომ დაეძლია და თანაც ჩვეულებისათვის არ ელაღატა, საჭიროდ მიიჩნია დაეხურა თუ გაეღო (ზუსტად არ მასსოვს) ფარდულის კარი; გზად მეღორს გაუწყრა. მე არ მინდოდა ჩემი დარცხვენა შეემჩნია. ლაპარაკი გავუბი სახლზე, ქათმებზე, იხვეებზე, მტრედებსე, ძაღლზე, ღორზე, კატაზე და მამალზე. რომ მივეშვი, ნოეს კაღობნის ყველა ცხოველს ჩამოეუთვლიდი! მაგრამ მოულოდნელად მითხრა:

- ბრონიონ!

სუნთქვა შემეკრა. ისევ დამიძახა:

— ბრონიონ!

უსიტყვოდ შევეცქეროდით ერთმანეთს.

— მაკოცე, — მითხრა ქალმა.

თავი არ გავიპატიე. როდესაც ხნიერი ხარ, კოცნა თუ საამო არ არის, ვნებაც არავისთვის მოაქვს (ჩვენს შორის დარჩეს და, კოცნა ყოველთვის საამოა) და როდესაც ჩემს ბებერ და ხორკლიან ლოყებზე მისი დაკმუქნილი ლოყები ვიგრძენი, ტირილი მომერია. მაგრამ არ მიტირია, ტუტუცი როდი ვარ.

იჩხელიტებო, მითხრა.

— გეფიცები, ამ დღით რომ ვინმეს ეთქვა, მაკოცინებდი, გავიპარსავდი. ამ ოცდაათხუთმეტი წლის წინ უფრო რბილი წვერი მქონდა, მაშინ მე მსურდა და შენ კი არა. ჩემო გოგონავ, წვერით გავხახუნებოდი შენს ფუნჩულა ლოყებს.

— განა დღემდე ფიქრობ ამაზე? — მკითხა მან.

— მე? არა, არასოდეს.

სიცილით თვალი თვალში გავუყარეთ ერთმანეთს და ველოდით. პირველი ვინ დახრიდა თავს.

— ჯორის თავო, როგორ მგავდი—ჩემსავით ამაყი და ჭიუტი იყავი! ქალარა ვირიკელავ, დაბერება არ გინდა. ერთი მაინც უდავოა, სულ არ დამშვენებულხარ, სახე დაგლარვია, თვალს ნაოკი გარტყია, ცხვირი გაგბრტყელებია; შენს დღეში ლამაზი არ ყოფილხარ, დასაკარგავიც არაფერი გქონია და არც დაგიკარგავს. ერთი ღერი თმაც არ ჩამოგვარდნია, ეგოისტო! მხოლოდ ქალარა შეგპარვია.

სულელ კაცს რა გაათეთრებს-მეთქი, ვუპასუხე.

— არამზადები ხართ მამაკაცები, თავს არაფერზე იწუხებო და დროსაც მხიარულად ატარებთ. ჩვენ კი, ჩვენ ვებერდებით, ვებერდებით



ჩვენსა და თქვენს მაგივრადაც. ერთი ბეხრეკს შემომხედე. ვაი! ვაი! ხეტავ, სად არის ნახი, მოქნილი სხეული, სამზერად საამო და საალერსოდ კიდევ უფრო ტბილი? სად არის ის ყელი, ფეხი, კოკრები, წელი და ხორცი, ქორფა ხილივით მკვრივი და გემრიელი. ვაი, სად დაჯკარგე? სად დავილუპე? ბაზარში რომ გენახე, მიცნობდი, განა?

— თვალდახუჭული გიცნობდი.

— თვალდახუჭული კი, მაგრამ თვალახელილი? ერთი შეხედე ჩემს ჩაცვინულ ლოყებს, უკბილო პირს, დანის პირივით წაწვეტებულ ცხვირს, დაწითლებულ თვალებს, დამკვნარ მკერდს, ორთლო ტაკს, ამ დამახინჯებულ მუცელს...

ვუთხარი (კარგად ვხედავდი ყველაფერს, რასაც ამბობდა):

— პატარა აზმანი ყოველთვის ჩანს ლამაზმანი.

— როგორ, ვერაფერს ხედავ? რამ დაგაბრმავა?

— კარგი თვალეები მაქვს, დედოფალავ.

— ვაი, სად გაქრა შენი დედოფალა, შენი დედოფალა?

ვუპასუხე:

— „აქეთ გამოიარა ლამაზმა სინდიოფალამ“. მემალემა, გამირბის, გადაიმალა. მე მაინც ვხედავ, ვხედავ მის მოხდენილ ცხვირს და ეშმაკურ თვალებს, რომ მზვერავენ და სოროში მეპატიებებიან.

— სოროში ველარ შეეტევი, ბებერო მელავ, ღიპი როგორ გაგიშვია! ჩანს, სატრფოს დარდმა არ დაგამკლევია.

— ბევრს მოვიგებდი. მწუხარებასაც ხომ უნდა დაპურება?

— მაშ, შემოდი და ერთად დავაპუროთ ყმაწვილი.

შევედით, მაგიდას მივუსხედით, აღარც კი მახსოვს, რა გვკამე, რა დავლიე. სული გართული იყო, მაგრამ ყბები და ყრონტი ჩინებულად მუშაობდა. დედოფალას იდაყვები დაეყრდნო მაგიდაზე და მიუყურებდა, შერე დაცინვით მკითხა:

— ახლა ხომ ნაკლებად ხარ შეწუხებული?

— როგორც სიმღერაშია, — ვუპასუხე მე, — „სხეული დამშეული, სული შეწუხებული, სხეული დაპურებული, სულიც დამშვიდებული“.

დუმდა დედოფალას დიდი, თხელი და დამცინავი პირო. მე კი ვბაქიობდი და არც მახსოვს, რა სისულელეებს ვროშავდი, ერთმანეთს ვუყურებდით და წარსულზე ვფიქრობდით.

უეცრად:

— ბრონიონ! — მითხრა მან, — იცი? არასოდეს მითქვამს, ახლა კი, როდესაც ამას აზრი აღარა აქვს, გეტყვი. მე შენ მიყვარდი.

ეუპასუხე:

— მე ეს ვიცი.

— იცი, სალახანაე! მაშ, რატომ არაფერი მითხარი?

— შენი უკუღმართი ხასიათის გამო. საკმარისი იყო გამემხილა, რომ იმ წამსვე უარს მეტყოდი.

— მერედა, რა გენაღვლებოდა, თუკი ფიქრით შენ გეტრფოდი. რას კოცნიან, ბაგეებს თუ მათ ნათქვამს?

— კი, მაგრამ შენი პირი მარტო თქმით როდი დაკმაყოფილდა? მე გავიგე ეს იმ ღამეს, როცა შემოვალე კარი და თონეში მეწისქვილეს წა-ვასწარი.

— შენი ბრალია, თონე მისთვის როდი თბებოდა. მაგრამ ბრალი მეც შიშიძღვის და კარგადაც დავისაჯე. შენ ყველაფერი გკოდნია, კო-ლა, მაგრამ ის კი არ იცი, რომ შენი წასვლით განაწყენებულმა მივეცი თანხმობა მეწისქვილეს. რომ იცოდე, შენზე როგორ ვბრაზობდი! ვბრა-ზობდი იმ საღამოდან (გახსოვს), როდესაც არად ჩამაგდე.

— მე?

— დიახ, შენ, შე სათოკე შენა, ერთ საღამოს ბაღში რომ მოხველ ღემს მოსაწყვეტად და იქ მიპოვე ჩაძინებული.. გაიქეცი და ხეზე დამ-ტოვე დაკიდებულნი.

დავიწყე ყვირილი, თავის მართლება. მითხრა:

— კარგად მიგიხვდი. ასე ნუ ცდილობ, თავს ნუ იწუხებ! სულელო! დარწმუნებული ვარ, რომ შეიძლებოდა წარსულის მობრუნება...

ვთქვი:

— იმასვე ვიზამდი.

— ბრიყვო! სწორედ ამისათვის მიყვარდი და რომ დამესაჯე, გტან-ჯავდი, ამით ვერთობოდი. მაგრამ არ მეგონა, თუ იმდენად ჩერჩეტი იქ-ნებოდი, რომ გაექცეოდი ღემს ანკესს (რა ლაჩრები ხართ მამაკაცები), იმის ნაცვლად, რომ გადაგეცლაპა.

— დიდი მადლობა! ლიფსიტას უყვარს ჭიყვლა, მაგრამ საკუთარ კუქმაქსაც უფროთხილდება.

გაიღიმა, მაგრამ ნირი არ შეუცვლია:

— როცა გავიგე, რომ ჩხუბობდი იმ მეორესთან, მეორე ვირთან (მისი სახელი არ მაგონდება), მდინარეზე თეთრეულს ვრეცხავდი. მი-თხოეს, რომ გკლავდა, ღემს ჭობინს მყისვე შევეშვი, წყალსაც წაუღი-ხო-მეთქი. სარეცხი ფეხით გავქელე, მიყვარ-მოყვარე კორიკანა დედა-

კაცები, ფეხშიშველა გამოვიქეცი, სუნთქვა მეკვროდა, მინდოდა მეყვი-  
ოა: „ბრონიონ! ხომ არ გაგიყდი? ნუთუ ვერ ხედავ, როგორ მიყვარხარ?  
ბევრ რამეს მოიგებ, როდესაც ეგ მგელი სხეულის ერთ-ერთ საუკეთეს-  
ო ნაჭერს მოგაგლეჯს. არ მინდა დასახიჩრებული, ხეიბარი ქმარი,  
სალ-სალამათი მინდა მყავდეს...“ ეპ! დელი-დელა, დელი-დელა, და სა-  
ნამ ამ ვაითშველებელში ვიყავი და ვწუწუნებდი, ეს ჩიტირეკია ქარაფ-  
შუტა მგელთან ერთად სამიკიტნოში იყლაპებოდა, უკვე დავიწყებო-  
და, რისთვის ჩხუბობდა და იმ მგელთან ერთად არ გაიქცა? (ლაჩარი!  
ლაჩარი!) გაექცა და მერე ვის? პატარა აზმანს!.. ბრონიონ, რომ იცოდე,  
როგორ შემძულდი!.. შეიძლება, დღეს, როდესაც გხედავ, როდესაც  
კვლავ ერთადა ვართ, ეს სასაცილოდ მეჩვენება; მაგრამ მაშინ, მეგობა-  
რო, ნეტარებით გაგატყავებდი, ცოცხლად შეგწვავდი, მაგრამ შენი დას-  
ჯა რომ არ შემეძლო... და რადგანაც მიყვარდი, თავი დავისაჯე. გადა-  
მეყარა მეწისქვილე, ბრაზისაგან მასში გაგცვალე, ეს ვირი რომ არა,  
სხვა სახედარს ავიკიდებდი. ჩემთვის სულ ერთი იყო, გუგული იქნებო-  
და თუ ბულბული. აპ! ჯავრს როგორ ვიყრიდი. მხოლოდ შენზე ვფიქ-  
რობდი, როდესაც ის...

— მესმის!

— და როდესაც ჩემს მაგიერ ჯავრს ის იყრიდა, ვფიქრობდი: ერთი  
ახლა დაბრუნდეს-მეთქი... მაგრამ ვაი, რომ უფრო ადრე დაბრუნდი,  
ვიდრე მე მსურდა... დანარჩენი შენ თვითონ იცი, სამუდამოდ ამ  
ბრიყვს მივეჯაჭვე... ვირი (არ ვიცი, ის თუ მე?) წისქვილში დარჩა.

გაჩუმდა.

აქ კარგად მაინც თუ ხარ-მეთქი, ვკითხე.

მხრები აიჩეჩა და მითხრა:

— მასავით კარგად.

— დასწყევლოს ეშმაკმა, — ვუთხარი მე, — ეს სახლი სამოთხე  
უნდა იყოს.

მართალს ბრძანებო, სიცილით მითხრა.

სხვა რამეზე ჩამოვადგეთ საუბარი. მინდვრებზე, ჭალაბზე, ცხოვე-  
ლებზე და ბავშვებზე, მაგრამ რამდენსაც არ ვცდილობდით, მაინც სი-  
ნანულით წარსულს ვუბრუნდებოდით. ვიფიქრე, გაუხარდება ჩემიანე-  
ბის, ჩემი ოჯახის, ჩემი ცხოვრების გაგება-მეთქი; მაგრამ დავრწმუნდი,  
(ოპ! დედაკაცურო ცნობისმოყვარეობაჲ!), რომ ჩემზე უკეთ იცოდა  
ყველაფერი და გავაბით მუსაიფი ნემსიდან ძაფზე, ლობეზე, ყორეზე,

ამაზე, იმაზე, მთაზე და ბარზე, ლაყბობით ვერთობოდით, არ ვიცოდით საით მივემართებოდით. ორივე ვოხუნჯობდით. ერთმანეთს ოხუნჯობაში ვეჭიბრებოდით. წამოვიდა მოსწრებულ სიტყვათა თქეში, სუნთქვა შეგვეკრა, უმაღლე ვხვდებოდით გადაკრულ ნათქვამს, ბაგეს მოსწყდებოდა თუ არა, არ ვაკარებდით მიწას, ვიჭერდით იმ წამს.

სიცილისაგან ცრემლი მდიოდა. უეცრად სამრეკლოზე ექვსმა საათმა ჩამოჰკრა.

— მამა ზეციერო, უნდა წავიდე!

— რა გეჩქარება, მოესწრები.

— შენი ქმარი დაბრუნდება. მისი ნახვა კი არაფრად მეჭიტნავება.

— ერთი მე მკითხე, — მითხრა მან.

ფანჯრიდან ჩანდა ველი, რომელსაც საღამოსათვის მორთვა-მოკაზმვა დაეწყო. ჩამავალი მზის სხივები ოქროს მტვრად ეფინებოდა ბალახების მოკანკალე წვერებს. კრიალა ნაკადული მიხტოდა. ერთი ძროხა ტირიფის ტოტს ლოკავდა. ორ უძრავად მდგარ ცხენს — ერთ შავსა და შუბლზე თეთრვარსკვლავიანს და მეორე ყელას — ბალახობის შემდეგ ერთმანეთის გავაზე დაედოთ თავი და საღამოს მყუდროებაში ოცნებას მისცემოდნენ. გრილ სახლში მზის, იასამნის, თბილი ბალახისა და ოქროსფერი ფუნის სუნი შემოდიოდა, ოთახის უკუნში, სადაც ოდნავ ობის სუნი ტრიალებდა, თიხის ფიალიდან, ხელში რომ მეკავა, ბურჯუნდული შავი მოცხარის ნაყენის სურნელება იფრქვეოდა.

— რა ნეტარებაა აქ!

— და ასე იქნებოდა მთელი სიცოცხლე.

ხელი ხელში ჩამავლო.

ვუთხარი (მწყინდა, რომ მის სანახავად მოსულს გული ვატკინე):

— ექ! იცი რა, ჩემო დედოფალავ, საბოლოო ანგარიშში შეიძლება ასეც სჯობდეს, სჯობდეს ისე, როგორც არის! შენ არაფერი დაგიკარგავს. ერთ დღეს კიდევ რა უშავს, მაგრამ მთელ სიცოცხლეს მიცნობ, გიცნობ, მალე მოგბეზრდებოდი. შენ კიდევ არ იცი, რა ცული კაცი ვარ, არამზადა, უქნარა და ლაზღანდარა, ქარაფშუტა, ჯიუტი, ღორმუცელა, მზაკვარი, მოჩხუბარი, ფუჭი მეოცნებე, ბრაზიანი, უცნაური და ქოსატყუილა. ჩემო გოგონა, უბედურზე უბედური იქნებოდი და ჯავრს იყრიდი. ამას რომ გავიფიქრებ, თმა ყალყზე მიდგება. იკურთხოს მაღლი ყოვლის მცოდნე უფლისა, რომ ასე მოაწყო ჩვენი ცხოვრება.

სერიოზული და მზაკვრული თვალებით მომჩერებოდა. მისმინდა, მერე ცხვირი ასწია და მითხრა:

— მართალს ამბობ, საყვარელო. ვიცი, დიდი არამზადა ხარ (რასაკვირველია, ამას არ ფიქრობდა), ისიც ვიცი, რომ მცემდი; მე კი გილალატებდი, მაგრამ რა გაეწყობა? უნდა მოხდეს, რაც მოსახდენია, უნდა იყოს ნაცემიც და რქიანიც (ბედის წიგნში ასე დაუწერიათ), განა უკეთესი არ იქნებოდა, ყოველივე ეს ერთმანეთისაგან გვრგებოდა?

— რა თქმა უნდა; — ვუთხარი მე, — რაღა თქმა უნდა.

— მეთანხმები და, თითქოს არც გჯერა.

— როგორ არა, როგორ არა, მაგრამ სჯობს ასეთ ორმაგ ბედნიერებას კაცმა თავი აარილო.

წამოვდექი და ასე დავასკენი:

— ნუ ინანებ, საყვარელო დედოფალავ! ასე თუ ისე, ბოლო ერთი იქნებოდა. გვიყვარს ერთმანეთი თუ არა, ამჟამად, როდესაც ცხოვრების გზა უკვე განვლიეთ, ყველაფერი ეს წარსულს ჩაბარდა, თითქოს არც კი ყოფილა.

მითხრა:

— მატყუარა.

(მართალს ამბობდა).

\* \* \*

ვაკოცე და წამოვედი. ზღურბლზე, კარის წირთხლს მიყრდნობილმა თვალებით გამომაცილა. ჩვენს წინ დიდი კაკლის ჩრდილი გაწოლილიყო. მხოლოდ მაშინ მოვბრუნდი, როცა გზაზე მოვეუხვითე და დავრწმუნდი, ვერაფერს დავინახავდი. შევდექე, სული რომ მომეთქვა. ჰაერი ერთმანეთზე გადაწნული გლიცინიის ტოტების სურნელებით იყო გაუღენთილი. შორს მინდვრებში თეთრი ხარები ბლაოდნენ.

გზა განვაგრძე, დიდი შარა განზე დავტოვე, მოკლედ მოვკერი, ვენახები გადავსერე, ფერდობი გადავიარე და ტყეში შევედი. განა იმიტომ, რომ შინ მალე მივსულიყავი? არა. ნახევარი საათის შემდეგ ტყისპირა დიდი მუხის გაფოთილი ტოტების ქვეშ პირდაღებული უძრავად ვიდექი. არ ვიცი, რას ვაკეთებდი, ვფიქრობდი, ვფიქრობდი. წითელი ცა ქრებოდა. ვუყურებდი, როგორ კვდებოდა მისი ანარეკლი ბურგუნდული ვაზის კრიალა, პრიალა, ღვინისფერ, პატარა და ქორფა ფოთლებზე. სტვენდა ბულბული... გალობით მწყალობდა, ჩემს მეხსიერების შორეთში, ჩემს დამწუხრებულ გულში კი მეორე

ბულბული გალობდა. ერთ ასეთ საღამოს სატრფოსთან ერთად ეახით დაბურულ ფერდობზე ავდიოდი, მაშინ ჭეელი ვიყავი, მხიარული, ხითხითა; ვხუმრობდით და ვლაზღანდარობდით; უეცრად ჰაერში რაღაცამ ჩაიჭროლა, ზუსტად არ ვიცი რა იყო, მწუხრის ზარების გუნგი, დედამიწის საღამოს სუნთქვა, რომელიც იზმორება და მეუბნება, ჩემთან მოდიო, თუ მთვარეს მომწყდარი ნაზი კაემანი... ორივენი გავჩუმდით, სმენაგადარაჭებულემა ერთმანეთს ხელი ხელს ჩავავლეთ. ერთმანეთისთვის არც კი შეგვიხედავს, ადგილზე გავქვევდით. მაშინ, ვენახიდან, ვაზფხულის მწუხრი რომ დასწოლოდა, გაისმა ბულბულის გალობა. ვაზზე, რომლის მუხანათი პწკალები გრძელდებოდნენ, გრძელდებოდნენ, გრძელდებოდნენ და ცდილობდნენ მის პატარა ფეხებს შემოხვეოდნენ, თავის ძველსა და სევდიან სიმღერას სულმოუთქმელად გალობდა ტრფობით დამწვარი ბულბული:

„გაიზარდე ვაზის პწკალო, გაიზარდე და გვაამე.

ჩემზე ნულარ შეწუხდები, არც დღე მძინავს და არც ღამე“...

და დედოფალას ხელი ვიგრძენი, რომელიც მეუბნებოდა:

„დავიჭირე, შენც დამიჭირე, ვაზო იდიდე, ვაზო იზარდე და ჩვენ შეგვყარე“.

ბორცვიდან ჩამოვედით. შინ მისვლის წინ ერთმანეთს ხელები გავუშვით და მას შემდეგ ერთმანეთისთვის ხელი აღარ მიგვიცია. აუ! ბულბულო, შენ კიდევ გალობ? ვისთვისლა მღერი? ვაზო, შენც იზარდები? სიყვარულო, ვისთვის გინდა ეგ ბორკილები?

ჩამოწვა ღამე, დუნდულოთი ხელებზე, ხელებით კომბალზე დაყარდნობილი, ვით კოდალა თავის კუდზე, ცისკენ ცხვირაშვერილი ვუყურებდი ხის კენწეროს, საიდანაც ბადრი მთვარე იცქირებოდა. ვცდილობდი თავი დამეღწია ჯადოსათვის, რომელიც მბოქავდა. ვერ მოვახერხე. უთუოდ ხე თავისი ჯადოქრული ჩრდილით მატყვევებდა, ჩრდილით, რომელიც ადამიანს გზას ააცდენს და მისი პოვნის სურვილს უქარგავს. ერთხელ, ორჯერ, სამჯერ, კიდევ და კიდევ შემოვივარე ხეს და იმ ადგილს მაინც ვერ მოვცილდი.

რა უნდა მექნა, ბედს დავემორჩილე. ბალახზე წამოვწეკი და ღამე ღია ცის ქვეშ გავატარე. ამ სასტუმროში დიდხანს არ მიძინია. სევდიანად ვიგონებდი ჩემს ცხოვრებას. ვფიქრობდი, რას მიქადდა ბედი და რა შემრჩა ხელში. ვფიქრობდი ჩემს დამსხვრეულ ოცნებებზე. ღმერ-

თო! რამდენ მწუხარებას პოულობს კაცი თავისი წარსულის სიღრმეში, შეუღამისას, როცა სული მიღებულია! როგორი ლატაკი და შიშველი გეჩვენება თავი, როდესაც გულგატეხილი სიბერის წინაშე აღიძვრება იმედმოსილი სიჭაბუკის სურათი!.. გადავთვალე მოგება და ზარალი, ქონება, შემოსავალი: ცოლი უშნო და უხასიათო მყავს, ვალები შორს არიან ჩემგან და სულ სხვანაირად ფიქრობენ, ჩემი მხოლოდ გარეგნობა აქვთ; გავიხსენე მეგობართა ლალატი, ადამიანთა სიშლეგე, მომაკვდინებელი სარწმუნოებანი და სამოქალაქო ომები; ჩემი დარბეული საფრანგეთი; ჩემი სულის ოცნებანი, ჩემი ხელოვნების გაძარცვული ქმნილებანი; აბა რა არის ჩემი ცხოვრება, ერთი მუტა ნაცარი და სიკვდილის ქარიშხალი, რომელიც აძოვარდნას ლამობს. მწარედ ავკვითინდი, მივეკარი მუხის ფესვებს, ვით მამის მკლავებს, ჩავეკარი, ჩემი სევდა გავანდე. ვიცი, რომ მისმენდა. მერე თვითონაც მითხრა ორიოდ სიტყვა, მანუგეშა; როდესაც რამდენიმე საათის შემდეგ გამომეღვიძა მიწაში ცხვირჩარგულს, ნატკენ გულში სევდა გაშქრალიყო, მსუბუქ დალლასლა და კანკის კუნთებში კრუნჩხვასლა ვგრძნობდი.

მზე ამოდიოდა. მღეროდა ჩიტებშესეული მუხა. გალობა ისე წვეთავდა, როგორც ყურძნის წვენი, როცა მტევანს ხელს უჭერენ. ყველანი აქ იყვნენ: სკვინჩა გიომე, ბოლოქანქარა მარი გოდრე, ხეკაკუნა ლეგა სილვია, ტიტინა კიოტა და ჩემი ძმობილი, მუდამ უდარდელი, მოხითხითე ნამგალა, ვისაც არც სიცივე აწუხებს, არც წვიმა, არც ქარი და ავდარი, ყოველთვის იცინის, კარგ ხასიათზეა, განთიადზე პირველი იწყებს გალობას, უკანასკნელი ჩუმდება და სწორედ ამიტომ ჩემსავით დაჟღაჟა ცხვირი აქვს. აჰ! ეს პატარა ყოჩალი ბიჭები რა გულიანად გასძახოდნენ. ღამის საშინელებისათვის თავი დაუღწევიათ. ხიფათით სავსე ღამისათვის, რომელიც ყოველ საღამოს ბადესავით ეშვება მათ თავზე. სულშემხუთავი წყვილია... ვისი დაღუპვის ჭერი... ფარი, ფარირა!.. განთიადის მკრთალი ღიმილი გააცხოველებს გაყინულ სახეს და გაფითრებულ ბაგეებს... უაი ტი, უაი ტი, ლა ლაი, ლა ლაი, ლადერი... კიკიკიკო, ყივილით, მეგობრებო, აღტაცებითა და სიყვარულით ზეიმობენ და ეგებებიან განთიადს! გადატანილი ტანჯვა, მოსალოდნელი საფრთხე, მუნჯი შიში, ფხიზელი ძილი, ერთი სიტყვით, ღამე, საშინელი ღამე, ყველაფერი ეს დავიწყებას მიეცა. ყველაფერი ფრრ. გაქრა, გაფრინდა. აუ, დღეო! დღეო ახალო! ჩემო გუგუ-

ლო, მასწავლე შენი საიდუმლოება ყოველ განთიადზე მკედრეთით აღდგომისა.

გუგული სტენას განაგრძობდა. მისი ძლიერი ირონია მეც მამხნე-  
ვებდა, მიწაზე ჩაცუცქულმა მეც დავსტვინე მასაიეთ. გუგული... „გუ-  
გული თეთრი, გუგული შავი, რუხი ნევერელი გუგული“, მგოსანი,  
ფროთოსანი, ტყის გულში კუკუ-მალიას თამაშობდა.

„გუგულო, გაჩუმდი, გაჩუმდი, ნუ მღერი, ეშმაკმა მოგტეხოს კი-  
სერი“.

ავბტი, გადაეკოტრიალდი, კურდღელმაც მომბაძა; იცინოდა, იმდენი  
ეცინა, რომ პირი გაპობოდა. გზას გავეუდექი, გულიანად ვმღეროდი.

— ყველაფერი კარგია, ყველაფერი კარგია! მეგობრებო, დედა-  
მიწა მრგვალია... ვინც ცურვა არ იცის, ფსკერისკენ მიდის. ჩემი ხუთი  
გრძნობის ფართოდ გაღებულ ფანჯრებში შემოიჭერ, ქვეყნიერებავე,  
იჩუხჩუხე ჩემს სისხლში! რაო! ბრიყვი ხომ არა ვარ, ცხოვრებას გა-  
ვებუტო იმიტომ, რომ არ მომცა, რასაც ველოდი. ნდომას რომ გზა  
მისცე, „ეს რომ მქონდეს... ის რომ მექნება...“ სად წახვალ... სურვი-  
ლებს რა გამოლევს, კაცის გულს რა გააძღებს. მუდამ ის უნდა, რაც  
არა აქვს, რაც აქვს, არად ავდებს. თვით ბატონიშვილი დე ნევერი,  
ან მეფე, ან მამა უფალი. ყველას თავისი საზღვრები, თავისი სფერო  
აქვს. განა იმისთვის უნდა ვიღეღვო და ვიწუწუნო, რომ ამ სფერო-  
დან გამოსვლა არ შემიძლია? ვითომ სხვაგან უკეთ ვიქნები? შინა ვარ  
და აქვე დავრჩები, ეშმაკმაც დალახვროს, დავრჩები, სანამ შემეძლე-  
ბა. რად უნდა ვიწუწუნო? ბოლოს და ბოლოს, ჩემი მოვალე არავინაა!  
ხომ შეიძლებოდა, რომ არც კი მეცხოვრა... ღმერთო! ამის გაფიქრე-  
ბაც კი შიშის ზარსა მცემს. როგორ! რა იქნებოდა ეს პატარა, მშვენი-  
ერი, მშვენიერი სამყარო, ეს ცხოვრება უბრონიონო! ანდა ბრონი-  
ონი უსიცოცხლოდ! რა სევდიანი სამყარო იქნებოდა, მეგობრებო!...  
ყველაფერი მშვენიერია ისე, როგორც არის. ეშმაკსაც წაუღია ის,  
რაც არა მქვს! რაც მქვს, ხომ ჩემია...

• • •

კლამსიში ერთი დღის დაგვიანებით დაებრუნდი. თუ როგორ და-  
მიხვდნენ, ამის წარმოდგენა თქვენთვის მომიწევია, მაგრამ ამას დი-  
დად არ შევეუწუხებოვარ; როგორც ხედავთ, სხვენზე ამოვედი, ჩემს



თავთან ლაპარაკით გული ვიჭერე და ცხვირის ქნევით, ენაგამოყოფილ-  
მა ჩავწერე ჩემი დარდი და სიამე, სიამე ჩემი დარდებისა...

რაც გტანჯავდა მანამდე, რამაც წინათ ჩაგქოლა,  
რა კარგია შემდეგში მოგონება, მოყოლა.

## VI

### მოფრენილი ჩიტუნები, ანუ სერენადა ანუაში

ი ვ ნ ი ს ი.

გუშინ დილით გავიგეთ, რომ ორ წარჩინებულ სტუმარს—მადმუა-  
ზელ დე ტერმსა და გრაფ დე მაიბუას კლამსიში გაევლოთ. სტუმრები  
ქალაქში არ შეჩერებულან, პირდაპირ ანუას ციხე-დარბაზში ჩასულან,  
სადაც სამი თუ ოთხი კვირა უნდა დარჩენილიყვნენ. ჩვეულების თა-  
ხახმად, მრჩეველთა საბჭომ გადაწყვიტა მეორე დღესვე ორი კეთილ-  
შობილი ჩიტუნისათვის დელეგაცია წარეგზავნა და ქალაქის სახელით  
მშვიდობით ჩამოსვლა მიელოცა. (თითქოს დიდი სასწაული მოხდა,  
თუ რომელიმე ასეთი ცხოველი თბილად და ნებიერად რბილი ეტლით  
ისე ჩამობრძანდება პარიზიდან ნევერში, რომ გზა არ აერევა, მშვი-  
დობიანად გაივლის ტყე-ველს და კისერს არ მოიტეხს.) გარდა ამისა,  
აქაური წესის თანახმად საბჭომ გადაწყვიტა სტუმრების პირის ჩასა-  
კოკლოზინებლად მოლოცვებისათვის დაერთო გემრიელი ნამცხვრები,  
ჩვენი სიამაყე, დიდი დაშაქრული ბისკვიტები, რითაც განთქმულია  
ჩვენი ქალაქი (ჩემმა სიძემ, საზრიანმა ფლორიმონმა ოცდათექვსმეტი  
ბისკვიტი მოიტანა: საბჭოს წევრებს ოცდაოთხი ჰქონდათ განზრახუ-  
ლი, მაგრამ, ფლორიმონიც მრჩეველია და ყველაფერში ხელგაშლილი:  
თექვსმეტი სოლად ერთ ნამცხვარს ჰყიდის; კარგ ხეირს ნახავს, ფულს  
კი ქალაქი გადაიხდის). და საბოლოოდ რომ მოეხიბლათ მათი ყველა  
გრძნობა და იძიტომაც, რომ ნათქვამია, მუსიკა მადას აორკეცებსო  
(მე კი, როცა ვკამ, მუსიკა ფეხებზე მკიდია, მითხარით, გეთაყვა, ქა-

მის დროს მუსიკა რა თავში მიხლია). დაავალეს ოთხ ვაი-მუსიკოსს, ორ ჰობოის, ორ ვიოლინოს და კიდევ ერთ მედოლეს, ქალაქის დელეგაციის გაჭყოლოდნენ და ხამცხვრების ჩაცეცხვლისას თავის ჭაბახახებზე ციხე-დარბაზის სტუმრებისათვის სეოხეხადა დაეკრათ.

მეც ჩემი სალამურით დაუპატიუებლად შევეურთდი კამპანიას. განა შემემძლო ახალი სიფათების ნახვის შემთხვევა გამეშვა, ისიც მაშინ, როცა საქმე კარის ფრინველებს ეხებოდა (სამეფო კარის და არა საქათმის, მოწმე იყავით). რა ექნა, მიყვარს მათი ნაზი ბუმბული, მათი ტიტინი, მიყვარს, ფრთებს რომ იპრიალებენ, დარბაისლურად დაბრძანდებიან, ამაყად იცქირებიან. კურტუმებს იქნევენ, ცხვირახზეკილი უთავბოლოდ წრიალებენ, ფრთებს თავმომწონედ აქნევენ, და მერე, მეფის კარიდან იქნებიან თუ სხვა მხარიდან, თუ ახალი რამ მოაქვთ, ჩემთვის ყოველთვის საამონი არიან. პანდორის შვილი ვარ, მიყვარს ყველა ქოთნის, ყველა სულის სარქველის მოხდა. სუფთისა და ბინძურის, გამხდრისა თუ მსუქნის, კეთილშობილისა თუ მდაბიოსი, მიყვარს სხვის გულში ქექვა, გაგება, რა ხდება შიგ, მიყვარს ჩარევა საქმეში, რომელიც არ მეკითხება, ყველგან ცხვირის ჩაყოფა, ყველაფრის დაყნოსვა, დაქაშნიკება. ცნობისმოყვარეობისათვის გამამათრახონ, ყაბულსა ვარ; მაგრამ (არხეინად ბრძანდებოდეთ!) სასიამოვნო სასარგებლოს არ მავიწყებს და რაკი ანუას ბატონისათვის ჩემს სახელოსნოში ორი ჩუქურთმიანი პანო მქონდა, შემთხვევით ვისარგებლე და (ფული არ მიღირდა და რა მენადლეებოდა) ერთ-ერთ იმ ფორანზე დავდე, სადაც წარგზავნილები, მუსიკოსები და მოძაქრული ბისკვიტები იყო. წამოვიყვანე ჩემი გლოდიც, ფლორაიმონის ასული, ფორანით რომ გვესარგებლა (შემთხვევა მოგვეცა) და უფასოდ გაგვესიერინა; მეორე მრჩეველს ბიქუნა მოჰყვა. მეაფთიაქემ ფორანი სიროფებით, ნაყენებით, თაფლით და მურაბებით აავსო. სტუმრებს მიართმევდა თავისი სახელით, ფულს კი ქალაქი კლამსი გადაიხდიდა. უხდა გაშოგიტყდეთ, ჩემს სიძეს ეს არ მოეწონა, ამბობდა, ეს ჩვენს ადათებს არ შეეფერება და თუ ყველა ოსტატი: მეფურნე, მეჭლანე, ყასაბი და დალაქი მეაფთიაქეს მიჰბაძავს, დააქცევენ ქალაქსა და მოქალაქეებსო. ფლორაიმონი არ ტყუოდა, მაგრამ მეაფთიაქეც მრჩეველი იყო და მის სიტყვასაც წინ ვერავინ დაუდგებოდა. ერთნი ქმნიან კანონებს, მეორენი ემორჩილებიან.

ორი ფორანით გავემგზავრეთ: ქალაქის თავი, საჩუქრები, ბავშვე-

ბი, პანოები, ოთხი მუსიკოსი და ოთხი მრჩეველი. მე ფეხით მივდი-  
ოდნი. ფორნით ხბო მიჰყავთ სასაკლაოზე, ანდა დედაბრები ბაზრობა-  
ზე, ასეთი მგზავრობა ხეიბრების საქმეა. სიმართლე გითხრათ, არც  
თუ ისე კარგი ამინდი იდგა. ცა მოქუფრული იყო, საავდროდ გამზა-  
დებული, თუმცა აპოლონის მგზნებარე მრგვალი თვალი მცხუნვარე  
ისრებს გვესროდა კეფაში. გზაზე ბუხებისა და მტვრის კორიანტელი  
იდგა; მაგრამ ფლორიმონის გარდა, რომელიც ლამაზი ქალივით უფ-  
რთხილდებოდა თავის თეთრ კანს, ყველა კმაყოფილი იყო. გაზიარე-  
ბული წყენა თითქმის ღებნაა.

სანამ წმინდა მარტენის კოშკი ჩანდა, ყველა ამ წარჩინებულ ბა-  
ტონს დარბაისლური იერი ჰქონდა, მაგრამ როგორც კი ქალაქის  
თვალს მოვშორდით, ყველას შუბლი გაეხსნა, მერე ქურთუკები  
გაიძრეს და ჩემსავით პერანგების ამარა დარჩნენ. ჯერ გადაკრული  
სიტყვებით გავუმასპინძლდით ერთმანეთს (ჩვენებური წესია, მადა  
რომ გაგეხსნას), შემდეგ ერთმა წამოიწყო სიმღერა, მას მეორე აჰყვა  
და მე ვფიქრობ, მამატიეთ, თუ ვცდები, თვით ქალაქის თავმა წამო-  
იწყო კუპლეტი. მე სალამური ავაკენესე, სხვებიც ამყვენენ. უეტრად  
ჩვენს სიძღერას და პობოების პანგებს გამოეყო გლოდის წკრიალა ხმა  
ვით ბელურა მალლა ფრენდა, ჰიკჰიკებდა და თან სტვენდა.

აუჩქარებლად მივდიოდით. ჯაგლაგები აღმართზე ჩერდებოდნენ,  
სულს ითქვამდნენ და სასკორეთი ბათქა-ბუთქი გაჰქონდათ. გზა რომ  
განგვეგრძო, მათი მუსიკის დამთავრებას ვუტყდიდით. ბუაშოს აღ-  
მართს რომ მივაღექით, ჩვენმა ნოტარიუსმა მეტრ პიერ დელავომ  
გვითხრა (უარს ვერ ვეტყვოდით, ერთადერთი მრჩეველი იყო, რომელ-  
საც არაფერი უთხოვია), გზად ერთ ჩემს კლიენტთან შევიაროთ, ან-  
დერძის დაწერა მთხოვაო. გაუყევით, მაგრამ დიდხანს მოუნდა; ჩვენი  
ფლორიმონი აჰყვა მეაფთიაქეს და დაიწყო წუწუნნი: ეს რასა ჰგავსო,  
შენი როგორ უნდა გერჩიოს ჩემსასო. მაგრამ მეტრ პიერ დელავომ  
აუჩქარებლად დაამთავრა თავისი საქმე და მეაფთიაქემ ნებსით თუ  
უნებლიეთ, წყენით თუ სიხარულით გადაყლაპა ეს.

გზა რამ დალია და სიარულმაო. ბოლოს მივედით კიდევ. ჩვენი  
ჩიტუნები სუფრიდან დგებოდნენ, როდესაც ძღვენი შევეუტანეთ. მო-  
ლა მოკვდა და საფლავში ფლავი ჩააყარესო; რა გაეწყობოდა, კვლავ  
მაგიდას მიუსხდნენ. ჩიტუნები ხომ სულ იკნეკებიან. როგორც კი  
ციხე-დარბაზს მივუახლოვდით, საბჭოს ვაჟბატონები შედგნენ, რომ

ჩაეცვათ შვისგან გულმოდგინედ დამალული ლამაზი, თვალისმომკრე-  
ლი, გულის გამხარებელი საზეიმო სამოსი მწვანე აბრეშუმისა — ქა-  
ლაქის თავისთვის, ღია ყვითელი შალისა — ოთხი ძმა-კაცისთვის;  
ასე გეგონებოდათ, ერთი კიტრი და ოთხი გოგრააო. ჩვენ ინსტრუ-  
მენტებზე დაკვრით შევედით. ხმაურზე უსაქმო მსახურებმა ფანჯრი-  
დან თავები გამოყვეს. ჩვენი ოთხი შალოსანი და ერთიც აბრეშუმო-  
სანი ავიდნენ პარმაღზე, რომლის კარებში გამოჩნდა ორი ნაოქიანი  
საყულო (კარგად ვერ ვხედავდი) და ბაბთებით შემკული, ცხვრებივით  
დახუჭუჭებული წყვილი თავი („სახარე ხბოს სასკორზე შეეტყო-  
ბაო“). ჩვენ კი, მუსიკოსები და გაგრიები, შუა ეზოში ვიდექით.  
ამ სიშორიდან არ შემეძლო გამეგო ის ლამაზი სიტყვა, რომელიც ჩვენ-  
მა ნოტარიუსმა ლათინურად წაიკითხა: მაგრამ თავი იმით ვინუგეშე,  
რომ მგონია, თავის ნათქვამს მხოლოდ თვითონ მეტრ პიერი უსმენდა.  
სამაგიეროდ პაწაწინა გლოდის ცქერით დავტკბი; როდესაც ჩემი  
კრაფი პატარა ნაბიჯებით კიბის საფეხურებზე აღიოდა, გეგონებო-  
დათ, პატარა წმინდა მარიამი ტაძარში შეჰყავთო. მუცელზე მიეკრა  
ბისკვიტებით სავსე კალათა, რომელიც ნიკაპამდე სწვდებოდა. არც  
ერთი ბისკვიტი არ დავარდნია; გულში მაგრად ჩაეხუტებინა: ამ მსუ-  
ნაგ ეშმაკუნას, საყვარელ ფისუნის... ღმერთო! მზად ვიყავი, გადა-  
მეყლაპა.

ბავშვის მომხიბვლელობა ნამდვილი მუსიკაა და უფრო მეტად  
სწვდება გულს, ვიდრე ის, რასაც ჩვენ ვუკრავდით. ზვიადი კაციც,  
ის მადლიანი, თვითონაც ბავშვი ხდება, ერთი წუთით ავიწყდება სი-  
მაყე და მაღალი წოდება. მადმუაზელ დე ტერამა ალერსიანად გაუდი-  
მა გლოდის, აკოცა, მუხლებზე დაისვა, ნიკაპზე ხელი მოუცაცუნა,  
ერთი ბისკვიტი ორად გატეხა და უთხრა: „გავიყოთ, დაღე შენი ნის-  
კარტი...“ და უფრო დიდი მრგვალ ღუმელში ჩაუღო. მე კი, გახარე-  
ბულმა, მთელი ძალით ვიყვირე:

— გაუმარჯოს ნევერის ლამაზ და კეთილ ყვავილს!

და ჩემს სალამურზე ჰერი, ჰერი, დავეკარი მხიარული მისამღერი,  
რომელმაც მერცხლის წკრიალა ჰიკვიტით გააპო ჰაერი.

ყველა სიცილით ჩემკენ მობრუნდა. გლოდიმ ტაში დაუკრა და  
იყვირა:

— პაპა! პაპული!

ბატონი დ'ანუა მეძახის:

— ეს ჩვენი პამპულა ბრონიონია...

(მიცნობს ეგ კულლუტი, მიცნობს ვინცა ვარ, თვითონაც არ არის ჩემზე ნაკლები პამპულა).

მანიშნებს, ჩემთან მოდიო. ჩემი სალამურით მივდივარ, მკვირ-  
ცხლად ავდივარ და ვესალმები...

(თავანისცემა, სიტყვები ზრდილი

აამებს ბატონს და არც ღირს ძვირი).

ყველას მოწიწებით ვუკრავ თავს, ვესალმები მარჯვნივ, ვესალმები მარცხნივ, წინ და უკან, კაცსა და ქალს; მორიდებით ვათვალისწინებ და ვცდილობ შემოვუარო ზარის ფორმის ფართე კაბაში გამოკიდებულ ქალიშვილს (იტყოდით სარეკელაო); სამოსელს ვხდი (რასაკვირველია, მხოლოდ ფიქრით) და ვიცი, რომ კვლავ ვხედავ პატარას და შიშველს, ჰინტებში დაკარგულს. მაღალი იყო, ტანადი, შავგვრემანი. კანი პუდრით გაეთეთრებინა; ლალივით მბრწყინავი და მუქი თვალები ჰქონდა, პატარა, მსუნავი, ქექია გოკის ცხვირი, მსუქანი, წითელი, საკოცნელად საამო ტუჩები. დაწვებზე ხუჭუჭა ზილფები ეყარა. რომ დამინახა, მოწყალედ მითხრა:

— თქვენია ეს მშვენიერი პატარა ბავშვი?

ემშაკურად ვუპასუხე:

— აბა ჩვენ რა ვიცით, ქალბატონო? აი ეს ბატონი ჩემი სიძე გახლავთ. ამაზე პასუხი მან უნდა გაგცეთ. მე თავდებად ვერ დავუდგები. ყოველ შემთხვევაში, ეს ჩვენი საუნჯეა და არავინ გვეცილება. ფულივით ხელიდან არ გეტაცებენ. ხომ გაგიგიათ, „შვილი ღარიბის დოვლათიაო“.

მოწყალემა მიიღო. გაიღიმა, ბატონიშვილმა დ'ანუამ კი გადაიხარხარა. ფლორიდონმაც გაიციანა, მაგრამ მწარედ. მე სერიოზულად მეჭირა თავი. თავს ვისულელებდი, მაშინ საყელოჩანაოჭებულმა კაცმა და ზარის ფორმის კაბიანმა ქალბატონმა კეთილინებეს და გულმოწყალებით მკითხეს (ეგონათ მესაზნდრე ვიყავი), თუ რას მძღევედა ჩემი ხელობა. და მეც მართალი ვუთხარი:

— თითქმის არაფერს...

მაგრამ რას ვაკეთებდი, ეს კი არ მითქვამს. ან რად უნდა მეთქვა? ამას არავინ მეკითხებოდა. მე ველოდებოდი, ყველაფრის ნახვა მსურ-

და, ვერთობოდი. სასეიროდ მიმაჩნია ის მოურიდებელი და ცერემონიული ქედმაღლობა, რომლითაც ეს ლამაზი და მდიდარი ვაჟბატონები მიმართავენ ხოლმე ჩემისთანა ხელმოკლე და ღარიბ კაცს. ასე გეგონებთ, ჭკუას ასწავლიანო. ღარიბი ხომ ბავშვივითაა, ჭკუა-გონება არ გააჩნია... და მერე (ამას არ ამბობენ, მაგრამ ფიქრობენ) ეს მისივე ბრალია: ღმერთმა დასაჯა, ასეც მოუხდება, იკურთხოს უფალი.

თითქოს იქ არც კი ვყოფილიყავი, მაიბუამ უთხრა ქალბატონს:

— ვინაიდან საქმე არაფერი გვაქვს, ეს საბრალო კაცი გამოვიყენოთ, ქალბატონო; ცოტა ჩერჩეტი ჩანს, აქეთ-იქით დაეთრევა, საღამურს აკენესებს: უთუოდ იცნობს სამიკიტნოების ხალხს, გვეტყვის რას ფიქრობს პროვინცია, თუკი საერთოდ...

— ჩუ!

— ...თუკი საერთოდ ფიქრი შეუძლია.

და მეკითხებიან:

— გვითხარი, კეთილო, რას ფიქრობენ აქაურები?

— რას ფიქრობენ? — ვიმეორებ გამოთაყვანებული, თან თვალს ვუკრავ ჩემს ჩაგოდრებულ ბატონ დ'ანუას, რომელიც თავის წვერს ეაღერსება, ჩუმ-ჩუმად იცინის და ხელს არ მიშლის ვიპამპულო და ვაპამპულო...

— როგორც ვხედავ, საერთოდ აზრზე ხელმოკლედ ყოფილხართ პროვინციაში, — ირონიულად განაგრძობდა მაიბუა. — მე მინდა გკითხო, ჩემო კეთილო, თუ რას ფიქრობენ, რა სწამთ. კარგი კათოლიკეები და მეფის ერთგულნი თუ არიან.

ვეუბნები:

— დიდ არს უფალი და მეფეც მეტად დიდია. ორივე ძალიან გვიყვარს.

— პრინცებზე რაღას ფიქრობენ?

— ისინი დიდი ბატონები არიან.

— მაშ, მათი მომხრე ხართ?

— დიახ, ბატონიშვილო, დიახ.

— და კონჩინის წინააღმდეგნი?

— მისი მომხრეც ვართ, ბატონიშვილო.

— როგორ, დალახვროს ეშმაკმა, როგორ! პრინცები და კონჩინი ხომ მტრები არიან?

— არ უარყოფ... შეიძლება, ასეც იყოს... ჩვენ ორივეს მომხრეები ვართ.

— ღმერთო ჩემო, ეგრე არ იქნება, ერთ-ერთი უნდა აირჩიოს!

— განა აუცილებელია, ბატონო? არ შეიძლება არჩევანს თავი დავაღწიოთ? მაშ, იყოს ნება თქვენი. მაინც ვისი მომხრე ვართ?.. ამას ერთ უმთვარო ორშაბათს მოგახსენებთ, ბატონო, მანამდე კი ფიქრი მქირდება.

— კი მაგრამ, რაღას ელოდები?

— რასა, ბატონო და, ზომ უნდა გავიგო, ვინ უფრო ძლიერია.

— არამზადავ, არა გრცხვენია? ნუთუ არ შეგიძლია ერთმანეთისაგან გაარჩიო დღე და ღამე, მეფე და მისი მტრები?

— აბა საიდან, მეტიმეტსა მთხოვთ, ბატონო. დღე რომ არის, ამას კარგად ვხედავ, ბრმა როდი ვარ; მაგრამ თუ აუცილებელია არჩევანი მეფის ხალხსა და ბატონ პრინციების ხალხს შორის, გამოგიტყდებით, ვერ ვიტყვოდი, რომელი სვამს უკეთ, ან რომელს მოაქვს მეტი ზარალი. მათზე ცუდს არაფერს ვამბობ! მადა კარგი აქვთ; ეს მათ ჯანმრთელობაზე მეტყველებს. თქვენც ჯანმრთელობას გისურვებთ. მომწონს სმა-ჭამის მოყვარული ხალხი, სიამოვნებით მიებაძავდი ჭამაში; მაგრამ სიმართლე გითხრათ, ისეთი მეგობრები მირჩევნია, რომლებიც ჩემთან კი არა, სხვებთან ჭამენ.

— მაშ, არაფერი გიყვარს, ყურუმსალო?

— როგორ არა, ბატონიშვილო, მიყვარს ჩემი ავლა-დიდება.

— არ შეგიძლია შენს ბატონს, მეფეს, შესწირო, რაც გაგაჩნია?

— თუ სხვა გზა არ მაქვს, როგორ არა, ბატონიშვილო, თუმცა მინდა გავიგო, რომ არ ყოფილიყო ჩვენს საფრანგეთში ჩემისთანა ხალხი, ვისაც უყვარს თავისი ვენახი და მინდორი, რას დალევდა ან რა სუფრას გაშლიდა მეფე ბატონი? ყველას თავისი ხელობა აქვს. ერთნი ჭამენ, სხვები... სხვებს სჭამენ. ასეთია უფლის ნება, პოლიტიკა არის ჭამის ხელოვნება. საბრალო ხალხი პოლიტიკას რა თავში ვიხლით? თქვენი იყოს პოლიტიკა, ჩვენი იყოს ჩვენი მიწა! განსჯა რა ჩვენი საქმეა. უბირი ხალხი ვართ. აბა, ჩვენ სხვა რა ვიცით, თუ არა მამა-ადამისებურად მიწის დამაკება. ამბობენ, თქვენი მამაც იყო, მაგრამ მე არ მჭერა. უკაცრავად... მამა არა და, ბიძაშვილი თუ იქნებოდა. ჰოდა, აბა სხვა რა ვიცით, მიწის დამაკების გარდა, რომ

უფრო ბარაქიანი გავხადოთ (ეგ), ჩვენ მიწის თხრა ვიცით, ხენა, თესვა სვოიისა, მოყვანა ხორბლისა, დაჩაჯლა და მყნობა ვაზისა, მკა და ცელვა, ძნების შეკვრა, ხორბლის ლეწვა, ყურძნის დაწურვა, ღვინის დაყენება, პურის გამტკიცვა-გამოცხობა, შემის დაპობა, ქვის გამოთლა, მაუღის გამოჭრა, ტყავის გამოყვანა, რკინის ჭედვა, კერვა, ღურგლობა, არხებისა და გზების გაყვანა, ქალაქებისა და ტაძრების აგება და შენება, მიწის გულზე სამკაულად ლამაზი ბაღების მორგება, სის კედლებზე, პანოებზე სინათლის მომხიბვლელობის აყვავილადფრადება, შიშველ-ტიტველ და მშვენიერ სხეულებზე შემოკრული ქვის საძოსის გაზდა, ან ჭაერში მოლივლივე ხმების დაქერა და მკენესაოე ვიოლინოს მუქოქროსფერ მკერდში ან ჩემ მილაკ სალამურში მათი დატყვევება, რათა გავხდეთ ბატონები საფრანგეთის მიწისა, ცეცსლისა, ჭაერისა და წყლისა, ოთხი ელემენტისა, ომ იხინი ვამსახუროთ თქვენს სიამოვნებას... აბა, ამის მეტი რა ვიცით, ანდა რა გავკეგება. როგორ გავკადნიერდებით, რომ ვიფიქროთ, რამე გვესმისო საზოგადო საქმეებში, თავადების დავაში, მეფის წმინდა განზრახვებში, პოლიტიკასა და სხვა მეტაფიზიკაში? თავს ზემოთ ძალა არ არის, ჩემო ბატონო. ჩვენ საცემრად გაჩენილი საპალნის ცხოველები ვართ. გეთანხმებით! მაგრამ თუ რომელი მუშტი გვიჩვენია, ან ჩვენი ზურგისთვის რომელი ხელკეტი უფრო რბილია... ამის გადაწყვეტა მეტად ძნელია ჩემი ბებერი, უტვინო თავისთვის! მართალი გითხრათ, არც მაინტერესებს. რომ გიპასუხოთ, ხელში ორივე კეტი უნდა მქონოდა, უხდა ამეწონ-დამეწონა ერთიცა და მეორეც; სხვის ზურგზედაც გამომეცადა. მანამდე კი მოთმინება სჭობს. ჩვენი დროც მოვა. ითმინე გრდემლო, ითმინე სანამ გრდემლი ხარ; დაჰყარ, როდესაც ურო გახდები..

გრაფი იკვნეულად მიყურებდა, ცხვირს იკმუნნიდა, არ იცოდა, რა ექნა, ეცინა თუ გაბრაზებულიყო. ამ დროს მისი ამალიდან ერთმა მესაკუთრვლემ, რომელსაც ჩვენს განსვენებულ კეთილ ნევერის ჰერცოგთან ვენახე, უთხრა:

— ბატონიშვილო, კარგად ვიცნობ ამ ახირებულს, კარგი მუშაა, საუცხოო ღურგალი, დიდი ლაზლანდარა და ხელობით მოქანდაკეა.

ეტყობა კეთილშობილ ვაჟბატონს არც ამ სიტყვებმა შეუცვალა ბროხიონზე შეხედულება; ოდნავი ყურადღება ჩემი სუსტი პიროვნე-



ბისადმი მხოლოდ მაშინ გამოიჩინა (ჩემო ბავშვებო, „სუსტს“ თავმდაბლობით ვამბობ, სინაბდვილეში ერთ ბიულზე ცოტათი ნაკლებს ვიწონი), როდესაც მესაჭურვლისა და მასპინძელ ბატონ დანუასაგან გაიგო, ესა თუ ის პრინცი მის ნამუშევარს დიდად აფასებდა. მაშინ კი მოვიდა აღტაცებაში, როდესაც ეზოში გაიყვანეს და ჩემს შიერ გამოქანდაკებული სარაჯი უჩვენეს: კაბააკეცილ გოგოს წინსაფარში ორი ხისკარტდაღებული, ფრთებგაშლილი და აფორიაქებული იხვი უზის. შემდეგ ციხე-დარბაზში ჩემი ავეჯი და პანოები ნახა. იფხორებოდა ბატონი დანუა. სულელები არიან მდიდრები: რაკი ფული გადაუხდიათ, ჰგონიათ, ნამუშევარიც მათია!.. მაიბუამ, ჩემთვის პატივი რომ დაედო, თავი გამოადო, დიდად გაიკვირვა და გაიოცა, ამ მიყრუებულ მხარეში რად რჩები, ისე შორს დიდ პარიზელ ხელოვანთაგანო. შენს ნახელავშიც მხოლოდ მოთმინება და ჭეშმარიტება ჩანს, მოგონილი არაფერია, არავითარი გამჭირახობა, აღმაფრენა, დაკვირვება, იდეა, სიმბოლო, ალეგორია, ფილოსოფია, მითოლოგია, ერთი სიტყვით არაფერია ისეთი, რაც მცოდნე კაცს ეუბხება, რომ ეს დიდი სკულპტურაა (ყოველ დიდ ბატონს მხოლოდ დიდი რამ მოსწონს).

მორიდებით ვუპასუხე (თავმდაბალი და მიამიტი ვარ), ვიცი ჩემი ფასი, საერთოდ ყველამ თავისი ადგილი უნდა იცოდეს-მეთქი, ჩემისთანა საბრალო კაცი, ვისაც თავის დღეში არაფერი უნახავს, არაფერი გაუგონია, არაფერი იცის, თუ ჭკვიანია, პარნასის ქვედა ქანდარაზე უხდა დარჩეს, სადაც ერიდებიან დიდ, ფართო და ამალღებულ ჩანაფიქრებს. და თუ გონიერია, მოარიდებს ზარდაცემულ თვალებს მწვერვალს, სადაც ღვთიური რაშის ფრთები მოჩანს და მთის ძირში თხრის კარიერს, რომლის ქვეები სახლისათვის გამოადგება, სილატაკისაგან გონებაშეზღუდული ქმნის და ასახავს მხოლოდ იმას, რაც ყოველდღიური საჭიროებისათვისაა გამოსადეგი. გამოყენებითი ხელოვნება — აი, მისი ხედრი.

— გამოყენებითი ხელოვნება! ეს ორი სიტყვა ცუდად ჟღერს ერთად, — ლამაზი მხოლოდ ისაა, რაც უსარგებლოა.

— დიდებული სიტყვაა, ბატონიშვილო! სიმართლე სრული და თანაც ბრძნული! — დავეთანხმე მე. — ყველგან, ხელოვნებაშიც და ცხოვრებაშიც, არაფერია ისე წარმტაცი, როგორც აღმასი, მეფე, თავადი, კეთილშობილი ანდა ყვავილი.

მაიბუა კჷაყოფილი დარჩა. ბატონმა დ'ანუამ განზე გამიხმო და ყურში წამჩურჩულა:

— შეჩვენებულო მასხარავ! ხალხის გაპამპულებას მორჩები თუ არა? ჰო, თავი მოიკატუნე, პირი დააღე, უტოდველო ბატკანო, კარგად გიცნობ, რაცა ბრანდები. ნუ ფიცავ-მეთქი! ეს პარიზელი პრანკია კი, მიდი შვილოსა, აპამპულე, რამდენიც გინდა! გული არ დამწყდება, მაგრამ თუ ოდესმე ჩემზე თავდასხმაც განიზრახე... ფრთხილად, კოლა, წინ იყურე, არ გამიხდე საპანჩურე.

აღვშფოთდი:

— ბატონიშვილო! მაგას რად ბრძანებთ. განა მე ძალმიძს თავს დავესხა თქვენს ბრწყინეალებას? ჩემს კეთილისმყოფელს! ჩემს ზღაგრველს! განა შეიძლება ბრონიონს, კოლას, მიაწერონ ასეთი სულმდაბლობა?... სულმდაბლობა კიდევ ჰო, მაგრამ სისულელე, სივირე? არა, გეთაყვა, სხვებისათვის დამილოცნია. ეს ჩვენ არ გვახასიათებს. დიდი მადლობა, ბატონიშვილო, ჩემი ტყავი ძალიან მიყვარს, ამიტომ პატივსა ვცემ ყველას, ვინც იცის, თუ როგორ უნდა უკარნახოს სხვას, რომ პატივი სცეს მას. ბატონიშვილო, თქვენ არამც თუ ჩემზე ძლიერი ხართ (ეს უდავოა), ჩემზე ეშმაკიც ბრძანდებით. აბა, თქვენთან რა სახსენებელი ვარ. ჰე! ჰე! ჰე! მე ხომ სასახლეში მჯდომ დიდ მელასთან შედარებით პაწია მელაკულა ვარ. რამდენი ოინია თქვენს ქიშელაში, რამდენი ჩავისვამთ შიგ გიყები და ფრთხილები, ჭაბუკები და მოხუცები.

ბატონ დ'ანუას სახე გაეზადრა. კაცს ყველაზე მეტად მაშინ აამებ, როცა ისეთ ტალანტს უქებ, რომლის ნატამალიც არ გააჩნია.

— კეთილი, კეთილი, ბატონო ლაზღანდარავ. ჩემს ქიშელას მოვეშვათ, სჯობს შენსას ჩაეხედოთ, ვნახოთ, რა მოგაქვს; ექვი არ არის, უმიზეზოდ არ ამოსულხარ.

— აი, აი, აკი ვამბობდი, კიდევ მიმიხვდით! არა არის რა თქვენთვის დაფარული, მამაზეციერით კითხულობთ გულებში.

ვუჩვენე ჩემი ორი პანო და ერთი იტალიელი მხატვრის ნამუშევარი (ფორტუნა ბორბალზე, ოდესღაც მანტუში რომ მქონდა ნაყიდი), რომელიც ბებერმა ქარაფშუტამ (ღმერთმანი, არც კი ვიცი როგორ) ჩემს ნახელავად გავასაღე. თითქოს მომიწონეს კიდევ... შემდეგ (აი-რია მონასტერი.) ერთი ჩემი ნამუშევარი ვუჩვენე (ქალწულის სახიანი შედალიონი) და ვუთხარი (ღმერთმა შემიძღოს, ეს უნებური სიც-

რუე), იტალიური არის-მეთქი. გაიკვირვეს, ალტაცეზაში მოვიდნენ, ნოაწონეს, ატყდა ერთი ჰაი-ჰუი. დადნენ აღფრთოვანებისაგან. მაიბუამ, ალტაცეზისაგან პირი რომ დაელო, განაცხადა, ნათლად ჩანს ლათინური ცისა და ღმერთების — იესო ნაზარეტელისა და იუპიტერ ოლიმპიელის მიერ ორგზის ნაკურთხი მიწის ანარეკლიო. ბატონმა დ'ანუამ კი, რომელიც სიხარულიაგან ხეიხვინებდა, დაპითვალა ოცდათექვსმეტი დუკატი მასში და მხოლოდ სამი დანარჩენი სამში.

« » \*

სალამოს უკან გამოვბრუნდა. გზაში თანამგზავრებს გასართობად ჰერცოგ დე ბელგარდის ამბავი ვუამბე. ბატონი ჰერცოგი კლამსიში ფრინველზე სანადიროდ ჩამობრძანდა. ისეთი ბეცი იყო, ისეთი ბეცი, რომ ოთხ ნაბიჯზე ვერაფერს ხედავდა. მე ნაბრძანება მქონდა, როდესაც ის თოფს გაისერიდა, ძირს ჩამომეგდო ხისგან გამოთლილი ჩიტი და მერე მარჯვედ და სწრაფად მის მაგივრად გულვანგმირული ნაშდვილი ფრინველი მოპერბენანებინა. ბუერი იცოდა. შემდეგ ყველამ წამოაყრანტალა სასაცილო ამბავი ჩვენს ბატონებზე... კეთილი ბატონები! ო, რომ იცოდნენ, რა სასაცილონი არიან, როდესაც თავიანთ დიდებულებაში მეფუჟრად მოიწყენენ ხოლმე.

გადავწყვიტე მედალიონის ამბავი შემომენახა და მხოლოდ შინ, ჩემიანებისთვის მეამბნა. ფლორიმონმა რომ გაიგო, მწარედ მისაყვედურა, ასე იათად რად გაყიდე შენად გასაღებელი იტალიური ნამუშევარი, თუკი ისე მოეწონათ და გულუშვავადც გადაგიხადეს შენს ნამუშევარში, იტალიურად რომ გაასაღეო. ვუპასუხე, ხალხის მასხრად აგდება მსურდა, მათი გაყვლეფა კი არა-მეთქი. ფლორიმონი არ ცხრებოდა, გაბრაზებული მეკითხებოდა, რა ჯანდაბად გინდოდა საკუთარ ხარჯზე გართობა, ანდა ხალხის დაცივნას რა თავში იხლი, თუკი სარგებელს არ ნახავო.

მაშინ ჩემმა მარტინამ ბრძნული რჩევა მისცა:

— გეყოს, ფლორიმონ, კმარა: ჩვენს ოჯახში ყველანი ასეთები ვართ — დიდიან პატარიანად, სიტყვამახვილი, მუდამ კმაყოფილი, მხიარული. ვიცინით ამბებზე, ერთმანეთს რომ ვუამბობთ: მაშ, ნუ წუწუნებ, ჩემო კარგო, რადგან ამას უნდა უმადლოდებ, რქადანსმული

რომ არა ხარ! იმის გაფიქრებაც კი, რომ შემძლია, როდესაც მინდა რქები დაგადგა, ისე მართობს, რომ ამის ჩადენის სურვილიც აღარა მაქვს... ცხვირ-პირი ნუ ჩამოგტირის! ნურაფერს ნანობ! ისე იგული-სხმე, თითქოს ნამდვილად რქიანი იყო. ლოკოკინავ, დამალე რქები, დამალე-მეთქი! მათ აჩრდილს ვხედავ.

## VII

### ჭ ი რ ი

იელისის პირველი დღეები.

ნათქვამია, „ჭირი შედის ურმობითა და გამოდის მისხლობითა“. ის ჩვენ ორლენის დილიყანსის შეეტლის სახით გამოგვეცხადა. გასული კვირის ორშაბათს სენ-ფარჟოში ჭირის თესლი აღმოაჩინეს. ავი თეს-ლი სწრაფად ხარობს. კვირის ბოლომდე ათამდე კაცი გამოესალმა წუთისოფელს. დაუპატიჟებელი სტუმარი ნელ-ნელა ჩვენც წამოგვე-პარა და გუშინ კულან-ლა-ვინოზში გამოცხადდა. ატყდა ალიაქოთი იხვების გუბეში, აყაყანდა ქალი და კაცი, გაიძურწა ყველა მამაცი. ქალები, ბავშვები და ჭუკები შორს, მონტნუაზონში გავგზავნეთ. ზო-გი ჭირი მარგებელიაო. ჩემს სახლში აღარ ისმის ტატანი, კრიახი, კა-კანი. ფლორიმონიკ ქალებთან ერთად წაბრძანდა. ყვერულმა მოიმი-ზეზა, რომ არ შეეძლო ფეხმძიმე მარტინა მარტო გაეშვა. ბევრმა ღიპიანმა ბატონმა მიზეზი გამონახა ეტლით გასეირნებისათვის და მო-საველის დასათვალეირებლად.

ჩვენ კი, ვინც ვრჩებოდით, ვმასხარაობდით, დავცინოდით იმათ, ვინც თავს უფრთხილდებოდა და ჭირს ერიდებოდა. ოქსერის გზაზე, ქალაქის კარებთან ბატონმა მრჩევლებმა დარაჯები დააყენეს და უბ-რძანეს, გაყარეთ ყველა საბრალო და მათხოვარა, ვინც ქალაქში შემო-სვლას შეეცდებო. ჩანალი ქისის მქონე მაღალი წრის ბატონები და ქა-ლაქის მცხოვრებლები კი უნდა გაესინჯა ჩვენს სამ ექიმს, მეტრ ეტიან ლუაზოს, მეტრ მარტენ ფროტიესა და მეტრ ფილიბერ დე ვოს. მკურ-ნალებს სენისაგან რომ თავი დაეცვათ, მალამოთი გამოტენილი გრძე-

ლი ცხვირები მიეწებებინათ, ზედ სათვალე და ნიღბები წამოეცვათ. წარმოიდგინეთ, ამაზე რამდენს ვიცინოდით. ძვირფასმა მეტრ მარტენ ფროტიემ ჩვენ დაცინვას ვერ გაუძლო, თქვა: არა ვარო მასხარა და ვირი, მოიგლიჯა ხელოვნური ცხვირი და განაცხადა, ასეთი სისულელეებისა არაფერი მწამსო, მაგრამ საბრალო კაცმა სული განუტევა; თუმცა უნდა ითქვას, რომ მეტრ ეტიან ლუაზო, რომელსაც თავისი გრძელი ცხვირისა სჯეროდა და ლოგინშიც არ იშორებდა, მაინც გარდაიცვალა. გადარჩა მხოლოდ მეტრ ფილიბერ დე ვო, რომელმაც კოლეგებზე მეტი წინდახედულობა გამოიჩინა და მიატოვა თავისი ცხვირი კი არა, პოსტი... ვაიმე, ვაიმე, რამდენი რამე გამომრჩა, ბოლოში გაველი და შესავალი კი არ დამიმთავრებია. თავიდან დავიწყოთ, შეილოსა, და ჩვენ თხას წვერებში ჩავავლოთ ხელი: ამჯერად ხომ მაგრად გიქირავს?..

ჰო, იმას ვამბობდი, რომ რიჩარდ ლომგულეზად მოგვექონდა თავი. დარწმუნებული ვიყავით, კირი პატივს დაგვდებდა და ჩვენთან არ მობრძანდებოდა. ამბობდნენ, კარგი ყნოსვა აქვსო და ჩვენი კანის სუნი ეზიზღებო (ყველამ კარგად იცის, რომ ეს ჯანმრთელობის ნიშანია). უკანასკნელად, როდესაც ის ჩვენს მხარეს ეახლა (ეს იყო დაახლოებით ათას ხუთას ოთხმოც წელს, მაშინ მე ბებერი ხარის ხნისა ვიყავი, ესე იგი, თოთხმეტი წლისა), მხოლოდ ჩვენი კარის ზღურბლამდე შემოყო ცხვირი და როგორც კი იქაურობას დასუნა, იმწამსვე გაქუსლა. სწორედ მაშინ იყო (ამაზე ჩვენ მათ დიდხანს დავცინოდით), მათი მფარველი წმინდა პოტენციანეთი უქმაყოფილოებმა, შატელ-სანსუარის მცხოვრებლებმა, რატომ კარგად არ გვიცავო, კარში გააგდეს და მის ადგილას სხვა აიყვანეს; ხოლო მერე კიდევ სხვა და სხვა. შვიდჯერ შეიცვალეს მფარველი: ხან სავინიანე აირჩიეს, ხან პერეგარინი, ფილიბერი და ჰილერი და რომ ვერ გადაწყვიტეს, თუ რომელ წმინდანს მინდობოდნენ, (ცულლუტები!) წმინდა პოტენციანეს ნაცვლად წმინდან ქალს პოტენციანას მიენდნენ.

ჩვენ, ვაჟაკები, ბაქიები, მხნე კაცები ხალხის დასანახავად სიცილით ვიგონებდით ამ ამბავს და აქაოდა ასეთი ცრუმორწმუნეობისა ისევე, როგორც მრჩეველების და ექიმებისა, არაფერი გვწამსო, შატელოს კარებთან თამამად მივიდოდით იმათთან სასაუბროდ, ვინც თხრილს გადაღმა დარჩა. ზოგიერთი, აქაოდა, ვაჟაკები ვართო, გარეთ გაძვრა, რათა მახლობელ სახამაროში ერთი დოქი ღვინო დაელია

იმასთან, ვის ცხვირწინაც სამოთხის (ქალაქის-მეთქი) კარი დაიკეტა. ანდა სადარაჯოზე მდგომ ერთ-ერთ ანგელოზთან (რომლებიც მოვალეობის შესრულებაში მაინცდამაინც დიდ გულმოდგინებას არ იჩენდნენ). მეც მათსავით ვიქცეოდი. განა შემეძლო, მარტონი გამეშვა? რა გული მომიტმენდა, ჩემს ცხვირწინ სხვებს ელხინათ და დრო ეტარებინათ, ახალი ამბები და ცივი ღვინო დაეჭაშნიკებინათ? ჯავრისაგან გულზე გავსკდებოდი.

ერთხელაც, ქალაქიდან რომ გავედი, ჩემი კარგი ნაცნობი, ხნიერი ფერმერი. მაი-ლე-შატოელი მამა გრატპენი დავინახე: ერთი ჩავგოდრებული, ჩაწითლებული, ჩაფსკენილი, დარდიმანდი, ზორზოხი ვინძე, რომელიც მზეზე ოფლისა და ჯანმრთელობისაგან ბრწყინავდა. ჩემზე მეტად იფხორებოდა; დასცინოდა ავადმყოფობას და ამბობდა, ყველაფერი ეს ექიმების მოგონილიაო. მას თუ დავეუქერებდით, მხოლოდ ბეჩავნი იხოცებოდნენ და ისიც სენისაგან კი არა, შიშისაგან.

მეუბნებოდა:

— გაძლევ ჩემს რეცეპტს და ისიც მუქთად:

თუ კუჭ-ნაწლავი ამოიყორე  
და ფეხთა სითბოს გაუფრთხილდები,  
თუ გაუძელი ქალთა ცდუნებას,  
ჯანზე სულ მუდამ კარგად იქნები.

მთელი საათი ლაყბობაში გავატარეთ. გრატპენს ერთი ახირებული ჩვეულება ჰქონდა: ლაპარაკის დროს ხელს ხელზე გითათუნებდა ან ბარძაყსა და იდაყვს გიჯგვლემდა. მაშინ ამაზე არ მიფიქრია. მეორე დღეს კი, სიცოცხლე გქონდეთ, რომ ვიფიქრე.

მეორე დღეს ჩემი შეგირდი მოვიდა თუ არა, მითხრა:

— იციო, ოსტატო, მამა გრატპენმა თქვენი ჭირი წაიღო...

ვაიმე! თავში რომ დამკრა, ფეხებამდე დამიარა. დამავიწყდა ბაქიობა. ჩემს თავს ვუთხარია:

— საბრალო კოლა, უნდა აიკრა გუდა-ნაბადი, შენი საქმე წასულია. დღეს თუ არ მოკვდი, დიდი ხნის სიცოცხლე მაინც არ გიწერია...

ღაზგასთან მივედი, გულის გადასაყოლებლად ჩიჩმაგურობა დავიწყე, მაგრამ მერწმუნეთ, არაფრის თავი აღარ მქონდა. ვფიქრობდი: „სულელლო ხვადაგო! აბა ერთი კიდეც იბაქიბუქე“.

მაგრამ ბურგუნდელებმა მშვენივრად ვიცით, რომ წამხდარ საქმეს არაფერს არგებს მოგვიანებით თითზე კბენანი. ჩვენ დღევანდელი დღით ვცხოვრობთ, წმინდაო მარტენ, და კარგადაც ვცხოვრობთ! თავი უნდა დავიცვათ. ჭერ არა ვარ მტრის ხელში. გადავწყვიტე ჭერ წმინდა კოზმას დუქანში მეკითხა რჩევა (ექიმებისათვის, ხომ კარგად გეყურებათ), მაგრამ მალე გადავიფიქრე; მღელვარების მიუხედავად, იმდენი გონიერება მაინც შემრჩა, რომ ჩემი თავისთვის მეტყვა:

— ეჰ, შვილოსა, ექიმებს ჩვენზე მეტი როდი გაეგებათ, ფულს გამოგართმევენ და სულის ამოსანდელად ჭირიანთა ბანაკში მოგათავსებენ, სადაც ცოტა ხანში სულ დაქირიანდები. არ გახედო, არაფერი უთხრა. ხომ არ გაგიყებულხარ? თუ სიკვდილი გვიწერია, უექიმოდაც მოვკვდებით. და ღმერთმანი, როგორც ამბობენ, „ექიმების ჯიბრზე ვიცოცხლებთ მანამ, სანამ არ მოკვდებით“.

რამდენი არ ვეცადე თავი გამერთო და გამემხნეეებინა, მაინც მუცლის გვრემა ვიგრძენი. სხეულის ხან ერთი ადგილი მოვიხინჯე, ხან მეორე და მერე... ვაიმე! ვაიმე! ამჭერად სწორედ ის იყო. ვაი, რა ხათა დამადგა, ზუსტად ვანშმის წინ მომადგა, მაშინ, როდესაც შაშხის ნაპრებთან ერთად ღვინოში მოხარშულ მსუყე და წითელი ლობიოს ჯამს მივუჭექი (დღესაც, რომ მაგონდება, სინანულისაგან ვტირი). ძალა არ მეყო კრიჭა გაშეხსნა. გულშემოყრილი ვფიქრობდი: უკვე მოვიდა-მეთქი ჩემი აღსასრული. მადა წამერაფა... ეს იმიხი ნიშანია, რომ კოლას უკანასკნელი დღე გასთენებია...

და თუ ასეა, ჩვენი საქმეები მაინც მოვაწესრიგოთ. აქ რომ მოვკვდე, ავაზაკი მრჩევლები მოიმიზეზებენ, კირი სხვას გადაედებაო და სახლს დამიწვავენ, (ლათაიები!) ახალთახალ სახლს. რატომ უნდა იყოს ასე სულელი და ბოროტი ხალხი. ჩემს ნებზე მოვკვდები და სახლს არ დაენებებ. იმათ მაინც გავაცურებ. მაშ, დროს ნუ ვკარგავ.

ედგები. ძველ ტანსაცმელს ვიცვამ. სამ თუ ოთხ წიგნს, რამდენიმე მშვენიერ თქმულებას, გალურ ნართაულ მოთხრობებს, რომაულ ანოფთეგმებს, „კატონის ოქროს სიტყვებს“, ბუშეს „სალამოებს“ და ეილ კოროზეს „ახალ პლუტარქეს“ ვიღებ და სანთელსა და პურის ერთ ყუასთან ერთად ჯიბეში ვიღებ. შეგირდებს ვათავისუფლებ, ვკეტავ ბინას და ქალაქგარეთ, განაპირა სახლის შემდეგ, ბომონის გზაზე მდებარე ჩემს კუტაში გაბედულად მივდივარ. ბინა დიდი როდია. ეოთი პატარა ქობია, ფაოდული, სადაც ხელსაწყობს, ჩალის ლეიბსა

და დამტკრეულ სკამს ვინახავთ. თუ ამას დაწვავენ, დიდი ზარალი არ იქნება.

ძივედი თუ არა, ყვაავივით ნისკარტით კაწკაწი დავიწყე. ციებ-ციხელეზა დაქეწყო, გვერდში მჩვლეტდა, ყანყარტო მქონდა გამრედებული, თითქოს გადმობრუნებულს... და მაშინ, იცი, რა გავაკეთე? რომელი ერთი ვიამბოთ? რომელი გმირული საქმე, დიდსულოვანი სიჯიუტე, რომელიც რომის დიდი ბატონების მსგავსად, ავ სვე-ბედსა და მუცლის გვრემას დაეუბირისპირე... ხალხნო და ჭამათნო, მარტო ვიყავი. ვერავინ მხედავდა. უთუოდ ადვილად წარმოიდგენთ, რომ არაფერს დავერიდე და კედლების წინაშე რომაელ რეგულუსს მივბაძე. ჩალაზე დავემხე და ბლავილი მოვრთე. არაფერი გსმენიათ? დაქრილი მხეცივით ვლრიალებდი. ჩემი ხმა უთუოდ სამბერის ხემდე აღწევდა.

— ვაიზე, ვაიზე, უფალო, — ვწეწუნებდი, — განა შეიძლება ჩემისთანა პატარა და კეთილი კაცის დაჩაგვრა, კაცისა, რომელსაც თქვენთვის არაფერი დაუშავებია... ვაი! თაეი! ვაი, ვაი! საზარდული! რა ძნელია ამ ხნის კაცმა განუტევეო სული! ეჰ! უფალო, ნუთუ გულით გინდა, ასე ადრე გეახლო?.. ვაიზე, ზურგი!.. რომ გესტუმრო, აღტაცებული ვიქნები, დიდად პატივემული, მაგრამ რადგანაც ადრე თუ გვიან, ერთ მშვენიერ დღეს ერთმანეთი აუცილებლად უნდა ვიხილოთ, ერთი მიბრძანე, რა საქორთა სიჩქარე. ვუი! ელენთა! მე არ მეჩქარება... მამა-ზეციერო, მე ხომ კიალუა ვარ. თუ არ არის სხვა საშველი, იყოს ნება თქვენი; ხომ ხედავთ, უწყინარი, თავმდაბალი და მორჩილი ვარ... სალახანა! აბა, მოწყდი აქედან! რა დაემართა ამ ოხერს, ასე რომ მიღრღნის გვერდს?..

რამდენი არ ვიბლავლე, ტყიცილება მაინც არ დამიციტრა. სამაგიეროდ, მთლად გავსავათდი. ჩემს თავს ეუთხარი:

— ღროს ამაოდ კარგავ, ღმერთს ან არა აქვს ყურები, ანდა თუ აქვს, შენთვის მაინც არა სცალია. და თუ მართალია, როგორც ამას ამბობენ, თვითონ შეგქმნა ხატად მისად, რასაც უნდა, იმას გიზამს. ყვირილით ვერას გახდები. სჯობს, ჭან-ლოხნე შემოინახო. შეიძლება ერთ ან ორ საათს გეყოს და რად გინდა, სულელო, ქაჩს გაატანო. დავტკბეთ იმით, რაც დავგრჩა ამ მშვენიერ და მოხუც ჩონჩხისაგან, რომელსაც უნდა დავემშვიდობოთ (მეგობარო, ეჰ, რა გითხრა, ხომ იცი, რომ ეს არ მინდა). კაცი ერთხელ კვდება, მოდი და ცნობისმოყ-



ვარობა მიინც დავიკმაყოფილოთ, ვნახოთ, საკუთარ ტყავს როგორ ტოვებენ. ყმაწვილი რომ ვიყავი, ჩემზე უკეთ არავე იცოდა ტირიფის ტოტებიდან სტვირის გამოჭრა, დანის ტარით ტოტს მანამდე ვურტყამდი, სანამ ქერქი არ მოსძვრებოდა. ვფიქრობ, ის ვაებატონი, რომელიც მალიდან მიყურებს, ისევე ერთობა ჩემი ქერქის გვემით, როგორც მე ყმაწვილობისას ტირიფის ქერქის მტვრევით. აბა! მოდი, გაბედულად, მოსძვრება თუ არა ქერქი... ვაი! რა კარგად მომდო!.. არა, როგორ შეიძლება, ამხნის კაცი ბავშვური სისულელეებით ერთობოდეს! ჰეი, ბრონიონ, არ დანებდე და რაკი ქერქი არა გძვრება, დავაკვირდეთ და გავიგოთ, მაგ ქერქის ქვეშ თუ რა ხდება. შევამოწმოთ ეს ყუთი, აზრებს ქაფი მოვხადოთ, შევისწავლოთ, გადავცოხნოთ, გადავხარშოთ ის სხვადასხვა შანარები, ჩემს კუქქევეშა ჯირკვალში რომ ჩუხჩუხებენ, ღელავენ და გერმანელებივით უაზროდ ჩხუბობენ, გემო ჩავატანოთ ჩვენს მუცლის გვრემას, მოვსინჯოთ, შევეხოთ თირკმლებს და ნაწლავებს!..<sup>1</sup>

ამგვარად ვაკვირდები საკუთარ თავს. რომ ვიბღავო, დროდადრო ვწყვეტ ჩემს კვლევა-ძიებებს. ღამე არ იღევა. ვანთებ სანთელს და ძველ ბოთლს ყელში ვჩრი (ბოთლს შავი მოცხარის ნაყენის სუნი უდის, მხოლოდ სუნი, ნაყენისა კი წვეთიც აღარაა. აი სურათი იმისა, რა გავხდები დილაზე: სხეული გამქრალა და სულის მეტი არაფერი დარჩენილა). ჩალაზე მოკრუნჩხული ვცდილობდი რამე წამეკითხა. რომაელების გმირულმა აპოფთეგმებმა ვერ გამართო, ვშმაკსაც წაუღია ეს მკვებარა ხალხი. „ყველა რომში წასასვლელად ხომ არ არის დაბადებული“. მძულს ბრიყვული სიაშაყე; მსურს ვიწუწუნო, რამდენიც მინდა, როდესაც მუცელი მტკივა... მაგრამ, როდესაც ტკივილი ყუჩდება, მინდა საცოდავად ვეგდო, როგორც კაკალი ქოთანში და კბილებს ვაკაწკაწებდე. კეთილ ბეშეს „ნაკვესები“ ალალებდზე გადავშალე და წავაწყდი ერთ ისეთ მოსწრებულს, ტკაცუნასა და მოოქრულს... ღმერთო ჩემო! ხარხარი მოვრთე; ჩემს თავს ვეუბნები:

---

<sup>1</sup> აქ ჩვენ თავს ნებას მივცემთ რამდენიმე სტრიქონი გამოვტოვოთ. მთხრობელი თავის საათის მექანიზმს დაწერილებით აკვიწერს, არაჯერს მალავს და ინტერესი, რომელსაც იჩენს, აძულებს ვრცლად ილაპარაკოს ისეთ ნოტიოვრებებზე, რომლებსაც არც ისე კარგი სუნი უდით. ამას ისიც უნდა დაეუბნოთ, რომ შინა ფიზიოლოგიური ცოდნა, თუცა ამით ღიდად ამაყობს, არც ისე სახარბიელოა (რ. რ.).

— გეყოფა, კოლა. ნუ იცინი-მეთქი. სიცილი გავნებს.

რომ მებღაჟლა, თავს ვანებებდი სიცილს და რომ მეცინა — ბლა-ვილს. ასე რომ, ვბლაოდი და ეიცინოდი, ვიცინოდი და ვბლაოდი... წარმოიდგინეთ. ჰირიცი იცინოდა. ეჰ! ჩემო ბიჭუნა, რამდენი ვიბდავლე, რამდენი ვიცინე!

განთიადზე მზად ვიყავი სასაფლაოზე წასაღებად. ფორთხვით მივალწიე ერთადერთ სარკმელამდე, რომელიც გზაზე გადიოდა და პირველ გამკვლელს გაბზარული ქოთნის ხმით გადავძახე. გავონება არ დასჭირვებია, რომ მიმხვდარიყო, რა უოფაში ვიყავ. დამინახა, პირჯვარი გადაიწერა და მოუხვა. თხუთმეტი წუთიც არ გასულა, პატივი დამდეს და კარის წინ ორი დარაჯი დამიყენეს. სახლიდან გამოსულა ამიკრძალეს. ეს ფიქრადაც არ მომსულია. ვოხოვე, ჩემი ძველი მეგობარი, მეტრ პაიარი ჩამოეყვანათ დორანესიდან, რათა ჩემი უკანასკნელი ხემა-სურვილის თანახმად ანდერძი შეედგინა; მაგრამ დარაჯებს სიტყვის გავონებაც არ უნდოდათ, ღმერთმანი, მგონია, რომ ჰირის შიშით ყურებს იცობდნენ! ბოლოს ერთი ყოჩალი უღედმამო „მწყემსი ბიჭი“ (უშველა ღმერთმა, სათნო ბავშვია. მისი გული მაშინ მოვიგე, როდესაც ერთხელ ჩემს ბაღში ბალის კენკვაზე წავასწარი და ვუთხარი: კოხტა ნამგალავ. რაკი მანდა ხარ, ჩემთვისაც დაკრიფე-მეთქი.) ფანჯრამდე მოძვრა, მომისმინა და იყვირა:

— მივდივარ, ბატონო ბრონაონ, მივდივარ!

...რაც შემდეგ მოხდა, ძნელია მოსაყოლად, მხოლოდ ის მახსოვს, რომ ენაგადმოგდებულ ხბოსავით საათობით ვეგდე ჩალაზე. გზიდან მათრახის ტყლაშუნი, ზანზალაკების ქლარუნი და ბოხი, ნაცნობი ხმა მესმის... ვფიქრობ: პაიარი მოვიდა... ვცდილობ წამოვდგე... ვაი! ვაი! საბრალო თავი. ასე მგონია, კისერზე მაზის წმინდა მარტენი, კურტუმოზე კი წმინდა სამბერი. თავს ვეუბნები: „ბასვილის კლდეებიც რომ აღმართონ, მაინც უნდა წამოვდგე, უნდა წამოვდგე“.. აუცილებლად მიხდოდა ანდერძში შემეტანა მუხლი (მთელი ღამე ამაზე ვიფიქრე, ყველაფერი აეწონ-დაეწონე), რომელიც ნებას მომცემდა, მარტინასა და გლოდის წილი ისე გამედიდებინა, რომ ჩემი ოთხი ვაჟი ვერაფერში შედავებოდა. სარკმელში, როგორც იყო, გავყავი ეკლესიის დედაზარზე უფრო დამძიმებული თავი, აქეთ-იქით რომ ქანაობდა... და აი, გზაზე ორი თვალბდაკეტილი, დაფეთებული სიფათი დავინახე: ანტუან პაიარი და მღვდელი შამაი. კეთილი მეგობრები, ცოცხა-

ლისათვის რომ მოესწროთ, ისარივით გამოფრენილან; მაგრამ უნდა გითხრათ, ჩემმა ნახვამ ცეცხლი ჩაუქრო. სურათი უკეთი რომ დაეთვალიერებინათ, ორივემ სამი ნაბიჯით უკან დაიხია. შეჩვენებული შამაი გასამხნევებლად მეუბნებოდა:

— ღმერთო, რა უშნო რამ ხარ!.. რას დამსგავსებხარ! საბრალო ძმაკაცო! გამხმარი ღორივით უშნო ხარ, უშნო.

უუთხარი (მათი სიჭანსაღის ყნოსვამ, პირიქით, ჯანი მომცა):

— განა არ გეპატყებით? მგონი, გცხელათ. რატომ არ შემობრძანდებით?

— დიდად გმადლობთ. არა, არა! — წამოიძახა ორივემ ერთად, — აქაც კარგადა ვართ.

და უფრო უკან დაიხიეს, ოთხთვალას ამოეფარნენ. პაიარს კრთომა რომ დაემალა, ცხენის აღვირს დაუწყო წვალემა.

— ისე, როგორა გრძნობ თავს? — მკითხა შამაიმ, რომელიც ჩვეული იყო მკედრებთან საუბარს.

— შეგობარო, ამას როგორ მეკითხები. ავადმყოფი კარგ ქეიფზე ვერ იქნება, — ვუპასუხე თავის ქნევით.

— ახლა ხომ ხედავ, რანი ვართ, კოლა. ყოველთვის მითქვამს შენთვის. ყოვლის შემძლეა უფალი, ჩვენ კი რა ვართ: კვამლი, ნეხვი, მჩვარი, დღეს ცოცხალი, ხვალ კი მკედარი. ხან ვიცინით, ხან კი ვტირით. ჩემი არ გჯეროდა, მხოლოდ დროს ტარებაზე ფიქრობდი. კარგი ღვინო გისვამს, ახლა თხლე დალიე. ძალიან ნუ დამწუხრდები! უფალი გიხმობს. აჰ! რა პატივია, შვილო ჩემო! მაგრამ ღმერთი რომ იხილო, სუფთად უნდა ჩაიცვა, მოდი განგბანო. მოვემზადოთ, ცოდვილო!

ვუპასუხე:

— ახლავე, ცოტა დამაცა, დრო ხომ გვაქვს, მღვდელი.

— ბრონიონ, ჩემო მეგობარო, ძმაო!.. ო, კარგად ვხედავ, რომ მიწერი, ყალბი ბედნიერების ტყვე ხარ. ნეტავ რა არის მასში სასიამოვნო? ყველაფერი ფუქია: ვაება, ცბიერება, ამაოება, ვერაგი მახე, ნუნანათობა, დაუნდობლობა, მწუხარება და მიხრწნილობა. ერთი მიუთხარი, აქ რას ვაკეთებთ?

მე ვუპასუხე:

— გულს მიკლავ, შამაი, შენ რომ აქ დაგტოვო, მხნეობა არ მეყოფა.

— ჩვენ კიდევ შევხვდებით ერთმანეთს, — მანუგეშებდა შამაი.

— რატომ ერთად არ მივდივართ? რა გავწყობა, პირველი მე წავალ. „ბატონ გიზს დევიზად ჰქონდა: „ყველას თავისი დრო მოუვაო“.. ხალხო კეთილო, უკან მომყევით.

თითქოს არც კი გაუგონიათ. შამაიმ ხმას აუმაღლა:

— ბრონიონ, დრო მიდის, შენც თან მიყვები. გითვალთვალე მის მაცდური, შ.ავს დაგდგომია ბოროტი სული. განა გინდა, რომ თავის საკუქნაოსთეის კახა ცხოველმა დაისაკუთროს შენი ცოდვილი სული? აბა, კოლაჯან, თქვი შენი Confiteor-ი, თქვი, თქვი, ბიჭო, ჩემთვის მაინც თქვი, ნათლიმამავ!

— ვიტყვი, ვიტყვი, მამაო, ვიტყვი შენთვისაც, ჩემთვისაც და ზეციერისთვისაც, დამიფაროს უფალმა, სათანადო პატივი არ ვცე საზოგადოებას! მაგრამ, გეთაყვა, ორიოდ სიტყვა მსურს ვუთხრა ჩემს ნოტარიუსს.

— ნოტარიუსს მერე ეტყვი, ჯერ უფლის ვალი მოიხადე.

— არა, მოძღვარო, ჯერ პაიარის.

— ბრონიონ, ამას რას ამბობ? მამა ზეციერი ნოტარიუსის შემდეგ?

— ზეციერ მამას შეუძლია დაიცადოს, ან თუ სურს, გაისეირნოს. მას მაინც ვიპოვნი. ახლა მიწა მემშვიდობება და ზრდილობა მოითხოვს, ჯერ მას ვეწვიო, ვინც პირველად მიმიღო, მერე კი იმას მივხედო, ვინც მიმიღებს... ალბათ.

ბევრი მთხოვა, მეხვეწა, დამემუქრა, მიყვირა. უკან არ დავიხიე. არ გადავთქვი ნათქვამი, მეტრ ანტუან პაიარმა მოიმარჯვა საწერკალაში, სამანზე ჩამოჭდა და ცნობისმოყვარეობითა და ძალღებით გარშემორტყმულმა საჯაროდ შეადგინა ჩემი ანდერძი. ფულის საქმე რომ გავარიგე, სულსაც მივხედე. როდესაც ყველაფერი გათავდა და შამაი მაინც განაჯრჩობდა თავის რჩევა-დარიგებას, მიღებული ხმით ვუთხარი:

— ბატისტ, დაასვენე ცოტა ენა; საამოა შენი სმენა, მაგრამ კაცს, რომელსაც წყურვილი კლავს, რჩევა-დარიგება ჩალადაც არ უღირს. ახლა, როდესაც ჩემი სული მზად არის უნაგირს მოახტეს და სადაცაა უხანგზე შედგამს ფეხს, გეფიცებით ღმერთს, ცოტას დავლევდი. ხალხო კეთილო! ერთი ბოთლი მომაწოდეთ, რაღა!

ვაჰ, რა კარგი ბიჭები არიან!.. კარგი ქრისტიანები და კარგი ბურგუნდელები! რა კარგად გაეგოთ ჩემი უკანასკნელი სურვილი. ერთი

ბოთლის ნაცვლად სამი მოეტანათ: შაბლი, ჰუი და ირანსი. ჩემი გემის სარკმლიდან, რომელსაც, ის იყო, ლუზა უნდა აეშვა, თოკი გადავუგდე. პატარა მწყყესმა ის ერთ ძველ ტირიფის კალათს მოაბა და მე უკანასკნელი ძალ-ლონით ამოვწიე ჩემი უკანასკნელი მეგობრები.

მას შემდეგ ჩალაზე ვაგდივარ და თუმცა ყველანი წავიდნენ, თავს არც ისე ეულად ვგრძნობდი; არ შევეცდები ავიწეროთ ამის შემდეგ განვლილი საათები. არ ვიცი, როგორ მოხდა, მაგრამ ისინი ანგარიშში მაკლია. უთუოდ რვა თუ ათი ამომაცალეს ჯიბიდან. ვიცი მხოლოდ, რომ ბოთლებში მჯდარ წმინდა სამებასთან ვებასობდი, მაგრამ რას ვამბობდით, რაზე ვბჭობდით, არაფერი მახსოვს. დავკარგე კოლა ბრონიონი; სად ჯანაბაში წავიდა, ნეტავ!..

მხოლოდ შუადამისას კვლავ ვხედავ მას, ზის თავის ბაღში, დუნდულობით ჩაფლულა მსუქან, რბილ და ქორფა მარწყვის კვალში და პატარა მსსლის ტოტებს შორის ცას გასტკერის. რამდენი სინათლეა იქ, მაღლა, და რამდენი ჩრდილია აქ, დაბლა. რქებს მიჩვენებდა მთვარე. რამდენიმე ნაბიჯზე ბებერი, გაშავებული, დაგრეხილი და ხორკლიანი ლერწები თითქოს ფუთფუთებდნენ, როგორც ქვეწარმავალთა ხროვა და სატანისებური კრეკვით მიცქერდნენ... ნეტა ვინ ამიხსნის, აქ რას ვაკეთებ!.. მგონი (ყველაფერი ირევა ჩემს მეტად მდიდარ ნააზრევში), ჩემს თავს ვუთხარი:

— ადექ, ქრისტიანო! არავის უნახავს რომის იმპერატორი უკანალით ლეიბს დაკრული კვდებოდეს. Sursum corda! ბოთლები ცარიელია. Consummatum est. გასაკეთებელი აქ აღარაფერია. ჩვენს კომბოსტოებს მივმართოთ სიტყვით.

მგონი, ნივრების დაგლეჯაც მინდოდა, რადგან ამბობენ, ნიორი ჰი--რის წინააღმდეგ უებარი წამალიაო. შეიძლება იმიტომაც არის, რომ თუ ღვინო აღარა გაქვს, ნივრით უნდა დაკმაყოფილდე. მაგრამ ერთი რამ უდავოა, ფეხი (და მერე უკანალი) რომ შეეახე ჩვენს მარჩენალ მიწას, ვიგრძენი, ღამის სიმშვენიერემ როგორ მომაჯადოვა. ბნელი ცარგვალი თავის კაკლის გუმბათს ხის ტოტებივით შლიდა და მის ტოტებზე ათასობით ხილი ეკიდა. თბილ წყვდიადში მწიფდებოდნენ ვარსკვლავები, რომლებიც ზანტად ირხეოდნენ და ვაშლებივით პრიანდებდნენ. ჩემი ბაღის ხილვარსკვლავები მეგონა. ჩემკენ იხრებოდნენ, რომ დავენახე. ვგრძნობდი ათასი თვალი რომ მომჩერებოდა. მარწყვე-

ბის კვლებში სიცილი ისმოდა. ჩემს ზევით ხეზე წითელლოყა პატარა ყვითელი მსხალი ტკბილი ხმით მიმღერდა:

ჰე, კუნელო, საყვარელო,  
გაიხარე, ფესვი გადგი.  
ჩემო მწველო, სანატრელო,  
პაწაწინაე, ნაცრისფერო!  
შემომეკარ მაგრად წელზე,  
რომ ავღრინდეთ სამოთხეში.  
გაიხარე, ფესვი გადგი,  
ჩემო მწველო, სანატრელო,  
პაწაწინაე, ნაცრისფერო!

ცისა და მიწის ბალებს ყველა შტოდან მოლიდინე, მოკანკალე და მოჩურჩულე ხმების ქორო იმეორებდა:

ფესვი გადგი, ფესვი გადგი!

მაშინ ჩემს მიწაში მკლავები ჩავფალი და ვუთხარი:

— გინდივარ? მე მსურხარ.

ჩემს კარგსა და მსუქან მიწაში იდაყვებამდე ჩავეფალი, ხელებით, მუხლებით დავზილე, ის კი საყვარელი მკერდით დხებოდა. ძლიერად ჩავიკარ გრძნეული და თხემით ტერფამდე შიგ ჩავკედე ჩემი ბეზირის სხეული. იქ გავიშალე ლოგინი, დავწეკი და ცაში ვარსკვლავთა მტევნებს დავუწყე ცქერა, პირდაღებულ ველოდი, სანამ ერთი მათგანი დამისველებდა ულვაშებს. ივლისის ღამე ქებათა ქებას ამბობდა. მთვრალი კრიჭინა კრუალებდა, კიოდა, უმოწყალოდ კიოდა. უეცრად სენ-მარტენმა დარეკა საათის თორმეტი, შესაძლოა, თოთხმეტი, ანდა თექვსმეტი (არაჩვეულებრივი ზარი იყო) და აი. ციურმა და ჩემი ბალის ვარსკვლავებმაც ბანი მისცეს... ღმერთო! რა ჰანგები იყო! გული მისკდებოდა, წიოდნენ ყურები, ვით ქექა-ქუხილში წივიან მინები და ჩემი ხაროდან გხედავდი, როგორ აღიმართებოდა ხე იესოაი: ვაზის ერთი ძირი — ლარით სწორი და აფოთლილი, ჩემი მუცლიდან ამოდიოდა და მიდიოდა, მეც მივყვებოდი, ჩემი მოლიდინე ბალიც თან მომყვებოდა. თავაწყვეტილი ცეკვავდა მაღალ ტოტზე ჩამოკიდებული ვარსკვლავი; რომ დამენახა და მომეწყვიტა, თავაწვდილი მივცოცავდი ზევით და თან ვბლაოდი:

შასლას მარცვალ,  
არ გამეცალო!  
ჰე. მარჯვედ, კოლა!  
უნდა მიყოლა.  
დაგიკერს კოლა,  
ალიღუა.

ეტყობა, ნახევარი ღამე ცოცვაში გავატარე, რადგან, როგორც შემდეგ მითხრეს, კარგა ხანს მიმღერია. ვმღეროდი თურმე ყოველნაირ სიმღერებს: საეროს, სასულიეროს, De profundis-ს, ეპითალამებს, ნოელებს და Laudate-ს, ფანფარებს და საცეკვაოს, სალოცავს და საცულულტოს და თანაც ვაელებე, სტვირზე და დოლზე ვუკრავდი, ანდა ბუქს ვაყვირებდი. აფორიაქებული მეზობლები სიცილით კვდებოდნენ. ამბობდნენ:

— როგორი ბუკია! კოლას დუღუკია. კოლამ საიჭიოსკენ გადაუხვია. გაგიჟდა! გახელდა!

მეორე დღეს, როგორც იტყვიან ხოლმე, პატივი ვეცი მზეს. ადგომაში არ შევეცილე: რომ გავიღვიძე, შუადღე გადასული იყო. ოჰ! რა სიამოვნება ვიგრძენი, ნეხვზე მიგდებული ჩემი თავი ცოცხალი რომ ვნახე. იმიტომ კი არა, რომ საწოლი რბილი მქონდა და არ მტკიოდა გვერდები, ის მახარებდა, რომ კიდევ შემრჩენოდა ნეკნები. ვახ! როგორ! კიდევ აქა ხარ, ბრონიონ, ძმაცაკო? მოდი, ჭირიმე, მოდი, გაკოცო. შევეხო მაგ სხეულს, პატარა და ყოჩად სიფათს! არა, ნამდვილად შენა ხარ. როგორ მიხარია! კოლაჯან, რომ წასულიყავი, უნუგეშოდ დამაგდებდი. სალამი შენც, ჩემო ბალო! ჩემი ნესევები სიხარულით მიცინიან. დამწიფდით, ჩემო პაწაწინებო, დამწიფდით. ამ დროს კედლის იქითა მხრიდან ღრიალი მესმის:

— ბრონიონ! ბრონიონ, მოკვდი თუ არა?

ეს პაიარი და შამაი არიან და რადგან არაფერი ესმით, უკვე წუწუნებენ და გზაზე უთუოდ ქებათა ქებას ასხამენ ჩემს გარდაცვლილ ღირსებებს. ვდგები, (ვაიძე! ავაზაკი წელი!) ნელა მივდივარ ბნელში, უცბად თავს ვყოფ საარკმელში და ვევირი:

— ქიტა, აი მეც!

თევზებივით ხტებიან.

— როგორ! ბრონიონ, არ მომკვდარხარ?

სიხარულისაგან ტირიან, იცინიან. მე კი ენას ვუყოფ და: ჯერ კიდევ ცოცხლობს ძმაცაკი-მეთქი, გავძახი.

წარმოიდგენთ თუ არა, შეჩვენებულებმა კიდევ თხუთმეტი დღე დაძტოვეს ჩემს კოშკში გაშოკეტილი, ესე იგი, მანამდე, სანამ არ დარწმუნდნენ, რომ სულ გამოვჯანსაღდი! ისე კი, მართალი რომ გითხრათ, აოაფერი დაუკლიათ, არც მანანა, არც მთის წყაროს წყალი (ნოეს წყალი-მეთქი, მინდოდა მეთქვა), თან რიგ-რიგად მოსვლა ჩვეულებად გაიხადეს. მოდიოდნენ, ფანჯრის ქვეშ მოიკალათებდნენ და ახალ ამბებს მიაამბობდნენ.

როდესაც გამოსვლა შეეძელი, მღვდელმა შამაიმ მითხრა:

— მეგობარო, დიდმა და წმინდა როკმა გადაგარჩინა. მეტი არაფერი დაგრჩენია, უნდა ეახლო და მადლობა უთხრა. ღვთის გულისათვის, ნულა დააყოვნებ!

ეუპასუხე:

— მე კი მგონია, რომ წმინდა ირანსიმ, ან წაინდა შაბლიმ და წმინდა ჰუმ გადამარჩინეს.

— კეთილი, კოლა, — მითხრა მან, — მოდი და მსხალი შეუახე გაუკრათ. წმინდა როკთან წადი ჩემთვის, მე კი მადლობას ვეტყვი წმინდა ხელადას შენთვის.

ასეც შევთანხმდით. ამ შეთანხმების შესრულების დროს ერთგული პაიარიც თან გვახლდა. ვუთხარი:

— გამოტყდით მეგობრებო, რომ ნაკლები ხალისით მომიჯანსაღებდით ქიქებს იმ დღეს, როდესაც წამსვლელ-დამრჩენის სადღეგრძელოს დალევა გთხოვეთ. ჩემთან ერთად წაჰოსვლის დიდი სურვილი ვერ შეგატყვეთ.

— გეფიცები, ძალიან მიყვარხარ, — მიპასუხა პაიარმა, — მაგრამ რა ვქნა, თავიც მიყვარს, მართალი ნათქვამია „ჯერ თავო და თავო, მერე ცოლო და შვილო“.

— „Mea culpa, mea culpa“, — ბუზღუნებდა შამაი და გულზე მუშტებს იბრაგუნებდა, — ლაჩარი ვარ, ასეთია ჩემი ბუნება.

— პაირ, რა უყავ კატონის გაკვეთილებს? და შენ, მღვდელო, რაში გამოგადგა შენი რელიგია?

— ეჰ! მეგობარო, ტუბილია ცხოვრება, — ამოიხვნეშა ორივემ. სამივემ გადავკოცნეთ ერთმანეთი და სიცილით ვთქვეთ:

— პატროსანი კაცი გროშად არა ღირს, ისე უნდა მიიღო, როგორც არის. უფალმა შექმნა და კარგადაც მოიქცა.



## დედაბრის სიკვდილი

იელისის მიწურული.

მიბრუნდება ცხოვრების გემო. დამერწმუნეთ, ამისათვის დიდი ჯაფა არ დამდგომია. არ ვიცი როგორ, მაგრამ ცხოვრებას ახლა უფრო ვატან გემოს, ვიდრე წინათ, უფრო ნაზი, უფრო რბილი, ფუნჩულა, მოოქრული, ზომაზე შებრაწული მეჩვენება, ენაზე მადნება, კბილებქვეშ ხრაშუნი და ტკაცუნის გააქვს. მკვდრებით აღმდგარის მადა მაქვს, რაღა! უჰ! უთუოდ გემრიელად ჭამა ლაზარემ!..

ერთ დღეს, როდესაც მხიარული მუშაობის შემდეგ ამხანაგებთან ერთად სამსონის იარაღით ფვარიკაობდი, მორვანიდან მომავალი გლეხი შემოვიდა:

— უსტა კოლა, გუშინწინ თქვენი ქალბატონი ვნახე.

— ცულლუტო! ბედი გწევია რაღა! როგორ არის დედაბერი? — შევეკითხე მე.

— ძალიან კარგად. მიემგზავრება.

— სად?

— დაოთხილი მიჰქრის იმ ქვეყანაში, რომელზეც ამბობენ, უკეთესიაო.

— მაგ რომ იქ მივა, უკეთესიც აღარ იქნება, — უგემურად გაიხუმრა ვილაცამ.

მეორემ დასძინა:

— დედაკაცი მიდის, შენ რჩები. შენი სადღეგრძელო იყოს, კოლაჯან! ცალად არ მოდის ბედნიერება.

სხვებს რომ არ ჩამოვრჩენოდი (თუმცა აღელვებული მაინც ვიყავი), ვთქვი:

— გადავკრათ, ნათლიამებო! უყვარს კაცი უფალს, რაკი ცოლს ართმევს, როცა ის მეტი ბარგია და არაფერში არგია.

უცბად ღვინო გამწარდა, ჭიქა ვერ დავცალე; ხელში კომბალი ავიღე და გზას გავუდღეკი ისე, რომ არავის დაემშვიდობებოდა. მიყვირეს:

— სად მიდინარ? რომელმა ბუზმა გიკბინა?

მაგრამ მათ ძახილს ყური არ ვათხოვე. უკვე შორს ვიყავი წასული. გული მომდიოდა... იცით რა გითხრათ, შესაძლოა, შენი დედაბერი არც გყვარებია, შეიძლება ოცდახუთი წლის მანძილზე დღე და ღამე ერთმანეთი გიმწარებიათ, მაგრამ, მაინც, როდესაც ცხვირპაჭუა მოდის მის წასაყვანად, ვინც ვაწრო საწოლზე თქვენთან ჩახუტებული ასე დიდხანს თავის ოფლს თქვენსაში ურევდა, ვისაც თავის მკლე წიაღში თქვენი დათესილი ჯილაგის თესლი მოუყვანია და გაუხარებია, გრძნობთ, რომ რაღაცა გახრჩობთ, თითქოს სხეულის ნაწილს გგლეჯნო, და მიუხედავად იმისა, რომ ხშირად გაუმწარებიათ და არც ლამაზი ყოფილა, მაინც გეცოდებათ ისიც და თქვენი თავიც, გენანებთ თავიც და ისიც... დაე, უფ.ლმა მომეტევოს! მაინც მიყარს ჩემი დედაბერი.

მეორე დღეს შედამებისას მივალწვი. შევხედე თუ არა, მივხვდი, პაჭუა მოქანდაკეს კარგად ეშრომა. დამსკლარი კანის დაქმუნილ საბურველიდან სიკვდილის საზარელი სახე იტყირებოდა: მაგრამ ჩემთვის მისი უკანასკნელი დღის მოახლოების ყველაზე უღაო ნიშანი ის იყო, რომ დამინახა თუ არა, მითხრა:

— ჩემო საბრალო, ძალიან ხომ არ დაიღალეო?

ამ აღერსიანმა სიტყვებმა გული გადამიბრუნა. ჩემთვის ვთქვი: „ექვი არ არის, საბრალო დედაბრის საქმე წასულია, რადგან გულყთილი გამხდარა“.

საწოლთან მივუჯექი. ხელი ხელზე მოვკიდე. ძალზე დასუსტებულიყო, ლაპარაკის თავიც არ ჰქონდა და თვალებით მითარა მადლობა. რომ გამემხნეებინა, ხუმრობა ვცადე. მოვუყევი, მეტად სულწასულ კირს როგორ ვუგანე. არაფერი იცოდა, რომ გაიგო, ისე ალელდა (დალახვროს ეშმაკმა, რა წინდაუხედავი ვარ), რომ გრძნობა დაკარგა და კინაღამ სული დალია. გონს რომ მოვიდა, დაუბრუნდა ენა (დიდება უფალს, დიდება უფალს!) და თავისი სიავე. ცახცახით, ბლუყუნით. სლუყუნით, ნაწყვეტ-ნაწყვეტ ლაპარაკობდა (რის თქმაც უნდოდა, ვერ ახერხებდა, რაც არ უნდოდა, იმას ამბობდა და ამაზე მეტად ბრაზობდა). და აი, ლანძღვა-გინება დამიწყო. მარცხენდა, მათრევედა, რატომ არ შემატყობინე, უგულო ხარო, ძალღზედაც უარესი, ღირსი იყავი ფალარათისაგან საკუთარ ნეხზე ძალღივით მომკვდარიყავიო და

ათასი სხვა საამო სიტყვები მაკადრა. ძლივს დააშოშმინეს. მე კი მი-  
თხრეს.

— მოშორდი აქედან! ხომ ხედავ, გულსა სტკენ. გადი ცოტა ხნით.  
გავიციენ. საწოლზე თავი დავხარე და ასე ვუთხარი:

— დიდება ზეციერს! ახლა კი გიცანი, როგორიც იყავ, დარჩი  
ისეთივე ავი...

თათებით დავუჭირე ფამფალა ბებერი თავი და მთელი ძალით  
ორივე ლოყანე ორჯერ ვაკოცე; მეორედ ატირდა.

და აი, ორივე მშვიდად და ჩუმიდ მარტო დავრჩით ოთახში, სა-  
დაც კედლებში ხის ქია სამგლოვიარო მუსიკას უკრავდა. ყველა მეზო-  
ბელ ოთახში იყო გასული. დედაბერი მძიმედ სუნთქავდა. შევატყვე,  
ლაპარაკი უნდოდა.

ვუთხარი:

— თავს ნუ დაიღლი, კეთილო. ოცდასუთი წლის განმავლობაში  
ერთმანეთისთვის ყველაფერი გვითქვამს. ერთმანეთისა უსიტყვოდ  
გვესმის.

მიპასუხა:

— არაფერიც არ გვითქვამს და უნდა გითხრა, კოლა, თუ არ გი-  
თხარი, სამოთხესაც ვერ ველირსები...

— ელირსები, ელირსები, აუცილებლად ელირსები.

— ველირსები და, სამოთხე მაინც ჯოჯოხეთის ნალველზე მწარე  
იქნება. კოლა, მე შენთვის ავი, ანხლი ვიყავი...

— აჰ! არა, არა, — ვუპასუხე, — მართალია. ცოტა მომქავო კი  
იყავი, მაგრამ სიმქავე ჯანმრთელობასა რგებს.

— ...ეგვიანი, ბრაზიანი, კაპასი და ღრენია. ჩემი აშარი ხასიათით  
ვაქცევდი ოჯახს. შენთვის რა არ მიკადრებია...

ხელზე მოვუთათუნე:

— ეგ არაფერი, სქელი კანი მაქვს.

ის კი ჩუმიდ განაგრძობდა:

— ეს იმიტომ, რომ მიყვარდი.

სიცილით ვუთხარი:

— ვაგლახ, რომ არ ვიცოდი. მაგრამ რა გაეწყობა, ყველამ თავისე-  
ბური სიყვარული იცის. რატომ არაფერი მითხარი? შენს სიყვარულს  
კაცი ვერ მიხვდებოდა.

— მიყვარდი, შენ კი არ გიყვარდი. ამიტომაც შენ კეთილი იყავი,

მე კი — ავი. იმიტომ მძულდი, რომ არ გიყვარდი: შენ ეს არ გაწუხებდა... შენ შენებურად იცინოდი, კოლა, ზუსტად ისე, როგორც დღეს... ღმერთო, როგორ გამტანჯა მაგ სიცილმა! მაგ სიცილს მოისხამდი, სეტყვასავით წამოსული ჩემი წუწუნისაგან თავი რომ დაგეცვა და მე შემეძლო მეწვიმა, რამდენიც მსურდა, მაინც ვერ გასველებდი, ყაჩაღო, აჰ! როგორ გამტანჯე. რამდენჯერ სიკვდილის პირად მივსულვარ, კოლა.

— ჩემო საბრალო, მე ხომ წყალი არ მიყვარს.

— ავაზაკო, კიდევ იცინი!.. ეჰ, კარგს შვრები, რომ იცინი. სიცილი ადამიანს ათბობს. ახლა, როდესაც მიწის სუსხმა ჩემს ფეხებამდე მოაღწია, შენი სიცილის ფასი მესმის; მათხოვე შენი სამოსი. იცინე, კოლა, იცინე, საყვარელო, იცინე, რამდენიც გენებოს. მეტს არ გაგიბრაზნებდი, შენ კი მაპატიე, კოლა.

ვუთხარი:

— ყოჩალი ცოლი იყავი, მხნე და ერთგული, შეიძლება ყოველთვის საამური არ ყოფილხარ, მაგრამ სრულყოფილი არავინაა; სრულყოფილი ვინმე რომ იყოს, ეს იმის უპატივემკემლობა იქნებოდა. ვინც იქ, მალა ზის; მასზე ამბობენ, ერთადერთი სრულქმნილიაო (მე ის არ მინახავს). და შავ ღღებში (არ ნამბობ ღამეს, ღამით ყველა კაჩა ნაცრისფერია, არამედ უბედურებისა და მკლე ძროხების წლებში) არც ისე უშნო ჩანდი. ყოჩალი, გამრჩე იყავი, ჯათა არ დაგზარებია და შენი სიკუშტე, როდესაც მას ავბედობას უპირისპირებდი და ნაბიჯითაც არ იხევდი უკან, თითქმის ღამაში მეჩვენებოდა. ახლა კი წარსულის მოგონებით თავს ნუ გავიმწარებთ, გვეყოს, რაც ერთხელ გადაგვიტანია: ქედი არ მოგვიხრია, არ გვიყვირია, სირცხვილი არ გვიჯამია. რაც გაკეთებულა, გაკეთებულა და გასაკეთებელი არაფერია. ჩვენნი ცხოვრების ტვირთი აქამდე მოგვიტანია. თუ მისი აწონა საჭიროა, პატრონმა აწონოს! ჩვენ ეს არ გვესაქმება. უჰ! სული მოვიტყვათ, ძმაკაცო. ახლა ისლა დაგვრჩენია, შევიხსნათ ღვედები, ზურგირომ გადაგვიტყავა, და დავისრისოთ გათოშილი თითები, დავიზილოთ მხრები, შემდეგ ორმო ამოვთხაროთ, ჩავევრეთ შიჯ და ხვრინვა ამოვუშვათ. Requiescat! მშვიდობა მათდა, ვინც კარგად იშრომა! დავიძინოთ მარადიული და მშვიდი ძილით.

ხელდაკრეფილი და თვალდახუჭული მისმენდა; როდესაც გავათავე, თვალები გაახილა; ხელი გამომიწოდა:

— ღამე ნებისა, მეგობარო. ხვალ გამადღიძებ.

და რაკი ყველაფერში წესრიგი უყვარდა, ლოგინში გაიჭიმა, ზეწარი ნიკაპამდე მიიტანა ისე, რომ ერთი ნაოქიც არ დატოვა, ჭვარცმა მიმქნარ მკერდზე მიიკრა, თვალები ჭერს მიაშტერა და სამგზავროდ გამზადებულმა ყოჩაღად ლოდინი იწყო.

მაგრამ თურმე მის ბებერ ძვლებს, სანამდე მოსვენებას იგემებდნენ, კიდევ ერთხელ და უქანასკნელად, რათა ცოდვებისაგან განწმენდილიყვნენ, უბედურების გზით ამქვეყნიურ ცეცხლში უნდა გვევლოთ (ასეთია ჩვენი ხვედრი). ამ დროს გვერდითი კარი გაიღო, ოთახში დიასახლისი შემოვარდა და ყრუ ხმით იყვირა:

— ჩქარა, ჩქარა მობრძანდით, უსტა კოლა!

ვერაფერს მივხვდი და ვკითხე:

— რა ამბავია? ჩუმად ილაპარაკეთ.

შორეული მგზავრობისათვის უკვე გამზადებული ჩემი დედაბერი ქრისტეს მიერ გამოღვიძებულ ლაზარესავით სასიკვდილო სარეცელზე წამოიმართა. და თითქოს უკვე ეტლში ჩამჯდარი, ჩვენ თავებს ზემოთ ხედავდა იმას, რასაც მე ვერ ვხედავდი, ხელები ჩვენკენ გამოიშვირა და იკვილა:

— ჩემი გლოდი!

ამ კვილმა და მეზობელ ოთახში ხრინწიანმა ხველამ განმგმირა. მივხვდი. იქით გავიქეცი და დავინახე ჩემი საბრალო პატარა ტოროლა. სული შეკვროდა და თავისი პაწაწინა ხელებით ცდილობდა მოეშვა მარყუევი. რომელიც ახრჩობდა. გაწითლებული, აღმოდებული თვალებით შველას გვევედრებოდა და დაკრილ ჩიტუნიასავით ფართხალებდა...

უძლური ვარ, არ ძალმიძს ავიწეროთ, თუ რა იყო ის ღამე. ახლაც ხოთი გრძელი დღის შემდეგაც რომ მაგონდება, მუხლები მეკვეთება: უხდა დავჯდე. უჰ! მიმდის გული, ნება მომეცით, მოვიტყვა სული... არა, განა შეიძლება იქ, მალა, ბრძანდებოდეს ბატონი, რომელსაც სიაშოვნებს ასეთი პატარა არსების ტანჯვა. სიაშოვნებს თავის თითებში მომწყვდეული სუსტი კისრების ტკაცა-ტკუცის სმენა, უხარია მათი ფართხალი და შეუძლია აიტანოს პატარა უცოდველთა გაკვირვებული და საყვედურით სავსე მზერა. მესმის, ბევრო ჩემისთანა ბებერი ვირები, სცემო ის, ვისაც შეუძლია თავი დაიცვას, გაქირი, მუხლმაგარი კაკები. თუ ჩვენი ღრიალი გართობს, ბაშუსტა, კეთილი და პა-

ტიოსანი, მიდი, უფალო, რამდენიც შეგეძლოს. ადამიანი შენს ხატად არის შექმნილი. და რომ ყოველდღე, მისი არ იყოს, კეთილი არ ბრძანდებოდე, იყო ქირვეული და ვერაგი, დროდადრო სიავე გიყვარდეს, ნგრევა გწყუროდეს, რაკი სისხლი გიდუღს, ან იმიტომ, რომ ცუდ ფეხზე ადექი და გინდა გამოსცადო შენი ძლიერება, მე ეგ სულაც არ გამიკვირდება. ჩვენ სრულწლოვანება ვართ, წინააღმდეგობის განეჯა შეგვიძლია. როდესაც ძალიან შეგვაწუხებ, საკადრისს მოგაგებთ. პირფერობას არ დავიწყებთ; მაგრამ რა საკადრისია ნიშანში ამოილო პაწაწინა კრავები, რომელთაც ცხვირში ხელს თუ მოუქერ, რძე წამოსდინდებათ. აუ, ზეციერო. შესდექ! ჩვენ ამას ვერ ავიტანთ. ეს მეტიმეტრა! მეფეა თუ ღმერთია, ვანც ამას სჩადის, უფლებებს ბოროტად იყენებს. გაფრთხილებთ, ზეციერო, თუ ასე განაგრძე, ამას არ უნდა ბევრი ტიტინი, ძირს დაეცემა შენი გვირგვინი... მაგრამ დიდ პატივსა გცემ და არ მინდა დავიჯერო, რომ შენა ხარ ამის მოქმედი. მამო ჩვენო, ასეთ ბოროტებას თუკი სჩადიხარ, უდავოა ორში ერთი: ან ბრმა ხარ სულაც, ან არ ხარ ღმერთი. ესე იგი, არ არსებობ... ვაიმე! რა უხამსი სიტყვა ვთქვი. ბოდიში, უკან მიმაქვს. საბუთად იმისა, რომ არსებობთ, ისიც კი გეყოფათ, რომ ახლა ჩემთან მუთააფობთ. რამდენჯერ გვიკავაათია, რამდენჯერ გვიბაასია, ჩვენს შორის დარჩეს, და, რამდენჯერ გამიჩუმებინხართ, ჩემო ბატონო! ჰოდა, იმ ავბედით ღამეს რამდენი გეძახე, გაგინე, გწყევლე, უარგყავ, გვეედრე, გემუდარე, რამდენჯერ აღვაპყრე ხელები მუდარით და მუშტი მუქარით. ამოლ, არც კი განძრეულხარ. იმას მაინც ვერ იტყვი, რომ რამე დავიშურე, შენამდე რომ მომედწია! დალახვროს ეშმაკმა, რადგანაც არ გსურს, არ გნებავს მისმინო, კარგად გნახე! მით უარესი შენთვის, უფალო! სხვებსაც ვიცნობ და შევლას იმათ ვთხოვ...

ავადმყოფთან მარტო მე და მოხუცი დიასახლისი ვიყავით. მარტინას მუცლის ტკივილი ეგრძნო გზაში და დორნესიში დარჩენილიყო. პატარა გლოდი ბებიასთვის დაეტოვებინათ. დილით, როდესაც დავინახეთ, რომ პატარა წამებული სიკვდილს პირას იყო მისული, უკახასკნელი ღონე ვიხმარეთ. ხელში ავიტაცე პაწაწინა, დაბეგვლი სხეული, ბუმბულზე უფრო მსუბუქი (ფართხალიც არ შეეძლო, ბელურასავით ოღნავ თრთოდა, მხოლოდ დროდადრო თუ გააყრუოლებდა). ფანჯარაში გავიხედე. წვიმდა და ქარი ქროდა. ვარდს ფანჯარისაკენ დაესარათავი, თითქოს შემოსვლა უნდოდა. სიკვდილს თუ მოასწავებს-მეთქი,

გაკვეთილ გულში. პირველი გადავისახე და მინც გავედი. შმაგი და სველი ქარი შემოიჭრა კარში და, ქარიშხალს რომ არ დაექრო სიცოცხლის ლაპვარი, ჩემ ჩიტუნიას თავზე ხელი მოვაფარე. მივდიოდი, ძღვენით მიმიძლოდა დიასახლისი. გზის პირა ტყეში შევედი. უსიტყვოდ მივაბიჯებდი. მალე ჭაობის ნაპირას მოკანკალე ვერხვი დავიხახეთ, კოშკივით სწორი და მაღალი. ის მოქნილ ლერწმების ურდოზე მეფობდა. გარს შემოვუარეთ ერთხელ, ორჯერ, სამჯერ. პატარა კენცლოდა და ქარი ფოთლებში მასავით ტიროდა. ბაფთის ერთი ბოლო გოგონას პაწაწა ხელზე მოვაბით, მეორე კი — მოკანკალე ბებერ ხეზე და მე და უკბილო დიასახლისი მოვყევით ლალადისა:

იცახცახე, იცახცახე, ვერხუო მშენეორო,  
წაილე ჩემი კანკალი, ტურჯავ ზეცეორო.  
წმინდა სამების სახელით გიბრძანებ, გემუდარებო,  
მავრამ თუ აღარ მომისმენ და თანაც გაჯიუტდები,  
აღარ დაეინდობ, იცოლე, მოგჭრი და ძირს გაგორდები.

შემდეგ მოხუცმა დიასახლისმა ვერხვის ფესვებს შორის ორმო ამოთხარა, შიგ ხელადა ღვინო ჩაასხა, ორი ნიორი, ერთი ნაწერი ქონი და ერთი ლიარდი ჩადო და მიწაზე დაგდებულ ლერწმით საესე ჩემს ქედს კიდევ სამჯერ შემოვუარეთ. ნესაჲ შემოვლაზე შიგ ჩავაფურთხე და ვთქვი:

— გომბეშოებო, ჭაობის სულნო, დამყაყებულნო, ხუნაგმა წაგილოთ, ხუნაგმა წაგახრჩოთ!

აქეთობას ტყის პირას კუნელის წინ დავიჩოქეთ, მის ძირში დავასვენეთ პატარა მომაკვდავი და სახელითა წმინდისა ეკლისათა შევეცედრეთ ძესა უფლისასა.

შინ რომ დავებრუნდით, პატარა მკვდარი გეგონებოდათ. ჩვენ ყველაფერი გავაკეთეთ, რაც კი შეგვეძლო. ასეთ ყოფაში ცოლს სიკვდილი არ სურდა. გლოდის სიყვარულმა სიცოცხლეს მიაჯაჷვა. შფოთავდა და კიოდა:

— უფალო, აქედან არ წავალ. არ წავალ, იესო, ქალწულო მარიამ, სანამ არ ვნახავ და არ გავიგებ, რას უპირებთ ჩემს გლოდის, სანამ არ ვნახავ, მორჩება თუ არა. რასაკვირველია, უფლის წყალობით, მორჩება. მე მინდა, რომ მორჩეს, მე მინდა რომ მორჩეს; მითქვამს და გათავდა.

მითქვამს და გათავდაო კი ამბობდა, მაგრამ უთუოდ ჯერ კიდევ ყველაფერი არ ჰქონდა ნათქვამი, რადგან ისევ თავიდან იწყებდა. უფალო! ან ამდენი ძალა და ღონე სად ჰქონდა. მე კი წელან მეგონა, უკანასკნელი სუნთქვა აღმოხდა-მეთქი, მაგრამ თუ უკანასკნელი იყო, უნდა გამოვტყდე, ჯიგრიანი რამ იყო... ბრონიონ, საზიზღარო, კიდევ იცინი? არა გრცხვენია განა? რა ვქნა, ძმაკაცო? ისა ვარ, რაცა ვარ. ვიცინი, მაგრამ განა ნაკლებად ვიტანჯები? იცოცხლე. მე ვწუხნდი, მაგრამ ტანჯვა ფრანგს სიცილს ვერ გადააჩვევს. იცინის თუ დარდობს, უნდა ყველაფერი ნახოს. გაუმარჯოს ორსახიან იანუსს, მულამუჟამს თვალხილულს!..

ასე რომ, ნაკლებად როდი ვიტანჯებოდი, როდესაც მესმოდა საბრალო დედაბრის ქშენა და კვნესა: და მიუხედავად იმისა, რომ მასავით სასოწარკვეთილი ვიყავი, მაინც ვამშვიდებდი, ისე ველაპარაკებოდი, როგორც ბავშვებს ელაპარაკებიან, მზრუნველობით ზეწრებში ვფუთავდი. ის კი გაბრაზებული ხელს მკრავდა, ყვიროდა:

— უხეირო! კაცი რომ იყო, ვერ შესძლებდი განა გადაგერჩინა პატარა, ერთი მითხარი, რისი მაქნისი ხარ, უქნარა? მკვდარი შენ უნდა იყო.

ვუპასუხე:

— რა ვქნა, რა წყალში ჩავეარდე, მეც შენსავით ვფიქრობ, შენ მართალი ხარ, საყვარელო; ვინმეს რომ უნდოდეს, ჩემს ტყავს სიამოვნებით მივცემდი, მაგრამ, როგორც ჩანს, იქ, მალა, ჩემი ტყავი ხელს არ აძლევთ, უხეიროა: ბეერი შრომისაგან გაცვდა. მეც (ეს მართალია), შენი არ იყოს, მხოლოდ ტანჯვისათვის გამოვდგები. მაშ, უსიტყვოდ ვიტანჯოთ. ეგებ უფალმა მიითვალოს და ჩვენი საბრალო უმანკო კრავი ისე აღარ გატანჯოს.

მაშინ ბებერი თავა თავზე მომაყრდნო და ჩვენს თვალთაგან დადენილი ცრემლი ჩვენს ლოყებზე შეერთდნენ. ოთახში სიკვდილის მთავარანგელოზის ფრთებისაგან დარჩეული ბინდი წვებოდა.

უეცრად გაჰქრა ანგელოზი. განათდა. ვინ მოახდინა ეს სასწაული? მამაზეციერმა თუ ტყის ღრმერთებმა, ყოვლადმოწყალე ქრისტემ თუ მრისხანე მიწამ, რომელიც სახადებს ანთხევს და სვამს; ეს ჩემი ლოცვების შედეგი იყო, ჩემი ცოლის შიშის თუ ვერხვისთვის მიერთმეული ძღვენისა, არავინ იცის. და მეც ამიტომ ყველას ერთბაშად შეეწირე



მადლი (ვფიქრობ, გონივრულად მოვიქეცი), ვისაც ვიცნობ და ვისაც არ ვიცნობ (იქნებ ისინი ყველას სჯობდნენ) ასე იყო თუ ისე, ერთი რამ ცხადია (და ჩემთვის ყველაზე მნიშვნელოვანი ეს არის), გლოდის ერთბაშად სიცხემ დაუკლო, ხორხში სუნთქვამ ნაკადულივით ჩუხ-ჩუხი იწყო, ჩემი პატარა მიცვალებული სიკვდილის ანგელოზის კლანკებს დაუძვრა და მკვდრეთით აღსდგა.

მაშინ ვიგრძენით, როგორ დადნა ჩვენი ბებერი გულები და ორივემ გალობა წამოვიწყეთ: „Nunc dimittis, უფალო.“ სიხარულის ცრემლებით დაეშვა ღედაბერი, თავი ქვასავით დაუვარდა ბალიშზე და ამოიხსრა:

— მორჩა, როგორც იქნა; ახლა შემიძლია მშვიდობით გავემგზავრო...

მყისვე მზერა აემღვრა, ლოყები ჩაუცვივდა, სახე გაუფითრდა და თითქოს სიოს შემობერვანზე სულმაც მიატოვა. მე კი მის საწოლზე თავდახრილი, თითქოს მორევის სიღრმეს ვუყურებდი, უფსკრულს, სადაც გაუჩინარებული სხეულის ანაბეჭდი წუთით მოჩანს და მერე წყლის გრიალში იკარგება თვალები დაჯუხუქე, სანთელივით შუბლზე ვეამბორე. ნაჭაფი ხელები, რომელთაც მთელი სიცოცხლე მოსვენება არ ღირსებიათ, გულზე დაუჭერიფე; უსიტყვოდ დავტოვე ჩამქრალი კანდელი, მერე გავედი და იმ ახალ ლამპარს მივუჯექი, რომელსაც ამიერიდან უნდა გაენათებინა ჩვენი ოჯახი. ვუყურებდი როგორ ეძინა პატარას. ალერსიანი ღიმილით ვუმზერდი და ვფიქრობდი (განა შეიძლება აკრძალო ფიქრი?):

„საოცარი არ არის განა, ასეთ პატარა არსებას შეეთვისო? უიმი-სოდ თითქოს არარა ხარ მასთან ერთად ყველაფერი, თვით ცუდიც კი ისატანია. ეჰ! დაე, მოვკვდე, ეშმაკმაც წამილოს! ოლონდ ამან იცოცხლოს, ოლონდ ამან იცხოვროს, დანარჩენი ფეხებზე მკრდია!.. არა! ეს მეტისმეტია. როგორ, საღი ვარ, ჯანმრთელი, მბრძანებელი ჩემი ხუთი გოდნობისა და კიდევ რამდენიმესი, რომელთა შორისაც ყველაზე დიდი ჩემი ბატონი გონიერება ბრძანდება; არასოდეს დავმდურებვივარ ცხოვრებას, მუტლით ორმოცდაშვიდ წყრთა მუდამ ცარიელ ნაწლავს ეატარებ, ნათელი თავი მაქვს, ზუსტი მარჯვენა, მაგარი წვივები და კუნთები; ყოჩალი მუშა ვარ, ნამდვილი ბურგუნდელი და მზად ვარ ყველაფერი შევწირო ამ პატარა ცხოველს, რომელსაც კარგად არც კი ვიცნობ. ბოლოს და ბოლოს, ვინ არის იგი? პაწაწა ტიკინა, თუთიყუში

ტიტინა, ქმნილება, რომელიც არაფერია, მაგრამ შეიძლება ერთ დღეს იქცეს რამედ და აი, ამ რამესთვის უნდა ვფლანგო განა ჩემი: „მე ვაო, მე ვარ მე, და ჭიგრიანადაც ვარ, დალახეროს ეშმაკმა!“ ჰე! ჰე! საქმე სწორედ ისაა, რომ ეს „შეიძლება“ ჩემი უმშვენიერესი ყვავილია, ჩემი ცხოვრების წადილია. და როდესაც ჰეები ჩემი ხორციით გატყვრებიან და სხეული გაიხრწნება მსუქან სასაფლაოში, გავცოცხლდები, უფალო, ჩემს მეორე „მეში“, რომელიც უფრო ლამაზი, ბედნიერი და მშვენიერი იქნება... არა! აბა საიდან ვიცი, რომ უკეთესი იქნება? ან რატომ უნდა იქნეს ჩემზე უკეთესი? იმიტომ, რომ მხრებზე შემდგება, ჩემს საფლავზე გადაივლის და უფრო შორს დაინახავს... ჰეი, ჰეი, თქვენ, ვინც ჩემი წიალიდან გამოსულხართ, ვინც სინათლეს შესვამთ, სინათლეს, რომელშიაც მისი მოტრფიალე ჩემი თვალები მეტს ველარ იბანავებენ, თქვენი თვალებით შევხედავ მომავალი დღეებისა და ღამეების რთველს, დიახ, თქვენი თვალებით დავისახავ ერთმანეთის შემცვლელ საუკუნეებსა და წლებს. მე ვტკბები იმით, რასაც წინააღმდეგ ვგრძნობ და იმითაც, რაც ჩემთვის უცნობია. ჩემს გარშემო ყველაფერი მიდის; მაგრამ მეც მივდივარ; მივდივარ შორს, უფრო შორს, უფრო მაღლა, საითაც თქვენ მიმაქროლებთ, არა ვარ მიჯაჭვული ჩემს პატარა მამულზე. და ჩემი ცხოვრების იქით, ჩემი მინდვრების მიღმა გაქიმულან ორნატები და მიწასა და სივრცეს იხუტებენ გულში; ირმის ნახტომის მსგავსად თავიანთი ქსელით ფარავენ ლაყვარდოვან კამარას. თქვენ ხართ ჩემი იმედი, სურვილი და თესლი, რომელსაც გულუხვად ვთეს დროის უსაზღვროებაში“.

## IX

### ღამწვარი სახლი

შუა აგვისტო

ჩავწერთ თუ არა დღევანდელ დღეს? მეტად მწარე ლუქმაა. ჯერ კიდევ ვერ მომინელებია მთლიანად. აბა, მსნედ, ძველო! ეს საუკეთესო საშუალება იქნება მის მოსანელებლად.

ამბობენ, ზაფხულის წვიმა ბარაქის ნიშანიაო. თუ ეს ასეა, კრეზუსზე უფრო მდიდარი უნდა ვიყო, რადგან ამ ზაფხულს ჩემ ზურგს

თავსხმა არ მოჰკლებია, მაგრამ ივანია ნათლისმცემელივით ფეხშიშველი და ტიტველი დავდივარ. როგორც კი ამ ორმაგ უბედურებას თავი დავალწვიე — ჩემი გლოდი მორჩა, მორჩა ღელაბერიც, პირველი ავადმყოფობას გადარჩა, მეორე — სიცოცხლეს — სამყაროს მმართველმა ძალებმა ჩემზე შმაგი იერიში მოიტანეს (იქ, მაღლა, ცაში უთუოდ ვილაც დიაცი გადამკიდებია. ნეტავი რა დავუშავე? არც არაფერი ვუყვარვარ, როგორც ჩანს), რის შედეგადაც დავრჩი შეშველი და ნაცემ-ნაბეგვი, მაგრამ ძელები მაინც შემრჩა (და სწორედ ეს არის მთავარი).

გლოდი თუმცა აღარ ავადმყოფობდა, შინ დაბრუნებას არ ვჩქარობდი; ჩემი გვრძობის გამოქანსალება მასზე მეტად მე მახარებდა. ბავშვის გამოქანმრთელებას რომ უცქერი, ასე გგონია, სამყაროს შექმნას უმზერ, ქვეყანა ახლად შექმნილი გეჩვენება, რძეშეუმშრალი. ასე რომ, ჩემთვის დაეხეტებოდი, ბაზარში მიმავალი ჰორიკანა ღელაკაცებს მოტანილ ახალ ამბებს უგულისყუროდ ვუსმენდი. და აი, ერთ დღეს ყურები ვცქვიტე იმ ბებერი ვირივით, რომელიც პატრონის სახრესა ხედავს. ამბობდნენ, კლამსიში ბოვრონის გარეუბანი აღშია გახვეული და სახლები ფიჩხებივით იწვისო. მეტი ვკრათფერი გავიგე, მაგრამ ამ დღიდან მოსვენება დავკარგე, ბოვრონელებს თანავუგრძნობდი და ნაკვერჩხლებზე ვიჭექი. რამდენი არ მიძახეს:

— დამშვიდდი, შე კაი კაცო! ცუდი ამბავი მერცხალივით სწრაფია. ხელად მოგაგნებს. საქმე შენ რომ გეხებოდეს, უკვე გეცოდინებოდა. შენს სახლზე ხომ არაფერი უთქვამთ, ვინ დათვლის ბოვრონში რამდენი ვირია...

მაინც ადგილზე ვერ ვისვენებდი, გულში ვამბობდი:

— არა, ჩემი იწვის, დამწერის სუნი მცემს...

კომბალი ავიღე და გზას გავუღდექი. ვფიქრობდი:

„რა სულელი ვარ, უფალო! ეს პირველი შემთხვევაა, კლამსიდან ისე წავედი, რომ არაფერი გადამიმალავს. სხვა დროს, მაგალითად მტრის მოახლოვებისას, ხიდს იქით, კედლების უკან მიმქონდა ოჯახის მფარველი ღმერთები, ფული და ჩემი ხელოვნების ნიმუშები, რომლითაც ვამყობ, ხელსაწყოები, ავეჯი, ბარგი-ბარხანა; თუმცა უშნონი არიან და უხეირონი, მაინც არ გავცვლიდი მსოფლიოს ოქროზე, რადგანაც ჩვენი უბადრუკი ბედნიერების მოწმენი არიან... ამჯერად ყველაფერი სახლში დავტოვე“.

საიქიოდან მესმოდა, ამ წინდაუხედაობის გამო როგორ მლანსლავდა ჩემი დედაბერი. ვეუბნებოდი:

— შენი ბრალია, შენს გამო ვიჩქარე, შენს გამო ვიწრაფე!

დიდი აყალმაყალის შემდეგ (ამან ცოტა ხანს გამართო) შევეცადე ისიც და ჩემი თავიც დამერწმუნებინა, რომ უმიზეზოდ ვშფოთავდით. მაგრამ აბეზარი ფიქრი ბუზივით თავს დამბზუოდა, მიბრუნდებოდა, არ მასვენებდა და ცხვირზე მაჯდებოდა. განუწყვეტლივ იმას ვხედავდი და ზურგზე სიმწრის ოფლი მასხამდა. ჩქარა მივიდიოდი. ვიღაცე ვივარე. და ის იყო, დაბურულ აღმართს აუყევი, რომ ფერდობზე უოიკა დავინახე, ზედ მულაოელი მეწისქვილე, პაპა ყოყო იჭდა, ბიკნო, გაჩერდა, შოლტი ასწია და დამიყვირა:

— საბრალო ბიჭო!

თითქოს მტყელში მუშტი მომხვდაო, გზის პირას გავხვევი პირდაღებულნი. მან კი განაგრძო:

— სად მიხვალ? დაბრუნდი, კოლა. ნუ შეხვალ-მეთქი ქაღაქში. გული მოგიკვდება. ყველაფერი დამწვარია, ნაცარტუტად ქცეული. არაფერი დაგრჩა.

ხვადაგი, ყოველ სიტყვაზე კუქმავს მიტრიალებდა, გადაწყვიტე მაინც არ გამეტეხა ისტიბარი, ნერწყვი გადაეყლაპე, წელში გაეიმართე და ვუთხარი:

— ახალი ამბავი! ყველაფერი ვიცი.

— მაშ, იქ რად მიხვალ, რა ვინდა ნანსო? — წყენით მკითხა მოხუცმა.

— რაც დარჩა.

— გეუბნები, არაფერი დარჩა-მეთქი, არაფერი, არც კარგი, არც ავი, არც ბოლოკის თავი.

— ყოყო, ამლაშებ, ვერ დამაჯერებ, რომ ჩემმა ორმა შეგირდმა და კარგმა მეზობლებმა გულცივად უყურეს, როგორ იწვოდა სახლი და არ გადამირჩინეს თუნდაც ორიოდ წაბლი, ან რამე ავეჯი, როგორც ამას ძმურად აკეთებენ ხოლმე...

— მეზობლებიო? შე უბედურო! სწორედ იმათ დაგიწვეს სახლი...

ამან კი ბოლო მომიღო. ყოყომ ნიშნის მოგებით მიიხრა:

— ხომ ხედავ, არაფერი გცოდნია.

ისტებიარს მაინც არ ვიტეხდი, მაგრამ იმ წყეულმა ყოყომ, დარწმუნებულმა, რომ პირველი მიაბობდა ამ გასახარელ ამბავს, კმაყოფილებითა და მწუხარებით, ხანძრის ამბის მოყოლა დაიწყო:

— ყველაფერი ჭირის ბრალია. ყველა გაგიჟდა. ერთი მითხარი, რად დაგვტოვეს მუნიციპალიტეტისა და სამთავროს ვაჟბატონებმა, მრჩევლებმა, პროკურორებმა? წავიდა მწყემსი. გაცოფთა ფარა. ბოვრონში ჭირის ახალი ნიშნები რომ აღმოჩნდა, ყვირილი მორთეს: ჭირიანი სახლები დავწვათო! თქმა და გაკეთება ერთი იყო. შენ აქ არ იყავი, შენი სახლით დაიწყეს. მონდომებით. შრომობდნენ, ყველას თავისი წვლილი შეჰქონდა, ფიქრობდნენ, ქალაქის საკეთილდღეოდ ვმუშაობთო, ერთიმეორეს აქეზებდნენ. ნგრევას რომ იწყებენ, ხომ იცი, რა ხდება: ყველა გიჟდება, ცოფდება, თვრება, ყველაფერი იმსხვრევა, არ ჩანს საზღვარი... ცეცხლი რომ შეუნთეს, ფერხული დაუარეს. თითქოს ყველა გახელდა... „ბოვრონის ხიღზე ხალხი ცეკვავს, ხალხი ცეკვავს“... ნეტავი გენახა... „ნახეთ როგორ ცეკვავს, ხალხი როგორ ცეკვავს“... რომ გენახა, შეიძლება მათთან ერთად შენც გეცეკვა. ვერ წარმოიდგენ, როგორ იწვოდა და როგორი ტყაცატყუცი გაჰქონდა სახელოსნოში დაწყობილ ფიცრებს... ერთი სიტყვით, ყველაფერი გადაწვეს!

— კარგი იყო, მენახა, უთუოდ ლამაზი იქნებოდა, — ვთქვი მე.

მართლაც ასე ვფიქრობდი, მაგრამ თან იმასაც ვამბობდი გულში: „მკვდარი ვარ. მომკლეს“.

მაგრამ ყოყოს ამას არ ვეუბნებოდი.

— როგორ, ეს არ გაშფოთებს განა? — უკმაყოფილოდ თქვა მან.

(კეთილი კაცია, ძალიან ვუყვარდი; მაგრამ ხომ იცით, — ასეთია ადამიანის წყეული ბუნება, — არ გწყინს, ზოგჯერ მეზობლის უბედურებას რომ ხედავ, თუნდაც იმისათვის, რომ ნუგეშს სცემ და ისიამოვნებ.) ვუთხარი:

— დასანანია, რომ ასეთი დიდებული კოცონისათვის ივანობის ღამეს არ დაუცადეს. — და წასვლა დავაპირე.

— მაინც მიდინარ?

— მივდივარ. ნახვამდის, ყოყო.

— ახირებული ვინმე ხარ! — მითხრა მოხუცმა.

ცხენს შოლტი გადაუჭირა.

მივდიოდი, უკეთ რომ ვთქვა, სანამ ურიკა მოსახვევში არ მიიმალა, ვითომ მივდიოდი; მერე კი ათი ნაბიჯის გადადგმაც ვერ მოვახერხე, მუხლები მომეკვეთა. კუნძზე დავეშვი, თითქოს ღამის ქოთანზე დავჭექი.

წუთები, რომელიც ამას მოჰყვა, საზიზღარი იყო. მეტი ბაქიობა

აღარ მქირდებოდა. შემეძლო უბედური ვყოფილიყავი, უბედური, რამდენიც მსურდა, და ეს სიკეთე არ მოვიკელი. ვფიქრობდი:

„ყველაფერი დავკარგე, ყველაფერი: კერა, მისი ხელახლად აღდგენის იმედის სიმწრით დანაზოგი ფული, სახლი, დღე და ღამე მოუსვენარი შრომით ნაგები. შრომა კი ჩემისთანა საწყალი კაცისათვის უდიდესი შვებაა. გაქრა ჩემი ცხოვრების კედლებში ჩამჯდარი მოგონებანი, ჩირაღდნების მსგავსი წარსულის აჩრდილნი და კიდევ მეტიც, დავკარგე ჩემი თავისუფლება. ახლა რა მელის? ერთ-ერთ შვილთან უნდა ვიცხოვრო. აკი ჩემს თავს ფიცი მივეცი, რადაც არ უნდა დამჯდომოდა, მათ ამ უბედურებას ავაცილებდი! ცხადია, შვილები მიყვარს, მათაც ვუყვარვარ, ესეც უდაოა, მაგრამ ისეთი უქკლო როდი ვარ, არ ვიცოდე, რომ ყველა ჩიტი თავის ბუდეში უნდა ღარჩეს, რომ მოხუცები ახალგაზრდებს აწუხებენ და თვითონაც წუბდებიან. ყველა თავის მიერ დადებულ კვერცხებზე ფიქრობს, თვითონ კი საიდან გამოიჩეკა, რა ესაქმება. ბებერი, რომელსაც სიცოცხლე ჭიუტად სწყურია, თუ ახალ ნაჩეკში გარევეს ცდილობს, დაუპატიჟებელი სტუმარია, რამდენიც არ უნდა ეცადოს შეუმჩნეველი დარჩეს. მაინც პატივისცემა ეკუთვნის. ეშმაკსაც წაულია პატივისცემა! ივია ყველა უბედურებისა და უთანასწორობის მიზეზი; ყველაფერი გავაკეთე, რომ ჩემდამი პატივისცემას ჩემი ხუთი შვილი არ გაეგუდა და ეს არც ისე ცუდად მოვახერხე; მაგრამ რაც უნდა იღონოთ, მიუხედავად იმისა, რომ უყვარხართ, მაინც ისე გიყურებენ, როგორც უცხოს; თქვენ იმ მხარიდან მოდიხართ, სადაც ისინი არ დაბადებულან და ვერ გაიცნობთ ქვეყანას, სადაც ისინი მიდიან; მაშ, როგორ გნებათ ერთმანეთს გაუგოთ, ერთმანეთს მიუხვდეთ? თქვენ მხოლოდ ერთმანეთს აწუხებთ და ბრაზობთ და მერე, იცით რა, მართალია, ამის თქმა საშინელებაა, მაგრამ კაცმა, რომელიც ძალიან უყვართ, არ უნდა გამოსცადოს თავისიანების სიყვარული: ეს უფლის ცდუნება იქნება. მეტისმეტი არ უნდა მოსთხოვოთ ჩვენს ადამიანურ ბუნებას. კარგია კარგი ბავშვები; საწუწუნო არაფერი მაქვს; მაგრამ კიდევ უკეთესები არიან, თუ მათი დახმარება არ გქირდებათ. ამაზე მეტის თქმა შეიძლებოდა, რომ მინდოდეს. ბოლოს და ბოლოს, თავმოყვარეობა არ მომცემს ამის ნებას. არ უნდა წაართვა პურის ნამცეცი, თუკი გაეცი. თითქოს ვალს ვთხოვდე: „ახლა თქვენ მარჩინეთ, უწინ მე გარჩენდით“. ლუკმა, რომელიც ჩემი შრომით არ მიშოვნია,

ყელზე მადგება. ასე მგონია, თვალით ლუკმას მითვლიან. თავისუფალი მინდა ვიყო, მხოლოდ ჩემი შრომის მოვალე, ჩემი სახლის ბატონ-პატრონი, ჩემს ნებაზე შევიდე და გამოვიდე. გროზად არ ვლირვარ, როდესაც დამცირებულად ვგრძნობ თავს. ეჰ! რა ცუდია, იყო ბებერი, შენიალების სელში შემყურე; ეს თანამოქალაქეების მოწყალებაზე უარესია. შენიალები ვალდებული არიან გარჩინონ და არ იცი, კეთილის გულით შვრებიან თუ არა; სჯობია ჩაძაღლდე, ვიდრე ისინი შეაწუხო“.

ასე ვწუწუნებდი თავმოყვარეობაშებლალული, გრძობაშელახული, დამოუკიდებლობაშერყეული, ყველა სიკეთეშებლალული. ვწუხბდი კვამლად ქცეული წარსულის მოგონებასა და ყველაფერზე, რაც მქონდა კარგი თუ ცუდი. კარგად ვიცოდი, რომ რაც უნდა მეღონა, მაინც იმ ერთადერთი გზით უნდა მევლო. უნდა გამოეტყდე, რომ ფილოსოფოსობის თავი არ მქონდა. უბედური ვიყავი, იმ ხესავით უბედური, რომელიც ძირში მოჭრეს და დააპეს.

ასე, ქოთანზე მჯდარი, ირგვლივ ვიყურებოდი, ვეძებდი, რას ჩავკიდებოდი და მასლობლად ხეივნის ხეების ქოჩრებით დაბურული კენსის ციხე-დარბაზის ხრახნილისებრი კოშკი დავინახე. და უცბად ოცდახუთი წლის მშვენიერი ნამუშევრები მომაგონდა, ნამუშევრები, რომლებითაც ის კოშკი დავამშვენე: ავეჯი, პანელები, მოჩუქურთმებული კიბე, ყოველივე ის, რაც კეთილმა ბატონიშვილმა ფილიბერმა შემიკვეთა... ის აბეზარი! რამდენჯერ გავუმწარბივარ. ერთ დღეს მომინდომა მისი საყვარლები ევას სამოსში გამომექანდაკებინა, თვითონ კი — ადამის ტყავში, გიჟმაჟი, აშიკ-მაშიკი, გველის მობრძანების შემდეგდროინდელი ადამისა! მერე მოეპრიანა, საკურველსაცავში იარაღების დასაკიდ ფარზე ამოქანდაკებულ ირმებს ჩვენს მხარეში ცნობილ რქადასმულთა თავები ჰქონოდათ. ამაზე ბევრი ვიცინეთ... მაგრამ უნდა გითხრათ, რომ ძნელი იყო ამ ქაჯი კაცის გულის მოგება. დაამთავრებდი თუ არა, ისევ თავიდან უნდა დაგეწყო; ფულის გადახდა კი ენანებოდა, ეს იშვიათი ხილი იყო... მაგრამ ამას რა მნიშვნელობა ჰქონდა! ბატონიშვილს ერთნაირი გატაცებით უყვარდა ყველაფერი ლამაზი, ხისა იქნებოდა თუ ხორციელი, უსულო თუ სულიერი (სწორედ ესაა კარგი. ხელოვნება უნდა გიყვარდეს, როგორც შენი საყვარელი, გულით, სულით, ხორციით, ვნებით, გატაცებით). და თუ წუწურაქმა საფასური არ მომცა, ხომ გადამარჩინა!

კლასიში თუ დავიდუბე, აქ ზედაპირზე ვტივტივებ. ჩემი წარსულის ხე თუ დაიღუპა, მისი ნაყოფი ხომ მაინც დამრჩა. სამშვიდობოს არის. არ ეშინია არც ყინვის, არც ცეცხლის. ცხოვრების ეშხი რომ დამბრუნებოდა, მინდოდა ჩემი ნახელავი დაუყოვნებლივ მენახა, კბილებით ჩაუფრენოდი, გემო ვამესინჯა.

ციხე-დარბაზში შევედი. იქ კარგად მიცნობდნენ. ბატონი შინ არ იყო: მოვიპიზეზე, ახალი ზომა მაქვს ასაღები-მეთქი და იქით გავემართე. სადაც ჩემი შვილები მეგულებოდნენ. დიდი ხანი არ ვენახა ბავშვები. სანამ ხელოვანი ძალას გრძნობს მკლავში, ქმნის და რაც შეუქმნია, იმაზე არ ფიქრობს. ერთხელ, როდესაც მათი ნახვა მოვისურვე, ბატონმა დე კენსიმ უცნაურად გაიცინა და არ შექიშვა. ვიფიქრე, ცუდლუტს უთუოდ ვიღაც ასტაჯანა, ქმრიანი ქალი ჰყავს-მეთქი დამალული და რადგანაც დარწმუნებული ვიყავი, რომ ის ჩემი ქალბატონი არ იქნებოდა, დიდად არ შევწუხებულვარ. და მერე, იცით რა, დიდი ხვადაგების ხუსტურებთან არ დაობენ: ასე უფრო გონიერია. აქაურებიც ახირებულ კაცად თვლიან და სათოფეზე არ ეკარებიან.

ასე რომ, მთავარ კიბეს გაბედულად ავყვევი. ათი ნაბიჯიც არ გადამიდგამს და ლოტის ცოლივით გავქვავდი. ყურძნის მტევნები, ატმის ტოტები, ჩუქურთმიან მოაჯირს შემოხვეული, აყვავებული ლიანები დანით აეკუწათ. თვალებს არ ვუჯერებდი, ხელი შევახე საბალო დასახიჩრებულთ. თითებით ვიგრძენი მათი ჭრილობების მოსახულობა. სუნთქვა შემეკრა, კენესა აღმომხდა. სწრაფად ავირბინე კიბის საფეხურები: მეშინოდა, რომ უარესი არ მენახა!.. იმან, რაც დამხვდა, ყველა მოლოდინს გადააჭარბა.

სასადილოში, საჭურველსაცავეში, საწოლ ოთახში, ავეჯზე და პანელზე ამოკვეთილ ფიგურებს მოჭრილი ჰქონდათ: ზოგს ცხვირი, ზოგს მკლავი, ზოგს ფეხი, ზოგს კიდევ ვაზის ფოთოლი. ბუხარებს, სკივრების მუცლებს, მოჩუქურთმებულ სვეტებს ამკობდა დანით ამოჭრილი წარწერები: პატრონის სახელი, რაღაც ტუტუცური აზრი, ანდა ამ ჰერკულესისსაფერი სამეშაოს დღე და საათი. დიდი გალერეის სიღრმეში უხებენწვიანი ძუ ლომის კისერზე მუხლმოყრილი ჩემი ლამაზი, ტიტველი იონელი ფერია სამიზნედ ეხმარათ და მუცელი მაჟარის ტყვიებით დაეცხრილათ. და ალაღბედზე საითაც არ მივიხედე, ყველგან დანების კვალი, ბურბუშელა, ნარანდი, მელნის ან ღვინის ლაქები, მიმატებული ულვაშები, ანდა ბინაური ხუშრობა



ვიხილე, ერთი სიტყვით, ყველა ის უხამსობა, რაც მოწყენას, მარტობას, ტაკიმასხარაობასა და სიბრიყვეს შეუძლია უკარნახოს მდიდარი იდიოტის გონებას, რომელმაც თავის მდიდრულ სასახლეში არ იცის, რა მოიგონოს და, ანგრევს ყველაფერს, რადგან არაფრის მაქნისია და არაფრის გაკეთება არ შეუძლია. აქ რომ ყოფილიყო, ალბათ, მოვკლავდი. ვკენესოდი, ვქშინავდი, დიდხანს სიტყვა ვერ დამეძრა. კისერი გამიწითლდა, შუბლის ძარღვები დამებერა, თვალები კიბოსავით გადმომცვივდა, ბოლოს, როგორც იქნა, მოვახერხე შეგინება. დროც იყო! ცოტა კიდევ და ბრაზისაგან გავიგულებოდი... ერთი რომ გასკდა, აი დედასა! როგორ ავიწყვიტე! მთელი ათი წუთი ყველა ღმერთს ვავინე და ჩემი მძულვარება გადმოვანთხიე:

— ჰა, ქოფაკო! — ვყვიროდი მე, — მაშ, იმისათვის მოვიყვანე შენ ბუნაგში ჩემი მშვენიერი ბავშვები, რომ გეწამებინა, დაგესახიჩრებინა, გაგეუპატიურებინა, წაგებლწა, წაგერყენა! ვაიმე, ვაიმე! ჩემო პაწაწინებო, სიხარულში შობილნო, ჩემს მემკვიდრედ გასახადით, შეგქმენით ჯანსაღი, ღონიერი, ფუნჩულა, ნაკვთად სრული, არაფერი დაგაკელით, ისეთი ხისაგან გამოგკერით, რომ ათასი წელი უნდა გეცხოვრათ. ვაი ჩემს მოსწრებას. ველარ მიცენიხართ გახეიბრებულნი, დასახიჩრებულნი ზევიდან და ქვევიდან, წინიდან და უკანიდან: ზოგს ცხვირი აკლია, ზოგს — კისერი. და ომგადახდილ ბებერ მძარცველთა ხროვაზე უფრო მეტად ხართ ჭრილობებით დასერილნი. ისმინე, მაცხოვარო, ვედრება ჩემი (იქნება ვედრება არც გკირდება), მიიღე მოწყალება, რომ სიკვდილის შემდეგ არ მოვხვდე სამოთხეში, პირდაპირ ჯოჯოხეთში მიკარ თავი, შამფურის მახლობლად, რომელზედაც ბელზებელი წაწყმედილ სულებს ბრაწავს, რათა ჩემი ხელით შევატრიალ-შემოვატრიალო შამფურზე უკანალით აცმული ჩემი ბავშვების ჯალათი.

ამ ყოფაში ვიყავი, როდესაც ჩემი ნაცნობი ლაქია, მოხუცი ანდოში მოვიდა და მთხოვა, შემეწყვიტა ბღავილი... კარებისაკენ წამიყვანა, კეთილი კაცი შეეცადა ვენუგეშებინე:

— განა შეიძლება ხის ნატეხებისთვის ამ ყოფამდე მიხვლა? ნეტავი რას იტყობდი, ჩვენსავით იძულებული რომ იყო, ასეთ გიჟთან იცხოვრო? განა არა სჯობია, ამ ფიცრებით გაერთოს, რომლებშიც ფული გადაგიხადა, ვიდრე გვაწამოს ისეთი კეთილი ქრისტიანები, როგორიც, მაგალითად, მე და შენა ვართ?..

— ეჰ! — უპასუხე მე, — გცემოს, რამდენიც უნდა! როგორ გგონია, უარს ვიტყვადი, რომ გავეწეკებლე ამ ხის ერთი ნატეხისათვის, რომელსაც ჩემმა თითებმა სული შთაბერეს? არააა კაცი, ღვთიურია მისი ქმნილება, სამაგზის მკვლელია ის, ვინც აზრსა კლავს!..

კიდევ ბევრ რამეს ვიტყვადი ასევე მკვერმეტყველურად, მაგრამ შევნიშნე, რომ ჩემს მსმენელებს ვერაფერი გაეგოთ და ანდოშის თვალში ისეთივე გიჟი ვიყავი, როგორც მისი ბატონი. და როდესაც კიდევ ერთხელ შეეჩერდი ზღურბლზე, რომ უკანასკნელად გადამეწლო თვალი ამ ბრაოლის ველისათვის, თავში შეეცრად გამიელვა აზრმა, თუ რაოდენ სასაცილონი ვიყავით ჩემი უცხვირო ღმერთები, მათი ატილა, მშვიდთვალა ანდოში, რომელსაც ვებრალებოდი და მე — ბებერი სულელი, ამდენ ნერწყვს რომ ვხარჯავდი ჩერჩეტებთან ყბედობაში... ფრრუტ... შუშხუნასავით გამიელვა... ბრაზი და დარდი დამიცხრა, გაოცებული ანდოშის ცხვირწინ სიცილი დავიწყე და კარში გავეპარდი.

კვლავ გზაზე აღმოვჩნდი; ვამბობდი:

„ამჯერად ყველაფერი წამართვეს. მხოლოდ მიწაში ჩასადებად ვვარგვარ. ტყავილა დამრჩა... კი მაგრამ, დალახეროს ეშმაკმა, ტყავი ხომ შემრჩა, და შემრჩა ისიც, რაც ამ ტყავში მაქვს. იმ ალყაშემ-მორტყმულის დარად, რომელმაც მტრის მუქარაზე, თუ არ დამნებდები, ბავშვებს დაგიხოცავო, უპასუხა: „როგორც გენებოს, მე თან მაქვს იარაღი, რომ სხვები გავაკეთო“, — დასწყევლოს ღმერთმა, მეც ხომ თანა მაქვს იარაღი. ის არ წაუერთმევიათ, ვერც წამართმევენ... სამყარო ხრიოკი ველია, აქა-იქ მოდის ჭეჩილი, რომელიც ხელოვანთ დაგვითესია. მიწიერი და ზეციერი ზვადაგები კენკავენ, ღეჭავენ და ჰქელავენ ჩვენს ყანას. უძღურთა შემოქმედება — მკვლელობაა. ხვა-დაგებო! ღრღენით, გაანადგურეთ, ფეხით გაქელეთ ჩემი ჭეჩილი, ახალს მოვიყვან. თავთავი მწიფე, თავთავი მკვდარი, სულ არ მაწუხებს მე მოსავალი. მიწის წიაღში ღვივის მარცვალი. მე ვარ ის, რაც იქნება, და არა ის, რაც იყო. და როდესაც დადგება ის დღე, როცა ძალ-ღონე გამიჭრება, ან თვალები ჩამიჭრება, აღარ მექნება ხორც-შესხმული ნესტოები და ყანყრატო, ღვინოს რომ ვისხამ, როდესაც მოუსვენარი ენა დამიცხრება, დავიკრეფ მკლავეებს, დაუდგარ ძალას დავკარგავ, ხელში სიმარჯვე წამერთმევა, როდესაც ძალიან დავებრდები და გავხდები უსისხლო და უგონო, იმ დღიდან, აღარ ვიარსე-

ბებ, არა! შეგიძლიათ წარმოიდგინოთ ბრონიონი, რომელიც არ გრძნობს? კოლა, რომელიც არ ქმნის, ბრონიონი, რომელიც არ იცი-  
ნის და ოთხივე ნალით ნაპერწკლებს არ ყრის? არა და არა, ეს იმის  
ნიშანი იქნება, რომ კოლასაგან მხოლოდ შარვალი დაჩა, შეგიძლიათ  
დაწვათ. ჩემი ძონძი თქვენთვის დამილოცნია“...

კლამისიაკენ გავემართე. ბაქიობით, ხელში კომპლით აღმართს  
ვათავებდი (მართალი ვითხრათ, არ დაგიფაცავთ, თავს კარგად ვგრძნობ-  
დი), რომ ტირილით ჩემკენ მომავალი პატარა კაცუნა დავინახე,  
ჩემი შეგირდი რობინე, მეტსახელად პატარა ბინე. ეს ცამეტი წლის  
ბიჭუნა მუშაობის დროს ბუზების ფრენას უფრო მეტ ყურადღებას  
აქცევდა, ვიდრე გაკვეთილს, უფრო ხშირად გარეთ იყო, ვიდრე  
შინ; ერთობოდა წყალში კენჭების სროლით, ანდა გამეღელი გოგო-  
ების კანკების ცქერით. დღეში ოცჯერ მივტყუებავდი ხოლმე; მაგრამ  
მამიუნჩივით მარჯვესა და ქვეშევშევს ეშმაკი, მარდი და კარგი მუშა  
თითები ჰქონდა და მიუხედავად ყველაფრისა, მიყვარდა მისი მუდამ  
დაფჩენილი პირი, ჩაცვნილი ლოყები, ქკვიანი თვალები და პაჭუა  
ცხვირი. იყოდა ეს, სალახანამ! რამდენიც უნდა მეღერა მუშტი,  
მეჭუხა, ძეკეჭა, ცულლუტი იუპიტერის თვალში ღიმილს ხედავდა.  
ასე რომ, როდესაც მივტყუებავდი, ჩოჩორივით მშვიდად შეირხეოდა  
და კვლავ თავისას შვრებოდა. დიდი არამზადა იყო.

მეტად ვამიკვირდა, როცა დავინახე, რომ შადრენის ტრიტონი-  
ვით ცხვირიდან და თვალებიდან ცრემლები ნიაღვრად სცვიოდა  
მოშვარდა, ბლავილათ წელზე შემომეხვია, ცრემლებით დამისველა  
ღიპი. ვერაფერი გამეგო. ვუთხარი:

— აბა! აბა! ვინ გაგაჯერა! დამეხსენ, მომეშვი! დალახვროს  
ეშმაკმა, მითხარი, რად ტირი, ჯერ ცხვირი უნდა მოისოცო და მერე  
კაცს აკოცო.

მაგრამ იმის ნაცვლად, რომ ტირილი შეეწყვიტა, უფრო მაგრად  
შემომეხვია და, თითქოს მსხლის ხის კენწეროდან, ჯერ ჩემს მუხლზე  
ჩამოკურდა, მერე მიწაზე და ტირილს უმატა. შევშინდი.

— აბა, ერთი დადექი, ჩემო ბიჭუნა! მითხარი, რა დაგემართა?

მკლავებში ჩავავლე ხელები და ავიტაცე... და მაშინ შევნიშნე,  
რომ ერთი ხელი შეხვეული ჰქონდა და კინკებიდან სისხლი ყონავდა,  
ტანსაცმელი ძონძებს დაჰსგავსებოდა და წარბებიც გარუჯოდა. ვთქვი  
(უკვე დამავიწყდა ჩემი ამბავი):

— ყურუმსალო! უთუოდ კიდევ წაიცუღლუტე, არა?

— ვაიმე, უსტა, მიწუხს სული, მიმდის გული!

გვერდით მოვისვი და ვუთხარი:

— არ იტყვი მაინც, რა მოგივიდა?

— ყველაფერი დაიწვა!

იყვირა საბრალომ და ისევ ცრემლებად დაიღვარა... მაშინდა მივხვდი, რომ ასე ჩემს გამო, ჩემი დამწვარი სახლ-კარის გამო წუხდა. ვერ ავიწერო, როგორ მეამა. ვუთხარი:

— საბრალო პატარა, ამის გამო ტირი განა?

ის კი არ ცხრებოდა (ეგონა ვერ მიუეხვდი):

— სახელოსნო დაიწვა!

— ახალი ამბავი, ვიცი, რაც გინდა მითხრა. დღეს სულ მაგას მეუბნებიან, ყურები გამომიჰედეს. რას იზამ? უბედურება დაგვატყდა თავს.

ცოტათი დამშვიდებულმა შემომხედა. გული მაინც სტკიოდა.

— მერედა შენ რა, ჩემო პატარა ნამგალა, შენი გალია გიყვარდა განა? შენ ხომ სულ იქიდან გაფრენაზე ფიქრობდი? ალბათ, შენც სხვებივით კოცონის ირგვლივ ცეკვავდი, პატარა გაიძვერავე (რასაკვირველია, ეს აზრადაც არ მქონდა).

აღშფოთებით იყვირა:

— ეგ ტყუილია. ტყუილია! მე ვიჩხუბე. ცეცხლი რომ ჩაგვექრო, რა არ ვიღონეთ, მაგრამ მხოლოდ ორნი ვიყავით. ავადმყოფი, ციებისაგან აძაგაძაგებული კანია (ეს ჩემი მეორე შეგირდია) ლოგინიდან წამოხტა და კარის წინ დადგა, მაგრამ აბა, მიდით და შეაჩერეთ ლორების ჯოგი! წაგვაქციეს, გავვთელეს, გავვქელეს, მიგვებრტყეს და მიგვაგდეს. გაცოფებულნი ტორებს ვურტყამდით, ტლინკებს ვისროდით, ვერაფერს გავხდით, რაბაწეულ მდინარესავით გადაგვიარეს; წამოდგა კანია, გამოეკიდა, კინალამ მოკლეს და მაშინ, როდესაც ისინი ჩხუბობდნენ, მე ცეცხლმოკიდებულ სახელოსნოში შევიპარე... ღმერთო, რა ბული იდგა! ცეცხლი ერთბაშად მოსდებოდა ყველაფერს, ხის მორებიც ჩირაღდნებივით ბრიალებდნენ. ცეცხლის თეთრი, წითელი, შუშხუნა ენები სახეში კვამლსა და ნაპერწყლებს მაფურთხებდნენ. ეტიროდი, ვახველებდი, უკვე ვიწვოდი, გულში ვამბობდი: „რობენ, 'ძეხვივით' შეიწვები!“. მახლას, მოხდეს, რაც მოხდება! ჰოპლა! და როგორც ივანრბის ღამეს, გადავხტი, შარ-

ვალი მეწვოდა, თმები გამერუჟა, აღმოდებულ ბურბუშელაზე დავეცი, ბურბუშელას ბათქაბუთქი გაჰქონდა, მეც ბანი მივეცი: მერე წამოვხტი, წავიბორძიკე, კვლავ გავიშხლართე, თავი დახვას მივართყი, დავრეტიანდი, მაგრამ გონს მალე მოვეგე. ირგვლივ ცეცხლი მძვინვარებდა და გარედან ნადირების ტაშ-ფანდურას ხმა მესმოდა. შვევეაღდე ავმდგარიყავი, დავეცი, დავიბეგვე, მაგრამ ისევ მოვიკრიბე ძალ-ღონე, წამოვიწიე და ათ ნაბიჯზე თქვენი პატარა თმაგაშლილი მარიამ მაგდალინელი დავინახე, მორჩილ, ფუნთუშა, ტურფა და შიშველ ტანს უკვე ცეცხლის ენა ლოკავდა. შევძახე: „შესდექ!“ გავეჩანე, ავიყვანე, გულში ჩავიკარ და ხელებით ჩავაქრე ცეცხლი, რომელიც მის მშვენიერ ფეხებს მოსდებოდა, მერე კი, მართალი გითხრათ, არ ვიცი, არ ვიცი, რა ვქენი; ვკაცინდი: ვტიროდი, ვეუბნებოდი: „ჩემო საუნჯევ, ჩემთანა ხარ, ჩემთან იქნები, ნუ გეშინია, სიტყვას გაძლევ, არ დაიწვები, შენც მომეხმარე, წმიდა მაგდალინელო, და გადავრჩებით“... დრო აღარ იყო... ბუმ... ჭერი ჩამოინგრა. საიდანაც შემოვედი, იმავე გზით დაბრუნება შეუძლებელი გახდა. მრგვალ სარკმელთან სულ ახლოს ვიყავით. სარკმელი ხომ მდინარისკენ იჭირება. მუშუტით მიწა გავტეხე. შიგ, როგორც სალტეში, გავქვერით ორივე. ზუსტად გავეტიეთ, გავფრინდით ჰაერში და თავით ჩავეყვინთეთ ბოვრონის ტალღებში; საბედნიეროდ, ღრმა არ იყო, შლამში ჩავცვივდით და წმინდა მარიამ მაგდალინელს დაცემისას კოპი არ დაჯდომია; მე კი ბედმა არ გამიღიმა: მაგდალინელს ხელი არ ვუშვი, ცხვირით მდინარის ფსკერზე დავასკიდი, ვიჭყუშპალავე; ვსვი და ვყლაპე ზომაზე მეტი; მერე, როგორც იქნა, ნაპირზე გამოვედი და, ლაყბობა რომ არ გამიგრძელდეს, აი, თქვენს წინ ვართ ორივენი! მაპატიეთ, უსტა, რომ ამის მეტი ვერაფერი შევიძელი.

ესა თქვა და მოწიწებით ფუთა გახსნა. ამოიღო ქურთუკში შეხვეული წმინდა მარიამ მაგდალინელი, რომელიც უტოდველი და კეკლუცი თვალებით იღიმებოდა და თავის მომწვარ, პაწაწინა ფეხებს აჩენდა. ისე ავლელი, რომ (გავაკეთე ის, რაც არ გამიკეთებია ჩემი დედაბრის სიკვდილის, გლოდის ავადმყოფობის, ჩემი დაქცევის და ჩემ ქმნილებათა განადგურების გამო) ავტირდი.

მარიამის და რობინეს კონცაში მეორე შეგირდიც მომაგონდა და ვკითხე პატარას:

— კანია რა იქნა?

— დარდისგან მოკვდა.

შუა გზაზე დავიჩოქე, ვეამბორე მიწას და ვთქვი:

— გმადლობთ, ბიჭიკო.

ავხედე ზეცას, მერე მზერა ბინეზე გადავიტანე, დამწვარი ხე-  
ლებით გულში ქანდაკება რომ ჩაეკრა, და ვთქვი:

— აი, ჩემი ყველაზე ლამაზი ქმნილება: სულეები, რომლებიც  
გამოვძერწე. ამათ ვერ წამართმევთ. დაწვით, რაც გამიჩენია! სული  
მაინც ჩემია.

## X

### ა ჯ ა ნ ყ მ ბ ა

ავეისტოს მიწურული.

როცა დაეწყნარდი, რობინეს ეუთხარი: •

— კმარა! რაც მოხდა, მოხდა. ვნახოთ, რა დარჩა გასაკეთებელი.

მოვაყოლე ქალაქის ამბები, რაც ჩემს აოყოფნაში თხუთმეტი  
თუ ოცი დღის მანძილზე მოხდა. მოკლედ მოვაყოლე, გარკვევით,  
ბევრი არ ვალაყბე, რაკი გუშინ მომხდარი — დღეს უკვე ძველი ამ-  
ბავია, მთავარია, ვიცოდეთ, რა დღეში ვართ ამჟამად. გავიგე, რომ  
კლამსიში შიში და ჭირი მეფობდა; უფრო შიში, ვიდრე, ჭირი. ეს  
უკანასკნელი ბედს უკვე სხვაგან ეძებდა და ასპარეზი მაწანწალების-  
თვის დაეთმო. მსხვერპლის სუნზე ეს ავაზაკები ყოველი მხრიდან  
მორბოდნენ, რომ ჭირისთვის დავლა ხელიდან გამოეგლიჯათ; ბატონ-  
პატრონნი იყვნენ. სენის შიშით გაცოფებული და დამშეული მეტი-  
ვეები ან ხელს არ უშლიდნენ, ან მათ ბაძავდნენ. კანონები დუმდნენ.  
ვისაც მათი დაცვა ევალებოდა, საკუთარი მინდვრების დასაცავად  
წასულიყვნენ. ჩვენი ოთხი მრჩევილიდან ერთი მომკვდარა, ორი გაქ-  
ცეულა, პროკურორიც აორთქლებულა. ციხე-დარბაზის მამაცი, მაგ-  
რამ ნეკრესიანი, ფეხებდასიებული, ჭკუამოკლე და ცალხელა მოხუ-  
ცი კაპიტანიც აეუწყათ. ერთადერთი მრჩეველი, რაკენი დარჩენილა.  
ამ აღვირაწყვეტილი მხეცების წინაშე მარტოდ დარჩენილს შიშის,

სისუსტის თუ ვერაგობის გამო გადაუწყვეტია, რომ აჯობებდა, თავს დაატყდარ უბედურებას თუ წინააღმდეგობას არ გაუწყვედა და ცეცხლს მის წილს დაუთმობდა. მაგრამ თავისი გულღრძობუნება რომ დაექმყოფილებინა, რაშიც თავის თავსაც არ უტყდებოდა (ვიცნობ მაგ არამზადას), ცეცხლის წამკიდებელ ხროვას იმათ უსევდა, ვის ბედნიერებაზეც თვალი რჩებოდა, ანდა შურს იძიებდა. ახლა კი მივხვდი, ჩემი სახლი რად აირჩიეს!..

— კი მაგრამ, სხვები, მეღაბურები რაღას შვრებიან? — ვკითხვ რობინეს.

— „ბე..ე..ეს“ გაიძახიან, — თქვა ბინემ; — ეჰ! ცხვრები არიან, სახლებში სხედან, ელოდებიან, ყაჩაღები როდის მივლენ და ყელს გამოლადრავენ. აღარც მწყემსები ჰყავთ და არც ძაღლები.

— კი მაგრამ, ბინე, მე ხომ აქა ვარ! ვნახოთ, ბიჭიკო, თუ კიდევ შემრჩა ეშვები. კმარა ლაპარაკი, თან საქმე, ჩემო პატარა.

— უსტა, მარტოხელა კაცი რას გააწყობს?

— ვცადოთ მაინც.

— იმ უნიფხო მათხოვრებმა ხელში რომ ჩაგიგდონ?

— არაფერი გამაჩნია: ფეხებსაც ვერ მომშამენ. მიდი და სცადე, ქაჩალი ეშმაკი დავარცხნო.

ბინემ ცეკვა დაიწყო:

— ვახ, რა დროს გავატარებთ! ფრელოფანფან, იწუწუკე, იბაცაცე, გაწმინდე, გაჰკრიტე და ტირირარა, ტარირიდი, აბა გიდი, წინ იარე და წინ მიდი.

და თავისი დამწვარი ხელით ყირაზე გადავიდა, ცოტა დააკლდა, არ გაიშხლართა. მკაცრი გამომეტყველება მივიღე:

— ჰე, მაიმუნო, მითხარი, ეგ რა საქმეა ტიალი, ხის წვერზე კუდით ტრიალი. ადექი, დინჯად იყავი. უნდა მისმინო.

თვალეზგაბრწყინებული სმენად გადაიქცა.

— დიდხანს აღარ იცინებ! აი რა: მე მარტო წავალ კლამსიში. ახლავე.

— მეც წამიყვანე!

— შენ ღორნესიში გგზავნი ელჩად, ნახე ჩვენი მრჩეველი ბატონი ნიკოლი, კაცი ფრთხილი, კარგი გულისა და კიდევ უკეთესი ფეხების პატრონი, რომელსაც თანამოქალაქეებზე მეტად თავისი თავი უყვარს და თავზე უფრო თავისი ქონება. ასე გადაეცი, თუ ხვალ

დლითვე არ დაბრუნდება, ღვინოს დაეღვევენ. იქიდან სარდიში ადი და თავის სამტრედეში ინახულე პროკურორი. მეტრ გიომ კურტინიონი, უთხარი, თუ ამაღამვე აქ არ გაჩნდება, სახლს გადაუწვავენ, გაძარცვავენ და იქაურობას სულ ნაცარტუტად აქცევენ. შენ აგრე უთხარი და მყისვე გამოქანდება. დანარჩენსა შენ თვითონვე მიხედები, რაც უნდა თქვა. ტყუილების გუდა ზურგზე გკილია.

— საქმე ძნელი როდია, მაგრამ თქვენი დატოვება რომ არ მინდა. — მიპასუხა პატარამ, თან კეფას იფხანდა.

— ერთი მითხარი, უქნარა, როდის გკითხე, რა გინდა და რა არა! გიბრძანებ, მორჩა და გათავდა.

მინც არ ჩამომეხსნა და:

კმარა-მეთქი ვუთხარი.

და რადგანაც ჩემს ბედზე სწუხდა, ვუთხარი:

— რბენას არ გიშლი, საქმეს რომ მორჩები. ჩემთან დაბრუნდი. თუ ჩემი მოხმარება გინდა, მაშეელი ძალა უნდა მომიყვანო.

— დაოთხებულებს გამოვაქცუნებ, ქენებ-ქენებით, ოფლში გავწურავ და ისე მოგგვრით კურტინიონსა და ნიკოლს, თუნდაც ამისთვის ნიშადურის ამოცხება დამჭირდეს!

თქვა ესა და ისარივით გაქანდა, მერე შეჩერდა:

— უსტა, ეს მინც მითხარით, რას აპირებთ?

ვნახოთ-მეთქი, იღუმალი გამომეტყველებით ვუპასუხე. (ჯერ თვითონაც არაფერი ვიცოდი).

• • •

სალამოს რვა საათისათვის ქალაქში შევედი. ოქროსფერ ღრუბლებზე მზის ძეწამული დისკო გაწოლილიყო. ზაფხულის მშვენიერი ღამე დგებოდა. და არავინ იყო, მისით რომ დამტკბარიყო. ბაზრის კარი ღია დარჩენოდათ, დარაჯიც არ იდგა, ყველაფერი ღვთის ანაბარა იყო მიტოვებული. დიდ ქუჩაში პურს ღრღნიდა მკლე კატა; აიბურძენა, რომ დამინახა, და მერე მოუსვა. თვალდახუჭულ სახლებს გახევებული სახეები ჰქონდათ. სამარისებური სიჩუმე სუფევდა. გულში ვთქვი:

„დამგვიანებია, ყველანი ღახოცილან!“



მაგრამ აი, შევეამჩნიე, რომ ჩემი ნაბიჯების ხმას დაგმანული დარაბების უკანიდან ყურს უგდებდნენ. დავაბრაახუნე. გააღეთ-მეთქი,— ვიყვირე.

არავინ განძრეულა. მეორე სახლთან მივედი და კვლავ დავაბრაახუნე წიხლებითა და ჯოხით. არავინ გამიღო. შიგნიდან თაკვების ფხაკური მომესმა. ახლა კი მივხვდი:

— უბადრუკნი, სოროებში ჩამძვრალან! დამაცადეთ, ღუნღულლებს აგიქრელებთ!

წიგნის მაღაზიის ვიტრინას წიხლები და მუშტები დავუშინე და ყვირილი მოვრთე:

— ჰეი, ძმაბრჭო! სოლსუა დენი, გაგიწყრა ღმერთი, გააღე-მეთქი, თორემ ყველაფერს დავამტვრევ; გსურს ავტეხო სროლა? ყვერულო, ბრონიონი ვარ, კოლა.

რაღაც სასწაულით (თითქოს ფერია ფანჯრებს ჯადოსნური ჯოხით შეხებოდეს) ყველა დარაბა გაიღო და ბაზრის ქუჩის გასწვრივ, ფანჯრების რაფებზე ხახვებივით ჩამწკრივებული, შეშინებული სახეები გამოჩნდა. მათვალეიერებდნენ, მიყურებდნენ, მიყურებდნენ და კიდევ მიყურებდნენ... მართალი გითხრათ, არ მეგონა, თუ ასეთი ლამაზი ვიყავი. სახეზე ხელი მოვისვი. უცბად ყველა გაიბადრა. სახეზე კმაცოფილება აღებუქდათ.

„ამ კაი ხალხს როგორ ვუყვარვარ“, — ვთქვი გულში, თავს კი არ გამოვეუტყდი, რომ მათი კმაცოფილების მიზეზი ამჟამად ჩემი აქყოფნა იყო. ეს ოდნავ ამშვიდებდათ.

რაღა ბევრი გავაგრძელო, ბრონიონს და ხახვებს შორის გაიმართა საუბარი. სეტყუვასავით დამყარეს კითხვები და მეც ყველას სათითაოდ ვიგერიებდი.

— საიდან მოდიხარ? რას აკეთებდი? ვინ ნახე? რა გინდა? როგორ შემოხვედი? რა გზით გამოიარე?

— აბა, აბა! ნუ ღელავთ, სიამოვნებით ვხედავ, ენა რომ გამოგებათ, თუმც გული და ფეხები დაგიკარგავთ. მანდ რას აკეთებთ? ჩამოდით, საამოა სალამოს გრილი ჰაერი. წალები ხომ არ წაგართვეს, ოთახებში გამოკეტილნი რომ სხედხართ?

პასუხის ნაცვლად მეკითხებიან:

— ბრონიონ, რომ მოდიოდი, ქუჩაში ვინ შეგხვდა?

— სულელებო, — ვუთხარი მე, — აბა ვინ შემხვდებოდა, ყველანი საკუთარ ბუდეში შეყუყულხართ.

— ყაჩაღები არ გინახავს?

— ყაჩაღები?

— ჰო, ყველას ძარცვავენ. ყველაფერს წვავენ.

— სად?

— ბეიანში.

— წავიდეთ, დავიჭიროთ. საქათმეებში რას დამსხდარხართ?

— სახლებს ვდარაჯობთ.

— მეზობლის სახლის დაცვა შენი სახლის დარაჯობასაც ნიშნავს.

— ჯერ თავო და თავო, მერე ცოლო და შვილო.

— ვიცნობ მაგ სიმღერას: „მეზობლის სიყვარული მეტისმეტად დიდია, მაგრამ გაჭირვებისას ფეხებზედაც მკილია“... უბედურნო, ყაჩაღების წისქვილზე ასხამთ წყალს. სხვებს რომ გაძარცვავენ, თქვენც მოგადგებიან.

— ბატონმა რაკენმა თქვა, ამ შიშიანობის უამს, სანამდე წესრიგს აღადგენდნენ, სჯობს ცეცხლს მისი წილი მივეუზღოთო.

— მერედა, წესრიგს ვინ აღადგენს?

— ბატონიშვილი დე ნევერი.

— მანამ ბევრი წყალი ჩაივლის. ბატონ დე ნევერს საკუთარი საქმეები თავსაყრელად აქვს და სანამ თქვენზე იფიქრებდეს, ყველას ვადაგბუგავენ. აბა, წამოდით, ბიჭებო! ვისაც გინდათ, შეგრჩეთ ტყავი, უნდა გაანძროთ მკლავი.

— ყაჩაღები ბევრნი და შეიარაღებულნი არიან.

— როგორც ჰქუხს, არც ისე წვიმს ხოლმე.

— თავკაცები არა გვყავს.

— თვითონვე ითავეთ.

აყარზე წამოსკუპებული ჩიტებივით ფანჯრებიდან განაგრძობდნენ კიკიყინს; ერთმანეთში დაობდნენ, განძრევა კი არავის უნდოდა. მოთმინება დავკარგე:

... რაო, მთელი ღამე ცხვირაწეული, კისერწაგრძელებული და ქულაში აყუდებული უნდა დამტოვოთ? მე თქვენთან სერენადის სამღერლად კი არ მოვსულვარ, არც ის მაინტერესებს, როგორ ავაწკაწებთ ოთახებში კბილებს. იმას, რაც სათქმელი მაქვს, არც მღერიან

და არც სახურავებიდან ყვირიან. გააღეთ კარი, გააღეთ-მეთქი, თორემ, ღმერთმანი, ცეცხლს წაგვიკიდებთ. კარში გამოდიო, მამლებო (თუ კიდევ დარჩიო), საქათმეს დედლებიც მოუვლიან.

გაეცინათ, აბუზღუნდნენ და ჭერ ერთი კარი გაიღო, მერე — მეორე. გამოჩნდა ცხვირი, მას მოყვა ცხვარი და როგორც კი დაინახეს, ბაკიდან ერთი ცხვარი გამოსულაო, მთელი ფარა გამოვარდა. ირგვლივ შემომიარეს, შემატრიალ-შემომატრიალეს, დაკვირვებით შემათვალეირეს:

— არა, მართლა მორჩი?

— კაჟივითა ვარ.

— გზად არავინ აგვიდებია?

— არავინ. მხოლოდ ერთგან ბატების გუნდი სისინით გამომეკიდა.

და როცა დარწმუნდნენ, რომ ყველა ხიფათს გადავურჩი, შვებით ამოისუნთქეს, უფრო მეტად შემიყვარეს. ვუთხარი:

— აბა, კარგად შემომხედეთ, უვნებელი ვარ. ყველაფერი ადგილზე მაქვს, არაფერი მაკლია. სათვალე ხომ არ გნებავთ? მოვრჩეთ, კმარა! ხვალ უკეთ დამინახავთ. დრო არ იცდის, ლათაიებს მოვეშვათ. სად შეგვიძლია ვიბაასოთ?

— ჩემს სამკეძლოში, — თქვა განიომ.

ცხვრის ფარასავით შეეჭურღლით განიოს სამკეძლოში, სადაც რქის სუნი იღგა და მიწა ცხენების ფლოქვებით იყო დატკეპნილი. კარი მოვიხურეთ. მიწაზე დადებული კრაქის შუქით განათებულ გაქვარტლულ კერზე ჩვენი თავწალუნული ჩრდილები ეცეკვდნენ. ყველა დუმდა. უცებ ყველა ერთად ალაპარაკდა. განიომ გრდემლზე ჩაქუჩი დაჰკრა. ყაყანი ჩაქუჩის ხმამ დაფარა; ამით ვისარგებლე და ვთქვი:

— ბევრს ნუ გავაგრძელებთ. ყველაფერი ვიცი. ჩვენში ყაჩაღები მოკალათებულან. ჰოდა, გავყაროთ ისინი.

მიპასუხეს:

— მეტად ძლიერნი არიან. მეტივეებიც ეხმარებიან.

— მეტივეებსაც სწყურიათ და როცა ხედავენ, რომ სხვები სვამენ, არ უყვართ ცქერა. მეც არ მიყვარს ასეთი სურათის გულხელდაკრეფილი მხერა. ცდუნებაში არ უნდა შეიყვანო უფალი და მით უმეტეს, მეტივე კაცი. თუ ძარცვას ხელს არ შეუშლით, ნუ გაგიკვირდებათ, რომ პატიოსანი კაციც გაურცხვდეს! და შეეცადოს ნაქურდა-

ლი მის ჯიბეში მოხვდეს და არა მეზობლისაში. ასეთია ეს ცხოვრება მრუდი, ყველგან არის კეთილი და ცუდი. მოლით და, მაცხოვარი-სა არ იყოს, ჩვენც „ab haediis scindere oves!“

— კი მაგრამ, მრჩეველი რაკენი რომ გვიკრძალავს, რამე ვილონოთ. რაკი აქ არც ნაცვალაა და არც პროკურორი, ქალაქში წესრიგის დაცვა მას ევალება.

— მერედა, იცავს განა?

— ამბობს, რომ...

— მე გეკითხებით, იცავს თუ არა?

— მაგას რა თქმა უნდა.

— მაშ, ჩვენ ვითავოთ ჩვენი დაცვა.

— ბატონი რაკენი გვპირდება, თუ მშვიდად ვიქნებით, აჯანყება გარეუბნებს არ გასცდებაო.

— საიდან იცის?

— უთუოდ ძალა დაატანეს და აიძულეს, ყაჩაღებს შეთანხმებოდა.

— ასეთი შეთანხმება ხომ ბოროტმოქმედებაა.

— ეს იმიტომ, რომ მათი ყურადღება მივაძინო, ამბობა.

— მათი თუ თქვენი?

განიომ გრდემლს ხელმეორედ დაჰკრა ურო (ასეთი ჩვევა ჰქონდა, როგორც სხვებს სჩვევიათ სოლმე ლაპარაკის დროს ბარძაყზე ხელის დარტყმა) და დაიყვირა:

— კოლა მართალია.

ყველას დარცხვნილი, შეშინებული და გაბრაზებული სახე ჰქონდა. დენი სოლსუამ ცხვირი ჩამოუშვა და დაიწყო:

— ყველაფერი რომ ვთქვათ, რასაც ვფიქრობთ, გრძელი ამბავი გამოვა.

— და მერე რატომ არ ამბობ? რატომ არ ამბობთ? ჩვენ ხომ ძმები ვართ. რისა გეშინიათ?

— კედლებსაც ყურები აქვთ.

— როგორ! ასე დაეცით?... განიო, ჩაქუჩი აიღე და კართან დადექი. ვინც მოისურვებს ან გასვლას ან შემოსვლას, ერთი ისეთი მოადე, რომ თავი მუცელში ჩაუძვრეს! კედლებს ყურები აქვთ თუ არა, არ ვიცი, მაგრამ პირობას გაძლევთ, ენას ვერ მიიტანს, რადგან აქე-

დან იმის შესასრულებლად გავალთ, რასაც დავადგენთ. ახლა ილაპარაკეთ. ვინც გაჩუმდება, მოლაღატე იქნება.

ატყდა ჩოჩქოლი. მეხივით იფეთქა გულში ჩაკლულმა შიშმა და სიძულვილმა. ყვიროდნენ და მუშტებით იმუქრებოდნენ:

— გაიძვერა რაკენის ხელში ვართ! გაგვყიდა იუღამ, გაგვყიდა ჩვენც და ჩვენი ქონებაც: მაგრამ რა უნდა ვქნათ? არაფერი შეგვიძლია: მის ხელშია კანონი და ძალაუფლება.

ვკითხე:

— საღ ბუღღობს?

— რატუშაში. ღღე და ღამე იქა ზის და მეტი სიფრთხილის ნიშნად არამზადებისაგან შემდგარი დაცვა გარს ახვევია, და ალბათ უფრო თვალყურს ადევნებენ, ვიდრე იცავენ.

— მოკლედ, ტყვეა, არა? კეთილი და პატიოსანი. წავიდეთ და გავათავისუფლოთ. განიო, კარი გააღე!

ამკარა იყო, რომ კიდევ ვერ ბედავდნენ.

— რა გაცოვენებთ?

სოლსუამ თავი მოიფხანა და თქვა:

— ეს დიდი საქმეა. ჩხუბიანა კი არ გვეშინია, მაგრამ, ბრონიონ, ყველაფერს რომ თავი დავანებოთ, არა გვაქვს ამის უფლება. ის კაცი კანონია. კანონის წინააღმდეგ წასვლა კი იმას ნიშნავს, თავზე აიღო დიდი და მძიმე...

სიტყვა შევაწყვეტინე:

— პა-სუ-ხის-მგე-ბლო-ბა? კეთილი, პასუხისმგებლობას მე ვკისრულობ. შენ კი ნუ წუბხარ. ჩემო სოლსუა, როდესაც ვხვდავ, თაღლითი თაღლითობას, ჯერ წავაგლი თავს და მერე ვკითხავ სახელსა და გვარს; და თუ ის პროკურორი ან რომის პაპი გამოდგა, ამინ, უფალო, იყოს ნება შენი! მეგობრებო, თქვენც მომხაზეთ. როდესაც წესრიგი უწესრიგობად იქცა, უწესრიგობამ წესრიგი უნდა დაამყაროს და კანონი გადაარჩინოს.

— მოგყვები, — მითხრა განიომ.

ჩაქუჩი გაედო მხარზე, უზარმაზარი თათებით ჩაებლუჯა (მარცხენა ხელზე ოთხი თითიღა შერჩენოდა. სალოკი თითი აკლდა). შავგვრემანია, ცალი თვალით ელამი, წელში გამართული დაიარება, გეგონებათ კოშკი მოდისო. მის ზურგს ამოფარებულნი უყან მიყვევით. ყველამ თავის სახლს მიაშურა, ვინ მაქახელას, ვინ ცულს და ვინ

ურატას სტაცა ხელი. ვერ დავიფიცავ, ყველა დაბრუნდა-მეთქი, უთუოდ საჭურველს ველარ მიაგნეს. საბრალოები! მართალი რომ ვთქვა, დიდ მოედანზე მისვლისას საკმაოდ შეთხლებული ვიყავით. მაგრამ ვინც დარჩა, ყოჩაღები იყვნენ.

საბედნიეროდ, მუნიციპალიტეტის კარი ღია დაგვხვდა. მწყემსს ისე სჯეროდა, რომ მისი ცხვრები თავს უყოყმანოდ გააკრეპინებდნენ, რომ მის ნაგაზებს და თვითონ კარგი ვახშმის შემდეგ უტოლველებივით ეძინათ. ამიტომ, უნდა გამოვტყდე, რომ ჩვენს იერიშში გამორული არაფერი ყოფილა. ბუდიდან გუგულის ამოყვანის მეტი არაფერი დაგვჭირდა და კარგადაც ამოვიყვანეთ: უშარვლო, ტიტველი, როგორც გატყავებული კურდღელი. რაკენი პირმრგვალი კაცი იყო, მსუქანი, ვარდისფერი, შეშუპებული თვალები ჰქონდა. თაფლიკაცი, არც კეთილი, არც სულელი. და ეს კარგად გვიჩვენა. იმწამსვე მიხვდა, რისთვის მივედით, შიშმა და რისხვამ გაივლია მის ნაცრისფერ თვალებში. მაგრამ მალე გონს მოეგო და მბრძანებლური კილოთი გვკითხა, რა უფლებით შემოესიეთ კანონის სახლსო.

მისი ტახტიდან რომ წამოგაგდოთ-მეთქი, ვუთხარი.

გაბრაზდა, მაგრამ სოლსუამ აღარ აცალა.

— მეტრ რაკენ, მუქარის დრო არ არის. თქვენ ბრალდებული ბრძანდებით. მოვედით, ანგარიში მოგთხოვოთ. თავი დაიცავით.

მყისვე სხვაგვარად აქიკიკდა:

— ძვირფასო თანამოქალაქენო, ვერ გამიგია, რა გინდათ ჩემგან, ვინ მიჩივის? განა საფრთხეს მოვერიდე და თქვენს დასაცავად აქ არ დავრჩი? სხვები გაიქცნენ, თავს უშველეს და მარტო მე დავუპირისპირდი ამბოხებასა და ჭირს. რას მისაყვედურებენ? განა მე ვარ მზუნჯი იმ სენისა, რომლის მორჩენასაც ვცდილობ?

ვუპასუხე:

— ამბობენ, „გამოცდილი ექიმი ჭრილობას ამყრალებსო“. შენც ამას აკეთებ, ქალაქის მკურნალო რაკენ. ამბოხებას ასუქებ, ჭირს აქმევ და მერე კი ორივეს უწველი ცურს. ჭურდებთან პირი შევიკრავს და ჩვენს სახლებს სწვავ. დალატობ მათ, ვინც უნდა დაიცვა და მეთაურობ მათ, ვინც უნდა დასაჯო. გვითხარ, მოლაღატვე, მაგ ხელობას სილაჩრით მოეკიდე, თუ სიხარბით? რა წარწერა გინდათ ჩამოგკიდოთ? „აი. კაცი, რომელმაც ოცდაათ ვეცხლად გაყიდა თა-

ვისი ქალაქი“... ოცდაათ ვეცხლად? ასე სულელი როდი ხარ, იუდა ისკარიოტელის სიკვდილის შემდეგ ფასებმა იმატეს; ჩვენც ასე დავაწერთ: „აი მრჩეველი, რომელმაც, რომ გადაერჩინა თავისი თავი, საჯარო ვაქრობით გაყიდა თანამოქალაქეთა ტყავი“.

გაბრაზდა და მითხრა:

— ექენი ის, რაც უნდა მექნა, რაც ჩემი უფლება იყო. სახლები, რომელთაც ჭირი ესტუმრა, დავეწვი. კანონი ასე ბრძანებს.

— ჭირიანად აცხადებ და ჯვრით დაღვ იმათ სახლებს, ვინც შენი მომხრენი არ არიან! „ძალღის დახრჩობა თუ გინდა, ცოფიანობას დასწამებო“. უთუოდ ჭირთან ბრძოლის მიზნით აძლევ ნებას ჭირიანი სახლები ძარცვონ.

— ძარცვას მე ვერ მოვსპობ. თქვენც რა გადარდებთ, თუ ძარცვის შემდეგ მძარცველები ჭირისაგან ვირთხებივით ამოწყდებიან. ერთი გასროლით ორ კურდღელსა ვკლავ, ნაღდი საქმეა.

— ოტა ვაცალოთ და გვეტყვის: ჭირს მძარცველებით და მძარცველებს ჭირით ვებრძვიო! და ასე ლობე-ყორეზე მოდებით დარჩება დანგრეულ ქალაქში გამარჯვებული. ხომ გაგიგონიათ, მოკვდა სნეული, მას მიჰყვა სენი; ოცხალი დარჩა მხოლოდ მკურნალი. იცი, რა, მეტრ რაკენ, დღეიდან ჩვენს თავზე ჩვენ თვითონ ვიზრუნებთ და შენზე არ დავიხარჯებით, მაგრამ რადგანაც ყოველი გარჯა მოითხოვს საფასურს...

— სასაფლაოზე გაგიშლით ღირსეულ სარეცელს. — დაუმატა განაოპ.

თითქოს ძაღლების ხროვას ძვალი გადაუგდესო, ნადავლს ღმუილით მივარდნენ. ვილაცამ იყვირა:

— ახლავე ჩავაწვინოთ ყმაწვილი!

საბედნიეროდ, ნადირი საწოლში შევარდა, გონმიხილი კედელს აეკრა და საკბენად გამზადებულ დრუნჩებს უყურებდა. შევაჩერე ძაღლები:

— ციც! მაცალეთ.

შეჩერდნენ, მაგრამ მზად იყვნენ საკბენად. საბრალო რაკენი ტიტველი და ბურჯაკივით ვარდისფერი, სიცვივისა და შიშისაგან კანკალედა. შემებრალა და ვუთხარი:

— აბა, მარდად ჩაიცვი! კჰარა ამდენი მღერა, გვეყოფა, მეგობარო, შენი ღუნდულები ცქერა.

ხარხარი ატეხეს. მეც ამ დროებითი სიმშვიდით ვისარგებლე და დავუწყე ჭკუის დარიგება. ხვალაგი კი თავის ტყავში ძვრებოდა; კბილებს აკაწყაწებდა, ბოროტად იცქირებოდა, გრანობდა, საშიშროება რომ შორდებოდა. როდესაც ჩაიცვა და მიხვდა, რომ დღეს კურდღელს არ გაატყავებდნენ, გამხნევდა, დავვიწყო გინება, მეამბოხენი გვიწოლა და თანამდებობრივი პირის შეურაცხყოფისათვის დანაჯით დაგვემუქრა.

ვუთხარი:

— თანამდებობის პირი აღარა ხარ, უკვე მოგხსენით...

მაშინ მთელი რისხვა მე დამატეხა თავს. შურისძიების სურვილი სძლევდა სიფრთხილეს. მითხრა, კარგად გიცნობ, დარწმუნებული ვარ, შენი რჩევით აჯანყდა ეს ჭკუათხელი ხალხი და მათ დანაშაულზე პასუხსაც შენ გაგებინებო. ბოროტმოქმედი და ავანაჯიკი მიწოდა. აბლუკუნდა და ასისინდა. ბრაზით ატანილმა მაგინა და უხამსი სიტყვების ნიაღვარი ზურგზე გადმომანთხია.

— არ წაეხარჩოთ? — მკითხა განიომ.

ვთქვი:

— რაყენ, შენი ბედი, რომ სახლი დამიწვი. ახლა კარგად იცი, სალახანავ, რომ არ შემოძლია ვუბრძანო ჩამოგახბრონ, რადგან ექვს აიღებენ, თავის გადაბუგული სახლის გამო შურს იძიებსო და თუშცა თოკის ყელსაბაში ძალიან მოგიხდებოდა, დეე, სხევბმა შეგამკონ, იმათთვის, დამილოცნია. ლოდინში არაფერს დაკარგავ. რაც მთავარია, ხელში ჩაგიგდეთ. ახლა არარაობა ხარ. გხდით მრჩევლის მშვენიერ სამოსელს. ჩვენს ხელში ვიღებთ ნიჩაბსა და საქვს.

წაიბლუკუნა:

— იცი თუ არა, ბრონიონ, რა შეიძლება წააგო?

— ვიცი, ჩემო კარგო: შეიძლება თავი წაეაგო. ყაბულსა ვარ, გავითამაშოთ, თამაშში ვინც აგებს — იგებს! მე თუ თავს წაეაგებ, ქალაქი მოიგებს.

ციხეში წავიყვანეთ. იქ თბილი ადგილი მივეჩინეთ, რომელიც მოხუცმა სერკიანტმა გადაულოცა. სერკიანტს მისი ბრძანება არ შეუსრულებია და სამი დღის წინათ დააპატიმრეს. როდესაც საქმე გათავდა, მუნიციპალიტეტის ბოქაულები და მეკარე ერთხმად ამბობდნენ, კარგი საქმე გაკეთდა, ჩვენ ყოველთვის ვფიქრობდით, რომ რაყენი მოლაღატე იყო. ადვილია იფიქრო, როცა არაფერს აკეთებ.



აქამდე ჩვენი გეგმა ისე მიდიოდა, როგორც სწორ და უნუქრო ფიცარზე შალაშინი. მივირდა. ვკითხულობდი:

— სად ჯანაბაში არიან ყაჩაღები?

უცხად ყვირილი მომესმა.

— ცეცხლი! ხანძარი!

ცხადი იყო, სადღაც ახლო-მახლო თარეშობდნენ. ქუჩაში ერთმა აქოშინებულმა კაცმა გვამცნო, რომ მთელი ბანდა ბეთლემში, ლურდოს კოშკის კარის მიღმა პიერ პულარის საწყობებს არბევდა, ამტვრევდა, წვავდა და გაუმაძლრად სვამდა. მეგობრებს ვუთხარი:

— ცეკვავენ და თუ მუსიკა სჭირდებათ, ბაშუსტა, აგერ არა ვართ:

მირანდოლაში გავიქეცი. ტერასებიდან ქვედა ქალაქს გადავყურებდით. ამ ბნელ ღამეში იქიდან კუდიანთა შაბაშის დგრიალი მოისმობდა. კოშკზე ქოშინით უკრავდა ნაბათი.

— ძმებო, თონეში უნდა ჩავიდეთ. დაგვცხება. გაგვიჭირდება. მზად ვართ ამისათვის? მაგრამ ჯერ მეთაური გვჭირდება. ვინ ავირჩიოთ, სოლსუა, შენ ხომ არა?

— არა, არა, არა, არა, — თქვა მან და სამი ნაბიჯით უკან დაიხია. — ისიც კმარა, რომ შუალამეს ძველი დამბაჩით აქ დავეხეტები. უფროსობის გარდა, რასაც ინებებთ, რაც საჭირო იქნება, გავაკეთებ. ღმერთო, მაშორე! არასოდეს მქონია ვადაწყვეტილებების მიღების თავი...

ვიკითხე:

— მაშ, ვის უნდა?

ყველა ღუშდა. კარგად ვიცნობ ამ ჩიტუნებს. ენა კარგად უპკრით, მაგრამ თუ ვადაწყვეტილების მიღება საჭირო, კარგად გნახეთ. ვიცი ძათი ფილისტერული ჩვეულება. ყოყმანობენ, რამოცდაათჯერ სანჯავენ მაუდს, როდესაც სურთ მისი ყიდვა, ვაჭრობენ მანამდე, სანამ შემთხვევა, ან თვითონ მაუდი ხელიდან არ წაუვით. მე შემთხვევა ნეძლევა და ხელსაც ვავლებ:

— თუ არავის უნდა, მაშინ მე ვიქნები.

— ასე იყოს.

— მხოლოდ ამაღამ ყველა უსიტყვოდ უნდა დამემორჩილოს, თუ

არადა, დავილუპებით. დილაშდემ მე, კოლა ბრონიონი, კარ თქვენი ერთადერთი ბატონი, ხვალ განმსჯით. შევთანხმდით?

ყველამ ერთად, ყველამ ერთხმად შესაჩხა:

— თანახმა ვართ.

ბორცვიდან დავეშვით. წინ მივუძღოდი მე, მარცხნივ მომყვებოდა განიო, მარჯვნივ თავისი დაფდაფით ქალაქის გზიანი ბარდემ დავაყენე. გარეუბანში, ზღუდეების მოედანზე შევხვდით მხიარულ ბრბოს, რომელიც დედაწულიანად, თითქოს ღღესასწაულზე მიდისო, ძარცვის ადგილისკენ მიემართებოდა. ზოგ დიასახლისს, როგორც ბაზრობის დღეს, კალათა წამოეღო. ჩვენი რაზმი რომ დაინახა, ბრბო შეჩერდა, დაგვიწყო ცქერა, ზრდილობიანად მხერა. არაფერი ესწოდით. ჩვენა ფეხის ხმას აპყვენენ. ერთმა მათგანმა, დალაქმა პერიუშმა, ხელში რომ ქაღალდის სანათი ეჭირა, ცხვირთან მომიტანა, მიცნო და მიხსრა:

— ჰა, ბრონიონ, ყოჩაღო ბიჭო! დაბრუნდი, განა? ჰე, ჰე, დროზე მოგვისწარ! ერთად გადავკრათ.

— პერიუშ, — ვუპასუხე მე, — ყველაფერს თავისი დრო აქვს. ხვალ გადავკრათ.

— ბერდები, ჩემო კოლა, წყურვილმა დრო არ იცის. ხვალამდე ღვინოს დალევენ, უკვე დაიწყეს ჩამოსხმა. ვიჩქაროთ! ანდა შემთხვევით, დღეს ნუნუა ხომ არ გეზიზღება?

— ნაქურდული ღვინო რა დასალევია, ცხადა, მეზიზღება.

— ნაქურდული კი არა, გადარჩენილი, გადარჩენილი, ჩემო კოლა. როდესაც სახლი იწვის, განა კარგი რამეებიც ცეცხლს უნდა გააყოლო?

ხელი ვკარი და ვუთხარი:

— ქურდო!

გავიარე.

— ქურდო! — გაუმეორეს განიომ, ბარდემ, სოლსუამ, სხვებმაც და გაიარეს.

პერიუში გაქვავდა; შემდეგ მისი გამმაგებული ყვირილი მომესმა. მოვიხედე, დავინახე, მორბოდა, მუშტებს გვიღერებდა. ისეთი სახე მივადეთ, თითქოს ვერ ვხედავდით და არც არაფერი გვესმოდა; რომ დაგვეწია, გაჩუმდა, გვერდში ამოგვიდგა და ჩვენთან ერთად წამოვიდა.

იონის ნაპირას, ხიდის თავთან ხალხი ისე ბლომად შეყრილიყო, რომ გავლა შეუძლებელი გახდა. ვბრძანე დაფდაფი დაეკრათ. წინა რიგები უცხად გაიშალა, თვითონაც არ იცოდნენ რატომ. სოლივით შევიჭერით ხალხში, მაგრამ ბრბო კვლავ შეიკრა, დავრჩით გარშემორტყპულნი. ამ დროს ორი კარგი ნაცნობი მეტივე დავინახე, ძია ყოა-სენი, მეტსახელად „კალაბრის მეფე“, და გადენი, იგივე გერლიუ-მიტხრეს:

— ვახ, უსტა ბრონიონ, რა ეშმაკად მობრძანებულხართ ვირის ტყავში მორთული? ანდა ამ ჭაგლაგებივით თავმოძვონე, უშნოდ მოკაზმულ ხალხს რა უნდა? სიცილი მოგწყურდათ, თუ საომრად მორთულსართ?

ვუპასუხე:

— გამოცანა გერგება, ჩემო კალაბრ. მე, შენს წინაშე მდგომი კოლა ბრონიონი, ამაღამ კლამსის კაპიტანი ვარ და მას მტრებისგან დავიცავ.

— მტრებისაგანო? ხომ არ გაგიყდი? მტერს სადა ხედავ?

— მტერი ის არის, ვინც იქ ცეცხლს უკიდებს.

— კი მაგრამ, შენ რა გედარდება, შენი სახლი ხომ უკვე დამწვარი (შენი სახლის დაწვას ნანობენ. შეეცდითო, ამბობენ). ჩვენი ოფლით გასუქებული სათოკე პულარის ქონებას კი რას დაეძებ. რა შენი საქმეა. ეგ ცხვირიზზეკია, ჩვენს ზურგზე აკრეკილ მატყლში დაყოფო-ჩობს და მას შემდეგ, რაც გაგვატყავა, სათნოებით მოსილი ქედ-მალღურად გვიყურებს. მერწმუნე, მისი მძარცველი სამოთხეში სასუფეველს დაიმკვიდრებს. კოლა, პულარის გაძარცვა მართლაც მადლაა. მოგვეში. შენ რა გენაღვლება? არ ძარცვავ? კეთილი, მაგრამ სხვას რაღად უშლი?.. არავითარი ზარალი, მხოლოდ შემოსავალი.

(მართალი გითხრათ, საცემრად არ მემეტებოდნენ ეს საბრალო ბიჭები, ვიფიქრე, იქნებ ჭკუაზე მოვიყვანო-მეთქი.) ვუთხარი:

— დიდი ზარალია, კალაბრ. ჩვენი ღირსებაა გადასარჩენი.

— ჩვენი ღირსება! — თქვა გერლიუმ. — ეს რაღა? დასალევიან? ჩასაცეცხლიან? ხვალ შეიძლება დავიხოცოთ კიდევ და, რა დარჩება ჩვენგან? არაფერი. რას იფიქრებენ ჩვენზე? არაფერს! არა, გეთაყვა, ღირსება ძვირფასი რამაა, მდიდრებისათვის, ბრიყვებისათვის განკუთვნილი, ვისაც ეპიტაფიებით ასაფლავებენ. ჩვენ კი, ვირთევზას ნაჭრებივით ყველას ერთ ორნოში ჩავყვარიან. წადი, ნახე, რომელი ყარს ნავავივით და რომელი ღირსებით!

პასუხი არ გავეცი და უოახენს ვუთხარი:

— ჩემო კალაბრის მეფევ, მართალია ცალ-ცალკე და მარტოხელა არაფერს წარმოვადგენთ, მაგრამ ყველა ერთად ბევრნი ვართ. ასი პატარა ერთ დიდს უდრის. და მაშინ, როდესაც გაქრებიან დღევანდელი მდიდრები, წარიშლება მათი ეპიტაფიები, დაეწყებას მიეცემა მათი საფლავების სიცრუე და მათი ჭილაგის დიდება, კიდეც დიუნხანს ილაპარაკებენ კლამსელ მეთევეებზე: ქალაქის დიდებულებად ისინი კლამსის ისტორიას შერჩებიან თავიანთი კოჭრიანი ხელებითა და მუშტებივით მაგარი თავებით და არ მინდა თქვან, რომ ისინი გარეწრები იყვნენ.

გერლიუმ მოთხრა:

— რაც უნდათ, ისა თქვან, ფეხებზე მკილია.

კალაბრის მეფემ გადააფურთხა და დაუყვირა:

— ფეხებზე თუ გკილია, ვიგინდარა ბრძანდები. ბრონიონი მარტოა, მეც მეწყინება, ასე რომ ილაპარაკონ. ვფიცავ წმინდა ნიკოლოზს, ამას ვერ იტყვიან. ღირსება მარტო მდიდრებისა როდია. და ჩვენც დაუშტებივით, რომ არც თავადი და არც მთავარი ჩვენი ბადალი არ არის.

გერლიუმ თქვა:

— მაშ, უნდა ვერიდოთ? ისინი კი გვერიდებიან? განა არის ვინმე უფრო ღორმუცელა, ვიდრე ეს პრინციები, ჰერცოგები, კონდე, ჩვენი ნეერი, სუასონი, ანდა ღიპიანი ეპერნონი, რომელნიც მაშინაც კი, როდესაც სავსე აქვთ ღრანჭები და პაღვი, მილიონებს გასკლომამდე ღორებივით ხეთქვენ და მეფე რომ მოკვდება, ხაზონას ძარცვავენ! აი, მათი ღირსება და ნამუსი. ჩვენც ბრიყვები ვიქნებით, რომ არ მივბაძოთ.

კალაბრის მეფემ შეიგინა:

— ღორები არიან. მოვა დრო, ჩვენი ანრი საფლავიდან აღსდგება და ყველაფერს ცხვირში ამოადენს. ან ჩვენ თვითონ მათივე ოქროთა დაჩურთულებს შევბრაწავთ. დასწყევლოს ღმერთმა. თუ დიდებულნი ღორობენ, სისხლს ვადებთ, ღორობაში კი არ მივბაძავთ. მაგალითს ჩვენ ვიძლევი, ჩვენა. მტრის ბარძაყში უფრო მეტი ნამუსია, ვიდრე ძარცვის თავადის გულში.

— მაშ, მოდიხართ, ჩემო მეფევ?

— მოვდივარ. და ეს ვაუბატონე გერლიუმ წამობრძანდება.

— არავითარ შემთხვევაში.

— წამოხვალ-მეთქი... არ წამოხვალ? ამ მდინარეს ხომ ხედავ, შიგ გადაგიძახებ. მოვრჩეთ! აბა იარ! ჰეი, თქვენ, მანდ, გზა მომეციო, გზა-მეთქი, დოყლაბიებო! უნდა გავიაროთ!

დაიძახა კალაბრის მეფემ, ხალხი ტორებით მიყარ-მოყარა და ამ ორომტრიალში ისე ავედევნეთ, როგორც დიდ თევზს ქარსალა. ვისაც ვხვდებოდით, ისე იყვნენ შეიკიკიკებულნი, რომ მათთან ლაპარაკიც არ ღირდა. ყველაფერს თავისი დრო და ადგილი აქვს: ჭერ ენით ვუმტყციოთ, მერე სილა ვტყციოთ. ვცდილობდით ეს მთვრალი ხალხი ფრთხილად დაგვესვა მიწაზე ისე, რომ ძალიან არ მიგვენჯდრ-მოგვენჯდრიო, რა საკირია უზომო უფოოი, ხომ წმინდანია ალალოლოთი!

საწყობის კარს, როგორც იქნა, მივადწიეთ. მძარცველთა ნაყარი ისე ფუთფუთებდა მეტრ პიერ პულარის სახლში, როგორც ტილები მატყლში, ვის ფუთები მოჰქონდა, ვის სკივრები და ვის კიდევ გადაეცვა ნაპარავი ძონძები; ზოგი დარდიმანდი გასართობად პირველი სართულის ფანჯრებიდან ვაზებსა და ქოთნებს ისროდა. ზოგიერთნი კი შუა ეზოში კასრებს მიაგორებდნენ. ერთი კაცი დაეწაფა კასრის პირს და მანამდე ხეთქა, სანამ წითელი წვიმის ქვეშ ზეცისკენ არ აღაპყრო ხელები და ფეხები. გუბებდად დამდგარ ღვინოს ბავშვები სვლებდნენ. და ბოლოს, იქაურობა რომ გაენათებინათ, გროვებად თავმოყრილ ავეჯს უკიდებდნენ ცეცხლს. სარდაფიდან ისმოდა ჩაქუჩების ხმა, ძირს აცლიდნენ კასრებსა და ლადუკებს, ყური მიჰქონდა წივილს, კივილს, ღრიალს, ხრინწიან ხველას: მიწის ქვეშ სახლი ისე ტრუხუნებდა, თითქოს მუცელში ბურჯაკები უზისო. აქა-იქ სასულე თვლებიდან კვაპლის ენები უკვე გამოდიოდა და ძელაკებს ლოკავდა.

ეზოში შევედით. ყურადღებას არავინ გვაქცევდა. ყველას საკუთარი საქმე აწუხებდა.

— ბარდე, დაჰკარ! — გავძახე ბარდეს.

ბარდემ დაფდაფს დაჰკრა და დამსწრეთ ამცნო ის უფლებები, რომლითაც ქალაქი მოსავდა; მერე მე ავიმალე ხმა და მძარცველებს ვუბრძანე, წასულიყვნენ. დაფდაფის ხმაზე. თითქოს სპილენძის ქვაბზე შემოპკრესო, ბუზების ნაყარივით შეგროვდნენ ავაზაკები. ჩვენ რომ გავჩუმდით, ბრაზით ბზუილი მორთეს და სტვენით, ღრიალით და ქვების სროლით ჩვენკენ გამოქანდნენ. შევეცადე სარდაფის კარი

შემემტვრია, მაგრამ სხვენის ფანჯრებიდან კრამიტებს და თავხეებს გვაყრიდნენ. ნაძირალა ხალხი მივეყარ-მოვეყარეთ და მანც შევედი. განიომ კიდევ ორი თითი დაკარგა, კალაბრის მეფეს თვალი ამოთხარეს, მე კი, როდესაც კარს მივალწიე. მიხურვისას კარში გავეჩხირე, როგორც მელია მანეში; თითი კოქაქებში მომყვა. დაწყველოს ეშმაკმა, ცოტა დამაკლდა, ქალივით გული არ შემიღონდა და არ ამოვარწყიე, რაც მტუელში მქონდა. საბედნიეროდ, თავახდილი კასრი შევნიშნე (ქაქა იყო), ჯერ მტუელში გადავუშვი, მერე თითი მოვიბანე. და ამის შემდეგ, ვფიცავ, სიკვდილი აღარ მინდოდა, მეც გავგიედი, მღოგვი ცხვირში ამივარდა.

ახლა კიბის საფეხურებზე ვიბრძოდით. სხვა გზა არ იყო, ბოლო უნდა მოგველო, რადგან ეს რქიანი ქაჩები დამბაჩებს პირდაპირ გვესროდნენ და ისე ახლო მანძილიდან, რომ სოლსუას წვერზე ცეკბული მოედო. გერლიუმ თავისი კოყრიანი ხელებით ჩაუქრო. ჩვენ ბელზე მთვრალებს დამიზნებისას საგნები ორად ეჩვენებოდათ, თორემ ვერც ერთი ჩვენთაგანი ცოცხალი ვერ დააღწევდა თავს. უკან დახევა ვიკადრეთ, შესასვლელთან დავბანაკდით: უცბად შევნიშნე, რომ ორივე ფრთიდან, შენობის შუაგულისაკენ, იქ, სადაც სარდაფი იყო, მოიპარებოდა ვერაგი ხანძარი. ქვებისა და ნამტურეკების ჯებირით შესასვლელი გადავაკეტინე. ჯებირის ზევითა მისადგომზე დამრგვალებული ზღარბის ზურგივით აჯაგრული, შუბებისა და ბარჯების კედელი აღვმართეთ.

გიყვირე:

— ავაზაკებო! ცეცხლა გიყვართ არა? მაშ, მიირთვით, ხეტქეთ!

სარდაფში ღვინით გაღვნილებმა განსაცდელი დროზე ვერ იგრძნეს; მაგრამ როდესაც მგზნებარე აღმა კედლები ააჭრიალა და თავის ღრანჭებში ძელები აატყაცუნა, მიწის წიალიდან ამოვარდნენ ეშმაკის ნაშიერნი. ვიგინდარათა ნიაღვარმა შუშხუნა ღვინოსავით ამოხეტქა. ჩვენს მიერ აღმართულ კედელს მოაწყდა. მათ, ვინც უკნიდან აწვებოდა, გასასვლელი გაქეპეს. ცეცხლის ტყაცატყუცი და ცეცხლმოდებულთა განწირული ღმუჯილი მოისმა ჯურღმულიდან. დამერწმუნეთ, არ გვსიამოვნებდა ჩვენ ეს მუსიკა. აბა რა სასიამოვნოა სმენა იმისა, თუ როგორ იტანჯება და ტკივილისაგან როგორ ღმუის გაწამებული ხორცი. და უბრალო კაცი რომ ცყოფილიყავი, ჩვეულებრივი კოლა ბრონიონი, უთუოდ ვიტყოდ: გადავარჩინოთ-მეთქი ეს ხალხი.

მაგრამ ბელადობა ბევრ რამეს გავალებს. გული და ყური უნდა დაიხსოვოს. უნდა გქონდეს მხოლოდ თვალი და გონება. უნდა დაინახო, ინდომო და შეუდრეკლად გააკეთო მხოლოდ ის, რაც უნდა გაკეთდეს. ამ ავჯაყების გადარჩენა ქალაქის დაღუპვას ნიშნავდა: თავს თუ დააღწევდნენ, ჩვენზე უფრო მრავალრიცხოვანი და ძლიერი იქნებოდნენ, და, რადგან სახრჩობელა ელოდათ, ადვილად როდი დაგვებდებოდნენ. კრაზანები ბუდეში არიან; დაე, იქ ამოწყდნენ...

და დავინახე, შუა შენობასთან კვამლის ფრქვევითა და ტკაც-ტყუცით როგორ ერთდებოდა და იკვრებოდა ალის ორი ფრთა.

კიბის ყელთან ხალხი მიჰყვებოდა, ვერ ინძრებოდნენ, მხოლოდ წარბებსა და თვალებს ამოძრავებდნენ და მწარედ ბლაოდნენ. მათ თავებს ზემოთ შევამჩნიე ჩემი ძველი ძმაცაცი ელუა, იგივე გამბი. ეს ვიგინდარა არც ბოროტი იყო, არც შფოთი, მაგრამ საშინელი ლოთი გახლდათ (ღმერთო ჩემო, როგორ მოხვდა ამ კრაზანის ბუდეში); იცინოდა, ტიროდა, არაფერი ესმოდა, სულ გამოთავყვანებული იყო. არამზადა, უქნარა, რაც მოუვა, ახია. მაგრამ მოსახრუჟად ასე როგორ გაეწირო? ბავშვობისას ერთად გვითამაშნია, ხორცი უფლისა წმინდა მარტენის ეკლესიაში ერთად მიგვიღია: პირველი ზიარების ძმები ვართ...

შუბები მიეწი-მოეწიე, ჯებირზე გადავხტი, გაცოფებულ თავებს (იკბინებოდნენ) გადავაბიჯე და ადამიანთა უკვე კვამლმოდებული ცომის ზევით ჩემს გამბიმდე მივალწიე, ხელი ქეჩოში დავავლე. „ღმერთო, შემეწიე! როგორ გამოვგლიჯო ამ მარწუნებიდან?“—გავიფიქრე. „ერთი ნაპერიც რომ შემრჩეს, უნდა ამოვგლიჯო“... მაგრამ, საბედნიეროდ (უნდა ითქვას, რომ ლოთებს ღმერთი სწყალობთ, თუმცა ყველამ ერთნაირად ვერ დაიმსახურა მისი წყალობა) გამბი კიბის თავში იდგა, უკან დაქანდა, ამომსვლელებმა მხრებით ასწიეს ისე, რომ ფეხებს მიწაზე ვერ აკარებდა, იყო თითებში მომწყვდეულ კურკასავით ჰაერში გამოკიდებული. მხრები, რომლებიც გვერდებს უზღვდნენ, ქუსლებით მიეწი-მოეწიე და მოვახერხე, რომ ბრბოს ღრანქებიდან ამონთხეული კურკა ამომეღო. უჰ! დროც იყო! ცეცხლი კიბის ხერელიდან ქარიშხალივით ამოდიოდა. მესმოდა, როგორ შიშინებდნენ თონეში სხეულები: დავიხარე და ფართო ნაბიჯებით უკან გამოვწიე, არ ვუყურებდი, რაში მეფლობოდა ფეხსაცმელები, გამოვბრუნდი და ქონიანი თმებით გამბი წამოვათრე; როგორც იყო,

უფსკრულს თავი დავადწოე; განზე გავდექი და ცეცხლი ნებაზე მი-  
ვუშვი, რომ თავისი საქმე დაეგვირგვინებინა. მლელვარება რომ და-  
გვეცხრო, მუჭლუგუნებით გვერდები დავუზილეთ გამბის, ჩაძალღე-  
ზის პირამდე მისულ ხვადაგს, რომელსაც ორი მინანქრიანი ლანგარი  
და მოხატული ჭამი, ღმერთმა იცის, სად აეწაპნა, გულზე მიეკრა და  
ხელიდან არ უშვებდა. გამოფხიზლებული გამბი ტირილით მიდი-  
მოდიოდა, მოპარულ ჭამებს ყრიდა, ყოველ წამს ჩერდებოდა, შა-  
დავდა და ყვიროდა:

— არ მინდა ნაპარაკი!

\* \* \*

გარიყრაყზე გამოჩნდა პროკურორი, მეტრ გიომ კურტინიონი,  
რომელიც დაოთხილი მოჰყავდა რობინეს. მას თან მოსდევდა ოცდა-  
ათი ჩაფარი და გლეხების ერთი რაზმი. იმავე დღეს მოვიდნენ სხვე-  
ბიც, ისინი ვინც მრჩეველმა მოგვიყვანა. მეორე დღეს კი სხვებიც  
გვეწვივნენ. ესენი კეთილ ჰერცოგს გამოეგზავნა. ქექეს თბილი ნაც-  
არი, აღწერეს ზარალი, შეადგინეს ანგარიში, დაუმატეს მგზავრობიაა  
და დღიური ხარჯები და იქით გაბრუნდნენ, საიდანაც მოვიდნენ...

აქედან მორალი:

„თავს უშველე და მეფეც გიშველის“.

## XI

### ვერ მივართვით ჰერცოგს

სეკტემბრის მიწურული.

წესრიგი აღსდგა, ნაცარი გაცივდა, ავადმყოფობის ხსენებაც აღა-  
რ იყო; მაგრამ პირველ ხანებში ქალაქი ჭერ კიდევ განადგურებული  
ჩანდა. მედაბურნი თავიანთ შიშს ცოხნიდნენ. მიწას ფეხით სინჯა-  
დნენ; არ იყვნენ დარწმუნებულნი, რომ მიწის ზევით იყვნენ და არა  
ქვევით. უფრო ხშირად იმალებოდნენ, ანდა ქუჩაში ყურჩამოყრილ-



ნი და კუდამოძებულნი კედელ-კედელ მიიძურწებოდნენ. საამაყო არაფერი გვექონდა, ერთმანეთის შეხედვასაც კი ძლივს ვებედავდით. სარკეში საკუთარი თავის დანახვაც გვეზარებოდა. ძალიან კარგად ვნახეთ ერთიმეორე, ძალიან კარგად გავიცანით ერთმანეთი; ადამიანის ბუნებას დედიშობილა წაასწრეს: არ იყო ლამაზი! გვრცხვენოდა, ერთმანეთს არ ვენდობოდით. არც მე ვიყავი არხეინად: ხოცვა-ჟლეტა და მოხრაკული ხორცის სუნი, და რაც მთავარია, ახლობელთა სახეებზე ამოკითხული სილაჩრე და გულქვაობა არ მასვენებდა. მათ ეს იცოდნენ და ფარულად ბრაზობდნენ ჩემზე. მესმის მათი, მათზე მეტად მე ვიყავი შეწუხებული; რომ შემძლებოდა, ვეტყოდი კიდევ: „მაპატიეთ, მეგობრებო, არაფერი მინახავს“... სექტემბრის მცხუნვარე მზე მძიმედ აწვა დატანჯულ ქალაქს. ზაფხულის პაპანაქება და მოთენთილობა იწურებოდა.

ჩვენი რაკენი შეიარაღებული ამალით ნევერში გაემგზავრა, სადაც მეფე და ჰერცოგი ერთმანეთს ეცილებოდნენ მისი გასამართლების უფლებას; რაკენს უნდოდა ამ უთანხმოებით ესარგებლა და ხელიდან დასძრომოდა ორივეს. ბედი ჩემი, რომ ჩვენი სათავადოს ბატონებმა მოწყალება მოიღეს და ჩემს საქმიანობაზე თვალი დახუჭეს თურმე ნუ იტყვიოთ და, კლამსის გადარჩენის დროს ორი თუ სამი მძიმე დანაშაული ჩამიდენია, რომელიც, სულ ცოტა, შეიძლებოდა კატორღად დამჯდომოდა, მაგრამ რადგანაც საბოლოო ჯამში ეს დანაშაულობანი არ მოხდებოდა, გაძურწვის ნაცვლად ქალაქში რომ დარჩენილიყვნენ და ჩვენთვის ეხელმძღვანელათ, გაჩუმდნენ, გავჩუმდი მეც. ჩემი მატყლის ჩეჩვა და ისიც სასამართლოში არ მიყვარს. რაც უნდა უდანაშაულოდ ვგრძნობდე თავს, ეშმაკმა იცის სამართალი ცისა და მიწის. თუ წყეულ მანქანაში მოჰყვა თითი, მშვიდობით, მკლავო! მოჭერით, უყოყმანოდ მოჭერით-მეთქი, თუ არ გსურთ მას მიჰყვეს მთელი სხეული... და ისე, უსიტყვოდ შევთანხმდით, რომ მე არაფერი მიქნია, მათ არაფერი უნახავთ და ყველაფერი, რაც იმ დამეს ჩემი მეთაურობით გაკეთდა, იმათ გააკეთეს; მაგრამ ბევრიც რომ ეცადო, ერთი ხელის მოსმით ვერ წაშლი ყველაფერს, რაც მოხდა. ხალხი არ ივიწყებს და ეს უხერხულია. ყველას თვალეში ვამჩნევდი: ჩემი ეშინოდათ, მეც მეშინოდა ჩემი თავისა, ჩემი საგმირო საქმეებისა, გუშინდელი ჩერჩეტის, უცნობი კოლა ბრონიონისა, ეშმაკსაც წაუღია ეს კვისარი, ეს ატილა და ეს ომის მენი. მენი, კი, ბატონო,

ოლონდ ღვინის, მაგრამ ომისა კი — აბა, პა, პა, არა, ჩემი საქმე არ არის!.. ერთი სიტყვით, დაქანცულნი ვიყავით, წუხდა გული და სტომაქი.

მუშაობას გამაგებით მივუბრუნდით. შრომა ღრუბელივით იწოვს სირცხვილსა და წუხილს, აახლებს სულის სამოსელს და სისხლს. სამუშაო არ გვაკლდა; ირგვლივ უამრავი ნანგრევი იყო! მაგრამ ყველაზე უფრო მიწამ გვიშველა. არასოდეს ენახათ ხილისა და მარცელეულის ასეთი უხვი მოსავალი; მაგრამ ყველაფერი რთველმა დააგვირგვინა, გეგონებოდათ, ამ კეთილ დედას სურდა მის მიერ დაღუული სისხლი ღვინით ეზღო. რატომაც არა? არაფერი იკარგება და არც უნდა დაიკარგოს, სისხლი რომ იკარგებოდეს, ნეტავ სად უნდა წავიდეს? წყალი ციდან მოდის და უკანვე ბრუნდება. რატომ არ უნდა გააკეთოს იგივე ღვინომ, ესე იგი, ისეირნოს მიწასა და ჩვენს სისხლს შორის? ისიც ხომ იგივე წვენია. მე ვაზი ვარ, ან ვიყავი, ანდა ვიქნები. მინდა ასე ვიფიქრო. მსურს ასე იყოს. სხვა უკვლავებას მიჩვენებია ვენახი ან ხეხილის ბაღი გავხდე, მსურს ვიგრძნო, როგორ ვიქცევი მშვენიერ, მრგვალ და სავსე ყურძნის მარცვლად, შავ და ღინღლიან მტევნებად, ვიგრძნო ზაფხულის მზის ქვეშ კანი გასკდომამდე როგორ იკიმება და რაც ყველაზე უკეთესია, როგორ შემქამენ. ასე თუ ისე, ამ წელს ნიაღვრად წამოვიდა ყურძნის წვენი. მიწამ ყველა ფორიდან ასხა სისხლი. საქმე იქამდე მივიდა, რომ კასრები არ გვეყო; და ჭურჭლის უქონლობის გამო ყურძენი საწნა-ხელებში და სარეცხ გობებში დაუწურავი დატოვეს! კიდევ უკეთესი, მოხდა ასეთი გასაოცარი ამბავი: ანდრიესელმა მოხუცმა მამა კულმარმა ოცდაათ სუდ კასრი ყურძნის გაყიდვა დაიწყო, მხოლოდ იმ პირობით, რომ მყიდველებს თვითონვე მოეკრიფათ ყურძენი. წარმოდგინეთ ჩვენი აღელვება. კარგი ღვთიური სისხლი იკარგებოდა და განა შეგვეძლო გულგრილად გვეცქირა! დაკარგვას დალევა ვარჩიეთ, თავი გადავდეთ, კარგად გვესმოდა მოვალეობა, მაგრამ ეს ჰერკულესის სამუშაო იყო და ანთეოსზე უფრო ხშირად ჰერკულესი ეხებოდა მიწას. ამ ამბავს თავის კარგი მხარე ჰქონდა, ფიქრებმა სამოსელი იცვალეს; შუბლი გაგვეხსნა, სახე გაგვინათდა.

მიუხედავად ამისა, სასმისის ძირზე მაინც რაღაც დარჩა, ვერ გეტყვით თხლე იყო თუ რა, რაღაცნაირი ლამის გემო დაჰკრავდა. ერთმანეთისაგან შორს გვექირა თავი; ერთმანეთს ვუთვალთვალდებით.

მართალია, სიმხნევე კი გვიბრუნდებოდა (თუმცა ბაჯბაჯით), მაგრამ მეზობელთან დაახლოვებას ვერიდებოდით, მარტონი ესვამდით, მარტონი ვიცინოდით: ეს კი ცუდი ნიშანი იყო. შეიძლება ასე დიდხანს გაგრძელებულიყო, რადგან არ ვიცოდით, გამოსავალი რა გზით გვეპოვა. მაგრამ შემთხვევა დიდი ეშმაკი ვინმეა, იცნობს ერთადერთ და ქეშმაოიტ საშუალებას, რომელიც ადამიანებს რაზმავს და აკავშირებს: ეს არის მათი დარაზმვა ვინმეს წინააღმდეგ: სიყვარულიც აახლოვებს ადამიანებს. მაგრამ, ის რაც ყველას აერთიანებს, საერთო მტერია. მტერი კი ჩვენი ბატონია.

და აი, ამ შემოდგომაზე ასეთი რამ მოხდა: ჰერცოგმა შარლმა განიზრახა, ჩვენთვის ფერხული აეკრძალა. ეს კი მეტისმეტია! ჰაი დედასა! არ დარჩენილა არც ერთი ნეკრესიანი, კოკლი თუ უფეხო, რომელსაც კანკების კუნთები არ აჭკავებოდეს. როგორც ყოველთვის, დავის საგანი საგრაფო ველი გახდა. ერთი ჩახლართული საქმეა, ეშმაკიც ვერ გაართმევს თავს. ეს ლამაზი ველი ქალაქის კარებთან, კროკ პენსონის მთის ძირას მდებარეობს; ველს კლაკნია ბოვრონი ნამგალივით აკრავს. უკვე სამი საუკუნეა, რაც ამ ველისთვის კბილები დაუსვიათ და თავისკენ ეწევიან ბატონი დე ნევერის დიდი ღრანკი და ჩვენი, რომელიც თუმცა ნევერისაზე ნაკლებია, მაგრამ რასაც ჩაიგდებს, მორჩა, გათავდა, კარგად გნახეთ. განა ერთმანეთი გკძულს? როგორ გეკადრებათ. ვართ ზრდილობიანად, ერთმანეთს ვუყვინთ, ვეუბნებით: „მეგობარო, საყვარელო, ჩემო ბატონიშვილო“... მაგრამ ჩვენს ქეიფზე დავდივართ, ერთმანეთს გოჯსაც არ ვუთმობთ. მართალი რომ გითხრათ, დავაში ყოველთვის ჩვენ ვაგებდით. სასამართლოებმა, სამეფო პალატამ, სასახლის მარმარილოს მაგიდამ განაჩენი განაჩენზე გამოიტანეს, დაადგინეს, რომ ჩვენი ველი არ იყო ჩვენი; მაგრამ, რადგანაც საყოველთაოდ ცნობილია, რომ მართლმსაჯულება არის ხელოვნება, რომელიც ფულისათვის თეთრს შავად ხედავს, ეს ამბავი ზომაზე მეტად არ გვადელებს. მისჯა არაფერია, მთავარია გქონდეს რამე. შავია ძროხა თუ თეთრი, ჩემო ძმაო, ძროხას შენ მოუარე. არ გაბრიყვდე, სხვას ნუ მისცემ, ჩვენც არავის ვაძლევთ და ჩვენს ველზე ვრჩებით. საქმე ხელსაყრელია, წარმოიდგინეთ, მთელ კლამსიში ეს ერთადერთი ველია, რომელიც არც ერთ ჩვენთაგანს არ ეკუთვნის. ეკუთვნის ჰერცოგს, ეკუთვნის ყველას. ამიტომაც სინდისი არ გვაწუხებს, ველი გავაფუჭოთ.

ყველაფერს, რისი გაკეთებაც სახლში არ ხერხდება, აქ აკეთებენ: აქ მუშაობენ, წმენდენ, ჩეჩავენ ლიბებების მატყლს, ბერტყავენ ძველ ხალიჩებს, ყრიან ნაგავს, თამაშობენ, სეირნობენ, აძოვებენ თხებს, ჩონგურის ხმაზე ცეკვავენ, ვარჯიშობენ მაჭახელას სროლაში, დოლის დაკვრაში და ღამით, ავრელებულ მდგლოზე, სიყვარულს ეალევიან ბოვრონის პირას, რომელსაც არაფერი აოცებს (განა ცოტა უნახავს სალახანას!).

პერტოგ ლუის სიცოცხლეში ყველაფერი რიგზე იყო: ის თითქოს ვერაფერს ამჩნევდა. ჭკვიანმა კაცმა იცოდა, რომ კარგმა მხედარმა ზოგჯერ აღვირიც უნდა მიუშვას ხოლმე. რა ენადვლებოდა, ჩვენ რომ გვეფიქრა, თითქოს თავისუფალნი ვართ და ვაქცაყობაში თავი გამოგვედო, თუ სინამდვილეში ბატონ-პატრონი თვითონ იქნებოდა? მაგრამ მისი შვილი დიდი ბაქია ვინმეა, ურჩუგნია კარგი ჩანდება, ვიდრე იყოს (ეს გასაგებიცაა, რადგან თვითონ არაკაცია). ყოველ ყიყლიყოს დაძახებაზე მამლაცინწასავით აიჭოჩრება და ბაქიბუქობს. ფრანგმა უნდა იმღეროს, ბატონები მასხრად აიგდოს, თუ არ მასხრობს, ჯანყდება, არ უყვარს ისეთი ვინმეს მორჩილება, ვინც ყოველთვის სერიოზულადაა. ჩვენ მხოლოდ ის გვიყვარს, რასედაც შეგვიძლია ვიცინოთ, რადგან სიცილი ყველას გვათანაბრებს. და ამ ჭუქს მოეპრიანა აეკრძალა ჩვენთვის საგრაფო ველის გაფუჭება, იქ დაკვრა, ცეკვა და მინდვრის ტყეპნა. დრო მონახა რაღა? იმის ნაცვლად, რომ ყველა ამ უბედურებათა შემდეგ გადასახადები მოეხსნა!.. არა უშავს რა, ჩვენ მას ვუჩვენებთ, რომ კლამსელები ისეთი ხისგან კი არა ვართ გამოთლილნი, რომელთაც ფიჩხად ხმარობენ, არამედ მაგარი მუხისაგან, რომელშიც ნაჭახს შეღწევა უჭირს და თუ შეაღწია, ადვილად ველარ დაიძვრენს თავს. არ დაგვჭირდა წინასწარი შეთანხმება. ერთსულოვნება სანიმუშო იყო. როგორ! ჩვენი ველი წავვართვან! ვაიმე, ვაიმე! წაიღონ, რაც გვაჩუქეს, ანდა რაც მივთვინეთ? (ეს ერთი და იგივეა: მოპარულ ქონებას, თუ სამ საუკუნეს შეინახავ, სამგზის წმინდა საკუთრებად გექცევა). ეს ველიც მით უფრო ძვირფასია, რომ ჩვენი არ იყო და მტკაველ-მტკაველ დავისაკუთრეთ, ჩვენი სიმტკიცით, ყოველდღიური, თანმიმდევრული დაუფლებით. ეს ხომ ერთადერთი სიმდიდრეა, რომლის დაუფლებაც ჭაფად დაგვიჯდს! არა, რომ წავვართვან, კაცს ყველაფრის მითვისების ხალისი დაეკარგება, მაშ, რისთვის ვცხოვრობთ? რომ დავთმოთ, ჩვე-

ნი მიცვალელები საფლავებიდან აღსდგებიან! ქალაქის ღირსებამ ყველა შეგვათანხმა.

იმავე საღამოს, როდესაც ქალაქის მეზუქემ საზარელი ხმით (თითქოს სამებრის სახრჩობელაზე მსჯავრდებული მიჰყავდათ) გვამცნო საბედისწერო ბრძანებულება, ბაზრის თაღებთან შეიკრიბა ყველა თანამდებობის პირი, სამძოთა და საამქროების თავკაცები, მუბაირახტრეები. მეც იქ ვიყავი: თავისთავად ცხადია, მე ჩემს მფარველ ბატონ იოაქიმეს მეუღლეს, წმინდა ბებია ანას წარმოვადგენდი. თუ რა უნდა გვექნა, ერთბაშად ვერ შევთანხმდით, მაგრამ ყველა თანახმა იყო, რომ რალაც უნდა გვეღონა. განიო წმინდა ელუას და კალაბრი წმინდა ნიკოლოზის სახელით გადამწყვეტ მოქმედებას მოითხოვდნენ: მოითხოვდნენ მყისვე ცეცხლი წაგვეკიდებინა ქალაქის კარებისათვის, დაგვემტერია საგუშაგოები და გუშაგების თავები, კელი კი სულ ერთიანად მოგვესუფთავებინა. მაგრამ ხაბაზ ფლორიმონს, წმინდა ონორეს და მეზალე მაკლიუს, წმინდა ფიაკრის სახელით, მათი წმინდანებივით მშვიდსა და გულკეთილ ხალხს, პერგამენტების ომი სურდათ: უნდოდათ პლატონური სურვილებითა და ხვეწნა-მუდართი მიგვემართა ჰერცოგის მეუღლისათვის (თან ნამცხვრებიცა და ხილიც მიგვეერთმია, მუქთად კი არა, ჩვენ უნდა გადაგვეხადა). საბედნიეროდ, ჩვენ სამი: მე, ჟან ბობენი — წმინდა კრეპინის სახელითა და ედმონ პუაფუ — წმინდა ვენანის სახელით სულაც არ ვაპირებდით ჰერცოგისათვის ქუა გვესწავლებინა, გველოკა, ანდა, აგვეწვა მისი უკანალი. ვაჟკაცობა *in medio stal*. როდესაც ვინმეს დაცინვა უნდა, ქეშმარიტი გალი ამას ჩაიდენს მტრის ცხვირწინ ისე, რომ მას არ შეეხოს და თვითონაც არაფერი დაუჯდეს. მარტო შურისძიება რა ბედენაა. უნდა გაერთო კიდეც. და აი, რა მოვისაზრეთ... მაგრამ არა, კარგი ოინი, რომელიც მოვიგონე, სანამ პიესა დაიდგებოდეს, უნდა გიამბოთ განა? არა და არა. არ უნდა განხაუვრდეს. ყველა ჩვენთაგანის სასახელოდ უნდა ითქვას, რომ ჩვენი დიდი საიდუმლოება თოთხმეტი დღის განმავლობაში მთელმა ქალაქმა იცოდა და საიდუმლოდ შეინახა. და თუ თავდაპირველად ეს ჩემი იდეა იყო (მე ამით ვამაყობ), შემდეგში ყველამ თავისი წვლილი შეიტანა, ერთმა შეალამაზა, მეორემ ცხვირი შეუსწორა, მესამემ კულულები დაუმატა, მეოთხემ ბაფთა. ასე რომ, საბოლოო ჯამში ყმაწვილი კობტად მორთული აღმოჩნდა, მამები ბლომად

ჰყავდა. მრჩეველები, ქალაქის თავი მალულად და მორიდებით ყოველდღე კითხულობდნენ, როგორ იზრდებოდა ბაღი; დამდამობით კი მოსასხამში ცხვირდამალული მეტრ დელავო მოდიოდა, რომ ამ საქმეზე ჩვენთან ემსჯელა, გვასწავლიდა ერთსა და იმავე დროს კანონის პატივისცემისა და მისი დარღვევის ილეთს, ჯიბიდან გამარჯვებულის სახით ამოჰქონდა რომელიმე ეშმაკური ლათინური წარწერა, რომელიც ადიდებდა ჰერცოგსა და ჩვენს მორჩილებას და თანაც შეიძლება, სულ საწინააღმდეგო აზრით ჰქონდა.

\* \* \*

დადგა საზეიმო დღე. და აი, ჩვენი, ოსტატეცი და ამქრები, სუფთად გაპარსულნი, კოხტად მორთულნი წმინდა მარტენის მოედანზე ბაირალების ირგვლივ მშვიდად გამწკრივებულნი ეელოდით მრჩეველებს. ზუსტად ათ საათზე კოშკის ზარებმა დარეკეს და მყისვე მოედნის ორივე მხარეს ფართოდ გაიღო ორი კარი, — მუნიციპალიტეტისა და წმინდა მარტენისა, და ორივეს პარმალზე (თითქოს კოშკის საათის ფიგურებიათ) გამოჩნდნენ, ერთი მხრივ, მღვდლების თეთრი კვარტები და მეორე მხრივ, კომშებივით ყვითელი და მწვანე მრჩეველები. ჩვენი თავების ზემოდან ერთმანეთს მოწიწებით მიესალმნენ და მოედანზე ჩამობრძანდნენ. პირველთ მოუძღოდათ სახეგაბრწყინებელი, წითელ ანაფორიანი და წითელცხვირა მნათენი, ხოლო მეორეთ — ქალაქის ბოქაულები, კისერზე ჩამოკიდებული ძეწკვების ქლარუნითა და გრძელი დაშნების ქვაფენილზე ბრახუნით მოდიოდნენ. სახლების გასწვრივ, მოედნის ირგვლივ გამწკრივებულნი ვეწმინდით წრეს, რომლის კიპს შუაში მოქცეული უფროსობა წარმოადგენდა. ირგვლივ ირეოდა კალმისა და ოყნის წმინდა გვარდია. არავის დაგვიანებია, ყველა აქ იყო: ვეჭილები, გადამწერნი და ნოტარიუსი, მამა უფლის მოურავის წმინდა ივის ბაირაღით ხელში: აფთიაქრები, მკურნალები, შარდის დიდი ოსტატები (ყველას თავისი ვაზი აქვს საწუწნი), იქვე იყვნენ მეოყნებები, სამოთხის ნაწლავების გამგრილებელ წმინდა კოზმას *sub invocacione...* საპატიო მოქალაქეებიდან, მოწამეა ღმერთი, აქლდა მხოლოდ ერთი: ბატონი პროკურორი — კეთილი კლამელი და ჩვენებური მემამულე. მართალია, ჰერცოგის წარმომადგენელია, მაგრამ

მრჩეველ მესტრას სიძე გახლავთ. გაიგო თუ არა, რას ვაპირებდით, იმის შიშით, რომ ვისიმე ძხარი არ დაეკირა, გაცლა ამჯობინა.

ცოტა ხანს ადგილზე ვიფუხფუხეთ, როგორც როფში ყურძნის წვენმა. ისმოდა მხიარული ყრიაპული, ლაპარაკი, სიცილი, ჭიანჭურების ხმა, ძაღლების ყეფა. უცდიდნენ... რას? ცოტაც მოითმინეთ და გაიგებთ... აი, ისიც მოდის! სანამ გამოჩნდებოდა, მისი მოსვლა ხმების გუგუნვა გვამცნო. როგორც აფქიომ ქარის დაბერვაზე, ყველამ ერთბაშად თავი იქით მიაბრუნა. ბაზრის ქუჩიდან მოედანზე გამოჩნდა რვა ვაჟკაცის მხრებზე და ბრბოს თავზე მოქანავე პირამიდისებური ნაგებობა. ერთიმეორეზე დადგმული სამი სხვადასხვა ზომის მაგიდა, ბაფთებით ფეხებზემკული, სირიფებიანი ღია ფერის აბრეშუმით მორთული, რომელთა თავზეც, სულ მალა, სამკაულებით მორთული ბალდახინის ქვეშ, საიდანაც ფერადფერადი ბაფთების ნიაღვარი ეშვებოდა, რიდეაკრული ქანდაკება აღმართულიყო. არავის გაჰკვირვებია: საიდუმლოება ყველამ იცოდა, ყველამ ზრდილობიანად ქუდი მოუხადა; ჩვენ კი, ბებერი ცულლუტები, ჩუმ-ჩუმად ვეცინოდით.

როგორც კი ეს მანქანა ზუსტად მოედნის შუაგულში, მერსა და მღვდელს შორის გამოიტანეს, მუსიკით დაიძრნენ საამქროები, ჯერ უძრავ ღერძს ირგვლივ შემოუარეს, შემდეგ ეკლესიიდან ბოვრონის კარებისაკენ მიმავალ ქუჩას გაჰყვნენ.

პირველი, წესისამებრ, წმინდა ნიკოლოზი მოდიოდა. კალაბრის მეფეს საეკლესიო მანტია ემოსა და ზურგზე ხოკოსნაირი ოქროს მზე ჰქონდა ამოქარგული, თავის შავსა და კოყრიან ხელებში მდინარის წმინდანთა ნავის ფორმის ბაირაღი ეკირა, რომელზედაც წმინდა ნიკოლოზი თავისი კვერთხით გეჯაში მჯდარ სამ პატარა ბავშვს ლოცავს. კალაბრს თან ახლდა ოთხი ქარმაგი მენავე, რომელთაც ბარკლებივით სქელი და კომბალივით მაგარი ოთხი ყვითელი სანთელი მოჰქონდათ; ეტყობოდათ, მზად იყვნენ პირველი საჭიროების-თანავე დაეტრიალებინათ ეს კომბლები. კოპებშეკრული კალაბრი, რომელსაც თავისი ერთადერთი თვალი წმინდანისათვის მიეპყრო, მუცელგამობერილი და ფეხებგაჩაჩხული მოდიოდა.

მას მისდევდნენ კალის ტოლჩის ამქრები, წმინდა ელუას შვილები, მედანეები, ზეინკლები, მეფორნეები და მკედლები, რომელთაც წინ მიუძღოდათ ხელდასახიჩრებული განიო და თავის ორ-

თითა ტორით გრდემლითა და უროთი მოხატული ჯვარი მიჰქონდა. პობოები უკრავდნენ: „ჰერი, ჰერი, ჰერიო შარვაღმებრუნებული მეფე დაგობერიო“.

შემდეგ მოდიოდნენ მევენახეები, მეკასრეები, მღეროდნენ ჰიმნს ლეინისა და მისი წმინდანის ვენსენის სადიდებლად, რომელიც ერთ ხელში კათხით და მეორეში მტევნით ბაირალის ტარზე წამოსკუპებულყო. ჩვენ, ხუროები, დურგლები, წმინდა იოსები და წმინდა ანა, სიძე და სიდედრი, ყოჩალი ლოთები, სამიციტნოების მფარველს მივდევიდით, პირს ვაწკლავებდით და ნოეს სითხეზე თვალი გვრჩებოდა. წმინდა ოსორეს გაფუთქუნებულსა და გაფქვილულ მრევლს კი ნაცრისფერი გვირგვინით შემკული მრგვალი პური ბარჯზე წამოეცვა, თითქოს რომაული ალაფიაო. გათეთრებულებს გაშავებულები მოსდევდნენ, გათხუპნული მექლანეები სამუსლე ტყავის ტყაცუნით წმინდა კრეპენის ირგვლივ ცეკვავდნენ. და ბოლოს, ყვაილებით მორთული, ყველაფრის დამგვირგვინებელი წმინდა ფიაკრი მობრძანდებოდა. მებალე ქალებსა და კაცებს ვარდების გვირგვინებით შეემკოთ თავსაბურები, ბარები და ფოცხები და ჯალაპბარით მიჰქონდათ მიხაკები და მათიოლები; შემოდგომის ქარი აფრიალებდა წითელ აბრეშუმის ალაშა, რომელზეც ბარზე ფხვდაბქენილი, დუნდულებამდე შარვალაკაპიწებული ფიაკრი იყო გამოსახული.

დაიძრა რიდეაფარებული მანქანაც. წინ თეთრებში გამოწყობილი გოგონები მიეუხეცულებდნენ და სადიდებელ ჰიმნებს კნოდნენ. ორივე მხარეს ბალდახინიდან გადმოშვებული ბაფთების ფოჩებით ხელში მოდიოდნენ მერი და სამი მრჩეველი. მათ წმინდა ივი და წმინდა კოზმა გარშემო უვლიდნენ. უკან, დეზებზე შემდგარი მამალივით, თავის ჩაჩახვს მოაბრძანებდა მნათე. შემდეგ მობრძანდებოდა მღვდელი თავისი ორი აბატის თანხლებით, ერთი ისე გრძელი იყო, როგორც დღე მშვირისათვის. მეორე კი — უსაფუარო პურივით სქელი და ბრტყელი. იგი ყოველ ათ ნაბიჯზე დაბალი ბანიო ლიტანის ნაწყვეტებს წამოიწყებდა ხოლმე, მაგრამ მაინცდამაინც თავს არ იწუხებდა, სხვებს ამღერებდა, თვითონ კი მსუქან ტუჩებს აცმაცუნებდა და მუცელზე ხელებდაკრეფილი ზეზურად თვლემდა. ბოლოს მოგორავდა დანარჩენი ხალხი, ერთიანად, როგორც მკვრივი სალაფავი, როგორც ლაფის ნიაღვარი. ჩვენ კი რაბი ვიყავით.

ქალაქიდან გავედით და პირდაპირ ველისაკენ გავემართეთ. ქად-



რეზის ფოთლებს ქარი დააფრიალებდა. მზით განათებულ გზაზე მათი მსუბუქი რაზმი ქენებით დაჰქროდა. ზანტ მდინარეს მათი ოქროსფერი აბჯრები მიჰქონდა. სადარაჯოსთან სამი სერჟანტი და ცინგდარბაზის ახალი კაპიტანი ვითომ შეეცადნენ ჩვენს შეკავებას. მაგრამ გარდა ჩვენს ქალაქში ახალმოსულ, ახალბედა კაპიტნისა, რომელიც ყველაფერს ხალას ქემშარიტებად იღებდა (საბრალო დოყლაპა აქოშინებული მოვარდა და ბრაზმოჩეული თვალებს კარკლავდა), ყველანი ბაზრის ბაცაცებივით შეკრულნი ვიყავით: მიუხედავად ამისა, ბევრი ვილანძღეთ, ვიგინეთ, ერთმანეთი მივტყვიპეთ. ესეც წინასწარ იყო განზრახული და ჩვენც კეთილსინდისიერად ვასრულებდით როლებს; მაგრამ სიცილის შეკავება ძალიან გვიჭირდა; კოშკების გაგრძელებაც არ შეიძლებოდა, რადგან კალაბრი და მისი ძმა-ბიჭები როლში შედიოდნენ; ბაირალის ტარზე ნიკოლოზის თავს წრისხანება დაეტყო, ხოლო სანთლებმა სერჟანტების ზურგზე იწყეს ტრიალი. და აი, წინ გავიდა მერი, ქუდი მოიხადა და იყვირა:

— ქუდები მოიხადეთ!

იმავ წამს დაეშვა რადე, რომელაც ბალდასინის ქვეშ ქანდაკებას ფარავდა; ქალაქის ბოქაულებმა დაიძახეს: „გზა მიეციოთ ჰერცოგს“.

იმწამსვე შეწყდა აყალმაყალი. ორივე მხრით გამშკრივებულნი: წმინდა ნიკოლოზი, წმინდა ელუა, წმინდა ვენსენი, წმინდა იოსები, წმინდა ანა, წმინდა ონორე და წმინდა ფიაკრი მხედრულად მიესალმნენ; პოლიციის სერჟანტებმა და გზაკვალაბნეულმა, თავშიშველა და ჩასუქებულმა კაპიტანმა გზა უტიეს და თავებს ზევით რხევით მოძავალი, დაფნის გვირგვინით შემეკული, გვერდზე ქუდმოგდებული, ხმლით წელდამშვენებული ჰერცოგის ქანდაკება გამოჩნდა. ყოველ შემთხვევაში, ამას აუწყებდა *urbi et orbi* მეტრ დელაოს წარწერა; მაგრამ, მართალი რომ გითხრათ და ამ ამბის მარილიც სწორედ ეს არის, რაკი არც დრო გვექონდა და არც საშუალება მიმსგავსებული პორტრეტი გაგვეყეთებინა, ჩვენ არც ვაცხელეთ, არც ვაცივეთ და მუნიციპალიტეტის სხვენიდან ერთი ძველი ქანდაკება ჩამოვიღეთ (არავინ იცოდა, ვისი იყო ეს ქანდაკება, ან ვის მიერ იყო შესრულებული; მხოლოდ კვარცხლბეკზე თუ წაიკითხავდით ნახევრად წაშლილ სახელს ბალთაზარისა, რომელსაც შემდეგ ბალდიუკი შევარქვით). განა სულ ერთი არ არის? მთავარი რწმენაა. ელუას, წმინდა ნიკოლოზის ანდა იესო ქრისტეს სურათები უფრო ქემშარიტნი არი-

ან? ოღონდ გწამდეს და ყველგან მას ხედავ, ვინც გინდა. ღმერთია საჭირო? თუ შეამება, კუნძიც მეყოფა, რომ დავაბინაო უფალიცა და ჩემი რწმენაც. იმ დღეს ჰერცოგი გვინდოდა და ვიპოვეთ კიდევც

ჰერცოგმა დახრილი ბაირალების წინ გაიარა და, რადგანაც ველი მისი იყო, იქ შებრძანდა. ჩვენც, პატივი რომ გვეცა, გაშლილი ბაირალებით, წმინდა ნაწილებით, ბუკითა და ნალარით, მას შევყევით. აბა, ვის შეეძლო ამაში ცუდი რამ ენახა? მხოლოდ გონებაჩლუვად ადამიანს, ჰერცოგის ცუდ ყმას. ნებისთ თუ უნებლიეთ კაპიტანმაც მოიხარა ქელი. არჩევანი არ ჰქონდა. ან უნდა დაეპატიმრებინა ჰერცოგი, ან მოგვეყოლოდა. და მოყოლა ამჯობინა.

ყველაფერი რიგზე მიდიოდა, მაგრამ ზედ ველთან კანალამ უბედურება შეგვემთხვა. შესასვლელთან წმინდა ელუა დაეტაკა წმინდა აიკოლოზს, წმინდა იოსები თმებში სწვდა თავის სიდერს წმინდა ანას. ყოველ მათგანს უნდოდა პირველი შესულიყო და ანგარიშს არ უწყედა არც ასაკს, არც პატივისცემას მანდილოსნისადმი და არც თავაზიანობას. და რადგანაც ამ დღეს საბრძოლო განწყობით შევიყარეთ, ყველას ხელები გვექავებოდა. საბედნიეროდ, მე ჩემი სახელით წმინდა ნიკოლოზს ვეკუთვინი, ხელობით კი — წმინდა იოსებს და წმინდა ანას, რომ არაფერი ვთქვა ჩემს ბიძაშვილ ყურძნის მწუწნავ ვენაგნზე: ყველა წმინდანებს პატივსა ვცემ იმ პირობით, რომ მეც მცენ პატივი. და აი, რთველის ურიკა შევნიშნე. ურიკის გვერდით მობაჯბაჩებდა ჩემი ძმაკაცი გამბი, მყისვე ვიყვირე:

— მეგობრებო! ჩვენს შორის არ არიან პირველნი. გადავხვიეთ ერთმანეთს! აი, ჩვენი ერთადერთი ბატონი (ჰერცოგის შემდეგ, რაღა თქმა უნდა), რომელიც ყველას შეგვარიგებს. ის მობრძანდა. მოვესალმეთ მას. დიდება ბახუსს!..

ჩემს გამბის დუნდულოებზე ხელი დავავლე, ურიკაზე ავავდე. გასრიალდა და დაქყლებილი ყურძნით სავსე როფში ჩავგორდა. მყისვე აღვირს ვწვი და საგრაფო ველში პირველნი შევედით. ვაზის ფოთლებით თავშემკული ბახუსი ყურძნის წვენი უკანალს იბანდა, ფეხებს იქნევდა და ხარხარებდა. ბახუსის უკანალის უკან ხელობელ გაყრილი წმინდანები ცეკვით მოგვდევდნენ. საამო იყო ბალახზე მოლხენა. მთელი დღე კეთილი ჰერცოგის ირგვლივ ვიცეკვეთ, ვიმღერეთ, ვითამაშეთ და გავერთეთ... მეორე დღით კი ველი საღორე გვეგონებოდათ. ბალახის ნატამალიც კი არსად ჩანდა. ნაზ ნიადაგზე ჩვენი ლან-

ჩების ანაბექდები მოწმობდნენ, თუ რა გულმოდგინებით სცა პატივი ქალაქმა ბატონ ჰერცოგს. ვფიქრობ, ის მეტად კმაყოფილი დარჩა. ჩვენ მითუმეტეს... მაგრამ მართალი გითხრათ, მეორე დღეს დაბრუნებულმა პროკურორმა საჭიროდ მიიჩნია აღშფოთებულებით, პროტესტი განეცხადებინა, დაგვეშუქებოდა, თუმცა არაფერი უქნია. მოერიდა. მართალია, ძიება გახსნა, მაგრამ არ დაუხურავს: არავის სურდა რამე ეძია ან ეპოვნა. არავის უდარდია, ჯანმრთელობისათვის ღია კარი მუდამ კარგია.

\* \* \*

აი, ასე დავამტკიცეთ, რომ კლამსელებს შეგვიძლია ერთსა და იმავე დროს ვიყოთ ჩვენი ჰერცოგისა და მეფის ერთგული ყმები და გავაკეთოთ ის, რაც თავში მოგვივა: თავი კი ხისა გვაქვს. და ამ დამტკიცების შემდეგ ჭირნახულ ქალაქს მხიარულება დაუბრუნდა. გამოვცოცხლდით, ერთმანეთს თვალის ჩაკვრით ვხვდებოდით, სიცოლით ვეხვეოდით მეზობლებს და ვფიქრობდით:

— ჯერ კიდევ არ დაგვიცლია ოინებით სავსე ჩვენი ქიშელა, არ წაუღლიათ საუკეთესო. ღმერთმა გვიშველა, ყველაფერი რიგზეა.

და ჩვენი ჭირ-ვარამის ხსენებაც გაქრა.

## XII

### სხვისი სახლი

ოქტომბერი.

დადგა დრო, ბინაზეც მეფიქრა. ფეხი ვითრიე, სანამ შემეძლო, მაგრამ რაც უნდა უკან დაიხიო, ბოლოს მაინც უნდა გადახტე. მას შემდეგ, რაც კერიის ნაცვლად ნაცარილა შემრჩა, ერთ დღეს აქ ვალამებდი, მეორეს იქ, ხან ერთ მეგობართან, ხან მეორესთან. არ მაკლდა ხალხი, ვინც დროებით, ერთი ან ორი ღამით შემიხიზნებდა. სანამ ერთმანეთის უბედურებათა მოგონება ყველას მხრებზე გვაწვა,

ჯოგივით ვცხოვრობდით და სხვის ბინაში თავს ისე ვგრძნობდით, როგორც საკუთარ სასლში; მაგრამ ანე დიდხანს ვერ ვაგრძელებოდა. საძიწროება გვწორდებოდა და ყველა თავის სხეულს საკუთარ ნაქუქში აბინავებდა. გარდა იმათი, ვისაც სხეული არ ჰქონდა, და ჩემი, რადგან ნაქუქი არ გამაჩნდა. სასტუმროში დაბინავება არ შემეძლო. მყავს ორი ვაჟი და ერთი ასული, ქალაქ კლაშის მოქალაქენი. ისინი ამის ნებას არ მომცემდნენ. იმიტომ კი არა, რომ ჩემს ორივე ვაჟს მამაშვილური სიყვარული მეტად შეაწუხებდა! თავი ხალხის ყბაში რად უნდა ჩაეგდოთ!.. მიუხედავად ამისა, არ ჩქარობდნენ ჩემს მიპატიუებას. არც მე მეჩქარებოდა. ჩემი მოურიდებელი და პირდაპირი ლაპარაკი მათ ფარისეულობას ვერ ეგუება. აბა, ვნახოთ, რომელი გადადებს თავს? საბრალო ბიჭები! ჩემზე ხაკლები გაქირვება როდი ადგათ. მათდა საბედნიეროდ, მარტინას, ჩემს ყოჩად გოგოს, მგონი, ნამდვილად ვუყვარვარ. ჭიუტად მოითხოვდა, მასთან წავსულიყავი... მაგრამ იქ ხომ ჩემი სიძეც არის. კარგად მესმის, რომ ფლორიმონს არავითარი საბუთი არა აქვს, თავის ოჯახში ჩემი ყოფნა ისურვოს. და აი, დაუწყეს ერთმანეთს გაბრაზებით ცქერა და თან მე მითვალთვალუბდნენ. მე კი ყველას ვაკუბრობდი. ასე მეგონა, ჩემს ბებერ სხეულს საჯარო ვაქრობით ყიდდენ.

დროებით ბომონის ფერდობზე, ჩემს ქოხში მოვეწყვე. სწორედ იქ, სადაც ივლიაში ბებერი ცულლუტი ჰირს მოვეწყე. სასიერო სწორედ ის იყო, რომ იმ გამოთაყვანებულებმა ჭანძრუელობის დასაცავად ჭანსალი სახლი დამიწვეს და დატოვეს ქოხი, სადაც სიკვდილი მესტუმრა. და მე, ვისაც უცხვირო ვაუბატონისა არ მეშინია, ჩემს მიწურში, სადაც სამგლოვიარო ალაპის ღოქები ეყარა, თავს მეტად კარგად ვგრძნობდი. მართალი გითხრა, კარგად ვიცოდი, რომ ამ ჭურღმულში ვერ დავიზამთრებდი. კარი ჩამოწოლილიყო, მინები დამსხვრეულიყო, სახურავიდან, როგორც ჰყინტი ყველის ქიშეილიდან, უხვად მოედინება ღრუბლების წვენი. კი მაგრამ, დღეს ხომ არ წვიმდა; ხვალ კი... ხვალისა დაე ხვალემ იფიქროს. არ მიყვარს ხვალინდელ დღეზე თავის მტვრევა. და თუ სიძნელეს ისე ვერ გადავლახავ, როგორც მე მინდა, არც ამისათვის ვიკლავ თავს, ავიღებ და მომავალი კვირისათვის გადავდებ. მეუბნებიან: „გადადებ რას გარგებს. ცუდია თუ კარგია, მაინც უნდა გადაყლაპო აბი“. „ვინ იცის, — ვეუბნები მე. — აბა ვინ მეტყვის, რომ რვა დღის შემდეგაც

ეს ქვეყანა აქვე იქნება? და როგორი გულნატყენი დავრჩები, რომ ვიჩქარე აბის გადაყლაპვა, თუ რვა დღის შემდეგ მამა-ლმერთის საყვირებმა გვაუწყეს, რომ ბოლო მოელო ამ ლამაზ ქვეყანას. მეგობარო, ერთი საათითაც ნუ გადადებ ბედნიერებას. ბედნიერება ჩაციებული უნდა დალიო. უსიამოვნებას კი შეუძლია დაიცადოს. თუ ბოთლი ამოშრება, მით უკეთესი“.

ასე რომ, დაველოდე, ან უკეთ რომ ვთქვა, ვალოდინე ის არასუსიამოვნო გადაწყვეტილება, ადრე თუ გვიან, მაინც რომ უნდა მიმელო. და ამ ხნის განმავლობაში ჩემი მყუდროება რომ არაფერს დაერღვია, სახლში ჩავიკეტე. ფიქრით თავს არ ვიკლავდი. ვბარავდი ბაღს, ვასუფთავებდი ბილიკებს, ვფოცხავდი ჩამოცვენილი ფოთლებით დაფარულ ნათესებს, ვსხლავდა ხეკვეპურებს, ვმკურნალობდი ბებერი ხეების ფუფუსა და იარებს; ერთი სიტყვით, ზამთრის ბუმბულის ქვეშ დასაძინებლად გამზადებულ ქალბატონ მიწას ვერთავდი. და მერე გასამრჯელოდ მსხლის ტოტზე მივიწყებულ თაფლა ან მოყვითალო ბარბარა მსხალს გვერდებზე ხელს მოვუთათუნებდი... ღმერთო, რა საამოა სურნელოვანი წვენიტ პირის გასველება და მთელი ხორხის სიგრძეზე ამ წვენის შეგრძნება... ქალაქში მხოლოდ სანოვაგიათვის მივდიოდი (ვიმარაგებდი სასმელ-საკმელსაც და ახალ ამბებსაც). ჩემს შთამომავლობას ვერიდებოდი. შევეუთვალე, რომ სამოგზაუროდ წავედი. ვერ დავიფიცავ, დამიჯერეს-მეთქი, მაგრამ როგორც მორჩილ შვილებს, ჩემი მხილება არ სურდათ. თვალხუჭობანას მართამაშე ბიჭუნებს ვგავდით, ერთმანეთს რომ ეფახიან: „მგელო, მანდა ხარ?“ და თამაში რომ გაგვენანგრძლივებინა, შეგვეძლო გვეპასუხა: „მგელი აქ არ არის, არა“... მაგრამ მარტინა გამოგვრჩა ანგარიშში. ქალი რომ თამაშობს, მუდამ ყალბაბანდობს. მარტინა ეჭვობდა, მარტინა შიცნობს და მალე მიხვდა ჩემს თვალთმაქცობას. არ უყვარს ხუმრობა, როცა საქმე მამაშვილურ, დაძმურ და სხვადასხვა მოვალეობას ეხება.

ერთ საღამოს, როდესაც ქოხიდან გამოვდიოდი, გზაზე ჩემკენ მომავალი მარტინა დავინახე. მყისვე დავბრუნდი, კარი ჩავკეტე, კედელთან ჩავცუტკდი და გავინაბე. მოვიდა, კარზე აკაკუნა, მიძახა, მიყვირა. მე სუნთქვას ვიკრავდი (სწორედ ამ დროს ხველა მომიხდა), ის კი განუწყვეტლივ ყვიროდა:

— გაალე-მეთქი! ვიცი, აქა ხარ.

მუშტით და ქოშით კარზე იერიში მოჰქონდა. ვფიქრობდი. „ვახ, რა დედაკაცია! კარმა რომ ვერ გაუძლოს, ჩემი საქმე წასულია!“ ვიფიქრე, კარს გავაღებ და გადავეხვევი-მეთქი, მაგრამ ასე ხომ თანა-ში აღარ გამოვიდოდა. მე კი, როდესაც ვთამაშობ, ყოველთვის მინდა ნოვიგო. გავეჩუტდი. მარტინამ კიდევ კარგა ხანს იყვირა და მე-ვე მოეშვა. მესმოდა, გაუბედავი ნაბიჯით რომ მიდიოდა. დაეტოვე ჩემი სამალავი და სიცილი მოვრთე. სიცილი და ხველა... სიცილი მაზრჩობდა. სიცილით გვეძეხი და ის იყო თვალებს ვიწმენდდი, რო-დესაც უკან, მაღლა კედლიდან მომესმა ხმა:

— ერთი მითხარი, არა გრცხვენია?

კინალამ დავეცი. შევხტი, თავი მოვაბრუნე და კედელს ჩაბლაუქე-ბული მარტინა დავინახე. მკაცრი თვალებით მიყურებდა და მითხრა:

— ბებერო ოინბაზო, ხომ გამოგიჭირე.

— გავები. — ვუპასუხე გაოცებულმა.

და ორივემ ხარხარი მოვრთეთ. დარცხვენილი კარის გასაღებად წავედი. კეისარივით შემობრძანდა, მედიდურად ჩემ წინ დადგა, წვერში მწვდა და მითხრა:

— პატიება ითხოვე.

— *Mea culpa*, — ვუთხარი მე.

(თქმით კი ვუთხარი, მაგრამ როგორც აღსარებაზე, გულში ვფიქ-რობდი: ხვალ ისღვ თავიდან დავიწყებ-მეთქი)

სალახანა ჩემს წვერს არ ეშვებოდა, ექაჩებოდა და ბუხლუხებდა:

— გრცხვენოდეს! გრცხვენოდეს. ბებრუხანა პაპა, წვერი გაგთუ-რებია, ჰკუა კი ბავშვისა გაქვს.

ერთი-ორჯერ ზარის ენასავით მარჯვნივ და მარცხნივ, მაღლა და დაბლა მოქაჩა წვერი, ძერე ხელი ლოყაზე მომითათუნა და მკაცრა.

— საძაგელო, რატომ არ მოდიოდნი? — თქვა მან, — ხომ იცოდნი, ცუდო, რომ გელოდი!

— ჩემო გოგონა, — ვუთხარი მე, — ყველაფერს აგიხსნი...

— შინ ამიხსენი. აბა, აიბარგე, წავიდეთ!

— კი მაგრამ, მზად არა ვარ. დამაცადე, ჩემი ბარგი-ბარხანა შეე-კრა.

— რა ბარგი-ბარხანა? ღმერთო ჩემო, მოგეხმარები შეკვრაში.

ზურგზე ძველი სამოსი მომასხა, თავზე გაცვეთილი ფეტრის ქული ჩამომათხატა, შემემოსა, მიმანჯღრ-მომანჯღრია და მითხრა:

— აი, მოვრჩით! ეხლა კი, ნაბიჯით იარ!

ერთი წუთით ბაცალე-მეთქი და საფეხებზე წამოვჯექი.

— როგორ! — წამოიძახა აღშფოთებულმა. — მეტურჩები? ჩემთან წამოსვლა არ გინდა?

— არ გეტურჩები, — ვუთხარი მე, — რა გაეწყობა, რადგან სხვა გზა არა მაქვს, უნდა წამოვიდღე.

— რა თავაზიანი ბრძანდები! — თქვა მან, — აი, შენი სიყვარული!

— ძალიან მიყვარხარ, ჩემო გოგონა, ძალიან, მაგრამ მერჩია ჩემთან მყოლოდი, ვიდრე სხვის სახლში გამოგყოლოდი.

— მაშ, მე სხვა ვარ?

— სხეილი ნახევარი ხარ.

— აბა, პა, პა! არა, — თქვა მან, — არც ნახევარი, არც მეთხუთხუთმე მე მე ვარ. მე, მთლიანად, თავიდან ფეხებამდე. მისი ცოლი ვარ, ეგ მართალია, მაგრამ ის ჩემი ქმარია. მე ის მსურს, რაც მას უნდა, თუ იმასაც იგივე სურს, რაც მე მინდა. დამშვიდდი, სიხარულით ცას ეწევა, ჩემთან რომ დაბინავდე. პა! პა! აბა, ბიჭია და, ნუ გაუხარდება.

— მჯერა-მეთქი, — ვუთხარი: — როგორ არ მჯერა! ისევე გაუხარდება, როგორც ჩვენ გვიხარია, როდესაც ბატონი დე ნევერი თავის გარნიზონს ჩვენთან აბინავებს; მე ისინი ბევრჯერ დამიბინავებია, მაგრამ თვითონ არ მჩვევია სხვასთან დაბინავება.

— შეეჩვევი, — მითხრა მან, — მორჩი დაუპა! წავედიო!

— კეთილი, მაგრამ ერთი პირობით.

— რაო, უკვე პირობებს მიდებ? ძალიან მალე შეეჩვევი.

— ჩემი სურვილისამებრ დამაბინავებ.

— გსურს მტარვალის გახდე? კეთილი, იყოფს ნება შენი.

— ფიცავ?

— ვფიცავ!

— და მერე...

— აბა, კმარა, ლაზღანდარა! იარე-მეთქი!

მკლავში ხელი ჩამავლო, ვუი, ვუი, რა მარწუხი მომიპირა, ღმერთო ჩემო! რას გავაწყობდი, გზას მორჩილად გავუდექი.

სახლში მისვლისთანავე ჩემთვის გამზადებული ოთახი მიჩვენა. ძალიან თბილი ოთახი იყო: ღუმლის უკან, მისი ფრთის ქვეშ; ყოჩალი გოგო ისე მექცეოდა, როგორც ძუძუმწოვარა ბავშვს. ლოგინი მზად

იყო: სუფთა ზეწორები და რბილი ბუშბული; მაგიდაზე ჭიქაში მანანების თაიგული იდო. მზიარული და ალელეგებული, გულში ვიცინოდა. მადლობა რომ გადაეხადა, გავიფიქრე: საყვარელ მარტინას გავპარაზებ-მეთქი. და მტკიცედ განვაცხადე:

— ეს მე არ მომწონს.

განაწყენებულმა ქვედა სართულის ოთახებში მაჩვენა. ყველაზე უარი ვთქვი და სხვენზე ერთი პატარა საკუქნაო ავირჩიე. კვილიშორთო. მაგრამ ვუთხარი:

— ჩემო ლამაზო, როგორც გენებოს; ან აქ მოვეწყობი, ანდა ჩემს ქონში ვბრუნდები.

რას გააწყობდა, დათანხმდა, მაგრამ უოველდღე დილიდან საღამომდე იერიშები მოჰქონდა:

— აქ დარჩენა არ შეიძლება: დაბლა უკეთ იქნები, აბა, მითხარი, რა არ მოგწონს: მითხარი, კერპო, რატომ ჯიუტობ?

დაცინვით ვუპასუხებდი:

— იმიტომ, რომ არ მინდა!

— წაწყმედამდე მიმიყვან, — ყვიროდა აღშფოთებული მარტინა. — მაგრამ კარგად ვიცი, ამას რატომ სჩადიხარ. დიდგულა და ამჟებრანდები. არ გსურს დაკალებული იყო შეილებისაგან. ჩემგან! ჩემგან! მზად ვარ მიგტყუო.

— ამ გზით, — ვუთხარი მე, — მაიძულებდი მუქლუგუბები გამომეტყუა შენთვის.

— უგულო! — მითხრა მან.

— ჩემო გოგონა!

— დიახ, დიახ, დატკბი, რაღა, კარგი ვარო! შორს თათები, საზიზლარო!

— ჩემო დიდო, თვალის ჩინო, ჩემო ტკბილო, საყვარელო!

— რაო? ოქროპირო, არშოიყობას მიპირებ განა? შე ლაქქუცა, ლაქქა და მატყუარა! მორჩები თუ არა დაღრანჯული პირით დაცინვას?

— ერთი შემომხედე. შენც იცინი.

— არა.

— იცინი.

— არა, არა, არა!

— მე კარგად ვხედავ... აი აქ.



თითი დავადე შეკავებული სიცილისაგან გამობერილ ლოყაზე: ვერ შეიკავა ხარხარი.

— არა, ეს მეტისმეტია, — თქვა მან, — შენზე გულმოსული ვარ, მძულხარ და იმის უფლება კი არა მაქვს, რომ გაგიბრაზდე. მინდა, არ მინდა, ამ ბებერმა მაიზუნმა თავისი მანქიობით უნდა მაცინოს!.. მაგრამ იცოდნე, მეჭავრები, ბოროტი, ღვთის გლაზა და დაქცეული; თავი მაინც არტაბანად მოაქვს და შეილებთან ზვიადობს! არა, არა გაქვს ამის უფლება.

— ეგ ერთადერთი უფლებაა, რომელიც დამრჩა.

კიდევ ბევრი მწარე სიტყვა მაკადრა. მეც მივართვი არანაკლებ მწარე. ორივეს ენა გვაქვს გაღესილი, სიტყვებს საღეს ქვაზე ვლესავთ: მაგრამ ჩვენდა საბედნიეროდ, როდესაც ზომას გადავდივართ, ახ ის, ან მე ისეთ ხუმრობას დავაკვესებთ, რომ სიცილი წაგვსკდება, არ შეგვიძლია თავისი შეკავება და ყველაფერი თავიდან დასაწყებია.

და როდესაც კარგა ხანს აქანავა თავისი პირის სარეკელა (დიდი ხანი იყო, რაც აღარ ვუსმენდი), ეუთხარი:

— ახლა, მორჩი, გეყოს, კმარა, დაუკარი გასაყარი ნალარა, ხვალ დავიწყოთ თავიდან.

მიპასუხა:

— ლამე მშვიდობისა. მაშ. არ გინდა, არა?

ხმა არც ახლა გავეცი.

— ამაყო! ამაყო! — ორჯერ გაიმეორა.

— ცოტა ნელა. მომისმინე, ჩემო ცუგრუმელა, მართალია, ვარ ზვიადი, არტაბანი, ფარშავანგი და, რაც გნებავს, ყველაფერი, მაგრამ გულახდილად მითხარ ერთი, თუ გწამს ღმერთი, ჩემს ადგილას შენ რომ იყო, თავს როგორღა გაართმევდი?

ჩაფიქრდა და მერე მითხრა:

— რასაც შენ შერები, იმასვე გავაკეთებდი.

— აი, ხომ ხედავ! აბა, მაკოცე და ლამე ნებისა.

უკმაყოფილოდ მაკოცა და ბუზღუნით წავიდა:

— ასეთი უბედურება გაგონილა განა, რომ ზეცისგან მიეღოთ გოგრა ჩვენისთანა.

— ეგრე, ჩემო ლამაზო, პატარა, — ეუთხარო მე, — ჭკუა ზეცას ასწავლე, მე კი არა.

— კი ბატონო, გავირჩები. — თქვა მან. — მაგრამ, თუ გგონია, მენ შეგეშვები, ძალიან ცდები.

მართლაც არ მომეშვა. მეორე დილითვე თავიდან დაიწყო. ვერ გეტყვი, რამდენი მიუხლო ზეცაა, მაგრამ არაფერი დაკლებია ჩემს თავს.

• • •

პირველ დღეებში თითქოს ქერის ორმოში ვიჯექი. თავს მეველებოდნენ. თვით ფლორიმონი განსაკუთრებული მზრუნველობით მივლიდა და უფრო მეტ პატივისცემას იჩენდა ჩემდამი, ვიდრე მპირდებოდა. მარტინა ქმარს უთვალთვალებდა და ჩემს გამო ჩემზე მეტად ექვიანობდა. გლოდი თავის საამური კაცანით მატკობდა. საუყეთესო სავარძელს მიდგავდა. მაგიდას რომ მიუხსნებოდით, პირველად კეოძი მე მომდიოდა. მისმენდნენ, როდესაც ლაპარაკი მსურდა. ძალიან კარგად ვიყავი, ძალიან კარგად... უფ! მეტი არ შემეძლო! თავს ცუდად ვგრძნობდი. ადგილზე ვერ ვჩერდებოდი. სხენის კიბეზე საათში ოცჯერ ჩამოვდიოდი, ავდიოდი და ისევ ჩამოვდიოდი. ყველას გული გაუფწყალე. მარტინა დიდი მომთქენი ისედაც არ არის, და ყოველი ჩემი ნაბიჯის ხმაზე დამუნჯებული და მოკუნტული კრთოდა. ზაფხული რომ ყოფილიყო, გარეთ მაინც ვიყიალებდი. აქ კი მხოლოდ კედლებს ვაწყდებოდი. სუსხიანი შემოდგომა იღგა: მინდორ-ველს სქელი ნისლი ფარავდა, წვიმა დღე და ღამე ასხამდა და ასხამდა. ეოთ ადგილზე მიჯაჭვული ვიყავი და ადგილიც ჩემი არ იყო. დასწყევლოს ღმერთმა! მაგ საბრალო ფლორიმონსაც ბრიყვეული და ზვიადი გემოვნება ჰქონდა. მარტინას ეს არ აწუხებდა: მე კი ამ სახლში ავეჯი, საგნები, ერთი სიტყვით, ყველაფერი მტანჯავდა, გულს მირევდა, მტრითირებოდა. მინდოდა ყველაფრისათვის შემეცვალა ან ადგილი, ან ფორმა; ხელები მეჭავებოდა, მაგრამ პატრონი ფხიზლობდა: თითის წვერიც რომ შემეხო რომელიმე მისი საკუთრებისათვის, ერთ ბასტიბუბუს ატეხდა. განსაკუთრებით მეჭავებოდა სასადილოში ორი მოღულუნე მტრედითა და უშნო შეყვარებულთან მანქია ქალიშვილით შემკული ღოქი. მის შეხედვაზე გული მერეოდა; ფლორიმონს ვთხოვე, ეს ღოქი მაგიდიდან მაშინ მაინც აეღო, როდესაც მე ვსადილობდი; ლუკმა ყელზე მადგებოდა, ვიხრჩობოდი. მაგრამ ხვადავი (და

ეს მისი ნება იყო) უარს მეუბნებოდა. ამ უხეირო ნაცოდვილარით ამაყობდა. ხელოვნების ყველაზე დიდი ნიმუში მისთვის სხვადასხვა ნამცხვრის ხუხულაა. ასე რომ, ჩემი ტანჯვა და ღრანჯვა მხოლოდ ამხიარულებდა ოჯახს.

რა უნდა მექნა? ჩემს თავზე მეცინა? უდაოა, სულელი ვიყავი; მაგრამ ღამით ლოგინში მწვადივით ეტრიალებდი. ხოლო ტაფაზე, ე. ი. სახურავზე, წვიმა შეუჩერებლივ აკაკუნებდა. სხვენზე სეირნობას ვერ ვბედავდი, რადგან ჩემი მძიმე ნაბიჯები არყევდა მას. და აი, ერთხელ, როდესაც ლოგინზე ფეხშიშველა, ჩაფიქრებული ვიჯექი, ჩემს თავს ვუთხარი: „ჩემო, ბრონიონ, არ ვიცი როდის, არ ვიცი როგორ, მაგრამ გავაოცებ ხალხს, კვლავ წამოვკვიმავ სახლს“. ესა ვთქვი და გავმხიარულდი: ზრახვას ვმალავდი. „შვილებს, რა თქმა უნდა, არაფერი ვუთხარი; რომ მეთქვა, მეტყოდნენ, შენი შესაფერი სახლი საგიჟეთიაო. კეთილი, მაგრამ ფული სად ვიშოვო? ორფეოსისა და ამფიონის შემდეგ ქვეები ფერხულში არ ებმებიან, ერთმანეთს თავზე არ ასხდებიან და კედლებს და სახლებს მხოლოდ ქისების სიმღერის ხმაზე აშენებენ. ჩემს ქისას კი ხმა ჩაუწყდა, და ასე მგონია, საამუერი ხმა არც არასოდეს ჰქონია.

უყოყმანოდ მეგობარ პაიარის ქისას მივმართე. გამოგიტყდებით, ამ კეთილ კაცს არაფერი შემოუთავაზებია. მაგრამ თუ მე მსიამოვნებს რომელიმე მეგობარს დანმარება ვთხოვო, ვფიქრობ, იმასაც გაუზარდება დამეხმაროს. როგორც კი გამოიღარა, დორნესისკენ გავსწიე. ცაზე ლეგა ღრუბლები ჩამოწოლილიყო. ნესტიანი, დაქანცული ქარი დიდი დასველებული ფრინველივით დაჰქროდა. ფეხებზე მიწა მეკვროდა, კაკლის ყვითელი ფოთლები მინდვრებზე ცვიოდნენ. შემკოთალმა პაიარმა ორიოდ სიტყვის თქმაც არ მაცალა. შემომჩვილა, საქმე ცოტა მაქვსო და მცირე შემოსავალზე, უფულობასა და ცუდ მუშტრებზე მოჰყვა წუწუნს. ასე რომ, ვუთხარი:

— პაიარ, პაიარ, ხომ არ გინდა, ერთი გროში გასესხო!

ნაწყენი ვიყავი. ჩემზე მეტად პაიარი იყო განაწყენებული. გაბუტულებმა ცივად განვაგრძეთ ბაასი. ვლაპარაკობდით ამაზე და იმაზე, მე გაბრაზებული, ის დარცხვენილი. ნანობდა თავის წუწურაქობას. საბრალო, ცუდი ბიჭი როდის; ვიცი, ვუყვარვარ; ფულსაც სიამოვნებით მომცემდა, თუ არაფერი დაუჯდებოდა; რომ დამეყინებინა, მივიღებდი, რაც მინდოდა. აბა რა მისი ბრალია, თუ ტყავში ძუნწი

მეკანშეების სამი საუკუნე უზის. მაგრამ შეიძლება ფილისტერიც იყო და ხელგაშლილიც, დროდადრო უთუოდ ასეც ხდება, ანდა ამბობენ, რომ მომხდარა ასე. ყველა კეთილი ფილისტერის პირველი სიტყვა, როდესაც მის ქიასას შეეხებიან, არის: „არა“. მეგობარი პაიარი ახლა რას არ მისცემდა, ოღონდ „კი“ ეთქვა, მაგრამ საკირო იყო საბაბი მიმეცა; ამაზე კი მე ვამბობდი „არას“. მეც თავმოყვარეობა მაქვს; მეგობარს რამეს რომ ვთხოვ, ასე მგონია, დიდ სიამოვნებას ვანიჭებ-მეთქი და თუ ყოყმანობს, მისი აღარაფერი მინდა; მით უარესი მისთვის! ასე რომ, გულღამძიმებულმა, ბრაზით სხვა რამეზე გადავიტანე ლაპარაკი. საუზმეზე უარი ვუთხარი (ამით მეტად შევაწუხე). ავდექი. თავჩალუნული ზღურბლამდე მომეყვა; მაგრამ კარის გაღების დროს ვერ მოვითმინე, ბებერ კისერზე ხელი მოვხვიე და გადავკოცნე. გულწრფელი კოცნითვე მიპასუხა და სწორილებით მითხრა:

— კოლა, კოლაჯან, რამდენი გინდა?..

ვუპასუხე:

— ლაპარაკი ზედმეტია ამაზე.

(ჯიუტი ვარ).

— კოლა, — განაგრძო დარცხვენილმა, — გესაუზმა მაინც.

— ჰო, ეგ სხვა საქმეა. — ვუთხარი მე, — კეთილი და პატიოსანი, ვისაუზმოო.

და დავსხედით ორნი, ვკამეთ როგორც ოთხმა. მაგრამ გავჩქიდი, არა და არ გავახარე, რაც ერთხელ ვთქვი, აღარ გადავთქვი. მართალია, ჩემს თავს ვაწვნი, მაგრამ ისიც ხომ დავსაჯე.

დავებრუნდი კლამსიში. ჩემი ბინა უმუშებოდ და უფულოდ უნდა ამეშენებინა. ეს ვერ შემაჩერებდა; რაც გოგრაში ჩამიდევია, ის უნდა გავაკეთო. გულმოდგინედ ნახანძრალის თვალიერება დავიწყე, გადავარჩიე ყველაფერი, რაც გამოდგებოდა. შემომწვარი ძელები, გაშავებული ავურები, ძველი რკინეულობა და ბუხრის მწმენდელის ჩაჩივით გაშავებული ოთხი ჩამოქცეული კედელი, მერე ჩუმჩუმად შევროშის ქვის სამტეხლოებს შევეჩვიე. ვჩიჩქნიდი, ვფხეკდი და ვღრღნიდი მიწის ძვალს, სისხლიან და ლამაზ ქვას, რომელიც ათბობს თვალს, ქვას, რომლის ძარღვებში თითქოს შედუღებული სისხელი მიედინება. შესაძლოა, რომ ზოგჯერ, ტყეზე გავლისას, რომელიმე დრომოქმულ მუხას სამუდამო სიმშვიდის მოპოვებაში დავეჩ-

ზარე. იქნებ ეს აკრძალულიც იყო: ესეც შეიძლება, მაგრამ თუ მხოლოდ ის ვაკეთე, რაც ნებადართულია და შეიძლება, ცხოვრება გაჰრდება. ტყე იმიტომაა ქალაქის, რომ მოვიხმაროთ და, რა თქმა უნდა, ყველასი ვხმარობთ. მალულად, რასაკვირველია. ზომაც ვიცით, რადგან ვფიქრობთ: „ჩემს გარდა სხვაც არის“. მაგრამ, რამდენადაც ადვილია აღება, იმდენად ძნელია წალება. მეზობლების წყალობით ამასაც თავი გავართვი: ერთმა ურიკა მათხოვა, მეორემ — ხარები, ვინ — ხელსაწყოები, ზოგი თვითონ დამეხმარა, რადგან დახმარება ფული არა ღირს. მოყვასს ყველაფერი შეგიძლია სთხოვო, თუნდაც ცოლი, მხოლოდ ფულს ნუ სთხოვ. რა გასაკვირია; ფული არის ის, რაც შეიძლება მით შეიძინო, რაც გექნება, რაც შეიძლება მისი წყალობით გექნეს, ყველაფერი ის, რაზედაც ოცნებობ; დანარჩენი გაქვს, ანდა ვითომც არა გქონია.

იმ დღიდან, როდესაც მე და ჩემმა რობინემ, იმავე ბინემ, პირველი ხარაჩოების აგება შევიძღვით, სიცივეები დაიჭირა. გიყს მეძახდიენ. ჩემი ბავშვები ყოველდღე მეჩხუბებოდნენ! უფრო მოწყალენი გაზაფხულამდე დაცდას მირჩევდნენ. არაფერს ვისმენდი, ყურს არავის ვუგდებდი; არაფერი მსიამოვნებდა ისე, როგორც ადამიანებისა და მმართველების გაბრაზება. ეჰ! ძალიან კარგად ვიცოდი, რომ მართხელა და ისიც ზამთარში სახლს ვერ ავაგებდი! მაგრამ მე მეყოფოდა კარავი, ან მარტო სახურავი, თუნდაც კურდღლის გალია. მართალი არის, ვარ გულზიარი, მაგრამ მხოლოდ მაშინ, თუკი ეს მსურს და შესიამოვნება. არა, ლაზღანდარაც ვარ, მიყვარს სხვებთან ბაასი; მაგრამ, ზოგჯერ ჩემს თავთანაც უნდა შემეძლოს საუბარი. ეს ყველა ჩემს მეგობართან საუბარს მირჩევნია. თავს ძალიან ვუფროთხილდები და მას რომ შევეყარო, მზად ვარ სუსხიან ქარში შიშველტიტველმა ვიარო. დიახ, ჩემს თავთან თავისუფლად რომ მებაასა, ასე ჭიუტად ვცდილობდი სახლი ამეშენებინა, არ დაგიდევდით ხალხი რას იტყოდა და შეილების ჭკუის დარიგებაზე მეცინებოდა.

ვაიმე! ბოლოს სასაცილო თვითონ შევიქენ. ოქტომბრის მიწურულის ერთ დილას, როდესაც ქალაქი ყინელში ეხვეოდა და ქუჩებზე მოყინული მიწის დუყი ვერცხლისფრად ბრწყინავდა, ხარაჩოზე ასვლისას ერთ-ერთ ძელზე ფეხი დამიკდა და ტყლაშ!.. ძირს ბზრიალტრიალით წამოვედი. ბინე აყვირდა:

— კოლა მოკვდა!

წამოსაყენებლად მოზეავდა ხალხი! შემრცხვა და ვთქვი:  
ეჰ! განზრახ გავაკეთე-მეთქი.

მინდოდა თვითონვე ავმდგარიყავი, ვაიმე! ვაიმე! კოქი, კოქი!  
კვლავ დავეცი ხეიბარი... კოქი მქონდა გადამტყდარი. საკაცოთ წაში-  
ლეს. გვერდით ცისკენ ხელებაპყრობილი მარტინა მომყევბოდა; გარ-  
მეზობლის ქალები შემოხვეოდნენ და წუწუნებდნენ, მომხდარ ამბა-  
ზე ჭორაობდნენ; ეს პროცესია უფლის ძის იესოს დააფლავების  
წმინდა სურათს მოგაგონებდათ. და მარიაშები არ იღლებოდნენ ხე-  
ლების ქნევით, ფეხების ბაკუნით, წივილითა და კივილით. ისეთი  
ბასტი-ბუბუ გაჰქონდათ, რომ მკედარსაც გააღვიძებდნენ. მკედარი  
არ ვიყავი, მაგრამ თავს ვიმკედარუნებდი, რომ მთელი ეს თავახ-  
ზურგზე არ მომხვედროდა. ვიწექი მშვიდი, უპრავი, თავგადაგდებ-  
ლი. ცისკენ მქონდა მიშვერილი წვერი: ბრაზით ვსკდებოდი, მაგრამ  
ინტიბარს არ ვიტყვი.

## XIII

### კლუტარქის კოსნვა

ოქტომბრის ბოლო.

და აი, ახლა თათით ვარ მიბმული... თათით! მოწყალეო უფალო,  
თუ გართობა გსურდა, არ შეგეძლო განა ხელი, ან გვერდი მოგეტება  
ჩემთვის და დაგეტოვებინა საყრდენი ბოძები? რა თქმა უნდა, ნა-  
ლებს არ ვიოხრებდი, მაგრამ ძირს დამხობილი მაინც არ ვიწუწუ-  
ნებდი. აჰ! ბორბტი, წყეული (იკურთხოს მისი წმინდა სახელი!),  
თითქოს მხოლოდ ჩვენს გაწამებას ფიქრობს. კარგად იცის, ყველა  
სხვა მიწიერ ბედნიერებას: გარჯას, ქეიფს, სიყვარულსა და მეგობ-  
რობას, ღმერთების კი არა, ადამიანთა ასული — თავისუფლება ძირ-  
ჩვენია და ხელშიც მიპყრია. უთუოდ ამიტომ ჩემს ხუხულას (ნაღდად  
იციინის, არამზადა!) ფეხით მიმაბა. და მეც ახლა ხოქოსავით ზურგზე  
გაწოლილი ვუმზერ თობობას ქსელებს და ჩემი სხვენის ძელებს. აი,

ჩემი თავისუფლება!.. მაგრამ არა, საყვარელო, ჯერ კიდევ ვერ დამიპირე. გათოკე ჩემი ჩონჩხი, შებოქე, კიდევ ერთხელ შემოაკარი, როგორც შამფურზე წამოცმულ ვარიებს უშვრებიან. და მერე რაო, ვითომ გამომიპირე? მერწმუნე — ვერა. სული? სულს რაღას უშვრები? აჰა, ჩემს ფანტაზიასთან ერთად ისაც გაფრინდა. აბა მიდი, ეცადე და დაიპირე! ამისათვის მაგარი მუხლები დაგჭირდება. ჩემს ნათლიედ და ფანტაზიას ფეხი მოტეხილი როდი აქვს. მიდი, მიდი, გაიქეცი, მეგობარო!..

უნდა გამოვტყდე, რომ პირველ ხანებში ცუდ ხასიათზე ვიყავი. ენალა შემჩნა და მეც ვსარგებლობდი, რომ მეგინა და მეღრინა. იმ დღეებში კაცი ვერ გამეკარებოდა. თუმცა კარგად ვიცოდი, რომ ყველაფერი ჩემივე თავით დამემართა. ეჰ! ეს ძალიან კარგად ვიცოდი. ყველა, ვინც სანახავად მოდიოდა, ამით ყურებს მიჰქედდა:

— აჟი გითხარით! რაში გპირდებოდა ხარაჩოებზე კატასავით ცოცვა შენი ხნის ბებრუტუნას! რამდენჯერ გაგაფრთხილეს, მაგრამ კაცი ვერაფერს შეგასმენს. სულ უნდა იცუნცულო, ჰოდა, ზოგი ეხლაც იცუნცულე! რაც მოგივიდა, ყველაფერი შენივე თავს დააბრალებ.

კარგი ნუგეშია! არ კმარა, რომ უბედური ხარ, გიმტკიცებენ, ბრიყვიცა ხარო! მარტინამ, სიძე ფლორიმონმა, გულცივმა მეგობრებმა, ყველამ, ვინც ჩემს სანახავად მოვიდა, თითქოს პირი შეკრეს. მე კი, თათით მახეში გაბმულს და ბრაზით აღსავსეს, მათი საყვედურები უნდა მესმინა. წრუწუნა გლოდიმაც კი მითხრა: პაპა, ჭკუით არ ყოფილხარ და რაც მოგივიდა, ახია შენზეო.

ჩაჩი ვესროლე და დავუყვირე:

— მოუსვი აქედან!

მარტო დავრჩი. ვერც ამან მომიყვანა გუნებაზე. ჩენმა კეთილმა მარტინამ დაიჟინა, ჩემი ლოგინი დუქნის უკანა ოთახში გადაეტანათ (გამოგიტყდებით, ეს ძალიან გამიხარდებოდა), მაგრამ თუ ერთხელ ვთქვი უარი, დასწყევლოს ეშმაკმა, ველარავინ გადამათქმევიანებს. არც ის შეამებოდა ხალხს ვენახე ხეიბარი. მარტინა კი, ის აბეზარი, როგორც საერთოდ ბუზი და ქალი, ჯიუტად თავის აზრს უბრუნდებოდა; იმდენი რომ არ ელაპარაკა, შეიძლება დამეთმო კიდევ; მაგრამ მეტად ჯიუტობდა და თანხმობა რომ მეთქვა, დილიდან საღამომდე გამარჯვების ბუქსა და ნაღარას დაჭკრავდა; ამიტომ ვთხოვე, ცო-

ტა მოშორებით ესეირნა. რა თქმა უნდა, ყველა სეირნობდა ჩემს გარდა; მე სხვენზე დამტოვეს ძარტოკა. ნუ წუწუნებ, კოლაჯან, ასე უნდა მოგსვლოდა და ხურავის უჩივი. ეს შენ თვითონ გინდოდა!..

მაგრამ მიზეხს, ნამდვილ მიზეხს, რომლის გამოც ვჯიუტობდი, არ ვამბობდი. იცით რა, როდესაც შინ კი არა, სხვასთან ხარ, გეშინია, არ შეაწუხო და არც მოვალედ გასურს დარჩე. რა თქმა უნდა, ეს ცუდი ანგარიშია, თუ გასურს ხალხს უყვარდე, თავი არ უნდა დააეწყო. მეც ადვილად მივიწყებდნენ. რაკი არსად მხედავდნენ, არც ჩემს სანახავად მოდიოდნენ. თვით გლოდიმაც მიმატოვა. დაბლიდან მისი ტიტინი და სიცილი მესმოდა და მეც გულში ვიცინოდი. ვობრავედი თანაც, რადგან მინდოდა მისი სიცილის მიზეზი გაეგო... უმადური ხარ-მეთქი, ბრალს ვდებდი, მაგრამ ვიცოდი, რომ მის აღგილას მეც ასე მოვიქცეოდი... „გაიხარე, ჩემო ლამაზო!“... კაცს რომ განძრევა არ შეუძლია, რამეთი ხომ უნდა გაერთოს. თუნდაც ნეხზე მჯდარ იობივით იწყევლოს.

ერთ დღეს, როდესაც ჩემს ნეხზე ვეგდე დაღონებული, პიარი მეწვია. მართალი გითხრათ, თავაზიანად არ მიმღია. ჩემს წინ, საწოლის ფეხთან ჩამოჯდა. ხელში დიდის მზრუნველობით შეხვეული წიგნი ეკავა. ცდილობდა საუბარი გაება, ხან ცისას მოჰყვა, ხან ბარისას. მაგრამ ამოდ, გამეხებული სახით პირველსავე სიტყვაზე ვაწყვეტივინებდი. არ იცოდა, რა ექნა, რა ეთქვა, ახველებდა, თითებს საწოლზე აკაკუნებდა. კმარა-მეთქი ვუთხარი. დადუმდა. განძრევა-საც ვერ ბედავდა. ულვაშებში ვიცინოდი და ვფიქრობდი:

„ჩემო კარგო, ახლა ნანობ, არა? ფული რომ გესესხებინა, კალატოზობას არ დავიწყებდი, აი ფეხიც მოვიტეხე. აჰა! მიირთვი, დაიჭი! ძალიან კარგია! მოგეხსენება, ამ ყოფაში სწორედ შენმა წუწურაქობამ ჩამაგდო“

იქდა საბრალო და ვერ ბედავდა ჩემთვის სიტყვა ეთქვა. მეც ვცდილობდი ენაზე კბილი დამეჭირა, მაგრამ ენა შეტად მექავებოდა და თავი ვერ შევიკავე. ვუყვირე:

— ამოიღე ეგ ხმა. თავი მომაკვდავის საწოლთან ხომ არ გვინია? დასწყევლოს ღმერთმა, კაცთან გასაჩუმებლად როდი მოდიან! ილაპარაკე, ანდა მოშორდი აქედან! თვალებს ნუ აბრიალებ. მაგ წიგნს მოეშვი. რა წიგნია?



საბრალო კაცი წამოდგა:

— ვხედავ, გაბრახებ, კოლა, და ამიტომ მივდივარ; ეს წიგნი მოგიტანე... პლუტარქეა, „გამოჩენილ ადამიანთა ცხოვრება“, ოქსერის ეპისკოპოსის ბატონ უაჯ ამიოს მიერ გადმოფრანგულებული. ვიფიქრე...

(ჩანდა, საბოლოოდ კიდევ ვერ გადაეწყვიტა)...

— ...ეგებ მასში ჰპოვოს-მეთქი...

(ღმერთო! როგორ ეძნელებოდა!)...

— ...სიამოვნება და ნუგეში...

და მე, ვინც კარგად ვიცოდი, რომ მწერლობის ამ მოტრფიალეს ოქროზე მეტად თავისი წიგნები უყვარდა (როდესაც მის ბიბლიოთეკაში წიგნს ხელს შეახებდი, გაწამებული შეყვარებული კაცის ისეთ სიფათს მიიღებდა, რომ გეგონებოდათ უცქერის, თუ როგორ ჭგვლუმს ვიღაც ბრიყვი ბატონი მისი ლამაზის გულმკერდსაო), მსხვერპლის სიდიადემ ამაღელვა.

— ძმაკაცო, ჩემზე უკეთესი ხარ, მე კი ხვადაგი ვარ; ცუდად მოგეჭეცი. მოდი, მაკოცე.

მოვეხვიე, წიგნი გამოვართვი. აშკარად ეტყობოდა, რომ ბედნიერი იქნებოდა, წიგნი უკანვე რომ წაეღო.

— ხომ გაუფრთხილდები?

— არხეინად იყავი, სასთუმალთან მექნება.

სინანულით წავიდა. ეტყობოდა, გული საგულეს მაინც არ ჰქონდა.

\* \* \*

ჰერონელ პლუტარქესთან ერთად დავრჩი. პატარა, ღიპიანი ტომი იყო, ათას სამას გვერდიანი, სიმაღლეზე მეტი სიაქე ჰქონდა. მკიდროდ მიჭრილი და შეკრული სიტყვებით ისე იყო გატენილი, როგორც ხორბლით სავსე ტომარა.

აქ იმდენი სარჩოა, რომ სამმა ვიომა სამ წელს შეუწყვეტლივ რომ ჰამოს, მაინც ეყოფა-მეთქი, გავიფიქრე.

ჯერ ყოველი თავის დასაწყისში მრგვალ მედალიონებში ჩასმულ გამოჩენილ პირთა ცქერით გავერთე: საუცხოო რამ იყო მოკვეთილი და დაფნის ფოთლებში გახვეული თავები; ოხრახუმის პატარა ღერო-ლა აკლდათ ცივირში. ვფიქრობდი:

„რისი მაქნისი არიან ეს ბერძნები და ეს რომაელები? ისინი ზომ მკვდრები არიან, მკვდრები, ჩვენ კი ცოცხლები ვართ. აბა, რა უნდა მითხრან ისეთი, რაც მათზე უკეთ არ მეცოდინება? ისა, რომ კაცი მეტად ბოროტი, მაგრამ საინტერესო ცხოველია? ისა, რომ რაც უფრო ბერდება, მით უკეთესია ღვინო ანკარა, ქალი კი — არა. იაა, რომ ყველა მხარეში ბატონობს ძლიერის სუსტზე თარეში, და რომ სუსტსაც ეცინება, როცა ძლიერი გაებმება მახეში? ყველა ეს რომაელი ბაქია ლაზღანდარა გრძელსა და ბრტყელ სიტყვებს გეუბნება. მართალია, მკვერმეტყველი ხალხი ძალიან მიყვარს, მაგრამ წინდაწინვე ვაფრთხილებ, რომ მართო მათ არ ვალაპარაკებ, როგორც მოუუეტავე ჩარბს“...

მოწყალეობა სოვადე და წიგნს ფურცელა დავუწყე. ხან აქ, ხან კიდევ იქ მივაპყრობდი მოწყენილ თვალს, თითქოს მდინარეში ანკესს ვაგდებდი. და აი, მეგობრებო, იმწამსვე გავები... როგორი ნადავლი ვიგდე ხელში, როგორი თევზი. წყლის ზედაპირზე მკარებისთანავე ლივლივა ყვინთავდა და ამოჰყავდა თუ საუცხოო ჭანაზი, თუ ქარიყლაპია! უცნობი თევზი, ოქროსი, ვერცხლიაა, ნაირფერადი, თვირფასი ქვებით მორთული, რომელნიც შუქს ისხლეტდნენ და ცეკვავდნენ, ხტოდნენ, იჭიმებოდნენ, ლაყუჩებს არხევდნენ, კულებს იქნევდნენ!.. ღმერთო! მე მკვდრები მეგონა!.. ახლა, ქვეყანა რომ დაქცეულიყო, ვერაფერს შევამჩნევდი, ვერაფერს დავინახავდი, მე მხოლოდ ჩემს ანკესს მივუტერებოდი: იძირებოდა ლივლივა, ყვინთავდა ლივლივა! ნეტავ ამჯერად რომელი ურჩხული ამოვა წყლიდან? და აი, თხლაშ! ნემსკავს მოდებულები მშვენიერი თევზი ჰაერში აფართხალდა. მზეზე ბრწყინავდა თეთრმუცლიანი, ჯავშანში ჩამჯდარი, მწვანე, ვითარცა თავთავი, ან ლურჯი, ვითარცა ქლიავი. დღეები, ამ წიგნის კითხვას რომ მოვანდომე (დღეები თუ კვირები?), ჩემი ცხოვრების სამკაულია. იკუროთხოს ჩემი ავადმყოფობა!

იკუროთხოს ჩემი თვალეები, რომელთა წყალობითაც ჩემში აღწევენ წიგნებში დატყვევებული აჩრდილები. დიახ, იკუროთხოს ჩემი ჯადოქრული თვალეები, რომლებიც შავ ჯოგად მოხეტიალე მკიდრო და მსუქანი ნიშნების გვირისტებში, გვერდების ორ არშიათა შორის აცოცხლებენ გამქრალ ჯარებს, დაქცეულ ქალაქებს, რომაელ მკვერმეტყველებს, პირქუშ რაინდებს, გმირებს და ლამაზმანებს, რომელთაც ეს გმირები თავის ნებაზე დაჰყავთ, ველად მოთარეშე ქარიშხალს,

მზიურ და გაშლილ ზღვას, აღმოსავლეთის ცას და წარსულის თოვლიან მთას.

აი, ტახტრევანზე წაშოწოლილი, ბებერი და ბუზღუნა მემორებით გარშემორტყმული, გაფითრებული, ტანმორჩილი და სუსტი კეისარი, ღორმუცელა ანტონიუსიც, დიდძალი ხორავით, ქურჭლითა და კანპებით მიხდვრებს რომ სერავს და ჩასახეთქად რომელიმე მწვანე ჭალისკენ მიემართება, სვამს, არწყევს და ისევ სვამს, სადილად რვა ტახს ჭამს და ანკესით მარილიან თევზს იჭერს. აი, ქედმაღალი პომპეუსი, რომელსაც ფლორა ვენებიანად კბენს; ესეც პოლიორკეტე, თავისი ფართო თავსაბურავით და ოქროს მანტიით, რომელზეც დედამიწა და ციური ბაკმებია გამოსახული; აი, დიდი არტაქსერქსეც, რომელიც თავისი ოთხასი ცოლის 'მავ-თეთრ ჯოგზე ბულაავით მეფობს; აი ბახუსის ტანსაცმელში გამოწყობილი მშვენიერი ალექსანდრე მწვანე ტოტებითა და წითელი ხალიჩით მორთული რვაცხენიანი საომარი ეტლით ინდოეთიდან ბრუნდება ვიოლინოების, სტვირების და კობოების საამურ ხმაზე, ყვავილებით ქულშემკვულ სარდლებთან სვამს და ნადიმობს. მათ უკან მოსდევს ჯარი თაყებით ხელში და თიკნებივით ხტუნია ქალები... და განა ეს არ არის საოცრება? თუ მესიამოვნება, ანტონიუსის, ალექსის თუ არტაქსერქსის .ცხვირწინ დედოფალ კლეოპატრას, მეფლეიტე ლამიას და ლამაზ სტატირას, ისე ლამაზს, რომ თვალს გჭრის, როდესაც უცქერი, აქვე ვეუფლები, მათთან ვნეტარებ და ვტკბები. ეკატანში გამარჯვებული შევდივარ, თაისთან ერთად ვსვამ, როქსანესთან ვწვები და ზურგზე მოკიდებული მიმყავს ძონჩებში შეფუთული კლეოპატრა; ანტიოქიუსთან ერთად, სტრატონიკეს სიყვარულით გული რომ ელევა, მეც ჩემი დედინაცკლისადმი ვნებით ვდნები (საოცარია პირდაპირ), ვარბევ ვალების ქვეყანას, მივდივარ, ვხედავ, ვიმარჯვებ და (რაც ყველაზე მეტად მსიამოვნებს) ყოველივე ამას ისე ვაკეთებ, რომ წვეთ სისხლსაც არ ვღერი.

მდიდარი ვარ. ყოველი ამბავი კარაველაა, კარაველა, რომელსაც ჩემთვის ინდოეთიდან, ანდა ბერბერების ქვეყნიდან მოაქვს ძვირფასი ლითონები, ტიკებით ძველი ლეინო, საოცარი ცხოველები, ტყვეები... მშვენიერი ახალგაზრდები არიან! რა დადებული მკერდები აქვთ! როგორი გავა! ყველაფერი ეს ჩემია, ჩემი, იმპერიები ჩემს გააართობად დაბადებულან, გაზრდილან და დახოცილან...

ერთი ნახეთ, ეს რაღა კარნავალია? თითქოს რიგრიგობით ყველა

ეს ნიღაბი მე ვიყო. ვაჟრები მათ ტყავში, მათი სხეულის ნაწილებით ვამოსებო, მათი ვნებებით ვინთები და ფერხულა ვუვლი. ერთსა და იმავე დროს ვარ მოცეკვავე, დარბიერი და კეთილი პლუტარქი; და, რა თქმა უნდა, ყველა ეს იგავი მე დავწერე (უთუოდ იმ დღეს ზეშთაგონებული ვიყავი)... რა ნეტარებაა იგრძნო, რომ სიტყვების მუსიკა და ფრაზების ფერხული მიგაფრენს ტანჯვის, სხეულის ბოკალებისა და სიბერისაგან თავიანუფალ სიერცემი... სულთ, ეს ხომ უფალი ღმერთია! დიდება სულიწმიდას!..

ზოგჯერ შუა კიბხვაში ვგრძობი და გაგრძელებას თვითონვე ვთხოვ. მერე კი ზემო ფანტაზიის ნაყოფს ვაძარებ იმას, რაც ხელოვნებას ან ცხოვრებას გაშოუაერწავს და ხელოვნების ქმნილების ქარაგმას ხშირად სწორად ვხსნი. ბებერი მელა ვარ, ყველა ოინს ვიცნობ და როდესაც მივაგნებ, ულვაშებში ვიცინი; მაგრამ, თუ მჭერწავი ცხოვრება არის, უმეტეს შემთხვევაში ვცდები. ცხოვრება ჩვენს მზაკვრობას იცნობს და მას გვერდს უვლის. მისი ოინები კი ჩვენსაზე უფრო ოსტატურია. ვახ! გიყმაყი ნათლიდედა!.. მხოლოდ ერთ რაზეზე თავს არ იწუხებს, ამბის ბოლო მუდამ ერთნაირია: ომები, სიყვარული, სიანცე, ყველაფერი მთავრდება კარგად ცნობილი ნახტომით ორმოში. და როდესაც აღწერს ასეთ სიავეს, იმეორებს ერთსადაიანავეს, როგორც ქირვეული ბავშვი, რომელიც ანტერევს უკვე მოზებრებულ სათამაშოებს. ვბრაზდები. ვყვირი: „უხეშო, საზიზღარო! ვაიმე! მე მომეცი, მე!“ ხელიდან ვართმევ... გვიანლა! სათამაშო უკვე დამსხვრეულია და გლოდივით ვნეტარებ ჩემი დედოფალას ნამსხვრევების რწევით. და ეს სიკვდილი, როგორც საათის რეკვა ისრის ყოველ შემოვლაზე, ტბილი მისამღერივით ყლერს. დაჩეკეთ, ზარებო, დიღნო და პატარავ, იგუგუნეთ: დინგ, დინგ, დონ!

„მე ვარ კვიროსი, აზიის დამპყრობი, სპარსელების ბატონი და გვეედრები, მეგობარო, ნუ შეგშურდება ეს მუქა მიწა, რომელიც საბრალო სხეულს მიფარავს“...

ამ ეპიტაფიას ალექსანდრეს გვერდით მდგომი ვკითხულობ; სხეული უძრწის მაკედონელს, სხეული, რომელიც მზადაა დატოვოს იგი, რადგან ჰგონია, რომ მიწიდან საკუთარი ხმა ესმის. ჰოი, კვიროს, ალექსანდრე! რა ახლობლები ხართ, როდესაც მკვდრებს გხედავთ!-

ვხედავ, თუ მესიზმრება?.. ვიჩქმიტე და თავს ვუთხარი: „ჰეი, კოლა! გძინავს, განა?“ ლოგინთან ახლო მდგარი პატარა მაგიდიდან

ორ მედალს ვიღებ (შარშან ვენახში ამოვთხარე), ამ მედლებზე გამოსახულნი არიან ჰერკულესად მორთული ბანჯგვლიანი კომოდი და აგვესტა კრისპინა, რომელსაც მსუქანი ნიკაპი და მტაცებელი ფრინველის ცხვირი აქვს. ვამბობ: „არა, სიხმარში როდი ვარ, თვალები განელილი მაქვს და რომი ხელის გულზე მყავს“...

რა სასიამოვნოა გუნებაში მორალზე ფიქრი, საკუთარ თავთან კამათი, მსოფლიო პრობლემების გადასინჯვა, პრობლემებისა, რომლებიც უხეშმა ძალამ უკვე გადაჭრა, რუბიკონზე გადასვლა. არა, ნაპირზე შეჩერება... გადავალთ თუ არა? საამო არის ებრძოლო ბრუტუსს, ან თვით კეისარს, მისი აზრისა იყო, მერე დიდის მქვერმეტყველებით საწინააღმდეგო ამტიციო და ბოლოს ისე დაიბნე, რომ არ იცოდე, ვისი მომხრე ხარ! ამას რა სჯობია. აზრებით სავსე გაქვს თავი. ამბობ გრძელ სიტყვებს, ამტიციებ, ცდილობ დაამტიციო. უპასუხებ, ესიტყვები, ხელჩართული ბრძოლა გაგიმართავს, აბა, თუ ბიჭი ხარ, აიციდინე ეს მოქნევა!.. საბოლოო ჯამში, დაქანცული ხმალზე რჩები წამოკმული.... შენ თავს თვითონვე ამარცხებ! გაოცებული ვარ... პლუტარქია ყველაფერში დამნაშავე. ისეთი ოქროპირია და ისე გულთბილად გეტყვით ხოლმე: „ჩემო მეგობარო“, რომ ყოველთვის მისი აზრისა ხართ, აზრი კი იმდენი აქვს, რამდენიც მოთხრობა. მოკლედ, მისი გმირებიდან ყველაზე მეტად უთუოდ ის მომწონს, ვისი ამბავიც უკანასკნელად წავიკითხე. ერთი სიტყვით, ისინიც ჩვენსავით ერთ ქალგმირს ემორჩილებიან, მის ეტლში არიან გაბმულნი... პომპეუსის გამარჯვებანი რანი არიან მის გვერდით?.. ისტორიას სწორედ ის ქალგმირი წარმართავს. მე ფორტუნაზე მოგახსენებთ. მისი ბოობალი ბრუნავს, ტრიალებს და ვერასოდეს ვერ ნახავთ „მთვარესავით ერთსა და იმავე მდგომარეობაში“, როგორც ამას ამბობს სოფოკლესთან რქოსანი მენელაოსი. და ეს კიდევ მეტად სანუგეშოა სწორედ იმათთვის, ვისაც თავი არ დაუღწევია ახალი მთვარისათვის.

ხან ჩემს თავს ვეუბნები: „მეგობარო ბრონიონ, რა ჩემ ცოდვად გაინტერესებს ყოველივე ეს? ერთი მითხარი, გეთაყვა, რომის დიდებასთან რა გესაქმება? და მით უფრო, რა ხელი გაქვს მაგ დიდი უაჩალების სიგიჟესთან? შენ შენიც გეყოფა, შენზე გამოუქრიათ. საქმე შემოგელია, რომ ზურგზე იკიდებ თვრამეტი საუკუნის წინ გარდაცვლილ ადამიანთა მანკსა და უბედურებას? გამოტყდი, ბიჭო (ამას ქადაგებს ბატონი ბრონიონი, დარბაისელი და წესიერი კლამსელი

ფილისტერი), რომ შენი კეისარი, ანტონიუსი და მათი კახა კლეო, შენი სპარსელი ხანები, რომელნიც საკუთარ ასულებს ცოლად ირთავენ, ძეგებს ყელს სჭრიან, საზიზღარი არამზადები არიან. დიდი ხანია, რაც დაიხოცნენ და ამქვეყნად ამაზე უკეთესი არაფერი უქნიათ. მოასვენე მათი მტვერი. არ მესმის, რა სიამოვნება უნდა ჰქონდეს ხნიერმა კაცმა ასეთ სისულელებში? ერთი შენს ალექსანდრეს შეხედე, არ გაბრაზებს განა, თავის რჩეულ ლამაზ ჰეფესტიონეს დასაქრძალავად ერის საუნჯეს რომ ხარჯავს? ხოცვა-ჟლეტას კიდევ ათა უშავს რა. ადამიანთა ჭილაგი მრუდი, თესლია ცუდი. მაგრამ ფულის ფლანგვა როგორ იქნება? აშკარაა, რომ სალახანებს მის საშოვნელად ოფლი არ დაუღვრიათ. შენ რა, გგონია ვსუმობ? თვალებს აბრიალებ და ისე იბლინძები, თითქოს ეგ ფული შენ დაგვერიგებინოს! რომ დაგვერიგებინა, დიდი გიყი იქნებოდი. ისე კი, ორჰავადა ხარ გიყი, რაკი გახარებს სიგიყე სხვისი“.

კუპასუნებ: „ჩემო ბრონიონ, ოქრო ამოგდის პირიდან, მუდამ მართალი ხარ. მაგრამ თანახმა ვიქნებოდი, გავეწკეპლე ასეთი სისულელებისათვის. ორი ათასი წლის წინათ გარდაცვლილთა აჩრდილების ძარღვებში უფრო მეტი სისხლი სჩქევს, ვიდრე ცოცხლებისაში. ვიქნობ და მიყვარს ისინი. სიხარულით დავთანხმდებოდი ალექსანდრეს, მოვეკალი, თუ მერე კლიტუსივით დამიტირებდა. სუნთქვა მეკვრია, როდესაც ვხედავ სენატში კეისარს, რომელიც მოღერებულ ხანჭლებს შორის ისე ბორგავს, როგორც ბაზიერებითა და ძაღლებით შემოხვეული ნადირი. პირდაფჩენილი ვუყურებ, როდესაც თავის ოქროს კარკაპის გამსართავზე მიყრდნობილი, ნერეიდებითა და ამურებივით ტიტველი, ლამაზი და პატარა პაეებით გარშემორტყმული კლეოპატრა მიცურავს; ნესტოებს ვბერავ, რათა უკეთ ჩავისუნთქო სურნელოვანი ნიავი. ბოჩოლასავით ვბღავი, როდესაც გასისხლიანებულ, მომაკვდავ და გათოკილ ანტონიუსს კოშკის სარკმლიდან გადმოხრილი მისი ტურფა მთელის ძალით მალლა ეზიდება (ოღონდაც... მეტად მძიმეა!.. ოღონდ ხელიდან არ გაუვარდეს). საბრალოს მისკენ აღუპყოია ხელები“...

ნეტავ რა მალეღვებს, ან რა მაკავშირებს მათთან, ჩემიანებად რად მიმაჩნია? ისინი ჩემი ოჯახის წევრები არიან, ისინი მე ვარ, ისინი ადამიანები არიან.

როგორ მეცოდებიან გაუბედურებულნი, საბრალონი, რომელთაც

წიგნის ყადრი არ იციან! არიან ისეთებიც, რომლებიც ქედ-  
მადლურად აძაგებენ წარსულს და აწმყოთი კმაყოფილებიან. სულე-  
ლი ბეიტები! ცხვირს იქით ვერას ხედავენ... დიახ, ბატონო, კარგია  
აწმყო: მაგრამ ჭანაბა და ღოზანა, ყველაფერი კარგია, ორივე ხელით  
ვწვდები ყველაფერს და გაშლილ სუფრას არ ვერიდები. თქვენც რომ  
გასინჯოთ, დაიწუნებთ გგონიათ? და თუ დაიწუნებთ, მეგობრებო,  
ცუდი კუჭი გქონიათ. შესმის, რაც ჩაიხუტე, გაავდეს ჩახუტებული.  
მაგრამ თქვენ ჩახუტებაც არ იციან. ამიტომ არის თქვენი ტურფა  
დაიპლევებული. ცოტა და ტკბილი რას მეყოფა. მიჩვენებოდა ბევრი  
და ტკბილი... აწმყოზე ჩამოკიდება, მეგობრებო, შეიძლებოდა ბებერი  
ადამის დროს, რომელიც ტიტველი იმიტომ დადიოდა, რომ ტანსაც-  
მელი არ ჰქონდა და რაკი არაფერი ენახა მეტი, შეეძლო ჰყვარებოდა  
მხოლოდ თავისი დედალი ფერდი, მაგრამ, ჩვენ, ვისაც წილად  
გვხვდა მის შემდეგ მოვსულიყავით დოვლათით საესე სახლში, სადაც  
ჩვენმა მამებმა, პაპებმა და პაპის პაპებმა დააგროვეს, თავი მოუყა-  
რეს ყოველივე იმას, რაც იშოვეს და გააკეთეს, განა გოყები არ ვიქ-  
ნებოდით, დაგვეწვა ჩვენი ბელლები იმიტომ, რომ მინდვრები კიდევ  
გვაძლევდნენ ხორბალს!.. ჩვენი წინაპარი ადამი ყმაწვილი იყო, მოხუცი  
ადამი — ეს მე ვარ: რადგან მეც იგივე ადამიანი ვარ და მის შემდეგ  
გავიზარდე. ჩვენ ერთი და იგივე ხე ვართ, მხოლოდ მე უფრო მაღა-  
ლი გავიზარდე. და რომელიმე ტოტის კრილობას მთელი ფოთლეთუ-  
ლი გრძნობს. მსოფლიოს სევდა და სიხარული ჩემი სევდა-სიხარუ-  
ლია. თუ ვინმე იტანჯება, გული მტკივა, თუ ბედნიერია, ვიცინი.  
წიგნებში უფრო ნათლად ვგრძნობ, ვიდრე ცხოვრებაში იმ ძმობას,  
რომელიც ყველას გვაკავშირებს, კურტნოსნებსაც და გვირგვინოს-  
ნებსაც, რადგან ერთისაგანაც და მეორესაგანაც რჩება მხოლოდ ნაცა-  
რი და ალი, ალი, რომელსაც ჩვენი სულის ნაღები უწოვია და ასე  
ერთი და მრავალსახიანი, ზეცისკენ მიჰქრის და თავისი სისხლიანი  
პირის ათასი ენით მღერის დიდებას ყოვლისა შემძლებელისა...



ასე ვოცნებობ ჩემს სხვენზე. ქარი დგება. სინათლე ქრება. თოვლი  
ფრთების წვერით ფანჯარას ეხახუნება. სიბნელე მოიპარება. თვალე-  
ბი მემღვრება. ჩემს წიგნზე ვიხრები, თხრობას მივყვები, თხრობას,  
რომელიც გარბის ღამეში. ქალაქს ცხვირს ვადებ: და როგორც

ნადირის ნაკვალევზე მეძებარს, ადამიანის სუნი მცემს. ღამდება. ღამე ჩამოწვა. თოვს. ჩემი ნადირი გამიბრბის შორს. მეც მივლევ. შუა ტყეში ვჩერდები და სირბილისაგან გულამოვარდნილი ვუსმენ გაქვულს. სიბნელეში კარგად რომ დავინახო, თვალებს ვხუჭავ და ჩვენს ლოგინზე უძრავად გაწოლილი ვოცნებობ. არ მძინავს, ფიქრებით ვიქექები და დროდადრო სარკმლიდან ზეცას ვუყურებ. მკლავი თუ გავშალე, მინას ვეხები: ვხედავ აბანოზის გუმბათს, კუდიანი ვარსკვლავის სისხლიანი წვეთი რომ ჰკვეთს... და ვინ იცის, კიდევ რაღას არ ვხედავ. ცეცხლის წვიმა შოდის ნოემბრის ღამეში და მაგონდება კეისრის ვარსკვლავმორბედი. შეიძლება, ეს სწორედ კეისრის სისხლია, ცაზე ჩუბჩუხით რომ მოედინება...

ისევ გათენდა. ისევ ვოცნებობ. კვირა დღეა. ზარები მღერიან. მათი გუგუნი ათრობს ჩემს ფანტაზიას. პირამდე ავსებს მთელ სახლს და წიგნი (ვია! საბრალო პაიარი!) ჩემი წარწერებით კრელდება. ოთახში გაისმის ეტლების ბორბალთა გრუხუნის, ჯარების ხმაური, საყვირის ხმა და ცხენების ჭიხვინი. ზანზარებს მინები, მიწვივის ყურები, გული მისკდება და საცაა შევძახებ: Ave, Caesar imperator!

ჩემს სანახავად ამოსული სიძე ფლორიმონი ფანჯარაში იყურება. ხმაურით ამთქნარებს და ამბობს:

— დღეს კატასაც ვერ შეხვდები ქუჩაში.

#### XIV

### მეფე ქეიზობს

წმინდა მარტენის დღესასწაული (11 ნოემბერი).

დღეს დილიდან რაღაც საოცარი ნეტარება იგრძნობა. იგი ფაფუკი კანის ალერსივით დაგოგავდა ჰაერში, მოსიყვარულე კატასავით გულაქუცებოდა და ოქროსფერი მუსკატივით ფანჯრიდან მოკამკამებდა. ცას თავისი ღრუბლიანი ქუთუთოები აეწია და მშვიდი და ბაცი ლურჯი თვალებით მიცქეროდა; სახურავიდან მზის ქერა სხივი მიცი-  
ნოდა.



ბებერი ჩურჩუტი თავს მოთენთილად ვგრძნობდი, ჭაბუკივით მეოცნებე ვიყავი (დაბერებაზე უარი ვთქვი, წლებს უკან დავბრუნდი და თუ ასე ვაგრძელებდა, მალე ბალღი გავხდებოდი), გული სავსე მქონდა ქიმერული მოლოდინით ისევე, როგორც კეთილ როქეს, თვალი ალსინაზე რომ უქირავს. ყველაფერს გულაჩუყებული ვუსტკეპობდი. დღეს ბუხსაც არ ვატყენდი გულს. ოინების ქიშელაც დამეცალა.

და აი, ამ დროს, როდესაც თავი მარტო მეგონა, კუთხეში მიმჯდარი მარტინა დავინახე. მისი მოავლა არ შემიმჩნევია. ჩვეულების მიუხედავად, არაფერი უთქვამს; თავისთვის მოწყობილა და ხელსაქმეთი გართული არც მიყურებდა. მომინდა სხვებისთვის გამეზიარებინა ჩემი ნეტარი განწყობილება და ალაღბედზე ვიკითხე (ბაასი რომ გააბა, ყველა თემა კარგია):

— ამ დღით რატომ დარეკა დიდმა ზარმა?

მარტინამ მხრები აიჩეჩა და მიპასუხა:

— დღეს წმინდა მარტენის დღესასწაულია.

ციდან ჩამოგვარდი. ოცნებაში წასულს ჩემი ქალაქის მფარველი დამვიწყებია! ვთქვი:

— წმინდა მარტენის დღესასწაულია განა?

მეისვე თვალწინ დამიდგა პლუტარქეს ვაუბატონებისა და ქალბატონების დასში, ჩემს ახალ მეგობართა შორის, ძველი ძმაცაი (ის მათი ტოლია), თვალწინ დამიდგა მხედარი, ხმლით საკუთარი სამოსის ბკვეთავი.

— ჰეი! ძმაცაო, მარტენ, როგორ ამებნა გზა-კვალი, რამ დამავიწყა, რომ დღეს შენი დღეობაა!

— გიკვირს განა? — მეუბნება მარტინა, — დიდი ხანია, რაც ყველაფერი დაგავიწყდა; დაივიწყე მოწყალე უფალი, ოჯახი, ავი სულელები და წმინდანები, მარტენიცა და მარტინაც. ყველაფერი დავიწყებას მიეც, შენი წყეული წიგნების გარდა.

გამეცინა, დიდი ხანია შევნიშნე მისი გაბოროტებული მზერა, როდესაც დილ-დილაობით პლუტარქთან მძინარეს მნახავდა. ქალს უთავარო სიყვარულით წიგნი არასოდეს ჰყვარებია. წიგნში ის ან მტრებს, ან საყვარლებს ხედავს. ქალიშვილები თუ ქალები კითხვისას ავბორცობენ. მამაცის ღალატობენ. და ამიტომ, როდესაც ხედავენ, რომ წიგნებს ვკითხულობთ, ღალატს გვწამებენ.

ასე ვუთხარი:

— მარტენის ბრალია: ალბათ სადღაც იმალება, ლაბადის დარჩენილ ნახევარს უფროთხილდება; არ არის ლამაზი. იცი რა, ჩემო გოგონა, ხალხს ცხოვრებაში თავი არ უნდა დაავიწყო. ივიწყებენ მას, ვინც ივიწყებს თავს. ეს გაკვეთილი კარგად დაიხსომე.

— ეს გაკვეთილი მე არ მპირდება, — მითხრა მარტინამ, — სადაც უნდა ვიყო, ყველას ვახსოვარ.

— მართალია, ყოველთვის გბედავენ; უფრო კი შენი ხმა ესმით, დღეს კი რამ დაგიდუმა მაგ ენა. დღესაც, ჩვეულებრივ, ჩხუბს ველოდი; რად მომაყელი სიამოვნება, მოდი, მეჩხუბე.

მაგრამ მარტინას თავიც არ აუწევია, ისე მითხრა:

— შენზე არაფერი კრის და მეც ჩუმი ვარ.

მის ჭიუტ სახეს ვუყურებდი, დავინახე, საკერავის ნაწიბურის შემოტეხვის დროს როგორ წაიკვნია ტუჩი. ნაღვლიანი და დაჩაგრული ჩანდა. ჩემმა გამარჯვებამ გული მატყინა.

ვუთხარი:

— მაკოცე მაინც. თუ მარტენი დამაეიწყა, მარტინა არ დამეიწყებია: შენი ღღობაა და საჩუქარც მოგიმზადე. მოდი, წაიღე.

კოპები შეიკრა და მითხრა:

— საზიზღარო ხუმარავ!

— არა ვხუმრობ, — ვუთხარი მე, — მოდი და ნახე.

— არა მცალია.

— უგულო შეილო, მაშის საკოცნელად არა გცალია?

უხალისოდ წამოდგა. უნდოდ მოპიახლოვდა:

— ვიონის რომელ კვანტსა და ოინს მიმზადებ კიდევ?

მკლავები გავშალე. ვუთხარი:

— აბა, მაკოცე.

— საჩუქარი? — მკითხა ქალმა.

— აი ისიც, მიიღე, საჩუქარი მე ვარ.

— კარგი საჩუქარი კია ეს ლამაზი ჩიტუნია!

— გონჯია თუ ლამაზია, რაც გამაჩნია, შენთვის მიჩუქნია! ხელები ამიწევია. უსიტყვოდ ვეთანხმები შენს ნება-სურვილს. რაცა გსურს, მიყავი.

— მაშ, თანახმა ხარ, ქვევით ჩამოხვიდე?

— ხელფეხშეკრული გნებდები.

— და თანახმა ხარ, დამემორჩილო, გვიყვარდე, დაგიჩოქოთ, გაგვიწყრეთ, განებივროთ, მოგიაროთ და დაგამციროთ?

— ყველაფერზე თანახმა ვარ.

— ოჰ! ღმერთო ჩემო, როგორ ვიყრი ჭაერს! ოჰ! საყვარელო ბებრუცუნა! ბოროტო ბიჭო! რა კარგი ხარ, რა კარგი! ბებერო ჩიტო! რამდენი მამბრაზე!

მკოცნიდა. მანჯღრევდა ფუთასავით და ჩილი ბავშვივით მკერდზე შიკრავდა.

ერთი საათიც არ დაიცადა. მყისვე შეძფუთეს და თეთრი ჩაჩით თავმოსილმა ფლორიდონმა და მისმა ქარგლებმა ვიწრო კიბით დაბლა. ნათელ ოთახში ჩამიყვანეს და ფართო ლოგინზე დამაჯრეს. მარტინამ და გლოდიმ აქეთ-იქით საბანი ამომიკეცეს, მასხარად ამიგდეს და ოცჯერ გამიმეორეს:

— ახლა ხომ გაები, გაები, არა? მოკაკე თითი, ბებერო მასხარა.

რა საამურია, როგორ გამოიდარა!

ამ დღიდან მოსვენება დაეკარგე. სიამაყე ნაგავში გადავადდე და ბებერი ბაჭაჯღანა მარტინას დავემორჩილე. ისე კი, შეუშინებლად ოჯახს მე ვმართავ.

• • •

ახლა მარტინა ხშირად ჩემს გვერდით მოიკალათებს და ესაუბრობთ, ვიგონებთ, ერთხელ, დიდი ხნის წინათ, ასე ერთმანეთის გვერდით როგორ ვისხედით ხოლმე, ოღონდ ფეხგაქრული ის იყო, რადგან ერთ ღამეს (აჰ! შეყვარებული ფისუნია!) შეყვარებულთან პაემანზე მიეჩქარებოდა და ფანჯრიდან გადახტომისას ფეხი იღრჩო. მის მტკივან ფეხს არ მოვერიდე და ზურგი ავუქრელე. ამ მოგონებაზე ახლაც იცინის, მეუბნება, რომ საკმაოდ არ მიტყუებია; მაგრამ მაშინ რამდენი არ ვბეგვე. რამდენი არ ეუღარაჯე, თუმცა გარწმუნებთ, კარგი გაქნილი ვინმე ვარ, ათჯერ ჩემზე გაქნილი აღმოჩნდა და ეს კუდიანი ხელიდან მიძვრებოდა. ოღონდ არც ისე სულელი გამოდგა, როგორც მეგონა. თავი არ დაუქარგავს, დანარჩენზე ვერაფერს გეტყვით, არაფერი ვიცი, მხოლოდ ეს კია, რომ თავი უღაოდ მისმა შეყვარებულმა დაქარგა, რადგან მისი ქმარი განდა.

ჩემთან ერთად თავის ოინებზე იცინის და ოჯერით აშობს, რომ გათავლა სიცილი, ტყეში დაფნა მოიჭრა და იქ ველარ წავალთ. ვლარააკობთ მის ქმარზე. როგორც გონიერი ქალი, ქმარს პატიოსან კაცად თვლის. რიგანი კაცია, მუყათი, ცოტა უხანიათობა კი სქარს, მაგრამ რა ვუყოთ. ბოლოს და ბოლოს, ქორწინება გართობა სომ არაა.

— ექ, ყველამ იცის, — აშობს ის, — და ყველაზე უკეთ შენ მოგხსენება, რომ ეგ აგრეა და რას იზამ, უნდა შეურიგდე. ისეთივე სისულელეა სიყვარულის ძებნა ქმარში, როგორც საცერით ჩამჩვა წყალში. გიყი როდი ვარ; რაც არ გამაჩნია, იმას არ ვტერი, რაც მაქვს, იმითაც კმაყოფილი ვარ. მოწონს რაც მახადია, თავს არ ვიტანჯავ... ახლა კი ვხედავ, რა შორსაა ის, რაც გვინდა, იმისაგან, რაც შეგვიძლია, რაზედაც სიკაბუეში გვიოცნებია, რითაც ბედნიერი ვიქნებოდით სიბერეში. და სასაცილოა, თუ აქაღლევებელი, ზუსტად ვერ გეტყვი, რომელი. ეს იმედები, სასოწარკვეთა, მგზნებარება, მოთენთილობა, სურვილები და ეს ბუხრის მშვენიერი ცეცხლი, რათა ავარუხუხუხოთ კერძი ქოთანში და ჩავატანოთ გემო ქამაში!.. მართლაც რა გემრიელია, მეტის ღირსი არა ვართ... მაგრამ წინათ ჩემთვის ეს რომ ეთქვათ!.. თუმც საკმლის შესანელებლად ბოლოს მაინც გვრჩება ჩვენივე სიცილი; ეს საუცხოო სანელია, ქვასაც შეგაკმევეს; კიდევ კარგი, რომ სიცილს არასოდეს უღალატნია ჩემთვის, ისევე როგორც შენთვის, მამილო.

და, რა თქმა უნდა, სიცილს არ ვიკლებთ, დავცინით ჩვენს თავს, მოყვასს კი შით უშეტეს. ზანდაზან გავჩუმდებით, მე ჩემს წიგნში ჩავყოფ ცხვირს, მარტინა თავის ხელსაქმეში და ვოცნებობთ. მაგრამ ჩვენი ენები მიწისქვეშა ნაკადულებივით განაგრძობენ დუღუნს და უცბად შუის სინათლეზე ხტუნვით ამოჩქეფენ... შუა ღუმელში მარტინა ატეხს მხიარულ სიცილს და ჩვენი ენები კვლავ როკვას იწყებენ.

შევეცადე ჩვენს მარაქაში პლუტარქეც გავერია. მსურდა მისი მშვენიერი მოთხრობები მარტინასაც მოესმინა და თან რა კარგად ვკითხულობდი, ისიც გაეგონა. თქვენც არ მომიკვდეთ... მას ისე აინტერესებდა საბერძნეთი და რომი, როგორც შარშანდელი თოვლი. მაშინაც კი, როდესაც ზრდილობისათვის მოსმენას ცდილობდა, ერთი წუთის შემდეგ მისი აზრი სადღაც შორს მიჭროდა, თუმცა, რაღა შორს, ბინაში ოჯახურ საფიქრალს დასტრიალებდა. და ზუსტად იმ

დროს, როდესაც წარჩტაც ადგილს მივადგებოდი, რომლისთვისაც მღელვარება საგანგებოდ მქონდა შეწონახული და ვემზადებოდი ხმის კანკალით წამეკითხა დასასრული, უცბად შემაწყვეტივინებდა და სახლის მეორე კუთხეში რაღაცას გასძახებდა გლოდის ან ფლორიმონს. მწყინდა და ბოლოს კითხვას მოვეწვი. განა შეიძლება მოსთხოვო ქალს გაინაწილოს ჩვენი ფუქი ოცნებანი. ქალი მამაკაცის ნახევარია. კი მაგრამ, რომელი? ზედა თუ ქვედა? არ ვიცი, ერთი კი ცხადია, ტვინი საერთო არ უნდა გვქონდეს. ჰკუა ყოველ ჩვენთაგანს საკუთარი აქვს, საკუთარი სისულელეების ყულაბა. ისევე როგორც შტამბის ორი ნაყარი, ერთმანეთს გულებით ვეზიარებით.

ასეთი ზიარება ძალიან მიყვარს და თუმცა ბებრუცუნა ვარ, დამკვნარი, ხეიბარი და ვალაუვალი, ისეთი ეშმაკის თავი განლაგართ. რომ თითქმის ყოველდღე მეზობელი ლამაზმანების ახალგაზრდული გვარდია გარს მახვევია; ჩემს ლოგინს შემოუხსნდებიან და ჰუჰჰუჰობენ. თითქოს იმისთვის მოდიან, რომ მითხრან ახალი ამბავი, დახმარება ან რომელიმე ხელსაწყო მთხოვონ. მოსასვლელად ყოველი საბაბი კარგია, მხოლოდ იმ პირობით, რომ მოსვლისთანავე დაივიწყონ. და აი თვალციმციმა გიემა, ლამაზცხვირიანი ჰუგეტა, ნაზი ეაკოტა, მარგერონა, ალიზონა, ეილეტა და მასეტა ბოჩოლას თბილი საწოლის ირგვლივ მოკალათდებიან და თარიალალე, სარეკელასავით ვარაკუნებთ. ვიცინით, ნათლიდედავ, ან რატომ არ უნდა ვიცინოთ? ღმერთო ჩემო, როგორი ზარების რეკვაა! და რა თქმა უნდა, დიდი ზარი მე განლაგართ, ჩემს ქიშელაში კიდევ მაქვს შემონახული კვიშატანი ამბები, ზუსტად საჭირო ადგილს რომ უღიტივინებენ: მერედა. რა კარგია მზერა იმისა, თუ როგორ ელევათ ნეტარებისაგან გული. მათი სიცილი ქუჩაში ისმის, ჩემი წარმატებით გულნატყენი ფლორიმონი მთხოვს, ერთი მითხარი, რითი ხიბლავ ამ ქალებსო. ვეუბნები:

— რითი ვხიბლავ? სიკაბუკით, ძველო.

გულნაწყენი ამბობს:

— და კიდევ შენი ცუდი სახელით. ბებერ მიქალთანეებს დედლები მუდამ გარს ეხვევიან.

— რალა თქმა უნდა, — ვეუბნები მე, — განა კარმაგ მეომარს პატივს არ სცემენ? ყველა ჩქარობს მის ნახვას; ამბობენ, მან დიდ-

ბის ქვეყანაში იომაო. ეს ლამაზები კი კულში ფიქრობენ: „კოლაში სიყვარულის მხარეში იომა, იცნობს სიყვარულს, ჩვენი გვიცნობს... და ვინ იცის, კოლა არის კოლა, იქნებ კიდევ მოაჩეროს ბრძოლა“.

— ბებერო ოინბაზო! — ყვირის მარტინა, — ერთი ამას დაიბნედე, სალახანავ, სიყვარულზე ფიქრობ განა?

— რატომაც არა! კარგი აზრია, მე და ჩემმა ღმერთმა! და რომ გაგაბრაზოთ, ავდგები და ცოლს მოვიყვან.

— ძალიან კარგი. მოიყვანე, ბიჭო! ხომ უნდა დაღვინდეს მაქარი!..

წმინდა ნიკოლოზის ღვთისმეტყველება

(ს. ლევანთაძის თარგმანი).

წმინდა ნიკოლოზის ღვთისმეტყველებაზე ლოკინიდან ამყვენეს, სავარძელში ჩამსვენეს და მაგიდის ახლოს ფანჯარასთან დამაბრძანეს. ფეხქვეშ სათბურა დამიდეს, წინ კი სანთლისათვის ნახვრეტისანი მუხის დამიდეს. ათ საათზე მენავთა სამომ, „მეტყვეებმა“ და მუშუბმა, „ძინარის ქარგლებმა“, ხელი-ხელ გაყრილებმა, ბიარალით ხელში, ვიოლინით და ცეკვით ჩვენი სახლის წინ ჩაიარეს. ეკლესიაში მოსვლამდე სამიკიტნოებში შეველოთ. რომ დამინახეს, ტამის გრიალით მომესალმნენ. ავდექი, ჩემს მფარველს თაყვანი ვეცი. საღმრთო შიასაუბა. ფანჯრიდან ხელი გაუწოდე მათ გაშვებულ თათებს და დაფინილი ხორხების ძაბრში არაყი ვასხი (თითქოს მინდორსე წვეთი დავასხი).

შუადღეს მოსალოცავად ჩემი ოთხი ვაჟიც მოვიდა. რა ცუდ გუნებაზეც არ უნდა იყო, წელიწადში ერთხელ მაინც უნდა დაივიწყო: მამის ღვთისმეტყველება წმიდათაწმიდაა: ეს არის ღმრძი, რომელზედაც ფუტკრის ნაყარივით ჰკიდია ოჯახი: ამ ღლის აღნიშვნით ოჯახი მკიდროვდება, მტყიცდება, ოჯახი სიმტყიცეს მოითხოვს, ვე შეც საჭიროდ მიმარჩია.

ასე რომ, ამ ღვთისმეტყველებით ჩემი ოთხი მამაცი ვაჟიც. მართალია, ეს დიდად არ ახარებდათ. ერთმანეთი არ უყვარდით; ვფიქრობ, მათი ერთადერთი შემაკავშირებელი მე ვარ. ჩვენს დროში ყველაფერი ის, რაც ოდესღაც ადამიანებს აკავშირებდა, ირღვევა:

ახალი, ოჯახი, სარწმუნოება; ყველას ჰგონია, რომ მართალი მხოლოდ თვითონაა და ყველა თავისთვის ცხოვრობს. არასოდეს არ დავმსგავსები იმ მოხუცს, ვისაც ყველაფერი აშფოთებს, ყველაფერზე ბუზღუნებს, ლობე-ყორეს ედება და ფიქრობს, რომ ქვეყანა მასთან ერთად დაიღუპება. ქვეყანა მოახერხებს გაკვირვებისაგან თავის დაღწევას და ახალგაზრდებმაც ბებრებზე უკეთ იციან, თუ რა სჭირდებათ. ბებრის ხვედრი უმადურია. მის ირგვლივ ქვეყანა იცვლება და თუ თვითონაც არ შეიცვალა, უადგილოდ დარჩება! მაგრამ მე ასე არ მესმის. ჩემს სავარძელში ვზივარ და ჰაი! ჰაი! აქედან არსად მივდივარ. და თუ აქ დასარჩენად აზრის გამოცვლა იქნა საჭირო, გამოვიცვლი, მაგრამ ამას მოვახერხებ ისე, რომ დავრჩები იგივე, რაც ვიყავი, მანამდე კი სავარძლიდან ვუყურებ, როგორ იცვლება კაცობრიობა და როგორ დაობს ახალგაზრდობა; აღფრთოვანებული მალულად ვუცქერი, ვით სულიწმიდა, და, დროს ვიხელთებ თუ არა, იქით წავიყვან, საითაც მინდა...

ჩემი ვაჟაკები ჩემ წინ მაგიდას შემოუსხდნენ: მარჯვნივ — ღვთისმოსავი მუზმუხელა ჟან-ფრანსუა, მარცხნივ — ლიონს გადახვეწილი ჰუგენოტი ანტუანი. უშნო საყელოებში კისრები გაშეშებიან, კუდუსუნებით სკამებს მიჰკვრიან, სხედან და ერთმანეთს არ უყურებენ. სიცოცხლით სავსე, ლოყაფუნჩულა და თვალბეჭკრიალა ჟან-ფრანსუა ღიმილით სულ თავის საქმეებზე ლაპარაკობდა, თავის სიმდიდრით ტრაბახობდა, მიღწევებით ბაქიობდა, ადიდებდა თავის ქსოვილებს და ღმერთს, რომელიც ქსოვილების გაყიდვას შველოდა. უღვაშებგაპარსული, ვაცივით წვერქიციანა, დაღვრემილი, ცივი და სარივით სწორი ანტუანი თითქოს თავისთვის ლაპარაკობდა წიგნებით ვაჭრობაზე, შენევაში მოგზაურობაზე, საქმიან და რელიგიურ კავშირებზე და ისიც ადიდებდა ღმერთს, მაგრამ მეორეს, რომელიც არ იყო ჟან-ფრანსუასი. ბაასობდნენ რიგრიგობით, ერთმანეთს არ უსმენდნენ და ორივე თავის გალობას ამბობდა. ბოლოს განაწყენებულებმა ისეთ თემაზე დაიწყეს ბაასი, რომელსაც შეეძლო მოთმინებიდან გამოეყვანა თანამოსაუბრე; ერთმა ქეშმარიტი რელიგიის წინსვლაზე ჩამოაგდო სიტყვა, მეორემ — ნამდვილი რელიგიის გამარჯვებაზე; და თანაც ერთმანეთს ყურადღებას არ აქცევდნენ; უძრავად, თითქოს კისერი გაშეშებიანთ, გაბრაზებულები მკახე ხმით ყიყინებდნენ, მოწინააღმდეგის ღმერთს აგინებდნენ.

მათ შორის იდგა ჩემი მესამე ვაჟი, სასერმორის ათასეულის სერჯანტი, დიდი არამზადა ემონ-მიშელი — (ცუდი ბიჭი როდია). ძნეს რომ უყურებდა, ხარხარებდა, მსრებს იჩივდა, ადგილზე ვერ ჩერდებოდა, გალიაში გამომწყვდეული მგელივით ტრიალებდა, მინებზე აკაკუნებდა ან ღიღინებდა: „ოპო-პო, პო-პო“, მერე გაჩუმდებოდა, ორივე ძმას შეათვალიერებდა, პირში დასცინოდა, ანდა უხეშად სიტყვას ართმევდა და ეუბნებოდა: „ცხვარი, დადალული იქნება თუ არა წითელი ან ლურჯი ჯვრით, თუ მსუქანია, ძალიან კარგია და ჩვენც როგორმე დაგიმტყეებთ ამას. განა ასეთები შეგვიქამია!“.

ჩემი უმცროსი ვაჟი ანისი შეძრწუნებული უყურებდა მათ. საყვარელ ანისზე მისი სახელი ზედგამოჰრილია და თუ ვინმემ გითხრათ, თოფის წამალი მან გამოიგონაო, არ დაიჯეროთ. დავის ეშინია და ქვეყნად არაფერი აინტერესებს. მხოლოდ მაშინ არის ბედნიერი, როდესაც შეუძლია დილიდან საღამომდე უზრუნველად მოიწყინოს და ამთქნაროს. მისი აზრით, პოლიტიკა და რელიგია ჯოჯოხეთური მანქანებია და იმისთვისაა მოგონილი, რომ დაუფრთხოს გონიერ ადამიანებს ძილი, ანდა მძინარე ადამიანებს აურიოს ტვინი... „ყველაფერი ის, რაც გამაჩნია, ავია თუ კარგია, ჩემი ხვედრია და რად უნდა შეეცვალო? ეს ლოგინი, ბუდედ რომ გაგვიშლია, ჩვენი მოწყობილია, ჩვენთვისაა გაწყობილი, ახალი ზეწრები რაში მქირდება“... მაგრამ უნდოდა თუ არა, არავინ ჰკითხავდა და ლეიბს უბოდიშოდ უბერტყავდნენ. და რომ თავისი სიმშვიდე უზრუნველყო, ეს მშვიდი ადამიანი მზად იყო შფოთისთავეები ჯალათისთვის გადაეცა. ახლა კი დაბნეული სხვების ლაპარაკს უსმენდა და როგორც კი კამათის ტონი აიწვედა, ანისი კისერს მხრებში ჩაიძვრენდა.

მე, სმენად ქცეული, თვალბლაჭყეტილი ვუცქეროდი მათ, ვერთობოდი და შინდოდა გამეგო, რითი მგავდნენ, ან ჩემი რა ჰქონდათ ამ ჩემს წინაშე მდგომ ვაჟბატონებს. ბოლოს და ბოლოს, ჩემი შვილები არიან. თავს დავდებ მოსაპრელად, რომ ეს ასეა. და თუ ჩემგან წარმოიშვნენ, მაშასადამე, ჩემგან გამოვიდნენ, მაგრამ, ჯანაბა და დოზანა, იქ საიდან შეძერნენ? ვსინჯავ ჩემს თავს: ნეტავ როგორ შეეძელი, მუტლით მეტარებინა ეს მოქადაგე, ეს რომის პაპის ბაღლინჯო, ანდა ეს ცოფიანი ერკემალი? (ავანტიურისტი სერჯანტი კიდევ ჰა, არა უშავს რა...) ჰოი, ვერაგო ბუნებაე! მაშ, ესენი ჩემში



ყოფილან? დიახ, დიახ, მე მიტარებია ეს თესლი; ვცნობ ზოგიერთ  
ქესტს, ლაპარაკის ყაიდას, აზრებსაც, ვპოულობ მათში ჩემს თავს,  
მართალია, შენიღბულს და ნიღაბი მოცებს, მაგრამ მის ქვეშ  
მაინც ადამიანია — ერთი და მრავალგვარი. ყოველ ადამიანში ოცი  
სხვადასხვა კაცი ზის, ვინ მოცინარი, ვინ მოტირალი; არის ისეთიც,  
ვისთვისაც, როგორც ჭირკისთვის, სულ ერთია დარი თუ ავდარი,  
მგელი, ძაღლი, შაქი, სალახანა, კარგი ბიჭი; მაგრამ ოციდან ერთი  
ყველაზე ღონიერია, მარტო ის იჩემებს ლაპარაკის უფლებას და  
პირს უმუწავს დანარჩენ ცხრამეტს. ამიტომ არის, რომ ცხრამეტივე  
გაიძურწება, როგორც კი გაღებულ კარს დაინახავს. ჩემი ოთხი ვა-  
ჟიც გაიქცა. საბრალო ბიჭები! *Mea culpa!* ასე შორეულები, ასე  
ახლობლები არიან!.. მაშ, როგორ, ჩემი ბავშვები არიან. როდესაც  
სისულელეებს ამბობენ, მინდა პატიება ვთხოვო, რომ ასეთი ჩერჩე-  
ტები გვაჩინე. კიდევ კარგი, კმაყოფილები არიან. და თავიც ლამაზი  
ჰგონიათ!.. მიხარია, თავი რომ მოსწონთ, მაგრამ ვერ ვიტან, რომ არ  
მოსწონთ, თუ სხვას ეპრიანება მახინჯი იყოს.

აქოჩრილები, თვალით და ჩარბით ემუქრებოდნენ ერთმანეთს და  
ოთხივე საჩხუბრად შემართულ მამალს ჰგავდა. ჯერ მშვიდად  
ვადევნე თვალი და მერე ვუთხარი:

— ყოჩად, ყოჩად, ჩემო ბატკნებო, ვხედავ ზურგზე მატყლს ვე-  
რაღინ აგაკრეკთ. ჩინებული სისხლი გაქვთ (ოღონდაც, ჩემი სისხლია),  
ხმაც კარგი გქონიათ. ეხლა კი, თქვენ უკვე მოგისმინეთ, ჩემი რი-  
გია! ენა მექავება და თქვენ დაისვენეთ.

მაგრამ მყისვე როდი დამმორჩილდნენ, ერთმა სიტყვამ ჰქეა-ქუ-  
ხილი გამოიწვია. უან-ფრანსუა წამოხტა და სკამს დაავლო ხელი,  
ემონ-მიშელმა თავისი გრძელი ხმალი იშიშვლა, ანტუანმაც იძრო  
დანა, ანისმა კი (რა ვქნა, ხბოსავით ბლავილი ეხერხება!) ყვირილი  
მორთო: „ხანძარი! ცეცხლი! ვიხრჩობით!“ დავრწმუნდი, რომ ეს ოთხი  
ხვადაგი ერთმანეთს გამოშიგნავდა. პირველი, რაც ხელში მომხვდა  
ჩემთვის საძულველი და ფლორიმონის სიამაყე ორმტრედიანი ღოჭი  
აღმოჩნდა; დაუფიქრებლად მაგიდაზე დავანარცხე და დავამსხვრიე.  
ხელში მდლდარე ქვაბით მარტინა შემოვარდა და ძმებს დაემუქრა,  
ჩხუბს თუ არ დაიშლით, ახლავე გაგფუფქავთო. ოთხი ვაჟკაცი ჩოჩ-  
რების ჯოგივით ბლაოდა: მაგრამ მე თუ ყროყინი მოვრთე, ვერც ეო-  
თი ღიდყუოა ვერ მაჯობებს. ვთქვი:

— აქ მე ვარ ბატონი და მე ვბრძანებ: გაჩუმდით! რა გეჰართებათ? ხომ არ გაგიყდით. იმისთვის შევიკრიბეთ განა, რომ ნიკეას კრედოზე ვიდავოთ? კამათი ძალიან მიყვარს. ჰაი, ჰაი, რომ მიყვარს, მაგრამ გეთაყვათ, მეგობრებო, სხვა თემა აირჩიეთ, უფრო ახალი. ასეთებმა კი დამქანცეს, დამაოსეს. დალახვროს ეშმაკმა, თუ ჯანმრთელობისათვის დავა გამოგიწერეს, იდავეთ ამ ბურჯუნდულ ღვინოზე, ან ამ ძეხვზე, ანდა ისეთ რამეზე, რისი დანახვა, დაღევა, შეხება ან ჭამა შეიძლება: შევქვამთ, დავლეეთ, გავსიჩავეთ, გვეამება. მაგრამ დავა ღმერთზე, ანდა სულიწმიდაზე, ეს იმას ნიშნავს, მეგობრებო, მამასა აქვს ცხონება, არ გქონიათ გონება!.. ეუდს არაფერს ვამბობ იმათზე, ვისაც სწამს: მე მწამს, ჩვენ გვწამს, თქვენ გწამთ... ყველაფერი, რაც გესიამოვნებათ; მაგრამ იცით რა, მოლით და სხვა რამეზე ვიბაასოთ: განა სხვა არაფერია ამქვეყნად? ყოველ თქვენგანს სჯერა, რომ პირდაპირ სამოთხეში შევა. კეთილი და პატიოსანი, მეტად მოხარული ვარ. მალლა გიცდიან. რჩეულთა ადგილი გამზადებულია, სხვები კი, რა თქმა უნდა, გარეთ დარჩებიან. მაშ, მიიღეთ წყლობა, ნება მიეცით უფალს, როგორც მას სურდეს, ისე დააბინავოს სტუმრები. ეს მისი საქმეა და ნუ ერევით უფლის მმართველობაში. ყველას თავისი სამეფო აქვს. უფალს — ზეცა, ჩვენ კი — მიწა. ჩვენი საქმეა, ეს მიწა საცხოვრებლად უფრო საამჟური გავხადოთ. ამ საქმისათვის ზედმეტი არაფერია. როგორ ფიქრობთ, შეიძლება ეს უთქვენოდაც გაკეთდეს? ოთხივე სასარგებლო ხართ ქვეყნიანათვის. ქვეყანას ისევე სჭირდება ჟან-ფრანსუა, შენი რწმენა იმისა, რაც იყო, როგორც შენი, ანტუან, იმისა, რაც უნდა ყოფილიყო, ისევე როგორც შენი მოუსვენრობა, ემონ-მიშელ, და ანისის უმოქმედობა. ოთხი ბოძი ხართ, ერთიც რომ შეირყეს, სახლი დაიქცევა და უსარგებლო ნანგრევები გახდებით. ეს გინდათ განა? კარგად მოგიფიქრებიათ, მე და ჩემმა ღმერთმა! ერთი მითხარით, რას იტყოდით ოთხ მენავეზე, რომელნიც თავსხმასა და ავდარში ნიჩბების მოსმის ნაცვლად დავას იწყებენ?. მაგონდება ერთი საუბარი მეფე ანრისა და ნევერის ჰერცოგს შორის. მეფე და ჰერცოგი წუწუნებდნენ, ფრანგებს ერთმანეთის ხოცვა-ჟლეტა უყვართო. მეფე ამბობდა: „Ventre-saint-gris! ეს ცოფიანი ბერები და მძინარე მოქალაქე მახარობლები რომ დავამშვიდო, მინდა შემეძლოს მათი წყვილ-წყვილად ტომრებში ჩაყრა და კატის კნუტებივით ლუარაში გადაყრა“...

ნევერის ჰერცოგი სიცილით დასძენდა: „მე კი დავკმაყოფილდებოდი მაგ ტომრების იმ კუნძულზე გავზავნით, სადაც ბერნის ბატონები, როგორც ამბობენ, ანჩხლ ცოლ-ქმარს გზავნიან და ტოვებენ. ერთი თვის შემდეგ კი, როდესაც გემი მათ წამოსაყვანად ბრუნდება, ისინი მტრედებივით აღერსიანად ღულღუნებენ“. როგორც ვხედავ, ასეთი მკურნალობა თქვენც გქირდებათ!.. იღრინებით პირნასებო? ერთმანეთისთვის ზურგი შეგიქცევიათ?.. აბა, მობრუნდით და ერთმანეთს შეხედეთ! რამდენიც არ უნდა იფიქროთ, რომ სხვა ცომისაგან ხართ მოზელილი და ძმებს სჯობიხართ, მაინც ejusdem farinae-ს ოთხი ნაფქვავე ბრძანდებით, პირწავარდნილი ბრონიონები, ზედგამოჭრილი ბურგუნდელები. ერთი დამიხედეთ მთელს სახეზე გადაქიმულ თქვენს უტიფარ ცხვირს, ანდა ფართოდ ამოჭრილ პირს, ღვინის ჩასასხმელ ძაბრს, ან მაგ ბანჯგელიან თვალებს, თითქოს მრისხანეს, მაგრამ სიცილს რომ ვერ იკავებენ. გეუბნებით, დადალულნი ხართ! განა ვერ ხედავთ, თუ ერთმანეთს ვნებთ, თქვენს თავსვე ანადგურებთ? უკეთესი იქნება, ერთმანეთს ხელი გაუწოდოთ. ერთგვარად არ აზროვნებთ? დიდი ამბავი! მით უკეთესი. როგორ, ყველას ერთი და იგივე მინდვრის დამუშავება გსურთ? რაც მეტი მინდვრები და აზრები ექნება ოჯახს, მით უფრო ბედნაერი და ძლიერი ვიქნებით. გაფართოვდით, გამრავლდით და, რაც შეიძლება, მეტი მიწა და აზრი ჩაიხუტეთ გულში. ყველამ თავისი და ყველამ ერთად (აბა, შეილება, გადავეხვიოთ ერთმანეთს), რათა დიდმა ბრონიონისებურმა ცხვირმა თავისი ჩრდილი გადააფაროს მინდვრებს და ჩაიყნოსოს ქვეყნის სურნელი!

დუმდნენ სახემოლუშულები, ტუჩებმოკუმულები, მაგრამ სიცილს ძლივს იკავებდნენ: უცბად ემონ-მიშელმა გადაიხარხარა, ხელი გაუწოდა ჟან-ფრანსუას და უთხრა: „აბა, უფროსო ცხვირო, მოდი, შევირიგდეთ“, და გადაკოცნეს ერთმანეთი.

— ჰეი, მარტინა! ჩვენი სადღეგრძელო იყოს!

ამ დროს შევნიშნე, რომ, როცა გაბრაზებულმა დოქი გავტეხე, ხელი გამჭრია, მაგიდას სისხლის პატარა ლაქა აჯდა. ანტუანმა დიდის ამბით ამიწია ხელი, შეუშვირა თავისი ქიქა, დააგროვა ჩემი ვენის წითელი წვენი და მაღალფარდოვნად თქვა:

— ჩვენი კავშირის განსამტკიცებლად ამ სასმისიდან ოთხივემ შევსვათ!

— ვაიმე, ვაიმე! — ვიყვირე მე, — ანტუან, ღვთიურ ღვინოს აფუ-

ჭებ, შითხარ, ამას რას შერები. ფუ! მეზიზღები. გადაღვარე ეგ მიქს-ტურა. ვისაც უნდა ჩემი წმინდა სისხლი დალიოს, აი ეს ანკარა ღვინით სავსე სასმისი ბოლომდე დაცალოს.

დავასხით და გადავკარით, ღვინოს გემო ჩავატანეთ. შვილებო წავიდნენ, მარტინა დაქრილ ხელს მიხვევდა და მეუბნებოდა:

— ბებერო ავაზაკო, მიაღწიე შენს გულისწადილს?

— რომელ გულისწადილზე ამბობ? ამათ შერიგებაზე?

— მე სხვა რამეზე მოგახსენებ.

— მაინც რაზე?

დამსხვრეული დოქი მიჩვენა და მითხრა:

— აბა, აბა, კარგად გესმის, თუ რაზე. თავს ნუ იკატუნებ... გამოტყდი... ხომ გამოტყდები... ყურში ჩუმიად მითხარ. ის ვერაფერს გაიგებს.

გავიკვირე, აღეშფოთდი, თავი მოვისულელე, უარი ვთქვი; მაგრამ სიცილი ვერ შევიკავე... ფხუკ... ცოტა დამაკლდა, არ გაეიფუდე. მარტინამ გამიმეორა:

— ავაზაკო! ავაზაკო!

გუთხარი:

— იცი რა, საყვარელო გოგონა, მეტად უშნო რამ იყო, ჩვენ ორში ერთი უნდა გამქრალიყო.

მიპასუხა:

— დარჩენილი გამქრალს როდი სჯობია.

— ამ ჩიტუნისა კი შეუძლია იყოს უშნო, ფეხებზედაც მკიდია, მისი სიფათი თვალწინ ხომ არ მიდგია.

საშობაო ღამისთევა.

წელიწადი გაზეთილ ანჯამებზე ტრიალებს. კარი იკეტება, ისევ იღება. დღეები, დაკეცილი ქსოვილივით, ღამეების რბილ სკივრში ცვივიან. ერთი მხრიდან შედიან, მეორიდან გამოდიან და წმინდა ლიუსის დღეობისათვის რწყილის ნახტომის ოდენა ხდებიან. ასალი წლის მბრწყინავ თვალებს არალულში ვხედავ.

შობის ღამეს თბილ ბუხართან მიმჯდარი თითქოს ჭის სიღრმიდან ვუმზერ ვარსკვლავებით მოჭედულ ცას, მის მოხამხამე ქუთუთოებს, მთრთოლვარე გულებს, მესმის გუგუნის ზარებისა, რომელნიც გლუვ

პაერში დაქრიან და შუალამის წირვას რეკენ. და მიხარია, რომ ის იშვა, იშვა ბავშვი ღამის ამ ყველაზე უბნელეს წამს, როდესაც სამყაროს დასასრული გგონიათ. მისი წკრიალა ხმა გალობს: ჰოი, დღეო, შენ დაბრუნდები! უკვე მოდიხარ. აი, ახალი წელიც დაგვიდგა. და იწედი თავისი თბილი ფრთებით ფარავს და ანაზებს სუსხიან ზამთრის ღამეს.

მარტო ვარ სახლში. ეკლესიაში წავიდნენ ბავშვები. ეს პირველია ჩემ სიცოცხლეში, რომ იქ არა ვარ. სახლში დავრჩით მე, ჩემი ძალი სიტრონი და ნაცრისფერი კნუტი პატაპონი. ჩვენ ვოცნებობთ და ვუყურებთ, როგორ ლოკავს ცეცხლი ბუხარს. მაგონდება საღამო. ცოტა ხნის წინ ძთელი ნაჩევი გარს მეხვია. თვალბდაჭყეტილ გლოდის მოვუთხრობდი ზღაპრებს ფერიებზე, იხვის ქუქზე, გაქცეულ წიწილაზე და ერთ ბიჭზე, რომელიც იმით გამდიდრდა, რომ თავისი მამალი მიჰყიდა მეურმეებს, ურმებით დღეების გადმოსაზიდად რომ მიდიოდნენ. მეტად გავერთე. სხვები უსმენდნენ, იცინოდნენ და დროდარო სიტყვასაც შემაწვედნენ. მერე კი გავჩუმდებოდი, ვუსმენდით წყლის დუღილს, ბუხარში შეშის ტკაცუნს, ფანჯრის მინაზე თეთრი ფანტელების ცახცახს და ნაცარში კრიკინას კრიკინს. აჰ! საამჟურია ზამთრის ღამეები, მყუდროება, შექუჩებული ჯოგის სითბო, ოცნებები უძილო ღამისა, როდესაც სულს უყვარს ბოდვა, მაგრამ კარგად იცის, თუ რას ბოდავს და თუ ბოდავს, არა სკოდავს.

აი, ახლა მთელი წლის ანგარიშს ვადგენ. ვნედავ, რომ ექვს თვეში ყველაფერი დამიკარგავს: ცოლი, სახლი, ფული და ფეხები; მაგრამ სერიი სწორედ ის არის, რომ საბოლოო ჯამში ისეთივე მდიდარი ვარ, როგორც წინათ ვიყავი! ამბობენ, რომ არაფერი მაქვს. დიახ, არაფერი მაქვს წასაღები. ეჰ! მართალია, განტვირთული ვარ, მაგრამ არასოდეს მიგრძენია თავი უფრო ჭაბუკად, ვიდრე ახლა; ჩემი ფანტაზიის ტალღებში არასოდეს მიცურავია ასე ლაღად... აბა, ვინ მეტყოდა შარშან, რომ ასე მხიარულად შეგვურიგდებოდი ყოველივე ამას. აკი დავიფიცე, რომ ბატონი დავრჩებოდი ჩემს სახლში, ბატონი ჩემი თავისა, თავისუფალი და ვალად არ დამედებოდა, რასაც შევქამდი და რასაც შევსვამდი, არავის ჩავაბარებდი ჩემი სიანცისა და ოინების ანგარიშს! კაცი ბჭობდა, ღმერთი იცინოდა. ბოლოს საქმე სულ სხვანაირად ტრიალებს... მაგრამ ტრიალებს ზუსტად ისე, როგორც საჭიროა.

მართალი რომ ვთქვა, კაცი ყოჩალი ხედავია. მისთვის ყველაფერი კარგია. ყველაფერს ეგუება, ერთნაირად ურიგდება მწუხარებას, ქეიფსა და შიმშილს. გინდ ოთხი ფეხი მიეცით ან ორთავე წაართვით, დააყრუეთ, გინდ დააბრმავეთ, დაამუნჯეთ, მაინც მოახერხებს შეეწყოს და რაღაცნაირად დაინახოს, გაიგონოს და ილაპარაკოს. ცვილივითაა, გინდა გაქიმავე, გინდა შეეკუმშავე; მას სული თავის ცეცხლზე აღნობს. საამურია იგრძნო, რომ გაქვს სულია და წვივების ისეთი მოქნილობა, რომ შეგიძლია წყალში თევზით იყო, ჰაერში — ჩიტით, ცეცხლში — სალამანდრასავით და მიწაზე სტიქიონებს შეებრძოლო. ამრიგად, რაც უფრო უპოვარი ხარ, მით უფრო მდიდარი ხდები. რადგან სული იმას ქმნის, რაც მას აკლია: დაბურული ხე, რომელსაც გასხლავ, უფრო ძალაღი გაიზრდება. რაც უფრო ნაკლები მაქვს, მით უფრო დიდი ვარ...

შუალამეა. ზარი რეკს...

იშვა ღვთიერი კრმა...

ვმღერი აღილოს...

დაუკარით სალამური,  
ჰანგი ტუბილი, საამური.

ვთვლემ, ძილი შერევა. კერიაში რომ არ ჩავევარდე, სავარძელში კარგად ვეწყობი...

დაუკარით, დაუკარით სალამური,  
იშვა პატარა მესია...

რაც ნაკლები მაქვს, უკეთესია...

ნ ა თ ლ ი ს ღ ე ბ ა

კარგი ოინბაზი ვარ! რაც უფრო ნაკლები გამაჩნია, მით უფრო მეტის პატრონი ვარ. საშუალება გამოვნახე, არაფერი მქონდეს და მაინც მდიდარი ვიყო, მდიდარი სხვისი ავლადიდებით. ჩემს ხელშია ძალაუფლება და არავითარი პასუხისმგებლობა არ მაკისრია. ერთი მითხარით გეთაყვა, რაო, რას ამბობენ იმ მოხუც მამებზე, რომელნიც გატყავდნენ, თავიანთ უმადურ შვილებს ყველაფერი მისცეს, აჩუქეს პერანგი და მისი ამხანაგიც კი და მერე შვილებმა მიაგდეს, დაივი-

წყეს და თვალებით საფლავისკენ მიუთითეს? უგუნურები ყოფილან. მე კი არასოდეს ყვევარებივარ, არასოდეს ვუნებებოვარ ისე, როგორც სიღარიბეში. და ეს იმიტომ, რომ არც ისე სულელი ვარ, რომ ყველაფერი მივცე და ჩემთვის არაფერი შემოვიინახო. განა მარტო ქისას აძლევენ! მე რომ ყველაფერი გავეცი, საუკეთესო მაინც ჩემთვის შემოვიინახე. 'შემოვიინახე ჩემი მხიარულება, ის რაც ცხოვრების სიგრძე-სიგანეზე ორმოცდაათი წლის ხეტიალის განმავლობაში შევაგროვე; მხიარული ხასიათი, სიანცე, გიჟური სიბრძნე და ბრძნული სიგიჟე. მარაგი არ გამოლულა. კარი ყველასათვის ღიაა: მოვიდნენ და მიირთვან! განა ეს არაფერია? თუ ჩემს შვილებს ვართმევ, მეც ხომ ვაძლევ; ბარიბარსა ვართ. თუ ასე მოხდა, რომ ერთმა უფრო მეტი მომცა, ვიდრე მეორემ, მერე რა ვუყოთ, დანარჩენს სიყვარული შეავსებს ხოლმე და საერთო ანგარიშს არავინ ემდურის.

ვისაც უნდა ნახოს უქვეყნო მეფე, უმიწაწყლო იოანე, ვისაც უნდა ნახოს გაღელი ბრონიონი, მოვიდეს ამ საღამოს და მიხილოს ჩემს ტახტზე, თუ როგორ ვთამაძობ მხიარულ ქეიფს! დღეს ნათლისდება. ნაშუალამევს ჩვენს ქუჩაზე გაიარა სამმა მოგვამ-მეფემ თავისი ამალით, თეთრმა ჯოგმა, ექვსმა ქაბუქმა და ექვსმა მწყემსმა გოგონამ, რომელნიც გაბმით მღეროდნენ; უბნის ძაღლები ბანს ეუბნებოდნენ. და ამ საღამოს სუფრას ვუზივართ მე, ჩემი შვილები და ჩემი შვილი-შვილები. ჩემიანად სულ ოცდაათი კაცი. ოცდაათივე ერთად ვყვირით:

— მეფე ქეიფობს!

მეფე მე გახლავართ. გვირგვინად თავზე ცომის ყალიბი მახურავს. დედოფალი მარტინაა; როგორც საღმრთო წიგნებში, ჩემი ასული შევირთე ცოლად; როგორც კი სასმისს პირთან მივიტან, ტაშს მიკრავენ, ვიცინი, სიცილის გამო უხერხულად ვსვამ, მაგრამ უხერხულად თუ მოხერხებულად, წვეთსაც არ ვკარგავ. ჩემი დედოფალიც სვამს, მეერდი გადაუხსნია და წითელი კერტიდან ასმევს თავის წითელ ძუძუმწოვარს, ჩემს უკანასკნელ შვილიშვილს, რომელიც ღრიალებს, სვამს, ნერწყვი ღლის და ურცხვად საჭაროდ აჩენს უკანალს. მაგიდის ქვეშ ძაღლი წკავეწკავეებს და ჯამიდან თქელეფს. ზურგაბურ-ძგნული კატა ქშუტუნებს და ძვლით პირში გარბის.

მე ვფიქრობ (რა თქმა უნდა ხმამაღლა, არ მიყვარს ჩუმი ფიქრი):

— საამოა ცხოვრება, მეგობრებო! მისი ერთადერთი ნაკლი ის

არის, რომ ხანმოკლეა: ანგარიშში ჩალაც გვაკლია. უთუოდ მეტყვიით: „ბედს ნუ ემდური, შენი ხვედრი კარგია, არაფერი გაკლია“. ეს მართალია, მაგრამ სჯობია, მგონი, რომ მქონდეს ორი. და მერე ვინ იცის? თუ ცოტა ვიბუზლუნე, იქნებ მივიღო კიდევ ნამცხვრის მეორე ნაჭერი... მაგრამ სამწუხარო ის არის, რომ მე კი ისევ აქა ვარ, მაგრამ სადღა არიან იმდენი კარგი ბიჭები, რომელთაც ოდესღაც ვიცნობდი? უფალო, როგორ მიდიან ღრონი და ადამიანები! სადღაა მეფე ანრი და კეთილი ჰერცოგი ლუი?..

და აი, გავემგზავრე წარსულ დროებათა შარავზეებზე, რომ მოგონებათა დამქნარი ყვევილები დავკრიფო; ვყვები ჩემს ამბავს, ვყვები და არ ვიღლები; ვიმეორებ ათასჯერ ნათქვამს. ხელს არ მიშლიან ბავშვები და, როდესაც სიტყვა დამაკლდება, ან დაეიბნევი, თვითონვე მკარნახობენ დაბოლოებას. როდესაც ოცნებებს თავს ვაღწევ, მათ ვშმაკ თვალებს ვხედავ.

ღიმილით მეუბნებიან:

— ჰე! პაპა, ხომ კარგი იყო ცხოვრება, ოცი წლისა რომ იყავი! იმ დროს ქალებს მკერდი უფრო მშვენიერი და ფუნჩულა ჰქონდათ, ხოლო მამაკაცებს — გული საგულეს და დანარჩენიც თავის ადგილას. უნდა გენახათ მეფე ანრი და მისი ძმაცაი ლუი. ამჟამად ასეთი ხისგან უკვე არ თლიან ადამიანებს...

ვეუბნები:

— ცუდლუტებო, იცინით? კარგსა შერებით. სიცილი კარგია. თქმა არ უნდა, ისეთი გიყი როდი ვარ, ვიფიქრო, რომ ყურძნის მოუსაგლიანობაა, ან მის მოსაკრეფად ვაჟაკები გვაკლია. კარგად ვიცი, ერთი წასულის ნაცვლად სამი მოვა და ტყე, რომლისგანაც თლიან გალების ქვეყნის ვაჟაკებს, ისევ იზრდება — სწორი, დაბურული და ხშირი. მაგრამ იმავე ბიჭებს ვერ თლიან ამ ხეებიდან. ათასი და ათასი წყრთაც რომ გამოჭრან, მაინც ვერ გამოთლით ჩემს მეფე ანრის და ვერც ჩემს ლუის. მე კი სწორედ ისინი მიყვარდა... აბა, აბა, ჩემო კოლა, გული ნუ აგიჩუყდება! თვალზე ცრემლი მოგადგა? ეჰე, დიდო ჩერჩეტო. ნანობ განა, რომ მთელი შენი სიცოცხლე ერთი და იმავე ლუკმის ცოხნა არ შეგიძლია? ღვინო არ არის იგივე? მაგრამ არც ცუდია. მაშ, დავლიოთ და გაუმარჯოს ღვინის მსმელ მეფეს! გაუმარჯოს მის ღვინისმსმელ ერს!

ესეც არ იყოს, ბავშვებო, გულახდილად რომ გითხრათ, კარგი



მეფე მეტად კარგია; მაგრამ ყველაზე უკეთესი მე ვარ. მაშ, თავისუფალი ვიყოთ, კეთილშობილო ფრანგებო, ჩვენი ბატონები კი ეშმაკებთან იალალზე გავგზავნოთ! მე და ჩემს მიწას ერთმანეთი გვიყვარს, ერთმანეთს ვყოფნით. რა ეშმაკად მინდა ცის, ან მიწის მეუფე? არ მჭირდება ტახტი არც მალლა, არც დაბლა. მზის ქვეშ ყველას თავისი ადგილი და თავისი ჩრდილი აქვს. ყველას თავისი მიწა და მისი დამმუშავებელი ხელები თუ ექნა, მეტი არაფერი გვინდა. მეფე ჩემთან თუ მოვა, ვეტყვი:

„ჩემი სტუმარი ბრძანდები. შენი სადღეგრძელო იყოს! დაჯექი! აი აქ, ბიძაშვილო. მეფე მეფეზე ნაკლები მგელმა შეჰკამოს. ყოველი ფრანგი მეფეა. ეს ჩემი სახლია და აქ ბატონი თქვენი მონა-მორჩილი გახლავართ!

„როგორ, — თქვა ძმა ჟანმა, — თქვენც ლექსებსა თხზავთ? იცოდეს უფალმა, მეც სხვებივით გავრითმავ, ამას კარგად ვგრძნობ, დამაცადეთ და გთხოვთ მაპატიოთ, თუ ლამაზად ვერ ვრითმავ...“

პანტაგრული V. 46.

**გეთკონვენილს ოსოვჩიბა**

თარგმანი  
გიორგი მემელიასი

## წ ი ნ ა ს ი ტ ყ ვ ა ო ბ ა

„მე მინდა დავამტკიცო, რომ ღირსეული და კეთილშობილური საქციელით აღამიანი იძენს ძალას უბედურების გადასატანად“.

ბ ე თ ქ ო ვ ე ნ ი.

(ვენის მუნიციპალიტეტს, 1819 წლის

1 თებერვალს.)

ჩვენს ირგვლივ ჰაერი დაძძიმებულია. მძიმე და გახრწნილ ატმოსფეროში იყინება შოხუცი ევროპა. სიღიადეს მოკლებული მატერიალიზმი ძაძიმედ აწვება აზრს და ხელს უშლის მთავრობათა და პაროუხებათა საქმიანობას. მსოფლიო თავის მშვიშარა და სულმდაბალ ეგოიზმში იხუთება. მსოფლიო სულს ლაფავს. მაშ, გავალოთ ფანჯრები. შემოვუშვათ სუფთა ჰაერი. ვიგრძნოთ გმირების სუნთქვა.

მძიმეა ცხოვრება. ის ყოველდღაური ბრძოლაა იმათთვის, ვინც ვერ ეგუება სულიერ ერთფეროვნებას, ბრძოლა — უფრო ხშირად უნუგეშო, სიღიადეს მოკლებული, უბედესიანო, როზელიც მარტობასა და სიჩუმეში მიმდინარეობს. მებრძოლნი დაბეჩავებულნი არიან სილატაკით, საკვიბოროტო შინაური საზრუნავებით, ქანცვამწყვეტი და უაზრო სამუშაოებით, რაშიც ძალ-ღონე უსარგებლოდ იკარგება; უიძედლნი არიან. მათთვის არ ანათებს სიხარულის არც ერთი სხივი; ამ ბრძოლაში უმრავლესობა ერთმანეთს მოწყვეტილია, იმის ნუგეშით კი არა აქვთ, ხელი გაუწოდონ უბედურებაში მყოფ ძმებს, რადგან ერთმანეთს არ იცნობენ. მხოლოდ საკუთარი თავის იმედი უნდა ჰქონდეთ. არის წუთები, როდესაც ასეთი მძიმე ტვირთის ქვეშ უძლიერესნიც კი წაიჩოქებენ ხოლმე, ითხოვენ დახმარებას, უხმობენ მეგობარს.

და აი სწორედ მათ დასახმარებლად ვიწყებთ მათ გარშემო იმ გმი-  
რი ძეგობრებისა და დიდსულოვანი ადამიანების დარაზმევას, რომლებ-  
ბიც სიკეთისათვის იტანჯნენ. ეს გამოჩენილ ადამიანთა ცხოვრება  
პატივმოყვარეთა ქედმაღლობისათვის როდია გამიზნული, იგი უბე-  
დურებს ეძღვნება. და, ბოლოს და ბოლოს, ვინ არ არის უბედური?  
ღვთიური ბალზამი მივართვით იმათ, ვინც იტანჯება. ბრძოლაში ჩვენ  
მარტონი არა ვართ. ღვთიური შუქი სამყაროს უკუნს ანათებს. აი  
თუნდაც ღღეს, ჩვენგან სულ ახლოს, დავინახეთ როგორ ბრწყინავდა  
ორი უწმინდესი ცეცხლი, პამართლიანობის ცეცხლი და თავისუფლე-  
ბის ალი: პოლკოვნიკი პიკარი და ბური ხალხი. და თუ მათ ვერ შეძ-  
ლეს მძიმე წყვდიადის გაპობა, ერთი წუთით მაინც გზა გაგვინათეს.  
ძივყვეთ მათ, მივყვეთ ყველას, ვინც მათსავით იბრძოდა, ცალ-ცალკე,  
დაქსაქსული ყველა ქვეყანასა და ყოველ საუკუნეში. მოვსპობთ ყამთა  
ზღუდეები. გავაცოცხლოთ გმირი ხალხი.

მე გმირს არ ვუწოდებ იმათ, ვინც გონებით ან ძალადობით გაი-  
მარჯვა. გმირი ის არის, ვინც გულით იყო დიდი. მათ შორის ყველაზე  
უდიდესმა, რომლის ცხოვრებასაც აქვე მოგიხსობთ, სამართლიანად  
თქვა: „გარდა სათნოებისა, მე უპირატესობის სხვა არავითარ ნიშანს  
არა ვცნობ“. თუ კაცი არ არის სულით მაღალი, ის არ შეიძლება იყოს  
დიდი ადამიანი, არც დიდი ხელოვანი და არც დიდი მოღვაწე; ის მხო-  
ლოდ სულმდაბალ ბრბოსათვის განკუთვნილი ფუყე კერპი იქნება.  
დრო მათ ერთიანად ანადგურებს. წარმატება ბევრად არ გვახარებს.  
მთავარია, იყო დიდი ადამიანი, ის არა კმარა, რომ ხალხს დიდად მო-  
აჩვენო თავი.

მათი ცხოვრება, რის აღწერასაც ჩვენ ვცდილობთ, თითქმის მუ-  
დამყამს გაუთავებელი წამება იყო. შეიძლება იმიტომ, რომ ტრაგი-  
კულმა ბედმა მოისურვა მათი სული მორალური და ფიზიკური ტკივი-  
ლების. სილატაკისა და სნეულებათა გრდემლზე გამოეყედა, ან იმი-  
ტომ, რომ ცხოვრება გაწამებული ჰქონდათ, გული ეწვოდათ იმ  
ტახჯვისა და აუწერელი დამცირების გამო, რასაც მათი ძმები განიც-  
დიდნენ. სწორედ ამიტომ იგემეს მათ განსაცდელის მწარე პური  
მდღევარი; და თუ ისინი დიდნი იყვნენ თავიანთი შეუპოვრობით, დიდნი  
იყვნენ თავიანთი ტანჯვითაც. ასე რომ, უბედურები ბევრს ნუ წუწუნე-  
ბენ, რადგან კაცობრიობის რჩეული შვილები მათთან არიან. ვეზიაროთ  
მათ მხნეობას და თუ მეტად სუსტები აღმოვჩნდით, თავი ჩაუდლოთ

კალთაში, ისინი ჩვენ გვანუგეშებენ. ამ ღვთიური სულებიდან მშვიდი ძალისა და ძლიერი სიკეთის ნიაღვარი მოედინება, საჭირო არ არის მათ ნაშრომებს მივმართოთ ან მათი ხმა მოვისმინოთ; მათ თვალეში, მათ თავგადასავალში შეგვიძლია ამოვიკითხოთ, რომ ცხოვრება არასოდეს არ არის ისე დიადი, ისე ნაყოფიერი და ისე ბედნიერი, როგორც მწუხარებაში.

\* \* \*

ამ გმირული ლეგიონის სათავეში პირველი ადგილი მივაკუთვნოთ ძლიერსა და სპეტაკ ბეთჰოვენს. მას, ტანჯულსა და წამებულს, თვითონვე სურდა, რომ მისი მაგალითი ნუგეში ყოფილიყო სხვა უბედურთათვის. „დე, უბედურმა ინუგეშოს მასავით უბედურის დანახვით; თუმცა მას ბუნება წინ აღუდგა, რაც შეეძლო, ყველაფერი გააკეთა, რათა ღირსეულად ეტარებინა ადამიანის სახელი“. და ამ გამარჯვებულმა პროქეთეოსმა ხანგრძლივი ბრძოლისა და ზეადამიანური ძალთაძალის დაძაბვით შეძლო სენის დამარცხება და დასახული ამოცანის გადაწყვეტა. ამით, მისივე სიტყვებით რომ ვთქვათ, ცოტა სიმხნევე მაინც მთაბერა საბრალო კაცობრიობას. ერთ მეგობარს, რომელიც უფალს მოუხმობდა, მან უთხრა: „ადამიანო, შენს თავს თვითონვე უშველე!“

გახვიმსკვალლოთ მისი ამ ამაყად ნათქვამი სიტყვით და მისი მაგალითით გავუღვივოთ ადამიანს რწმენა ცხოვრებისა და ადამიანისადმი.

რომენ როლანი.

იანვარი. 1903 წ.

## ბ ე თ ჰ ო ვ ე ნ ო

შხოლოდ სიკეთეს მსახურებლდ, საღაც კი ძალგის, ყველაზე მეტად შეიყვარე თავისუფლება, და თვით მონარქის ტანტის წინაც არ მოიდრიკო, ჭეშმარიტებას არასოდეს არ უღალატო.

ბ ე თ ჰ ო ვ ე ნ ო.

(ალბომის ფურცელი, 1792 წ.)

ის იყო ტანმორჩილი, მხარბეჭიანი, სქელკისერა და ათლეტური აღნაგობისა, სახე ფართო, აგურისფერი ჰქონდა, თუმცა სიცოცხლის მიწურულში ავადმყოფური და მოყვითალო გაუხდა, განსაკუთრებით ზამთრობით, როდესაც, ველ-მინდვრებს მოშორებული, სახლში ჩაიკეტებოდა ხოლმე. შუბლი ძლიერი და კოპებიანი ჰქონდა, თმა კი — კუპრივით შავი, საოცრად სქელი და „მედუზის გველებივით“ აჩეჩილი<sup>1</sup>, იტყოდით, ამ თმებს სავარცხელი თავის დღეში არ გაჰკარებიაო. ყველას აოცებდა უჩვეულო სიძლიერით მოელვარე მისი თვალები. ბევრმა მათი ფერიც ვერ გაარკვია. რაკი ეს თვალები შავგვრემან და ტრაგიკულ სახეზე მრისხანედ ბრწყინავდნენ, უმრავლესობას შავი ფერისა ეჩვენა; სინამდვილეში შავი კი არა, მოლურჯო-ნაცრისფერი იყო<sup>2</sup>. გატაცების ან გაბრაზების ყამს ეს პატარა და ღრმად ჩამსხდარი თვა-

<sup>1</sup> რასელი (1882 წ.). — ჯერ კიდევ ჰაბუკმა კარლოს ჩერნიმ 1801 წელს ნახა ბეთჰოენი: დიდი ხნის გაუპარსავი, თმააბურძენული, თხის მატყლის შარველია და ქურთუკით მოსილი. ჩერნის ეგონა, რობინზონ კრუზოს შევხვდითო.

<sup>2</sup> მხატვარ კლებერის ჩანაწერი. კლებერმა 1818 წელს ბეთჰოენის პორტრეტი დახატა.

ლები მოულოდნელად აინთებოდნენ, ბუდეებში იწყებდნენ ბრიალს და საოცარი კეშმარიტებით არეკლავდნენ მის ფიჭარებს<sup>1</sup>. მისი ცხვირი, ძოკლე, ბრტყელი და ფართო, ლომის დრუნჩს მოგაგონებდათ. თხელი ტუჩები ჰქონდა, ბაგე ოდნავ წინ წამოწეული. მისი ძლიერი ყბები კაკლასაც ადვილად დაფშენიდნენ. ნიკაპის მარჯვენა მხარეზე ღრმა ფოსო სახეს საოცრად ასიმეტრიულს უბდიდა. მოშელესი ამბობს: „საუბრის დროს იგი გულკეთილად და მომნიბვლელად იღიმებოდა, სამაგიეროდ, არასასიამოვნო სიცილი ჰქონდა. ხამუშ-ხამუში, ნაძალადევი და მძაფრი“, ასე იცინიან ხოლმე ისინი. ვისთვისაც სიხარული უცსოა. მისი ჩვეულებრივი გამომეტყველება „მელანქოლიური, უკურნებელი მწუსარების გამომხატველი“ იყო. მთელი ჩემი ძალ-ღონის დაძაბვა დამჰირდა, რომ არ მეტირა ბეთჰოვენის თვინიერი თვალების დანახვაზე, საიდანაც გულშემზარავი მწუხარება გაოსპვიოდაო, ამბობს რელშტაბი 1825 წელს. ეოთი წლის შემდეგ ბრაუნ ფონ ბრაუნტალი მას ყაეახანაში შეხვდა. ის კუთხეში ზის, გრძელ ყალიონს აბოლებს, თვალეი დაუხუჰავს — ეს ჩვეულება სიცოცხლის უკახასკენელ დღეებში დასჩემდა. ერთ-ერთი მეგობარი კათხვით მიმართავს, ის კი მწარედ იღიმება, ჰიბიდან „სასაუბრო“ წიგნაკს იღებს და ყრუთათვის დამახსიათებელი მკვეთრი ხმით მეგობარს სთხოვს დაუწეროს, რასაც ეკითხება. უეცარი ზემთაგონების მოწვევების ქამს, რომელიც მოულოდნელად ქუჩაშიც კი იპყრობდა ხოლმე. სახე საოცრად ეცვლებოდა და გამვლელებს აოცებდა, ასევე ემართებოდა, როდესაც პიანინოსთან მიმჯდარს მოუსწრებდნენ. „ეკიბებოდა სახის კუნთები, ებერებოდა ვენები, ორჯერ უფრო შემზარავი უხდებოდა თვალეი, მაშინ ის დემონების მიერ დამარცხებულ ჯადოქარს ემსგავსებოდა, დემონებისა. რომელთაც თვითონვე უხმო“. ამ დროს შექსპირის „მეფე ლირა“<sup>2</sup> მოგაგონებდათო, ამბობს იულიუს ბენედიქტი.

---

<sup>1</sup> დოქტორი ვ. კ. მიულერი წერს: მისი მეტყველი თვალეი ზოგჯერ მოწყალე და მშვიდი, ზოგჯერ აბნეული, შექარით სახსე და საზარელი იყო (1820 წ.).

<sup>2</sup> კლებერი ამბობს: „ოსიანის პერსონაჰსო“. ყველა ეს დეტალი ამოღებულია ბეთჰოვენის მეგობრების ან იმ მოგზაურების ჩანაწერებიდან, რომლებმაც ის ცოცხალი ნახეს. ესენი იყვნენ: ჩერნი, მოშელესი, კლებერი, დანიელ-ამადეუს ატერბომი, ვ. ს. მიულერი, ჯ. რასელი, იულიუს ბენედიქტი, როხლიცი და სხვები.



ლუდვიგ ვან ბეთჰოვენი 1770 წლის 16 დეკემბერს კელნის მახლობლად, ქალაქ ბონში, ერთი საცოდავი სახლის ბნელ სენაში დაიბადა. წარმოშობით ფლამანდელი იყო<sup>1</sup>. მამამისი ერთი ლოთი და უხიკო ტენორი გახლდათ. დედა, მზარეულის ქალიშვილი, შინამოსამსახურე იყო; პირველად ვინმე კამერდინერზე გაათხოვეს, მაგრამ მალე დაქვრივდა.

თავიდანვე მწარე ბავშვობა ერგო ბეთჰოვენს, მას არ უგრძნია ოჯახური სითბო და ალერსი, რაც არ მოკლებია უფრო ბედნიერ მოცარტს. მისი ცხოვრება ბავშვობიდანვე უსიხარულო და დაუნდობელი ბრძოლა იყო. მამას მისი მუსიკალური ნიჭით სარგებლობა უნდოდა და ცდილობდა ეს პატარა საოცრება საჯარო სანახაობად გაეხადა. ოთხი წლის ბავშვს საათების განმავლობაში კლავესინს მიაბამდა ან ვიოლინოთი ოთახში ჩაკეტავდა ხოლმე. მუშაობით კლავდა. კიდევ ცოტა და, ბავშვს სამუდამოდ შეაძლებდა ხელოვნებას. საკირო გახდა ძალდატანება, რომ ბეთჰოვენს მუსიკა ესწავლა. მისი ყრმობა მატერიალური ხასიათის საზრუნავებმა, ლუკმა პურზე ფიქრმა და მისი ასაკისათვის მეტად ნაადრევმა საქმეებმა გაამწარა. თერთმეტი წლის ბეთჰოვენი უკვე თეატრის ორკესტრში უკრავდა, ცამეტისა — ორდანიისტი იყო. 1787 წელს დედა გარდაეცვალა. „ისეთი კეთილი დედა მყავდა, ისეთი საყვარელი, ის იყო ჩემი საუკეთესო მეგობარი! არავინ იყო ამქვეყნად ჩემზე ბედნიერი მაშინ, როდესაც შემეძლო მეტყვა ყველაზე ტკბილი სიტყვა — დედა — და ის ამას გაიგონებდა“<sup>2</sup>.

დედა ქლექით გარდაეცვალა და ბეთჰოვენს ეგონა, რომ თვითონაც ქლექი სკირდა. ის უკვე განუწყვეტლივ ავადმყოფობდა. ამას ზედ ერთვოდა ყველა მის სატიკივარზე უფრო შეუბრალებელი მელანქოლია<sup>3</sup>. ჭერ კიდევ ჩვიდმეტი წლის ბეთჰოვენი უკვე ოჯახის თავია,

<sup>1</sup> პაპამისი, ლუდვიგი, ვისაც ყველაზე მეტად ჰგავდა ბეთჰოვენი, დაიბადა მალენში და მხოლოდ ოცი წლისა დამკვიდრდა ბონში. სადაც კურფურსტის კაპელმეისტრად მუშაობდა. ეს არ უნდა დაგვაიწყუდეს, თუ გვსურს გავიგოთ ბეთჰოვენის მგზნებარე და დამოუკიდებელი ბუნება და სხვა მისთვის დამახასიათებელი თვისებები. რომლებიც წმინდა გერმანული წარმოშობისა არ არის.

<sup>2</sup> დოქტორ შადისადმე აუგსტურგში 1787 წლის 15 სექტემბერს მიწერილი წერილი (ნოლო, „ბეთჰოვენის წერილები“, 11)

<sup>3</sup> უფრო მოგვიანებით (1816 წ.) ის ამბობდა: — „საბრალო ადაშიანი, ვინც არ იცის, როგორ კვდებიან, მე ეს ჭერ კიდევ თხუთმეტი წლისამ ვიცოდით“.

მასვე ევალემა ორივე ძმის აღზრდა; მართალია, ძალიან რცხვენოდა, მაგრამ მაინც იძულებული გახდა ეთხოვა, რომ მისი ლოთი მამა, რომელსაც ოჯახის გაძღოლის უნარი არ შესწევდა, პენსიაზე გადაეყვანათ. პენსიას შვილს უხდიდნენ, ეშინოდათ, მამას არ გაეფლანგა. ასეთმა ჭირ-ვარამმა ღრმა კვალი დაასვა მის ცხოვრებას, მაგრამ მან გულითადი თანაგრძნობა ჰპოვა ერთ ბონელ ოჯახში, რომელიც მისთვის სიკვდილამდე ძვირფასი დარჩა, — ეს იყო დე ბრონიგების ოჯახი. მშვენიერი „ლორხენი“, ელეონორა დე ბრონიგი, ბეთპოვენზე ორი წლით უმცროსი იყო. ბეთპოვენი მას მუსიკას ასწავლიდა, ელეონორამ კი იგი პოეზიას აზიარა. ელეონორა მისი ბავშვობის მეგობარი იყო და შესაძლოა მათ შორის უფრო ნაზ გრძნობასაც ჰქონდა ადგილი. ელეონორა შემდეგ დოქტორ ვეგლერზე გათხოვდა, რომელიც ბეთპოვენის ერთ-ერთი საუკეთესო მეგობარი გახდა; ეს სათნო მეგობრობა მათ შორის სიცოცხლის უკანასკნელ წუთამდე არ შეწყვეტილა. ამას ადასტურებენ ვეგლერისა და ელეონორას ღირსეული და სიყვარულით აღსავსე წერილები და ძველი და ეოთავული მეგობრის (alter treuer Freund) კეთილ და ძვირფას ვეგლერისადმი (guter lieber Wegeler) მიწერილი ბარათები. ეს მეგობრობა მით უფრო ამაღელვებელია, რომ სიბერემაც ვერ გააყიდა მათი გულის სიჭაბუკე <sup>1</sup>.

მიუხედავად მძიმე ბავშვობისა, ბეთპოვენმა თავისი სიყრმისა და იმ ადგილებისადმი, სადაც ბავშვობა გაატარა, ნაზი და მელანქოლიური მოგონება შემოინახა. მართალია, იძულებული გახდა ბონიდან წასულიყო და თითქმის მთელი თავისი ცხოვრება ვენის, ამ დიდი და ქარაფშუტა ქალაქის, სევდიან გარეუბანში გაეტარებინა. მაინც არასოდეს დაჟიწყებია რაინის ველ-მინდვრები, დიდებული და მამასავით მშობლიური დიდი მდინარე, — როგორც თავად უწოდებდა, „ჩვენი მამა რაინი“ („unser Vater Rhein“), — ასე ცოცხალი, თითქმის ხორც-შესხმული, ბუმბერაზი სულის მსგავსი, სადაც ამდენი აზრი და ძლიერი აღტყინება სცვლიან ერთმანეთს. მართლაც, რაინი არსად არ არის უფრო ლამაზი, უფრო ძლიერი და უფრო მშვიდი, ვიდრე ამ მომხიბვლელ ქალაქში, რომლის დაჩრდილულ და ყვავილოვან ფერდობებს ის

<sup>1</sup> ანდრძთან ერთად მოგვეყავს რამდენიმე ამ წერილთაგანი. ბეთპოვენმა იპოვა მეგობარი და მეგზური თავისი მასწავლებლის, ქრისტიან გოტლობ ნეფის სახით, რომლის ზნობრივმა კეთილშობილებამ არანაკლებს გავლენა იქონია ბეთპოვენზე, ვიდრე ხელოვანის უსაზღვრო ნიჭმა.

შმაგი ალერსით ელამუნება. აი, აქ გაატარა ბეთჰოვენმა თავისი ცხოვრების პირველი ოცი წელი; აქ ჩამოყალიბდა მისი ჭაბუკი გულის ოცნებანი, აქ, ამ მინდვრებში, მდინარის ზედაპირზე რომ აირეკლებიან თავისი ნისლმემოხვეული ალვის ხეებით, ტირიფებითა და ხეხილით, რომლებიც ფესვებს წყლის მღუმარე და სწრაფ ნაკადში აბანავენ.

ნაპირისაკენ ზანტად დაუხრიათ თავი ცნობისმოყვარე სოფლებს, ეკლესიებს და სასაფლაოებს, შვიდ მოლურჯო მთას ზეცაზე გამოუსახავს თავიანთი მღელვარე პროფილები, რომელთაც ძველი და დანგრეული ციხე-დარბაზების საცოდავი და საოცარი სილუეტები აშშვეხებენ. აი, ამ მხარის სამუდამეამოდ ერთგული დარჩა ბეთჰოვენი. სიცოცხლის უკანასკნელ წუთამდე ოცნებობდა კვლავ ეხილა საყვარელი კუთხე, მაგრამ ოცნება ოცნებად დარჩა. „ჩემი სამშობლო, უმშვენიერესი მხარე. სადაც მე დღის სინათლე ვისილე, თვალწინ მიდგას ისეთივე მშვენიერი, ისეთივე ნათელი, როგორც იყო მაშინ, როდესაც დაეტოვე“<sup>1</sup>.

\* \* \*

1792 წლის ნოემბერში ბეთჰოვენმა რაინის ნაპირი დატოვა და გერმანიის მუსიკალურ დედაქალაქ ვენაში დაშკვიდრდა<sup>2</sup>. გამარჯვებული რევოლუცია ევროპას წაღვეკით ემუქრებოდა. ბეთჰოვენი ბონიდან იმ დროს წავიდა, როდესაც ომმა ქალაქში მოაღწია. გზად საფრანგეთის წინააღმდეგ ამხედრებული ჰესის სამეფო ჯარებს შეხვდა. პატრიოტულმა გრძნობებმა აღაფრთოვანეს ხელოვანი. 1796 და 1797 წლებში მან ფრიდბერგის საომარ ლექსებზე მუსიკა დაწერა: — „ომში გამგზავრების ჰიმნი“ და პატრიოტული საგუნდო სიმღერა: „ჩვენ დიდი გერმანელი ხალხი ვართ“ („Ein grosses deutsches Volk sind wir“). მაგრამ ამოდ ცდილობს რევოლუციის მტრებს უმღეროს: რევოლუცია იპყრობს მთელ სამყაროს და თვით ბეთჰოვენსაც. 1798 წლიდან, ძიუნედავად ავსტრიასა და საფრანგეთს შორის დაძაბული დამოკიდე-

<sup>1</sup> 1801 წლის 20 ივნისს ვეგლერისადმი მიწერილი წერილი (ნოლი, XIV).

<sup>2</sup> 1787 წელს გაზაფხულზე მოკლე ხნით იმოგზაურა ვენაში. მაშინ იქ მოცარტი უნახავს, რომელსაც, როგორც ჩანს, მისთვის დიდი ყურადღება არ მიუქცევია.

1790 წლის დეკემბერს ბონში ბეთჰოვენმა გაიცნო ავსტრიელი კომპოზიტორი ჰაიდნი, რომელმაც მას რამდენიმე ვაკუეთილი მისცა. ბეთჰოვენი სწავლობდა აგრეთვე ალბრეხტბერგერთან და სალიერისთან; პირველმა კონტრაპუნქტი და ფუგა ასწავლა, მეორემ — ხმისთვის წერა.

ბულებსა, ბეთჰოვენი ახლო კავშირს ამყარებს ფრანგებთან, საფრანგეთის საელჩოსთან, ვენაში ახლად ჩასულ გენერალ ბერნადოტთან. მათთან ბაასში ყალიბდება მისი რესპუბლიკური შეხედულებანი და გრძნობები, რაც მთელი შემდგომი ცხოვრების მანძილზე ძალუმაღ უფითარდებოდა.

შტაინჰაუზერის მიერ შესრულებული პორტრეტი საკმაოდ ნათელ წარმოდგენას იძლევა იმდროინდელ ბეთჰოვენზე. მის შემდგომ სურათებთან შედარებით ბეთჰოვენის ეს პორტრეტი იგივეა, რაც გერეხის მიერ შესრულებული ბონაპარტის პორტრეტი: ბონაპარტის სახე აქ უფრო მკაცრია და პატივმოყვარეობის ციებცხელებით არის შეპყრობილი. ამ სურათზე ბეთჰოვენი უფრო ახალგაზრდა ჩანს, გამხდარია, თავი სწორად უჭირავს, მაღალ ყელსახვევში კისერი გაშეშებულია, შხერა უნდო და დაძაბული აქვს. იცის, რა უნდა, სჯერა თავისი ძალი-სა. 1796 წელს უბის წიგნაკში წერს: „გულს ნუ გაიტეხ! ხორციელი სისუსტის მიუხედავად ჩემი გენია გაიმარჯვებს. ოცდახუთი წელი! აი, ეს წლებიც მობრძანდნენ! შე ოცდახუთი წლისა ვარ... ამ წელს მთელი ჩემი სიგრძე-სიგანით უნდა გამოვჩნდე“.<sup>1</sup> ქალბატონი დე ბერნჰარდი და გელინკი გადმოგვცემენ, ბეთჰოვენი მეტისმეტად ამაყი, პირქუში კაცია, უხეში მიხრა-მოხრა აქვს და მკვეთრი პროვინციული კილოთი ლაპარაკობსო; მაგრამ მხოლოდ მისმა ახლო მეგობრებმა იციან, თუ რა ფაქიზი სათნოება იმალება ამ ქედმაღლური სიტლანქის მიღმა; მაგალითად, როდესაც ვეგლერს თავის მიღწევებზე სწერს, პირველად ეს აზრი მოსდის თავში: „წარმოიდგინე, მე ვხედავ მეგობარს, რომელსაც უჭირს, ჩემი ქისა კი ცარიელია და არ შემიძლია დახმარების ხელი გავუწოლო, მაგრამ საკმარისია სამუშაო მაგიდას მივუჭდე და მოკლე ხანში მეგობარი თავს დააღწევს გაჭირვებას. წარმოიდგინა, რა დიდებული რამ არის ეს“<sup>2</sup>. ცოტა ქვემოთ კი ამბობს: ჩემი ხელოვნება ღარიბთა კეთილდღეობას უნდა მსახურებდესო (Dann soll meine Kunst sich nur zum Besten der Armen zeigen).

---

<sup>1</sup> ეს მხოლოდ მისი დეპიუტის პერიოდი იყო. ბეთჰოვენმა, როგორც პიანისტმა, პირველი კონცერტი 1795 წლის 30 მარტს გამართა

<sup>2</sup> ა. ვეგლერს, 29 ივნისი, 1801 წ. (ნოლი, XIV). „სანამ მე რაღაც მაქვს, არც ერთ ჩემს მეგობარს არაფერი არ უნდა აკლდეს“, სწერს იგი რისს 1801 წელს (ნოლი, XIV).

და აი, უბედურებამ უკვე კარზე დაუკაკუნა, ჩაუსაფრდა და სიკვდილამდე არ განშორებია. 1796-სა და 1800 წლებს შორის სიყრუე თანდათან ერევა<sup>1</sup>. დღე და ღამე ყურები უწვივის, კუქ-ნაწლავის ტკივილი სტანჯავს. სმენა უსუსტდება. მრავალი წლის განმავლობაში არავის უშხელს თავის უბედურებას, ახლო მეგობრებსაც კი უმაღავს. თავს არიდებს საზოგადოებას, რათა მისი ფიზიკური ნაკლი არავინ შეამჩხიოს. საიდუმლოდ ინახავს ამ საზარელ საიდუმლოებას. დადგა 1801 წელი. მეტი აღარ შეუძლია, არ შეუძლია ეს საიდუმლოება შეინახოს და სასოწარკვეთილი თავის ორ მეგობარს ანდობს: დოქტორ ვეგლერს და პასტორ ამანდას:

„ჩემო ძვირფასო, ჩემო კარგო, ჩემო საყვარელო ამანდა... რომ იცოდე, რა ხშირად გნატრობ, როგორ მინდა ჩემთან იყო... შენი ბეთჰოვენი უბედურია. ყველაზე კეთილშობილი ჩემში სმენა იყო და ისიც დამისუსტდა. ჭერ კიდევ მაშინ, როდესაც ერთად ვიყავით, ავადმყოფობის ნიშნებს ვგრძნობდი, მაგრამ ვმაღავდი; მას შემდეგ მდგომარეობა გამიუარესდა... განვიკურნები? ცხადია, იმედი მაქვს, მაგრამ

---

<sup>1</sup>1802 წლის ანდერძში ბეთჰოვენი ამბობს, რომ უკვე ექვსი წელია, რაც ავადმყოფობა დაეწყო, ესე იგი, 1796 წლიდან. სხვათა შორის, უნდა აღენიშნოთ, რომ მის შრომათა კატალოგში op. 1 (სამი ტრიო) ერთადერთია, რომელიც 1796 წლამდეა დაწერილი. op. 2, სამი პირველი სონატა ფორტეპიანოსათვის, გამოქვეყნდა 1796 წლის მარტში. ამრიგად, შეიძლება თამამად ითქვას, რომ ყველაფერი, რაც ბეთჰოვენმა შექმნა, შექმნა ყრუ ბეთჰოვენმა.

ბეთჰოვენის სიყრუეზე იხილეთ დოქტორ კლოც-ფორეს 1905 წლის 15 მაისის „კრონიკ მედიკალში“ გამოქვეყნებული სტატია. სტატიის ავტორი ფიქრობს, რომ სენის მიზეზი მემკვიდრეობითია (დედის ქლექი). 1796 წელს დოქტორ კლოც-ფორე ევსტაქის მიღების ანთების დიაგნოზს სვამს, რაც 1799 წლისათვის ყურის მწვევე ანთებად გადაიქცა. ცუდმა მკურნალობამ კი ბეთჰოვენი ყურის კატარულ და ქრონიკულ ანთებამდე მიიყვანა. სიყრუე კიდევ უფრო გამწვევდა, მაგრამ სრული არასოდეს გამხდარა. ბეთჰოვენს დაბალი ტონები უფრო კარგად ესმოდა, ვიდრე მაღალი ბეგრები. ამბობენ, სიცოცხლის უკანასკნელ წლებში ის ხმარობდა ხის წყებლას, რომლის ერთი ბოლო ფორტეპიანოს კორპუსში ედო, მეორე კი კბილებით ეკირაო. ამ ხერხს მაშინ მიმართავდა, როდესაც ჰქმნიდა და უნდოდა გაეგონა.

ამავე საკითხზე იხილეთ ს. გ. კუნის სტატია „ვინერ მედიკინიშე ვოხენშრიფტ“-ში (თებერვალ-მარტი, 1902 წ.) და ვილიბალდ ნაგელის სტატია „მუზიკ“-ში (მარტი, 1902 წ.).

ბოხში, ბეთჰოვენის სახელობის მუზეუმში. შემონახულია 1814 წელს მექანიკოს მელცელის მიერ ბეთჰოვენისათვის გაკეთებული აუსტიკური ინსტრუმენტები.

შეტად სუსტი, ეს სენი ყველაზე უკურნებელია. როგორი მწუხარე ცხოვრება მერგო, თავი უნდა ვარიდო ყველაფერს, რაც მიყვარს და რაც ძვირფასია ჩემთვის, თანაც ვიცხოვრო ამ საზიზღარ და ეგოისტურ საზოგადოებაში!.. ბედის მორჩილება, აი თურმე სად უნდა შევაფარო თავი. ძართალია, გადავწყვიტე, ყველა ამ უბედურებათა მალლა დავდგე, მაგრამ შევძლებ კი?!”<sup>1</sup>

ვეგლერს კი სწერს: „... გამწარებულ ცხოვრებას მივათრევე. ორი წელია, რაც თავს ვარიდებ საზოგადოებას, არ შემიძლია ხალხთან საუბარი: მე ყრუ ვარ. სხვა ხელობა რომ მქონდეს, კიდევ არა უშავს, მაგრამ ჩემი ხელობის კაცისათვის რალა შეიძლება იყოს ამაზე საზარელი. რას იტყვიან ჩემი მტრები? მათი რიცხვი კი არც ისე მცირეა... თეატრში ორკესტრთან ახლო უნდა დავჯდე, რომ მსახიობის ლაპარაკი გავიგო. თუ ცოტა მოშორებით დავჯექი, ინსტრუმენტებისა და ხმების მალალ ტონებს ვერ ვიჭერ... როდესაც ხმადაბლა ლაპარაკობენ, ძლივს მესმის!.. ყვირილს ვერ ვიტან... ხშირად გაჩენის დღეს ვიწყევლი. პლუტარქემ ბედის მორჩილება მასწავლა. მინდა, თუ კი შეეძლებოდა, ჩემს სვე-ბედს წინ აღვუდგე, მაგრამ ჩემს ცხოვრებაში არის წუთები, როდესაც ღვთის მიერ გაჩენილ ქმნილებათა შორის ყველაზე საცოდავი ქმნილება მე ვარ... ბედის მორჩილება! რა უბადრუკი თავშესაფარია! თუმცა მეტი აღარაფერი დამრჩენია“<sup>2</sup>.

ეს ტრაგიკული მწუხარება თავის გამოხატულებას პოულობს ამ ეპოქის რამდენიმე ნაწარმოებში, „პათეტიურ სონატაში“ (op. 13, 1799 წ.), განსაკუთრებით კი ფორტეპიანოსათვის დაწერილ „მესამე სონატის“ ლარგოში (op. 10, 1798 წ.). საოცარია, რომ ეს მწუხარება არ შეეხო ბეთჰოვენის იმდროინდელ სხვა ნაწარმოებებს; მაგალითად, მხიარული სეპტეტი (1800 წ.) და ბრწყინვალე პირველი სიმფონია (დო მაჟორი, 1800 წ.) ჭაბუკური უდარდლობით ბრწყინავენ. ეტყობა დროა საჭირო, რომ სული ტანჯვას შეეჩვიოს. სულს სიხარული სჭირდება, სიხარული, და თუ არა აქვს, თავად უნდა შექმნას. როდესაც აწმყო აუტანელია, სული წარსულით ცხოვრობს. წარსული ბედნიერი დღეების უცებ დავიწყება შეუძლებელია, მათი შარავანდელი დიდხანს კაშკაშებს. ვენაში მარტომყოფი და უბედური ბეთჰოვენი მშობელი

<sup>1</sup> ნოლი, „ბეთჰოვენის წერილები“, XIII.

<sup>2</sup> ნოლი, „ბეთჰოვენის წერილები“, XIV.

მხარის შოგონებაში ეძებს თავშესაფარს: მისი იმდროინდელი ფიქრი მხოლოდ მშობელ მხარეს ეკუთვნის. ანდანტეს თემა ვარიაციებით სექტეტში რაინული ბალადა (Lied). ასევე რაინის ქმნილებაა სიმფონია დო მაჟორი, პოემა ჭაბუკისა, რომელიც თავის ოცნებებს უღიმის. სიმფონია ნაზი და მხიარულია, იგრძნობა, რომ ავტორს იმედი აქვს და სურს კიდევ მოწონება დაიმსახუროს; მაგრამ ზოგ ადგილებში, მაგალითად შესავალში, ბასების ნაღვლიან შუქჩრდილში, უცნაურ სკერცოში შეამჩნევთ, და მერე როგორი მღელვარებით, ამ ახალგაზრდის სახეზე მომავალი გენიოსის გამოხედვას. ეს ბოტიჩელის „წმინდა ოჯახების“ ბიჭუნას თვალებია, ჩვილის თვალები, რომლებშიც თითქოს უკვე კითხულობთ მომავალ ტრაგედიას.

მის ფიზიკურ ტანჯვას სხვა სატკივარიც დაემატა. ვეგლერი გადმოგვცემს, არ მახსოვს ბეთჰოვენი უკიდურესობამდე მისული გატაცების გარეშე; მისი გატაცება ყოველთვის დიდი სიწმინდით გამოირჩეოდა. ბეთჰოვენის სიყვარულს არავითარი კავშირი არა აქვს სიამოვნებასთან და თუ ახლა მათ ერთმანეთში ურევენ, ეს იმიტომ, რომ ადამიანების უმრავლესობას არ ესმის სიყვარული და ნამდვილი სიყვარული უღარესად იშვიათი გახდა. ბეთჰოვენის სულში რაღაც პურიტანული რამ იყო; უტიფარი საუბარი და აზრი მასში ზიზღს იწვევდა, სიყვარულის სიწმინდეზე ურყევი აზრი ჰქონდა. ამბობენ, რომ მას ვერ ეპატიებინა მოცარტისათვის თავისი გენიის წაბილწვა „დონ ჟუანის“ დაწერით. მისი უახლოესი მეგობარი შინდლერი გვარწმუნებს, ბეთჰოვენმა თავისი ცხოვრება უმანკო სიწმინდით გასვლო და თავის თავს ვერც ერთ წუთიერ სისუსტეს ვერ უსაყვედურებსო. ასეთი ადამიანი თითქმის იმისათვისაა გაჩენილი, რომ იყოს სიყვარულის ბილანი და მსხვერპლი. ის ერთიც იყო და მეორეც. მუდამ შეყვარებული, განუწყვეტლივ ბედნიერებაზე მეოცნებე, მუდამ მოტყუებული რჩებოდა და მწარედ იტანჯებოდა.

და სწორედ ამ სიყვარულისა და ქედმაღლური აღმფოთების მონაცვლეობაში უნდა ვეძიოთ ბეთჰოვენის ზემოთაგონების ყველაზე უფრო ნაყოფიერი წყარო, სანამ მისი ფიცხი ბუნების მგზნებარება ძელანქოლიურ მორჩილებაში არ დამშვიდდება.

1801 წელს მისი გატაცების საგანი, როგორც ჩანს, ჯულიეტა ვიუჩიარდი იყო, რომელიც მან უკვდავყო იმით, რომ მიეძღვნა ცნობილი სონატა „მთვარის შუქი“, op. 27 (1802 წ.). „ახლა უფრო ტიბი-

ლად ვცხოვრობ, უფრო ხშირად გავდივარ ხალხში... ეს ცვლილება ერთი მშვენიერი ქალიშვილის მომსიბვლელობამ მოახდინა. ჩვენ გვიყვარს ერთმანეთი. ამ ორი წლის მანძილზე ეს პირველი ბედნიერი წუთებია“.<sup>1</sup> ძვირად დაუჯდა ეს პირველი ბედნიერი წუთები ბეთჰოვენს. ჭერ ერთი, ამ სიყვარულმა უფრო მეტად აგრძნობინა მისი უკუბრუნებელი სენით გამოწვეული უმწეობა და დუხჭირი ყოფა, რომლებიც ნებას არ აძლევდა შეერთო ის, ვინც უყვარდა. ესეც არ იყო, ჭულიტა პრანკია, თავქარიანი და ეგოისტი გამოდგა. მან გააშწარა ბეთჰოვენი და 1803 წელს გრავ ვალენბერგზე<sup>2</sup> გათხოვდა. ასეთი სიყვარული აჩახაგებს სულს და, თუ სული ავადმყოფობის გამო დაუძღვრებულა, როგორც ბეთჰოვენის სული იყო, შეიძლება ის საბოლოოდ განადგურდეს. ეს ერთადერთი მომენტია ბეთჰოვენის ცხოვრებაში, როდესაც ის დაღუპვის მიჯნაზე იდგა. მან გადაიტანა სასოწარკვეთილებით აღსავსე კრიზისი, რასაც მისი ერთი წერილი გვამცნობს: ესაა მისი იშვების, კარლოსისა და იოჰანისადმი მიწერილი ჰაილიგენშტატიის ახდერძი შემდეგი მითითებებით: „წაკითხულ და სისრულეში მოყვანილ იქნას ჩემი სიკვდილის შემდეგ“<sup>3</sup>. ეს წერილი აღშფოთებითა და უშოწყალო სულიერი ტანჯვით გამოწვეული გოდებაა. შეუძლებელია მისი წაკითხვისას სიბრალულის გრძნობამ არ შეგიპყროთ. მაშინ ბეთჰოვენი მზად იყო თავი მოეკლა და თუ გადაარჩა, ეს მისი შეუდრეკელი სულიერი სიპტიკის წყალობაა<sup>4</sup>. განკურნების უკანასკნელი იმედიც

<sup>1</sup> ვეგლერს, 16 ნოემბერი, 1801 წ. (ნოლი XVIII).

<sup>2</sup> შემდეგ ჯ. გიუჩიარდი არ მოვიდა თავისი ქმრის სასარგებლოდ გამოყენებინა ბეთჰოვენის სიყვარული. ბეთჰოვენი დაეხმარა ვალენბერგს. „ის ჩემი მტერი იყო და სწორედ ამიტომ უნდა გამეკეთებინა მისთვის ყოველნაირი სიყვითე, რაც შეეძლო“, ეუბნება ის შინდლერს ერთ-ერთ თავის „სასაუბრო რვეულში“ 1821 წელს. მაგრამ ამან უფრო მეტად შეაზიზა იგი. „ჭულიტა ვენაში რომ ჩამოვიდა, — წერს ფრანკულად ბეთჰოვენი, — ტირილა და ისე შეძებდა, მაგრამ მე მეზიზღებოდა“.

<sup>3</sup> 6 ოქტომბერი, 1802 წ. (ნოლი, XXVI).

<sup>4</sup> „თქვენს ბავშვებს სათნოება ასწავლეთ. მხოლოდ სათნოებას და არა ფულს შეუძლია ბედნიერების მოტანა. საყუთარი გამოცდილება მალაპარაკებს. ჩემს უბედურებაში ის მაშინვეებდა, მას და ჩემს ხელოვნებას უნდა ეუშადლოდ, რომ ცხოვრება თვითმკვლელობით არ დაეამთავრე“. 1810 წლის 2 მაისს, ვეგლერისადმი მიწერილ მეორე წერილში იგი წერს: „მე რომ სადღაც არ წამეკითხა, აღამაანი თავისი ნებით არ უნდა გამოვალამოს სიცოცხლეს მანამდე, სანამ შეუძლია კეთილი საქმე აკეთოსო, დიდი ხანია ამ ქვეყნად აღარ ვიქნებოდი და უთუოდ ჩემივე ნება-სურვილით“.



ვაქრა. „ის დიდი მხნეობა, რომელიც მაიმედებდა, გაუჩინარდა. ჰოი, გახგებავ, მარგუნე ერთი დღე, მხოლოდ ერთი ნამდვილი სიხარულის დღე! რამდენი ხანია, რაც ქეშმარიტი სიხარულის ჟღერა არა მსმენია. როდის, ო, როდის შემეძლება, უფალო, კვლავ შევხვდე სიხარულს?.. არასოდეს? არა, ეს მეტისმეტი გულქვაობა იქნებოდა!“

ეს სიტყვები აგონიის ოხვრას მოგვაგონებს. მიუხედავად ამისა, ბეთჰოვენი კიდევ ოცდახუთ წელს იცოცხლებს. მისი ძლიერი ბუნება ვერ დაიხოქებდა ტანჯვის წინაშე. „ჩემი ფიზიკური ძლიერება ჩემს სულიერ სიძლიერესთან ერთად იზრდება ისე, როგორც არასოდეს. ვგრძნობ, რომ ჩემი სიკაბუჯე მხოლოდ ახლა იწყება. ყოველდღე ვუახლოვდები მიზანს, ვხედავ მას, მაგრამ არ შემეძლია განესაზღვრო... მსოფლიოს გულში ჩავიკრავდი, ამ სენისაგან რომ შემეძლოს განთავისუფლება. ჩემთვის არ არსებობს დასვენება! მხოლოდ მაშინ ვისვენებ, როდესაც მძინავს და თავს უბედურად ვგრძნობ, რადგან იძულებული ვარ, ძილს უწინდელზე მეტი დრო დაუთმო. ნეტავი ნახევრად მაინც დავალწევდე თავს ჩემს სატკივარს და მაშინ... არა ამას ვერ ავიტან, მინდა ყელში ვწვდე ბედისწერას. იგი ვერ მომდრეკს. ო, რა კარგი იქნებოდა, ათასი ცხოვრება იცხოვროს კაცმა“<sup>1</sup>.

ეს სიყვარული, ტანჯვა, ხებისყოფა, სასოწარკვეთილებისა და ქედმაღლობის მონაცვლეობა, ეს შინაგანი ტრაგედიები თავიანთ გამოხატულებას პოულობენ ბეთჰოვენის მიერ 1802 წელს დაწერილ დიად ნაწარმოებებში: სონატაში სამგლოვიარო მარშით, op. 26, სონატაში „Quasi una fantasia“,—მთვარის შუქის სონატაში, op. 27, მეორე სონატაში, op. 31, თავისი დრამატული რეჩიტატივებით, რომელიც სასოწარკვეთილ და გრანდიოზულ მონოლოგს მოგაგონებთ, იმპერატორ ალექსანდრესადმი მიძღვნილ სონატა დო მინორში ვიოლინოსათვის, op. 30, „კრაიციერის სონატაში“, op. 47 და გელერტის სიტყვებზე დაწერილ ექვს გმირულ, გულგამგმირავ და რელიგიურ მელოდიაში, op. 48. 1803 წელს დაწერილი მეორე სიმფონია უფრო მის კაბუჯურ სიყვარულს გამოხატავს, იგრინობა, რომ მისი ნებისყოფა უდაოდ იძარცვებს. უძლეველი ძალა ფანტავს ნაღვლიან ფიქრებს. სიცოცხლის ძლიერი დულილი ალაფრენს ფინალს. ბეთჰოვენს უნდა, ბედნიერო

<sup>1</sup> ვეგლერს (ნოლი, XVIII).

იყოს: არ სურს დაიჯეროს. რომ მისი უბედობა უკურნებელია: სურს განკურნება, სურს სიყვარული<sup>1</sup>. იმედს არ ჰყარგავს.

\* \* \*

მის მრავალ ნაწარმოებში მარშისა და ბრაჰოლის რიტმების ენერჯიასა და ჟინს განცვიფრებაში მოჰყავხართ. ეს განსაკუთრებით ალეგროსა და მეორე სიმფონიის ფინალში იგრძნობა, უფრო ძლიერად კი იმპერატორ ალექსანდრესადმი მიძღვნილ პირველ საზეიმო-გმირულ ნაწილში. ამ მუსიკისათვის დამახასიათებელი მებრძოლი კილო გვაგონებს ეპოქას, რომელმაც იგი შვა. რევოლუცია ვენისაკენ მიემართებოდა და ბეთჰოვენსაც იპყრობდა. მეგობართა ვიწრო წრეში გულწრფელად გამოთქვამდა თავის აზრს პოლიტიკურ მოვლენებზე და მათზე იშვიათი გამჭირახობით, ნათლად და ზუსტად მსჯელობდაო, გადმოგცემს კეთილშობილი ფონ ზეიფრიდი. ბეთჰოვენის მთელი თახაგრძნობა რევოლუციური იდეების მხარეზე იყო. მას უყვარდა რესპუბლიკური პრინციპებიო, ამბობს მისი მეგობარი შინდლერი, რომელიც ყველაზე უკეთ იცნობდა ბეთჰოვენს მისი ცხოვრების უკანასკნელ პერიოდში. იგი განუხაზღვრელი თავისუფლებისა და ეროვნული დამოუკიდებლობის მომხრე იყო... სურდა სახელმწიფოს მართვაში ყველას მიეღო მონაწილეობა... საფრანგეთისათვის საყოველთაო არჩევნები ეწადა, იმედი ჰქონდა, რომ ბონაპარტი შემოიღებდა საყოველთაო არჩევნებს და ამრიგად საფუძველს ჩაუყრიდა ადამიანთა შოდგმის ბედნიერებას. პლუტარქეს შრომებით ნაზიარები მშფოთვარე რომაელი გმირულ რესპუბლიკაზე ოცნებობს, რესპუბლიკაზე, რომელსაც დააარსებდა გამარჯვების ღმერთი: პირველი კონსული, და ერთიმეორის მიყოლებით ქმნის „გმირულ სიმფონია — ბონაპარტს“ (1804 წ.),<sup>2</sup> — იმპერიის ილიადას და „სიმფონია დო მინორის“ ფინალს (1805—1808 წწ.) — დიდების ეპოპეას. ესაა ქემშარიტი რევოლუ-

<sup>1</sup> ჰორნემანის 1802 წლის მინიატურა ბეთჰოვენს წარმოვეიდგენს იმდროინდელ შოდგმზე ჩაკეულს, ბაკენბარდებით, ტიტუსის ყაიდაზე დავარცხნილი თმებით, ბაირონისეული გმირის ფატალური იერით, მაგრამ ნაპოლეონისებური ნებისყოფის ადამიანად, რომელიც ფარ-ხმალს არასოდეს არ ჰყრის.

<sup>2</sup> ცნობილია, რომ „გმირული სიმფონია“ დაწერილია ნაპოლეონისათვის და ნაპოლეონზე და რომ პირველი ხელნაწერის სათაურია: „ბონაპარტი“. ამ დროს ბეთჰოვენმა ნაპოლეონის იმპერატორად კურთხევა გაიგო და გააფთრდა: „მაშ, ის მხოლოდ ჩვეულებრივი ადამიანი ყოფილა“, — იყვირა მან და აღწფოთებულმა ძველა

ციური მუსიკის პირველი ქმნილებები, რომლებშიც ეპოქის სულის-კვეთება ისეთი სისპეტაკითა და ძლიერებითაა გადმოცემული, როგორთაც დიად მოვლენებს ამკობს დიდი და მარტომყოფი სული, ვისი შთაბეჭდილებებზეც არ არის ყოველდღიური ცხოვრების წვრილმანებით დამცირებული. აქ ბეთჰოვენი გვევლინება ამ ეპიკური ომების ათინათებით გასწივოსნებული და ეს ომები ყველგან, და შეიძლება მისი სურვილის მიუხედავად, ყველა მის იმპროვიზებულ ნაწარმოებებში არის ასახული: უევერტიურა „კორიოლანში“ (1807 წ.), სადაც ქართულზე ბობოქრობენ, „მეოთხე კვარტეტში“, op. 18, რომლის პირველი ნაწილი ასე ახლოა ამ უევერტიურასთან, სონატა „აპასიოხატაში“, op. 57 (1804 წ.), რომელზეც ბისმარკი ამბობდა: „ამ სონატას რომ ხშირად ვისმენდე, გმირთა გზირი ვიქნებოდიო“<sup>1</sup>, „ეგმონტის“

სათური დახია და ეს ახალი, ერთსა და იმავე დროს შურისმგებელი და ამაღლვებელი სათური წააწერა: „გმირული სიმფონია ...ერთი დიდი ადამიანის მოსაგონებლად“ („Sinfonia eroica... composta per festeggiare il sovvenire di un grand Uomo“). შინდლერი გადმოგვცემს, ბეთჰოვენის ზიზი ნაპოლეონისადმი თანდათან დაცხრაო და ბოლოს ნაპოლეონში ის ხედავდა ერთ უბედურ ადამიანს, რომელიც ზეცილან გადმოჩეხილი იკაროსის მსგავსად სიბრალულის ღირსი იყო. 1821 წელს, როცა მან გაიგო კენჭულ წმინდა ელენეზე მომხდარი კატასტროფა, თქვა: „ჩვიდმეტი წელია, რაც ამ სამწუხარო ამბავის შესაფერი მუსიკა დაეწერე“. სიამოვნებას ჰკვირდა, რომ მისი სიმფონიის სამგლოვიარო მარში დამპყრობლის ტრაგიკული სიკვდილის წინაფარტობით იყო დაწერილი. ასე რომ, შესაძლებელია, „გმირული სიმფონია“ და, განსაკუთრებით, მისი პირველი ნაწილი იყო ბონაპარტის ერთგვარი პორტრეტი, ორიგინალისაგან უდაოდ მეტად განსხვავებული, მაგრამ ისეთი, როგორსაც წარმოიდგენდა და როგორც უნდოდა ყოფილიყო ნაპოლეონი, ესე იგი: რევოლუციის გენია. თანაც, აღსახიშნავია, რომ ბეთჰოვენი „გმირული სიმფონიის“ ფინალში უბრუნდება პარტიტურის განსაკუთრებით მნიშვნელოვან ფრაზას, რომელიც მას ერთხელ უკვე ჰქონდა დაწერილი უდიდესი რევოლუციური გმირის, თავისუფლების ღმერთის, პრომეთოსის, სადიდებლად.

<sup>1</sup> რობერტ ფონ კეიდელი (გერმანიის ყოფილი ელჩი რომში), „ბისმარკი და მისი ოქახი“. 1901 წ. ე. ბ. ლანგის ფრანგული თარგმანი.

რობერტ ფონ კეიდელმა 1870 წლის 30 ოქტომბერს ვერსალში ძალიან ცუდ ფორტეპიანოზე ეს სონატა ბისმარკისათვის დაუკრა. ამ ნაწარმოების უქანასკნელ ფრაზაზე ბისმარკი ამბობდა: ეს არის მთელი ცხოვრების ბრძოლები და ქვითინიო. ბისმარკს ბეთჰოვენი ყველა სხვა მუსიკოსზე მეტად მოსწონდა და არა ერთხელ უთქვამს: ბეთჰოვენი ყველაზე უკეთ ეგუება ჩემს ნერვებსო.

პარტიტურაში, საფორტეპიანო კონცერტებშიაც, კონცერტ მი-ბემოლში, op. 73 (1809 წ.), სადაც თვით ვირტუოზობაც გმირულია და სადაც შემოართა ვაქაცურის ნაბიჯების ომანიანი ხმა ისმის. ამან არ უნდა გავკავიროვოს, რადგან, ბეთოვენმა, როდესაც ის „გმირის სიკვდილზე სამგლოვიარო მარშს“ წერდა (სონატაში op. 26), არ იცოდა, რომ მისი ჰიმნების ყველაზე ღირსეული გმირი, ის ვინც ბონაპარტზე უფრო მეტად მიუახლოვდა გმირული სიმფონიის იდეურ მოდელს, გენერალი ჰოში, ის-ის იყო რაინის ნაპირას დაიღუპა, სადაც კობლენცსა და ბონს შორის ერთი პატარა გორაკის მწვერვალიდან ძისი საფლავის ძეგლი გადმოიყურებდა; ბეთოვენმა ორჯერ მაინც ნახა გამარჯვებული რევოლუცია ვენაში: ფრანგი ოფიცრები 1805 წლის ნოემბერში „ფიდელიოს“ პრემიერას ესწრებიან. გენერალი ჰულენი, ბასტილია რომ აიღო, ცხოვრობდა მის მეგობარ და მფარველ ლობკოვიცთან, რომელსაც ბეთოვენმა „გმირული სიმფონია“ და სიმფონია დო მინორი უძღვნა. 1809 წლის 10 მაისს ნაპოლეონი დამეს ათევს შიონბრუნში<sup>1</sup>. ბეთოვენს მალე შესთუღდება ფრანგი დამპყრობლები, თუმცა ეს ხელს არ უშლის მთელის სიძლიერით იგრძნოს ნაპოლეონისეული ეპოპეის ციებ-ციხელება; და ვინც ამას არ გრძნობს ისე, როგორც თვით ბეთოვენი გრძნობდა, ის მსოლოდ ნახევრად თუ გაიგებს იმ ბრძოლებისა და იმპერიის ჭარებინ გამარჯვებათა ავ მუსიკას.

---

<sup>1</sup> ბეთოვენის სახლი ვენის ფორტიფიკაციულ ნაგებობათა მახლობლად მდებარეობდა. ქალაქის აღების შემდეგ, ნაპოლეონის ბრძანებით, ეს ნაგებობანი ააფეთქეს. „რა ველური ცხოვრება, ირგვლივ ნანგრევებსღა ეხედავ, — სწერს ბეთოვენნი გამოცემელებს ბრაიტოფს და ჰერტელს 1809 წლის 20 მაისს. — მხოლოდ დოლიანა და ბუკის გამაყრუებელი ხმა ისმის; ირგვლივ აი ყველგან ტანჯვა და ვებაა“. ბეთოვენისა და მისი ცხოვრების იმპროზინდელი სურათი დაგვიტოვა ერთმა ფრანგმა სახელმწიფო მრჩევლის თანაშემწემ ბარონ დე ტრემონმა, რომელმაც ბეთოვენს 1809 წელს ნახა ვენაში. დე ტრემონი მსატყუელად აღწერს უწესრავობას, რომელიც დიდი მუსიკოსის ბინაზე სუფევდა. ბეთოვენმა და დე ტრემონმა ისაუბრეს ფილოსოფიაზე, რელიგიაზე, პოლიტიკაზე და განსაკუთრებით შექსპირზე, რომელსაც ბეთოვენი ეთაყვანებოდა. ბეთოვენი მზად იყო ტრემონის მიპატოება მიელო და მას პარიზში გაჰყოლოდა, იცოდა, რომ პარიზის კონსერვატორია მის სიმფონიებს უკვე ასრულებდა და პარიზში აღფრთოვანებული თაყვანისცემელები ჰყავდა. იხილეთ 1906 წლის 1 მაისის „მეკურ მეზიკალიში“ ბარონ დე ტრემონის სტატია: „დარბაზობა ბეთოვენთან“, გამოქვეყნებულია ჟ. შანტაუნის მიერ.

ბეთოვენმა უეცრად თავი მიანება „სიმფონია დო მინორს“ და ერთი ხელის მოსმით და მისთვის ჩვეული ესკიზების გარეშე „მეოთხე სიმფონია“ დაწერა. მას ბედნიერება ეწვია. 1806 წლის მაისში ბეთოვენმა ტერეზა ფონ ბრუნსვიკი<sup>1</sup> დანიშნა. ტერეზას დიდი ხნიდან უყვარდა ბეთოვენი, იმ დროიდან, როდესაც ჯერ კიდევ პატარა გოგონა მასთან ფორტეპიანოზე დაკვრას სწავლობდა, ბეთოვენის ვენაში დასახლების პირველ ხანებში. ბეთოვენი ტერეზას ძმის, გრაფ ფრანცის, მეგობარი იყო. 1806 წელს ის ბრუნსვიკებთან იყო სტუმრად უნგრეთის ქალაქ მარტონვაშარში, სწორედ აქ შეიყვარეს ერთმანეთი ტერეზამ და ბეთოვენმა. მოგონება იმ ბედნიერ დღეებზე თვით ტერეზამ შემოგვინახა<sup>2</sup> თავის ჩანაწერებში. „ერთ კვირა საღამოს, — ამაღობს ტერეზა, — ნავახშმევს, მთვარის შუქზე, ბეთოვენი ფორტეპიანოს მიუჯდა. კლავიატურას ხელი გადაუსვა. მე და ფრანცი ამ ჩვეულებას უკვე ვიცნობდით. ყოველთვის ასე იწყებდა ხოლმე; შემდეგ რამდენიმე აკორდი დაბალ ნოტებზე აიღო და ნელა, იღუმალი ზღიპით დაუკრა სებასტიან ბახის „არია“<sup>3</sup>: „თუ გსურს მიძღვნა შენი გული, დე, ჯერ ეს საიდუმლოდ დარჩეს და ჩვენი საერთო ფიქრის

<sup>1</sup> ანდა, უფრო სწორად, ტერეზა ბრუნსვიკი. ბეთოვენმა ბრუნსვიკები გაიცნო ვენაში, 1796 — 1799 წლებში. ჯულიეტა გიუზიარდი ტერეზას დეიდაშვილი იყო. ამბობენ, ერთხანს ბეთოვენი ტერეზას ალალი დო, ეოზუფინათი იყო გატაცებული. ეოზუფინა ცოლად გაჰყვა გრაფ დეიმს და შემდეგ კი ბარონ შტაეკლბერგზე გათხოვდა. უფრო დაწერილებით ბრუნსვიკების ოჯახზე მოგვეთხრობს ანდრე დე ჰევეზის სტატია: „ბეთოვენი და უკვდავი სატრფო“ („რევიუ დე პარი“, 15 მარტი, 1910 წ.). ამ ნარკვევისათვის ბატონმა დე ჰევეზიმ გამოიყენა ტერეზას ხელნაწერი მეშუარები და წერილები, რომლებიც შემონახულია მარტონვაშარში — უნგრეთში. ბატონი დე ჰევეზი აგვიწერს ბეთოვენის გელითად დამოკიდებულებას ბრუნსვიკების ოჯახთან, თუმცა ეკვის ქვეშ აუენებს დიდი მუსიკოსის სიყვარულს ტერეზასადმი. მაგრამ მისი საბუთები არ არის დამარწმუნებელი და მე ჩემს თავს ნებას მიეცემ ერთ მშვენიერ დღეს შევედავო ამ საკითხზე ბატონ დე ჰევეზის

<sup>2</sup> მარიამ ტენგერი, „ბეთოვენის უკვდავი სატრფო“ („Beethoven's unsterbliche Geliebte“), ბონა, 1890 წ.

<sup>3</sup> ეს შესანიშნავი არია ი. ს. ბახის მეუღლის ანა მაგდალენას ალბომშია ჩაწერილი სათაურით: „ჩიოვანინის არია“ „Aria di Giovanni“. ეს არია ბახს ეკუთვნოდა თუ არა, ერთ დროს დავის საგანი იყო.

გაგება ვერაინ შედლოს“. კიურესა და დელანემს ჩასძინებოდათ, ძმა ფიქრებში წასულიყო, მე კი, მისი ძუსიკით და შემოსედვით მოხიბლულმა, ცხოვრება მთელი სიგრძე-სივანით ვიგრძენი. მეორე დღეს, დილით, პარკში შევხვდით ერთმანეთს. ამჟამად ოპერას ვწერო, მითხრა. „მთავარი გმირი ჩემშია, ჩემს წინ; ყველგან, სადაც მივიღივარ, თან მახლავს, ყველგან, სადაც უნდა ვიყო, ჩემთან არის. არასოდეს არ ავსულვარ ასეთ მწვერვალზე. ყველაფერი ნათელია, სპეტაკი და ცხადი. დღემდე ფერიათა ზღაპრის იმ ყრმას ვგავდი, რომელიც ქვებს აგროვებს და მის გზაზე გაფურჩქნულ დიდებულ ყვავილს ვერ ამჩხევს“. 1806 წლის მაისში მისი საცოლვე გავხდი, მხოლოდ ჩემი საყვარელი ძმა ფრანცი იყო თანახმა“

ამ წელს დაწერილი „მეოთხე სიმფონია“ უსპეტაკესი ყვავილია, რომელიც მისი ცხოვრების ამ ყველაზე მშვიდი დღეების სურნელებაა იხარჩუნებს. სამართლიანად შენიშნეს, რომ ამ სიმფონიაში ბეთჰოვენი ზრუნავს შეარბოვოს, იმდენად, რამდენადაც ეს შესაძლებელი იქნება, თავისი გენია იმ ძველ მუსიკალურ ფორმებთან, რომელიც მაშინ ძილებული იყო და უყვარდათ მის თანამედროვეებს.<sup>1</sup> სიყვარულისაგან იწვა იჯივე მიდრეკილება შერიგებისადმი, რომელიც კეთილისმყოფელ ზემოქმედებას ახდენდა მის მანერებსა და ყოფაქცევაზე. იგნაც ფონ ზეიფრიდსა და პოეტ გრილპარცერს ახსოვთ ბეთჰოვენი სიცოცხლით სავსე, მხნე, მხიარული, გონებამაჩვილი, საზოგადოებაში თავაზიანი, მოძთმენი აბეზრებთან; მუდამ ნატიფადაა ჩაქმული და ისეთ შთაბეჭდილებას ქმნის, რომ მის სიყრუეს ვერ ამჩნევენ, ამბობენ, ის სავსებით ჯანმრთელია, თუ მხედველობაში არ მივიღებთ მის სუსტ მხედველობასო.<sup>2</sup> ასეთადვე წარმოგვიდგენს მას მელერის მიერ შესრულებული რომანტიკული მოხდენილობის ოდნავ არაბუნებრივი პორტრეტი. ბეთჰოვენს უნდა, რომ მოსწონდეთ და ისიც იცის, რომ მოს-

<sup>1</sup> ნოლი, „ბეთჰოვენის ცხოვრება“.

<sup>2</sup> ბეთჰოვენი მართლაც ბეცი იყო. იგნაც ფონ ზეიფრიდი ამბობს, რომ მხედველობის სისუსტე ყვავილით იყო გამოწვეული და რომ ის იძულებული იყო სულ ახალგაზრდას სათვალე ეტარებინა; მისი აბნეული ცეკრაც უთუოდ სიბეცეს უნდა ძივაწეროთ. 1823 — 1824 წლების წერილებში ბეთჰოვენი ხშირად უჩივის თვალბის ტკივილს. იხილეთ ქრისტინ კალიშერის ჟურნალ „მუზიკში“ გამოქვეყნებული სტატია: „ბეთჰოვენის მხედველობა და თვალის დაავადებანი“ (1 აპრილი, 1902 წ.) („Beethoven's Augen und Augenleiden“).

წონთ. შეყვარებული ლომი ბრქვალებს მალავს, მაგრამ ასეთი ქცევის, ფახტაზიებისა და თვით „სიმფონია სი ბემოლის“ სინაზის მიღმა იგრძნობა მრისხანე ძალა, ჰირვეული ხასიათი და ბრაზიანი ახირებანი.

ეს ოლიმპიური სიმშვიდე არ შეიძლებოდა ზანგრძლივი ყოფილიყო, მაგრამ სიყვარულის სასიკეთო ზეგავლენა 1800 წლამდე გაგრძელდა. უთუოდ ამას უნდა უმაღლოდეს ბეთჰოვენი იმ თავშეკაეებას, რომელმაც საშუალება მისცა მის გენიას შეექმნა ყველაზე სრულყოფილი ნაწარმოებები: კლასიკური ტრაგედია: — „სიმფონია დო მიზორი“ და ზაფხულის დღის ღვთიური ოცნება: „პასტორალური სიმფონია“ (1808 წ.)<sup>1</sup>. შექსპირის „ქარიშხალით“ შთაგონებული „აპასიონატა“<sup>2</sup>, რომელსაც იგი თავის სონატებს შორის ყველაზე მძლავრად შიიჩნევდა, 1807 წელს გამოქვეყნდა და მიეძღვნა ტერეზას ძმას. თვით ტერეზას მან უძღვნა ოცნებით სავსე და უცნაური სონატა: op. 79 (1809 წ.). უკვდავი სატრფოსადმი მიძღვნილი დაუთარილებელი წერილი<sup>3</sup> „აპასიონატაზე“ ნაკლებ არ გამოხატავს მის მგზნებარე სიყვარულს

„ჩემო ანგელოზო, ჩემო ყველავე, გული სავსე მაქვს იმით, რაც უნდა გითხრა... ვტირი, როდესაც ვფიქრობ, რომ კვირამდე ვერ მიიღებ ჩემს წერილს. მიყვარხარ ისე, როგორც შენ გიყვარვარ, მაგრამ მე გაცილებით უფრო ძლიერად... ღმერთო დიდებულო! ეს რა ცხოვრებაა! უშენოდ! ასე ახლოსა ხარ ჩემთან და ასე მეშორები... ჩემო უკვდავო სატრფო (meine unsterbliche Geliebte), შენკენ მოილტვიან ყველა ჩემი ფიქრები, ხან მხიარული, ხან კი მწუხარე, ეკითხებიან ბედისწერას, ეკითხებიან, შეინდობს თუ არა ჩვენს ვედრებას. მხოლოდ შენთან შემიძლია ვიცოცხლო, არადა, მე სიცოცხლე არ მიწერიია... სხვა ქალი ვერასოდეს ვერ დაიპყრობს ჩემს გულს. ვერასოდეს! ვერასოდეს! ოჰ, უფალო! რად უნდა დავშორდეთ ერთმანეთს, როდესაც ერთმანეთი გვიყვარს? ჩემი ახლანდელი ცხოვრება მწუხარებითაა სავსე. შენმა სიყვარულმა ერთსა და იმავე დროს უბედნიერესი და ყველაზე უბედური ადამიანი გამხადა.

კაეშანს ნუ მიეცემი.... ნუ იღარღებ.

<sup>1</sup> გოეთეს სასცენო მუსიკის წერა ბეთჰოვენმა 1809 წელს დაიწყო. მას სურდა „ვერტელმ ტელის“ მუსიკაც დაეწერა, მაგრამ ეს გიროვეცს მიანდეს.

<sup>2</sup> შინდლერთან საუბარი.

<sup>3</sup> როგორც ჩანს, ეს წერილი კორომპში დაწერა, ბრუნსვიკებთან.

... იყავი მშვიდად... იყავი მშვიდად. გიყვარდე.

დღესაც, გუშინაც, რა მგზნებარებით მოვისწრაფოდი შენკენ. ცხარე ცრემლსა ვღვრი. ჩემო სიცოცხლევ, ჩემო ყველაე! მშვიდობით! ოჰ! ნუ შემიძულე, ნურასოდეს ზურგს ნუ შეაქცევ შენი სატრფოს გულს. სამუდამოდ ჩემი ხარ, სამუდამოდ შენი ვარ, სამუდამოდ ერთმანეთს ვეკუთვნით“<sup>1</sup>.

რა იღუმალმა მიზეზმა შეუშალა ხელი ამ ორი არსებ-ს ბედნიერებას, ორი ადამიანისა, რომლებსაც ასე უყვარდათ ერთმანეთი? შესაძლოა სიღარიბემ, საზოგადოებაში მათ მდგომარეობათა განსხვავებამ. შესაძლოა ბეთხოვენი იმ ხანგრძლივმა ლოდინმა შეურაცხყო და აღაშფოთა, რომელსაც მიგან მოითხოვდნენ, შესაძლოა აჯანყდა იმის წინააღმდეგ, რომ აიძულებდნენ სიყვარული გაუთავებლად საიდუმლოდ შეენახა.

შესაძლოა ფიცხმა, ავადმყოფმა და მიუჯარებელმა ბეთხოვენმა, მისი სურვილის წინააღმდეგ. გატანჯა სატრფო და ამის გამო თვითონაც სასოწარკვეთილებას მიეცა. მათი კავშირი დაირღვა, თუმცა არც ერთს და არც მეორეს ეს სიყვარული არ დავიწყებია. სიცოცხლის უკანასკნელ დღემდე ტერეზა დე ბრუნსვიკს (იგი 1861 წელს გარდაიცვალა) უყვარდა ბეთხოვენი.

ბეთხოვენი კი 1861 წელს ამბობდა: მასზე რომ ვფიქრობ, გული ისევე ძლიერად მიძგერს, როგორც იმ დღეს, როდესაც პირველად ვნახეო. სწორედ იმ წელს დაწერა „შორეული სატრფოსადმი მიძღვნილი“ („An die ferne Geliebte“), op. 98, მეტად ღრმა და ამაღელვებელი ხასიათის ექვსი ძელოდია. თავის ჩანაწერებში ბეთხოვენი წერს: „გული ამოვარდნაზეა, როდესაც ამ მომხიბლავ კმნილებას ვხედავ, თუმცა ის აქ არ არის, ჩემთან არ არის“. ტერეზამ ბეთხოვენს თავისი პორტრეტი უძღვნა ასეთი წარწერით: „იშვიათ გენიოსს, დიდ ხელოვანს და კეთილ ადამიანს. ტ. ბ.“<sup>2</sup> დიდი მუსიკოსის ცხოვრების უკანასკნელ წელს ერთმა მეგობარმა მას მაშინ მიუსწრო, როდესაც ის ტირილით კოცნიდა ამ სურათს და ჩვეულებისამებრ ხმამაღლა ამბობდა: „შენ ისე მშვენიერი იყავი, ისე სულდიდი, ანგელოსის სადარი“. მეგობარი ჩუმიდ გაიპარა და ცოტა მოგვიანებით დაბრუნდა; ბეთხოვენი ამჟე-

<sup>1</sup> ნოლი, „ბეთხოვენის წერილები“, XV.

<sup>2</sup> ეს პორტრეტი დღესაც ბეთხოვენის სახლში ინახება, ბონში.



რად ფორტეპიანოსთან შიმქლარი დაინახა და უთხრა: „დღეს, ჩემო ძველო მეგობარო, თქვენს სახეზე დემონური არაფერია“. ბეთჰოვენმა უპასუხა: „ეს იმიტომ, რომ დღეს ჩემი კეთილი ანგელოსი მეწვია“. კრილობა მეტად ღრმა იყო. „საბრალო ბეთჰოვენ, — ამბობდა თვითონვე, — შენთვის ამქვეყნად ბედნიერება არ არსებობს. მხოლოდ იდეალის მხარეში ეპოვი მეგობრებს“<sup>1</sup>.

თავის ჩანაწერებში ამბობს: „მორჩილება, სვე-ბედის უსიტყვო შორჩილება! შენ შენთვის ვეღარ იარსებებ, შენ მხოლოდ სხვებისთვის უნდა იცხოვრო: შენთვის ბედნიერება მხოლოდ შენს ხელოვნებაშია. უფალო, მიბოძე ძალა, ჩემი თავი დაეძლიო!“

\* \* \*

სიყვარულმა გასწირა ბეთჰოვენი. 1810 წელს ის კვლავ მარტოა. მაგრამ მოვიდა დიდება და საკუთარი ძლიერების რწმენაც თან მოჰყვა. ის აყვავების ხანაშია. მთლიანად ნებდება თავის მძვინვარე და ახირებულ ხასიათს, თავს არაფერზე იწუხებს, ანგარიშს არ უწევს არც საზოგადოებას, არც შიღებულ პირობითობას, არც სხვის აზრს. რისი უნდა ეშინოდეს, რა უნდა შეიბრალოს? არ არის სიყვარული, აღარც პატიემოყვარეობა. თავისი ძალა, თავისი ძლიერების შეგნების სისარული, აი ესლა რჩება ბეთჰოვენს. უჩნდება მოთხოვნილება მისი გამოყენებისა, თითქმის ბოროტად გამოყენებისაც კი. „ძალა, აი ძორალი იმ ადამიანებისა, რომლებიც განირჩევიან უბრალო მოკვდავთაგან“. ისევე, როგორც წინათ, არავითარ ყურადღებას არ აქცევს ჩაცმას, საზოგადოებაში თავი თავხედურად უჭირავს. იცის, რომ უფლება აქვს ყველაფერი თქვას, ყველაფერი უთხრას თვით ამა ქვეყნის ძლიერთაც. „უპირატესობის ნიშნად მე მხოლოდ სიკეთე მიმაჩნია“, — წერს იგი 1812 წლის 17 ივლისს<sup>2</sup>. ბეტინა ბრენტანო, რომელმაც მაშინ ნახა ბეთჰოვენი, ამბობს: არც ერთ იმპერატორს, არც ერთ მეფეს არ ჰქონდა თავისი ძლიერების ასეთი რწმენაო. ბეტინა ბრენტანო მოჯადობული იყო მისი ძლიერებით: „როდესაც იგი პირველად ენახე, — წერს გოეთეს, — მთელი სამყარო გაქრა ჩემთვის. ბეთჰოვენმა მსოფლიო

<sup>1</sup> წერილი გლეიჰენშტეინს (ნოლი, „ბეთჰოვენის ახალი წერილები“, XXXI).

<sup>2</sup> „გული ყოველივე ღიადის ბერკეტია“. ჭიანჭაზიო დელ რიოსადმი მიწერილი წერილი (ნოლი, „ბეთჰოვენის წერილები“, CLXXX).

დამავიწყა, დამავიწყა შენი თავიც. ოჰ! ჩემო გოეთე... არა მგონია შევცდე, თუ ვიტყვი, რომ ამ კაცმა დიდად გაუსწრო თანამედროვე ცივილიზაციას“ გოეთე ეძებდა შემთხვევას, გაეცნო ბეთჰოვენი. ისინი ბოქემის წყლებზე, ტეპლიცში შეზღუნენ ერთმანეთს 1812 წელს და ერთმანეთს მაინცდაძაინც ვერ შეეწყვნენ. ბეთჰოვენი გოეთეს გენიის<sup>1</sup> დიდი თაყვანისმცემელი იყო, მაგრამ მას მეტად მძინვარე და თავნება ხასიათი ჰქონდა, რომ გოეთეს ხასიათს შეწყობოდა ისე, რომ მისთვის წყენა არ მიეყენებინა. ის თვითონვე ყეება გოეთესთან ერთადერთი გასეირნების ამბავს, როდესაც ქედმაღალმა რესპუბლიკელმა საკუთარი ღირსების პატივისცემის გაკვეთილი მისცა ვაიმარის დიდი ჰერცოგის კარის მრჩეველს. გოეთემ ბეთჰოვენს ეს არ აპატია.

„მეფეებსა და პრინცებს შეუძლიათ დანიშნონ პროფესორები და საიდუმლო მრჩეველები და უხვად დაურიგონ ტიტულები და ორდენები, მაგრამ არ შეუძლიათ დიდი ადამიანების შექმნა, ისეთი ნათელი გონების ადამიანებისა, რომლებიც ამ მაღალი საზოგადოების ხალხზე უფრო მაღლა დგანან. და როდესაც ორი ისეთი ადამიანი, როგორც მე და გოეთე ვართ, ერთად არიან, ამ ვაჟბატონებმა უნდა იგრძნონ ჩვენი სიდიადე. გუშინ, როდესაც ვბრუნდებოდით, გზად იმპერატო-

<sup>1</sup> „გოეთეს ლექსები ბედნიერებას მანიკებენ“,—სწერს ბეთჰოვენი ბეტინა ბრენტანოს 1811 წლის 19 თებერვალს.

„გოეთე და შილერი ჩემი საყვარელი პოეტები არიან, ისევე, როგორც ოსიანი და ჰომეროსი, სამწუხაროდ ამ უკანასკნელთა კითხვა მხოლოდ თარგმანებში შემოდოლია“ (ბრეიტეოფსა და ჰერტელს. 1809 წლის 8 აგვისტო. ნოლი, „ახალი წერილები“. L111)

შიუხედავად იმისა, რომ ბეთჰოვენმა ვერ მიიღო შესაფერი აღზრდა, აღსანიშნავია მისი კემპარიტი ლიტერატურული გემოვნება. გოეთეზე მან თქვა: „იგი არის ბუმბერაზი, უდიდებულესი, მუდამ რე მაკორში“, მაგრამ გოეთეზე მეტად სამი ადამიანი უყვარდა: ჰომეროსი, პლუტარქე და შექსპირი. ჰომეროსისა ყველაზე მეტად „ოდისეა“ მოსწონდა. სულ მუდამ კითხულობდა შექსპირის ნაწარმოებების გერმანულ თარგმანს. ცნობილია, თუ როგორი ტრავმაული სიდიადით ამბეჭეველა მუსიკალურ ინაზე „კორიოლანი“ და „ქარიშხალი“. რაც შეეხება პლუტარქეს, ის მისთვის, ისევე როგორც რევილუციის მოღვაწეთათვის, ყოველდღიური სულიერი საზრდო იყო; ბრუტუსი, ისევე როგორც მიქელანჯელოსათვის, მისი საყვარელი გმირი იყო და ოთახში ბრუტუსის პატარა ქანდაკება ედგა. მას პლატონი უყვარდა და მთელ მსოფლიოში პლატონის რესპუბლიკის დაარსებაზე ოცნებობდა. „სოკრატე და იესო მისაბაძი მაგალითები იყვნენ“. —უთქვამს ერთგან (1819—1820 წლების „სასაუბრო რეველები“).

რის ოჯახს შეეხვდით. ჩვენ შორიდანვე შევნიშნეთ ისინი. გოეთემ ხელი მიშვა და გზის პირად გაჩერდა. რამდენი არ ველაპარაკე, რამდენი არ ვარწმუნე, მაინც ნაბიჯი ვერ გადავადგმევინე, მაშინ ქული წარბებამდე ჩამოვიფხატე, ქურთუკი შევიკარი, ხელები უკან დავიწყვე და ყველაზე პრავალრიცხოვან ჩგუფს შევეკრიე. გზის ორივე მხარეზე პრინციები და ჭარისკაცები გამწკრივდნენ. პერცოგმა რუდოლფმა ქული მომიხადა, დედოფალი პირველი მომესალმა. დიდებულები მიცნობდნენ მე. თავის შესაქცევად ვუცქერდი. თუ როგორ გაიარა პროცესიამ გოეთეს წინ. ქულით ხელში მდაბლად ქედმოხრილი იდგა იგი გზის პირად. იცოცხლეთ, მე ის გაეჯორე, არაფერი შემირჩენია“<sup>1</sup>. გოეთემ არც ეს დაივიწყა<sup>2</sup>.

ამ დროს განეკუთვნება 1812 წელს ტეპლიცში, რამდენიმე თვეში დაწერილი მეშვიდე და მერვე სიმფონიები: რიტმის ორგია და იუმორით

<sup>1</sup> ბეტინა ფონ არნჰიმსადმი მიწერილი წერილი.

<sup>2</sup> „სამწუხაროდ, ბეთოვენნი თავშეუკავებელი პიროვნებაა, — ეუბნებოდა გოეთე ცელტერს, — რა თქმა უნდა, ის შართალია, როდესაც ამბობს, ეს ქვეყანა საძველიაო, მაგრამ ამით ხომ ვერ გახდის საამოდ ვერც თავისთვის და ვერც სხვისთვის. უნდა ვაპატიოთ და შევიბრალოთ, ის ხომ ყრუ არის“. შემდეგში გოეთეს არაფერი გაუყუთებია ბეთოვენის საზიანოდ. მაგრამ მის სასარგებლოდაც არაფერი უღონია, სრული დუმილით ხვდებოდა მის ნაწარმოებებს, არც ერთხელ არ უხსენებია მისი სახელი. სინამდვილეში გოეთე აღტაცებული იყო ბეთოვენის მუსიკით, მაგრამ აღელვებდა და აშინებდა, სულიერი სიმშვიდე არ დამიკარგოსო. სულიერი სიმშვიდე, რომელიც ესოდენ ჭაფად და გარჯად დაუჭდა მას და რომელიც, მიუხედავად გავრცელებული აზრისა, მისთვის საესებით არაბუნებრივი იყო; ის ამაში საკუთარ თავსაც არ უტყდებოდა. მხოლოდ ახალგაზრდა ფელიქს მენდელსონის წერილი უნებურად საშუალებას ვეძლევის შევალწიოთ მის მგზნებარე და მშფოთვარე სულის სიღრმეში (Leidenschaftlicher Sturm und Verworrenheit), როგორც თვით გოეთე ამბობდა), რომელსაც ძლიერი გონება იმორჩილებს.

„...ჭერ ერთი, მას ლაპარაკიც არ სურდა ბეთოვენზე, — წერს მენდელსონი, — მაგრამ იძულებული გახდა დაეთმო და მოესმინა სიმფონია დო მინორის პირველი ხაწყვეტი, რომელმაც საოცრად ააღელვა, მაგრამ არ შეიმჩნია და მითხრა: „ეს სრულებით არ გაღელვებს კაცს, მხოლოდ გაკვირვებს“. შემდეგ კი დაუმატა: „დიდებულა, წარმოდგენელი, ასე გგონიათ, სახლი სადაცაა დაირწყვაო“. საეხშმოდ დაესხედით, გოეთე დუმდა, სანამ ლაპარაკი ისეუ ბეთოვენზე არ ჩამოვარდა, მაშინ დაშიწყო გამოითხვა, მცილიდა, ცდილობდა ყველაფერი დაწვრილებით გაეცო. მე მივხვდი, შთაბეჭდილება დიდი იყო“.

(გოეთესა და ბეთოვენის დამოკიდებულებაზე იხილეთ ფრიმელის სტატიები).

აღსაესე სიმფონიები, სადაც ბეთჰოვენი, შესაძლოა, უფრო ბუნებრივია და, როგორც თვითონვე ამბობდა, „ლილშესნილი“ (aufgeknöpft). ეს სიხარული და სიბრაზე, ეს მოულოდნელი კონტრასტები, გასაოცარი და გრანდიოზული გონებამახვილობა, ტიტანური აფეთქება, შიშის ზარს სცემდა გოეთესა<sup>1</sup> და ცელტერს; ჩრდილოეთ გერმანიაში იმასაც კი ამბობდნენ, სიმფონია „ლა მინორი“ ლოთი კაცის დაწერილიაო. ლოთისა რა მოგახსენოთ, მაგრამ მთერალი კაცისა კი, დიხსაც, არის, — მაგრამ დამთვრალის თავისი გენიითა და სიძლიერით. იგი თვითონვე ამბობდა: „მე ვარ ბახუსი, რომელიც ღვთიუზ ნექტარს უწურავს კაცობრიობას, ეს მე ვარ, ვინც ადამიანთ ანიჭებს გონების ღვთიურ გაშმაგებას“. არ ვიცი, სურდა თუ არა მას თავისი სიმფონიის ფინალში, როგორც ამას ვაგნერი ამბობდა, ჩვენთვის დაეხატა დიონისესებრი დღესასწაული<sup>2</sup>. მე ამ ფინალში, ამ აღვირაწყვეტილ მხიარულებაში მის ფლამანდური მემკვიდრეობის ნიშანსა ვხედავ, ისევე, როგორც მისი ლაპარაკისა და მიხრა-მოხრის კადნიერ თავისუფლებაში (რაც არ ეგუება გერმანულ დისციპლინასა და მორჩილებას) მისი წარმოშობის ნიშნებს ვპოულობ. ვერსად ვერ ნახავთ უფრო მეტ გულახდილობასა და თავისუფალ ძლიერებას, როგორიც „სიმფონია ლა მინორშია“. ეს ზეადამიანური ენერჯიის გიჟური ხარჯვაა, ხარჯვა უმიზნო, მხოლოდ სიამოვნებისათვის, იგი იმ მდინარის სიამოვნებას წააგავს, რომელიც ნაპირებიდან გადმოდის და ყველაფერს წალეკვით ემუქრება. მერვე სიმფონიის ძლიერება ნაკლებად გრანდიოზულია, მაგრამ კიდევ უფრო უცნაურია და დამახასიათებელი ისეთი ადამიანისათვის, რომელიც ერთმანეთში რევს ტრაგედიასა და ხუმრობას, ჰერკულესის ძალასა და ბავშვურ სიანცეს<sup>3</sup>.

1814 წელი ბეთჰოვენის დიდების მწვერვალია. ვენის კონგრესზე იგი მთელს ევროპაში სახელგანთქმულ კაცად მიიღეს. აქტიური

<sup>1</sup> გოეთეს წერილი ცელტერისადმი, 1812 წლის 2 სექტემბერი და ცელტერის წერილი გოეთესადმი, 1814 წლის 14 სექტემბერი. „მეც აღფრთოვანებული ვარ ბეთჰოვენით, მაგრამ მეშინია მისი („Auch ich bewundere ihn mit Schrecken“). 1819 წელს ცელტერი გოეთეს სწერს: „ამბობენ, რომ ის გიჟია“.

<sup>2</sup> ამ თემაზე ბეთჰოვენს უფიქრია: ამის დამამტკიცებელ საბუთებს მის ჩანაწერებში ვპოულობთ, განსაკუთრებით შეათე სიმფონიის მონახაზებში.

<sup>3</sup> ამ დროს მისი ახლო მეგობარი იყო და, შესაძლოა, ზოგჯერ მისი ნაწარმოებების შთამაგონებელიც, ახალგაზრდა ბერლინელი მომღერალი ქალი ამალია სებალდი.

მონაწილეობა მიიღო დღესასწაულებში. პრინცები მოკრძალებით იხრიან ქედს მის წინაშე, იგი ამაყად ლებულობს მათ თაყვანისცემას და შინდლერთან ტრაბახობს ამით.

ბეთჰოვენნი გაიტაცა ბრძოლამ დამოუკიდებლობისათვის. 1813 წელს დაწერა სიმფონია: „ველინგტონის გამარჯვება“, 1814 წლის დასაწყისში — საომარი საგუნდო სიმღერა: „გერმანიის აღორძინება“ („Germanias Weidergeburt“). 1814 წლის 29 ნოემბერს გვირგვინოსანთა საზოგადოების წინაშე უხელმძღვანელა პატრიოტულ კანტატას: „დიდებული წუთი“ („Der glorreiche Augenblick“). 1815 წელს პარიზის აღების აღსანიშნავად შეთხზა ქორო: „ყოველივე აღსრულდა!“ („Es ist vollbracht!“). ამ ხაწარმოებებმა უფრო დიდი რეპუტაცია შეუქმნეს ბეთჰოვენს, ვიდრე მთელმა მისმა დანარჩენმა შემოქმედებამ. ფრანგი ლეტრონის სურათის მიხედვით შესრულებული ბლაზიუს ჰეიფელის გრავიურა და 1812 წელს ფრანც კლაინის მიერ გამოქვეყნებული ბეთჰოვენის პირქუში ნილაბი წარმოგვიდგენს მის ვენის კონგრესისდროინდელ ცოცხალ სურათს. ამ ყბებმოკუმული, მრისხანე და შწუხარე ხაოკებიანი ლომისებური სახის დამახასიათებელი თვისებაა ნებისყოფა—ნაპოლეონისებური ნებისყოფა. შეიცნობა ადამიანი, როგორც იენაზე გამარჯვების შემდეგ ნაპოლეონზე ამბობდა: „რა უბედურებაა, რომ არ ვიცნობ სამხედრო საქმეს ისე, როგორც მუსიკას. მე მას დავამარცხებდი“. მაგრამ მისი სამეფო არ იყო ამქვეყნიური. „ჩემი იმპერია იქ, მაღლა, ჰაერშია“ („Mein Reich ist in der Luft“) <sup>1</sup>, — სწერდა იგი ფრანც ფონ ბრუნსვიკს.

\* \* \*

ამ დიდების საათს ცვლის მისი ცხოვრების ყველაზე მწუხარე და ყველაზე მწარე პერიოდი.

ბეთჰოვენს არასოდეს ჰყვარებია ვენა. მის ამაყ და თავისუფალ

---

<sup>1</sup> „მე თქვენ არაფერს გეტყვით ჩვენს მონარქებზე და მათ მონარქებზე, — სწერს იგი კაუქს ვენის კონგრესის დროს, — ჩემთვის ყველაზე ძვირფასი იმპერია გონების იმპერიაა: ის პირველი სამეფოა საერო თუ სასულიერო სამეფოთა შორის“ („Mir ist das geistliche Reich das Liebste und der Oberste aller geistlichen und weltlichen Monarchien“).

გენიას არ შეიძლებოდა ამ ქარაფშუტა და უფერული საზოგადოების ქალაქში ცხოვრება მოსწონებოდა, ქალაქში, რომელიც ასე ეზიზღებოდა ვაგნერს<sup>1</sup>. ბეთჰოვენი ცდილობდა აქედან გაქცევას. 1808 წელს გადაწყვიტა კიდევ ავსტრიის დატოვება და საცხოვრებლად ვესტფალიის მეფე ერომის კარზე<sup>2</sup> გადასვლა. მაგრამ ვენაში მუსიკას დიდი გასაქანი ჰქონდა და თანაც სამართლიანობა მოითხოვს ვთქვათ, რომ იქ აღმოჩნდნენ მუსიკის კეთილშობილი მოყვარულები, ვინც იგრძნობთ ბეთჰოვენის სიდიადე და შოინდომა სამშობლოსათვის აეცდინა სირცხვილი, რომელსაც ბეთჰოვენის დაკარგვა გამოიწვევდა.

1809 წელს ვენის სამმა ყველაზე მდიდარმა დიდებულმა: ბეთჰოვენის მოწაფემ ერცჰერცოგ რუდოლფმა, პრინცმა ლობკოვიცმა და პრინცმა კინსკიმ ვალდებულება იკისრეს, მისთვის ყოველწლიურად გადაეხადათ პენსია 4000 ფლორინის ოდენობით იმ პირობით, თუ ავსტრიაში დარჩებოდა: „ვინაიდან ადამიანს მხოლოდ მაშინ შეუძლია მთელი თავისი ცხოვრება ხელოვნებას მიუძღვნას, თუ თავისუფალია ყოველგვარი მატერიალური საზრუნავისაგან. — ამბობდნენ ისინი, — მხოლოდ ასეთ პირობებში შექმნის უკვდავ ნაწარმოებებს, რომლებიც ხელოვნებას ჰეშმარიტ დიდებას მოუტანენ, ჩვენ ქვემოთ ამისა

---

<sup>1</sup> „ვენა — განა ეს ყველაფრის მთქმელი არ არის? არავითარი ნიშანწყალი აღარ დარჩა გერმანული პროტესტანტიზმისა: ეროვნული გამოთქმაც დაკარგულია — გაიტალიურებული. გერმანული ხასიათი, მიხრა-მოხრა, ზნე-ჩვეულებანი ახსნილია და განმარტებული იტალიიდან ან ესპანეთიდან ჩამოტანილი სახელმძღვანელოებით... ქვეყანაში გაყალბებულია ისტორია, გაყალბებულია მეცნიერება, გაყალბებულია რელიგია... მეფობს თავქარიანი სეპტიციზმი. რომელმაც გაანადგურა და დასაფლავა ჰეშმარიტების, ღირსებისა და დამოუკიდებლობის სიყვარული!“ (ვაგნერი, „ბეთჰოვენი“, 1870 წ.).

გრილპარცერი წერდა, ავსტრიელად დაბადება უმედურება არისო. XIX საუკუნის ბოლო წლებში დიდი გერმანელი კომპოზიტორები, რომლებიც ვენაში ცხოვრობდნენ, გაწამებული იყვნენ ამ ქალაქის სულიერი განწყობილებით, სადაც ბრამსის ფარისევლური თავყანება იყო გაბატონებული. ბრუენერის ცხოვრება ვენაში გაუთავებელი ტანჯვა იყო ჰუგო ვოლფმა, რომელიც უქანასკნელ ამოსუნთქვამდე გაშმაგებით იბრძოდა. შეუბრალებლად გაიცხა ვენა

<sup>2</sup> მეფე ერომმა ბეთჰოვენს აღუთქვა ექვსასი ოქროს ღუკატი მთელი მისი სიცოცხლის მანძილზე და 150 ვერცხლის ღუკატი სამზავრო ხარჯებისათვის იმ პირობით, რომ ზოგჯერ მისთვის დაეკრა და კამერულ კონცერტებზე ედირიგორა კონცერტები ხშირად არ უნდა გაემართათ და არც ხანგრძლივი უნდა ყოფილიყო (ნოლი, X L I X). ბეთჰოვენი მზად იყო წასასვლელად.

ხელისმომწერი ვიღებთ გადაწყვეტილებას, რომ გაკვირებისაგან დავიცვათ ლუდვიგ ვან ბეთჰოვენი და ვაშორით მას უზადრუკი დაბრკოლებანი, რამაც შეიძლება ხელი შეუშალოს მისი გენიის გაქანებას<sup>1</sup>.

სამწუხაროდ, დაპირება დაპირებად დარჩა. ჯერ ერთი, პენსიას არ უხდიდნენ რეგულარულად და ძალიან მალე სულ შეუწყვიტეს. სხვათა შორის, 1814 წლის კონგრესის შემდეგ ვენამ ხასიათი შეიცვალა. საზოგადოებამ ზურგი აქცია ხელოვნებას და პირი პოლიტიკისაკენ იბრუნა, მუსიკალური გემოვნება იტალიანიზმმა გახრწნა, მოდამ როსინი გაამეფა და ბეთჰოვენი პედანტად გამოაცხადა<sup>1</sup>. ბეთჰოვენის მეგობრები და მფარველები მიმოიფანტნენ ან მიიცივალნენ: პრინცი კინსკი 1812 წელს გარდაიცვალა, ლიხნოვსკი 1814 წელს, ლობკოვიცი 1816 წელს. რაზუმოვსკიმ, რომელსაც ბეთჰოვენმა თავისი შესანიშნავი კვარტეტები, op. 59, მიუძღვნა, 1815 წლის თებერვალში მოაწყო ბეთჰოვენის უკანასკნელი კონცერტი. 1815 წელს ბეთჰოვენი ელეონორას ძმას, თავის ბავშვობის მეგობარ სტეფანე ფონ ბრონინგს წაეჩხუბა<sup>2</sup>. ამიერიდან ის მარტო რჩება, ყველასაგან მიტოვებული<sup>3</sup>. „შე არა მყავს მეგობრები და მარტოდმარტო ვარ ამქვეყნად“, — წერს იგი 1816 წელს.

სულ მთლად დაყრუვდა<sup>4</sup>. 1815 წლის შემოდგომიდან ხალხთან

---

<sup>1</sup> საქმარისი იყო როსინის „ტანკრედი“, რომ გერმანული მუსიკის ტაძარი შერყეულიყო. ერჰარდი თავის დღიურში გამოთქვამს ბაუერნფელდის აზრს, რომელიც 1816 წელს მეტად გავრცელებული იყო ვენის სალონებში: „მოცარტი და ბეთჰოვენი ბებერი პედანტები არიან. მათ მხოლოდ წინა საუკუნის უმეტრება აფასებდა; მხოლოდ როსინის წყალობით გავიგეთ, რა არის მელიოდი. „ფოდელიო“ ნაკავია; არ მესმის რატომ დადის ხალხი მის მოსასმენად“.

1814 წელს ბეთჰოვენმა, როგორც პიანისტმა, უკანასკნელი კონცერტი გამართა.

<sup>2</sup> იმავე წელს ბეთჰოვენმა თავისი ძმა კარლოსი დაკარგა: „მას ძალიან უნდოდა სიცოცხლე. როგორც მე სიყვდილი მენატრება“, წერდა იგი ანტონიო ბრენტანოს.

<sup>3</sup> თუ მხედველობაში არ მივიღებთ ნაზ მეგობრობას კონტესა მარია ფონ ერდოლისთან, რომელიც მასავით უკურნებელი სენით იყო დაავადებული, და ამასთან, 1816 წელს უეცრად ერთადერთი ვაჟიშვილი გარდაეცვალა. ბეთჰოვენმა მარია ფონ ერდოლის 1809 წელს უძღვნა ორი ტრიო, op. 70 და 1815 — 1817 წლებში ორი ლიდი სონატა ვიოლონჩელოსათვის, op. 102.

<sup>4</sup> სიყრუეს ჩანმრთელობის ყოველდღიური გაუარესება დაერთო. 1816 წლის ოქტომბრიდან ის სასუნთქი გზების მწვავე კატარით არის ავად. 1817 წელს, ზაფხულში, მკურნალმა ექიმმა უთხრა, ეს ფილტვების დაავადება არისო. ამას თან სდევს მწვავე რევმატიზმი 1820 — 1821 წლებში, სიყვითლე — 1821 წელს და კონიუნქტივიტი 1823 წელს.

მხოლოდ წერის საშუალებით ამყარებს კავშირს. ყველაზე ძველი „სასაუბრო რვეული“ 1816 წელს<sup>1</sup> განეკუთვნება. ცნობილია შინდლერის დიდი მწუხარებით აღსავსე ნაამბობი 1822 წელს „ფიდელიოს“ წარმოდგენის შესახებ:

„ბეთპოვენმა მოისურვა, რომ გენერალურ რეპეტიციაზე თვითონვე ედირიჟორა... პირველი მოქმედების დუეტიდანვე აშკარა გახდა, რომ არ ესმოდა, რა ხდებოდა სცენაზე. საგრძნობლად ანელებდა რიტმს და მაშინ, როდესაც ორკესტრი მის წკეპლას მიჰყვებოდა, მოძღვრლები წინ გარბოდნენ. ამას მოჰყვა საერთო არეგ-დარევა. უძალაუფმა, რომელიც ორკესტრს დირიჟორობდა, მიზნის აუხსნელად წუთშესვენება შესთავაზა, მომღერლებს რაღაც უთხრა და რეპეტიცია განახლდა. კვლავ იგივე არეგ-დარევა. იძულებული გახდნენ ორპეტიცია ხელმეორედ შეეწყვიტათ. აშკარა გახდა, რომ ბეთპოვენის ხელმძღვანელობით რეპეტიციის გაგრძელება შეუძლებელი იყო; მაგრამ მას როგორ გააგებინონ ეს? არავის ჰყოფნიდა გამბედაობა მისთვის ეთქვა: „საბრალო უბედურო! მოშორდი აქაურობას, შენ არ შეგიძლია დირიჟორობა“. შეშფოთებული და აღელვებული ბეთპოვენი ხან მარჯვნივ მიბრუნდებოდა, ხან მარცხნივ; ცდილობდა სახეებზე წაეკითხა, რა ხდებოდა, გაეგო, რა დაბრკოლება ელოდებოდა: ყველანი დუძდნენ. უცბად ჩემკენ მიბრუნდა და დაჟინებით მიხმო. როდესაც ძივედი, „სასაუბრო რვეული“ გამომიწოდა და მთხოვა დამეწერა. ეს სიტყვები დავწერე: „გემუდარებით, ნუ განაგრძობთ, სახლში გეტყვი, თუ რატომ“. ერთი ნახტომით პარტერში გაჩნდა და მიყვირა: „ჩქარა წავიდეთ!“ სულმოუთქმელად თავის სახლამდე მიიბრინა, შევიდა და თითქმის უსიცოცხლოდ მიესვენა დივანზე, ორივე ხელი სახეზე აიფარა. ვახშამამდე არ ამდგარა. ვახშამობისას სიტყვა ვერ დავაძრევი, ვერც ერთი სიტყვა; სასოწარკვეთილებისა და ღრმა მწუხარების გაშოშტყუვლება არ მოშორებია. როდესაც წამოსვლა დავაპირე, შემაჩერა და მთხოვა, მარტო ნუ დამტოვებო. შემდეგ კი, როდესაც ერთმანეთს ვემშვიდობებოდით, მთხოვა მიმეცილებინა თავის ყურის ექიმთან, რომელიც დიდი რეპუტაციით სარგებლობდა... მასთან ურ-

<sup>1</sup> უნდა აღინიშნოს, რომ ამ წლიდან ბეთპოვენი მუსიკის სტილს იცვლის. ეს პირველად სონატა op. 101-ში გვხვდება.

ბეთპოვენის „სასაუბრო რვეულები“ 11000 ხელნაწერ გვერდს შეიცავს და ინახება ბერლინის სამეფო ბიბლიოთეკაში.



თერთობის შემდგომ პერიოდში არ მაგონდება არც ერთი დღე, რო-  
შელიც შეიძლება ამ საბედისწერო ნოემბრის დღეს შევადარო... შიგ  
გულში იყო დაკოდილი და ამ საშინელი სცენის შთაბეჭდილება სიკვ-  
დილამდე არ წაშლილა მის მეხსიერებაში<sup>1</sup>.

ორი წლის შემდეგ, 1824 წლის 7 მაისს, ის ღირიყურობდა „სიმ-  
ფონიას გუნდებით“ (ან უფრო ზუსტად, როგორც ამას პროგრამა  
იუწყებოდა, მოხაწილეობას ღებულობდა კონცერტის ხელმძღვანელო-  
ბაში). არ ესმოდა დარბაზის გამაყრუებელი ხმაური, ვერაფერს  
ვერ გრძნობდა, მანამ, სანამ ერთმა მოძღვრალმა ქალმა ხელი არ  
ჩაავლო და დარბაზისაკენ არ მოაბრუნა. რა დანახა ბეთჰოვენმა?  
ძთელი დარბაზი ფეხზე ამდგარიყო, ქუდეებს იქნევდა და ტაშს  
უკრავდა.

ერთი ინგლისელი მოგზაური, რასელი, რომელმაც ბეთჰოვენი  
1825 წელს ფორტეპიანოსთან ნახა, გადმოგვცემს: როდესაც დიდი  
მუსიკოსი პიანისიმოზე გადადიოდა, კლავიშები არ ჟღერდნენ და ამ  
სიჩუმეში განსაცვიფრებელი იყო იმ მღელვარების ცქერა, რომელიც  
ეუფლებოდა მას, მის სახესა და დაჰიმულ თითებსო.

გულჩახვეული<sup>2</sup>, ადამიანებისაგან გამდგარი, მხოლოდ ბუნება-  
ში პოულობდა ნუგეშს. „მისი ერთადერთი მეზაიდუმლე ბუნება  
იყო“, — გადმოგვცემს ტერეზა დე ბრუნსვიკი. ბუნება გახდა მისი  
თავშესაფარი. ჩარლზ ნიტი, რომელიც ბეთჰოვენს 1815 წლიდან იც-  
ნობდა, ამბობს: „არასოდეს მინახავს ადამიანი, რომელსაც ასე ჰყვა-  
რებოდა ყვავილები, ღრუბლები, ბუნება<sup>3</sup>. ასე იტყოდით, ბუნებით  
ცხოვრობსო“.

„არავის შეუძლია ამქვეყნად ჩემსავით შეიყვაროს სოფელი. —  
წერს ბეთჰოვენი, — მე ხე უფრო მიყვარს, ვიდრე ადამიანი“... ვენაში

---

<sup>1</sup> შინდლერმა, რომელიც 1819 წლიდან ბეთჰოვენის ახლო მეგობარი გახდა. გა-  
იენო იგი 1814 წელს; ბეთჰოვენს ძალიან ვაუძნელდა შინდლერთან მეგობრობა.  
თავდაპირველად შინდლერს ზიზღნარევი ქედმაღლობით ექცეოდა.

<sup>2</sup> იხილეთ ვაგნერის შესანიშნავი ჩანაწერები ბეთჰოვენის სიყრუეზე („ბეთჰოვე-  
ნი“, 1870 წ.).

<sup>3</sup> მას უყვარდა და ეცოდებოდა ცხოველები. ისტორიკოს ფონ ფრიმელის დედა  
ამბობდა, რომ მას დიდხანს სძულდა ბეთჰოვენი; როდესაც პატარა გოგონა იყო,  
ბეთჰოვენი თავისი ცხვირსახოცით უფროსობდა პეპლებს, რომელთა დაქერაც გუ-  
ლით სწადდა.

ყოველდღე ქალაქგარეთ სეირნობდა. დილიდან დაღამებამდე, მზეში თუ წვიმაში, სოფლად დაესეტებოდა უქუდოდ. „ყოველად ძლიერო ტყეებში ვარ ბედნიერი, ბედნიერი ვარ ტყეებში, სადაც ყოველი ხე შესხე ლაპარაკობს. უფალო! რა დიდებულებაა ამ ტყეებში, ამ გორაკებზე! აჰ, ამ სიმშვიდეში შემიძლია შენ გემსახურო“

მისი დაუდგარი სული ტყეში პოულობდა წუთიერ სიმშვიდეს<sup>1</sup>. მუდამ გაწამებული იყო ფულის შოვნაზე ზრუნვით. 1818 წელს იგი წერს: „თითქმის მათხოვრობამდე ვარ მისული და თანაც ისე უნდა მეჭიროს თავი, ვითომც არაფერი მაკლდეს“. შემდეგ კი: „სონატა, op. 106 დაიწერა მძიმე მატერიალურ პირობებში. რა მწარე რამ არის მუშაობა ლუკმა პურისთვის“. შპორი ამბობს, ბეთჰოვენი დახეული ფეხსაცმელების გამო სახლიდან ვერ გამოდიოდაო. გამომცემლების დიდი ვალიც ჰქონდა. მისი ახალი ნაწარმოებები არავითარ შემოწავას არ აძლევდნენ. როდესაც „მესა რეში“ დაწერა, ხელის მოწერა გამოაცხადეს; მხოლოდ შეიღმა კაცმა მოაწერა ხელი (მათ შორის არც ერთი არ ყოფილა მუსიკოსი)<sup>2</sup>. მის შესანიშნავ სონატებში ოცდაათ თუ ორმოც დუკატს უხდიდნენ, ყოველ მათგანს კი სამი თვის მუშაობა სჭირდებოდა. თავადი გალიცინის შეკვეთით დაწერა კვარტეტები, op. 127, 130, 132; შესაძლოა ესენი მისი ყველაზე ღრმა ნაწარმოებებია, გულის სისხლით დაწერილი. გალიცინს ჰონორარის გადახდა ავიწყდებოდა ხოლმე. ბეთჰოვენს თავი ჰქონდა მობეზრებული ყოველდღიური სიძნელეებით, გაუთავებელი პროცესებით გადაუხდელი პენსიისა თუ 1815 წელს ქლეჭით გარდაცვლილი ძმის, კარლოსის, შვილზე მეურვეობის შენარჩუნების გამო.

ამ ბავშვზე გადაიტანა სიყვარულის წყურვილი, რომლითაც სავსე ჰქონდა გული. აქაც უმოწყალო ტანჯვა ელოდა. თითქოს განგება იმაზე ზრუნავდა, რომ განუწყვეტლივ განეახლებინა და გაეზარდა ძისი ტანჯვა, რათა მის გენიას საზრდო არ მოჰკლებოდა. მას ჯერ ბრძოლა დასჭირდა პატარა კარლის უღირს დედასთან, რომელსაც ბავშვის წართმევა უნდოდა.

<sup>1</sup> ბეთჰოვენი მუდამ ცუდად იყო დაბინავებული. ვენაში ოცდათხუთმეტ წელს ცხოვრობდა და ოცდაათჯერ გამოიცივალა ბინა.

<sup>2</sup> ბეთჰოვენმა პირადად მიმართა კერუბინის, ვისაც „თავისი თანამედროვეებიდან ყველაზე მეტ პატივს სცემდა“ (ნოლო, „ბეთჰოვენის წერილები“, CCL). კერუბინი არც კი უპასუხა.

„ოჰ, ღმერთო ჩემო, — წერს იგი, — ჩემო საყრდენო, ჩემო დამცველო, ჩემო ერთადერთო თავშესაფარო! შენ ჩემი სულის სიღრმეში კითხულობ და იცი, რა ტანჯვას განვიციდი, როდესაც იძულებული ვარ გავტანჯო ისინი, ვინც ჩემს კარლოსს, ჩემს საუნჯეს<sup>1</sup> მედავებთან. ისინი ჩემი, არსებავ, ვისი სახელიც კი არ ვიცი, შეიწყნარე ვედრება ყველაზე უბედური ქმნილებებისა!“

„უფალო, მიშველე. ხომ ხედავ, რომ მთელმა კაცობრიობამ ზურგი მაქცია და ეს იმიტომ, რომ არ მინდა უსამართლობას შევეურიგდე! შეიწყნარე ჩემი ვედრება, რომ მომავალში მაინც ჩემს კარლოსთან ვიცხოვრო... ოჰ, მწარე ხედრო, უღმობელო ბედისწერავ! არა და არა, ჩემს უბედურებას ბოლო არ უჩანს“.

და ეს ძმისწული, ასე გატაცებით რომ უყვარდა, მისი ნდობის უღირსი აღმოჩნდა. მასთან ბეთჰოვენის მიწერ-მოწერა მწუხარებითა და აღშფოთებითაა სავსე, ისევე როგორც მიქელანჯელოსი თავის ძმებთან, მაგრამ ბეთჰოვენისა უფრო გულუბრყვილო და ამაღლეზე-ბელია: „ნუთუ კიდევ ერთხელ შავი უმადურებით უნდა გადამიხადონ? კეთილი, თუ ჩვენს შორის კავშირი უნდა გაწყდეს, დე, ასე იყოს! ყველა მიუკერძოებელი ადამიანი, რომელიც ამას გაიგებს, ზიზლით ზურგს შეგაქცევს... თუ პირობა, რომელიც ჩვენ გვაკავშირებს, ასე გემძიმება, უფალი იყოს ჩვენი მსაჯული, აღსრულდეს ნება მისი. შენი ბედობალი განგებისათვის მიმინდვია. მე ყველაფერი, რაც შემეძლო, გავაკეთე. შემიძლია წარვდგე უზენაესი მსაჯულის წინაშე“<sup>2</sup>.

„შენ ისე ხარ განებზიერებული, რომ არ გაწყენდა, ბოლოს და ბოლოს, უბრალო და გულმართალი გამხდარიყავი. შენმა ფარისევლურმა ქცევამ ჩემს მიმართ გული დამითუთქა. ჩემთვის ძნელია ამის დავიწყება... ღმერთია მოწმე, მხოლოდ იმაზე ვოცნებობ, რაც შეიძლება შორს ვიყო შენგან, ბედუკუღმართი ძმისგან და თქვენი საძაგელი ოჯახისაგან. ველარ გენდობი“<sup>3</sup>. და ხელს აწერს: „საუბედუროდ, შენი მამა, უფრო სწორად, არა მამაშენი“<sup>3</sup>.

<sup>1</sup> მე არასოდეს არ ვიძიებ შურს, — სწერს ის ქალბატონ შტრაიხერს, — როდესაც იძულებული ვარ, სხვა ადამიანების წინააღმდეგ ვიმოქმედო, მხოლოდ იმას ვაკეთებ, რაც საჭიროა იმისათვის, რომ თავი დავიცვა და ხელი შევეუშალო ცუდის გაქეთებას.

<sup>2</sup> ნოლი, CCCXIV.

<sup>3</sup> ნოლი, CCCLX ო.

მაგრამ მყისვე პატიება მოსდევს ამ წერილს:

„ძვირფასო შვილო! დაივიწყე ყოველი, მოდი, ჩამეკარი, ვერც ერთ მწარე სიტყვას ვერ გაიგონებ ჩემგან... ძველებური სიყვარულით მიგიღებ. შენს მომავალზეც მეგობრულად ვილაპარაკებთ. პატიოსან სიტყვას გაძღვე, საყვედური აღარ დამცდება! ახლა საყვედურს არავითარი აზრი არა აქვს. მხოლოდ სიყვარულს, მზრუნველობასა და დახმარებას ელოდე ჩემგან. მოდი, მოდი, ჩაეკარი მამაშენის ერთგულ გულს. ბ ე თ ჰ ო ვ ე ნ ი. ამ წერილის მიღებისთანავე მოდი. დაბრუნდი სახლში“ (და მისამართის გვერდით ფრანგულადაა მიწერილი: „თუ ჩემი სიკვდილი არ გინდა, უეჭველად მოდი“).

„ნუ ტყუი, — ევედრება ძმისწულს. — დარჩი მუდამ ჩემ საყვარელ შვილად! რა საზარელი შეუსაბამობა იქნებოდა, ფარისევლობით გადაძიხადო ყველაფერი, როგორც ცდილობენ ამაში დამარწმუნონ!.. მშვიდობით! ის, ვისაც შენთვის სიცოცხლე არ მოუცია, მაგრამ სიცოცხლე შეგინარჩუნა და ყველაფერი, რაც შეიძლებოდა, გააკეთა შენი მორალური განვითარებისათვის, გულის სიღრმიდან მამობრივი სიყვარულით გვედრება გაჭყვე ერთადერთ გზას, სიკეთისა და სამართლიანობის გზას. შენი ერთგული კეთილი მამა“<sup>1</sup>.

ბეთჰოვენი ბევრს ფიქრობდა თავისი ძმისწულის მომავალზე, რომელიც არც თუ ისე უნიჭო ყმაწვილი იყო. სურდა მისთვის საუნივერსიტეტო განათლება მიეცა, მაგრამ მეტი გზა არ იყო, უნდა შერიგებოდა აზრს, რომ კარლოსი კოშერსანტი განდებოდა. კარლოსი კი ქალაქის სათამაშო ბუნაგებში დაეთრეოდა და ვალებში იყო ჩაფლული.

სამწუხაროდ, და არცთუ ისე იშვიათად, ბიძამისის მორალური სიდიადე არამცთუ არ ახდენდა დადებით გავლენას კარლოსზე, არამედ უარყოფითად მოქმედებდა, მოთმინებიდან გამოჰყავდა იგი, აშფოთებდა. ამას თვითონ აღიარებს და ამ აღიარებაში გაშიშვლებულია მისი ბილწი სული: „მე იმიტომ გავხდი ცუდი, რომ ბიძაჩემს უნდოდა კარგი ვყოფილიყავ“. 1826 წელს თავის მოკვლაც სცადა, მაგრამ გადაარჩა. ბეთჰოვენს კი ცოტა დააკლდა, რომ ამ ამბავს არ გადაჰყოლო-

<sup>1</sup> ნოლი, „ბეთჰოვენის წერილები“, CCCLXII — LXVII. წერილი, რომელიც ბერლინში კალიშერმა იპოვა, გვამცნობს, თუ როგორი გტაცებით უნდოდა ბეთჰოვენს თავისი ძმისწულისაგან სახელმწიფოსათვის სასარგებლო აღაშენი გამოეყვანა (1 თებერვალი, 1819 წ.).

და. სიკვდილამდე გაჰყვა ამით გამოწვეული მღელვარება<sup>1</sup>. კარლოსი მორჩა: იცოცხლა, რათა გაემწარებინა ბიძამისი, ვის სიკვდილშიაც გარკვეული წვლილი მიუძღვის. როცა ბეთჰოვენი უკანასკნელ დღეში იყო, მაშინაც კი არ ინახულა. „უფალს არასოდეს მიეუტოვებოვარ, — სწერდა ბეთჰოვენი თავის ძმისწულს გარდაცვალებამდე რამდენიმე წლით ადრე. — ვინმე გამოჩნდება, რომ თვალები დამიხუტოს“. ვილამც კი დაუხუტა თვალები. მაგრამ არა იმან, ვისაც ბეთჰოვენი „თავის შვილს“ უწოდებდა<sup>2</sup>.



და აი, მწუხარების ამ უფსკრულიდან ბეთჰოვენმა განიზრახა სიხარულისათვის შეესხა ხობტა.

ეს იყო მთელი მისი სიცოცხლის ჩანაფიქრი. ამაზე 1793 წლიდან ფიქრობდა, ჭერ კიდევ ბონში ყოფნისას<sup>3</sup>. მთელი სიცოცხლე სიხარულისათვის სურდა ემღერა და ამით დაეგვირგვინებინა თავისი ერთ-ერთი დიდი ნაწარმოებთაგანი. მთელი თავისი ცხოვრება მეტყუებდა, ეძებდა ჰიმნის ზუსტ ფორმას და ნაწარმოებს, რომელშიც შეძლებდა

---

<sup>1</sup> შინდლერი, რომელმაც ის ამ დროს ნახა, ამბობს, ბეთჰოვენი უცბად სამოცდაათი წლის მოხუცს დაემსგავსაო, — განადგურებულს, უძლურს, უნებისყოფოს. კარლოსის სიკვდილს ვერ გადაიტანდა. რამდენიმე თვის შემდეგ ბეთჰოვენი გარდაიცვალა

<sup>2</sup> ჩვენი დროის ვაი-მუსიკის მოყვარულები არ მოერიდნენ და შეეცადნენ ამ სალახანის რეპლიტიციას. ამან მაინცდამაინც დიდად არ უნდა გაეაყვირვოს.

<sup>3</sup> ფიშენიხის მიერ შარლოტა შილერისადმი მიწერილი წერილი (1793 წლის იანვარი). შილერის ოდა დაწერილია 1785 წელს. ეს თემა კი გამოჩნდა 1808 წელს ნაწარმოებში „ფანტაზია ფორტეპიანოსა, ორკესტრისა და გუნდისათვის“, op. 80 და 1810 წელს გოეთეს სიტყვებზე დაწერილ რომანსში: „პატარა ყვავილი, პატარა ფოთოლი“ („Kleine Blumen, Kleine Blätter“). მე ვნახე ბონში დოქტორ პრიგერის 1812 წლის შენიშვნათა რეველში „მეშვიდე სიმფონიის“ ესკიზებსა და „მაკეტის“ უვერტიურის მონახაზს შორის შილერის ტექსტის იმ თემასთან ადაპტაციის ცდა. ბეთჰოვენმა უფრო მოგვიანებით რომ გამოიყენა უვერტიურაში, op 115. („Namenfeier“). მეცხრე სიმფონიის ზოგიერთი ინსტრუმენტალური მოტივი 1815 წლამდე დაწერილ ნაწარმოებებშიაც გვხვდება. დაბოლოს, 1822 წელს, ბეთჰოვენი წერს სიხარულის თემის საბოლოო ვარიანტს და სიმფონიის ყველა დანარჩენ მულოდობს. გარდა ტრიოსი. რომელიც უფრო მოგვიანებით არის დაწერილი. ამას მოსდევს ანდანტე მოდერატო და ადაჯიო.

მისთვის ადგილის დათმობას. მაგრამ თავის მეცხრე სიმფონიაშიც კი ვერ გაბედა. უკანასკნელ წუთამდე თითქოს გადაწყვეტილი ჰქონდა „სინარულის ოდა“ მეთათე თუ მეთერთმეტე სიმფონიაში გადაეტანა. ისიც უნდა აღინიშნოს, რომ „მეცხრე სიმფონიას“ აო ეწოდება. — როგორც ხშირად ამბობენ ხოლმე, — „სიმფონია გუნდებით“, არამედ: „სიმფონია ფინალური გუნდით სინარულის ოდაზე“. სიმფონიას შეიძლება მიეღო და ცოტაც დააკლდა, რომ არ მიიღო სხვაგვარი დაბოლოება. 1823 წლის ივლისში ბეთჰოვენს განზრახული ჰქონდა მისთვის ინსტრუმენტული ფინალი მიეცა, რომელიც შემდეგ კვარტეტ op. 132-ში გამოიყენა. ჩერნი და ზონლაიტნერი გვარწმუნებდნენ, რომ პირველი შესრულების შექმნეგაც კი (1824 წლის მაისს) ბეთჰოვენს ამ განზრახვაზე ხელი არ აუღია.

სიმფონიაში გუნდის შეყვანა დიდ ტექნიკურ სიძნელეებს წარმოადგენდა, ამას გვიდასტურებენ თვით ბეთჰოვენის რვეულები და მისი მრავალი ცდა, ხმები შეიყვანოს სხვადასხვანაირად და ნაწარმოების განვითარების სხვადასხვა მომენტში. ადაჯიოს მეორე მელოდიის ესკიზებში<sup>1</sup> ბეთჰოვენმა ჩაწერა: „შეიძლება გუნდის შეყვანის შესაფერი ადგილი სწორედ აქ იყოს“. მაგრამ ვერ გადაეწყვიტა თავის ერთგულ ორკესტრთან განშორება. „როდესაც თავში რამე აზრი მომდის, მე ის ინსტრუმენტში მესმის და არა ხმაშიო“, — ამბობდა იგი. ამიტომაც აქიანურებს, რამდენადაც შეუძლია, ხმების შეყვანის მომენტს. იქამდეც კი მიდის, რომ თავდაპირველად ინსტრუმენტებს უთმობს არა მარტო ფინალის რეჩიტატივებს<sup>2</sup>, არამედ თვით სინარულის თემას.

მაგრამ კიდევ უფრო შორს უნდა წავიდეთ, თუ გვსურს გავიგოთ მისი მერყეობა, შეგვიანება. ამის მიზეზი უფრო ღრმაა. ეს მწუხარებით განაწამები ადამიანი მუდამ ოცნებობდა, რომ სინარულის სიდიადისათვის ემღერა, მაგრამ წლობით აგვიანებდა თავისი განზრახვის განხორციელებას, რადგან ვნებათაღელვა განუწყვეტლივ ეუფლებოდა მას და მწუხარება, მელანქოლია იპყრობდა; მხოლოდ უკანასკნელ დღეს განახორციელა თავისი განზრახვა. განახორციელა და მერე როგორი სიდიადით!

და აი იმ დროს, როდესაც სინარულის თემა პირველად გამოჩნდე-

<sup>1</sup> ბერლინის ბიბლიოთეკა.

<sup>2</sup> „თითქოს ეს სიტყვებზე ყოფილიყოს დაწერილი“ („Also ganz so, als ständen die Worte darunter“).

ბა, ორკესტრი მყისვე დუმდება; მყარდება სამარისებური სიჩუმე, რაც გალობის დაწყებას იღუძალსა და ღვთიურ ხასიათს აძლევს. კემ-მარიტად: ეს თემა მართლაც ღმერთია. ციდან ზებუნებრივი სიმშვიდით მოსილი სიხარული ჩამოდის, თავისი მსუბუქი სუნთქვით მწუხარებას ეალერსება; და პირველი შთაბეჭდილება, რომელსაც ახდენს იმ დროს, როდესაც განკურნებისაკენ პირმობრუნებულ სნეულ გულში შეიპარება, იმდენად ნაზი და სათუთია, რომ, ბეთჰოვენის ერთი მეგობარისა არ იყოს, „გსურთ იტიროთ მისი თვინიერი თვალების დახახვანზე“. როდესაც თემა ხმებში გადადის, თავდაპირველად ბანში გამოჩნდება, ის მკაცრი და ოდნავ შებოკილია, მაგრამ სიხარული თანდათან იპყრობს მთელს არსებას. ეს არის გამარჯვება, ეს არის ბრძოლა ტანჯვა-წამების წინააღმდეგ. და აი, საომარი მარშის რიტმები, ძწყობრში ჩამდგარი ჯარი, ტენორის მგზნებარე და მღელვარე გალობა, ყველა ის ყრუანტელის მომგვრელი ფურცლები, საიდანაც ასე გგობხია, თვით ბეთჰოვენის სუნთქვა უბერავსო, და თქვენ გესმით მისი სუხთქვისა და შთაგონებული ყიყინის იმდროინდელი რიტმი, როდესაც ის მინდორ-მინდორ დადიოდა, ვით ქარიშხალში ბებერი ლირი და სატანისებური ბრაზით შეპყრობილი თავის ნაწარმოებებს ქმნიდა. საბრძოლო ლხენას რელიგიური ექსტაზი ცვლის, შემდეგ კი იწყება წმინდა ორგია, სიყვარულის ციებ-ცხელება. ადამიანთა მღელვარე მოდგმა ხელებს ცისკენ აღაპყრობს, სიხარულისაკენ მიჰქრის და გულში იკრავს მას.

ტიტანის ქმნილებამ სძლია საზოგადოებრივ შეზღუდულობას; ამან მხოლოდ ცოტა ხნით შეარყია ვენის ქარაფშუტობა. ვენა იტალიური ოპერებისა და როსინის სამფლობელო იყო. დამცირებულმა და დაღონებულმა ბეთჰოვენმა გადაწყვიტა ლონდონში გადასახლებულიყო და იქ შეესრულებინა თავისი მეცხრე სიმფონია. და ისევე როგორც 1809 წელს, რამდენიმე წარჩინებული მეგობარი მუდარით მიმართავს, საშობლოს ნუ დატოვებო! „ჩვენ ვიცით, — ეუბნებოდნენ ისინი, — რომ თქვენ დაწერეთ საღმრთო მუსიკის ახალი კომპოზიცია<sup>1</sup>, რომელშიც გამოხატეთ თქვენი ღრმა რწმენით შთაგონებული გრძობები. ზებუნებრივი შარავანდი, რომელიც თქვენს დიად სულს ეფინება, აცისკროვნებს მას. ჩვენ ისიც ვიცით, რომ თქვენ დიად სიმფონიათა

<sup>1</sup> მესა რე-ში, op. 123.

გვირგვინს კიდევ ერთი უქცნობი ყვავილი შეემატა... თქვენი სიჩუმე ამ უკანასკნელი წლების მანძილზე ამწუხრებდა ყველას, ვისაც თვალები თქვენკენ ჰქონდა მოპყრობილი<sup>1</sup>. ყველა გულის წუხილით ფიქრობდა, რომ ცოცხალთა შორის ასე მალა აფრენილი გენიალური ადამიანი სდუმდა მაშინ, როდესაც უცხოური მუსიკა ცდილობდა ჩვენს მიწაზე ფესვი გაედგა და დაეწყებინათვის მიეცა გერმანული ხელოვნების ქმნილებები... თქვენგან და მხოლოდ თქვენგან მოელის ერი ახალ ცხოვრებას, ახალ დაფნის გვირგვინს და ქეშმარიტებისა და სილამაზის ხელახალ გამეფებას, მოელის, მიუხედავად დღეს გაბატონებული მოდისა... მოგვეცით ჩვენი სურვილების მოკლე ხანში განხორციელების იმედი... დაე, თქვენი ნიჭის წყალობით კარზე მომდგარი გაზაფხული ორმაგად აყვავილდეს ჩვენთვის და მთელი კაცობრიობისათვის!"<sup>2</sup> ამ კეთილშობილი მიმართვიდან სათლად ჩანს, თუ რა ძლიერი იყო ბეთჰოვენის როგორც მუსიკალური, ისე მორალური გავლენა გერმანიის რჩეულ ადამიანებზე. პირველი სიტყვა, რომელიც თაყვანისმცემლებს მისი გენიის სადიდებლად თავში მოსდით, არ არის არც მეცნიერება, არც ხელოვნება, არამედ: რწმენა<sup>3</sup>.

ბეთჰოვენი დიდად ააღელვა ამ სიტყვებმა. ის დარჩა. 1824 წლის 7 მაისს ვენაში პირველად შეასრულეს მესა რეში და მეცხრე სიმფონია. ეს იყო ტრიუმფი, რომელმაც თითქმის აჯანყების ხასიათი მიიღო. როდესაც ბეთჰოვენი გამოჩნდა, მას ხუთმაგი ტაშით შეხვდნენ, ხოლო ამ ეტიკეტის ქვეყანაში ჩვეულება მოითხოვდა, რომ თვით

---

<sup>1</sup> საოჯახო საზრუნავებით, სილატაკითა და ყოველგვარი წვრილმანი საქმეებით ქანცაწყვეტილმა ბეთჰოვენმა ხუთი წლის მანძილზე (1816 — 1821 წლებში) დაწერა მხოლოდ სამი ნაწარმოები ფორტეპიანოსათვის (op. 101, 102, 106). უკვე გამოიფიტაო, ამბობდნენ მისი შტრები. და აი, 1821 წელს ის კვლავ მიუბრუნდა სამუშაოს

<sup>2</sup> 1824 წლის თებერვალი. ხელს აწერენ: პრინცი ს. ლინხოვსკი, გრაფი შორის ლინხოვსკი, გრაფი შორის დე ფრიზი, გრაფი მ. დიტრიხშტეინი, გრაფი ფ. დე პალფი, გრაფი ჩერნი, იგნას ელლერ დე მოზელი, კარლოს ჩერნი, აბატი შტადლერი, ა. ლიაბელი, არტარია, შტაინერი, ა. შტრაიხერი, ზმესკალი, კიზევეტერი და სხვები.

<sup>3</sup> „ჩემი მორალური სახე საქვეყნოდ აღიარებულია“, ამაყად ამბობს ბეთჰოვენს 1819 წლის 1 თებერვალს ვენის მუნციპალიტეტში, სადაც მოითხოვს თავის ძმისწულზე მეურვეობის უფლებას. „ისეთმა გამოჩენილმა მწერლებმა, როგორც ვაისენბახმა, ლირსად ჩამთვალეს ჩემთვის თავისი ნაწერები მოედგნათ“.



საძეფო ოჯახს მხოლოდ სამმაგი ტაშით მისალმებოდნენ. საქირო გახდა პოლიციის ჩარევა, ოვაციისათვის ბოლო რომ მოეღოთ. სიმფონიამ უდიდესი აღტაცება გამოიწვია. ბევრი ტიროდა კიდევ. კონცერტის შემდეგ ბეთჰოვენს მღელვარებისაგან გული შეუღონდა; გონდაკარგული შინდლერთან წაიყვანეს. მთელი ღამე და შემდეგი დღე იქ გაატარა: მთვლემარემ, ტანგაუხდელმა, უქმელმა და უსმელმა. ტრიუმფი ხანმოკლე აღმოჩნდა, არაერთარი პრაქტიკული შედეგი ბეთჰოვენისათვის კონცერტს არ მოუტანია. მისი დუხჭირი ყოფა არაფრით შეცვლილა. ისევ ისეთი ღატაკია, სნეული<sup>1</sup>, ზარტოსული, მაგრამ მან გაიმარჯვა<sup>2</sup>. სძლია ადამიანთა შეზღუდულობას, სძლია საკუთარ სვებედს, სძლია თავის ტანჯვასაც.

„შესწირე, მსხვერპლად მიიტანე ყოველთვის ცხოვრების ყოველდღიური წვრილმანები შენი ხელოვნების საკუთრთხვევლზე! უფალი უწინარეს ყოვლისა!“ („O Gott über alles!“)

\* \* \*

ამრიგად მან მიაღწია მიზანს, რომლისკენაც მთელი თავისი სიცოცხლე მიისწრაფოდა. სიხარულმა შეიპყრო, მაგრამ შესძლებს თუ არა დარჩეს სულის ამ მწვერვალზე, რომელიც ქარიშხლებზე მბრძანებლობს. უთუოდ იყო დღეები როდესაც უბრუნდებოდა თავის ძველ

---

<sup>1</sup> ჩემს ძვირფას პაპასავეთ მეც უეცრად მოკვდებოო. — სწერს იგი 1824 წლის 16 აგვისტოს დოქტორ ბასს

ის მეტად იტანჯვია კუჭის დაავადებით, ძალიან ცუდადაა 1824—1825 წლებში. 1825 წელს სისხლეებიანება და ცხვირიდან სისხლის დენა დაეწყო. 1825 წლის 9 ივნისს თავის ძმისწულს სწერს: „ჩემი სისუსტე ხშირად უეიდურესობამდე მიდის... ცელიანი ვაებატონი უთუოდ არ დააყოვნებს მოსვლას“

<sup>2</sup> „მეცხრე სიმფონია“ ჯერმანიაში ქ. ფრანკფურტში პირველად 1825 წლის 1 აპრილს შეასრულეს. ლონდონში — 1826 წლის 25 მარტს, პარიზის კონსერვატორიაში — 1831 წლის 27 მარტს. ჩვიდმეტი წლის მენდელსონმა „მეცხრე სიმფონია“ 1826 წლის 14 ნოემბერს ბერლინის იეგერჰალეში შეასრულა ფორტეპიანოზე. ლაიფციგელმა სტუდენტმა ვაგნერმა თავისი ხელით მთლიანად გადაწერა სიმფონია და 1830 წლის 6 ოქტომბერს გამომცემელ შოტს შესთავაზა „სიმფონიის შემოკლებული ვარიანტი ფორტეპიანოსათვის“. შეიძლება ითქვას, რომ მეცხრე სიმფონიამ გადაწყვიტა ბეთჰოვენის ცხოვრება.

წუხილს. უდავოა, რომ მისი უკანასკნელი კვარტეტები წყვილიადად არის მოცული. თუმცა ჩანს, რომ მეცხრე სიმფონიის გამარჯვებამ ბრწყინვალე კვალი დატოვა. მისი მომავლის გეგმები<sup>1</sup>: მეათე სიმფონია<sup>2</sup>, ბახის ხსოვნისადმი მიძღვნილი უვერტიჟურა, მუსიკა გრილპარცერის „მელუზინისათვის“<sup>3</sup>, კორნერის „ოდისეისათვის“ და გოეთეს „ფაუსტისათვის“<sup>4</sup>, ბიბლიური ორატორია „საულსა და დავითზე“ მოწმობენ, რომ მის გონებას ძველი, დიდი გერმანელი ოსტატების,

1 „ახლონი და მუზები სასიკედილოდ არ გამწირავენ, რადგან ჯერ კიდევ მათი დიდი ვალი მდევს. ელისეის მიზღვრებისაყენ (უცოდველ სულთა საძყოფელი — ბერძნ მითოლ მთარგ.) გამგზავრებამდე უნდა დავეტოო ყოველივე ის, რაც გონებად შთაშავონა და მიბრძანებს დავამთავრო. ასე გვონია, სულ რამდენიმე ნოტი დამიწერია“ (ძმებს შოტებს, 17 სექტემბერი, 1824 წ. ნოლი, LXXII, „ახალი წერილები“).

2 1827 წლის 18 მარტს ბეთოვენნი მოშელეს სწერს: „ერთი სიმფონიის მთლიანი მონახაზი ახალი უვერტიჟურით უკვე მზადა მაქვს“. ეს მონახაზი არავის უპოია, მხოლოდ მის ჩანაწერბში ვკითხულობთ: „ადაჯიო—რელიგიური ჰიმნი—საეკლესიო გალობა ძველებურ ყაიდაზე: „დიდება უფალს, ალილუია“ („Herr Gott, dich loben wir, Halleluja“). ან სრულებით დამოუკიდებლად, ან როგორც ფუგას შესავალი. ამ სიმფონიისათვის შეიძლება დამახასიათებელი იქნეს ხმების შესვლა ან ფინალში ან ადაჯიოდანვე ორკესტრის ვიოლინოების ხმა გაათყვედება უკანასკნელ მომენტში. ხმები შეყვანილ იქნება თითო-თითოდ. ანდა ადაჯიოს ზოგიერთი მოტივი უკანასკნელ ტაქტებში განმეორდება. ადაჯიოს ტექსტისათვის გამოყენებულ იქნება ბერძნული მითი ან საეკლესიო გალობა, ალევროში — ბახუსის ზეიმო“ (1818 წ.).

როგორც ვხედავთ, გუნდის დასკვნითი გამოსვლა შემონახული იყო „მეათე“ და აბა „მეცხრე სიმფონიისათვის“

უფრო მოგვიანებით ის ამბობს, რომ თავის „მეათე სიმფონიაში“ სურს განახორციელოს თანამედროვე სამყაროს ანტიკურ სამყაროსთან შერიგება, რასაც შეეცადა გოეთე თავის „შეორე ფაუსტში“.

3 სიუჟეტი წარმოადგენს ლეგენდა ფერიაზე შევეარებულ და ამავე ფერის მიერ დატყვევებულ რაინდზე, რომელიც თავისუფლებაზე წუხილით იტანჯება. არის მსგავსება ამ პოემასა და „ტანჰაიზერს“ შორის. ბეთოვენმა ამაზე 1823—1826 წლებამდე იმუშავა (იხ ა. ერჰარდის „ფრანც გრილპარცერი“, 1900 წ.).

4 ჯერ კიდევ 1808 წლიდან ბეთოვენს განზრახული ჰქონდა დაეწერა მუსიკა „ფაუსტზე“. პირველი ნაწილი გამოვიდა 1807 წლის შემოდგომაზე სათაურით „ტრაგედია“. ეს იყო ყველაზე ძვირფასი განზრახვა.

ბახისა და ჰენდელის, ძლიერი სიცხადე იზიდავს, უფრო მეტად კი სამხრეთის სინათლე, სამხრეთ საფრანგეთი, ან კადვე იტალია, რომლის ნახვას ასე ოცნებობდა<sup>1</sup>.

დოქტორ შპილერი, რომელმაც 1826 წელს ნახა ბეთჰოვენი, გადმოგვცემს, ხალისიანად და მხიარულად გამოიყურებოდაო. იმავე წელს, როდესაც გრილპარცერი უკანასკნელად ესაუბრებოდა მას, სწორედ ბეთჰოვენი ამხნევებდა სასოწარკვეთილ პოეტს: ეჰ! ნეტა თქვენი ძალ-ღონისა და სიმტკიცის მეთათსედი მაინც მქონდესო, ამბობს სასოწარკვეთილი მგოსანი. მძიმე დროა; მონარქიული რეაქცია დევნის შოაზროვნეთ. „ცენზურამ გამანადგურა, — წუხდა გრილპარცერი, — ჩრდილოეთ ამერიკაში უნდა გაიხიზნო კაცი, თუ გსურს თავისუფლად იფიქრო, თავისუფლად ილაპარაკო“. მაგრამ არავითარ ძალაუფლებას არ შეეძლო ბორკილი დაედო ბეთჰოვენის აზრისათვის. „სიტყვებს ბოქავენ, მაგრამ, საბედნიეროდ, ხმები ჯერ კიდევ თავისუფალია“, — წერს მას პოეტი კუფნერი. ბეთჰოვენი არის გერმანული აზრის დიდი და თავისუფალი ხმა და შეიძლება იმ დროისათვის ერთადერთი. ამას თვითონვე გრძნობდა ბეთჰოვენი. ხშირად ამბობდა, რომ მას ევალება იშპქმელს თავისი ხელოვნების საშუალებით „საბრალო კაცობრიობისათვის“, „მომავლის კაცობრიობისათვის“ („der künftigen Menschheit“), ისაქმოს მისი კეთილდღეობისათვის, დაუბრუნოს მას მხნეობა, გამოაღვიძოს იგი, გაამათრახოს მისი სილაჩრე. „ჩვენს დროებას, — წერდა ის თავის ძმისწულს, — ესაჭიროება სულმაღალი და ძლიერი გონების ადამიანი ამ საბრალო, უნამუსო და სულმდაბალი კაცუნების გასამათრახებლად“. 1827 წელს დოქტორმა მიულერმა თქვა: „ბეთჰოვენი მუდამ თავისუფლად გამოთქვამდა თავის აზრს მთავრობაზე, პოლიციაზე, არისტოკრატიაზე“. პოლიციამ ეს იცოდა, მაგრამ თვალს ხუჭავდა, მის კრიტიკას და სატირას მოხუცი მეოცნების უწყყინარ

---

<sup>1</sup> „სამხრეთ საფრანგეთი! იქით! იქით!“ (Südliches Frankreich! dahin! dahin!) (ბერლინის ბიბლიოთეკის წიგნაკი). „უნდა წახვიდე აქედან. ამ ერთადერთი პირობით შეგეძლება კვლავ აფრინდე შენი ხელოვნების მაღალ სფეროში... კიდევ ერთი სიმფონია და მერე უნდა წახვიდე... ზაფხული მუშაობა-მოგზაურობისათვის... რომელიმე სხვა ხელოვანთან ერთად უნდა შემოიარო იტალია და სიცილია“.

გართობად თვლიდა და არ აწუხებდა ადამიანს, ვისი გენიაც საოცარა სიძლიერით ბრწყინავდა<sup>1</sup>.

ასე რომ, ვერაფერმა მოდრიკა ეს დაუმორჩილებელი ძალა, რომელიც ტანჯვას თითქოსდა არარად აგდებს. ამ წლებში დაწერილ მუსიკას, მიუხედავად იმ უმძიმესი გარემოებისა<sup>2</sup>, რომელშიაც ის დაიწერა, ხშირად ახალი, ირონიული, ქედმაღლურად დამცინავი და მხიარული განწყობილება ახასიათებს.

სიკვდილამდე ოთხი თვით ადრე, 1826 წლის ნოემბერში მან დაამთავრა მეტად მხიარული ახალი ფინალი კვარტეტ op. 130-სათვის. მართალი რომ ვთქვათ, ეს მხიარულება არ არის ჩვეულებრივი მხიარულება. ზოგჯერ ეს მძაფრი და ხამუშ-ხამუში სიცილია, როგორც შოშელესი იგონებს, ზოგჯერ კი ამაღლელებელი ღიმილი, რომელშიც ამდენი დამარცხებული ტანჯვაა ჩაქსოვილი. მერედა რა, ბეთჰოვენი გამარჯვებულია. მას არ სჯერა სიკვდილისა. თუმცა სიკვდილი უახლოვდება. 1826 წლის ნოემბრის ბოლოს ის გაცივდა — პლევრიტით დაავადდა. ვენაში ძმისწულის მომავლის მოსაგვარებლად იყო ჩასული და რომ დაბრუნდა, ლოგინად ჩაეარდა<sup>3</sup>. მეგობრები შორს იყვნენ მისგან. ძმისწულს დაავალა ექიმის მოყვანა. სალახანას დავალება დააეი-

---

<sup>1</sup> 1819 წელს ბეთჰოვენი კინალამ პოლიციის დევნის საგანი არ გახდა და ეს იმიტომ, რომ საჯაროდ თქვა: ბოლოს და ბოლოს, ქრისტე მხოლოდ ჯვარცმული ებრაელი იყო. მაშინ დაწერა მან „მესა რეში“. ეს საკმაოდ ნათლად შეტუელებს მის რელიგიურ შთაგონებათა თავისუფლებაზე (თეოდორ ფრიმელი, „ბეთჰოვენი“, გამომცემლობა პარმონია; „ბეთჰოვენიანა“ — გეორგ მიულერის გამოცმ. თავი II). არანაკლებ თავისუფლად მოაზროვნე იყო პოლიტიკაშიც, გაბედულად ესწმოდა თავს თავისი მთავრობის მანკიერებას. სხვათა შორის, უსაყვედურებდა მართლმსაჯულების ცუდ ორგანიზაციას, მართლმსაჯულებისა, რომელიც უსამართლო იყო, თვითნებური, მონურად მორჩილი, გაუთავებელი პროცედურებით შებოქილი, უსაყვედურებდა პოლიციის მიერ მოქალაქეების თვითნებურ შევიწროებას, უწესო და უქნარა ბიუროკრატის, რომელიც კლავდა პირად ინიციატივას და ახშობდა მოქმედებას; უსაყვედურებდა გადაგვარებული არისტოკრატის პრივილეგიებს, რომელიც ასე ხარბად იტაცებდა მაღალ სახელმწიფო თანამდებობებს. მისი იმდროინდელი პოლიტიკური სიმპათიები ინგლისის მხარეზეა.

<sup>2</sup> ძმისწულის თვითმკვლელობის ცდა

<sup>3</sup> ბეთჰოვენის უკანასკნელ ავადმყოფობაზე და გარდაცვალებაზე იხილეთ დოქტორ კლოც-ფორეს სტატია 1906 წლის 1 და 15 აპრილის ეურნალ „კრონიკ მედი-

წყდა და ორი დღის შემდეგლა მოაგონდა. ექიმმა დააგვიანა და თან ცუდადაც უმკურნალა. სამი თვე ებრძოდა სენს მისი გოლიათური ორგანიზმი. 1827 წლის 3 იანვარს ანდერძი შეადგინა და ძმისწული ერთადერთ შემკვიდრედ დასახელა. რაინელი მეგობრებიც მოიგონა და ვეგლერს მისწერა: „როგორ მინდა შენთან საუბარი, მაგრამ მეტად დასუსტებული ვაო, ისლა შემიძლია, რომ ჩაგიკრათ გულში შენ და შენი ღორხენი“. რამდენიმე იხგლისელი მეგობრის გულუხვი დახმარება რომ არა, გაჭირვება უთუოდ გაამწარებდა მის უკანასკნელ წუთებს. მეტად უწყინარი და სათნო გახდა<sup>1</sup>. სასიკვდილო სარეცელს

---

კალძი“. საკმაოდ ზუსტი ცნობები ამ საკითხზე მოიპოვება „სასაუბრო რვეულებში“. სადაც ჩაწერილია ექიმის კითხვები და აგრეთვე თვით ექიმის. დოქტორ ვაე-რუხის ნაამბობი: „ექიმის მოგონება ლ. ვ. ბეთოვენის უკანასკნელ დღე-ღამე“.

ავადმყოფობა ორ ფაზად მიმდინარეობს: 1. ფილტვების დაავადების მოვლენები, რომლებიც თითქოს ექის დღის შემდეგ შეწყდა; „მეშვიდე დღეს ბეთოვენმა თავი იმდენად კარგად იგრძნო, რომ შეძლო წამომდგარიყო, ეარა, ეკითხა და ეწერა“. 2. კუჭის მოშლილობა. რომელსაც დაერთო სისხლის მიმოქცევის გართულება. „მერვე დღეს გაფითრებული დამხვდა, სხეული სულ მთლად გაყვითლებოდა. გულის რევით გართულებულმა კუჭის მოშლილობის ძლიერმა შეტევამ ღამის იმავე დამეს ო იმსხვერპლა“. მაშინ დაეწყო წყალმანკის განვითარება.

ჯანმრთელობის გაუარესება გამოწვეული იყო მორალური ხასიათის მიზეზებით, რომლებიც ზუსტად არ არის დადგენილი. „გაშმაგებულმა გულისწყრომამ, უმადურებით გამოწვეულმა ღრმა ტანჯვამ და დაუმსახურებელმა შეურაცხყოფამ გამოიწვია ავადმყოფის ასეთი აფეთქება, — ამბობს დოქტორი ვაერუხი, — ის კანკალებდა, ცახცახებდა, ტყვილისაგან წელში მოიხარა, ტყვილისაგან, რომელიც შიგნულ-ლობას უღრღნიდა“.

უკვლა ამ დაკვირვების შემდეგ დოქტორი კლოც-ფორე შემდეგ დიაგნოზს სვამს: ფილტვების მწვავე ანთება, ლენეის ატროფული ციროზი (ღვიძლის დაავადება) და მუცლის აკის წყალმანკი, ქვედა კიდურების შეშუპება. კლოც-ფორე ფიქრობს, რომ ყოველივე ამას ხელი შეუწყო სპირტიანი სასმელების უზომო მიღებამ. ეს დოქტორ მალფატის აზრიც იყო: იქდა და სეამდა (Sedebat et bibebat).

1 მომღერალი ლუდვიგ კრამლინი თავის მოგონებებში მოგვითხრობს ამაღელვებელ ვიზიტზე ბეთოვენთან მისი უკანასკნელი ავადმყოფობის დროს. „ბეთოვენმა მშვიდი და ამაღელვებელი სათნოებით იყო აღსაყეს“ (იხილეთ „ფრანკფურტერ ზეიტინგი“, 1907 წლის 29 სექტემბერი).

მიკრული, სამი ოპერაციის შემდეგ და მეოთხის მოლოდინში<sup>1</sup>, 1827 წლის 17 თებერვალს მშვიდად წყოს: „მოთმინებით ვიჭურვები და ვფიქრობ, რომ ყოველ უბედურებას თან რაღაც სიკეთე მოაქვს“.

ეს სიკეთე ხსნა იყო, „კომედიის დასასრული“, როგორც თვითონვე თქვა სიკვდილის წინ. ჩვენ კი ვიტყვი: „ეს იყო მისი ცხოვრების ტრაგედიის დასასრული“.

ის რომ კვდებოდა, ქარიშხალი მძვინვარებდა, ქარბუქი იდგა, ქექ-და და ქუხდა. თვალები უცხო ადამიანის ხელებმა დაუხუჭა<sup>2</sup> (1827 წლის 26 მარტს).

\* \* \*

ძვირფასი ბეთჰოვენი! ბევრმა შეასხა ქება-დიდება ამ ხელოვანის სიღიადეს. მაგრამ ის უფრო დიდია, ვიდრე უპირველესი მუსიკოსთა შორის. ის თანამედროვე ხელოვნების ყველაზე გმირული ძალაა. ის არის იმათი ყველაზე დიდი და ყველაზე საუკეთესო მეგობარი, ვინც იტანჯება და იბრძვის. და როდესაც ჩვენი სამყაროს ტანჯვა-ვაებით ვართ დამწუხრებულნი, ეს ბეთჰოვენია, ჩვენთან რომ მოდის, ისევე, როგორც შეილზე მგლოვიარე დედასთან მივიდოდა, ფორტეპიანოს მიუჯდებოდა და უსიტყვოდ, ბედის მორჩილი სიმღერით ანუგეშებდა მტირალს. და როდესაც მანკიერებათა და წვრილმან სათნოებათა წინააღმდეგ ამოა ბრძოლით ვიღლებით, კალმით აუწერელი ბედნიერებაა, ჩაეშვა ამ ნებისყოფის და რწმენის ოკეანეში, საიდანაც გადამდე-

<sup>1</sup> ოპერაციები გაუეთეს 20 დეკემბერს, 8 იანვარს, 2 თებერვალს და 27 თებერვალს. მომავლადვის სარეცელზე საბრალო ადამიანს ბალინოები მისეოდნენ (გერპარდ ფონ ბრონიგის წერილი)

<sup>2</sup> ახალგაზრდა მუსიკოსი ანსელმ ჰიუტენბრენერი.

„დიდება უფალს — წერს ბრონიგი, — მაღლობა შეეწიროთ მას, რომ ბოლო მოუღო ამ ხანგრძლივ და საშინელ წამებას“.

ბეთჰოვენის ყველა ხელნაწერი, წიგნი და ავეჯი საჭარო ვაჭრობით 1575 ფლორინად გაიყიდა. კატალოგი 252 ხელნაწერს და მუსიკალურ წიგნს შეიცავდა და 982 ფლორინად და 37 კრეიერად შეფასდა. „სასაუბრო რვეულები“ და დღიურები 1 ფლორინად და 20 კრეიერად გაიყიდა. წიგნებს შორის ბეთჰოვენს ჰქონდა: კანტის „ბუნებისმეტყველება და ზეცის თეორია“, ბოდეს „ვარსკვლავიანი ცის შემცენების შესავალი“, თომა კემპილის „ქრისტეს მემკვიდრეობითობა“. ცენზურამ დაისაკუთრა: ზემეს „სირაკუზში გასეირნება“, კოცებუს „თავდაზნაურობის შესახებ“ და ფესლერის „შეხედულებანი რელიგიისა და ეკლესიურობაზე“.

ბი სენივით მოედინება მხნეობა, ბრძოლით გამოწვეული ბედნიერება<sup>1</sup> და ალტაცება იმის შეგნების გამო, რომ ჩვენთან არს უფალი. ასე გგონიათ, ბუნებასთან ყოველწუთიერი ურთიერთობისას შეითვისა ბუნების უშრეტი ძალ-ღონე<sup>2</sup>. გრილპარცერი, რომელიც მოკრძალებული შიშით აღმერთებდა ბეთჰოვენს, ამბობს: „მან მიაღწია იმ საშიშ წერტილს, სადაც ხელოვნება ველურ და ქირვეულ სტიქიას უერთდება“. ამასვე წერს შემანი სიმფონია დო მინორზე: „რამდენჯერაც არ უნდა მოვუსმინოთ მას, ის ჩვენზე უცვლელ და ძლიერ გავლენას ახდენს, ისეთს, როგორსაც ბუნების ის მოვლენები, რომლებიც რარიგ ხშირად არ უნდა განმეორდნენ, მაინც შიშის ზარსა გვცემენ და გვანცვიფრებენ“. და აი რას ამბობს მისი მესაიდუმლე შინდლერი: „მან დაიპყრო ბუნების სული“. დიახ, ეს მართალია: ბეთჰოვენი თვით ბუნების ძალაა. ჭეშმარიტად დიდებული სანახაობაა ამ სტიქიური ძალების ბრძოლა მთელ დანარჩენ ბუნებასთან.

მთელი მისი ცხოვრება ქარიშხლიან დღეს წააგავს. ჯერ ნორჩი და ხათელი დილაა. ოდნავ შეიგრძნობა სასიამო მოთენთილობა. მაგრამ უძრავ ჰაერში უკვე რაღაც იღუმალი მუქარა, მძიმე წინათგრძნობაა. უეცრად უზარმაზარი ჩრდილები ჩამოწვება, გაისმის ტრაგიკული გოგვიწვა, ზუზუნი და საშიშარ სიჩუმეში „გმირული სიმფონიისა“ და „დო მინორის“ შმაგი ქარიშხალი ამოვარდება. თუმცა დღის ნათელი ჯერ არ გამქრალა, სიხარული რჩება სიხარულად და მწუხარება ძაინც ინარჩუნებს იმედს. მაგრამ 1800 წლის შემდეგ სულიერი წონასწორობა ირღვევა. საოცარი სინათლე ეფინება გარემოს. ყველა ნათელი აზრი ორთქლივით ზევით მიემართება, იფანტება, კვლავ თავს იყრის და თავისი მელანქოლიური და ქირვეული მღელვარებით გულს აღონებს. ხშირად მუსიკალური იდეა თითქოს მთლიანად გაუჩინარდება, ნისლში ერთი-ორჯერ ამოტივტივდება, მყისვე გაქრება და მხოლოდ ნაწყვეტის ფინალში ქარტეხილად ამოვარდება. მხიარულებაც გაშმაგდება და

<sup>1</sup> „ყოველთვის, როდესაც რაიმე სიძნელეს გადავლახავ, ბედნიერი ვარ“ (წერილი უკვდავი სატრფოსადმი). „რომ შეიძლებოდეს, ვისურვებდი, ჩემი ცხოვრება ათასჯერ მეცხოვრა... მე არა ვარ მშვიდი ცხოვრებისათვის გაჩენილი“ (ა. ვეგლერს, 16 ნოემბერი, 1801 წ.).

<sup>2</sup> ბეთჰოვენმა მასწავლა ბუნების მეცნიერება და მიხელმძღვანელა მის შესწავლაში, ისევე როგორც მუსიკის შესწავლაში. ის ბუნების კანონებს ჯი არა, ბუნების თავდაპირველ ძლიერებას მოჰყავდა ალტაცებაში (შინდლერი).

გესლად დაიდგრება. ყველა გრძნობას რალაცნაირი ციებ-ციხე-  
ლება, საწამლავი უერთდება<sup>1</sup>. ახლოვდება საღამო ჟამი, ემზადება  
ქექა-ქუხილი. და აი, ღამესავით გაშავებული, ქარიშხლებით დამძი-  
მებული, ელვით დასერილი მძიმე ღრუბლები ჩამოწვება — ეს მეცხრე  
სიმფონიის დასაწყისია. უეცრად, როცა გრიგალი ყველაზე უფრო  
მეტად მძვინვარებს, წყვდიადი ქრება, ზეციდან ღამე განიდევნა  
და მისი ნების წყალობით დღის ნათელი გვიბრუნდება.

აბა, რომელი დამპყრობლის გამარჯვება შეედრება ამას? ბონა-  
პარტის რომელ ბრძოლას, ან აუსტერლიცის რომელ მზეს შეუძლია  
მისწვდეს ძალ-ღონის ამ ზეადამიანური დაძაბვის დიდებას, რომელ  
ბრწყინვალე გამარჯვებას, რომლისათვისაც ოდესმე მიუღწევია გონე-  
ბას. უბედური, ლატაკი, ხეიბარი, ეული, ხორცშესხმული წამება, ვი-  
საც ქვეყანა უკრძალავს სიხარულს, თვითონვე ქმნის სიხარულს, რათა  
ის კაცობრიობას უბოძოს. ამ სიხარულს საკუთარი ტანჯვისაგან კვე-  
რავს, როგორც ამ სიამაყით აღსავსე სიტყვაში გამოთქვა, სადაც მოკ-  
ლედანა შეჯამებული მთელი მისი ცხოვრება და რაც ყველა გმირი  
სულის ღვეიზს წარმოადგენს:

ტანჯვის გავლით სიხარულისაკენ

Durch Leiden Freude 24

---

<sup>1</sup> „ოჰ! რაოდენ მშვენიერია ცხოვრება, მე კი სამუდამამოდ მოშხამული ბედი  
მერგო“ (vergiftet). (2 მაისი. 1810 წ. წერილი ვეგლერს).

<sup>2</sup> კონტესა ერლოდის. 19 ოქტომბერი, 1815 წ.



## ჰაილიგენშტატის<sup>1</sup> ანდერძი

ჩემს ძვირს, კარლოსსა და (იოჰან)<sup>2</sup> ბუტოვს:ინებს

ჰოი თქვენ, ადამიანხო, რომლებმაც ხმა დამიყარეთ და თვითონაც ისე მიყურებთ, როგორც გაბოროტებულს, გიყს ან კაცთმოძულეს, რამდენად უსამართლონი ხართ ჩემს მიმართ! თქვენ არ იცით იმის იღუპალი მიზეზი, რის გამოც ასე გეჩვენებით! ბავშვობიდანვე გულითა და სულით მივილტვოდი სიკეთისაკენ. მწადლა დიდი საქმეების განხორციელება. მაგრამ აბა წარმოიდგინეთ, ექვსი წელია მძიმე ავადმყოფი ვარ, უვიცი ექიმები ამ სენს კიდევ უფრო მირთულებენ, წლობით მატყუებენ, მორჩებიო და იძულებული ვარ, შეეკურიგდე აზრს, რომ ჩემი ავადმყოფობა ხანგრძლივი იქნება, მისი განკურნება შეუძლება წლებს შოითხოვდეს, ან იქნებ სულაც განუკურნებელია. ბუნებით მგზნებარესა და გამრჩეს საზოგადოებაში გართობაც მიყვარდა. მაგრამ ახალგაზრდობიდანვე იძულებული გახვდი ადამიანებს გაცლოდი და განმარტოებული ცხოვრება დამეწყო. როცა რამდენიმეჯერ ვცადე ყოველივე ეს დამეძლია, ო, რომ იცოდეთ, რა უმოწყალოდ მომაგონა თავი ჩემმა ხეიბრობამ. მე ხომ ვერ ვეტყვოდი ადამიანებს: „ხმამალლა ილაპარაკეთ, იყვირეთ, რადგან მე ყრუ ვარ!“ ეჰ! როგორ შემეძლო გამემტლავნებინა, რომ დაუძლურებული მქონდა გრძახობის ერთ-ერთი ორგანო, რომელიც მე ყველაზე სრულყოფილი უნდა მქონოდა, აკი ადრე სმენა სრულიად უნაკლო მქონდა, ისეთი, როგორიც უთუოდ ცოტა ვინმეს თუ ჰქონია ჩემი პროფესიის პირთა-

<sup>1</sup> ჰაილიგენშტატი — ვენის გარეუბანია. ერთხანს აქ ცხოვრობდა ბეთჰოვენი.

<sup>2</sup> ხელნაწერი ეს სახელი გამორჩენილია.

გან! ოჰ! არა! ეს არ შემეძლო! მაშ, მაპატიეთ, თუ განდგომილად ვცხოვრობ, თუმცა გულით მსურს თქვენთან ყოფნა. ჩემი უზედურება ორმაგად მიმიძიმს, რადგან ამის გამო აღიარება ვერ მოვიპოვე: ჩემთვის აკრძალულია საზოგადოებაში თავის შექცევა, თავაზიანი საუბრები, გულის გადაშლა. მარტო ვარ, მარტოდმარტო. საზოგადოებაში მხოლოდ მაშინ შემიძლია შევბედო, თუ ამას უკიდურესი საჭიროება მოითხოვს. დევნილივით უხდა ვიცხოვრო. თუ ხალხს მივუახლოვდი, შიშის ზარი მეცემა, არ შენიშნონ-მეთქი ჩემი ხეობრობა.

ამის გამო გვატარე ექვსი თვე სოფლად. ჩემმა სწავლულმა ექიმმა ძითხრა, რაც შეიძლება, სმენას გაუფრთხილდით, მან ჩემს საკუთარ განზრახვას დაასწრო. თუმცა, საზოგადოებაში ყოფნის სურვილით შეპყრობილი, რამდენჯერმე ამ გრძნობას აყუყუე, მაგრამ როგორი დამცირება განვიცადე, როდესაც ჩემს გვერდით მყოფს შორიდან ფლეიტის ხმა ესმოდა, მე კი არაფერი მესმოდა, ანდა გაიგონა მწყემსის სიმღერა, მე კი ისევ ვერაფერი გავიგე<sup>1</sup>. ასეთმა ცდამ ბევრჯერ სასოწარკვეთილებამდე მიმიყვანა: ცოტა დამაკლდა, თავი არ მოვიკალი. ხელოვნებამ, მხოლოდ და მხოლოდ ხელოვნებამ შემაჩერა. ვიფიქრე: შეუძლებელია ამ ქვეყანას გამოვეთხოვო მანამ, სანამ არ განვახორციელებ ყოველივე იმას, რისთვისაც ვგრძნობ, რომ მოწოდებული ვარ. და ასე გავახანგრძლივე ჩემი ბედშავი ცხოვრება. — ნამდვილად ბედშავი. — რადგან ისეთი მგრძნობიარე სხეული მაქვს, რომ რაც უნდა კარგად ვიყო, სულ უბრალო ცვლილებას შეუძლია უარეს ყოფაში ჩამაგდოს. მოთმინებაო! ასე ამბობენ, რომ ახლა ეს

---

<sup>1</sup> ამ მწუხარე ჩივილის გამო მინდა ერთი გარემოება აღვნიშნო. გარემოება, რომელიც, ვფიქრობ, არასოდეს შეუძნევიათ. ცნობილია, რომ „პასტორალური სიმფონიის“ მეორე ნაწყვეტის ბოლოს ორკესტრში გაისმის მწყერის, გუგულისა და ბულბულის გალობა. სხვათა შორის. შეიძლება ითქვას, რომ მთელი სიმფონია ბუნების გალობასა და ჩურჩულს შეიცავს. ესთეტიკოსებმა ბევრი იმსჯელეს იმაზე, მოსაწონს იყო თუ არა მიმბაძველობითი მუსიკის ეს ცდები. არც ერთს არ შეუშინევი, რომ ბუჰოვენის არაფერს ბაძავდა, რადგან არაფერი ესმოდა: ის თავის აზროვნებაში აცოცხლებდა სამყაროს, რომელიც მისთვის მკვდარი იყო. და სწორედ ამიტომაცაა ამდელეველი ჩიტების გალობა. ერთადერთი საშუალება მათი მოსმენისა, რომელიც მას დარჩა, იყო მათი ამღერება თავის შინაგან გემში.

უნდა ავიყვანო მეგზურად. ავიყვანე კიდეც. იმედი მაქვს, ნებისყოფა შეყოფა მანამ, სანამ შეუბრალებელი პარკები ჩემი ცხოვრების ძაფს არ გასწყვეტენ. შეიძლება უკეთ გავხდე, შეიძლება — არა: მე მზად ვარ. არც ისე ადვილია, ოცდარვა წლისა ფილოსოფოსი გავხდე, ეს კიდეც უფრო მძიმეა ხელოვანისათვის, ვიდრე სხვა ვინმესათვის.

ღვთაებაც, შენ აღწევ ჩემი გულის სიღრმეში, შენ მას იცნობ, იცი, რომ ადამიანთა სიყვარული და კეთილის კეთების სურვილი ბინადრობს ჩემს სულში. ჰოი, ადამიანებო, თუ ოდესმე ამას წაიკითხავთ, წარმოიდგინეთ, თუ რაოდენ უსამართლონი იყავით ჩემს მიმართ—და დაე, ბედშავმა მასავით ბედშავის ნახვით ინუგეშოს თავი, ბედშავისა, რომელმაც, მიუხედავად ბუნების მიერ აღმართული მძაფრი წინააღმდეგობისა, ყველაფერი გააკეთა, რაც შეეძლო, რათა ხელოვანთა და რჩეულ ადამიანთა შორის მიეღოთ.

თქვენ, ჩემო ძმებო, კარლოს და (იოჰან), ჩემი სიკვდილისთანავე, თუ პროფესორი შმიდტი ისევ ცოცხალი იქნება, ჩემი სახელით სთხოვეთ, ჩემი ავადმყოფობა აღწეროს. ავადმყოფობის ისტორიას დაუმატეთ აი, ეს წერილიც, რომელიც აქვეა, რათა ხალხი სიკვდილის შემდეგ მაინც შემირიგდეს. ამავე დროს თქვენ ორივეს გაღიარებთ ჩემი პატარა ქონების მემკვიდრეებად, თუ შეიძლება ამას ქონება ეწოდოს. კეთილსინდისიერად გაინაწილეთ, შეხმატებილებულად იცხოვრეთ. რაც მე ცუდი გამიკეთეთ, თქვენც იცით, დიდი ხანია, გაპატიეთ. ძმაო კარლოს, განსაკუთრებით შენი მადლიერი ვარ იმ ერთგულებისათვის, რომელიც ამ უკანასკნელ დროს გამოიჩინე. ჩემი სურვილია, რომ თქვენი ცხოვრება უფრო ბედნიერი და უდარდელი იყოს, ვიდრე ჩემი. თქვენს ბავშვებს შთაუწერგეთ სათნოება: მხოლოდ მას შეუძლია ბედნიერების მოტანა. მარტო ფულით ვერაფერს ვერ ეწევი. ამას გამოცდილებით ვამბობ. ჩემს უბედურ ყოფაში მე მხოლოდ სათნოება მამხნეებდა. სათნოებას, ისევე როგორც ჩემს ხელოვნებას, უნდა ვუმადლოდე, რომ ცხოვრება თვითმკვლელობით არ დავამთავრე. შშიდობით! გიყვარდეთ ერთმანეთი! ყველა ჩემი მეგობრის მადლობელი ვარ, განსაკუთრებით პრინც ლიხნოვსკისა და პროფესორ შმიდტის. მე მსურს, რომ პრინც ლიხნოვსკის ინსტრუმენტები რომელიმე თქვენგანმა შეინახოს. ოღონდ არავითარი უთანხმოება არ ატყდეს თქვენს შორის ამ ინსტრუმენტების გამო, თუ კარგი საქმისათვის

დაგვირდეთ, მყისვე გაყიდეთ. ბედნიერი ვიქნები, თუ საფლავიდანაც რამეში გამოგადგებით.

ამის რწმენა რომ მქონდეს, სიხარულით გაეფრინდებოდი სიკვდილისაკენ, თუკი ის კარზე მომადგა მანამ, სანამ შევეძლებდე ჩემი უნარის გაშლას. მიუხედავად ჩემი უმოწყალო სვე-ბედისა, მის მოსვლას მაინც არ ვიჩქარებდი და ვისურვებდი დაეგვიანა. მაგრამ ასეც კმაყოფილი ვარ, განა სიკვდილი ამ გაუთავებელი ტანჯვა-წამებისაგან განთავისუფლება არ არის? მობრძანდი, როდესაც გენებოს, მხნედ შეგეგებები. მშვიდობით! სულ ნუ დამივიწყებთ სიკვდილის შემდეგ: მე დავიმსახურე, რომ ჩემზე იფიქროთ, რადგან სიცოცხლეში მე ხშირად ძიფიქრია თქვენზე და თქვენს ბედნიერებაზე. იყავით ბედნიერი.

ლუდვიგ ვან ბეოქოვენი

ჰაილიგენშტატი. 6 ოქტომბერი, 1802 წელი.

ჩემი ძვირფასი კარლოსა და (იოჰანს)

ჩემი სიკვდილის უმჯობესი წასაპირობად და აღსრულებაში მოსამზადად

ჰაილიგენშტატი, 10 ოქტომბერი, 1802 წ. გემშვიდობები და, ცხადია, დიდი გულის წუხილით. დიახ, განკურნების ტკბილი იმედი, რომელიც ხაწილობრივ მაინც მქონდა, მტოვებს. როგორც შემოდგომის ფოთლები ცვივა და ქცნება, ისევე დაქცნა ჩემთვის იმედი. ეს-ეს არის, მოვედი ამქვეყნად და უკვე მივდივარ. დიდი მხნეობა, გაზაფხულის ხათელ დღეებში ხშირად რომ მხარში მედგა, გაუჩინარდა. ჰეი განგებავ, ერთხელ მაინც გამითენე სიხარულის ნათელი დღე! რამდენი ხანია, რაც ჩემთვის უცხოა ჭეშმარიტი სიხარულის საამო ჟღერა. ოჰ! როდის! როდისღა შევძლებ, ჩემო ღვთაებავ, ვიგრძნო სიხარული ბუნებისა და ადამიანთა ტაძარში? ნუთუ არასოდეს? არა! ოჰ! ეს მეტისმეტი გულქვაობა იქნებოდა!

ჩემო ძვირფასო და კეთილო ამანდა! ჩემო გულითადო მეგობარო! დიდის მღელვარებით, წუხილისა და სიხარულის ნარევი გრძნობით მივიღე და წავიკითხე შენი უქანასკნელი წერილი. აბა, რას შემიძლია შევედარო შენი ერთგულება, შენი თავდადება! დიახ, მართლაც საამაობა, რომ შენ სამუდამოდ ასეთ მეგობრად დამრჩი. შენი ერთგულება გამოვცადე და ვიცი განსხვავება შენსა და ყველა სხვას შორის. შენ არა ხარ ვენელი მეგობარი, არა, შენ ერთი იმათგანი ხარ, ვისაც მხოლოდ ჩემი სამშობლოს მიწა-წყალი წარმოშობს! რომ იცოდე, რა ხშირად ვნატრობ, რომ ჩემს გვერდით იყო. რადგან შენი ბეთჰოვენი მეტიწმეტად უბედურია. იცოდე, ჩემი ყველაზე კეთილშობილი ნაწილი, ჩემი სმენა ძალიან დასუსტდა. ამის ნიშნებს ჯერ კიდევ მაშინ ვგრძნობდი, როდესაც ერთად ვიყავით, მაგრამ ვმალავდი: მას შემდეგ სმენა კიდევ უფრო გამიუარესდა. მოვრჩები თუ არა, ამას მომავალი გვიჩვენებს, მიზეზი უთუოდ ჩემი კუქის დაავადებაა. ამისაგან მე თითქმის განვიკურნე, მაგრამ სმენა კი მოპირჩება? რა თქმა უნდა, იმედი მაქვს, მაგრამ ძალიან მიძიმს. რადგან ასეთი სენი ყველაზე განუკურნებელია. როგორ მწუხარებაში უნდა ვიცხოვრო, განვერიდო ყოველივეს, რაც ჩემთვის ძვირფასია, უნდა ვიყო ამ საზიზღარ თავკერძა ადამიანთა შორის!.. შემიძლია ვთქვა, რომ აქაურთაგან ყველაზე ნაცადი მეგობარი ჩემთვის ლიხნოვსკია. შარშანდლიდან დღემდე 600 ფლორინი მომცა. ესა და ჩემი ნაწარმოებების ხელსაყრელი გაყიდვა საშუალებას მაძლევს ისე ვიცხოვრო, რომ არ ვიფიქრო ლუკმა პურზე. ყოველივე ის, რასაც ახლა ვწერ, შემიძლია დაუყოვნებლივ, თუნდაც ხუთჯერ, გაყვიდო და ისიც კარგ ფასში. ამ უქანასკნელ დროს ბევრი რამ დაწვერე და რადგან გავიგე, რომ კლავირები შეგიკვეთია \*\*\*-თვის, როდესაც გამოგიგზავნის შეკვეთას, მას გამოვაყოლებ ჩემს რამდენიმე ნაწარმოებს, რომ ძვირი არ დაგიჯდეს.

ამჟამად ჩემდა სანუგეშოდ აქ ჩამოვიდა ერთი კაცი, ვისთანაც

<sup>1</sup> უთუოდ 1801 წელსაა დაწერილი.

შემიძლია საუბრითა და უანგარო მეგობრობით დავტყბე: ის ჩემი ქაბუჯობის ერთ-ერთი მეგობართაგანია<sup>1</sup>. შენზე ბევრჯერ ველაპარაკე, ვუთხარი, რომ მას შემდეგ, რაც მშობლიური კუთხე დავტოვე, ჩემი გულის ერთ-ერთი რჩეულთაგანი შენა ხარ. შენი არ იყოს, მასაც არ უყვარს \*\*\*<sup>2</sup>, რომელიც არაა სამეგობრო კაცი. მე მასა და \*\*\*-ს ვთვლი ინსტრუმენტებად, რომლებზედაც შემიძლია დავუჯრა, როდესაც მომესურვება. მათ არ შეუძლიათ ჩემი მოღვაწეობის კეთილშობილი მოწმენი გახდნენ, ისევე როგორც არ შეუძლიათ ჩემს ცხოვრებაში მონაწილეობა მიიღონ. მე მათ ვაფასებ მხოლოდ იმ სამსახურისა და მიხედვით, რომელსაც მიწვევენ. ოჰ! რა ბედნიერი ვიქნებოდი, უნაკლო სმენა რომ მქონდეს! მაშინვე შენკენ გამოვიქცეოდი, მაგრამ ყველაფერს უნდა განვერიდო; ყველაზე საუკეთესო წლები ისე გაირბენენ, რომ ვერ შევძლებ იმის განხორციელებას, რასაც ჩემგან ჩემი ხიჭი და ძალა მოითხოვს. სევდიანი მორჩილება, აი, რას უნდა შევაფარო თავი. მართალია გადავწყვიტე, რომ ამ უბედურებაზე მალა დავდგე, მაგრამ შევძლებ კი? ამანდა! თუ ექვს თვეში არ განვიკურხე, შენგან მოვიტოვო, რომ გაანებო თავი ყველაფერს და ჩემთან ჩამოხვიდე. მაშინ ვიმოგზაურებ (ავადმყოფობა ჩემს შესრულებასა და კომპოზიტორობაზე ჯერ კიდევ დიდ გავლენას ვერ ახდენს, იგი ძალუმაღ მახსენებს თავს მხოლოდ საზოგადოებაში). შენ იქნები ჩემი თანამგზავრი; დარწმუნებული ვარ, რომ კიდევ მეღირსება ბედნიერება; ახლა, რასაც გინდა, შევებმები! მას შემდეგ, რაც შენ წახვედი, რა არ დავწერე, ოპერებიდან დაწყებული საეკლესიო მუსიკამდე. ვიცი, ამანდა, უარს არ იტყვი და დაეხმარები შენს მეგობარს, რომ აიტანოს ავადმყოფობა და გაკირვება. მე ძალიან დავხვეწე შესრულების ტექნიკა, თანაც დარწმუნებული ვარ, რომ ეს მოგზაურობა შენთვისაც დიდად სასიამოვნო იქნება. მერე შენ სამუდამოდ ჩემთან დარჩები. შენი ყველა წერილი მივიღე და მიუხედავად იმისა, რომ ყველაზე არ გაძიცი პასუხი, მუდამ ჩემთან იყავი... გული სავეს მაქვს შენი სიყვარულით. რაც ჩემს სმენაზე გითხარი, ძალიან გთხოვ, საიდუმლოდ შეინახო და არავის გაანდო, არავის, ვინც უნდა იყოს. ხშირად მომ-

<sup>1</sup> სტეფან ფონ ბრაუნინგი.

<sup>2</sup> 6. ზმესკალი — სამეფო კარის მდივანი ვენაში. ის ბოლომდე ბეთჰოვენის ერთ-ერთი დარჩა.

წერე. შენი წერილები, თუნდაც ძალიან მოკლე იყოს, მანუგეშებენ და სიამოვნებას მომგვრიან. ჩემო ძვირფასო, ველი შენს ახალ წერილს. მე რომ დაგპირდი, ის კვარტეტი<sup>1</sup> არ გამოგიგზავნია; მას შემდეგ, რაც კვარტეტის წესიერი წერა ვისწავლე, სულ მთლად გადავაკეთე. ამაში დარწმუნდები, როდესაც მიიღებ. ახლა კი მშვიდობით, ჩემო კეთილო! თუ ფიქრობ, რომ შემიძლია შენთვის სასიამოვნო რამ გავაკეთო, თავისთავად ცხადია, უნდა მითხრა შენს ერთგულ ლუდვიგ ვან ბეთჰოვენს, რომელსაც გულწრფელად უყვარხარ.

დოქტორ ფრანც ბერკარდ ვებლერს

ვენა, 29 ივნისი, 1801 წ.

ჩემო კეთილო და ძვირფასო ვეგლერ! როგორი მადლობელი ვარ შოგოხებისათვის. ეს თითქმის არ დამიმსახურებია, თითქმის არ ვცდილვარ დამემსახურებინა და მიუხედავად ამისა, შენ ისეთი კეთილი ხარ, რომ ვერაფერმა აგაყრევინა გული ჩემზე, ვერც ჩემმა მოუტევებელმა დაუდევრობამ. მუდამ ერთგულ, კეთილ და პატიოსან მეგობრად დამრჩი. განა შემიძლია დაგივიწყო, დაგივიწყოთ ყველა თქვენ, ვინც ასე ძვირფასი და დაუფასებელი იყავით ჩემთვის? არა, ეს არ დაიჯერო! არის დღეები, როდესაც თქვენზე ვდარდობ და მსურს ცოტა ხნით მაინც ვიყო თქვენთან. ჩემი სამშობლო, ჩემი მშვენიერი მხარე, სადაც დღის სინათლე ვიხილე, ისევ ისე ნათლად მიდგას თვალწინ, როგორც იმ დღეს, როდესაც დაგტოვეთ. ჩემი ცხოვრების ყველაზე ბედნიერი წუთი მაშინ დადგება, როდესაც შევძლებ კვლავ გნახოთ და მივესალმო ჩვენს მამა რაინს. თუ როდის მოხდება ეს, ზუსტად ვერ გეტყვი, ასეა თუ ისე, მინდა გითხრაო, რომ მიხილავთ უფრო დავაუკაცებულს: მარტო ხელოვანს კი არა, ადამიანსაც ვგულისხმობ. დარწმუნებული ვარ, რომ მნახავთ უფრო უკეთესს, უფრო

<sup>1</sup> op. 18, № 1.

სრულყოფილს: და თუ კეთილდღეობა ცოტათი მაინც არ გაზრდილა ჩვენს სამშობლოში, მაშინ ჩემი ხელოვნება ღარიბთა სვე-ბედის გაუმჯობესებას უნდა ემსახუროს.

შენ ჩემი ამბავი გაინტერესებს: გეტყვი, რომ არა მიშავს რა. ლიხნოვსკიმ, რომელიც (რა დაუჭერებლადაც არ უნდა გეჩვენოს ეს, მაშინაც კი, როდესაც ამას მე გეუბნები) ყოველთვის იყო და დარჩა ჩემი ერთგული და მხურვალე მეგობარი (მართალია, ჩვენს შორის იყო უმნიშვნელო უთანხმოებანი, მაგრამ ამან კიდეც უფრო განამტკიცა ჩვენი მეგობრობა), შარშან დამინიშნა პენსია: 600 ფლორინი. ამ პენსიას მივიღებ მანამ, სანამ ჩემ შესაფერადგილს არ მოვძებნი. ჩემს კომპოზიციებში ბევრს მაძლევენ, შემიძლია ვთქვა, რომ მეტი შეკვეთა მაქვს, ვიდრე შემიძლია შევასრულო. ყოველი ნაწარმოებისათვის ექვსი თუ შვიდი გამომცემელი მყავს და კიდეც მეტიც, თუ თავი შევიწუხებ. უკვე აღარ მევაჭრებიან: ვამბობ ფასს და მიხდინან. ხედავ, რა შესანიშნავი რამ არის? მაგალითად, რომელიმე მეგობარს უჭირს, ჩემი ჭისა კი ნებას არ მაძლევს დავეხმარო: საკმარისია, ჩემს სამუშაო ძაგიდას მივეუჯდე და მოკლე დროში მეგობარი გაჭირვებისაგან დახსნილია. ახლა მე უფრო მომჭირნეც გავხდი.

საუბედუროდ, ბოროტი სული — ჩემი ავადმყოფობა — გზას მილობავს. უკვე სამი წელია, რაც სმენა უფრო და უფრო მისუსტდება. ამის მიზეზი უთუოდ კუჭის დაავადებაა, რაც, როგორც იცი, წინადაც მტანჯავდა, ახლა კი უფრო გაუარესდა; განუწყვეტელი კუჭის აშლილობა, რომელსაც საშინელი სისუსტე სდევს თან. მოსვენებას არ მაძლევს. ფრანკს უნდოდა სხვადასხვა წამლებით გავემაგრებინე და ჩემი სმენისათვის ნუშის ზეთით ემკურნალა. მაგრამ — Prosit! — არაფერი გამოვიდა, სმენა უფრო გამიუარესდა და კუჭსაც არაფერი ეშველა. ასე გაგრძელდა გასულ შემოდგომამდე, ხშირად სასოწარკვეთილებამდეც მივსულვარ. ერთმა ვირმა ექიმმა ცივი აბაზანები მირჩია, მეორემ, უფრო მცოდნემ, დუნაის წყლის თბილი აბაზანები. ამან სასწაულებრივი შედეგი გამოიღო; კუჭის მდგომარეობა გამიუმჯობესდა, მაგრამ სმენას ვერაფერი ეშველა, ის კი არა და, დამიკვეთდა კიდეც. ზამთარში ჩემი ყოფა სავალალო გახდა. დამეწყო საშინელი მუცლის

---

<sup>1</sup> დე, ამან სარგებელი მოიტანოს! (ლათ.)



გვრემა, ჯანი წამერთვა. ასეთ ყოფაში წინა თვემდე დავრჩი და ბოლოს გადავწყვიტე ვერინგთან მისვლა, რადგან ვიფიქრე, ჩემ სენს ქირურგი სკირდება-მეთქი, თანაც ვერინგს ყოველთვის ვენდობოდი. მან თითქმის სულ შემიწყვიტა ეს საშინელი კუქის აშლილობა; გამომიწერა ღუნაის წყლის თბილი აბაზანები, შიგ ერთი კოლბი მოსაღონიერებელი რაღაც სითხე ჩამასხმევინა. არავითარი წამალი არ მოუცია, გარდა კუქის აბებისა. ამ ოთხი დღის წინ კი ყურისათვის რაღაც სითხე დამინიშნა. ახლა თავს უკეთ და მხნედ ვგრძნობ; მხოლოდ ყურებში დღე და ღამე ზმუილი და შრიალი (sausen und brausen) მიდგას. ეს რა მწარე ცხოვრება მარგუნა ბედმა. თითქმის ორი წელია, ყველას თავს ვარიდებ, რადგან არ შემიძლია ხალხს ვუთხრა: „მე ყრუ ვარ“. სხვა ხელობა რომ მქონდეს, კიდევ ჰო, მაგრამ ჩემი ხელობის კაცისათვის ამაზე საზარელი რაღა უნდა იყოს. აბა რას იტყოდნენ ჩემი მტრები, მათი რიცხვი კი არც თუ ისე მცირეა!

ამ ჩემს საოცარ სიყრუეზე წარმოდგენა მაინც რომ გქონდეს, გეტყვი: თეატრში მსახიობების სიმღერა რომ გავიგონო, ორკესტრთან სულ ახლოს უნდა დავჯდე. ცოტა მოშორებით თუ დავჯექი, ინსტრუმენტებისა და ხმების მაღალი ტონები არ მესმის. გასაკვირია, რომ ზოგნი ამას საუბარში ვერც კი ამჩნევენ. მეტისმეტად უგულისყურო რომ ვარ, უთუოდ ამას აწერენ ყველაფერს. როდესაც ჩუმი ლაპარაკობეხ, ძლივს მესმის; დიახ, მესმის მხოლოდ ბგერები და არა სიტყვები, ყვირილსაც ვერ ვიტან. უფალმა უწყის, რა მომივა; ვერინგი ამბობს, თუ სმენა სავსებით არ დაგიბრუნდა, უთუოდ გაგიუმჯობესდებაო. რამდენჯერ მიწყევლია ჩემი ყოფა და გამჩენი<sup>1</sup>. პლუტარქემ ბედის მორჩილებამდე მიმიყვანა. მაგრამ მინდა, თუ შეეძელი, ბედს შევებრძოლო; თუმცა ჩემს ცხოვრებაში არის წუთები, როდესაც ღვთის ქმნილებათა შორის მე ყველაზე უბედური ვარ. გევედრები, არავის უთხრა, ავად რომა ვარ. ლორხენსაც<sup>2</sup> ნურაფერს ეტყვი. ამას განდობ, როგორც დიდ საიდუმლოებას. დიდად მასიამოვნებ, თუ ამაზე მოსწერ ვერინგს. თუ ჩემი მდგომარეობა ასე გაგრძელდა, გაის გაზაფხულს შენთან ჩამოვალ, მიქირავებ რომელიმე ლამაზ კუთხეში ერთ

<sup>1</sup> ნოლმა თავის გამოცემაში („ბეთჰოვენის წერილები“) ამოიღო სიტყვები: und der Schöpfer (და გამჩენი).

<sup>2</sup> ელეონორა.

პატარა სახლს და ექვსი თვე გლახად ვიქცევი. შეიძლება ამან მარგოს კიდევ. შორჩილება! რა უბადრუეი თავშესაფარია! თუმცა სხვა რაღა დამრჩენია! მაპატიე, რომ შენს პირად უსიამოვნებებს კიდევ ამ საზრუნავს ვუმატებ.

სტეფან ბრონიზი ამჟამად აქ არის და თითქმის ყოველდღე ერთად ვართ. ისე მსიამოვნებს წარსული განცდების მოგონება! სტეფანი მართლაც ღირსეული და ბრწყინვალე ახალგაზრდა დამდგარა. ბევრი რამ იცის და (როგორც ჩვენ ყველას, ცოტად თუ ბევრად) გულიც კეთილი აქვს...

მინდა კეთილ ლორხენსაც მივწერო. არც ერთი თქვენთაგანი არასოდეს არ მავიწყდება, ჩემო საყვარლებო, არ მავიწყდებით მაშინაც კი, როდესაც სიცოცხლის ნიშანწყალიც არ მეტყობა, მაგრამ ხომ იცი, როგორ მეზარება წერა. საუკეთესო მეგობრებს წლების მანძილზე არ მიუღიათ ჩემგან წერილი. მე მხოლოდ ჩემს ნოტებში ვცხოვრობ; როგორც კი ერთ ნაწარმოებს დავამთავრებ, ვიწყებ მეორეს. ახლა ერთსა და იმავე დროს სამ-ოთხ ნაწარმოებს ვწერ. უფრო ხშირად მომწერე ვეცდები, დრო გამოვნახო, რომ გიპასუხო. გადაეცი ყველას ჩემი სალამი...

შშვიდობით, კეთილო და ერთგულო ვეგლერ! დარწმუნებული იყავი შენი ბეთჰოვენის ერთგულებასა და მეგობრობაში.

### ვ ვ ვ ლ ე რ ს

ვენა, 16 ნოემბერი, 1801 წ.

ჩემო კეთილო ვეგლერ! მადლობელი ვარ ყურადღების ახალი გამოვლენისათვის, მით უფრო, რომ ასეთ ყურადღებას თითქმის არ ვიმსახურებ. შენ გსურს გაიგო, როგორ ვცხოვრობ, ხომ არაფერი მიჭირს. თუმცა ამაზე საუბარი ძალიან მიმძიმს, შენ მაინც არ მოგერიდები.

უკვე რამდენიმე თვეა, რაც ვერინგი ორივე მკლავზე სამწიფარ სალბუნებს მადებს. ეს მკურნალობა არ მსიამოვნებს, რომ არაფერია ვთქვა ტკივილებზე, რადგან ამის შემდეგ ერთი თუ ორი დღე ხელებს ვერ ვანძრევ... ისე კი, უნდა ითქვას, რომ ყურებში შრიალმა და ზმუილმა უფრო ძიკლო, განსაკუთრებით, მარცხენაში, სწორედ იმ ყურში, საიდანაც სიყრუე დაძეწყო, მაგრამ დღემდე სმენა სრულებით არ გაუმძობესებია. ვერ ვბედავ ვთქვა, გამიუარესდა-მეთქი. მუცელს კი უკეთესობა ეტყობა. განსაკუთრებით, როდესაც რამდენიმე დღე თბილ აბაზანებს ვიღებ, რვა ან ათი დღე თავს უკეთ ვგრძნობ. დროდადრო კუჭის შემკვრელ წაშლებს ვღებულობ, შენი რჩევით მუცელზე ბალახის საფენის დადება დავიწყე. ვერინგს შხაპების გაგონებაც არ უნდა. საერთოდ ვერინგით არც ისე კმაყოფილი ვარ. მართალი რომ გითხრა, ამგვარი ავადმყოფობისათვის ის ძალიან დაუდევარი და უყურადღებოა; მე რომ მასთან არ მივდიოდე, მასთან სიარული კი ძალიან მიჭირს, არც კი გავახსენდებოდი. რას ფიქრობ შმიდტზე? ექიმებს ადვილად არ ვიცვლი, მაგრამ ასე მგონია, რომ ვერინგი მეტისმეტად პრაქტიკოსია, ცოტას კიბუხულობს და თავის ცოდნას არ აახლებს, შმიდტი კი, მე მგონი, სულ სხვა კაცია და, ვფიქრობ, არც ისეთი დაუდევარი იქნება. ბევრ საოცრებას ლაპარაკობენ გალვანიზმზე; შენ რას ფიქრობ ამაზე? ერთმა ექიმმა მითხრა, რომ ნახა ყრუ-მუნჯი ბავშვი, რომელსაც დაუბრუნდა სმენა და ერთი კაცი, რომელიც შვიდი წელი ყრუ ყოფილა და განკურნეს. გავიგე, რომ შმიდტი ასეთ ექსპერიმენტებზე მუშაობს.

ჩემი ცხოვრება ახლა კვლავ ოდნავ ხალისიანი გახდა და ხშირად გავდივარ ხალხში. ვერ წარმოიდგენ, როგორი ეული და ნაღვლიანი ცხოვრება გავატარე ამ უკანასკნელი ორი წლის მანძილზე. ჩემი სნეულება ყველგან აჩრდილივით წინ მიდგებოდა და მეც ადამიანებს გავურბოდი; უთუოდ ყველას კაცთმოძულედ ვეჩვენებოდი, მე კი არასოდეს ვყოფილვარ კაცთმოძულე! ასეთი ცვლილება ჩემში ერთმა ძვირფასმა და მომხიბლავმა ასულმა მოახდინა; ჩვენ გვიყვარს ერთმანეთი. და აი, ორი წლის შემდეგ კვლავ რამდენიმე ბედნიერი წუთი მერგო და პირველად ვგრძნობ, რომ ქორწინებას ბედნიერების მოტანა შეუძლია. სამწუხაროდ, ჩვენ არ ვეუთვნით ერთსა და იმავე წრეს; და თანაც, მართალი რომ გითხრა, ამჟამად არ შემიძლია დაქორწინდე. ჯერ კიდევ ბევრი რამ მაქვს მოსაგვარებელი. ჩემი სმენა რომ არა,

აქამდე ნახევარი მსოფლიო შემოვლილი მექნებოდა, ეს კი უნდა გაეაკეთო. ჩემთვის ყველაზე დიდი სიამოვნებაა ვემსახურო ჩემს ხელოვნებას და ის ხალხს დავანახო. არ იფიქრო, რომ თქვენთან ბედნიერი ვიქნებოდი. განა ვინმეს შეეძლო კიდეც ბედნიერი გავეხადე? თვით თქვენი მზრუნველობა მძიმე ტვირთად დამაწვებოდა; თქვენ სახეზე ყოველ წუთს სიბრაღულს წავიკითხავდი და თავს უფრო უბედურად ვიგრძნობდი. ჩემი სამშობლოს მშვენიერო მხარეებში რა მიზიდავდა თქვენკენ? მხოლოდ იმედი უკეთესი მომავლის შექმნისა და, ეს სენი რომ არა, ამას მივალწევდი! ოჰ! რომ შემეძლოს თავი დავიხსნა ამ სენისაგან, მსოფლიოს გულში ჩავიკრავდი! დიახ, მე ვგრძნობ, რომ ჩემი სიჭაბუკე მხოლოდ ახლა იწყება; განა ყოველთვის ავად არ ვიყავი? ამ ბოლო ხანებში ჩემს ფიზიკურ ძლიერებასთან ერთად ყოველდღიურად იზრდება ჩემი ინტელექტუალური ძალა. ყოველდღე უფრო და უფრო ვუახლოვდები მიზანს, რომელსაც თითქოს ვხედავ კიდეც, მაგრამ ვერ განმისაზღვრავს. მხოლოდ ასეთ ზრახვებში შეუძლია შენს ბეთჰოვენს ცხოვრება. დასვენება არც მქირდება! მე მხოლოდ ძილში ვისვენებ და იმით ვარ უბედური, რომ ახლა ძილს წინანდელზე მეტი დრო უნდა დავუთმო. ჩემი სენისაგან თუნდაც სანახევროდ რომ გავთავისუფლდე, მყისვე თქვენთან მოვიდოდი, უფრო დავაუკაცებელი და შეუპოვარი, უფრო განვამტკიცებდი ჩვენს ძველ მეგობრულ კავშირს.

თქვენ უნდა მიხილოთ ისეთი ბედნიერი, როგორც ამქვეყნიურ ცხოვრებაში მეკუთვინის; უბედური კი — არასოდეს! არა, ამას ვერ ავიტანდი! მინდა ბედს ყელში ვწვდე. არა, ის ვერ დამაჩოქებს. ოჰ! რა კარგია, ათასი ცხოვრება იცხოვრო კაცმა! ვგრძნობ, რომ მშვიდი ცხოვრებისათვის არ ვარ გაჩენილი.

... ათასი კეთილი სურვილები ლორხენს...

შენ ცოტათი მაინც ხომ გიყვარვარ? გწამდეს ჩემი ერთგულება და მეგობრობა.

შენი ბეთჰოენი.

კობლენცი, 28 დეკემბერი, 1825 წ.

ჩემო ძვირფასო და ძველო მეგობარო, ლუდვიგ!

არ შემიძლია რისის ბავშვი ვენაში ისე გაეუშვა, რომ თავი არ მოგაგონო. ამ ოცდარვა წლის მანძილზე, რაც ვენიდან წამოველ, თუ ყოველ ორ თვეში მაინც არ მიგიღია თითო ვრცელი წერილი, ეს შეგიძლია შენს ღუმელს დააბრალო: აკი ჩემი პირველი წერილები უპასუხოდ დატოვე. ეს კი არ არის კარგი, განსაკუთრებით ახლა; იმიტომ, რომ ჩვენ უკვე მოხუცები ვართ და ჩვენი ხნის ხალხი წარსულით ცხოვრობს; ჩვენც დიდ სიამოვნებას ჰგვანძობს ჩვენი ქაბუკობის დროინდელი ცხოვრების მოგონება. ასეა თუ ისე, ჩემთვის შენი ნაცნობობა და შენთან ახლო მეგობრობა, შენი საყვარელი დედის წყალობით, უფალმა აკურთხოს მისი სული, ჩემი ცხოვრების ისეთი ბრწყინვალე შუქია, რომელსაც დიდი სიამოვნებით ვიგონებ. შემოგცქერი, როგორც გმირს, გიყურებ და ვამაყობ, რომ შემიძლია ვთქვა: „შეც მიმიძღვის წვლილი მის ჩამოყალიბებაში; მე მანდობდა თავის სურვილებსა და ოცნებას, თუმცა ხშირად მისი არ ესმოდათ, მე მუდამ ვიცოდი, რა სურდა, რა უნდოდა“. დიდება უფალს, რომ შემიძლია შენზე ველაპარაკო ცოლს, ახლა კი შვილებსაც. შენთვის ჩემი სიღედრის ოჯახი უფრო მშობლიური იყო, ვიდრე შენი საკუთარი, განსაკუთრებით შენი კეთილი დედის გარდაცვალების შემდეგ. კიდევ ერთხელ მაინც გვითხარი: „დიახ, ჰირშიც და ლზინშიც მე თქვენზე ვფიქრობ“. ადამიანი, თუნდაც შენსავით მალა აფრენილი, ცხოვრებაში მხოლოდ ერთხელ არის ბედნიერი: ეს მაშინ. როცა ქაბუკია. შენ უთუოდ ხშირად სიხარულით იგონებ ბონის ქვალოდებს, კროიციბერგს, გოლდესბერგს, პეპინიერს...

ახლა მინდა ჩემზე გესაუბრო, ჩვენზე ველაპარაკო, რათა მოგცე იმის მაგალითი, თუ როგორ უნდა მიპასუხო.

ვენიდან დაბრუნების შემდეგ, 1796 წელს საქმეები ცუდად წამი-

---

<sup>1</sup> გვგონია, ინტერესს მოკლებული არ იქნება გადმოგვით შემდეგი ორი წერილის შინაარსი, რითაც შეგვიძლია გავეცნოთ ორ კეთილ ადამიანს, ბეთჰოვენის უერთგულეს მეგობრებს. ადამიანს მეგობრებით აფასებენ.

ვიდა. კარგა ხანს იძულებული ვიყავი საექიმო კონსულტაციებით მეცხოვრა, ასე გაგრძელდა რამდენიმე წელს, ისიც ამ ღატაკ მხარეში. ბოლოს, როგორც იქნა, მივალწიე თითქმის უზრუნველყოფილ ცხოვრებას, შემდეგ გავხდი პროფესორი. დამენიშნა ყოველთვიური ჯამაგირი და 1802 წელს დავქორწინდი. ერთი წლის შემდეგ ქალი შეგვეძინა, რომელიც თავს კარგად გრძნობს და უკვე გაიზარდა. საღად აზროვნებს, მამასავით მშვიდი ხასიათი აქვს. ბრწყინვალედ უკრავს ბეთჰოვენის სონატებს. თუმცა, ეს მისი დამსახურება კი არა, თანდაყოლილი ნიჭია. 1807 წელს შემეძინა ვაჟი, ახლა იგი ბერლინში მედიცინას სწავლობს. ოთხი წლის შემდეგ ვენაში გამოვგზავნი. იზრუნებ თუ არა მასზე? აგვისტოში ჩემი დაბადების სამოცი წლისთავი გადავიხადე. სამოციოდე ნაცნობ-მეგობარი შევიკრიბეთ, მათ შორის ქალაქის თავკაცებიც იყვნენ. აქ 1807 წლიდან ვცხოვრობ. ახლა მშვენიერი სახლი და კარგი ადგილი მაქვს. უფროსები კმაყოფილი არიან და შეფემ ორდენებით და მედლებით დამაჭილდოვა. ლორა და მე თავს კარგად ვგრძნობთ. აი, მე სრულად გაგაცანი ჩვენი ამბავი. ახლა კი შენი ჭერია...

ნუთუ ვერასოდეს ვერ მოაშორებ თვალს წმინდა სტეფანეს ტაძრის კოშკს? ნუთუ მოგზაურობა არ გხიბლავს? ნუთუ არა გსურს კვლავ ნახო რაინი? მიიღე ქალბატონ ლორასა და ჩემი გულითადი სალაპი.

შენი ძველთაძველი მეგობარი ვეგლერი.

კობლენცი, 29 დეკემბერი, 1825 წ.

ძვირფასო! დიდი ხნიდან ძვირფასო ბეთჰოვენ! ეს ჩემი სურვილი იყო, რომ ვეგლერს კიდევ მოეწერა თქვენთვის. ახლა, როცა ეს სურვილი უკვე შესრულდა, მეც მინდა ორიოდე სიტყვა დავუმატო, მაგრამ იმიტომ კი არა, რომ თავი მოგაგონოთ, მინდა კიდევ ერთხელ გკითხოთ: ნუთუ არავითარი სურვილი არ გაქვთ, კვლავ იხილოთ რაინი და თქვენი მშობლიური მხარე, ნუთუ არა გსურთ დიდად გავგახაროთ მე და ვეგლერი? ჩვენი ლენხენი დიდ მადლობას გიხდით უთვალავი ბედნიერი საათისათვის. მეტად სიამოვნებს თქვენზე ლაპარაკი, მან ჩვენი ბონში გატარებული ახალგაზრდობის ყველა წვრილმანი ამბავი იცის — უსიამოვნებანი და შერიგებანი... ვერ წარმოიდგენთ, რა ბედნიერი იქნებოდა, რომ ენახეთ! სამწუხაროდ, გოგო-

ნას მუსიკის ნიჭი სულ არა აქვს. მაგრამ იმდენი ეცადა, იმდენი მონ-  
ლომება და სიმტკიცე გამოიჩინა, რომ 'შეუძლია დაუქრას თქვენი  
სოხატები, ვარიაციები და სხვა. და რადგანაც მუსიკა, როგორც ყო-  
ველთვის, საუკეთესო დასვენებაა ვეგ.-ისათვის, ლენხენი მას დიდ სია-  
შოვნებას ჰკვრის. იულიუსს მუსიკალური ნიჭი აქვს, მაგრამ ამ ბოლო  
დრომდე ამას არად ავლენდა. ახლა კი, აი უკვე ექვსი თვეა, რაც გა-  
ტაცებით და სიამოვნებით სწავლობს ვიოლონჩელოზე დაკვრას და  
რადგანაც ბერლინში კარგი მასწავლებელი ჰყავს, ვფიქრობ, მიღწევე-  
ბი ექნება. ორივე ბავშვი ტანადია და მამასა ჰგავს კარგი და მხიარუ-  
ლი ხასიათით, რომელიც, მადლობა ღმერთს, ვეგ.-ს ჯერ კიდევ საესე-  
ბით არ დაუქარგავს... ის დიდი სიამოვნებით უქრავს თქვენი ვარია-  
ციების თემებს. ძველები უფრო მოსწონს, მაგრამ ხშირად წარმოუდ-  
გენელი მოთმინებით უქრავს თქვენს რომელიმე ახალ თემასაც. ყვე-  
ლაზე მაღლა თქვენს Opferlied-ს<sup>1</sup> აყენებს. ვეგ.-ი არასოდეს არ შევა  
თავის ოთახში ისე, რომ ბავშვი მაშინვე პიანინოს არ მიუჯდეს. ამგვა-  
რად, ძვირფასო ბეთჰოვენ, შეგიძლიათ განსაჯოთ, თუ რაოდენ ძლიე-  
რი და ცოცხალია თქვენი ხსოვნა ჩვენს ოჯახში. გვითხარით, რომ ამას  
ცოტაოდენი ფასი მაინც აქვს თქვენთვის და რომ ცოტათი მაინც  
გახსოვართ.

ასე ძნელი რომ არ იყოს ჩვენი ყველაზე სანუკვარი სურვილები  
განხორციელება, უკვე დიდი ხანია ვენაში ძმასთან ჩამოვიდოდით და  
თქვენი ნახვით გავიხარებდით, მაგრამ ახლა, როცა ჩვენი ვაჟი ბერ-  
ლინშია, ასეთ მოგზაურობაზე ფიქრიც შეუძლებელია. ვეგ.-მა მოგწე-  
რათ, თუ როგორ ვცხოვრობთ: უფლება არა გვაქვს, ბედს დავემდუ-  
როთ. ყველაზე მძიმე წუთებიც კი ჩვენთვის უკეთ წარიმართა, ვიდრე  
ბევრი სხვისთვის. ყველაზე დიდი ბედნიერება ის არის, რომ ჩვენ  
კარგად ვართ, გვყავს კეთილი და კარგი ბავშვები, დიანს, დღემდე  
არავითარი უსიამოვნება არ მოუყენებიათ, მხიარული და საყვარელი  
ბავშვები არიან. ლენხენი დიდად დაამწუხრა ჩვენი საბრალო ბურჟუა-  
ლის გარდაცვალებამ. ეს იყო დანაკლისი, რომელსაც ჩვენ ვერასოდეს  
ვერ დავივიწყებთ.

შშვიდობით, ძვირფასო ბეთჰოვენ. კეთილად მოგვიგონეთ.

ელეონორა ვეგლერი

<sup>1</sup> მსხვერპლად მიტანის სიმღერა (გერმ.).

ჩემო ძველო და საყვარელო მეგობარო!

სიტყვებით ვერ გამოთქვამ იმ სიამოვნებას, რომელიც შენი და შენი ლორხენის წერილების მიღებამ განმაცდევინა. უდაოდ მაშინვე უნდა მეპასუხნა. მაგრამ ცოტა დაუდევარი ვარ, განსაკუთრებით მაშინ, როდესაც საქმე წერილების წერას შეეხება. ეს იმიტომ, რომ ვფიქრობ, კეთილი ადამიანები უამისოდაც მიცნობენ-მეთქი. ფიქრით ხშირად ვწერ პასუხს, მაგრამ, როდესაც მინდა ეს ქალაღზე გადავიტანო, უმეტეს შემთხვევაში კალამს შორს ვისვრი ხოლმე, რადგან უძლური ვარ დავწერო, რასაც განვიციდი. რა თქმა უნდა, კარგად მახსოვს, როგორი სიყვარულით მეპყრობოდი ყოველთვის, მახსოვს, ჩემი ოთახი რომ შეათეთრებინე და ასე სასიამოვნოდ გამაკვირვე. ბრონიგების ოჯახიც არ მავიწყდება. თუ ერთმანეთს დავშორდით, ეს ბუნებრივ შოვლენათა კანონია: ყოველ ჩვენთაგანს უნდა განეგრძო სწრაფვა დასახული მიზნისკენ და ცდილიყო მის მიღწევას: მაგრამ სიკეთის მარად ურყევი პრინციპები მტკიცედ გვაკავშირებენ ერთმანეთთან. სამწუხაროდ, დღეს არ შემიძლია მოგწერო ყველაფერი ის, რისი მოწერაც მსურს, რადგან ლოგინად ვარ ჩაეარდნილი...

შენი ლორხენის სახე მარად წინ მიდგას, ამას იმიტომ ვამბობ, რათა იცოდე, რომ ყოველივე ის, რაც კარგი და ძვირფასი იყო ჩემს ახალგაზრდობაში, ჩემთვის სამარადისოდ ძვირფასი რჩება.

...მე წესად მაქვს: *Nulla dies sine linea*<sup>2</sup>, თუმცა ამჟამად ნებას ვაძლევ მუხას იძინოს და ეს იმიტომ, რომ ძალა მოიკრიბოს. იმედი მაქვს, კიდევ შევექმნი რამდენიმე ნაწარმოებს და შემდეგ, დაბერებულნი ბავშვი, დავასრულებ ჩემს ამქვეყნიურ საქმიანობას<sup>3</sup> კეთილ ადამიანთა შორის.

<sup>1</sup> უხდა აღვნიშნოთ, რომ იმდროინდელი მეგობრები მაშინაც, როდესაც ერთმანეთი ძალიან უყვარდათ, ჩვენგან განსხვავებით, არ გამოირჩეოდნენ გრძობათა მეუყვებლობით. ბეთაოვენმა ვეგლურს ათი თვის შემდეგ უპასუხა.

<sup>2</sup> არც ერთი დღე ერთი სტრიქონის დაუწერლად (ლათ.).

<sup>3</sup> ბეთაოვენს არც კი უფიქრია, რომ თავის უკანასკნელ ნაწარმოებს წერდა: კვარტეტ op. 13A-ის მეორე ფინალს. ის იმ დროს თავის ძმასთან იყო გნეიქსენდორფში, კრემსთან ახლოს, დუნაიზე.



ვიცი. გაგიხარდება და ამიტომ გაცნობებ. რომ საფრანგეთის განსვენებული მეფისაგან მივიღე მედალი წარწერით: „ეძღვნება ბატონ ბეთჰოვენს მეფისაგან“. მედალს თან ახლდა მეფის პირველი კარისკაცის ჰერცოგ დე შატრის<sup>1</sup> მეტად თავაზიანი წერილი. ჩემო ძვირფასო შეგობარო, დღეს ამით დაკმაყოფილდი. წარსულის მოგონება მომძაღლა, ამ წერილს ვწერ და ცრემლები ვერ შემიკავებია. ეს წერილი მხოლოდ დასაწყისია, მალე ახალ წერილს მიიღებ და, რაც უფრო ხშირად მომწერ, მით უფრო გამახარებ. ამის საწინდარი ჩვენი მეგობრობაა. მშვიდობით. დამიკოცნე შენი ძვირფასი ლორხენი და ბავშვები. ნუ დამივიწყებთ. ღმერთი იყოს თქვენი მწყალობელი!

მუდამ შენი ერთგული და კეშმარიტი მეგობარი, შენი პატივისმცემელი

ბეთჰოვენი.

### მეგობრობა

ვენა, 17 თებერვალი, 1827 წ.

ჩემო კეთილო და ღირსეულო მეგობარო!

ჩემდა სასიხარულოდ ბრონინგმა შენი მეორე წერილი გადმომცა. ჯერ კიდევ მეტად დასუსტებული ვარ, რომ წერილზე გიპასუხო, მაგრამ დარწმუნებული იყავი, რომ ყველაფერი ის, რასაც მწერ, მახარებს და მანუგეშებს. ჩემი გამოჯანმრთელების საქმე ძალიან ნელა მიდის წინ. ვფიქრობ, საჭირო იქნება მეოთხე ოპერაცია, მიუხედავად იმისა, რომ ექიმები არაფერს მეუბნებიან. მე მოთმინებით ვიღქურვები და ვაპბობ: ყოველ უბედურებას თან ახლავს რაღაც სიკეთე... დღესაც რამდენი რამ მინდა გითხრა, მაგრამ მეტად დასუსტებული ვარ. ისღა შემიძლია, ფიქრით ჩაგიკრათ გულში შენ და შენი ლორხენი.

კეშმარიტი მეგობრობითა და ერთგულებით შენსა და შენიანების მიმართ —

შენი ძველი და ერთგული მეგობარი

ბეთჰოვენი.

<sup>1</sup> ჰერცოგი დე ლა შატრი.

ჩემო ძვირფასო მოშელეს!

... 27 თებერვალს მეოთხე ოპერაცია გამიკეთეს. ახლა კი აღმოჩნდა ახალი უდავო ნიშნები იმისა, რომ უნდა ველოდო მეხუთე ოპერაციას. რითი დამთავრდება ყოველივე ეს, ან რა დამემართება, თუ ეს კიდევ რამდენიმე ხანს გაგრძელდა? მართლაც რომ მძიმეა ჩემი ხვედრი, მაგრამ ჩემი თავი ბედის ნება-სურვილისათვის მიმინდვია. უფალს იმასლა ვევედრები, მოწყალება მიიღოს და, რამდენ ხანსაც არ უნდა გაგრძელდეს ჩემი ჯოჯოხეთური ტანჯვა-წამება, თავისი ღვთიური ნება-სურვილით განმარიდოს გაჭირებებს<sup>1</sup>. ეს ძალას მომცემს, რომ ზეციერის ნება-სურვილის მორჩილებაში ავიტანო ჩემი ხვედრი, რაოდენ მძიმე და საზარელი არ უნდა იყოს იგი.

თქვენი მეგობარი ბეთოვენნი.

<sup>1</sup> უსახსროდ დარჩენილმა ბეთოვენმა ლონდონის ფილარმონიის საზოგადოებასა და ლონდონში მყოფ მოშელეს მიმართა თხოვნით მის სასარგებლოდ მოეწყოთ კონცერტი. საზოგადოებამ უალრესი დიდსულოვნება გამოიჩინა და მყისვე ასი გირვანჯა სტერლინგი ავანსად გაუგზავნა ბეთოვენს. ამ ამბავმა მეტად ააღელვა ბეთოვენი. ერთი მისი მეგობარი ამბობს: „მისი ყოფა ამ წერილის მიღების დროს გულგამგმირავე სანახაობა იყო. ზეცისკენ ალაპყრო ხელები და ქვითინებდა სიხარულისა და მადლიერებისაგან“. მღელვარებისაგან კრილობა გაეხსნა. სურდა ეყარხახა სამადლობელი წერილი „კეთილშობილი ინგლისელებისათვის“ გასაგზავნად, ინგლისელებისათვის, რომლებმაც ასე ახლოს მიიტანეს გულთან მისი მწარე ხვედრი. ჰპირდებოდა კიდევ ახალ ნაწარმოებებს: თავის მეათე სიმფონიას, უვერტიურას, ყველაფერს, რასაც მოისურვებდნენ. „ჩერ არასოდეს მომიკიდია ხელი რაიმე ნაწარმოებისათვის ამდენი სიყვარულით, რითაც დაიწყებ ამ უქანასკნელსო“, — ამბობდა იგი.

ეს წერილი დაწერილია 18 მარტს. 26 მარტს ბეთოვენი გარდაიცვალა.

# გეთჱოვინის აზრები

## მუსიკაჲ

არ არსებობს წესი, რომლის დარღვევა არ შეიძლებოდეს Schöner-ისათვის (უფრო უკეთესისათვის).

მუსიკა ადამიანების სულიდან ცეცხლს უნდა აკვესებდეს.

მუსიკა უფრო დიდი ზეშთაგონებაა, ვიდრე სიბრძნე და ფილო-სოფია.

არაფერია უფრო მშვენიერი, ვიდრე ღვთიურთან მიახლოება და მისი სხივების ადამიანთა მოღვამაზე ფრქვევა.

რატომ ვწერ? ის, რაც გულში მაქვს, უნდა გამოვიდეს; აი ამიტომ ვწერ.

თქვენ გგონიათ, რომ მე საცოდავ ვიოლინოზე ვფიქრობ, როდესაც სული მელაპარაკება და ვწერ, რასაც ის მკარნახობს?

(მუჰანციგ.)

ჩვეულებრივ, როდესაც ვწერ თუნდაც ინსტრუმენტულ მუსიკას, მუდამ თვალწინ მიდგას ჩანაფიქრის მთელი ანსამბლი.

(ტრეიჩკ.)

უფორტეპიანოდ წერა აუცილებელია... ნელ-ნელა იბადება უნარი წარმოვიდგინოთ ის, რაც გვსურს და რასაცა ვგრძნობთ, ეს კი არსებთი მოთხოვნილებაა კეთილშობილი ადამიანებისათვის.

(პერტოგ რუდოლფს.)

აღწერა მხატვრობის თვისებაა. მუსიკისაგან განსხვავებით პოეზიასაც შეუძლია ამ მხრივ თავი ბედნიერად ჩათვალოს, მისი არე არ არის ისე შემოფარგლული, როგორც ჩემი; სამაგიეროდ, ჩემი უფრო შორს მიდის სხვა განხრით და ვერც ისე ადვილად შემოაღწევთ ჩემს სამფლობელოში.

(ვილჰელმ გერჰარდს.)

ხელოვნებაში, ისევე როგორც მთელ ცხოვრებაში, თავისუფლება და პროგრესი მიზანია. თუ ჩვენ ისეთივე ძლიერები არა ვართ, რო-

გორც ძველი ოსტატები იყვნენ, ცივილიზაციის სინატიფემ მაინც ბევრი რამ განავითარა.

(პერსოვ რელოლფს.)

მე არა მჩვევია შევასწორო ჩემი უკვე დამთავრებული კომპოზიციები. ეს მე არასოდეს არ გამოიკეთებია, რადგან ღრმად მწამს, რომ ყოველგვარი, თუნდაც ნაწილობრივი შესწორება ამახინჯებს კომპოზიციის ხასიათს.

(ტომსონს.)

ქვემარტი საეკლესიო მუსიკა მხოლოდ ხმებმა უნდა შეასრულოს, გარდა გლორიასი, ან სხვა მისი მსგავსი ტექსტისა. აი რატომ მიჩვენია პალესტრინა სხვებს. მაგრამ თუკი მისი სული და რელიგიური შეხედულებები არა გაქვს, მისი მიბაძვა სისულელე იქნებოდა.

(ორლანისტ ფრეიდენბერგს.)

როდესაც თქვენს მოწაფეს ფორტეპიანოზე დაკვრისას თითები წესიერად აქვს დაწყობილი, ტაქტი არ ეშლება და ნოტებს საკმაოდ მართებულად იღებს, მაშინ ყურადღება მხოლოდ სტილს მიაქციეთ, უძხიშვნელო შეცდომებზე ნუ შეაჩერებთ. ამ შეცდომაზე მხოლოდ მაშინ მიუთითეთ, როდესაც დაკვრას დაამთავრებს. ასეთი მეთოდით ყალიბდება მუსიკოსი, რაც, ბოლოს და ბოლოს, ერთი მთავარი მიზანთაგანია მუსიკალური ხელოვნებისა... ვირტუოზული ხასიათის პასაჟებისათვის რიგრიგობით გამოაყენებინეთ ყველა თითი... რა თქმა უნდა, როდესაც ყველა თითი არ უკრავს, გამოდის, როგორც ამბობენ, უფრო „დახვეწილი“ შესრულება ან „მარგალიტის ფარღული“, მაგრამ ზოგჯერ სხვა ძვირფასეულობას ამჯობინებენ ხოლმე!

(ჩერნის.)

ძველ ოსტატთა შორის მხოლოდ გერმანელი ჰენდელი და სებასტიან ბახი იყვნენ გენიოსები.

(პერსოვ რელოლფს.)

---

<sup>1</sup> ბეთჰოვენი, როგორც პიანისტი, მთლად სწორად არ უკრავდა, მისი თითებს განლაგებაც ხშირად მცდარი იყო, ბგერის ხარისხსაც არ აქცევდა ყურადღებას. მაგრამ აბა ვის შეეძლო ეფიქრა მუსიკოს-შემსრულებელზე? მსმენელები მისი აზრებით იყვნენ დატყვევებულნი, დატყვევებულნი იყვნენ იმით, თუ როგორ გამოთქვამდნენ ამ აზრებს მისი ხელები, სულ ერთია, თუ როგორ გააყეთებდა იგი ამას.

(ბარონ დე ტრემონი, 1809 წ.)

ჩემი გული მოჰადოებელია ამ ჰარმონიის პატრიარქის (dieses Urvaters der Harmonie), სებასტიან ბახის, მალალი და დიდი ხელოვნებით.

(პოფმაისტერს, 1801 წ.)

მე მოცარტის დიდი თაყვანისმცემელი დავრჩები.

(აბატ შტალდერს.)

თეატრისათვის დაწერილ ყველა ნაწარმოებთა შორის ყველაზე მალა თქვენსას ვაყენებ: როდესაც თქვენს ახალ ნაწარმოებებს ვისმენ, ალტაცებაში მოვდივარ, ისინი უფრო ინტერესს იწვევენ ჩემში, ვიდრე ჩემი საკუთარი ნაწარმოებები: მოკლედ, პატივს გცემთ და მიყვარხართ... თქვენ ჩემთვის მუდამ იქნებით ერთი იმ ჩემი თანამედროვეთაგანი, ვისაც ყველაზე მეტ პატივსა ვცემ. თუ გნებავთ დიდად მასიამოვნოთ, მომწერეთ რამდენიმე სტრიქონი, ეს მე მეტად მანუგეშებს. ხელოვნება აერთიანებს ყველას, განსაკუთრებით კი ჭეშმარიტ ხელოვანთ. და იქნებ ჩამთვალთ ღირსად, რომ ჩემი თავიც მათ მივათვალო<sup>1</sup>.

(ცერუბინის, 1823 წ.)

### პრიტიკაზე

ჩემზე, როგორც ხელოვანზე, ვერავინ იტყვის, რომ როდისმე თუნდაც მცირე ყურადღება მიმექციოს იმისათვის, რაც ჩემზე დაუწერიათ.

(შოტს, 1825 წ.)

მე ვფიქრობ ისე, როგორ ვოლტერი: „ბუნანკლების კბენა ვერ შეაჩერებს ბედაურის ფიცხელ ჭენებას“.

(1826 წ.)

მაგ ლაიფციგელმა ბრიყვებმა დაე იყბედონ. მათი ყბედობა უკვდავს არავის გახდის, ისევე როგორც ვერ წაართმევს უკვდავებას მათ, ვისაც ეს აპოლონმა მიაკუთვნა.

(პოფმაისტერს.)

---

<sup>1</sup> ხაზგანსმული სიტყვები მათი ორთოგრაფიული შეცდომებით ტექსტში ფრანგულადაა.

<sup>2</sup> ზემოთ უკვე ვთქვი, რომ ამ წერილზე კერუბინის პასუხი არ გაუცია.

**მიქელანჯელოს ტიპოგრაფია**

თარგმანი  
ნესტან იორდანიშვილისა

(ლექსების თარგმანი ვკუთვნის გივი გეგეჭკორს),

## წიგნის ბეჭედი

ფლორენციის ნაციონალურ მუზეუმში არის ერთი მარმარილოს ქანდაკება, რომელსაც მიქელანჯელომ „გამარჯვებული“ უწოდა. ესაა ტახანი, შიშველი ქაბუკი, დაბალ შუბლზე ხუჭუჭი თმები კულულეზად რომ დაჰფენია. ფეხზე მდგომს მუსლი წვეროსანი ტყვისათვის ზურგზე აქვს დაბჯენილი. ტყვე წელშია გადრეკილი, თავი ხარივით წინ წაუწედა; მაგრამ გამარჯვებული მას არ უყურებს. დასარტყმელად შემართული ხელი ჰაერშივე გაშეშება. თვითონაც უკან გადახრილა. სწორედ დარტყმის წინ არიდებს მსხვერპლს მწუსარე სახეა და იქვენულ მზერას. მას აღარ უნდა გამარჯვება; გამარჯვება მოყირბდა უკვე. მან გაიმარჯვა. გაიმარჯვა და დამარცხდა კიდევ.

ეს გმირული იქვის სახე, ეს ფრთებდამსხვრეული გამარჯვება ერთადერთია მიქელანჯელოს ქმნილებათაგან, სიკვდილამდე ფლორენციულ სახელოსნოში რომ დაიტოვა. დანიელ დე ვოლტერას. მის ზრახვათა მესაიდუმლეს, ამ ძეგლით სურდა შეემკო მისი საფლავი.

\* \* \*

ტანჯვა უსაზღვროა და მრავალნაირ ფორმას იღებს. ზოგჯერ ის საგანთა ბრმა ტირანიით: გაკირვებით, ავადმყოფობით, ბედის უკუღმართობით, კაცთ გაუტანლობითაა გამოწვეული. ზოგჯერ კი მისი სათავე თვით ადამიანშია და მაშინ ეს ტანჯვა ნაკლებ სავალალო, ან ხაკლებ საბედისწერო როდია, რადგან კაცი თავის არსებას თავად ვერ ირჩევს. მას არც გაჩენა უთხოვია და არც ყოფნა ისეთად, როგორადაც აქცია არსთა გამრიგემ.

მიქელანჯელოსაც სწორედ ასეთი ტანჯვა ხვდა წილად. მძლეთამძლე იყო, შესწევდა ძალი, რომ ებრძოლა და გაემარჯვა; და გაიმარჯვა. მაგრამ რა? მას არ უნდოდა ეს გამარჯვება. მას რაღაც სხვა სურ-



და. ესაა ტრაგედია ჰამლეტისა! მძაფრი წინააღმდეგობა მძლე გენიასა და ნებისყოფას შორის, რომელსაც გამბედაობა არ მოსდევს; წინააღმდეგობა დაუოკრიბელ ვნებებსა და ნებისყოფას შორის, რომელსაც სურვილი არ ასხამს ფრთებს!

არ გეგონოთ, რომ ჩვენც სხვების დარად ამაში სიღიადის კიდევ ერთ ნიშანს ვხედავდეთ. ჩვენ თავის დღეში არ ვიტყვივით იმას, რომ რაკი ადამიანი დიდია, სამყარო მიტომ უნდა ეცოტავებოდეს. აწრიალებული გონება სიღიადის ნიშანი როდია. ყოველგვარი შეუსაბამობა ადამიანსა და სავნებს შორის, ცხოვრებასა და მის კანონებს შორის, თვით უდიდეს კაცთათვისაც, მათი სიღიადიდან არ უნდა მომდინარეობდეს. ეს მათი სისუსტის ნიშანია. რად უნდა დავმალეთ ეგ სისუსტე? განა ის, ვინც სუსტია, სიყვარულს ნაკლებად იმსახურებს? უფრო მეტადაც იმსახურებს, რადგან სიყვარული სხვაზე მეტად მას სჭირდება. მე არ დაგიდგამთ თვალშეუდღამ გმირთა ქანდაკებებს. მძულს გულნამცეცა იდეალიზმი, ცხოვრებისეულ გაჭირვებასა და სულის სიძაბუნეს თვალს რომ არიდებს. მე მინდა ვუთხრა ადამიანებს, ზედმეტ მგრძნობელობას რომ იჩენენ ცრუ ილუზიებისა და მყვირალა ფრაზების შიშართ: გმირული სიცრუე სიმხდალეა! ქვეყნად მხოლოდ ერთი გმირობა არსებობს: სამყაროს ისეთს ხედავდე, როგორც სინამდვილეშია და გიყვარდეს.

\* \* \*

ტრაგედია ბედისა, რომელზედაც მოგახსენებთ, სწორედ ისაა, რომ ტახტვა თანდაყოლილი აქვს; ის თვით აოსების შიგნიდან მოდის. გამუდმებით უღრღნის სულსა და არ მოეშვება. სანამ საბოლოოდ არ დაახგრავს. ეს ქრისტიანია: ერთ-ერთი უმძლავრესი ტიპი ადამიანთა დიდებული მოდგმისა, რომელიც აგერ უკვე ცხრამეტი საუკუნეა, რაც ჩვენს დასავლეთს რწმენისა და მწუხარების ძახილით ავსებს.

ოდესმე, მოძავალში, საუკუნეთა მიღმა (თუ ჩვენი მიწის ხსოვნა არ გაქრა მანამდე). ისინი, კინც ჩვენს შემდეგ მოვლენ, ამ გადაშენებული მოდგმის უფსკრულებს მალეობოლჯის კიდეზე მდგარ დანტესავით აღტაცებით, ძრწოლითა და სიბრალულით გადმოხედავენ.

მაგრამ ვინ იგრძნობს, ვინ გაუგებს მათ ჩვენზე უკეთ; ჩვენც ხომ

სიყრმითვე ამ კაეშნით ვართ დაზაფრულნი, — ჩვენც ხომ გვინახავს, როგორ ლაფავდა მისგან სულს, ვინც ყველაზე მეტად გვიყვარდა; ახლაც პირში გვაქვს ის მწკლარტე გემო დამათრობელი ქრისტიანული პესიმიზმისა, ხშირად მთელი ძალ-ლონის დაძაბვა გვიხდებოდა, რომ ჩვენც სხვებივით, ექვებით გვემულთ, ქედი არ მოგვეხარა თავბრუდამხვევი ღეთაებრივი არყოფნის წინაშე!

ღმერთი! მარადიული სიცოცხლე! თავშესაფარი ნათთვის, ვისაც ამქვეყნად ბედი არ გაუღიმებს! რწმენა, რომელიც ხშირად სხვა არა არის რა, თუ არ ცხოვრებაში რწმენის ურქონა მოჩაღლისადმი რწმენის არქონა, საკუთარ თავში დაექვება, არასრული სიხარული და არასაკმარისი სიმამაცე!.. ვიცით ჩვენ, რამდენ მარცხზე არის აგებული ეგ მწარე გამარჯვება!..

და ამიტომაც მიყვარხართ თქვენ, ქრისტიანებო; მიყვარხართ და მებრალეებით. მებრალეებით და აღტაცებაში მოვყავარ თქვენს მწუხარებას. თქვენ ხალველსა ჰვენთ სამყაროს, მაგრამ ამშვენებთ კიდევ. სამყარო გაღარბდებოდა, თქვენი ტყვილი რომ მოაკლდეს. ლახართა ამ ეპოქაში, როცა მწუხარების წინაშე თრთიან და ხმაურით მოითხოვენ თავიანთ წილ ბედნიერებას (რაც უმთავრესად სხვათა უბედურებას მოასწავებს), გავბედოთ პირისპირ შევხედოთ მწუხარებას და თავიანი ვცეთ! კურთხეულ იყოს სიხარული- კურთხეულ იყოს მწუხარება! ისინი ღები არიან და წმიდათაწმიდაა ორთვე. ისინი ერთად სჭედავენ სამყაროსა და კაცთა სულებს ამაღლებენ. ორთავ ძალაა, ორთავ — სიცოცხლე, ღმერთია ორთავე.. ვისაც ორთავე ერთად არ უყვარს, არ ჰყვარებია არც ერთი და არც მეორე. ხოლო მან, ვისაც ერთიცა და მეორეც განუტდია, იცის სიცოცხლის ფასი და მასთან განშორების სიამე.

რომენ როლანი.

## მ ი ქ ე ლ ა ნ ჯ ე ლ ო

ის იყო ფლორენციელი მოქალაქე, მკვიდრი პირქუშსასახლეებიანი ქალაქისა, წვერწამახული კოშკები ცისკენ შუბებივით რომ აღუმართავს და ხრიოკ გორაკებზე შეფენილა, რომლებიც ნატიფ ხვეულებად იხატებიან იისფერი ცის ფონზე. აქ პაწაწინა კვიპაროსები შავ თითისტარებს ჩამოჰგვანან და ზეთისხილის ვერცხლისფრად მოელვარე რტოთა ფარდა ქარის შემობერვაზე ტალღასავით ლივლივებს. სილაშაზეს აქ მუდამ თაყვანსა სცემდნენ. აქ ლორენცო მედიჩის ფერმკრთალი, ირონიული სახე და მაკიაველის ცბიერი ღიმილი აწყდებოდა „პრიმავერასა“ და ბოტიჩელის პირმკრთალ, ოქროსფერთმიან ვენერებს. ის გახლდათ მკვიდრი ფლორენციისა, ციებ-ციხელებით შეპყრობილი, ნერვებმოშლილი, ზვიადი, რელიგიური და სოციალური ისტერიებით ქენჯნილი ქალაქისა, რომელიც ყოველგვარი ფანატიზმის ტყვე იყო; მკვიდრი ქალაქისა, სადაც თავისუფლება ეწადა ყველას და თითქმის სუყველა ტირანი იყო: ქალაქისა, სადაც ცხოვრება ღებნა იყო და სადაც ცხოვრება ჯოჯოხეთად ქცეულიყო. ქალაქისა, სადაც ჭკვიანი, შეწყნარების არმცოდნე, ხალისიანი, ენაკვიმატი, გულარძინილი, ეკვიანი ხალხი ცხოვრობდა: მუდამ ერთმანეთის თვალყურში იყვნენ, შურდათ ერთმანეთისა და ერთმანეთს სამარეს უთხრიდნენ. ქალაქისა, სადაც ლეონარდოს თავისუფალი გონებისათვის ადგილი არ ძოიძევებოდა, სადაც მისტიკური ჰალუცინაციებით შეპყრობილი ბოტიჩელი შოტლანდიელი პურიტანელივით ასრულებდა თავის სი-ცოცხლეს; სადაც საეონაროლა, პროფილი თხისას რომ მიუგავდა, თვალთაგან ცეცხლს აკვესებდა და თავის ბერებს აიძულებდა ფერ-ხული ჩაებათ კოკონის გარშემო, რომელშიაც ხელოვნების ქმნილებებს წვადნენ და სადაც სამიოდე წლის შემდეგ ხელახლა აგიზგიზდა კოკონი თვით ამ წინასწარმეტყველის დასაფერფლად.

აი, ამ ქალაქისა და ამ დროის პირმშო შვილი იყო მიქელანჯელო მთელი თავისი ცრურწმენებით, ვნებებითა და გატაცებით.

თანამემამულეთა მიმართ კეთილი არასდროს ყოფილა. მისი დამოუკიდებელი, მძლე გენია ზიზღით უცქეროდა მათ კარჩაკეტილ ხელოვნებას, მათ მანერულ გონებას, მათ უღიმღამო რეალიზმს, მათ სნებიან დასვეწილობას, მათ სანტიმენტალიზმს.

თანამოძმეებს უდიერად ეპყრობოდა, მაგრამ უყვარდა კიდევ. სამშობლოს მიმართ ლეონარდოს გამჭირდავი ინდიფერენტიზმი არა ჰქონია. ფლორენციიდან შორს მყოფს უცხოობის ქირი — ნოსტალგია სტანჯავდა ხოლმე<sup>1</sup>. მთელი თავისი სიცოცხლე ამაოდ ცდილობდა ამ ქალაქში დაბრუნებას. ფლორენციაში იყო ომის ტრაგიკულ წუთებში და სიბერეშიც ამას იხვეწებოდა: „რაკი ცოცხალმა ჩასვლა ვერ შეეძელ, მკვდარი მაინც წამიღეთო იქ“<sup>2</sup>.

ძველ ფლორენციელს ეამაყებოდა თავის გვარი და თავის სისხლი<sup>3</sup>. არავის აძლევდა ნებას, რომ იგი მარტო ხელოვნად მიეჩნიათ.

---

<sup>1</sup> „დროდადრო საშინელი დარდი შემომაწვება, როგორც სჩვევიათ ხოლმე იმათ, ვინც თავის კერასაა მოწყვეტილი“ (1497 წლის 19 აგვისტოს წერილი).

<sup>2</sup> თავის თავს გულისხმობდა, როცა მასავით რომს მცხოვრებ დევნილ ფლორენციელს, ჩეკინო დეი ბრაჩის, ათქმევინებდა ერთ თავის ლექსში:

სიკვდილი მიჯობს, სამშობლოში ის დამაბრუნებს,  
სადაც ცოცხალი ვერასოდეს ვერ ჩავიდოდი.

(მიქელანჯელო, ლექსები: კარლ ფრეის გამოცემა. LXXIII, 24).

<sup>3</sup> სეტინიანოელი ბუონაროტი სიმონები ფლორენციულ ქრონიკაში მეთორმეტე საუკუნიდან არიან მოხსენებული. მიქელანჯელომ იცოდა ეს ამბავი და თავის გუჟალოვანსაე ჩინებულად იცნობდა: „ჩვენ უკეთილშობილესი გვარისა ვართო“, — ამბობდა იგი 1546 წლის დეკემბერს მმისაღმი მინაწერ ბარათში და აღუფოთებას ვერ მალავდა, როცა მისი ძმისწული ახნაურობას ეძიებდა: „ეგ სიგლაბუა; ქვეყანამ იცის, რომ ჩვენ ფლორენციის ძველი მკვიდრნი ვართ და გვარიშვილობით არავის ჩამოუყვარდებით“ (1549 წლის თებერვალი). ცდილობდა კვლავ აღემალღებინა თავისი გვარი, უნდოდა მრისანებს ისევ ძველი გვარი — სიმონი ეტარებინათ და ფლორენციაში თავადურ ყაიდაზე გამართული სახლი ჰქონოდათ, მაგრამ ძმების უნიათობამ შეუშალა ხელი. სირცხვილისაგან წითლდებოდა, როცა გაახსენებდა, რომ მის ძმას (ჯისმონდოს) სახნისი ეკირა ხელში და გლახურ ცხოვრებას ეწეოდა. 1520 წელს გრაფმა ალექსანდრო დი კანოსამ მოსწერა, ჩემს საგვარეულო არქივში ვიპო-

„მე მოქანდაკე მიქელანჯელო კი არა. მიქელანჯელო ბუნაროტი ვარო“<sup>1</sup>, იტყოდა ხოლმე.

ის სულის არისტოკრატი იყო და თავისი კასტის ყველა ცრურწმენა მუდამ თან სდევდა. იმასაც ამბობდა: „ხელოვნებას მხოლოდ კეთილშობილნი უნდა მისდევდნენ, ხელოვნება რა უბირი ხალხის საქმეაო“<sup>2</sup>.

ოჯახზე რელიგიური, ძველთაძველი, თითქმის ბარბაროსული წარმოდგენა ჰქონდა. ოჯახს სწირავდა ყველაფერს და სურდა, სხვებიც ასე მოქცეულიყვნენ. მისივე სიტყვებით რომ ვთქვათ, ოჯახის გულისათვის „თავს მონადაც კი გაყიდდა“<sup>3</sup>. მაგრამ აქ ნათესაური სიყვარული არაფერ შუაშია. ძმები სძულდა და ღირსნიც იყვნენ. სძულდა ძმისწულიც, თავისი მემკვიდრე: მაგრამ ყველა მათ პატივსა სცემდა როგორც თავისი გვარის წარმომადგენლებს.

ჩვენი გვარი — ეს სიტყვა ხშირად, ძალზე ხშირად გვხვდება მის ხაწურებში: „გადავარჩინოთ ჩვენი გვარი“... „რომ ჩვენი გვარი არ გადაშენდეს“.

ამ ძლიერი და უხეში გვარის ყველა ცრურწმენა, ფანატიზმი, ყველა მანკი გულში ჰქონდა ამოკვეთილი. გვარი იყო ტალახი, რომლისგანაც მისი არსება შექმნეს, მაგრამ ამ ტალახიდან იფეთქა ალმა, ღვთიურმა ნიჭმა და განწმინდა ყოველივე.

---

ვე საბუთი იმისა, რომ ნათესაევი ვართო. ცნობა ყალბი გამოდგა: მაგრამ მიქელანჯელომ ირწმუნა იგი და ვადაწყვეტა, კანოსას კოშკი ეყიდა, სადაც, მისი აზრით, დაირწა მის წინაპართა აკვანი ძისმა ბიოგრაფმა კონდივიმ მისივე მითითებით მის წინაპართა რიცხვში შეიყვანა ანრი II-ის და, ბეატრიჩე. და გრაფის მეუღლე, დიდებული მატილდა.

1515 წელს, ლუი X-ის ფლორენციაში სტუმრობასთან დაკავშირებით, მიქელანჯელოს ძმას. ბუნაროტოს, პალატინის გრაფის (Comes palatinus) ტიტული ებოძა და ბუნაროტებს უფლება მიეცათ თავიანთ ღერბზე მედიხითა ღერბის „palla“-ც (ბურთებიც) შეეტანათ სამი შროშანითა და პაპისეული ინიციალებით

<sup>1</sup> „მე არასოდეს ვეკუთვნოდი იმ მოქანდაკეთა რიცხვს, ვისაც თავისი ხელობა სავაპროდ გაუხდია. ჩემი გვარი რომ არ შემერცხვინა, ამგვარი რამეებისაგან მუდამ შორს მეკირა თავი“ (წერილი ლიონარდოსადმი, 1548 წლის 2 მაისს დაწერილი).

<sup>2</sup> კონდივი.

<sup>3</sup> 1497 წლის 29 აგვისტოს მამისადმი მიწაწერი ბარათი. მამამისს მხოლოდ 1508 წლის 13 მარტს „გამოეყო“. როცა უკვე ოცდაცამეტ წელს იყო მიტანებული (ოფიციალური აქტი 28 მარტსაა გაფორმებული).

ვისაც მოწოდებისა არ სჯერა და არ იცის, რა არის ნიჭი, დე, მიქელანჯელო გაიხსენოს. კაცი თავის ნიჭს ეგზომ ძლიერ არასოდეს შეუპყრია. მისი გენია ისეთივე ბუნებისა არ იყო, როგორც თვითონ. მისი ნიჭი ბუმბერაზი იყო ძლიერი, რომელიც დააცხრა მას და დაიშონა. ნებისყოფას აქ წილი არ ედო. შეიძლება ისიც ითქვას, რომ არც მის გულსა და არც გონებას არ ედოთ წილი.

ეს იყო შმაგზე შმაგი ალტყინება, ღეთიური ალი, საამისოდ ერთობ სუსტ სულსა და სხეულში რომ დაიბუდა.

მუდამ სამოქმედო ციებ-ცხელებით იყო შეპყრობილი, ძალთა სიჭარბით გამოწვეული ტანჯვა მუდამ სამოქმედოდ იწვევდა და ერთი საათითაც, ერთი წამითაც არ ასვენებდა.

„მუშაობით ქანცი მაქვს გაწყვეტილი, დღედაღამ სამუშაოზე ვფიქრობ; ჩემდენი კაცს არ უშრომია თავის დღეში“.

მარად ქმედობის ეს ავადმყოფური ჟინი მარტო იმაში კი არ ვლინდებოდა, რომ სამუშაოებს აგროვებდა და უამრავ შეკვეთას იღებდა ისეთს, რომლის შესრულებასაც ვერ შესძლებდა. იგი მანიად იყო ქცეული. უნდოდა მთები გამოექანდაკებინა. თუკი რაიმე ძეგლი ჰქონდა ასაგები, წლებს კარგავდა ქვის სამტეხლოებში, ეძებდა შესაფერლოდებს, გაჰყავდა გზები მათ გადმოსატანად; უნდოდა თვითონ ყოფილიყო ყველაფერი: ინჟინერიც, შავი მუშაუცა და ქვის მთლეიც; უხდოდა ყველაფერი თვითონ გაეკეთებინა: მარტოს აეგო სასახლეები და ტაძრები. მისი ცხოვრება ნამდვილი კატორღა იყო. ჭამისა და ძილისთვისაც კი ვერ იცლიდა. მის წერილებში ყოველ წუთს გაისმის ეს მწარე რეფრენი:

„ჭამის დროც არა მაქვს... ჭამისთვისაც კი ვერ ვიცლი... თორმეტი წელია, წელებზე ფეხს ვიდგამ, აუცილებელიც კი მაკლია... ერთი სუც კი არ გამაჩნია... ვებრძვი სილატაკეს... ათასი სატივიარი მაწუხებს, შიშველ-ტიტველი დავიარები...“<sup>1</sup>

მართლა ღარიბი კი არ ყოფილა. ბოლოს მდიდარი იყო, ძალზე

<sup>1</sup> 1507, 1509, 1512, 1513, 1525, 1547 წწ. დაწერილი წერილები.

მდიდარი<sup>1</sup>. მაგრამ რა? მართლაც უპოვარი კაცივით ცხოვრობდა, მუშა ცხეხივით თავის დოლაბზე მიჯაჭვული. ვერვის გაეგო, თავს აგრერი-  
გად რად იწვალებდა. არვის ესმოდა, რომ ეს მასზე არ იყო დამოკი-  
დებული და რომ წამება თითქმის მოთხოვნილებად ქცეოდა. მამამი-  
სიც კი, ვისაც იგი ბევრ რამეში ჩამოჰგავდა, საყვედურობდა ხოლმე:

„შენმა ძმამ მითხრა, რომ მათხოვარივით ცხოვრობ და ძალიან დიდ  
ზომპირნეობას ეწევი. ყაირათიანობა კარგია, მაგრამ სილატაქე — დასაძ-  
რახისი. ეგ მანკია ღეთისა და ადამიანთა თვალშიც. ვნებს შენს სულსა  
და ხორცს. სანამ ახალგაზრდა ხარ, კიდევ არაფერი, მაგრამ, როცა  
შობხუცდები, ათასი სენი და სატკივარი, ამ ცუდ ყოფაში რომ იშვა,  
შხის შუქზე გამოვა. სილატაქეს ნუ დაეჩავგრინები. ყაირათიანად  
იცხოვრე, მაგრამ აუცილებელი არ მოიკლო... მუშაობით ქანცს ნუ  
გაიწყვეტ...“<sup>2</sup>

მაგრამ არავითარი რჩევა არ ჰქრიდა. თავს ღმობიერად არასოდეს  
შობპრობია. მხოლოდ ცოტაოდენი პურითა და ღვინით იკვებებოდა.  
ღღელამეში მარტო რამდენიმე საათს ეძინა. ბოლონიაში რომ იყო და  
იულის II-ის ბრინჯაოს ქანდაკებას ამზადებდა, მასა და მის სამ თა-  
ნაშემწეს ერთ საერთო საწოლზე ეძინათ<sup>3</sup>. ტანსაცმლიანად და ჩექმე-  
ბიანად წვებოდა ხოლმე. ერთხელ ფეხები დაუსივდა და ჩექმების გაჭ-  
რა გახდა საჭირო. ჩექმა რომ გააძრეს, კანიც თან მიჰყვა თურმე.

ამ საშინელმა ყოფამ, როგორც მამა უწინასწარმეტყველებდა, თა-  
ვისი შედეგი გამოიღო. გამუდმებით ავადმყოფობდა. მის წერილებში

<sup>1</sup> მისი სიკვდილის შემდეგ მის სახლში 78.000 ოქროს ღუჯატი იპოვეს, რაც დღე-  
ვანდელ 400 ან 500 ათას ფრანკს უდრის. ამას გარდა, ვაზარის ცნობით, მან უკვე  
ორჯერ მისცა თავის მძისწულს 7.000 ეკიუ და თავის მსახურ ურბინოსაც უწყალობა  
2.000 ეკიუ. ეს მარტო რომში. ფლორენციაშიც დიდძალი თანხა ჰქონდა დაბანდებული.  
1534 წლის ოფიციალური დოკუმენტებიდან ჩანს, რომ იშხანად მას ექვსი სახლი და  
შვიდი მამული ჰქონდა შეძენილი: ფლორენციაში, სეტინიანოში, როვეციანოში, სტრა-  
დელოში, სან-სტეფანო-დე-პოცოლატიკოსა და სხვაგან. მიწა გაგეიებით უყვარდა.  
სულ მამულების ყიდვაში იყო: 1505, 1506, 1512, 1515, 1517, 1518, 1519, 1520  
წლებში. ამაში ჩანდა მისი გლეხური ბუნება. თუმცა ამ დოკუმენტის თავისთვის როლი  
აგროვებდა: ფულს სხვებს ახარებდა, თვითონ კი ყველაფერს იკლვდა.

<sup>2</sup> ამას მოსდევს რამდენიმე ჰიგიენური რჩევა, მაშინდელი ყოფის სიბნელეზე  
რომ მეტყველებს: „ყველაზე მეტად თავს გაუფრთხილდი. სხეულის სითბოში გქონ-  
დეს და ნურასოდეს ნუ დაიბან: ტანი გააწმენდინე ხოლმე. მაკრა ნურასოდეს ნუ  
დაიბან“ (1500 წლის 19 დეკემბერს დაწერილი წერილი).

<sup>3</sup> წერილები, 1505 წ.

მოჩანს კვალი თოთხმეტი თუ თხუთმეტი მძიმე სენისა<sup>1</sup>. ხურვება სჭირდა და ამ სენმა ბევრჯერ სიკვდილის კარამდეც კი მიიყვანა იგი. სტიოდა თვალები, კბილები, თავი და გული<sup>2</sup>. ნევრალგია ღრღნიდა, განსაკუთრებით ღამით. ძილი მისთვის წამება იყო. აღრე დაბერდა. ორმოცდაორი წლისა უკვე თვითონაც გრძნობს საკუთარ დაჩაჩანაყებას<sup>3</sup>. ორმოცდარვა წლისა წერდა: „ერთ დღეს რომ ვმუშაობ, ოთხი დღე მაინც უნდა დავისვენო“<sup>4</sup>. მაგრამ თავს მაინც არ უვლიდა, არასდროს ჩვენებია ექიმებს.

ამ თავგადაკლულმა შრომამ სხეულზე უფრო მის გონებას დაასვა დალი: მუდამ პესიმიისტურად იყო განწყობილი. ეს მემკვიდრეობითი სენი იყო. ახალგაზრდობაში ამაოდ ცდილობდა დაემშვიდებინა მამა, რომელსაც, როგორც ჩანს, დროდადრო დევნილობის მანია შეიპყრობდა ხოლმე<sup>5</sup>. მაგრამ ამ სენით თავად უფრო იყო დაზაფრული, ვიდრე

<sup>1</sup> 1517 წლის სექტემბერს „სან ლორენოსა“ და მინერვას ქრიტატზე მუშაობისას ისე დაძაბუნდა, რომ „სიკვდილის პირას იყო მისული“. 1518 წელს სერავეის ქვის სამტებლოებში მტრისმეტი ჭაფისა და უსიამოვნებისაგან ლოგინად ჩაეარდა. 1520 წელს, რაფაელის სიკვდილის შემდეგაც ავადმყოფობდა: 1521 წლის მიწურულს მისი მეგობარი ლიონარდო-სარაჯი ულოცავს „რომ გადურჩა მძიმე სენს, რომელსაც ცოტანი თუ ურჩიებინა“. 1531 წლის ივნისში, ფლორენციის დაციემის შემდეგ უძილობა დასჩემდა; კმანის მადაც დაკარგა. საშინლად აწუხებდა გული და თავი. ამ მდგომარეობამ წლის ბოლომდე გასტანა. მეგობრებს უკვე დაღუპულად მიაჩნდათ იგი. 1539 წელს სიქსტის ხარაჩოებიდან ჩამოვარდა და ფეხი მოიტეხა. 1544 წელს საშინელმა ციებ-ცხელებამ დარია ხელი. მაშინ სტროცის სახლში იწვა, ფლორენციაში, და მისი მეგობარი, ლუიჯი დელ რიჩო, უვლიდა. 1545 წლის დეკემბერსა და 1546 წლის იანვარში ისე ერთბაშად დაუვარდა სიციხე, რომ სულ მთლად წაერთვა ძალი. ისევ სტროცის სახლში აღმოჩნდა, ისევ რიჩომ იყისა მისი პატრონობა. 1549 წლის მარტში კენჯის გავლა ჰქონდა. 1555 წლის ივლისში ქარებმა გაატანჯეს. 1559 წლის ივლისში ისევ კენჭმა გაუარა. ამან და სხვა ათასმა სატყვიარმა მთლად დაასუსტა. 1561 წლის აგვისტოში შეტევა მოუვიდა: „უფრონოდ დაეცა ძირს და კრუნჩხვები დაეწყო“.

<sup>2</sup> „Febbre, fianchi, delor“, morbi occhi e denti“ (ლექსები, LXXXII).

<sup>3</sup> 1517 წლის ივლისს კარარიდან დომენიკო ბუონინსენისადმი მიწერილი ბარათი.

<sup>4</sup> 1523 წლის ივლისს ბარტოლომეო ანჯოლინისადმი მიწერილ ბარათში.

<sup>5</sup> მამამისს გამოგზავნილ წერილებში სულ იმასა საზოგადოებას: „თავს ნუ იტანჯავთ“ (1509 წ. გაზაფხული); „ძალიან ეწუხვარ, რომ ამ საშინელ დარდს შეუპყრიხართ; გეძუდარებით, გადაივლეთ გულიდან ეგ საფიქრალი“ (1509 წლის იანვარი); „ერთ ბეწო ნალევლსაც კი ნუ გაივლებთ გულში“ (1509 წლის სექტემბერი).

როგორც ჩანს, მოხუც ბუონაროტისაც მიქელანჯელოსავით დროდადრო მოიცავდა ხოლმე პანიკური შიში. 1521 წელს (როგორც შემდეგ ვნახავთ) იგი ერთბაშად გაიქცა საკუთარი სახლიდან და შეილს ხმა დაუვდო, გამომავლო.



ის. ვისაც ნუგეშსა სცემდა. მუნღჩაუხრელმა შრომამ, ენით უთქმელმა დაღლილობამ. რომელსაც ვერ იქნა და ვერ დააღწია თავი, იარაღი აპყარა. მისი ისედაც ექვიანი და მფრთხალი გონება ცდომილებათა ახაბარა იყო მიგდებული. მტრებს ექვის თვალით უცქეროდა. არ ენდობოდა არც მეგობრებს<sup>1</sup>. არ ენდობოდა არც ნათესაეებს, არც შვილობილს, აღარც ღვიძლ ძმებს; სულ იმის ფიქრში იყო, ჩემს სიკვდილს მოუთმენლად მოეღიანო.

სუყველაფერი აშფოთებდა<sup>2</sup>; მისიანებიც კი დასცინოდნენ ამ გაუთავებელი შიშის გამო<sup>3</sup>. როგორც თვითონ ამბობდა ხოლმე: „სულ მუდამ მელანქოლიით, ან უფრო უკეთ, სიშმაგით იყო შეპყრობილი“<sup>4</sup>. ამდენი წვალების შემდეგ შეიყვარა კიდევ წვალება და მასში რაღაც მწარე შვებას ჰპოვებდა ხოლმე:

ის უფრო მიყვარს, რაც მავნებს და ზიანს მომიტანს.

E piu mi giova dove mi nuoce<sup>5</sup>.

---

<sup>1</sup> „ხშირად თვლემს სრულქმნილ მეგობრობის სიტკობებში საფრთხე ღირსების შელახვისა და სიკვდილისა“.

(LX XIV სონეტი, მიძღვნილი მეგობარ ლეიჯი დელ რიჩოსადმი, რომელმაც იმხანად (1546 წელს) მძიმე სენისაგან განკურნა იგი).

ხახეთ აგრეთვე თავის მართლების შესანიშნავი წერილი, რომელიც 1561 წლის 15 ნოემბერს მოსწერა მისმა ერთგულმა მეგობარმა ტომაზო დეი კავალიერიმ, ვისშიაც მიქელანჯელომ უსაფუძელოდ შეიტანა ეპი: „მე მთელის არსებით მჭერა, რომ არასოდეს შეურაცხყოფა არ მომიყენებია თქვენთვის; მაგრამ თქვენ ძალიან ადვილად უჩერებთ იმათ, ვისაც საერთოდ არ უნდა უგდოთ ყური“...

<sup>2</sup> „მუდამ ექვეში ვარ... ნურავის ნუ მიენდობით; ძილის დროსაც კი ნუ მოხუჭავთ თვალს“...

<sup>3</sup> 1515 წლის ოქტომბერს თავის ძმის, ბუონაროტოსადმი მიწერილ წერილში ამბობს:

„...ნუ გაიცინებ იმაზე, რასაც ახლა გწერ.. არასოდეს არ უნდა დასცინო ადამიანს... ჩვენს შფოთიან დროს შიში და სიფრთხილე არც სულსა და არც ხორცს ვნებანს არ მოუტანს... თუმცა სიფრთხილე არც არასოდეს ყოფილა საძრახისი“...

<sup>4</sup> წერილებში ხშირად უწოდებდა თავის თავს „მელანქოლიით შეპყრობილსა და შეშლილს“, „ბებერ შლეგს“, „შლეგსა და ბოროტს“. თუმცა ზოგჯერ, როცა ამ სიგიჟეს ბრალადა სდებებ, თავს იცავს და ამბობს, რომ ეს სიგიჟე მხოლოდ მასა ენებს, „სხვისთვის არასოდეს მოუტანია ზიანი“.

<sup>5</sup> ლექსები, XLII.

მისთვის სატანჯველი იყო ყველაფერი: თვით ბედნიერებაც<sup>1</sup>, თვით სიყვარულიც<sup>2</sup>.

მელანქოლია არის ჩემი სიმპიარული.

*La mia allegrez'è la malinconia.*

მისთვის უცხო იყო სიხარული, მწუხარებისათვის იყო გაჩენილი. მხოლოდ მას ხედავდა, მხოლოდ მას გრძნობდა უსაზღვრო სამყაროში: მსოფლიო პესიმიზმი შეკრებილა ამ სასოწარკვეთილ ძახილში, რომელიც მომხიბვლელია თავისი უსამართლობით:

არ ღირს ათასი სიხარული ერთ მკვმუნვარებად!..

*Mille piacer non vaglion un tormento!..*<sup>3</sup>

\* \* \*

„მისმა შმაგმა ენერგიაჲ, — ამბობს კონდივი, — მთლად ჩამოაციოლა საზოგადოებას, იმდროინდელ ადამიანებს“.

სულ მარტო იყო. სძულდა და სიძულვილითვე პასუხობდნენ. უყვარდა და არავინ არ შეიყვარა. მისი ეშინოდათ და მისით აღტაცებაში შოდიოდნენ. ბოლოს რელიგიურ მოწიწებას შთააგონებდა ყოველს.

თავის საუკუნეზე რომ ამალდა, ცოტა დამშვიდდა. ადამიანებს ზემოდან დასცქეროდა, ისინი ქვევიდან შეჰყურებდნენ. მაგრამ არასოდეს ჰყოლია ტოლი. არასოდეს უნახავს მოსვენება, შვება, რომელსაც ღმერთი თვით უმდაბლეს არსებებსაც კი მიუბოძებს; სიცოცხლეში თუნდაც ერთის წამით სხვის თანაგრძნობაში ვერ ჰპოვა ნუგეში. ქალის სიყვარული არ რგებია. მხოლოდ წამით აენტო მის უდაბურ ცაზე ვიტორია კოლონას მეგობრობის ცივი და წმიდა ვარსკვლავი. გარს ეკრა წყვილიადი, რომელსაც მისი მგზნებარე გონების მეტეორები ჰკვეთდნენ: მისი შმაგი სურვილები და ოცნებანი. ბეთპოვენს არასოდეს სწვევია ასეთი ბნელი ღამე. ეს იმიტომ, რომ ღამე თვით მიქლანჯელოს გულში იყო დაბუდებული. ბეთპოვენი საზოგადოებაჲ

<sup>1</sup> ყველაფერი მამწუხარებს, — წერს იგი, — თვით ბედნიერებაც თავის უხანოებით უფრო მტანჯავს და უფრო მიკლავს გულს, ეიდრე უბედურება“.

<sup>2</sup> ბედნიერია მიწნერთათვის ტრფობის სიუხვის ჟამი კი არა, მათ რომ ვნებას უცხრობს, არამედ მათ რომ იმედით ასულდგმულებს, ის ძნელბედობა.  
*Che degli amanti è men felice stalo  
Quello ove'l gran desir gran conia affrena  
C'una miseria di speranza piena:*  
(სონეტი CIX, 48).

<sup>3</sup> ლექსები, LXX XI.

<sup>4</sup> ლექსები, LXX IV.

დაამწუხრა, ბუნებით მხიარული იყო, სიხარულისაკენ მიიღტვოდა. მიქელანჯელოს კი მწუხარება სულში ჰქონდა ამოკვეთილი, რაც ასე აშინებს ადამიანებს, რასაც ინსტინქტურად გაუბრბის ყველა. თავის გარშემო თვითონ ჰქმნიდა სიცარიელეს. სულ მუდამ დაობდა თავის თავთან, დღეს ისწრაფებდა საკუთარ თავთან ბრძოლით. მისი გენია შეუღლებული იყო სულთან, რომელიც მას გამუდმებით დალატობდა. ზოგჯერ ამბობენ, უცნაურად გაუწყრა ბედი და ნება არ მისცა ბოლომდე მიეყვანაო თუნდაც ერთი დიდი პროექტი. ეს ბედისწერაც თვითონ იყო. და ერთადერთი გასაღები, რომელიც მისი ცხოვრების ყველა ტრაგედიას ხსნის, იყო ის, რაც ყველაზე ნაკლებ დაუნახავთ, რისი დანახეაც ვერ გაუბედავთ — მისი უნებისყოფობა და სუსტი ხასიათი.

გაუბედავი იყო ხელოვნებაში, გაუბედავი იყო პოლიტიკაში, გაუბედავი იყო ყველა თავის მოქმედებასა და ნააზრევში. ორ საქმეს შორის, ორ პროექტს შორის, ორ პარტიას შორის ერთ-ერთს ვერას-გზით ვერ ამოირჩევდა. ამის ნათელი დადასტურებაა იულიუს II-ის საფლავის ძეგლის, სან-ლორენცოს ფასადისა და მედიჩიტა საფლავების ბედი. სულ იწყებდა, იწყებდა და ბოლომდე ვერასოდეს მიჰყავდა საქმნელი. სურდა და არც სურდა. არჩევანს ერთზე რომ შეაჩერებდა, მანძინვე დაეკვდებოდა ხოლმე. ცხოვრების მიმწუხრისას უკვე აღარაფერი მიჰყავდა ბოლომდე, ისე მობეზრდა ყველაფერი. ამბობენ, შეკვეთებს თავს ძალად ახვევდნენო და სხვებს აბრალებენ, ფეთიანივით რომ აწყდებოდა ხან ერთ პროექტსა და ხან — მეორეს და ავიწყდებათ, რომ ბატონები თავს ძალად ვერაფერს მოახვევდნენ, გადაწყვეტით რომ ეთქვა უარი. მაგრამ უარის თქმას ვერ ბედავდა.

სუსტი იყო, ძალიან სუსტი. პატიოსნებასა და მორცხვობას დაეჩაგრა. სინდისი სტანჯავდა ხოლმე, ათასი ექვი ჰენჯნიდა ისეთი, რომელთაც სხვა, უფრო ძლიერი ბუნების კაცი სულ იოლად მოიცილებდა. მოვალეობის გრძნობა მეტისმეტად გადაჭარბებულად ესმოდა და ასე ეგონა, თავისი ხელით უნდა გაეკეთებინა ის საქმეც კი, რასაც ნებისმიერი შავი მუშა მასზე უკეთ გააკეთებდა<sup>1</sup>. მას არ შეეძლო არც ნაკისრ ვალდებულებათა შესრულება, არც დავიწყება მათი<sup>2</sup>.

<sup>1</sup> აკი მთელი წლები გაატარა სერავეციის ჰენს სამეტესლოებში სან-ლორენცოს ფასადზე მუშაობისას.

<sup>2</sup> გაიხსენოთ თუნდაც ის „ქრისტე“ მანერვასათვის, 1514 წელს რომ შეუცვთეს;

სუსტად სიფრთხილედ და შიში აქცევდა. ამ კაცს, რომელსაც იულიუს II „საშინელს“ („terribile“-ს) ეძახდა, ვაზარი „ფრთხილს“, მეტისმეტად ფრთხილს უწოდებდნენ. ამ კაცს, „ვინც შიშის ზარს სცემდა ყველას, თვით პაპებსაც კი“<sup>1</sup>, თვითონ ეშინოდა ყველასი. მთავრებთან სისუსტეს იჩენდა. თუმცა კი მასზე მეტად ვის სძაგდა ისინი, ვინც მთავრებს ფეხქვეშ ეგებოდნენ. მათ „პაპის საპალნის ვირებს“ ეძახდა<sup>2</sup>. უნდოდა პაპებს გაქცეოდა, მაგრამ ვერასგზით ვერ ასერსებდა<sup>3</sup>. თავისი ბატონების შეურაცხყოფელ წერილებზე მორჩილად უპასუხებდა<sup>4</sup>. ხანდახან გული მოებჯინებოდა ყელში და ამაყად იწყებდა ლაპარაკს, მაგრამ უმაღლეს თმობდა თავის პოზიციებს. მთელი თავისი სიცოცხლე იწვევდა საბრძოლველად, მაგრამ საამისოდ ძალა არ შესწევდა. კლიმენტ VII-მ, ვინც საყოველთაოდ აღიარებული აზრის მიუხედავად, მისდამი სხვა პაპებზე მეტ სიკეთეს იჩენდა, იცოდა მისი სისუსტე და ებრალებოდა იგი<sup>5</sup>.

სიყვარულში ყოველგვარ ღირსებას ჰკარგავდა. თავს იმეორებდა ისეთი ბრწყინების წინაშე, როგორც ფეხი დი პოეტი იყო<sup>6</sup>. „მწლე

---

სასოწარკვეთაში ვარდებოდა, რაკი 1518 წელსაც არ ჰქონდა დეწეხული: „ვაჯრი მკლავს... თავი ქურდი მგონია“. სიენის პიკოლომინის კანკლანხედაც ასე მოუხდა: 1501 წელს დიდო ხელშეკრულება, სამ წელიწადში უნდა დაემთავრებინა სამუშაო და სამოცი წლის შემდეგაც, 1561 წელსაც საშინელ სინდისის ქენჯნას გრძნობდა, დანაპირები რომ ვერ შეასრულა.

1 „Facte paura a ognuno insino a'papi“—სწერდა მას სებასტიანო დელ პიომბო 1520 წლის 27 ოქტომბერს.

2 ვაზარისთან საუბარში.

3 თუნდაც 1534 წელს, როცა პაპე III-ს სურდა გაქცეოდა: ბოლოს მაინც დამორჩილდა და ახალ სამუშაოს შეუძვირა ქედს.

4 გავიხსენოთ კარდინალ დე მედიჩის (შომავალი კლიმენტ VII-ის) დამამეორებელი წერილი, 1518 წლის 2 თებერვალს გამოგზავნილი. რომელშიაც შომავალი პაპი ცილს სწამებს მიქელანჯელოს, თავი კარარელებს მიჰყიდათ. მიქელანჯელო მაინც ქედს იდრეკს, არ ეურჩება და სწერს კარდინალს: „ქვეყნად ყველაზე მეტად თქვენი ამბება მწადაია“.

5 იხილეთ მისი წერილები და წერილები, რომელთაც ფლორენციის აღების შემდეგ მისი სახელით სწერდა სებასტიანო დელ პიომბო. პაპს აინტერესებდა მიქელანჯელოს ჯანმრთელობა, მისი საზრუნავი და სატიკვარი. 1531 წელს სპეციალური ბრევეც გამოსცა და იმ პირთა მბეზრობისაგან დაიცვა ხელოვანი, რომლებიც მის კეთილგანწყობას ბოროტად იყენებდნენ.

6 იხ. მიქელანჯელოს მორჩილებით აღსაყვებ წერილი ფეხოსაღმი (1533 წლის დეკემბერი) და ფეხოს საპასუხო წერილი (1534 წლის იანვარი), რომელშიც აშკარად მოჩანს დამწერის ორგულობა და ანგარებიათი ხასიათი.

გენიას“ ეძახდა მომხიბვლელ, მაგრამ საშუალო ნიჰის მქონე ტომაზო დეი კავალიერის<sup>1</sup>.

სიყვარული მის სისუსტეს მისატყვებელს მაინც ხდოდა. მაგრამ ეს სისუსტე სამწუხარო იყო და სავეალალო, ვერ გამიბედავს, სამარცხვინო-მეთქი, მაშინ, როცა შიშით იყო გამოწვეული. პანიკური შიში უეცრად შეუდგებოდა და გარბოდა ხოლმე იტალიის ერთი კიდიდან შერეში შიშით ატანილი. 1494 წელს ფლორენციიდან გაიქცა რალაც საშიხელის ხილვით თავზარდაცემული. 1529 წელს კვლავ გაიქცა. ამჟამად უკვე ალყაშემორტყმული ფლორენციიდან, ქალაქიდან, რომლის დაცვაც მას ჰქონდა ნაბრძანები. ვენეციამდე სული არ მოუთქვამს საფრანგეთშიც სურდა გადასვლა. მერე თვითონვე შერცხვა თავისი სისუსტის და გამოისყიდა კიდეც, დაბრუნდა ალყაშემორტყმულ ქალაქში და ალყის ბოლომდე თავის მოვალეობას პირნათლად ასრულებდა. მაგრამ როდესაც ფლორენცია აიღეს და რეპრესიები დაიწყო, როგორ კანკალებდა, რა სისუსტე გამოიჩინა მაშინ! ეპირფერებოდა და მსჯეელი რაზმის უფროსს — ვალორის, რომელმაც მოაკვლევინა ქველი ბატისტა დელა პალა, მისი მეგობარი. სხვა? ზურგი აქცია თავის მეგობრებს, უარყო დევნილი ფლორენციელები<sup>2</sup>.

<sup>1</sup> „... და თუ ნავი არ გამაჩნია, რომ ვიტყვავო თქვენი მძლე გენიის ზღვაში, ვიც, თქვენივე ნიჰი შემინდობს და არ გამწირავს, რაკი ვერაფერში ვერ შეგადრებო. მას, ვინც ერთადერთია ყველაფერში, არ შეიძლება ჰყავდეს ბადალი“ (მიქელანჯელოს წერილი ტომაზო დეი კავალიერისადმი, 1533 წლის პირველ იანვარს მიწერილი).

<sup>2</sup> „...დღემდე თავს ვიკავებ და არ ველაპარაკები განდევნილებს, არც ვაპრობო მაქვს მათთან. შომაველშიაც ასე მოვიტყევი... არავის არ ველაპარაკები, მეტადრე ფლორენციელებისგან მიპირავს შორს თავი. ქუჩაში თუ მესალმებთან, რა დამრჩენია, მეც შეგობრულად უნდა მივესალმო, მაგრამ არავის არ ვუჩერდები. მე რომ ვიცოდან, მათგან დევნილი რომელია, სულაც არ ვუპასუხებდი...“ (1548 წელს რომიდან მძისწულ ლიონარდოსათვის გამოგზავნილ ბარათში). ადრე ლიონარდომ მისწერა, ფლორენციაში ბრალად გდებენ, ჩვენს განდევნილ თანამემამულეებს ემეგობრებო (კოზიმო II-მ მათ წინააღმდეგ სწორედ მაშინ გამოსცა მეტად მკაცრი ედიქტი).

მიქელანჯელო უფრო შორსაც წავიდა. უარყო სტუმართმოყვარეობა, ავადმყოფს რომ გაუწიეს სტროცის სახლში:

„იმას კი ტყუილად მსაყვედურობენ, ავადმყოფობისას სტროცის სახლში რად გვიღიდნენო; ჩემის აზრით, მე მის სახლში სულაც არ ვყოფილვარ, მე მხოლოდ ჩემი მეგობრის, ლუიჯი რიჩოს ოთახში ვიწექი“. ლუიჯი რიჩო სტროცის მსახური გახლდათ. სტროცის სტუმარი რომ იყო და არა რიჩოს, თვითონ მიქელანჯელოსაც ორი წლის წინათ ამაში ეჭვი არ ეპარებოდა: აქი ამიტომაც გაუგზავნა რობერტო სტროცის მადლობის ნიშნად ორი „მონა“, რომლებიც ამჟამად ლუერში ინახება.

მას ეშინოდა და წარმოუდგენლად რცხვენოდა ამ შიშის. თავი მოსძულდა. ლოგინადაც კი ჩაეარდა, ისე ეჯავრებოდა თავისი თავი. სიკვდილს უხმობდა და მართლაც სიკვდილის პირად იყო მისული<sup>1</sup>.

მაგრამ სიკვდილი არ ეწერა. მასში სიცოცხლის შმაგი ძალა იყო დაბუდებული. ძალა, რომელიც ყოველდღე ხელახლა იბადება, რომ უფრო მეტად დაიტანჯოს. უმოქმედობა მანაც შესძლებოდა; მაგრამ არც ამაში ჰქონია ბედი. გულხელდაკრეფით ყოფნა არ შეეძლო და მოქმედებდა. უხდა ემოქმედა. — ემოქმედაო? ის თავად იყო მოქმედება და როგორც დანტეს ღვთისაგან წყეულ სულს ისე მიმოიტაცებდა შმაგ და ურთიერთსაწინააღმდეგო ვნებათა ქარიშხალი.

რაოდენ დიდი უნდა ყოფილიყო მისი სატანჯველი

Ohime, ohime, pur reiterando  
Vo'! mio nassato tempo e non ritruovo  
In tuco un giorno che sie stato mio!  
ვაგაბ! ბედკრული ვიგონებ წარსულს,  
მაგრამ არ არის ერთი დღე მანაც,  
რომ შემეძლოს და დაეარქვა ჩემი! <sup>2</sup>

ღმერთს მიმართავდა სასოწარკვეთილი ძახილით:

O Dio, o Dio, o Dio!  
Chi piu di me potessi, che poss' io!  
ო, ღმერთო! ღმერთო! მე ვინ მიშველის,  
ჩემს თავს მე თვითონ თუ არ ვუშველე! <sup>3</sup>

სიკვდილსაც მხოლოდ იმიტომ უხმობდა, რომ მასში ამ აუტანელი ყოფის დასასრულს ხედავდა. რა შურით ლაპარაკობდა მიცვალებულებზე:

Ne tem'or piu cangiar vita ne voglia,  
Che quas i senza invidia non lo scrivo...  
L'ore distinte a voi non fanno forza,  
Caso o necessita non vi conduce...  
არ შეიცვლება არც ცხოვრება და არც სურვილი...  
ძალმომრებოთ ვერ განდება უამი ვერაფერს:  
ვერც შემთხვევა და იწულება აგვლეწებათ...  
ვერ შურით ამას, ვერ დაეფარავ, ბედი მშურს თქვენი <sup>4</sup>.

<sup>1</sup> 1531 წელს, ფლორენციის აღების შემდეგ, მას შემდეგ, რაც კლიმენტ VII-ს დამორჩილდა და ვალორის ჩაუდგა სამსახურში

<sup>2</sup> ლექსები, XLIX (დაახლოებით 1532 წ.).

<sup>3</sup> იქვე, VI (1504—1511 წლებში).

<sup>4</sup> ლექსები, LVIII (1534 წ.).

მოკედეს! დატოვოს ეს სოფელი! სამარცს ჩავიდეს! განიძარცვოს  
შეობა თვისი! გაექცეს საგანთა ტირანიას. საკუთარი მეობის პალუ-  
ცინაციებს როგორმე დააღწიოს თავი!

ისე ჰქმენ, ჩემს თავს არ დაუბრუნდე!

De, fate, c'a me stesso piu non torni! <sup>1</sup>

\* \* \*

მე მესმის, როგორ სწყდება ეს ტრაგიკული ძახილი მწუხარე ბა-  
გეს; ბაგეს კაცისას, რომლის თვალებიც დღესაც შემფოთებით გვიც-  
ქერიან კაპიტოლიუმის მუზეუმის კედლებიდან<sup>2</sup>.

საშუალო ტანისა იყო, მხარბეჭიანი და დაუთული სხეული მე-  
ტისმეტი ჯათისაგან მორღვეული ჰქონდა. თავაწეული დადიოდა,  
ზურგჩაყარდნილი და მუცელგადმოგდებული. ასე წარმოგვიდგენს მას  
ფრანსუა დ'ოლანდეს სურათი. მიქელანჯელო პროფილში დგას, შა-  
ვით შემოსილი. მხრებზე რომაული მოსასხამი მოუსხამს; შუბლზე  
ნაჭერი გაუკრავს; შავი ფეტრის ქუდი თვალებამდე აქვს ჩამოფხატუ-  
ლი<sup>3</sup>. თავის ქალა მრგვალი ჰქონია, შუბლი კვადრატული და წინ წა-  
მოწეული. თვალებთან წვრილი ნაოპები ასხდა. შავი, მეჩხერი თმა  
მუდამ აჩეჩილი ჰქონდა და კულულებად დახვეული. თვალები—წვრი-  
ლი, გამპოლავი და ნალელიანი<sup>4</sup>, მუდამ ცვალებადი, მოყვითალო და  
ბოცისფრო წინწყლებით დაწინწყლული. ცხვირი ფართო ჰქონდა, სიყ-  
რმეში სწორი, მაგრამ მას შემდეგ, რაც ტორიჯიანიმ მუშტით ჩაუმ-  
ტვრია<sup>5</sup>, შუაში გაღუნული და ჩაჭეკილი. ნესტოებსა და ტუჩის კუ-

<sup>1</sup> ლექსები, CXXXV.

<sup>2</sup> ეს აღწერა მიქელანჯელოს სხვადასხვა პორტრეტმა შთაბაგონა. განსაკუთრე-  
ბით იაკობი დელ კონტეს მიერ 1544—45 წლებში დახატულმა სურათმა, რომე-  
ლიც უფიციაში ინახება და რომლისგანაც მარჩელო ვენუტიმ შედარებით მკრთა-  
ლი ასლი გადაიღო (ამჟამად კაპიტოლიუმის მუზეუმში დაცული). ვხელმძღვანე-  
ლობში აგრეთვე ფრანსუა დ'ოლანდეს მიერ 1538—39 წლებში შესრულებული  
გრავეურით, ჯულიო ბონასინის მიერ 1546 წელს დახატული ნახატითა და კონ-  
დივის აღწერით, რომელიც 1553 წელს განეკუთვნება. მისმა მოწაფემ და მეგო-  
ბარმა, დანიელ დე ვოლტერამ მისი სიკვდილის შემდეგ მისი ბიუსტი გამოაქან-  
დაკა. ლეონე ლეონიმ კი 1561 წელს მედალი შექმნა მისი გამოსახულებით.

<sup>3</sup> ასეთი ნახეს იგი მათ, ვინც მისი კუბო ვახსნეს 1564 წელს, როცა მისი ნეშტი  
რომიდან ფლორენციას გადაოსვენეს. თითქოს ეძინაო. თავზე ისევ ის შავი ფეტრის  
ქუდი ეხურა; ფეხებზე დეზებოიანი ჩექმები ეცვა.

<sup>4</sup> კონდივი. ვენეტის ნახატში კი სავაოდ დიდრონი უჩანს.

<sup>5</sup> 1490—92 წლებში.

თხეებს ღარივით ჩასდევდა ნაოქები. ტუჩები თხელი ჰქონდა; ქვედა ბაგე — ოდნავ ჩამოვარდნილი. მეჩხერ ქილვამებს ატარებდა, ეს ქილვამები და ორად გაყოფილი, თხელი, ოთხი თუ ხუთი გოჯის სიგრძე წვერი, ფაენისას რომ მიუგავდა, გარს ეფიხებოდა ჩავარდნილ ლოყებსა და მაღალ ყვრიმალებს.

მისი სახიდან სხვაზე უმალ მწუხარება და იკვი გამოკრთის. ეს მართლაც ტასოსდროინდელი სახეა, ეკვიტ ქენჯნილი და დარდიანი. მისი თვალები სულში გვწვდებიან, თანაგრძნობას გამოითხოვენ.

ნურც დავუძვირებთ. მიეუბყრათ მას ეგ სიყვარული, მთელი სიცოცხლე რომ ნატრობდა და ვერ კი ეღირსა. მას წილადა ზედა ყველაზე დიდი უბედურებანი, რაც კი კაცს შეიძლება თავს დაატყდეს: ნახა სამშობლო დამონებული, ნახა იტალია, საუკუნოდ ბარბაროსთა ხელში ჩავარდნილი, ნახა როგორ ჩაკლეს თავისუფლება, ნახა ერთიმეორის მიყოლებით როგორ დაიხოცნენ ისინი. ვინც უყვარდა, ნახა ერთიმეორის მიყოლებით როგორ ჩაქრა ხელოვნების ყველა ჩირაღდანი. დარჩა სულ მარტო, უკანასკნელი, როცა მწუხრი წვებოდა ირგვლივ და სამარის კართან მისულმა, უკან რომ მოიხედა, თავი იმითაც ვერ ინუგეშა, რომ გააკეთა ყველაფერი, რაც შეეძლო, რაც კი ჰქონდა გასაკეთებელი. სიცოცხლე უქმი ეჩვენა მაშინ. ტყუილად მოიკლო სიხარული, ხელოვნების კერპს ტყუილად შესწირა თავი.

ჯოჯობეთური შრომა, თავის თავს თვითონ რომ მიუსაჯა თავისი ცხოვრების ოთხმოცდათორმეტი წლის მანძილზე ისე, რომ ერთი დღის შვებაც კი არ უნახავს, ერთი დღეც კი არ უცხოვრია ნამდვილი სიცოცხლით, იმაშიც კი არ წაადგა, რომ თავის დიდ ქმნილებათაგან რომელიმე მაინც დაესრულებინა. არც ერთი მისი დიდი ნაწარმოები არაა დასრულებული. ბედის დაცინვა იყო სწორედ, რომ ამ მოქანდაკემ<sup>1</sup> მხოლოდ ნახატების მიყვანა შესძლო ბოლომდე, ნახატებისა, რომელთაც ძალით ახატვინებდნენ. იმ დიდ სამუშაოთაგან კი, რომელთაც რიგრიგობით მოუტანეს მას ზვიადური ზრახვები და სატანჯველი, ზოგი (პიზის ომის სურათი და იულიუს მეორის ბრინჯაოს

<sup>1</sup> თავის თავს „მოქანდაკეს“ ეახდა და არა „მხატვარს“. 1508 წლის მარტს ასე ჩაწერა თავის დავთარში: „დღეს, 1508 წლის 10 მარტს, მე, მოქანდაკე მიქელანჯელომ დაეიწყე კაპელის მოსატკავა“. „ეს ჩემი ხელობა არ არის, — წერდა იგი ერთი წლი: შემდეგ (1509 წლის იანვარში) — დროს ტყუილებრალოდ ვკარგავ“. ამ საკითხზე არასოდეს შეუცვლია აზრი.



ქანდაკება) მის სიცოცხლეშივე გაცამტვერდა; სხეები (იულიუს II-ის საფლავის ძეგლი და მედიჩითა კაპელა) საბრალობლად ჩაიფუშა და მისი იდეების კარიკატურად იქცა.

მოქანდაკე ჯიბერტი თავის „კომენტარებში“ ანუ უელ ჰერცოგთან ნამსახურები ერთი საწყალი გერმანელი ოქრომქედლის ამბავს ჰყვებოდა. ეს კაცი ოსტატობით „ძველ ბერძენ მოქანდაკეებსაც არ ჩამოუვარდებოდა“. მანაც თავისი ცხოვრების მიწურულში ნახა, როგორ დაინგრა მისი ქმნილება, რომელსაც მთელი სიცოცხლე შეაღია. „მაშინლა მიხვდა, რომ ამაოდ დაშვრა, მუხლებზე დაემხო და შეჰლაღაღა მამაზეციერს: „ღმერთო ძლიერო! ცისა და ქვეყნის მეუფეო, არსთა გამრიგევე, ცდომილებაში ნულა შემოიყვან; შენს გარდა ნურვის ნუ წარემართოს სავალი ჩემი, მექმენ მოწყალედ!“ შემდეგ ყველაფერი ღარიბებს დაურიგა, ბერად შედგა და იქვე, სენაკს დალია სული“.

მიქელანჯელომაც, იმ საბრალო გერმანელი ოქრომქედლის მსგავსად, ცხოვრების მიმწუხრისას სინანულით გადახედა თავის ფუქად განვლილ ცხოვრებას, ამაო გარჯას, თავის დანგრეულ, დაუსრულებელ ქმნილებებს.

მანაც უარყო ყველაფერი და რენესანსული სიამაყე, საუცხოო სიამაყე სამყაროს მბრძანებელი თავისუფალი სულისა გაქრა, განქარადა „იმ ღვთაებრივი სიყვარულისთვის, ჩვენს შესახვედრად ორთავე ხელი რომ გაშალა, გაკრულმა ჯვარზე“<sup>1</sup>.

„ოდა სიხარულისადმი“ ვერ გაისმა. უკანასკნელ ამოსუნთქვამდე მწუხარებისა და მხსნელი-სიკვდილის ოდას ამბობდა საბოლოოდ დამარცხებული.



ასეთი იყო ეს სამყაროს დამმარცხებელი. ჩვენ, ვინც მისი გენიის ნაღვანით ვტკბებით, ვტკბებით ისევე, როგორც ჩვენს წინაპართა მიღწევებით და მონაგარით და აღარ ვფიქრობთ დაღვრილ სისხლზე.

Non vi si peiusa

Quando sanguie costa<sup>2</sup>.

მე კი მინდოდა სწორედ ეს სისხლი მეჩვენებინა თქვენთვის, მინდოდა ჩვენს თავთა ზემოთ ამეფრიალებინა გმირთა წითელი ბაირაღი.

<sup>1</sup> ლექსები, CXCVII.

<sup>2</sup> არავინ იცის, თუ რამდენი დაღვრილა სისხლი. დანტე: სამოთხე, XXI X, 91.

ბ რ ძ ო ლ ა

I

ძ ა ლ ა

Davide cholla fromba  
e io choll' archo

Michela gnio lo<sup>1</sup>

ის დაიბადა 1475 წლის 6 მარტს, კაპრეზში. კაზანტენის პირქუში მხარე: „სუფთა ჰაერი“<sup>2</sup>, კლდეები და ხშირი წიფლნარი, რომელსაც თავს აპენინის აჩონჩხილი ქედი გადმოჰყურებს. აქ, შორიახლოს, ალვერნის მთაზე ფრანსუა ასიზელს გამოეცხადა მაცხოვარი.

მამამისი<sup>3</sup>, კაპრეზისა და კიუზის პოდესტა; შფოთიანი, მძვინვარე და „ღეთის მოშიში“ კაცი იყო. დედა<sup>4</sup> ექვსი წლისას გარდაეცვალა<sup>5</sup>. სულ ხუთნი იყვნენ: ლიონარდო, მიქელანჯელო, ბუონაროტო, ჯოვანი სიმონე და სიგიზმონდო<sup>6</sup>.

ბალლი ძიძას, სეტინიანოელი ქვის მთლელის ცოლს მიაბარეს. მოგვიანებით ხუმრობით ამბობდა ხოლმე, ქანდაკების სიყვარული ამ

<sup>1</sup> დავითი თავის შურდულით და მე ჩემი მშვილდით. მიქელანჯელო. ლექსები. I. (ლუერის ერთ-ერთ ფურცელზე. დავითის ესკიზის ქვეშ მინაწერი).

<sup>2</sup> მიქელანჯელო ხშირად იტყოდა ხოლმე: თუკი რამ არის ჩემში კარგი და კეთილი, არეცოს წმინდა ჯერისაგან მაქვსო მომადლებული.

<sup>3</sup> ლოდოვიკო დი ლიონარდო ბუონაროტი სიმონი. — ნამდვილი გვარი სიმონი იყო

<sup>4</sup> ფრანჩესკა დეი ნერი დი მინიატო დელ სერა.

<sup>5</sup> რამდენიმე წლის შემდეგ, 1485 წელს, მამამ მეორე ცოლი შეირთო, ლუკრაცია უბალდინი, რომელიც 1497 წელს გარდაიცვალა

<sup>6</sup> ლიონარდო 1473 წელს დაიბადა; ბუონაროტო — 1477 წელს; ჯოვანი სიმონე — 1479 წელს; სიგიზმონდო — 1481 წელს. ლიონარდო ბერად შედგა. ასე რომ, მიქელანჯელო გახდა ოჯახის თავი და უფროსი.

ქალის რძესთან ერთად შევეითვისეო. სკოლაში ხატვის მეტს არაფერს აკეთებდა. „ამის გამო მამამ და ბიძებმა აითვალწუნეს და ხშირად სასტიკადაც სცემდნენ, რადგან ეჭავრებოდათ მხატვრის ხელობა და სამარცხვინოდ მიაჩნდათ, რომ მათ გვარში მხატვარი გარეუღიყო“<sup>1</sup>. ასე რომ, სიყრმიდანვე შეიცნო წუთისოფლის გაუტანლობა და სულიერი სიმართოვე.

მაგრამ სიჭიუტით აჯობა მამას და ცამეტი წლისა დომენიკო გირლანდაიოს, ფლორენციელ მხატვართა შორის ყველაზე უფრო დიდსა და ჯანსაღი სულის ხელოვანს მიებარა შეგირდად. მის პირველ ნამუშევრებს ისეთი წარმატება ხვდა წილად, რომ მასწავლებელმა მოსწავლეს შურით დაუწყო ცქერა<sup>2</sup> და წლის ბოლოს კიდევაც დასცილდნენ ერთმანეთს.

ხატვა მალე მოიძულა. უფრო გმირული ხელოვნებისაკენ მიუწევედა გული და სულ მალე ქანდაკების კლასში გადავიდა, რომელიც ლორენცო მედიჩის წმ. მარკოზის მონასტრის ეზოში ჰქონდა გამართული<sup>3</sup>. მთავარი დანტერესდა მიქელანჯელოთი, თავის სასახლეში დაუდო ბინა და სუფრაზე თავის შეილებთან ერთად დასვა; ბავშვი ერთბაშად აღმოჩნდა რენესანსის შუაგულში, ანტიკურ კოლექციათა შორის, დიდ პლატონიანელთა პოეტურსა და სწავლულ წრეში. მარსილიო ფიჩინოს, ბენივენის, ანჯელო პოლიციანოს სულმა დაათრო; ანტიკურ სამყაროში გატარებულმა ხანმა თავადაც ანტიკური სული ჩაუდგა და ბერძენ მოქანდაკედ აქცია იგი. პოლიციანოს რჩევით, „რომელსაც იგი ძალიან უყვარდა“, გამოაქანდაკა „კენტავრებისა და ლაფიტების ომი“<sup>4</sup>.

ამ ზვიად ბარელიეფში, სადაც მხოლოდ ამაყი ძალა და სილამაზე

<sup>1</sup> კონდივი.

<sup>2</sup> კაცმა რომ თქვას, ძნელი დასაჯერებელია, რომ ამ საუცხოო ხელოვანს შეშურებოდა ვინმესი. ასეა თუ ისე, მე არ მჯერა, რომ ეს ყოფილიყოს მიქელანჯელოს ასე მალე წასვლის მიზეზი. ნუ დაევიწყებთ იმასაც, რომ მიქელანჯელო თავისი პირველი მასწავლებლის პატივისცემელი იყო სიბერემდე.

<sup>3</sup> ამ სკოლას დონატელოს მოწაფე, ბერტოლდო ედგა სათავეში.

<sup>4</sup> „კენტავრებისა და ლაფიტების ომი“ ფლორენციაში, ბუონაროტის სახლში ინახება. ამავე პერიოდს განეკუთვნება „მომცინარე ფაენის ნილაბი“, რომელმაც ყომა მიქელანჯელოს ლორენცო მედიჩის ყურადღება მოუპოვა და „მადონა კიბეზე“, ბუონაროტის სახლის ბარელიეფი.

სუფევს, აისახა ჭაბუკის გოლიათური სული და მისი ველური თამაში უხეშ ამხანაგებთან.

ლორენცო დი კრედისთან, ბუჯარდინისთან, გრანაჩისთან და ტორიჯიანო დე ტორიჯიანისთან ერთად კარმინის ეკლესიაში მანაჩიოს ფრესკების გადმოსახატავად დადიოდა. თავისზე ნაკლებად გაწაფულ ამხანაგებს ხშირად დასცინოდა ხოლმე. ერთხელ პატივმოყვარე ტორიჯიანისაც დაუწყო გახელება. ტორიჯიანიმ მუშტი ჩასცხო სახეში და ცხვირი ჩაუმტვრია. მერე ამყობდა კიდევ: „მუშტი ისე მაგრად ვთხლიშე ცხვირში, რომ ვიგრძენი, როგორ ჩაექექყა ძვალი და ხრტილი. ასე დავასვიო სამუდამო დალი“<sup>1</sup>, უამბობდა იგი ბენვენუტო ჩელინის.

• • •

მაგრამ ანტიკური ხელოვნებით გატაცებამ მაინც ვერ ჩაუქრო ქრისტიანული ალი. ორი მტრული სამყარო იბრძოდა მისი სულის დასაუფლებლად.

1490 წელს ბერმა ზავონაროლამ დაიწყო თავისი მგზნებარე წინასწარმეტყველებანი აპოკალიფსის თემაზე. მაშინ ის ოცდაჩვიდმეტი წლისა იყო. მიქელანჯელოს კი სწორედ მაშინ შეუსრულდა თხუთმეტი წელი. მან თავისი თვალით ნახა პატარა, ჩია ტანის წინასწარმეტყველი, სულიწმიდა რომ აწვალებდა. ნახა და თავზარი დასცა მისმა მკაბე ხმამ, ტაძრის კათედრიდან რომ კრულავდა რომის პაპსა და მთელს იტალიას ღვთის სისხლიანი მახვილით ემუჭკებოდა. ფლორენცია ძრწოდა. ხალხი ტირილითა და ბღავილით, შეშლილივით დარბოდა ქუჩებში. ყველაზე მდიდარი მოქალაქენი: რუჩელაი, სალვიატი, ალბიცი, სტროცი მონასტერში შესვლას ითხოვდნენ. თვით მეცნიერებიც კი, ფილოსოფოსნი — პიკო დე ლა მირანდოლა და პოლიციანოც განუდგნენ გონებას<sup>2</sup>. მიქელანჯელოს უფროსი ძმა ლიონარდო ბერად შედგა<sup>3</sup>.

<sup>1</sup> ეს მოხდა 1491 წელს.

<sup>2</sup> ისინი მალე, 1499 წელს, გარდაიცვალნენ, პოლიციანომ დაიბარა, წმ. მარკოზის ტაძარში — ზავონაროლას ეკლესიაში — დამასაფლავებთო, როგორც დომინიკანელი; პიკო დე ლა მირანდოლამაც სიკვდილის წინ შეიმოსა დომინიკანელთა შესამოსელი.

<sup>3</sup> 1491 წელს.

ამ საერთო შიშინობამ მიქელანჯელოსაც დარია ხელი. და როდესაც სავონაროლას წინასწარმეტყველებისამებრ გამოჩნდა ახალი კვიროსი, მესიის მახვილი, საფრანგეთის მეფე კარლოს VIII, პატარა და გონჯი ურჩხული, პანიკურმა შიშმა მოიცვა.

განსაკუთრებით ერთმა სიზმარმა დასცა თავზარი. მის ერთ მეგობარს, პოეტსა და მუსიკოსს კარდერეს სიზმრად ლორენცო მედიჩის ლანდი მოველინა, ძაძით მოსილი, დაკონკილი და ნახევრად შიშველი<sup>1</sup>. მიცვალებულმა უბრძანა კარდერეს: წადი და ჩემს შვილს — პიეტროს უთხარ, განგაძევებენ და ველარასოდეს დაბრუნდებიო იტალიაში. კარდერემ მიქელანჯელოს გაანდო ეს სიზმარი და მანაც წაქეზება დაუწყო მეგობარს, წადი და მთავარს უამბე ეგ ამბავიო. მაგრამ კარდერემ პიეტროს შიშით თქმა ვერ გაბედა. რამდენიმე დღის შემდეგ ის კვლავ ეწვია მიქელანჯელოს, ამჯერად კიდეც უარესად ზარდაცემული და უთხრა, მიცვალებული ისევ გამომეცხადა, ისევ ისე ჩაცმული და რაკი ვიწექ და მღუმარედ ვუცქერდი, ჩემთან მოვიდა და ურჩობისათვის სილა გამაწნაო. მიქელანჯელომ მკაცრად დატუქსა იგი და აიძულა იმწამსვე ფეხით წასულიყო ფლორენციის მახლობლად, კარჯში მდებარე მედიჩითა ვილაში. შუა გზაზე ლტოლვილს თვით პიეტრო შემოეყარა; კარდერემ შეაჩერა იგი და ყველაფერი უამბო. მთავარს გაეცინა და მეჭინბეებს მისი გაროზგვა უბრძანა. კანცლერმა ბიბიენამ კი უთხრა: „გაგიჟებულხარ. ლორენცოს, შენი აზრით, ვინ უფრო უყვარს? შენა თუ თავისი შვილი? აგრე რომ ნდომოდა, უწინ მას გამოეცხადებოდაო“. გაწბილებული და ნაცემი კარდერე ფლორენციაში დაბრუნდა, მიქელანჯელოს თავისი მარცხი უამბო და

---

<sup>1</sup> ლორენცო მედიჩი 1492 წელს გარდაიცვალა; იგი მისმა ვაჟმა პიეტრომ შესცვალა. მიქელანჯელო სასახლიდან წაშოვიდა, მამამისთან დაბრუნდა და რამდენიმე ხანს უსაქმოდ დარჩა. შემდეგ პიეტრომ ისევ თავის სამსახურში ჩააყენა იგი და გემებისა და კამეების ყიდვა დააწავლა. იმხანად გამოაქანდაკა მიქელანჯელომ მარმარილოსაგან უზარმაზარი „პერჯულესი“, რომელიც ჯერ სტროციის სასახლეში იდგა, შემდეგ კი, 1529 წელს მეფე ფრანცისკ 1-მა შეიძინა. ეს ქანდაკება მეჩვიდმეტე საუკუნემდე ფონტენბლოში იდგა, მერე კი უკვალოდ გაქრა. ამავე პერიოდს განეკუთვნება „ხის ქვარტმა“, რომელიც სან სპირიტოს მონასტერშია შენახული. მასზე მუშაობისას მიქელანჯელო გვაშებუ ისეთის გამწარებით სწავლობდა ანატომიას, რომ 1494 წელს ავადაც კი გახდა.

ისე დაარწმუნა ფლორენციის მოსალოდნელ უბედურებაში, რომ ჰიქელანჯელო მეორე დღესვე გაიქცა ქალაქიდან<sup>1</sup>.

პირველად მაშინ დარია ხელი პანიკურმა შიშმა, რომლის მსგავსი მერეც არაერთხელ სწვევია და რომელიც თავდაპირველად მუდამ ეოლოდა ხოლმე, რა სანანებლადაც არ უნდა დარჩენოდა შემდეგში.

• • •

ვენეციამდე სული არ მოუთქვამს.

მაგრამ ფლორენციის ცხელებიან ატმოსფეროს რომ გასცდა, მღელვარება დაუცხრა. მალევე დაბრუნდა ბოლონიაში. იქ გამოიზამთრა<sup>2</sup> და მთლად დაავიწყდა წინასწარმეტყველიცა და მისი წინასწარმეტყველებანიც. სამყაროს სილამაზემ კვლავ მოხიბლა იგი. პეტრარკას, ბოკაჩოსა და დანტეს კითხვამ გადაიყოლა. 1495 წლის გაზაფხულზე, ყველიერის საეკლესიო ზეიმის დღეებში, პარტიათა გამქაფრებული ბრძოლების ყამს კვლავ დაბრუნდა ფლორენციაში. მაგრამ ამჟერად ისე შორს იყო იქ ატეხილ ვენებათღელვიდან, რომ სავონაროლას ფანატიკოს მიმდევართა ჯიბრზე თავისი ცნობილი „მძინარე კუპიდონი“ გამოაქანდაკა, რომელიც თანამედროვეთ ქეშმარიტ ანტიკურ ძეგლად მიიღეს. ფლორენციაში მხოლოდ სამ თვეს დარჩა. მერე რომს ჩავიდა და სავონაროლას სიკვდილამდე მხატვართა შორის ყველაზე უფრო წარმართული სულისა იყო. გამოაქანდაკა „მთვრალი ბანუსი“, „მომაკვდავი ადონისი“ და უზარმაზარი „კუპიდონი“ იმ წელს, როცა სავონაროლამ ცეცხლს მისცა „ამაოებანი და ანათემები“:

<sup>1</sup> კონდივი.

მიქელანჯელო 1494 წლის ოქტომბერს გაიქცა ქალაქიდან; ერთი თვის შემდეგ პიეტრო მედიჩი გააქცია ხალხის აჯანყებამ; ფლორენციაში სავონაროლას მხარდაჭერით სახალხო ხელისუფლება დამყარდა. სავონაროლა წინასწარმეტყველებდა, რომ ფლორენცია რესპუბლიკურ წყობას დაამყარებდა მთელს მსოფლიოში. მაგრამ ამ რესპუბლიკას მაინც ჰყავდა თავისი მეფე: იესო ქრისტე — მაცხოვარი.

<sup>2</sup> აქ ის სტუმრად იყო კეთილშობილ ჯოვანი ფრანჩესკო ალდოვრანდისთან, რომელმაც ბევრჯერ შემწეობა აღმოუჩინა ბოლონიის პოლიციასთან წამოქოლალ უსიამოვნებაში. მიქელანჯელო იზხანად სან პეტრონიოს ძეგლსა და სან დომენიკოს სანაწილეს ანგულოზზე მუშაობდა. მაგრამ ამ ქანდაკებებს რელიგიური იერი როდი ახლავთ. მათშიაც იგივე ზეიადი ძალა გამოსკვივის.

წიგნები, სამკაულები, ხელოვნების ნიმუშები<sup>1</sup>. მიქელანჯელოს ძმას ლიონარდოს, წინასწარმეტყველისა რომ სჯეროდა, დევნა დაუწყეს. სავონაროლას თავზე შავი ღრუბელი შეიყარა. მიქელანჯელო მის დასაცავად არ დაბრუნებულა ფლორენციაში. სავონაროლა კოცონზე დაწვეს<sup>2</sup>. მიქელანჯელო ღუმს; მის წერილებში გაკვრითაც კი არ არის ნახსენები ეს ამბავი.

მიქელანჯელო ღუმს, მაგრამ თავის „Pietà“-ს<sup>3</sup> აქანდაკებს.

მარად ყმაწვილ ღვთისმშობელს მუხლებზე მკედარი ქრისტე უსვენია. მძინარესა ჰგავს მაცხოვარი. ოლიმპიური სიმკაცრე ახლავს წმიდა ქალღმერთისა და გოლგოთის ღმერთის ნაკვთებს. მაგრამ ენით უთქმელი ნაღველიც დაჰფენიათ, ამ ნაღველში განბანილან ლამაზი სხეულები. ნაღველი დაეუფლა მიქელანჯელოს სულსაც.

\* \* \*

მარტო უბედურებათა და დანაშაულთა ცქერამ როდი დააღონა. ტირანული ძალა შეიქრა მის სულში, რომ არასოდეს განმორებოდა. სამუდამოდ ემსხვერპლა შმაგ გენიას, რომელიც სიკვდილამდე სულის მოთქმის საშუალებას არ აძლევდა. გამარჯვებისა აღარ სწამდა და მაინც

---

<sup>1</sup> მიქელანჯელო რომს ჩავიდა 1496 წლის ივნისში. „მთვრალი ბახუსი“, „მომავდავი აღონისი“ (რომლებიც ბარჯელოს მუზეუმში ინახება) და საუტ-ენსინგტონის „კუპიდონი“ 1497 წელს განეკუთვნება. — მიქელანჯელოს იმავე პერიოდში უბოდა ჰქონდეს დახატული „წმ. ფრანცისკო მონის დაღის მიღებისას“ სან-პიეტრო-იმონტორიოსათვის.

<sup>2</sup> 1498 წლის 23 მაისს.

<sup>3</sup> აქამდე თვლიდნენ, რომ „Pietà“ მიქელანჯელოს კარლ VIII-ის ელჩმა, ფრანგმა კარდინალმა, სენ-დენის აბატმა ეან დე გროსლევი დე ვილიერმა, შეუკვეთა წმ. პეტრეს ტაძარში, ფრანგ მეფეთა კაპელაში დასადგმელად (1498 წლის 27 აგვისტოს კონტრაქტი). მაგრამ ბატონმა შარლ სამარანმა თავის გამოკვლევაში: „არმანიაკების გვარი XV საუკუნეში“, დაამტკიცა, რომ ფრანგი კარდინალი, ვინც „Pietà“ შეუკვეთა, იყო ეან დე ბილერი, ლომბეზის ეპისკოპოსი და სენ-დენის აბატი. მიქელანჯელო ამ ძეგლზე 1501 წლამდე მუშაობდა.

კონდივისთან საუბარში ღვთისმშობლის სიყმაწვილეს მიქელანჯელო სახის ერთგვარი რაინდულ-მისტიკური გადაწყვეტით ხსნის, რაც ასე თვალში საცნობია დონატელოს, სინორელის, მანტენისა და ზოტიჩელის „Mater Dolorosa“-თა („მტირალ ღვთისმშობელთა“) მწუხარებით დაღმევილ, დამკვნარ, ველურ სახეებთან შედარებით.

აღტქმა დადო, რომ თავისი და თავისიანების სადიდებლად გაიმარჯვებდა. მთელი ოჯახი მძიმე ტვირთად მარტო მას აწვა მხრებზე. მამა და ძმები ფულის თხოვნით გულს უწყალებდნენ. ფული თვითონაც არ ჰყოფნიდა, მაგრამ თავმოყვარეობა ნებას არ აძლევდა უარი ეთქვა. შზად იყო, მონად გაეყიდა თავი, ოღონდ მისიანებს მიშველებოდა. ავადმყოფობამაც დარია ხელი. ცუდმა კვებამ, სიცივემ, სინესტემ, თავგადაკლულმა შრომამ თავისი ჰქნეს. გამუდმებით სტკიოდა თავი; ცალი გვერდიც გაუსივდა<sup>1</sup>. მამამისი საყვედურობდა, ასეთ ცხოვრებას რად ეწვევო და ვერც კი გრძნობდა, რომ შვილს ამ ყოფაში თვითონ აგდებდა.

„ყველა სამუშაო, რაც მაკისრია, თქვენი სიყვარულის გამო ვიტვირთე“, — სწერდა მოგვიანებით მამას მიქელანჯელო<sup>2</sup>.

„... სულ თქვენი სიყვარულის ბრალია ჩემი ამდენი საფიქრალი და საზრუნავი“<sup>3</sup>.

• • •

1501 წლის გაზაფხულზე ფლორენციაში დაბრუნდა.

ორმოცი წლის წინათ ტაძრის სამზრუნველომ (Opera del Duomo-მ) მოქანდაკე აგოსტინო დი დუჩოს უზარმაზარი მარმარილოს ლოდი მისცა, მისგან წინასწარმეტყველის ფიგურა რომ გამოექანდაკებინა აგოსტინოც შეუდგა საქმეს, მაგრამ ძლივს დაწყებული ქანდაკება დაუსრულებელი დარჩა. არავის ყოფნიდა გამბედაობა მუშაობა გაეგრძელებინა. მიქელანჯელომ იტვირთა ეს ძნელად შესამართი საქმე<sup>4</sup> და მარმარილოს ვეება ლოდიდან „დაივით“ გამოჰკვეთა. ამბობენ, როცა გონფალონიერმა პიეტრო სოდერინიმ ქანდაკება ნახა, მიქელანჯელოს რამდენიმე კრიტიკული შენიშვნა მისცაო. თავი გემოვნებიან კაცად სურდა მოეჩვენებინა და დაიჟინა, ცხვირი ერთობ სქელი აქ-

<sup>1</sup> მამამისის წერილი, 1500 წლის 19 დეკემბერს დაწერილი.

<sup>2</sup> მამისადმი მინაწერი ბარათი (1509 წლის გაზაფხული).

<sup>3</sup> მამისადმი მინაწერი ბარათი, 1521 წ.

<sup>4</sup> 1501 წლის აგვისტოს. — რამდენიმე თვით ადრე კარდინალ ფრანჩესკო პიკოლომინის ხელი მოუწერა კონტრაქტზე, რომლის თანახმადაც პიკოლომინის საკურთხეველი უნდა მოერთო სიენის ტაძარში. ვალდებულება არ შეუსრულებია და ეს ამბავი სინდისის ქენჯნად დაურჩა მთელი სიცოცხლის მანძილზე.



ვსო. მიქელანჯელო ხარაჩოებზე შეძერა, თან საქრეთელი და ცოტა მარმარილოს მტვერი წაიღო: საქრეთელი ცხვირს ოდნავ მიუსვ- მოუსვა ისე, რომ მისთვის არაფერი მოუკლია, მტვერი თანდათან ჩა- მოყარა, მერე მოუბრუნდა გონფალონიერსა და უთხრა:

— აბა, ახლა ნახეთ!

— ახლა გაცილებით უფრო მომწონს, — მიუგო სოდერინიმ.

მაშინ მიქელანჯელო ძირს ჩამოვიდა და უღვაშებში ჩაიცინა<sup>1</sup>. თითქოს ქანდაკებაშიაც მოჩანს ეს მღუძარე ზიზღი. ესაა შმაგი ძალა მოსვენების ჟამს. კაეშანსა და მწუხარებას მოუტაცეს გმირი. მუხუელის კედლებში სული ეხუთება. მას სუფთა ჰაერი, „მოედნის შუქი“ სწყურია, როგორც იტყოდა ხოლმე მიქელანჯელო<sup>2</sup>.

1504 წლის 25 იანვარს, როცა მხატვართა კომისია ფილიპინო ლი- პის. ბოტიჩელის, პერუჯინოსა და ლეონარდო და ვინჩის შემადგენ- ლობით იხილავდა საკითხს, თუ სად დადგმულიყო „დავითი“, მიქელ- ანჯელოს თხოვნით მისი სენიორიის სასახლის წინ დადგმა გადა- წყვიტეს<sup>3</sup>. ქანდაკების იქამდე მიტანა ტაძრის არქიტექტორებს დაევა- ლათ. თოთხმეტ მათს, საღამოს, გამოანგრიეს სახელოსნოს ფიცრული კედელი, რადგან მარმარილოს გოლიათი კარებში არ ეტეოდა. ღამით უბირი ხალხი მოაწყდა ქანდაკებას და ქვების სროლა აუტეხა: რომ არ დაემტვრიათ, მეთვალყურეობის დაწესება გახდა საჭირო. შეკრულ- შებოქილი და ხელის სიმსხო ბაგირებზე დაკიდებული ქანდაკება ნე- ლა, ტაატით მიიწვედა წინ. ტაძრიდან პალაცო ვეკიომდე მის გადა- ტანას ოთხი დღე მოუწდა. თვრამეტში, მზის ჩასვლისას ძეგლმა და-

<sup>1</sup> ვაზარი.

<sup>2</sup> ერთ მოქანდაკეს, რომელიც ცდილობდა თავის სახელოსნოში განათება ისე მოეწყო, როგორც უფრო მომგებნიანი იქნებოდა მისი ქანდაკებებისათვის, მიქელან- ჯელომ უთხრა: „აგრე რად წვალობ, ანგარიშში მხოლოდ მოედნის შუქიაო ჩასაგ- დები“.

<sup>3</sup> ამ საკითხზე ბჰობის ამბავი მილანეზის თავის „მხატვართა ხელშეკრულებებ- ში“ 620-ე და მომდევნო გვერდებზე დაწვრილებით აქვს მოთხრობილი.

„დავითი“ 1873 წლამდე მიქელანჯელოს მიერ მიჩენილ ადგილზე იდგა, სენიო- რიის სასახლის წინ. მერე კი, რაკი ქანდაკება წვიმას საგრძობლად გაეფუჭებინა. ფლორენციის ხელოვნებათა აკადემიაში, სპეციალურ როტონდაზე (Tribuna del Dav- id-ზე) იქნა ატანილი. ამჟამად ფლორენციელ „მხატვართა საზოგადოება“ თანამე- მამულებს ურჩევს თითოი მარმარილოსაგან გააკეთონ ქანდაკების ასლი და ძველ ადგილას, პალაცო ვეკიოს წინ დადგან.

ნიშნულ ადგილს მიადწია. ლამამობით აქაც ყარაულობდნენ, მაგრამ სიფრთხილის მიუხედავად ერთსელ ქვეები მაინც დაუშინეს<sup>1</sup>.

ასეთი იყო ფლორენციელი ხალხი, რომელსაც ხშირად ჩვენს ხალხს მისაბად მაგალითად უსახავენ ხოლმე<sup>2</sup>.

\* \* \*

1504 წელს ფლორენციის სენიორიამ ერთმანეთს წაჰკიდა ლეონარდო და ვინჩი და მიქელანჯელო.

ამ ორს ერთმანეთი ისედაც არ უყვარდა. ორთავე მარტო იყო. საერთო სიმარტოვეს თითქოს კიდევ უნდა დაეახლოვებინა ისინი. მაგრამ თუკი თავს მთელი კაცობრიობისაგან გარიყულად გრძნობდნენ, ერთიმეორისაგან კიდევ უფრო იყვნენ მოწყვეტილი. ლეონარდო უფრო მარტო იყო. ორმოცდათორმეტი წელი შეუსრულდა, ოცი წლით უფროსი იყო მიქელანჯელოზე. ოცდაათი წლისამ დატოვა ფლორენცია, რადგან მისმა მგრძნობიარე და მორცხვმა ბუნებამ, მისმა ნათელმა და სკეპტიკურად მომართულმა გონებამ, რომელსაც ყველაფერი ესმოდა, არაფერი გამოეპარებოდა, იქაურ შეუღლსა და ლალეას ვეო გაუძლო. ეს დიდი დილეტანტი, ეს სრულიად თავისუფალი და სრულიად მარტო კაცი ისე შორს იყო სამშობლოსაგან, რელიგიისაგან, მთელი სამყაროსაგან, რომ თავს ლაღად მხოლოდ ტირანებთან, მასავით თავისუფალი გონების ხალხთან გრძნობდა. 1499 წელს იძულებული გახდა მილანოდან გადახვეწილიყო, რადგან მისი მფარველი ლუდოვიკო მორო ჩამოეგდოთ. 1502 წლიდან ცეზარე ბორჯიას სამსახურში ჩადგა, მაგრამ პრინცის პოლიტიკური კარიერის დასასრულმა აიძულა კვლავ ფლორენციაში დაბრუნებულყო. აქ მისი ირონიული ღიმილი მშფოთვარე და პირქუშ მიქელანჯელოს წააწყდა და მოთმინებიდან გამოიყვანა იგი. მიქელანჯელო თავით ფეხამდე თავისი

<sup>1</sup> პიეტრო დი მარკო პარენტის „ფლორენციული ქრონიკები“ და ერთი თანამედროვის მოგონებანი.

<sup>2</sup> ამას დავსძინოთ ისიც, რომ „დავითის“ უბიწო სიშიშველე ფლორენციელთა კდემამოსილებას შეურაცხყოფდა. არეტინო, რომელიც მიქელანჯელოს მისი „განკითხვის დღის“ უხამსობას უკივიებდა, სწერდა მას 1545 წელს: „ფლორენციელთა ზნეობას მიჰბაძეთ, თეიანთი მშვენიერი გოლიათის სასირცხო ადგილებს ოქროს ფოთლებით რომ ფარავენ“.

ვნებებისა და რწმენის ტყვე იყო. სძულდა სუყველა, ვინც მის რწმენასა და ვნებებს მტრობდა, მაგრამ კიდევ უფრო მეტად სძულდა ისინი, ვისაც არაერთი რწმენა და არაერთი ვნება არ გააჩნდა. და რაც უფრო ღიდი იყო ლეონარდო, მიქელანჯელომ მით უფრო მოიძულა იგი და შემთხვევას არ უშვებდა ხელიდან, რომ ეს აღენიშნა.

„ლეონარდოს დახვეწილი მანერები ჰქონდა. თავადაც სანდომიანი, გულითადი კაცი იყო. ერთხელ თავის მეგობართან ერთად ფლორენციის ქუჩებში სეირნობდა. ტანთ ვარდისფერი ჯუბა ეცვა, რომელიც მუხლებამდე სწვდებოდა. მკერდს ჩახუჭუჭებულთ, ნაპატივები წვერი უმშვენებდა. წმ. სამების ტაძარს რომ ჩაუარეს, იქ რამდენიმე მოქალაქე დახვდათ. იღვწენ და დანტეს რომელიღაც პასაჟის გამო დაობდნენ. ლეონარდოსაც უხმეს და სთხოვეს, ამ ადგილის აზრი გაგვიმარტო. ამ დროს მიქელანჯელომაც ჩაიარა. ლეონარდომ უთხრა იქ მყოფთ: „ამ ლექსს მიქელანჯელო აგიხსნიოთ“; მიქელანჯელომ იფიქრა, ჩემი დაცივნა უნდაო და მწარედ შენიშნა: „შენ თვითონ აუხსენი, შენ, ვინც ბრინჯაოს ცხენის მოდელი შექმენ<sup>1</sup>, ველარ ჩამოასხი და შენდა სამარცხვინოდ შუა გზაზე მიატოვეო“. თქვა ეს, იქ მყოფთ ზურგი აქცია და გზა განაგრძო. ლეონარდოს არაფერი უთქვამს, მხოლოდ სიწითლემ გადაჰკრა სახეზე. მაგრამ მიქელანჯელომ ესეც არ აკმარა, სურვილი წვაგდა კიდევ უფრო მოეკლა გული და დაუყვირა: „ტყუილად ეგონათ იმ ცვედან მილანელებს, რომ შენ ამ საქმეს მოერეოდი“<sup>2</sup>.

ასეთი იყო ეს ორი კაცი, მედროშე სოდერინიმ რომ დაუპირისპირა ერთმანეთს. ერთსაც და მეორესაც სენიორიის სასახლის სათათბირო დარბაზის მოხატვა დაევალა. ეს არნახული ბრძოლა იყო რენესანსის ორ უდიდეს ძალას შორის. 1504 წლის მაისში ლეონარდომ „ანგიერის ბრძოლის“ ხატვა დაიწყო<sup>3</sup>. 1504 წლის აგვისტოს მიქელანჯელომაც მიიღო შეკვეთა „კაშინას ბრძოლის“ შესაქმნელად<sup>4</sup>.

<sup>1</sup> მიქელანჯელოს მხედველობაში აქვს ფრანჩესკო სფორცის ქანდაკება, რომელიც ლეონარდოს დაუსრულებელი დარჩა და რომლის თაბაშირის მოდელიც ლუი XII-ის გასკონელმა მეისრებებმა ცოტა მოგვიანებით სანიშნოდ იხმარეს.

<sup>2</sup> თანამედროვის მოგონებანი

<sup>3</sup> მისი დამკირება სურდათ და განზრახ დაახატვინეს მის მეგობარ მილანელებზე ფლორენციელთა გამარჯვების ამბავი.

<sup>4</sup> ანუ „პიზის ომი“.

ფლორენცია ორ ბანაკად გაიყო. ერთი ერთს ემსრობოდა, მეორე—მეორეს. მაგრამ მოკლე ხანში ორივე ნაწარმოები უკვალოდ გაქრა. დრომ გაათანაბრა ყოველივე<sup>1</sup>.

• • •

1505 წლის მარტში იულიუს II-მ რომში მიიწვია მიქელანჯელო. მისი ცხოვრების გმირული პერიოდიც აქედან დაიწყო.

ორივე მძვინვარე და დიდებული, პაპიცა და ხელოვანიც, შობილნი იყვნენ იმისათვის, რომ შეხმატკბილებით ემოქმედათ, თუკი მათი სურვილები ერთიმეორეს შმაგის ძალით არ ეხლებოდა. გონება გიგანტური პროექტებით ჰქონდათ სავსე. იულიუს II-ს სურდა თავისთვის ძველ რომაელთა საკადრისი საფლავის ძეგლი აეგო. მიქელანჯელო გაიტაცა ამ ქვეშაირიტად მეფურმა და ზვიადმა წამოწყებამ. ბაბილონური რამ განიზრახა, არქიტექტურული მთა სურდა აეგო. კოლოსალური სიმაღლის ორმოცზე მეტი ქანდაკება ერთიმეორის გვერდით უნდა დაეყენებინა. პაპი აღაფრთოვანა მისმა იდეამ და მიქელანჯელო კარარში გაგზავნა, რომ იქაური სამტეხლოებიდან ამ ძეგლისათვის საჭირო მარმარილო წამოეღო. მიქელანჯელო რვა თვეზე მეტ ხანს დარჩა მთებში. მთელი ამ ხნის მანძილზე ზეკაცური ალტყი-

---

<sup>1</sup> მიქელანჯელოს ნახატი, შესრულებული 1505 წელს, 1512 წელს უკვალოდ გაქრა ფლორენციის აჯანყების დროს, ეს მედიჩითა ქალაქში დაბრუნებით იყო გამოწვეული. ნაწარმოები მხოლოდ ფრაგმენტული ასლებითაა ცნობილი. მათგან ყველაზე მეტად გახთქმულია მარკ ანტონიუსის გრავიურა („მხოზავები“). —ლეონარდოს ფრესკის წახდენაში კი თავად ლეონარდოს მიუძღვის ბრალი. მხატვარმა მოინდომა ფრესკის ტექნიკა გაეუმჯობესებინა და რაღაც ახალი ზეთის საღებავი იხმარა; კედელმა საღებავი ვერ დაიჭირა. ლეონარდომ ხელი ჩაიქნია ყველაფერზე და 1506 წელს მუშაობას თავიც ანება. 1550 წელს ეს ნახატი აღარ არსებობდა.

ამავე პერიოდს (1501—1505 წწ.) განეკუთვნება მიქელანჯელოს ორი მრგვალი ბარელიეფი — „მადონა“ და „ურმა იესო“, რომლებიც ლონდონის სამეფო აკადემიასა და ფლორენციის ბარჯელოს მუზეუმში ინახება; ამავე პერიოდს უნდა ეკუთვნოდეს „ბრუჯის მადონა“, 1506 წელს ფლამანდიელმა ვაქრებმა რომ შეიძინეს და წყლის საღებავებით შესრულებული უზარმაზარი ნახატი, უფიცის გალერეის „წმიდა ოქახი“, რომელიც მიქელანჯელოს ნახატთაგან ყველაზე უფრო დახვეწილად და სრულყოფილად გვევლინება ამ ნახატის პურიტანული სიმკაცრე და გმირული სული აშკარად ეწინააღმდეგება ლეონარდოს ბეტისმეტად ნაზ ხელოვნებას.

ნებით იყო შეპყრობილი. „ერთ დღეს, როცა ცხენდაცხენ კარარის სახახებს ათვალიერებდა, დაინახა მთა, ზღვაში რომ ედგა ფეხი. სურვილმა მოუარა ამ მთიდან რამე გამოექანდაცებინა, ექცია კოლოსად, რომელსაც შორით მომავალი ზღვაოსნებიც დაინახავდნენ... და აქცევდა კიდევ, დრო რომ ჰქონოდა და უფლება რომ მიეცათ“<sup>1</sup>.

1505 წლის დეკემბერს რომს დაბრუნდა, სადაც მის მიერ შერჩეული მარმარილოს ვეება ლოდები ზღვით უკვე ჩამოეტანათ. ქვები წმ. პეტრეს შოედანზე დაყარეს, წმ. ეკატერინეს ტაძრის უკან, იქ, სადაც მიქელანჯელოს სახლი იდგა. ვეება ლოდები ხალხის უზომო გაოცებას იწვევდა და პაპის სიხარულსაც საზღვარი არ ჰქონდა. მიქელანჯელო მუშაობას შეუდგა. პაპი ვეღარ ითმენდა, ზშირ-ზშირად აკითხავდა და „ღვიძლ ძმასავით ესაუბრებოდა“. უფრო მოხერხებულად რომ ევლო, ვატიკანის დერეფნიდან მიქელანჯელოს სახლამდე საიდუმლო ასაწივი ხიდიც კი გააკეთებინა.

მაგრამ ამ სიამტკილობამ დიდხანს არ გასტანა. იულიუს II მიქელანჯელოზე ნაკლებ ცვალებადი ზნისა როდი იყო და სულ მალე თავისი სახელის უკვდავსაყოფად სხვა გეგმა უფრო მიზანშეწონილად მიიჩნია. ამჯერად წმ. პეტრეს ტაძრის რეკონსტრუქციას მიჰყო ხელი. ეს აზრი მიქელანჯელოს მტრებმა ჩააგონეს. მტრები კი მიქელანჯელოს მეტად ბევრი და ძლიერი ჰყავდა. სათავეში მათ მიქელანჯელოს ტოლი ნიჭისა და უფრო ძლიერი ნებისყოფის მქონე კაცი, პაპის არქიტექტორი და რაფაელის მეგობარი ბრამანტე ურბინოელი ედგათ. ცხადია, ამ ორი დიდი უმბრიელის ამალღებულ გონებასა და ფლორენციელის ველურ გენიას შორის თანხმობა ვერ იქნებოდა, მაგრამ თუკი ერთმანეთს გადაემტერნენ<sup>2</sup>, უთუოდ იმიტომ, რომ თვითონ მიქელან-

<sup>1</sup> კონლაივი.

<sup>2</sup> აქ უპირატესად ბრამანტეა ნაგულისხმები. რაფაელი კი მისი მეგობარი იყო და მისგან დიდად იყო დავალებული: ასე რომ. შეუძლებელი იყო მისი მხარე არ დაეკირა: მაგრამ არაფერი ამტკიცებს იმას. რომ პირადად მიქელანჯელოს საზიანო რამ ჩავდიხა. და შაინცი, მიქელანჯელო ასე აშკარად დებს ბრალს: „უველა ის უთანხმოება, რაც ჩემსა და პაპ იულიუსს შორის მოხდა, ბრამანტესა და რაფაელის შურის შედეგია: მათ ჩემი დალუქვა ჰქონდათ გადაწყვეტილი; და რაფაელს კიდევაც ჰქონდა ამის საბაბი, რადგან ყველაფერი, რაც ხელოვნებაში იცოდა, ჩემგან ჰქონდა ბოძებული“ (1542 წლის ოქტომბერს ვილაც უცნობისადმი მიწერილი ბარათი. წერილები, მილანეზის გამოცემა, 489—494 გვ.).

ჯელომ მისცა საბაბი. ყოველ წუთს აკრიტიკებდა ბრამანტეს და სამართლიანად თუ უსამართლოდ ბრალად სდებდა, გამორჩენას მისდევს და ტაძრის აგებაზე უზომოდ ბევრ ფულს ფლანგავსო<sup>1</sup>. მაშინ ბრამანტემ მისი დალუპვა გადაწყვიტა.

ჯერ იყო და პაპის წყალობა დაუძვირა მიქელანჯელოს. ისარგებლა იულიუს II-ის ცრუმორწმუნეობითა და შეახსენა ხალხური გადმოცემა, რომლის მიხედვითაც სიცოცხლეშივე საფლავზე ზრუჟავა ცუდი ნიშანი იყო. ამით მოახერხა პაპის ინტერესი მეტოქის გეგმებისათვის ჩამოეშორებინა და ნაცვლად თავისი გეგმით დაეინტერესებინა. 1506 წლის იანვარში იულიუს II-მ საბოლოოდ გადაწყვიტა წმ. პეტრეს ტაძრის რეკონსტრუქციისათვის მიეყო ხელი. საფლავის იეგული აღარ ახსოვდა და მიქელანჯელო მარტო დამცირებული კი არა, ვალებში ჩაფლულიც აღმოჩნდა, რადგან ძეგლზე მუშაობისას თვითონაც დიდძალი ხარჯი გაიღო<sup>2</sup>. გაწბილებული მწარედ ჩიოდა. პაპმა კარები მოუკეტა და როცა მიქელანჯელო მეორედაც მივიდა საჩიველლად, თავის მეჭინბეებს ვატიკანიდან კინწისკერით გამოაგდებინა იგი.

ამ ამბავს ლუკის ეპისკოპოსიც შეესწრო და ჰკითხა მეჭინბეს:

— ვერა ცნობთ ამ კაცს?

მეჭინბემ ასე მოუბოდიშა მიქელანჯელოს:

---

<sup>1</sup> კონდივი, ვის შტუციებასაც მიქელანჯელოსადმი მისი ბრმა სიყვარული ცოტა საეჭვოს ხდის, ზოგეითხრობს: „ბრამანტე თავდაპირველად მიქელანჯელოს იმიტომ ცხადავდა, რომ შურდა მისი; თან შიშიც ჰქონდა, მიქელანჯელო ჩემს შეცდომებს ცხადად ხედავს და გამამხელსო. თვითონ, მოგეხსენებათ, რომ ქვიფის დიდი მოყვარული და მეტად მფლანგველი კაცი იყო, პაპის ჯამაგირი, რაოდენ დიდიც არ უნდა ყოფილიყო იგი, არ ჰყოფნიდა და გადაწყვიტა თავისი სამუშაოებით გამდიდრებულიყო: კედლებს უხეირო, გამოუსადეგარი მასალისაგან აგებინებდა. ეს ცხადად აჩნია წმ. პეტრეს ტაძარს, ბელვედერის დერეფანს, სან-პიეტრო-ინ-ვინკოლსა და სხვ. კედლებს აქ კავებისა და ბურჯების შეყენება დასჭირდა, რომ არ ჩამოქცეულიყო“

<sup>2</sup> „რაკი პაპმა გუნება იცვალა, ნაევებს, რომელთაც კარაროდან მარმარილო ჩამოიტანეს, მე თვითონ გაეუსწორე ანგარიში. ცოტა ხნის შემდეგ რომს იულიუსის საფლავის ძეგლზე სამუშაოდ ფლორენციიდან გამოწერილი მუშეები ჩამოვიდნენ. და რაკი მათთვის უკვე მოწყობილი მქონდა წმ. ეკატერინეს ტაძრის უკან მდგარი სახლი, პაპმა რომ მაჩუქა. ვალებში ჩავეარდი და უსახსროდ დავჩიი“ (1542 წლის ოქტომბერის დაწერილი ბარათი, რომელიც წელან დავიმოწმეთ).

— მაპატიეთ, მაგრამ პაპის ბრძანებას ვერ გადავუვალ, ჩემო ბატონო.

მიქელანჯელო შინ დაბრუნდა და პაპს ეს ბარათი მისწერა:

„წმიდა მამაო! თქვენი უწმინდესობის ბრძანებით, ამ დღილით სასახლიდან გამომაგდეს. გაცნობებთ, რომ თუ ამას იქით ჩემს ნახვას იხეზებთ, შეგიძლიათ ყველგან მეძებოთ, გარდა რომისა“.

გააგზავნა წერილი, დაიბარა ქვის მთლელები, მასთან რომ ცხოვრობდნენ, და უთხრა:

„ვინმე ებრაელი ვაჭარი მიშოვეთ, მიჰყიდ-მოჰყიდეთ ყველაფერი, რაც მბადია და ფლორენციაში გამოძევეთ“.

თქვა ეს, შეჯდა ცხენზე და მშობლიური ქალაქისაკენ გასწია<sup>1</sup>. პაპმა, წერილი რომ მიუვიდა, ხუთი ცხენოსანი დაადევნა მიქელანჯელოს. მდევარი სადამოს თერთმეტი საათისათვის პოჯიბონის გზაზე წამოეწია და ეს ბრძანება გადასცა: „ამ წერილის მიღებისთანავე რომს დაბრუნდი, თუ არ გინდა თავს ჩვენი რისხვა დაიტეხო“. მიქელანჯელომ ასე უპასუხა: „დაებრუნდები, როცა პაპი დანაპირებს შემისრულებს, თუ არა და იულიუს II-ს ტყუილად ნუ ექნება იმედი ჩემი ოდესმე ხილვისა“<sup>2</sup>.

და პაპს ეს სონეტი მიუძღვნა<sup>3</sup>:

თუ დაუუჭერებთ, სენიორო, ჩვენს ძველ ანდაზას,  
ის ამბობს: ვისაც ძალა შესწევს, აღარ სურს იმას.  
შენ დაუჭერე ჭორებსა და ცილისწამებს,  
დააჩილოვე უხვად შტერი ქეშმარიტების...

ვარ და ვიქნები შენი მონა, შენი მსახური,  
შენი სხივი ვარ, ერთი სხივი შარავანდელის;  
ჩემი გაქრობით ვერასოდეს მოიღუშები,  
და მე შენდამი სიყვარულის მღლის მგზნებარება!

მეგონა, შენი სიღიადით ამამაღლებდი,  
ჩემი მსაჭული იქნებოდა კორი კი არა,  
არამედ შენი სასწორი და ბასრი მახვილი.

<sup>1</sup> 1506 წლის 17 აპრილს.

<sup>2</sup> მთელი ეს ამბავი მიქელანჯელოს 1542 წლის ოქტომბრის წერილიდან თითქმის სიტყვასიტყვით არის გადმოწერილი.

<sup>3</sup> მე ეს სონეტი ამ წელს დაწერილად მიმაჩნია; თუმცა ფრეი მას რატომღაც 1511 წელს მიაკუთვნებს.

მაგრამ, ეტყობა, სათნოებას დასცინის ზეცა,  
თუ მას ჰგონია, რომ ამ ცოდვილ დელამიწაზე  
ხე ჩამომხმარი ძველებურად მოისხამს ნაყოფს<sup>1</sup>.

მარტო იულიუს II-ის მიერ მიყენებული წყენა როდი იყო მიზეზი იმისა, რამაც მიქელანჯელოს რომიდან გაქცევა გადააწყვეტინა. ჭულიანო და სან გალოსადმი მიწერილ ბარათში გადაკვრით ამბობს, რომ ბრამენტეს მისი მოკვლა ჰქონდა განზრახული<sup>2</sup>.

მიქელანჯელო წავიდა და ყველაფრის ბატონ-პატრონად ბრამენტე დარჩა. მეტოქის გაქცევის მეორე დღესვე ჩააყრევინა წმ. პეტრეს ტაძრის საძირკველი<sup>3</sup>. მისმა უღმობელმა შურისძიებამ მიქელანჯელოს ნამუშევარზედაც აღმართა ხელი. უმოწყალოდ დაარბია მისი სააღმშენებლო მოედანი და იულიუს II-ის საფლავის ძეგლისათვის განკუთვნილი მასალა მოსახლეობას დაატაცებინა<sup>4</sup>.

ამასობაში თავისი მოქანდაკის ჯანყით განრისხებული პაპი ბრძანებებს ბრძანებაზე უგზავნიდა ფლორენციის სენიორიას, რომელსაც მიქელანჯელო ჰყავდა შეფარებული. სენიორიამ დაიბარა ხელოვანი და უთხრა: „შენ პაპს ისეთი ოინი უყავ, რომლის მსგავსი საფრანგეთის მეფეებსაც კი არ უკადრებიათ. შენი გულისთვის იულიუს II-ს მტრად ვერ მოვიკიდებთ, ამიტომ გირჩევთ, რომს დაბრუნდე. ისეთ წერილს გაგატანთ, რომ ყოველგვარი უსამართლობა, რომელსაც შენ შოგაყენებენ, სენიორიის შეუტრაცხოფად იქნება მიჩნეული“<sup>5</sup>.

მიქელანჯელო ჭიუტობდა. იულიუს II-ს თავის პირობებს კარნახობდა. მოითხოვდა, რომ პაპს კვლავ დაევალებინა მისთვის საფლავის ძეგლის აშენება და ფლორენციაში მუშაობის ნება მიეცა. მერე

---

<sup>1</sup> ლექსები, III. „ხე ჩამომხმარიო“, რომ ახსენებს, მხედველობაში აქვს მწვანე მუხა, რომელიც იულიუს II-ის ოჯახის, დე ლა როვერეთა საგვარეულო გერბზე იყო გამოხატული.

<sup>2</sup> „ჩემი წამოსვლის მიზეზი მარტო ეგ არ ყოფილა, სხვა რამეც იყო, რის შესახებაც მიგობს გავჩუმდე. ვიტყვი მხოლოდ, რომ რომში რომ დაერჩენილიყავ, აკლდამა ალბათ მე დამპირდებოდა და არა პაპს. სწორედ ეს გახდა ჩემი სწრაფი გამგზავრების საბაბი“.

<sup>3</sup> 1506 წლის 18 აპრილს.

<sup>4</sup> 1542 წლის ოქტომბრის წერილი.

<sup>5</sup> იქვე.



კი, როცა იულიუს მეორემ ბოლონია დალაშქრა და პერუჯის შემო-  
ეწყო<sup>1</sup>, როცა მისი წერილებიც უფრო დაეინებული და მუქარით  
აღსავსე გახდა, მიქელანჯელომ თურქეთს გადასვლა დააპირა, სადაც  
სულთანი ფრანცისკანელი ბერების პირით კიდევაც იწვევდა პერას  
ხილის ასაგებად<sup>2</sup>

ბოლოს, მანაც იძულებული გახდა, დაეთმო და 1506 წლის ნოემ-  
ბრის მიწურულში თავისი ფეხით ჩასულიყო ბოლონიაში, სადაც გა-  
მარჯვებული იულიუს 11 დროებით დაძვეინებულიყო.

„დილით მიქელანჯელო სან პეტრონიოში შევიდა წირვის მოსას-  
მენად. პაპის მსახურმა შენიშნა იგი, იცნო და პირდაპირ მიჰგვარა  
იულიუს 11-ს, რომელიც თქვესმეტა სასახლეში სუფრას უჯდა. გაბ-  
რაზებულმა პაპმა მიამხა: „ჩვენს სანახავად რომში უნდა ჩამოსული-  
ყავ, შენ კი გვალოდინე, სანამ აქ (ბოლონიაში) არ მოგაკითხეთო“.  
მიქელანჯელომ მუხლი მოიყარა მის წინაშე და ხმამაღლა სთხოვა პა-  
ტიება. ევედრებოდა, რაც გაწყენინებო, ეშმაკობით არ მომსვლია, სი-  
ფიცხით დამემართა, რადგან ვერ ავიტანე უკადრისად რომ გამომაგ-  
დეთო. პაპი კვლავ უხმოდ იჯდა თავდახრილი; სიბრაზისაგან სახე გას-  
წითლებოდა. მაშინ ერთმა ეპისკოპოსმა, სოდერინის რომ გამოეგ-  
ზვნა მიქელანჯელოს დასაცავად, მოინდომა საქმეში ჩარეულიყო და  
პაპს ასე მიმართა: „დე თქვენი უწმინდესობა ყუოდლებას ნუ მიაქ-  
ცევს მის სიბრყველს. თუ სცოდა, უვიცობით სცოდა. ყველაფერში,  
ოაც მათ ხელობას არ შეეხება, ყველა მხატვარი ასეთი სულელია“.  
პაპი მთლად წამოენთო: „შენ მას ისეთი შეურაცხყოფა მიაყენე, რო-  
გორიც ჩვენ არ გვიკადრებია! ბრყვე თვითონა ხარ. თავიდან მომ-  
წყდი და ეშმაკსაც წაუღიბარ!“ და რაკი წვეული არ მიდიოდა, პაპის  
მსახურებმა კინწისკერით გააგდეს დარბაზიდან. და პაპმაც, რაკი  
გულის ჯავრი ეპისკოპოსზე ამოიყარა, მიქელანჯელოს უბრძანა, მო-  
მიანლოვდიო და ყველაფერი შეუნილო“<sup>3</sup>.

<sup>1</sup> 1506 წლის აგვისტოს მიწურულში.

<sup>2</sup> კონდივი. — მიქელანჯელოს ჯერ კიდევ 1504 წელს დაეადა ეს აზრი.

1519 წელსაც პაპმა მოლაპარაკება „ადრიანოპოლის ბატონთან“, რომელიც  
იხვეწებოდა, ჩამოდიო და ბევრ სამუშაოსაც პირდებოდა. ცნობილია, რომ ერთ-  
ხანს ლეონარდო და ვინჩიცი აპირებდა თურქეთში გადასვლას.

<sup>3</sup> კონდივი.

საუბედუროდ, იულიუს II-ის წყალობა რომ შეენარჩუნებინა, მისი ყველა ეჩინი უნდა შეეკრულებინა. პაპის ყოვლისშემძლე გუნებას კი მალე ცვალება სჩვეოდა. საფლავის ძველი აღარ აინტერესებდა. ახლა ბოლონიაში ბრინჯაოს უხარმახარი ქანდაკების დაუბნა ისურვა. ამოდ უარობდა მიქელანჯელო, ამ საქმისა არაფერი გააგებებო. იძულებული გახდა ესწავლა. გაშმაგებით შეუდგა მუშაობას. წელებზე ფეხს იდგამდა: ერთ უხეირო ოთახში იდგა თავის ჩამოსხმულ ბერნარდინოსთან და ორ შეგირდთან: ლაპოსა და ლოდოვიკოსთან ერთად. ოთხივეს ერთსაერთო საწოლზე ეძინა. თხუთმეტ თვეს ამ ჭაპანწყვეტაში იყო. წაეკიდა ლაპოსა და ლოდოვიკოს, რომლებიც თურმე ანგარიშში ატყუებდნენ

„ამ არამზადა ლაპომ, — სწერდა მამას მიქელანჯელო, — ხმა დაძიყარა. მე და ლოდოვიკო ვაკეთებთო ყველაფერს, თითქოსდა მართლაც ჩემი თანამშრომლები ყოფილიყვნენ. ვერაფრით ვერ შეიგნო, რომ თვითონ არ იყო უფროსი, სანამ ძალღივით კარში არ გავაგდე“<sup>1</sup>.

ლაპო და ლოდოვიკო მწარედ ჩიოდნენ: ფლორენციაში მიქელანჯელოზე ცილისმწამებლური ხმა დაარბიეს და მამამისს ფული გამოძალეს, აქაოდა თქვენმა ვაჟმა გავგყვლიფაო.

მერე ჩამოსხმელის უვიცობაც გამოძლავნდა.

„მე მეგონა მეტრ ბერნარდინო უცეცხლოდაც შესძლებდა ჩამოსხმას. მისი ისე მჭეროდა“.

1507 წლის ივნისში ჩამოსხმა ვერ მოხერხდა. მხოლოდ წელამდე გამოვიდა ქანდაკება. ყველაფერი თავიდან გახდა დასაწყები. მიქელანჯელო 1508 წლის თებერვლამდე ამ საქმეს მოუნდა და კინაღამ ჯანიც ზედ შეალია:

„ქამის დროც არა მაქვს, — სწერდა თავის ძმას, — უკიდურეს სილატაკეში ვცხოვრობ; ხელის შეწყობაც არსაიდანა ჩანს. დღეღამ ჩემს სამუშაოზე ვფიქრობ. ისე ვიტანჯები, ისეთი გაჭირვება მადგას, ერთხელ კიდევ რომ მომიხდეს ამ ქანდაკების ჩამოსხმა, ვფიქრობ, ველარ გადავიტან.“

ამ საქმეს გოლიათური ძალა სჭირდება“<sup>2</sup>.

ამ მძიმე ჭაფის შედეგი უმნიშვნელო გამოდგა. იულიუს II-ის

<sup>1</sup> 1507 წლის 8 თებერვალს მამისადმი მიწერილ ბარათში.

<sup>2</sup> 1507 წლის 29 სექტემბერსა და 10 ნოემბერს მიწერილ ბარათებში.

ძეგლი, 1508 წლის თებერვალს სან-პეტრონიოს ფასადის წინ აღმართული, ადგილზე მხოლოდ რამდენიმე წელს დარჩა. 1511 წლის დეკემბერში ეს ქანდაკება დაანგრია ბენტივოლოს პარტიამ, რომელიც იულიუს II-ს ეკუთვნებოდა. ნამსხვრევები კი ალფონსო ესტელმა იყიდა ზარბაზნის ჩამოსასხმელად.

\* \* \*

მიქელანჯელო რომს დაბრუნდა. იულიუს II-მ მას მეორე საქმე დაავალა, პირველზე არანაკლებ მოულოდნელი და სახიფათო. მხატვარს, რომელსაც ფრესკის ტექნიკისა არაფერი გაეგებოდა, სიქსტის კაპელის მოხატვა მიანდო. იტყოდით, პაპს შეუძლებლის მოთხოვნა სიამოვნებს, მიქელანჯელოს კი — მისი აღსრულებათ.

ამბობენ, ეს აზრი პაპს ბრამანტემ შთააგონაო. სწყინდა, პაპმა მიქელანჯელოზე გული რომ მოიბრუნა და დიდი ხნის მეტოქეს თავს ეს საქმე მოახვია, რითაც, მისი აზრით, ფლორენციელის დიდებას ჩრდილი მოეფინებოდა<sup>1</sup>. მიქელანჯელოსათვის ეს გამოცდა მით უფრო სახიფათო იყო, რომ იმავე 1508 წელს მისი მოქიშვე რაფაელიც იწყებდა ვატიკანის „სტანცების“ მოხატვას და უბადლო წარმატებასაც აღწევდა<sup>2</sup>; და მიქელანჯელომაც ყველაფერი გააკეთა იმისათვის, რომ ეს საშიში პატივი თავიდან აეცილებინა; იქამდეც კი მივიდა, რომ თავის ნაცვლად პაპს რაფაელი შესთავაზა; ფრესკა ჩემი ხელობა არ არის და არაფერი გამომივიაო. მაგრამ პაპმა ქვა აავდო და თავი შეუშვირა. მიქელანჯელოც იძულებული გახდა, დაეთმო.

ბრამანტემ კაპელაში ხარაჩოები დაუდგა. ფლორენციიდან მის დასახმარებლად რამდენიმე მხატვარი მოიწვიეს, რომელთაც ფრესკების ხატვის დიდი გამოცდილება ჰქონდათ. მაგრამ, როგორც უკვე ითქვა, მიქელანჯელო ვერავითარ დამხმარებებსა და დახმარებას ვერ იტანდა.

<sup>1</sup> ყოველ შემთხვევაში, ასე ამტკიცებს კონდივი. თუმცა მიქელანჯელოსათვის რომ სიქსტის კაპელა მოეხატვინებინათ, ამაზე მის ბოლონიაში გაქცევამდეც უფილა საუბარი. და მაშინ ეს ამბავი ძალიან სწყინდა ბრამანტეს, რომელიც ყოველნაირად ცდილობდა რომიდან გაეძევებინა თავისი მეტოქე (პიეტრო როსელინი წერილი მიქელანჯელოსადმი, 1506 წლის მაისი).

<sup>2</sup> 1508 წლის აპრილ-სექტემბერში რაფაელმა მოხატა ე. წ. „Signatura“-ს დარბაზი („ათენის სკოლა“ და „რელიგიის ტრიუმფი“).

დაიწყო იმით, რომ ბრამანტეს ხარაჩოები უვარგისად სცნო და თვითონ აღმართა. მერე ფლორენციელი მხატვრებიც აითვალწუნა და ყოველგვარი ახსნა-განმარტების გარეშე კარში გამოავდო. „ერთ დღეს ჩამოაფხეკინა ყველაფერი, რაც მათ აქამდე ჰქონდათ დახატული, კაპელაში ჩაიკეტა და მათთვის კარის გაღება აღარ ისურვა; შინაც კი არ შეუშვა სალაპარაკოდ. მხატვრებმა პატარა ხანს აღროვეს, მერე კი, როცა დარწმუნდნენ, ხუმრობა ძალიან გაუგრძელდო, ძალზე შეურაცხყოფილი ფლორენციაში დაბრუნდნენ“<sup>1</sup>.

მიქელანჯელო მარტო დარჩა რამდენიმე შავი მუშის ამარა<sup>2</sup> და ნაცვლად იმისა, რომ ასეთ დიდ სიძნელეს მისი სითამამისათვის ფრთები შეეკვეცა, კიდევ უფრო გაზარდა პროექტი და თუმცა თავდაპირველად მხოლოდ თალის მოხატვა ჰქონდა განზრახული, გადაწყვიტა, კედლებიც მიეყოლებინა.

ეს გიგანტური სამუშაო 1508 წლის 10 მაისს დაიწყო. ეს წლები მიქელანჯელოს სიცოცხლეში ყველაზე უფრო მძიმე და დიადი წლებია! ლეგენდარული მიქელანჯელო, სიქსტის კაპელის გმირი, კაცი, რომლის დიადი სახეც აღბეჭდილა და სამუდამოდ უნდა დარჩეს აღბეჭდილი კაცობრიობის მეხსიერებაში.

როგორ იტანჯა. მისი იმდროინდელი წერილები მოწმობენ უზომო სასოწარკვეთას, ღვთაებრივ სახეებშიც რომ ვერ ჰპოვებს ნუგეშს.

„სულიერად გატეხილი ვარ. უკვე ერთი წელია, რაც პაპისგან ფული არ მიმიღია. არც არაფერსა ვთხოვ. ნახატი ისე ნელა მიიწვევს წინ, რომ სინდისი ნებას არ მაძლევს, გასამრჯელო ვითხოვო. ეს სიზანტე სამუშაოს სიძნელითაა გამოწვეული და კიდევ იმით, რომ ფრესკების ხატვა ჩემი ხელობა არ ყოფილა. ამიტომ დროს უქმად ვკარგავ და შედეგს კი ვერ ვღებულობ. ღმერთი იყოს ჩემი შემწე!“<sup>3</sup>

„წარღვის“ ხატვას რომ მორჩა, ნახატმა მაშინვე დაიწყო წახდომა. ობი მოეკიდა და ფიგურებიც კი ძნელი გასარჩევი გახდა. მიქელანჯელომ უარი თქვა სამუშაოს გაგრძელებაზე, მაგრამ პაპს არაფრის

<sup>1</sup> ვაზარი.

<sup>2</sup> 1510 წელს მამისადმი მიწერილ ბარათში მიქელანჯელო უჩივის ერთ-ერთ თავის თანაშემწეს, არაფრის მაქნისია და იქით სკირდებოო სამსახური... „ეგლა მაკლდა თითქოსდა სხვაფრთვ ჩემს ბედს ძალი არა ჰყვდეს... ეს კაცი პირდაპირ შავ დღეში მაგდებს“.

<sup>3</sup> მამისადმი 1509 წლის 27 იანვარს მიწერილი ბარათი.

გაგონება არ სურდა და მიქელანჯელოც იძულებული გახდა კვლავ გა-  
ნეგრძო სამუშაო.

მის დაღლილობასა და მწუხარებას მისიანები კიდევ უფრო ამძაფ-  
რებდნენ. მთელი ოჯახი კისერზე აწვა; ბოროტად იყენებდნენ მის სი-  
კეთეს და სიცოცხლეს უსწრაფებდნენ. მამამისი სულ წუწუნებდა, სულ  
უფულობას უჩიოდა და მიქელანჯელოც იძულებული იყო გაემხნევე-  
ბინა მოხუცი, თუმცა თვითონაც ხელის შემწყობი და შემძახებელა  
სკირდებოდა.

„ნურას ნაღვლობთ. ეგ სამკვდრო-სასიცოცხლო საკითხი როდია.  
რაც გაბაღიათ, ყველაფერი რომ წაგართვან, სანამ პირში სული მიდ-  
გას, მე თქვენ არაფერს მოგაკლებთ... მირჩევნია, თავად ლატაკი ვიყო  
და ვიციოდე, რომ ცოცხალი მყავხართ, ვიდრე მთელი ქვეყნის ოქრო  
მქონდეს და თქვენ მკვლად გიგულოთ. თუ სხვებსავით არ შეგიძ-  
ლიათ ყველა ამქვეყნიური პატივი იქონიოთ, ხმელა პურს უნდა დას-  
ჯერდეთ და უფლის წიაღში საწყლადა და პატიოსნად უნდა იცხოვ-  
როთ, როგორც მე ვცხოვრობ. მეც უპოვარი ვარ და არ ვზრუნავ  
არც ცხოვრებაზე, არც პატივზე და არც სხვა რამ ამქვეყნიურზე.  
სულს ძლივსღა ვღაფავ ეჭვებითა და უნდობლობით გარემოცული.  
თსუთმეტი წელია, მოსვენება არ მინახავს. ყველაფერი გავაკეთე თქვენს  
დასახმარებლად, თქვენ კი არასოდეს მადლობაც არ გითქვამთ. არც კი  
გესმით ჩემი. ორივეს ღმერთმა შეგვინდოს! მზად ვარ კვლავაც შეგე-  
წიოთ, სანამ პირში სული მიდგას. ოღონდ კი შევიძლო!“<sup>1</sup>

სამივე ძმა ექსპლოატაციას უწევდა. მისგან მხოლოდ ფულსა და  
პატივს გამოელოდნენ. ურცხვად უფლანგავდნენ ფლორენციაში წვი-  
თა და დაგვიტ შეგროვილ თანხას: რომშიაც აკითხავდნენ და თვეო-  
ბით მის ხარჯზე ცხოვრობდნენ. ბუონაროტო და ჯოვანი სიმონე მისი  
ფულით სავაჭრო დუქნებს იძენდნენ, ჯისმონდო მიწებს ყიდულობდა  
ფლორენციის მახლობლად და მადლობასაც კი არ ეუბნებოდნენ,  
თითქოსდა მიქელანჯელო მოვალე იყო, მათთვის თავი გაეწირა. კარ-  
გად ესმოდა, რომ ძმები უნამუსოდ ყვლეფდნენ, მაგრამ სიამაყე ამის  
გამხელის ნებას არ აძლევდა. ძმები ამასაც არ სჯერდებოდნენ და მი-  
ქელანჯელოს იქ არყოფნაში მამას უდიერად ექცეოდნენ. მაშინ მი-

<sup>1</sup> მამისადმი მიწერილი ბარათი, 1509—1512 წწ.

ქელანჯელო მუქარას იწყებდა და ჰმებს, როგორც ონავარ ბიკებს, ისე ტუქსავდა. ხელში რომ ჩავარდნოდნენ, მოკლავდა კიდევ...

„ჯოვანი სიმონე<sup>1</sup>,

ნათქვამია, კარგს მაღლი სიკეთეს ჰმატებს, ბოროტს კი უფრო აბოროტებსო. აი უკვე რამდენი წელია ვცდილობ კეთილი სიტყვითა და კეთილის ქცევით პატიოსან გზასა გწიო და მამასა და ჩვენთან ერთად მშვიდად გაცხოვრო. შენ კი სულ უფრო და უფრო უარესდები. კიდევ შემეძლო ბევრი რამ მეთქვა, მაგრამ ტყუილი გარჯა იქნებოდა. მხოლოდ ერთს გეტყვი და დაიხსომე, ქვეყნად არაფერი გაბადია, ცხოვრების სახსარს სამადლოდ გაძლევ, რადგან მეგონა, შენც სხვებსავე ჩემი ძმა იყავი. მაგრამ ახლა დავრწმუნდი, რომ ძმა არ ყოფილხარ. ძმა რომ იყო, მამაჩვენს ასე არ მოექცეოდი. მხეცი ყოფილხარ და მეც მხეცავით მოგექცევი. იცოდე, კაცი თუ ხედავს, რომ მამამისს უდიერად ეპყრობიან, მისთვის თავი უნდა გასწიროს... მაგრამ კნარა ამათზე ლაპარაკი... მითქვამს, რომ არაფერი გაგაჩნია დედამიწის ზურგზე და თუ შენზე კიდევ გავიგე რამე, ჩამოვალ და გასწაველი, როგორ უნდა სხვისი მონაგარი ქონების განიყვება, ან როგორ უნდა მისცე ცეცხლს სახლი და ადგილ-მამული, რომელიც შენ არ შეგიძენია. ნახტომი შეგეშალა, ჯოვანი სიმონე. მანდ თუ მოვედი, ისეთ რამეებს გიჩვენებ, რომ სულ ცხარე ცრემლით გატირებ და გაგაგებინებ, რაზედ ამყარებ შენს სითავხედეს. თუ შეეცდები კარგად მოიქცე, გვასახელო და პატივი სცე მამაჩვენს, უწინდებურად შეგეწევი და სულ მოკლე ხანში დუქანსაც შეგძენ. მაგრამ თუ არ გამიგონებ, მოვალ და დავთრებს ისე ავირ-დავირევ, რომ გაგაგებინებ, ვინა ხარ და რა გაგაჩნია დედამიწის ზურგზე. კუთით იყავი! თორემ მოვალ და, რაც სიტყვით დაგაკელი, საქმით შეგისრულებ.

მ ი ქ ე ლ ა ნ ჯ ე ლ ო .

<sup>1</sup> ჯოვანი სიმონე უდიერად მოპყრობია მამას. მიქელანჯელო ამ უკანასკნელს სწერდა: „თქვენი წერილიდან შევიტყვე, როგორ მიღის მანდ საქმე და როგორ გეპყრობათ ჯოვანი სიმონე. ათი წელია, რაც ამაზე ცდილ ამბავი არ მსმენია... რომ შემძლებოდა, წერილის მიღებისთანავე შევქვდებოდი ცხენზე, თქვენკენ გამოვეშურებოდი და ყველაფერს მოვაგვარებდი. მაგრამ არ შემიძლია და წერილსა ვწერ. თუ ხასიათი არ იცვალა, სახლიდან კიდევ ერთი ქინძისთავიც თუ წაიღო, ან სხვა თქვენი უნებური რამ ჩაიღინა, მაცნობეთ: პაპს შევებულებასა ვთხოვ და მაშინვე ჩამოვალ თქვენთან“ (1509 წლის გაზაფხულს).

ორ სიტყვას კიდევ გეტყვი. აგერ უკვე თორმეტი წელია, მთელი იტალიის დასაწახად მათხოვარივით ვცხოვრობ. ყოველგვარ სირცხვილსა და გაჭირვებას ვიტან, წელებზე ფეხს ვიდგამ, თავს ათას საფრთხეში ვიგდებ, რომ როგორმე ოჯახს ვუშველო. და ახლა, როცა ძლივს წელში გავიმართეთ, თავს იმით ირთობ, რომ გსურს ერთ საათში დამინგროო ის, რის აგებასაც ამდენი დრო და ჯანი შევალე. დალაზეროს ღმერთმა, ეგ არ ეგების! რადგან მე ისეთი ზნის კაცი ვარ, რომ თუ გაჭირდა, შემძლია ათასობით შენისთანა გავაცამტყერო. ამიტომ ჰკუთ იყავ და მოთმინებიდან ნუ გამოიყვან კაცს, ვისაც უშენოდაც თავზე საყრელი საქმე და საზრუნავი აქვს“<sup>1</sup>.

მერე ჯისმონდოზე მიდგა ჯერი:

„მე აქ ვწვალობ და წელებზე ფეხს ვიდგამ. ერთი მეგობარიც არ გამაჩნია და არცა ვნატრობ. ეს ცოტა ხანაა, რაც მაძღრისად ჰამა შევიძელ. აწი ნულა გამაწვალებთ, რადგან მოთმინების ფილა ამევსო“<sup>2</sup>.

ბოლოს, მესამე ძმაც, სტროციის სავაქრო სახლში რომ მსახურობდა. მას შემდეგ რაც უამრავი ფული დასცინცლა, მიქელანჯელოს აუხირდა და უსირცხვილოდ მოჰყვა ტრაბახს, მაგან რა მომცა, მე უფრო მეტი დავახარჯეო.

„მინდა მოვკითხო შენს უმადურობას, — სწერს მიქელანჯელო, — საიდან გავიჩნდა შენ ეგ ფული; მინდა ვიცოდე, სანტა მარია ნუოვას ბანკიდან ჩემი ორას ოცდარვა ღუკატი რომ გამოიტანეთ, თულა გახსოვთ. სხვაც რამდენი ასი ღუკატი გამომიგზავნია. თქვენს სარჩენად რამდენი ჯაფა და მლეღვარება გადავიტანე. მინდა ვიცოდე, ყოველივე ეს თულა გახსოვს. ჰკუა რომ გქონდეს და ჰეშმარტების დანახვა შეგეძლოს, აღარ იტყოდ, ჩემი ამდენი დავახარჯეო; სულთამხუთავით თავს არ დამადგებოდ, შენი საქმეებით არ გამაბეზრებდი და ამდენ ამავს წყალში არ გადამიყრიდი. იტყოდ, „მიქელანჯელომ იცის, რასაც გვწერს და თუკი ახლა არ გვენმარება, ალბათ, რაღაც ისეთი უშ-

---

<sup>1</sup> ჯოვანი სიმონესადმი მიწერილი ბარათი. ანრი ტოდე მას 1509 წლის გაზაფხულით ათარილებს (მილანუზის გამოცემაში კი თარიღად 1508 წლის იელისი უზის).

ნუ დაგავიწყდებათ, რომ ჯოვანი სიმონე იმხანად უკვე ოცდაათი წლისა იყო და მიქელანჯელო მხოლოდ ოთხი წლით იყო მასზე უფროსი.

<sup>2</sup> ჯისმონდოსადმი 1509 წლის 17 ოქტომბერს მიწერილი ბარათი.

ლის ხელს, რაც ჩვენ არ ვიცით. სჯობს, მოვითმინოთ“. როცა ცხენი რაც ძალი და ღონე აქვს, მირბის, დეზი აღარ უნდა ჰქრას, რომ ვიდრე შეუძლია, იმაზე ჩქარა ირბინოს. მაგრამ თქვენ მე არასოდეს გცნობოვართ, არც ახლა მიცნობთ. ღმერთმა შეგინდოთ. სწორედ მან მომცა ძალა ამეტანა ყველაფერი, რაც თქვენს დასახმარებლად ვიტვირთე. მაგრამ თქვენ ამას მხოლოდ მაშინ იგრძნობთ, როცა მე ცოცხალი აღარ ვიქნები“<sup>1</sup>.

ასეთი იყო უმადურობისა და შურის ატმოსფერო, რომელშიაც სულს დაფავდა მიქელანჯელო. აქეთ უღირსი ოჯახი ყვლეფდა, იქით მოსისხლე მტრები უტევდნენ. თვითონ კი, ორ ცეცხლსშუა მოქცეული, სიქსტის გმირულ შედევრებს ქმნიდა. მაგრამ რა სასოწარკვეთილი შრომის საფასით! ცოტას გაწყდა, კინალამ თავი ანება ყველაფერს და ხელახლა არ გაიქცა. ეგონა, მოკვდებო<sup>2</sup> და ეგებ სანატრელადაც ჰქონდა სიკვდილი.

პაპს აბრაზებდა მისი სიზნატე და კიდევ ის, რომ მიქელანჯელო ჯიუტად უმაღავდა ნახატებს.

„ერთ დღეს,—გვიამბობს კონდივი,—იულიუს II-მ ჰკითხა, როდის მორჩებითო სამუშაოს, მიქელანჯელომ ჩვეულებისამებრ უპასუხა: „როდესაც შევძლებ!“ გაგულისებულმა პაპმა ჯოხი დაუღირა და თან დასძახოდა: „როდესაც შევძლებ! როდესაც შევძლებ!“ მიქელანჯელო შინ გაიქცა და რომიდან წასასვლელად მზადება იწყო. მაგრამ იულიუს II-მ კაცი დაადევნა. მოციქულმა პაპს ბოდიში მოჰხადა, მისი ნაბოძები ხუთასი ღუკატი მისცა ხელოვანს და დაამშვიდა, როგორც კი შეეძლო.

მიქელანჯელომ ეს ბოდიში მიიღო“.

მაგრამ მეორე დღესვე თავიდან დაიწყო ყველაფერი. ბოლოს მოთმინებადაკარგულმა პაპმა ბრაზით უთხრა: „შენ, როგორც გატყობ, გინდა მაგ ხარაჩოებიდან ჩამოგაგდო!“ და მიქელანჯელოც იძულებული გახდა, დაეთმო. ხარაჩოები ააშლევინა და 1512 წლის ყველაწმინდის დღესასწაულზე გამოაჩინა თავისი ნამუშევარი.

ეს გარდაცვლილ სულთა ათინათინით გაცოცხლებული ბრწყინვა-

<sup>1</sup> ბუონაროტოსადმი მიწერილი ბარათი (1513 წლის 30 ივლისს).

<sup>2</sup> წერილები, 1512 წლის აგვისტო.



ლე და პირქუში დღესასწაული ძალიან უხდებოდა ამ ზარდამცემი ნახატების გახსნას, რომლებშიაც მოჩანდა ღვთის მწყალობელი და მსახვრალი ხელი, ღვთისა, რომელიც ქარტესილივით შთანთქავს ყოველს და ყველაფერს სასიცოცხლო სულს შთაბერავს ხოლმე.

## II

### ძალა დამსხვრეული

Roci'è l'alta cholonna <sup>1</sup>

ამ გოლიათის საფერმა საქმემ მიქელანჯელოს სახელი მოუხვეჭა, მაგრამ ჩანი კი გაუტენა; და რაკი სიქსტის თალის მოსახატად თავი თვეების მანძილზე ზეაწეული ეპირა, „ისე წაიხდინა მხედველობა, რომ დიდხანს წერილებსა და სხვა რამ საგნებს თავს ზემოთ იჭერდა, უკეთ რომ დაენახა“ <sup>2</sup>

ეთო სახუმარო ლექსში თვითონაც დასცინის თავის უნიათობას:

განუხოშელმა მწუხარებამ მაჩუქა ჩიყვი  
და ლომბარდული კატის სენით ვარ შეპყრობილი.  
უახლოდება უკვე ნაკაპს ჩემი მუცელი,  
ყალუზე დამდგარა გაწეწილი ჩემი თმა-წვერი.

ეს გახრეკილი თავის ქალა ჩამიძვრა მხრებში  
უადმოგდებული მკერდი ჩემი — ჰარპის მკერდია,  
წვეთავს ფუნჯი და საღებავი სახეზე დამდის  
და საღებავის ფორეჯებით ამკრელებია.

სად არის ჩემი თეძოები, აღარ მეტყობა,  
გამსიებია მხოლოდ გავა, გასულა განზე  
და ფეხს არ ვიცი, როგორ ვადგამ. ბრმად მივაბიჯებ.

---

<sup>1</sup> და ჩამოიქცა სვეტი მალაღი. ლექსები, I.

<sup>2</sup> ვახაოი.

სხეულზე ახლა მომჩიარული მკილია ტყავი  
და ძირს ეწევა ნაოქებად ქცეული გავა.  
ვირ დაქვიმული სირიული მშვილდ-ისარივით!

მაგრამ ამ მოჩვენებითმა მხიარულებამ არ უხდა მოგვატყუოს... მიქელანჯელო მწარედ განიცდიდა თავის სიმახინჯეს. მისი ჯერის კაცისათვის, ვინც ყველაზე უფრო მეტად ეტრფოდა ფიზიკურ სილამაზეს, საკუთარი სიგონჯე სირცხვილი იყო<sup>2</sup>. მის მადრიგალებში ბოჩანს კვალი ამ გულნაკლულობისა. ეს დაღი მით უფრო მწარედ აჩნდა მის სულს, რომ მთელი სიცოცხლის მანძილზე სწვავდა სიყვარული და, როგორც ჩანს, სიყვარულითვე არ უპასუხებდნენ. მაშინ თავის თავში იკეტებოდა და პოეზიას ანდობდა თავის სინაზესა და თავის დარდებს.

ლექსებს ბავშვობიდანვე წერდა: მისთვის ეს სულიერი მოთხოვნილება იყო. ნახატებს, წერილებს ნაწერებით ავსებდა, ისევ უბრუნდებოდა და გამუდმებით ასწორებდა და ასწორებდა. სამწუხაროდ, 1518 წელს დაწვა თავისი ყრმობისდროინდელი ლექსები. ზოგადაც სიყ-

---

### <sup>1</sup> ლექსები, IX.

ეს ლექსი, ფრანჩესკო ბერნის ლექსებით ბურლესკურ ყაიდაზე დაწერილი, ჯიოვანი და პისტოიასადმია მიძღვნილი; ფრეი მას 1510 წლის იენის-იელისით ათარილებს. ბოლო სტრიქონებში მიქელანჯელო გადაკერით ლაპარაკობს იმ სიძნელებზე, სიქსტის კაპელის მოხატვისას რომ აწყდებოდა და თავს იმით იმართლებს, მხატვრობა ჩემი ხელობა არ არისო:

ისევე როგორც ჩემი სხეული,  
გაუცნაურდა, გაუხეშდა ჩემი გონება,  
წელში გამართვა ძნელი არის მოხრილი ლერწმის,

ო, ჯიოვანი, ჩემი ნალაწიცი  
აჩის ასევე, ჩემს ღირსებას შენ თუ დაიცავ.  
არ ვარ მხატვარი და მხატვრობა უცხოა ჩემთვის...

<sup>2</sup> ანრი ტოდემ კარგად შენიშნა მიქელანჯელოს ხასიათის ეს თვისება თავის „მიქელანჯელო და გვიანი აღორძინების“ პირველ ტომში (ბერლინი, 1902 წელი).

ვდილის წინ მოულო ბოლო. მაგრამ ის მცირედით, რაც გადარჩა. ნათელ წარმოდგენას გკაძლევს მის ვნებებზე<sup>1</sup>.

ყველაზე ადრინდელი ლექსი დაწერილი უნდა იყოს ფლორენციაში, დაახლოებით 1504 წელს<sup>2</sup>:

მე ვიყავ ღღემდე ბედნიერი, ეცხოვრობდი მშვიდად,  
ვინარჩუნებდი, სიყვარულო, სულის თანხმობას,  
ეუშვლავდებოდი შენს სიშმაგეს და გამარცხებდი  
ახლა კი ცრემლი მკერდს მისველებს. ხარ უძლვეელი<sup>3</sup>.

1504—1511 წლებს შორის დაწერილი ეს ორი მადრიგალიც უთუ-  
ოო იძავე ქალისადმია მიძღვნილი და გულში ჩამწედომი შთამბეჭდა-  
ობითაა საესე:

ეს ვინ მეწევა ან რა ძალას მოყვავარ შენყენ...  
ო, ვაგლახ! ვაგლახ!  
თავისუფალი ვარ და მანც ვინ მიყრავს ხელებს?

Chi è quel che per forzaa te me mena,  
Ohime, ohime, ohime!  
Legato e stretto, e son libero e sciolto!<sup>4</sup>

რატომ არ ვვავარ, მე რომ ვიყავ ოდესღაც, იმას...  
ო, ღმერთო! ღმერთო! ღმერთო!  
ვინ დამაშორა ჩემს თავს?

ანდა ჩემი სურვილი  
ვის ძალასა და ნება-სურვილს დაემორჩილა?  
ო, ღმერთო! ღმერთო! ღმერთო!

Come puo esser, ch'io non sia piu mio?  
O Dio, o Dio, o Dio!  
Chi m'ha tolto a me stesso,

---

<sup>1</sup> მიქელანჯელოს ლექსების სრული კრებული პირველად მისმა ძმისწულის ვილიამ გამოაქვეყნა მეჩვიდმეტე საუკუნის დასაწყისში სათაურით „მიქელანჯელო ბუნაროტის ლექსები, შეკრებილი მისი ძმისწულის მიერ“. წიგნი 1623 წელს დაბეჭდილა ფლორენციაში. იგი შეცდომებითაა საესე. ცეზარე გუასტიმ 1863 წელს ფლორენციაშივე გამოსცა მიქელანჯელოს ლექსთა პირველი, თითქმის სრული კრებული; მაგრამ ერთადერთი, ნამდვილად მეცნიერული გამოცემა ეკუთვნის კარლ ფრეის. წიგნი ბერლინშია დაბეჭდილი 1897 წელს სათაურით: „მიქელანჯელო ბუნაროტის ლექსები, შეკრებილი და კომენტირებული დოქტორ კარლ ფრეის მიერ“. მეც ამ წიგნს ვიმოწმებ ხოლმე ამ ბიოგრაფიაში.

<sup>2</sup> ამავე ფურცელზე დახატულია მეომარი ცხენები და ადამიანები.

<sup>3</sup> ლექსები, II.

<sup>4</sup> იქვე, V.

Ch'a me fusse piu psseso  
O piu di me potessi; che poss'io!  
O Dio, o Dio, o Dio!

ბოლონიიდან 1507 წლის დეკემბერში გამოგზავნილი წერილის მეორე მხარეს გვხვდება ეს ჰაბუკუკური სონეტი, რომლის გრძნობადი სინატიფეც ბოტიჩელის ხილვას მოგვაგონებს:

კურთხეულია ბედნიერი მისი გვირგვინი,  
რთავს ყვავილების გაზაფხული ოქროს კულულებს,  
რომ ექას შუბლი დაუმშვენოს და რომ პირველად  
მას ეამბოროს, ეჯიბრება ყვავილი ყვავილს!

კურთხეულია, კურთხეული ოქროს ქსოვილი,  
მკერდზე რომ ეკერის, ითენთება და ეფერება,  
ეაღერსება მოუღლეელი ყელსა და ლაწვეებს  
და ბედნიერი იშლება და ეშეება ქვევით.

კურთხეულია კიდევ ბაფთა მოოქროვილი,  
რომელიც იმის მკერდს ეხება მუდამ დღე ფრთხილად,  
ასე მსუბუქი, უზრუნველი, ათრთოლებული.

და ვნებიანი თითქოს ამბობს მისი სარტყელი:  
„მსურს მოვეხვიო, მოვეხვიო სამარადისოდ...“  
ოჰ... ეს ხელები სად წავიღო, მითხარით რა ვქნა! <sup>2</sup>

ერთ გრძელ, ინტიმურ ლექსში, აღსარებას რომ ედარება <sup>3</sup> და რომლის ზუსტად თარგმნა შეიძლება კიდევ გაკვირდეს, მიქელანჯელო უჩვეულო გულანდილობით აღწერს თავის სამიჯნურო ვნებებს:

ის დღე რა დღეა, თუ დაღამდა და ვერ გიხილე,  
ველარ ვისვენებ, მეკარგება სიმშვიდე სულის  
და თუ გიხილე, თუ გიხილე, ისე ვარ, თითქოს  
დიდი ხნის შემდეგ დამშეულმა ვიხილე საზრდო...  
რომ გამიღიმებ და ქუჩაში მომესალმები,

<sup>1</sup> ლექსები, VI.

<sup>2</sup> იქვე, VII.

<sup>3</sup> ეს გამოთქმა ფრეის ეკუთვნის, რომელიც ამ ლექსს რატომღაც 1531—32 წლებით ათარილებს; ჩემის აზრით კი გაცილებით უფრო ადრე უნდა იყოს დაწერილი.

ვით თოფის წამალს, ცეცხლი ისე წამეკიდება...  
და თუ ხმა გაძეც, მღელვარებით ხმა შეკარგება,  
ალარ არსებობს და მიქრება მძაფრი სურვილი...<sup>1</sup>

ამას ისევ მწარე კვნესა და ჩივილი მოსდევს:

ო, დასასრული არა აქვს ტანჯვას  
და მეფლითება გული წამებულს,  
რადგან ის მიყვარს, ვინც სიყვარული  
არ იცის რაა! როგორ ვიცოცხლო?..

Ahi, che doglia 'n'niuta  
Sente 'l mio cor, quando li torna a mente,  
Che quella ch'io tant'amo amor non sente!  
Come restero 'n vita?

აი ეს ლექსიც, მედინთა კაპელაზე დასახატი ღვთისმშობლის ესკი-  
ზის ქვეშ რომაა მიწერილი:

მე ვდგევარ მხოლოდ აღგზნებული, მე ვდგევარ ჩრდილში,  
არის ქვეყანა მზის სხივებით გაშიშვლებული.  
ხარობს ყოველი; მხოლოდ მე ვარ დედამიწაზე  
ძირს დაცემული, სევდიანი, კვნენაი და ვტირი<sup>2</sup>.

---

<sup>1</sup> ლექსები, XXXVI.

<sup>2</sup> ლექსები, XIII.

იმეუ პერიოდშია დაწერილი ეს შესანიშნავი მადრიგალიც, რომელიც კომპოზი-  
ტრომა ბარტოლომეო ტრომბონინომ 1518 წლამდე მუსიკაზე გადაიტანა.

როგორ შევძლებდი, ჩემო საუნჯევ,  
უთქვენოდ ყოფნას და არსებობას,  
თუ შემწეობას არ მოგთხოვდით განუორებისას!  
გამოთხოვების ცხარე ცრემლი, ჩემო მადონავ,  
და კიდევ ოხვრა უნუგეშო, თქვენ მიგახვედრებთ,  
ოგორ გუორდებით, ვით ვიტანჯები  
და რა ახლოა სიკვდილი ჩემი.  
მავრამ თუ იგი მართალია, რომ ჩემს სამსახურს  
აო დაივიწყებთ არასოდეს, ეს გული მაშინ  
დე, იყოს თქვენი თანამდევი, მე არ მეკუთვნის.

<sup>3</sup> ლექსები, XXII.

Sol' io ardeudo all' ombra mi rimango  
Quand' el sol de suo raggio el mondo spoglia;  
Ogni altro per piacere, e io per doglia,  
Prostrato in terra, mi lamento e piango.

სიყვარულმა მიქელანჯელოს ძლიერ ქანდაკებებსა და მხატვრობაში ვერ ჰპოვა ადგილი. მათში სელოვანმა მხოლოდ თავის ყველაზე უფრო გამორჩეულ აზრებს შთაბერა სული. ეტყობა, რცხვენოდა ხვაშიადის გამხელა. მხოლოდ პოეზიას გაუხსნა გული. ჩვესც პოეზიაში უნდა ვეძიოთ საიდუმლო ამ მოსიყვარულე და უნდო გულისა, უხეში გარეგნული საფარის ქვეშ რომ იმალებოდა:

Amando, a che son nato?

მე მიყვარს, მიყვარს. რად დაეიბაღე? <sup>1</sup>

\* \* \*

სიქსტის კაპელის მოხატვისა და იულიუს II-ის სიკვდილის შემდეგ <sup>2</sup> მიქელანჯელო ფლორენციას დაბრუნდა და კვლავ მიჰყო სული იმ სამუშაოს, რომლისკენაც გული უწევდა: ისევ მოაწერა კონტრაქტს ხელი და ივალდებულა შეიდ წელიწადში დაესრულებინა იულიუს II-ის საფლავის ძეგლი <sup>3</sup>. თითქმის სამი წელი მხოლოდ ამ ძეგლზე მუშაობდა <sup>4</sup>. ამ შედარებით მშვიდ პერიოდში, მელანქოლიური და ნათელი სიმწიფის უაჰს, როცა სიქსტის მხურვალე ვნებები დაცხრა, როგორც მღელვარე ზღვა ცხრება ხოლმე მოქცევის შემდეგ, მიქელანჯელო ჰქმნის თავის ყველაზე მეტად სრულყოფილ ნაწარმოებებს, რომლებიც მისი ვნებებისა და ნებისყოფის წონასწორობას ყველაზე

---

<sup>1</sup> ლექსები, CIX, 35.

<sup>2</sup> შეადარეთ ეს სამიჯნურო ლექსები, სადაც ტრფობა და ტანჯვა სინონიმბალია ქვეული, რაფაელის გრძნობადი ექსტაზით აღბეჭდილ, გულუბრყვილო და მოუქნელ სონეტებს, „რელიგიის ტრიუმფის“ ესკიზების უკანა მხარეს რომაა მიწერილი.

<sup>3</sup> იულიუს II გარდაიცვალა 1513 წლის 21 თებერვალს, სიქსტის ფრესკების გახსნიდან სამი თვის შემდეგ.

<sup>4</sup> 1513 წლის 6 მარტს დაღებული კონტრაქტი. ახალ გეგმაში, რომელიც პირველს გაიცილებით სპარბობდა, ოცდათორმეტი ქანდაკება იყო გათვალისწინებული.

<sup>5</sup> როგორც ჩანს, მიქელანჯელომ იმხანად მხოლოდ ერთი შეკვეთა მიიღო. დათანხმდა გამოქანდაკებინა „ქრისტე“ მიხერვასათვის.

უკეთ გამოხატავენ: „მოსესა“<sup>1</sup> და ლუერის „მონებს“<sup>2</sup>. მაგრამ შესვენებამ დიდხანს არ გასტანა. სულ მალე დაჰქროლა ქარიშხლიანი ცხოვრების ტალღამ და კვლავ წყვდიადში ჩააგდო მიქელანჯელო.

ახალმა პაპმა, ლეონ X-მ განიზრახა თავისი წინამორბედის განდიდების საქმისათვის ჩამოეცილებინა იგი და თავისი სახელის სადიდებლად გამოეყენებინა. პატივმოყვარეობა ამოძრავებდა, თორემ მის ეპიკურულ ბუნებას მიქელანჯელოს მწუხარე გენიასთან რა ჰქონდა საერთო?<sup>3</sup> თავად უპირატესობას რაფაელს ანიჭებდა, მაგრამ სიქსტის კაპელის მომხატველი კაცი მთელი იტალიის სიამაყე იყო და ლეონ X-ს სურდა თავის კარზე ჰყოლოდა იგი.

ახალმა პაპმა სან-ლორენცოს, მედიჩთა ფლორენციული ეკლესიის ფასადის შექმნა შესთავაზა მიქელანჯელოს. რაფაელს მის იქ არყოფნაში რომელ ხელოვანთა შორის პირველი ოსტატის სახელი დაემკვიდრებინა<sup>4</sup> და მასთან მეტოქეობით წაქეზებული მიქელანჯელოც ადვილად დათანხმდა ეტვირთა ეს ახალი სამუშაო, რომლის შესრულებაც არასგზით არ შეეძლო, თუკი ძველს არ მიატოვებდა. ეს სამუშაო მისთვის დაუსრულებელი ტანჯვის წყაროდ იქცა. ცდილობდა

<sup>1</sup> „მოსე“ უნდა ყოფილიყო ერთი იმ ექვს უზარმაზარ ქანდაკებათაგანი, რომლებიც საფლავის ძეგლის მეორე სართულის შესაძკობად იყო განზრახული. მიქელანჯელოს მასზე მუშაობა არ შეუწყვეტია 1545 წლამდე.

<sup>2</sup> „მონები“, რომლებზედაც მიქელანჯელო 1513 წლიდან მუშაობდა, 1546 წელს თვითონვე გადასცა ფლორენციელ რესპუბლიკელს რობერტო სტროცის, რომელც იმხანად საფრანგეთში იყო გადახვეწილი. ამ უკანასკნელმა ქანდაკებები მიქელანჯელოს სახელით ფრანცისკ I-ს მიართვა.

<sup>3</sup> მიქელანჯელოს გულმოწყალედ ექცეოდა, მაგრამ მისი ეშინოდა კიდევ. მასთან თავს უხერხულად გრძნობდა:

„როცა პაპი თქვენზე ლაპარაკობს, — სწერს სებასტიანო დელ პიომბო მიქელანჯელოს, — ზედდე ეტყობა, რომ ლეიძლ ძმებში არ გამოერჩევი; ცრემლიც კი მოადგება ხოლმე თვალზე. შიამბო, ერთად გავიზარდეთო და მარწმუნებს, რომ უვარხართ და შესანიშნავადაც ვიცნობთ; მაგრამ თქვენ შიშსა გვრით ყველას, — თვით პაპებსაც კი“ (1520 წლის 27 ოქტომბერს).

ლეონ X-ის კარზე მიქელანჯელოს დასციინოდნენ, გაუფრთხილებელი ლაპარაკი რომ იცოდა, იმიტომ. განსაკუთრებით რაფაელის მფარველ კარდინალ ბიბინასადმი მიწერილმა ერთმა უხეირო წერილმა გაახარა მისი მტრები. „სასახლეში ყველას ეგ წერილი აკერია პირზე და საცინლად გიგდებენ“. — სწერდა სებასტიანო მიქელანჯელოს (1520 წლის 3 ივლისს).

<sup>4</sup> ბრამანტე 1514 წელს გარდაიცვალა და იმწამსვე რაფაელი დაინიშნა წმ. პეტრეს ტაძრის მშენებლობის მეთვალყურედ.

დაერწმუნებოდა თავისი თავი, რომ ერთდროულად იულიუს II-ის საფლავის ძეგლის დასრულებასაც შესძლებდა და სან-ლორენცოს ფასადსაც ააშენებდა<sup>1</sup>. განზრახული ჰქონდა, სამუშაოს მეტი წილი თანაშემწეებისათვის მიენდო, თვითონ კი მხოლოდ უმთავრესი ფიგურები გამოეჭანდაკებინა. მაგრამ, როგორც მოსალოდნელი იყო, თანდათან ისე გაიტაცა საკუთარმა წამოწყებამ, რომ აღარ ისურვა ეს პატივი სხვისთვის გაეყო. ის კი არა და, სულ ეშინოდა, პაპს არ წაერთმია მისთვის ეს სამუშაო და ემუდარებოდა ლეონ X-ს, ბორკილს ნუ ამხსნიოთ.

ცხადია, იულიუს II-ის საფლავის ძეგლზე მუშაობა ვეღარ შესძლო. მაგრამ ყველაზე მეტად სავალალო ისაა, რომ სან-ლორენცოს ფასადიც ვერ აავო. სხვასთან თანამშრომლობა არ იკადრა, მაგრამ მართო ამასაც არ დასჯერდა: ყველაფერი თვითონ, სხვის დაუხმარებლად სურდა გაეკეთებინა და იმის მაგიერად, რომ ფლორენციაში დარჩენილიყო და თავის ქანდაკებებზე ემუშავა, კარარს მიაშურა, რათა მარმარილოს ამოღებისათვის ედევნებინა თვალყური. იქ უამრავ დაბრკოლებათა გადალახვა მოუხდა. მედიჩებს სურდათ კარარის ნაცვლად პიეტროსანტეს ქვის სამტეხლოები გამოეყენებინათ, რომლებიც ფლორენციას იმხანად ჰქონდა შეძენილი, და რაკი მიქელანჯელო კარარელებს მიემხრო, პაპმა ბრალი დასდო, თავი კარარელებს მიჰყიდაო<sup>2</sup>.

---

<sup>1</sup> „მე მინდა ისე ავაგო ეს ფასადი, რომ მთელს იტალიას არქიტექტურისა და ქანდაკების სარკედ ექცეს. ოღონდ პაპმა და კარდინალმა (ვიულ დე მედიჩიმ, მომავალმა კლიმენტ VII-მ) დროზე უნდა ვადაწყვიტონ, მომანდობენ თუ არა ამ საქმეს; და თუ მომანდობენ, კონტრაქტი უნდა დავდოთ... მესერ ლომენიკო, გთხოვთ, მათი აზრი დანამდვილებით გამაგებინოთ ამით უფიცილ სიხარულს მომგვარიო“ (ლომენიკო ბუონინსენისადმი მიწერილი ბარათი, 1517 წლის ივლისს).

ლეონ X-მ 1518 წლის 19 იანვარს მოაწერა კონტრაქტს ხელი. მიქელანჯელო კისრულობდა რვა წელიწადში აეგო ეკლესიის ეს ფასადი.

<sup>2</sup> კარდინალ ვიულ დე მედიჩის წერილი მიქელანჯელოსადმი, 1518 წლის 2 თებერვალს მიწერილი: „ჩვენ ეპეი გვეპარება, რომ კარარელების მხარეს პირადი გამორჩენის მიზნით იჭერთ და ამიტომაც ცდილობთ, რომ პიეტროსანტეს ქვის სამტეხლოებს ვაუტეხოთ სახელი... სხვა რამ განსჯაში ახლა არ შეეალთ, მაგრამ გაცნობებთ, რომ მის უწმინდესობას სურს, ყველაფერი, რაც დამზადდება, მხოლოდ და მხოლოდ პიეტროსანტეს მარმარილოთი იყოს გაკეთებული... თუ არ გავვიგონებთ, ვიფიქრებთ, რომ მისი უწმინდესობისა და ჩვენს ნებას განზრახ აულდექით წინ და მაშინ ჩვენი რისხვა თავს სამართლიანად დაგატყდებათ... ამიტომ გიჭობთ, გადაიგდოთ გულიდან ეგ ჩიუტი სურვილი“.



მერე კი, როცა იძულებული გახდა პაპის ბრძანებას დამორჩილებოდა, კარარელები აუხირდნენ, ლიგურელ მეზღვაურებთან შეჭკრეს პირი, ისე, რომ გენუიდან პიზას მიმავალი ვერც ერთი ნავი ვერ იშოვა მიქელანჯელომ და იძულებული გახდა, მარმარილოს გადმოჰატანად უგზო მთებსა და ქაობიან დაბლობებში გზა გაეყვანა<sup>1</sup>. მკვიდრ მოსახლეობას არ უნდოდა ამ საქმეში მონაწილეობა მიეღო. მათ არც თანხის გაღება სურდათ და არც გზის გაყვანაში ხელის შეწყობა. მუშებს ამ საქმისა არაფერი გაეგებოდათ: ქვის სამტეხლოები ახალი იყო; ხალხს გამოცდილება აკლდა. მიქელანჯელო მწარედ ჩიოდა: „მიცვალებულთა გაღვიძება მომინდომებია. რაკი გადავწყვიტე დამემორჩილებინა მთები და აქ ხელოვნება შემომეტანაო“<sup>2</sup>.

მაგრამ ფარ-ხმალს მაინც არ ყრიდა:

„მე შევასრულებ იმას, რასაც შეგპირდით, რადაც უნდა დამიჯდე“. ლეთის შემწვობით შეექმნი უშუვენიერეს ნაგებობას, რომლის ბადალიც თავის დღეში არ უნახავთ იტალიის ზურგზე“.

რამდენი ძალა, ენთუზიაზმი, ნიჭი და უნარი დაიხარჯა უსაგნოდ! 1518 წლის სექტემბრის მიწურულს სერავეცში გადაღლილობისა და უსიამოვნებისაგან ლოგინად ჩავარდა. შესანიშნავად ესმოდა, რომ ასეთი შავი სამუშაო ჩანმრთელობას ურყევდა და მის ოცნებებსაც ფრთებს აკეცდა. გულით უნდოდა, ბოლოს და ბოლოს, დაეწყო მუშაობა და გული ეთანადრებოდა, რაკი საშუალება არ ჰქონდა. გარს სხვა სამუშაოები შემოაჯარვოდნენ და აჩქარებდნენ, მაგრამ ველარც მათ ასრულებდა<sup>3</sup>.

---

<sup>1</sup> „ნავების ძებნაში გენუამდეც კი ჩავედი... მაგრამ კარარელებმა ყველა გემთმეპატრონე მოისყიდეს... იძულებული ვარ პიზას ჩავიდე“... (მიქელანჯელოს წერილი ურბინოსადმი, 1518 წლის 2 აპრილს). „პიზას ნავები ვიქირავე, მაგრამ მათ ჩამოსულას აღარ დაადგა საშველი. მგონი, გამაცურეს: მუდამ ასეთია ჩემი ბედის დაიქცეს ის დღე, როცა კარარიდან წამოვედი! იმან დამღუპა, იმან ამირია სუყველაფერი“... (1518 წლის 18 აპრილის წერილი).

<sup>2</sup> 1518 წლის 18 აპრილის წერილი. — მაგრამ რამდენიმე თვის შემდეგ ისევ წერდა: „ქვის სამტეხლო ძალიან ციკაბოზეა; მუშებიც გამოუცდელები არიან: უნდა მოვითმინოთ! უნდა დაეთრგუნო მთები და გაეწვრთნა ადამიანები“... (ბერტო და ფილიკაიასადმი 1518 წლის სექტემბერს მიწერილი ზარათი).

<sup>3</sup> „ქრისტე“ მინერვასათვის და იულიუს 11-ის საფლავი.

„მოუთმენლობისაგან სული მიმდის, მაგრამ ჩემი უბედო ბედი როდი მანებებს ვაყეთო ის, რაც გულით მინდა. ჭავრი მკლავს, თავი მატყუარა მგონია, თუმცა რაც ხდება, იმაში მე არ მიჰიძღვის ბრალი“<sup>1</sup>.

ფლორენციიდან დაბრუნებულს გული ელეოდა მარმარილოთი დატვირთული ფლოტილიის მოლოდინში. მაგრამ არნო დაშრა და ნავეები, რომლებზედაც მარმარილო იყო დაწყობილი, მდინარის აღმა წელზე ველარ ამოდიოდნენ.

ბოლოს, როგორც იქნა, ამოვიდნენ. ამჯერად მაინც თუ შეუდგება მუშაობას? — არა, ისევ ქვის სამტეხლოებს მიაშურებს. არაფრის დიდებით არ სურს სამუშაოს დაწყება, როგორც მაშინ, იულიუს II-ის საფლავის ძეგლზე მუშაობისას, სანამ მარმარილოს ზეინებს არ დაიგროვებს. სამუშაოს სულ სდებს და სდებს. იქნებ უფროსის კიდევ. მაღლიან ბევრი ხომ არ იტვირთა? დაუფიქრებლად ხომ არ მოჰკიდა ხელი ამ უზარმაზარ არქიტექტორულ სამუშაოს? არქიტექტურა ხომ მისი ხელობა არ ყოფილა. ან კი სად უნდა ესწავლა? უთუოდ ამის ბრალია, რომ ახლა ბიჯიც ვერ წაუდგამს წინ და ველარც უკან დაუხევია.

ამ ჰაპანწყვეტამ მარმარილოს მშვიდობიანად ჩამოტანაც კი ვერ უზრუნველყო. ფლორენციას გამოგზავნილი ექვსი მთლიანი სვეტიდან ოთხი გზაშივე დაიმტვრა, ერთს თვით ფლორენციაში მოელო ბოლო. მუშებმა მოატყუეს მიქელანჯელო.

ბოლოს, პაპსა და კარდინალ მედიჩის მოთმინება გაუწყდათ, რაკი ხედავდნენ, რომ ძვირფასი დრო უქმად იხარჩებოდა ქვის სამტეხლოებსა და მტვრიან გზებზე. 1520 წლის 10 მარტს პაპის დეკრეტმა გააუქმა 1518 წელს დადებული ხელშეკრულება სან-ლორენცოს ფასადის აგების თაობაზე. მიქელანჯელომ ეს მხოლოდ მაშინ შეიტყო, როცა პიეტროსანტეში მის შესაცვლელად მუშათა ჯგუფი ჩამოვიდა და საშინელი შეურაცხყოფა იკრძნო:

„არ ვუთვლი კარდინალს სამი წელი უქმად რომ დამაკარგვინა კარარის გზებზე, სათვალავში არ ვაგდებ არც იმას, რომ გავკოტრიდი

<sup>1</sup> წერდა იგი 1518 წლის 21 დეკემბერს აენის კარდინალისადმი მიწერილ ბარათში. ამავე პერიოდს უნდა განეკუთვნებოდეს ბობოლის გამოქვაბულში მდგარი ოთხი დაუმთავრებელი ქანდაკება (ოთხი „მონა“ იულიუს II-ის საფლავის ძეგლისათვის).

სან-ლორენცოზე მუშაობისას, სათვალავში არ ვაგდებ არც იმ წყენას, რომელიც მომაყენეს, რაკი მომანდეს ეგ საქმე, მერე კი, თვითონაც არ ვიცი რატომ, ხელიდან გამომგლიჯეს. სათვალავში არ შემაქვს ყოველივე ის, რაც დავხარჯე და დავკარგე ამ საქმეზე... ახლა კი, საბოლოო ჯამში, მდგომარეობა ასეთია: პაპს ქვის სამტეხლოები და დამუშავებული მარმარილოს სვეტები რჩება; მე კი ხელთა მაქვს ხუთასი ღუკატი და თავისუფლება მოვიპოვე“<sup>1</sup>.

მაგრამ მიქელანჯელოს თავის მფარველებისათვის კი არ უნდა დაედო ბრალი. ბრალი მის მეტს არავის მიუძღოდა და ეს თვითონაც კარგად იცოდა. ყველაზე მეტად სწორედ ეს იყო, რომ აწვალებდა. თავის თავს ებრძოდა. 1515 წლიდან 1520 წლამდე ჯან-ლონით სავსე-და და ზეგარდმო ნიჭით ცხებულმა რა გააკეთა? რაღაც უნიათო „ქრისტე“ მინერვასათვის — მიქელანჯელოს ერთადერთი ნახელავი, სადაც არც კი მოჩანს მიქელანჯელო — და მისი დასრულებაც კი ვერ შესძლო<sup>2</sup>.

1515 წ.-დან 1920 წლამდე, დიდი რენესანსის უკანასკნელ წლებში, იმ დიდი ძვრების წინაღობით, რომლებმაც იტალიის გაზაფხულს ბოლო მოუღო. რაფაელმა მოხატა „ლოჯია“, „ხანძრის დარბაზი“, ფარნეზინა, ყველა დარგში შექმნა შედეგრი, ააგო ღვთისმშობლის ვილა, ხელმძღვანელობდა წმ. პეტრეს ტაძრის მშენებლობას, ნადიმებს, გათხრებს, ძეგლთა აგებას, იყო ხელოვნების კანონმდებელი, შექმნა უზარმაზარი სკოლა და გარდაიცვალა კიდევ ყველასაგან პატივდებული<sup>3</sup>.

<sup>1</sup> წერილები, 1520 წ. (მილანუზის გამოცემის 415-ე გვერდი).

<sup>2</sup> მიქელანჯელომ ამ „ქრისტეს“ დამთავრება თავის ხელმარცხიან შევირდს პიტრო ურბინოს მიანდო; მან ისე დაასახიჩრა ქანდაკება (იხ. სებასტიანო დელ პიომბოს მიქელანჯელოსადმი 1521 წლის 6 სექტემბერს მიწერილი ბარათი), რომ რომაელმა მოქანდაკემ ფრიკომ ძლივს გამოასწორა მისი წამხდარი საქმე.

ამ უსიამოვნებათა მიუხედავად მიქელანჯელო თავისას მაინც არ იშლიდა და ძველ სამუშაოებს, რომელთაგანაც წელში წუღებოდა, კიდევ ახალსა და ახალს უმატებდა. 1519 წლის 20 ოქტომბერს ხელი მოაწერა ფლორენციელ აკადემიკოსთა არხას ლუი V-ისადმი; დანტეს ნეშტის რავენიდან ფლორენციაში გადმოსვენების ნებას თხოულობდნენ და მიქელანჯელოც პირობას დებდა: „ღვთაებრივ“ პოეტს მის საყდრის ძეგლს აუჯუგებო“.

<sup>3</sup> 1520 წლის 6 აპრილს.

ილუზიათა მოშლის სიმწარე, დაკარგულ დღეთა სასოწარკვეთა, გაცრუებული იმედები, დამსხვრეული ნებისყოფა მოჩანს შემდგომი პერიოდის პირქუშ ქანდაკებებში: მედიჩითა საფლავებსა და იულიუს II-ის საფლავის ძეგლის ახალ სკულპტურებში<sup>1</sup>.

თავისუფალმა მიქელანჯელომ, ვინც მთელი თავისი სიცოცხლე ერთი უღლიდან მეორეში ჰყოფდა თავს, გამოიცვალა ბატონი. მალე კარდინალი ყიულ დე მედიჩი კლიმენტ VII-ის სახელით პაპის ტახტზე ავიდა და 1520 წლიდან 1534 წლამდე მიქელანჯელო მისი ყურმოძრბილი ყმა იყო.

კლიმენტ VII-ს მეტისმეტად მკაცრად მოექცნენ. მართალია, სხვა პაპების მსგავსად მასაც ხელოვნებაცა და მხატვრობაც თავისი გეაროვნული პატივმოყვარეობის მსახურად სურდა ექცია, მაგრამ მისი სასაყვედურო ბევრი არაფერი სჭირს მიქელანჯელოს. არც ერთ პაპს იგი ასე ძლიერ არ ჰყვარებია. არც ერთს არ გამოუჩენია ასეთი ცხოველი და ერთგული ინტერესი მისი სამუშაოების მიმართ<sup>2</sup>; არავის ესმოდა უკეთ მისი ნებისყოფის სისუსტე. ხშირად საკუთარი თავისაგანაც იცავდა ხელოვანს და არ ანებებდა, წერილმანებზე დახარჯულიყო. ფლორენციის ჯანყის შემდეგ, მას შემდეგ, რაც მიქელანჯელოც გადაუდგა, კლიმენტ VII-ს გული არ აუყრია მასზე<sup>3</sup>. მაგრამ პაპს სად შეეძლო დაეცხრო მღელვარება, უსაგნო შიში, პესიმიზმი და უკურნებელი მელანქოლია, ამ დიდებულ სულს რომ ღრღნიდა. ბატონის სიკეთეს რა აზრი ჰქონდა? ბატონი მაინც ბატონი იყო.

<sup>1</sup> „გამარჯვებულში“.

<sup>2</sup> 1526 წელს მიქელანჯელო მას ყოველ კვირა წერილობით აბარებდა ანგარიშს.

<sup>3</sup> „პაპს მეტისმეტად მოსწონს ყველაფერი, რასაც თქვენ აკეთებთ, — სწერს სებასტიანო დელ პიომბო მიქელანჯელოს, — ისეთნაირად მოსწონს, რომ წარმოუდგენელიც კია მეტი მოწონება და სიყვარული. ისეთის პატივისცემით გიხსენიებთ, ისეთის სიყვარულით, რომ მამა ვერ ილაპარაკებს თავის შვილზე ისე, როგორც ის თქვენზე ლაპარაკობს ხოლმე“ (1531 წლის 29 აპრილს).

„თუკი რომს ჩამოსვლაზე დათანხმდებით, გექნებათ ყველაფერი, რასაც ისურვებთ; გნებათ — მეფობა, გნებათ — პერციოგის ტახტი... თქვენც წილს დაიდებთ პაპის ძალაუფლებაში, პაპისა, რომლის ბატონადაც ქცეულხართ და რომელიც შეგიძლიათ თქვენს ნებაზე ატაროთ და მოიხმაროთ“ (1531 წლის 5 დეკემბერს).

(უხადია, ამ დაპირებებში სებასტიანო დელ პიომბოს ვენეციური ენაწყლიანობაც ვერია და ყველაფერი ცოტა გაზვიადებულ-გადაქარბებული იყო).

„მთელი ჩემი დღე და მოსწრება პაპების სამსახურში ვიყავ, მაგრამ ამას იძულებით ვაკეთებდით“, — წერდა მოგვიანებით მიქელანჯელო<sup>1</sup>.

რა ფასი ჰქონდა ცოტა დიდებასა და თითო-ოროლა შესანიშნავ ქანდაკებას? განა მისი ოცნების საგანი მხოლოდ ეს იყო? ახლოვდებოდა სიბერე. მწუხრი ეფინებოდა ირგვლივ ყველაფერს. აღორძინების ხანა დასრულდა. რომს საცაა ბარბაროსთა ურდოები შემოესოდნენ. მწუხარე ღმერთის მრისხანე ჩრდილი მძიმედ დააწვებოდა იტალიურ აზრს. მიქელანჯელო გრძნობდა ტრაგიკული ეამის მოახლოვებასა და დარდით გვემულს სული ეხუთებოდა.

მას შემდეგ, რაც იმ გამოუვალი მდგომარეობიდან იხსნა, რომელშიაც მიქელანჯელო ჩავარდნილიყო, პაპმა გადაწყვიტა, მისი ნიჭი ახალი გზით წარემართა და ზედ მავალისათვის გამუდმებით თვალყური ედევნებინა. ჯერ მხოლოდ მედიჩითა კაპელისა და საფლავის ძეგლთა აგება მიანდო<sup>2</sup>. განზრახული ჰქონდა, მთლიანად თავის სამსახურში ჩაეყენებინა. ბერად შედგომაც კი შესთავაზა<sup>3</sup>; საეკლესიო ბენეფიციუმებსაც შეჰპირდა. მიქელანჯელომ უარი უთხრა, მაგრამ კლიმენტ VII-მ მაინც დაუნიშნა თვითური ხელფასი, რომელიც სამჯერ აღემატებოდა იმ თანხას, თვითონ მიქელანჯელო რომ ითხოვდა და სან-ლორენცოს მეზობლად მდგარი სახლიც კი დაუთმო.

თითქოს მოგვარდა ყველაფერი; კაპელაზე მუშაობასაც კარგი პი-

---

<sup>1</sup> მიქელანჯელოს წერილი თავის ძმისწულ ლიონარდოსადმი (1548 წ.).

<sup>2</sup> მუშაობა 1521 წლის მარტს დაიწყო, მაგრამ მხოლოდ კარდინალ ვიულ მედიჩის (კლიმენტ VII-ის) პაპის ტახტზე ასვლის მერე, 1523 წლის 19 ნოემბრის შემდეგ წაიწია სწრაფად წინ (ლუონ X 1521 წლის 6 დეკემბერს გარდაიცვალა და 1522 წლის იანვრიდან 1523 წლის სექტემბრამდე პაპის ტახტზე ადრიან VI იჯდა).

თავდაპირველად ოთხი საფლავის ძეგლის გაკეთება იყო განზრახული: მიქელანჯელოს ლორენცო მშვენიერის, მისი ძმის — ეულიენის, მისი ვაჟის, ნემურის ჰერცოგ ეულიენისა და მისი შვილიშვილის, ურბენის ჰერცოგ ლორენცოს საფლავების გაკეთება ჰქონდა დავალებული 1524 წელს კლიმენტ VII-მ თავისი და ლუონ X-ის სარკოფაგების მიმატებაც გადაწყვიტა. თანაც ისე, რომ მათ საპატიო ადგილი ჰქონოდა დათმობილი (იხ. მარსელ რაიმონის „მედიჩითა საფლავების არქიტექტურა“).

იმხანად მიქელანჯელო სან-ლორენცოს ბიბლიოთეკასაც აგებდა.

<sup>3</sup> იგულისხმება ფრანცისკანელების ორდენი (ფატუჩის წერილი მიქელანჯელოსადმი, 1542 წლის 2 იანვარს კლიმენტ VII-ის ბრძანებით მონაწერი).

რი უჩანდა. მაგრამ უეცრად მიქელანჯელომ უარი თქვა პაპის პენსიაზე და ნაჩუქარი სახლიც მიატოვა<sup>1</sup>. ხელოვანი ახლა ახალი სულიერი კრიზისის ტყვე იყო. იულიუს II-ის მემკვიდრეებს ვერ ეპატიებინათ მისთვის დაწყებული სამუშაოს მიტოვება; მუქარით სულს ხდიდნენ, უპირულობას სწამებდნენ. მიქელანჯელოს საშინლად ეშინოდა სასამართლო პროცესისა. სინდისიც ამხელდა, რომ მისი ზოწინააღმდეგენი მართალნი იყვნენ და თავს ბრალად სდებდა, მიცემულ სიტყვას რად გადაუხვიეო; ეჩვენებოდა, რომ უფლება არ ჰქონდა კლიმენტ VII-სგან აედო ფული, სანამ არ აანაზღაურებდა ყველაფერს, რაც იულიუს II-სგან ჰქონდა ბოძებული.

„ველარ ვმუშაობ, ველარ ვცოცხლობ“<sup>2</sup> — სწერდა პაპსა და ევედრებოდა, მიშუამდგომლეთ იულიუს II-ის მემკვიდრეების წინაშე, ნება მიბოძეთ, შევუსრულო ყველაფერი, რაც რამ მმართველსო.

„ყველაფერს გავყიდი, ყველაფერს ვიზამ. ოღონდ ამ ვალს გადავურჩე“.

მოკლედ, მოითხოვდა, მარტო იულიუს II-ის საფლავის ძეგლზე მამუშავეთო. „სიკვდილსაც არად ჩაეგდებ, ოღონდ ეს ვალი თავიდან მოვიცილო“. იმის შიშით, რომ კლიმენტ VII-ის სიკვდილის მერე უქომაგოდ შთენილი მტრების საჩივრგანდ გახდებოდა, ბალღივით ტიროდა და სასოწარკვეთილებაში იყო ჩავარდნილი.

„თუ პაპი ამ დღეში მიმატოვებს, თავს არ ვიცოცხლებ. მე თვითონაც არ ვიცი, რასა ვწერ, გონება ისე მაქვს არეული“...<sup>3</sup>

კლიმენტ VII მაინცდამაინც სერიოზულად არ ლებულობდა თავისი მხატვრის სასოწარკვეთასა და დაჟინებით მოითხოვდა, მედიჩითა კაპელაზე მუშაობას ნუ შესწყვეტო. მეგობრებსაც არ ესმოდათ მისი სინდისის ქენჯნა. ურჩევდნენ, თავს სასაცილოდ ნუ გაიხდი, ჯამაგირზე უარს ნუ იტყვიო. ერთი მათგანი მწარედ ტუქსავდა: „წინდაუხედავად მოიქეც და ეცადე, შენს ახირებას ამას იქით მაინც არ აჰყვეო“<sup>4</sup>. მეორე სწერდა: „გავიგე, რომ უარი გითქვამთ თქვენს ჯამა-

<sup>1</sup> 1524 წლის მარტს.

<sup>2</sup> მიქელანჯელოს წერილი პაპის აგენტ ჯოვანი სპინასადმი (1525 წლის 19 აპრილს).

<sup>3</sup> მიქელანჯელოს წერილი ფატუჩისადმი (1525 წლის 24 ოქტომბერს).

<sup>4</sup> ფატუჩის წერილი მიქელანჯელოსადმი (1524 წლის 22 მარტს).

გირზე. მუშაობას თავი ანებეთ და სახლიც მიგიტოვებიათ. ყოველივე ეგ სრულ სისულელედ მიმაჩნია. მეგობარო და ნათლიავ ჩემო, ამით თქვენს მტრებს ახარებთ მხოლოდ... იულიუს II-ის საფლავის ძეგლზე ნულა ფიქრობთ და ჭამაგირსაც, რაკი წრფელი გულითაა მოძღვნილი, თამამად მოჰკიდეთ ხელი“<sup>1</sup>.

მიქელანჯელო ჩიუტობდა. პაპის ხაზინადარმა გამასხარავება მოუნდომა, სიტყვაზე დაიჭირა და ხელფასი მართლაც შეუწყვიტა; და უბედური, გამოუვალ მდგომარეობაში მყოფი, იძულებული გახდა, რამდენიმე თვის შემდეგ თავად ეთხოვა ის, რაზედაც ადრე უარს ამბობდა. ჭერ გაუბედავად, მორცხვად დაიწყო:

„ძვირფასო ჭოვანი, რაკი კალამი მუდამ ენაზე უფრო გულადია, მეც წერილობით მოგითხრობთ იმას, რისი თქმაც ამ დღეებში ბევრ-ჭერ დავაპირე, მაგრამ ვერ გავბედე ზეპირ მომეხსენებინა. შემიძლია თუ არა ხელფასის იმედი კვლავ ვიქონიო? დარწმუნებულიც რომ ვიყო, ფულს ველარ ავიღებ, ეგ ჩემს განზრახვას არ შეეკლიდა. კვლავაც ძალ-ღონის დაუზოგავად ვიმუშავებდი პაპისათვის. მაგრამ გადაწყვეტილი მინდა ვიცოდე და ამისდა შესაბამისად მოვაწყო ჩემი საქმეები“<sup>2</sup>.

შემდეგ, სიღარიბით დევნილი თავის თხოვნას კვლავ იმეორებს:

„ყველაფერი კარგად ავწონ-დავწონე: მივხვდი, ამ სამუშაოთი როგორაა პაპი დაინტერესებული და რაკი მისმა უწმინდესობამ თავად დამინიშნა ჭამაგირი იმ მიზნით, რომ უფრო უკეთ და სწრაფად მოვემსახურო, ფულის აუღებლობა ჩემის მხრით სამუშაოს შეფერხება იქნებოდა. ამიტომ შევეცკალე ჩემი უწინდელი გადაწყვეტილება და თუმცა აქამდე კუთვნილი თანხა არ მიითხოვია, ახლა მოვითხოვ იმ მიზეზთა გამო, რომლებიც გაცილებით მეტი მაქვს, ვიდრე ჩამოთვლა შემიძლია. გთხოვთ, მომცეთ ხელფასი იმ დღიდან მოყოლებული, რაც დაშენიშნა... და მაცნობოთ მის ასაღებად როდის შემოვიარო“<sup>3</sup>.

მაგრამ განზრახული ჰქონდათ მისთვის ჰკუა ესწავლებინათ და მის თხოვნას მოუყრუეს. ორი თვე ისე გავიდა, რომ პასუხიც კი არ აღირ-

<sup>1</sup> ლეონარდო-მეუნაგირის წერილი მიქელანჯელოს (1524 წლის 24 მარტი).

<sup>2</sup> მიქელანჯელოს წერილი ჭოვანი სპინასადმი (1524 წ. მილანეზის გამოცემა, გვ. 425).

<sup>3</sup> მიქელანჯელოს წერილი ჭოვანი სპინასადმი (1525 წლის 29 აგვისტო).

სეს. იძულებული გახდა შემდეგშიაყ არაერთხელ მოეთხოვა კუთვნილი გასამრჩელო.

მუშაობდა და იტანჯებოდა; ჩიოდა, ეს ათასგვარი საზრუნავი ჩემს აღმაფრენას ფრთებს უკვეცავსო:

„უსიამოვნებანი საშინლად მოქმედებს ჩემზე. არ შეიძლება ხელი ერთს აკეთებდეს, გონება კი სხვა რამით იყოს დაკავებული, განსაკუთრებით ქანდაკების დროს. მეუბნებიან, ეს ყველაფერი უფრო უნდა გაქვებდესო, მე კი ვფიქრობ, ცუდი წაქვებაა, და უფრო იქითკენ მიბიძგებს, რომ სამუშაოს თავი ვანებო. უკვე წელიწადზე მეტია, ხელფასი არ მიმიღია და სილატაკეს ვეომები. მარტოკა დავრჩი ჩემს ჭირთა შორის, ჭირი კი იმდენი მაქვს, რომ იძულებული ვარ, ხელოვნებაზე მეტი დრო მათ მოვანდომო. უფულობით მსახურიც ვერ ამიყვანია“<sup>1</sup>.

ხანდახან მისი ტანჯვა კლიმენტ VII-ს გულს მოულობდა და პაპი მეგობრობას ეფიცებოდა მიქელანჯელოს. არწმუნებდა, „სანამ სული მიდგას პირში, შემწვობას არ მოგაკლებო“<sup>2</sup>, მაგრამ მედიჩთა მარადიული ქარაფშუტობა სძლევდა ხოლმე და ტვირთის შემსუბუქების ნაცვლად ხელოვანს სულ ახალ და ახალ შეკვეთებს აყრიდა. სხვათა შორის, ერთი სულელური გოლიათიც შეუკვეთა, რომლის თავშიაყ სამრეკლო უნდა მოთავსებულიყო, მკლავი კი საკვამლე მილად გამომდგარიყო<sup>3</sup>. მიქელანჯელო იძულებული გახდა ერთხანს ამ უაზრო გეგმაზედაც ეფიქრა. თან თავის მუშებთან, ქვის მთლელებთან, მტერთავეებთანაც უხდებოდა ჩხუბი, შრომის შეღავათიანი პირობების აღრეულ მებოტბეთა მიერ წაქვებულნი სულ ერთთავად რვასათიანი სამუშაო დღის ნატურაში რომ იყვნენ<sup>4</sup>.

ამას ახალი ოჯახური უსიამოვნებანიც ზედ დაერთო. მამა წლითიწლობით სულ უფრო და უფრო ფხუკიანი და უსამართლო ხდებოდა; ერთხელ სახლიდან გაქცევაყ სცადა და შვილს ხმა დაუგდო, ში-

<sup>1</sup> მიქელანჯელოს წერილი ფატურჩისადმი (1525 წლის 24 ოქტომბერს).

<sup>2</sup> პიერ პაოლო მარტის მიერ კლიმენტ VII-ის სახელით მიქელანჯელოსადმი 1525 წლის 23 დეკემბერს მიწერილი ბარათი.

<sup>3</sup> 1525 წლის ოქტომბერ-დეკემბრის წერილები. (მილანეზის გამოცემის 448 — 449 გვ. გვ.) იხ. „ხელოვნების ისტატა“ კოლექციის „მიქელანჯელოში“ ამ უცნაური საქმის აღწერა და მიქელანჯელოს პროექტი.

<sup>4</sup> მიქელანჯელოს წერილი ფატურჩისადმი (1526 წლის 17 ივნისს).



ნიდან გაძევება დამიპირაო. მაშინ მიქელანჯელომ ეს საუცხოო ბარათი მისწერა <sup>1</sup>:

„ძვირფასო მამავ, წუხელ ჩემს გაოცებას საზღვარი არ ჰქონდა, როცა შინ დავბრუნდი და ვერ გიხილეთ; ესლა კი, როცა გავიგე, რომ ჩივით ჩემზე და ამბობთ, სახლიდან გამომაგდოო, უფრო მეტ განცვიფრებაში მოვდივარ. გაჩენის დღიდან დღემდე არასდროს მომსვლია აზრად თქვენი უნებური რამ ჩამედინა. რაც აქამომდე ტანჯვას ვიტან, თქვენი გულსათვის ვიტვირთე. მუდამ თქვენი ერთგული ვიყავ. ამ რამდენიმე დღის წინაც შეგპირდით, სანამ პირში სული მიდგას, არაფერს გაგიპირებთ-მეთქი; ახლაც ამასვე გპირდებით. გაოცებული ვარ, ასე მალე რამ დაგავიწყათ ეს. ოცდათი წლის მანძილზე სულ მცდიდით თქვენცა და თქვენი შვილებიც და იცოდით, რომ მუდამ თქვენი კეთილის მოსურნე ვიყავი და რამდენადაც ძალა შემწევდა, გეხმარებოდით ფიქრითაც და საქმითაც. მაშ, რატომღა მიყრიო ხმებს, გამომაგდოო? ნუთუ არ გესმით, რომ სახელს მიტეხთ? თითქოსდა სხვა საზრუნავი აღარ მქონდეს. ყველაფერი კი თქვენი სიყვარულის გამო ვიტვირთე. ასე მიხდით სამაგიეროს? მაგრამ დე, რაც მოსახდენია, მოხდეს! მინდა თავი დავიწმუნო, რომ მთელი ჩემი დღე და მოსწრება მართლაც გარცხვენდით და გაწუხებდით; და პატიებასა გთხოვთ, თითქოსდა მართლაც ცუდად მოგქცეოდეთ. შემინდეთ ისე, როგორც მამა შეუნდობს ურჩ შვილს, ვინც უამრავი სატკივარი გაუჩინა. კიდევ ერთხელ გთხოვთ შენდობას მე უკეთური და ნუ მივრცელებთ ხმებს, თითქოს კარში გამომეგდეთ, რადგან ჩემი სახელი უფრო ძვირფასია ჩემთვის, ვიდრე თქვენ შეგიძლიათ წარმოიდგინოთ. ყველაფრისდა მიუხედავად მარად თქვენი ერთგული შვილი

მიქელანჯელო“.

ასეთმა სიყვარულმა და თავდადება მხოლოდ წამით მოალბო კირვეული მოხუცის გული. რამდენიმე ხნის შემდეგ კვლავ ბრალად დასდო შვილს, გამქურდაო. მოთმინებიდან გამოსული მიქელანჯელო სწერდა <sup>2</sup>:

---

<sup>1</sup> ანრი ტოდე ამ წერილს დაახლოებით 1521 წლით ათარიღებს. მილანეზის გამოცემაში მას შეცდომით უზის 1516 წელი.

<sup>2</sup> წერილები (1523 წლის ივნისი).

„არ ვიცი, რაღას მოითხოვთ ჩემგან. თუ ჩემი სიცოცხლე გიმძიმთ, კარგი ხერხისთვის მიგიგნიათ, რომ თავიდან მომიშოროთ და კვლავ ხელთ იგდოთ იმ სალაროთა კლიტეები, რომელთაც თქვენის აზრით მე ვდარაჯობ. სწორადაც იქცევით, რადგან უკვე მთელმა ფლორენციამ იცის, რომ უზომოდ მდიდარი კაცი იყავით, მე კი გაგქურდეთ და ყოველგვარ სასჯელს ვიმსახურებ. ილაპარაკეთ, თქვით ჩემზე, რაც შოგესურვებათ, მაგრამ წერილს კი ნულარ მომწეროთ, რადგან მუშაობაში ხელი მეშლება. თქვენ მაიძულებთ მოგაგონოთ ყველაფერი, რაც ჩემგან მივიღიათ ამ ოცდახუთი წლის მანძილზე. ამის დამადლებას არ ვაპირებდი, მაგრამ, ბოლოს და ბოლოს, მოთმინებიდან გამომიყვანეთ. ფრთხილად იყავით. კაცი ერთხელ კვდება და მერე ძალიანაც რომ ეცადოს, ჩადენილ ცოდვათა გამოსასწორებლად ველარ მობრუნდება დედამიწაზე. თქვენ კი ბოროტებას სწორედ მაშინ სთესავთ, როცა სიკვდილი კარზე გიკაკუნებთ. ღმერთო, იყოს თქვენნი შემწე!“

აი, ასე ეხმარებოდნენ მისიანები.

„უნდა მოვითმინო, — წერდა იგი მეგობრისადმი მიწერილ ერთ ბარათში, — ღმერთმა ნუ ჰქნას, არ ვინდომო ის, რასაც ღმერთი ჩემთვის ნდომულობს“<sup>1</sup>.

ამდენი დარღობი გაბეზრებული სამუშაოსაც ვერ ასრულებდა და როცა 1527 წლის პოლიტიკურმა ამბებმა შესძრეს იტალია, მედიჩიტა კაპელის არც ერთი ქანდაკება დასრულებული არ ჰქონდა<sup>2</sup>. ამ პერიოდმა, 1520—27 წლებს რომ მოიცავდა, წინანდელზე უფრო მეტად დაღალა და უფრო მეტად გაუცრუა იმედები მიქელანჯელოს; და თავს იმითაც ვერ ინუგეშებდა, რომ ამ ათი წლის მანძილზე ერთი ქანდაკება მაინც დაასრულა, რომ ერთ განზრახვას მაინც შეასხა ხორცი.

---

<sup>1</sup> მიქელანჯელოს წერილი ფატუჩისადმი (1526 წლის 17 ივნისს).

<sup>2</sup> 1526 წლის ივნისის იმავე წერილში ნათქვამია, რომ დაწყებული ჰქონდა კიდევ პერსოგის ქანდაკებაც, ოთხი ალეგორია სარკოფაგებისათვის და ღვთისმშობელი.

## ს ა ს ო წ ა რ კ ვ ე მ ო ა

Ohime! Ohime! Ch'i' son tradito ' ...

გარემოსა და საკუთარი თავისადმი ზიზღმა რევოლუციაში ჩააბა ოგი, ფლორენციაში 1527 წელს რომ იფეთქა.

მაგრამ პოლიტიკურ საქმეებშიც ისეთსავე გაუბედაობას იჩენდა, როგორსაც საერთოდ ამჟღავნებდა პირად ცხოვრებასა და ხელოვნებაში. ვერ იქნა და ვერ მოახერხა ერთმანეთთან შეერიგებინა საკუთარი გრძნობები და მედიჩიტა მიერ მასზე დაკისრებული მოვალეობანი. ეს მძლე გენია მეტად გაუბედავი იყო მოქმედების დროს; ამა ქვეყნის ძლიერთ პოლიტიკასა და რელიგიის დარგში შებრძოლებას ვერ უბედავდა. მისი წერილებიდან ნათლად მოჩანს, რომ მუდამ აღელვებდა თავისი და თავისიანების ბედი; ეშინოდა სახელის გატეხის, უმაღვე გადათქვამდა, თუკი ტირანიით შეძრულს ერთბაშად თამამი სიტყვა წამოსცდებოდა<sup>2</sup>; ყოველ წუთს სწერდა თავისიანებს, ფრთხილად იყავით, სიტყვა არ დაგცდეთ, შიშთანობა თუ ჩამოვარდა, პირველსავე ნიშანზე გაიქეციეთ:

„ისე მოიქეციო, როგორც ჰირიანობის დროს; პირველები გაიქეციო... ქონების გადარჩენას თავის გადარჩენა სჯობს... მშვიდად იცხოვრეთ, მტრად ნურვის გადაეკიდებით. ღვთის გარდა ნურვის მიენდობით, ნურავიზე ნუ იტყვით ნურც კარგს, ნურც ავს, რადგან წინასწარ არავინ იცის, როგორ დასრულდება საქმე. ამიტომ ნურაფერში ნუ გაერევიო და თქვენს თავს მიხედეთ“<sup>3</sup>.

მეგობრები და ღვიძლი ძმები დასციინოდნენ მის უთავბოლო შიშს და სულელს ეძახდნენ<sup>4</sup>.

<sup>1</sup> „ვაგლახ, რა ერთგული ვიყავ“... ლექსები, XLIX.

<sup>2</sup> 1512 წლის სექტემბრის წერილი, სადაც ლაპარაკობს მედიჩიტა მოკავშირე იმპერატორის ჯარების მიერ პაატოს აღებაზე.

<sup>3</sup> მიქელანჯელოს წერილი ბუონაროტოსადმი (1512 წ. სექტემბერს).

<sup>4</sup> „მე გივი არა ვარ, ტყუილად ფიქრობო“ (მიქელანჯელო ბუონაროტოს, 1515 წლის სექტემბერი).

„ნუ დამცინით, — პასუხობდა დაწწუხრებული მიქელანჯელო, — კაცს არასოდეს არ უნდა დასცინო“<sup>1</sup>.

მართლაცდა ამ დიდი ადამიანის გამუდმებულ შიშში არაფერია სასაცილო. უფრო შესაბრალისი იყო, ასეთი სუსტი ნერვების პატრონი ათას შიშის ზარს სათამაშოდ რომ გაეხადა. სულ იმის ცდაში იყო, შიშში როგორმე დაეოკებინა, მაგრამ თავს მაინც ვერ ერეოდა. და უფრო მეტი პატივისცემის ღირსია, რაკი ამ დამამკირებელი ყოფის შემდეგ თავის ავადმყოფ სულსა და სხეულს დათრგუნავდა და აიძულებდა, პირისპირ შეებმოდა განსაცდელს, თუმცა მისი უპირველესი სურვილი გაქცევა იყო. კაცმა რომ თქვას, მას სხვაზე მეტიც ჰქონდა საშიში, რადგან სხვაზე მეტად ჰკვიანი იყო. მისი პესიმისმიკ საოცრად ნათლად სჭვრეტდა იტალიის მომავალ უბედურებას და რაკი მისთვის ჩვეული სიფრთხილის მიუხედავად მაინც ჩაება რევოლუციურ მოძრაობაში. ეტყობა, მართლაც სასოწარკვეთის უმაღლეს წერტილამდე მისულიყო.

ამ ნაბიჯმა ფარდა ახადა მისი სულის სიღრმეს და გაამჟღავნა, რომ ეს კაცი, ასე რომ თრთოდა ყველაფრის წინაშე, სულის სიღრმეში მგზნებარე რესპუბლიკელი იყო. ეს მოჩანს მისი ცეცხლოვანი სიტყვებიდან, ხანდახან, უკიდურესი აღელვების ან გულახდილობის ჟამს რომ წამოსცდებოდა ხოლმე: მოჩანს მის კერძო საუბრებში, უფრო მოგვიანებით რომ ჰქონდა<sup>2</sup> თავის მეგობრებთან: ლუიჯი დელ რიჩოსთან, ანტონიო პეტრეოსა და დონატო ჯანოტისთან<sup>3</sup>. ამ უკანასკნელმა ეს საუბრები აღწერა კიდევ თავის „დიალოგებში დანტეს „ღვთაებრივ კომედიაზე“<sup>4</sup>. მეგობრებს უკვირდათ, რომ დანტემ ბრუტუსი და

<sup>1</sup> მიქელანჯელო ბუნაროტოს (1512 წლის სექტემბერ-ოქტომბერი).

<sup>2</sup> 1545 წელს.

<sup>3</sup> სწორედ ამ დონატო ჯანოტისათვის გაუკეთებია მიქელანჯელოს ბრუტუსის ბიუსტი. „დიალოგებიდან“ რამდენიმე წლით ადრე, 1536 წელს ლორენცინომ მოკლა ალექსანდრო მედიჩი და მას მეორე ბრუტუსად მიიჩნევდნენ მადლიერი თანამედროვენი.

<sup>4</sup> „De' giorni che Dante consumò nel cercare l' Inferno e l' Purgatorio“. — მეგობრები მსჯელობდნენ, თუ რამდენი ღღე დაჰყო დანტემ ჭოჭოხეთში: პარასკევ საღამოდან შაბათს საღამომდე, თუ ხუთშაბათ საღამოდან კვირა დღამდე? ბოლოს იხვე მიქელანჯელოს მიმართეს, რადგან ყველაზე უკეთ მან იცოდა დანტეს ნაწარმოები.

კასიუსი ჯოჯოხეთის უკანასკნელ წრეში ჩააგდო, კეისარი კი — ზემოთ. როცა მიქელანჯელოს პკითხეს ამის შესახებ, მან ტირანთმკვლელობას ხობტა შეასხა:

„თქვენ რომ პირველი სიმღერები უფრო გულდასმით წაგეკითხათ, შენიშნავდით, რომ დანტე შესანიშნავად ჩასწვდა ტირანთა ბუნებას და მიხვდა, ღეთისაგან და კაცთაგან რა სასაჩელს იმსახურებენ ისინი, ამიტომაც ჩასვა მათ შორის, ვინც „თავის მოყვასს აყენებდა ძალდატანებას“, მათ შორის, მეშვიდე წრეში რომ იტანჯებიან და აღუღებულ სისხლში ცურავენ... და რაკი დანტემ ეს იცოდა, შეუძლებელი იყო მხედველობაში არ მიეღო, რომ კეისარი თავისი ქვეყნის ტირანი იყო და რომ ბრუტუსმა და კასიუსმა სამართლიანად მოჰკლეს იგი; რადგან ის, ვინც ტირანსა კლავს, ადამიანს კი არ კლავს, ადამიანის სახის მქონე მხეცს უღებს ბოლოს. ტირანთათვის უცხოა სიყვარული, რომელსაც მოყვასის მიმართ ყველა ჩვენგანი უნდა გრძნობდეს. მათ არც ადამიანური მისწრაფებანი გააჩნიათ; მაშასადამე, ადამიანები კი არა, მხეცები არიან. მოყვასი რომ არ ებრალებათ, ეგ ცხადია. სხვაფრივ არ მიითვისებდნენ იმას, რაც სხვის საკუთრებას შეადგენს, არ გახდებოდნენ ტირანები. და სხვათა ღირსებას არ გაქელავდნენ. მაშასადამე, ვინც ტირანსა კლავს, მკვლელობას კი არ სჩადის, მხეცს უღებს ბოლოს. მაშ, ბრუტუსსა და კასიუსსაც ცოდვა არ ჩაუდენიათ კეისარის მოკვლით, ჯერ ერთი იმიტომ, რომ მოკლეს კაცი, ვისი სისხლიც ყველა რომაელ მოქალაქეს უნდა დაედვარა, მეორეც იმიტომ, რომ მათ კაცი კი არ მოუკლავთ, მხოლოდ ადამიანის სახის მქონე მხეცს მოუღეს ბოლო“<sup>1</sup>.

ამიტომ კარლოს მეხუთის მიერ რომის აღებისა<sup>2</sup> და მედიჩითა განდევნის<sup>3</sup> შემდეგ ქვეყნად ეროვნულმა გრძნობამ რომ გაიღვიძა,

---

<sup>1</sup> მიქელანჯელო (ან ჟანოტი, რომელიც აქ მისი სახელით ლაპარაკობს) ტირანებისაგან ღიღად განასხვავებს კანონიერ მთავრებსა და მეფეებს, რომელთაც თავიანთი ტიტული მემკვიდრეობით აქვთ ბოძებული: „მე მხედველობაში არ მყავს მთავრები, რომელთა ძალაუფლებაც საუკუნეებით, ანდა ხალხის ნებით არის განმტკიცებული და რომლებიც თავიანთ ქალაქს ხალხის ნება-სურვილისამებრ მართავენ“.

<sup>2</sup> 1527 წლის 6 მაისს

<sup>3</sup> იპოლიტო და ალექსანდრო მედიჩები 1527 წლის 17 მაისს განდევნეს ფლორენციიდან.

მიქელანჯელო ფლორენციელ აჯანყებულთა პირველ რიგებში აღ-  
მოჩნდა. ეს კაცი, ვინც მშვიდობის დროს თავისიანებს სულ იმას  
უოჩნევდა, პოლიტიკას როგორც შავ ქირს, ისე ერიდეთო, ისეთნაირად  
იყო აღგზნებული, რომ არც ერთსა და არც მეორეს არ დაგიდევდათ.  
თავისი ნებით დარჩა ფლორენციაში, სადაც შავი ქირი და რევოლუ-  
ცია ერთად მძევნვარებდა. სენი მის ძმას, ბუონაროტოსაც შეეყარა  
და საბრალომ მიქელანჯელოს ხელში დალია სული<sup>1</sup>. 1528 წლის ოქ-  
ტომბერში მიქელანჯელომ ქალაქის დასაცავად გამართულ თათბირში  
მიიღო მონაწილეობა. 1529 წლის იანვარს კი იმ ცხრათა კოლეგიის  
(Nove di milizia-ს) წევრად იქნა არჩეული, რომელიც ქალაქის გა-  
სამაგრებელ სამუშაოებს ხელმძღვანელობდა. 6 აპრილს კი ერთი  
წლის ვადით დაინიშნა ამ სამუშაოთა მეთვალყურედ და მთავარ გან-  
მგებლად (governatore generale-დ და procuratore-დ). იენისში  
პიზის ციხე-სიმაგრისა და არეცოსა და ლივორნოს ბასტიონების შესა-  
მოწმებლად გახლდათ. ივლისსა და აგვისტოში ფერარში მიავლინეს,  
რათა იქაური სახელგანთქმული თავდასაცავი ზღუდეები შეესწავლა  
და თან ამ საქმის საუცხოო მკოდნეს, იქაურ პერცოვს მოთათბირე-  
ბოდა.

მიქელანჯელო იმ დასკვნამდე მივიდა, რომ ყველაზე უფრო მნიშ-  
ვნელოვანი პუნქტი ფლორენციის დაცვაში სან მინიატოს ბორცვი იყო  
და გადაწყვიტა, ეს ბორცვი ბასტიონებით გაემაგრებინა. მაგრამ აქ  
რატომღაც გონფალონიერ კაპონის წინააღმდეგობას წააწყდა. გონ-  
ფალონიერმა ფლორენციიდან გაძევებაც მოუხდომა<sup>2</sup> მიქელანჯელოს  
და ხელოვანს ეკვი შეეპარა, კაპონისა და მედიჩითა პარტიას ჩემი თა-  
ვიდან მოცილება იმიტომ უნდათ, რომ ქალაქის დაცვას ხელი შეუ-  
შალონო. გაუფლისებული სან მინიატოში დასახლდა და იქიდან ფეხს  
არ იცვლიდა. მაგრამ მისი ავადმყოფურად უნდო გონება კრეფდა  
ყველა ხმას, რომელიც დაძრწის ხოლმე ალყაშემორტყმულ ქალაქში  
და რომელიც ამჯერად საფუძველს მოკლებული არ იყო. კაპონი, რო-  
გორც საეჭვო პირი, თანამდებობიდან გადააყენეს და მის ნაცვლად  
ფრანჩესკო კარდუჩი დანიშნეს. მაგრამ მთავარმართებლად და ფლო-

<sup>1</sup> 1528 წლის 2 ივლისს.

<sup>2</sup> ეს ამბავი მიქელანჯელოს ბუზინისათვის გაუნდვია. (ბუზინი მიქელანჯელოს  
ნაამბობს ასე იმეორებს).

რეციის ჯარების განმგებლად კაპონიზე მეტად საეჭვო მალატესტა ბანლიონი დააყენეს, რომელმაც ქალაქი ბოლოს პაპს ჩაუგდო ხელში. მიქელანჯელო გრძნობდა, რომ დანაშაული მზადდებოდა. თავისი შიში სენიორიასაც გაანდო. მაგრამ გონთალონიერმა კარდუჩიმ, ნაცვლად იმისა, რომ მალლობა ეთქვა, მწარედ დატუქსა და გაათახა მიქელანჯელო, — უსაყვედურა, მუდამ ექვიანი და მშიშარა ხარო<sup>1</sup>. მალატესტამ ამ დაბეზლების ამბავი შეიტყო. მისი ჯურის კაცი არაფრის წინაშე არ დაიხვედა უკან, რომ სახიფათო მოწინააღმდეგე თავიდან მოეცილებინა. თან ფლორენციაში ყოვლისშემძლე იყო, როგორც მხედართმთავარი და მიქელანჯელოს უკვე დაღუპულად მიაჩნდა თავი.

„მანც გადავწყვიტე ომის დასრულებამდე უშიშრად მეცადა, მაგრამ სამშაბათ დილით, ოცდაერთ სექტემბერს ერთი კაცი მოვიდა სან-ნიკოლოს კედლებთან, სადაც მე ბასტიონებზე ვიდექ და ყურში ჩამჩურჩულა, თუკი სიცოცხლე რამედ გიღირთ, ფლორენციაში ერთ წუთს ნულარ გაჩერდებითო. მერე შინაც მიმყვა, ისადილა ჩემთან ერთად, ცხენები გამომიყვანა და მანამ არ მომცილდა, სანამ ქალაქგარეთ არ დამიგულა“<sup>2</sup>.

ვარკი უფრო დაწვრილებით მოგვიტხრობს ამ ამბავს. მიქელანჯელომ სამ პერანგში ჩააქერებინა 12000 ფლორინი, რინალდო კორჩინი და თავისი შეგირდი ანტონიო მინი გაიყოლა და იმ კარებით, რომელიც შედარებით ნაკლებად იყო დაცული, რის ვაივაგლახით ფლორენციიდან გაიპარაო.

„ღმერთი მეწეოდა თუ ეშმაკი, არ ვიცი“, — წერდა რამდენიმე დღის შემდეგ მიქელანჯელო.

ღმერთი? ეშმაკი? ეს მისი ნაცნობი შიშისა და ექვიანობის დემონი იყო. რა თავზარდაცემული უნდა ყოფილიყო, თუ მართალია, როგორც ამბობენ, რომ გზად მავალმა კასტელნოვოში ყოფილ გონთალონიერ კაპონისთან შეიარა და თავისი ნაამბობით ისე დააფრთხო, რომ მოხუცმა რამდენიმე დღეში სული დალიაო<sup>3</sup>.

<sup>1</sup> კონდივი. — თუმცა კი ერჩია, — დასძენს კონდივი, — ყურად ელო კეთილო რჩევა, რადგან, როცა მედიჩები დაბრუნდნენ, პირველ რიგში თავი მას მოჰკვეთესო.

<sup>2</sup> მიქელანჯელოს წერილი ბატისტა დელა პალასადმი (1529 წლის 25 სექტემბერს).

<sup>3</sup> სენი.

ოცდასამ სექტემბერს მიქელანჯელო უკვე ფერარში იყო, მაგრამ ისე იყო აფორიაქებული, რომ უარი თქვა ჰერცოგის სტუმართმოყვარეობაზე და მის კოშკში თავის შეფარების ნაცვლად ლტოლვა განაგრძო. ოცდახუთ სექტემბერს ვენეციაში ჩავიდა. იქაურმა სენიორიამ მისი ჩამოსვლის ამბავი რომ შეიტყო, ორი კეთილშობილი მოქალაქე მიუგზავნა და აღუთქვა, რასაც ინებებთ, ყველაფერს მოგართმევთ. მაგრამ ბუნებით ველურმა და მორცხვმა უარი თქვა დახმარებაზე და ჭულდეკაში განმარტოვდა. სამშვიდობოს ჯერ კიდევ არ ეგონა თავი. საფრანგეთში გაქცევა სწადდა. ვენეციაში ჩამოსვლის დღესვე დამფრთხალი და აღელვებული წერილი მისწერა ბატისტა დელა პალას, ფრანცისკ I-ის აგენტს იტალიაში, რომელსაც ხელოვნების ნიმუშთა შექმნა ჰქონდა დავალებული.

„ბატისტა, ძვირფასო მეგობარო! ფლორენციიდან გამოვიქეც და საფრანგეთში მინდა წავიდე. ვენეციაში რომ ჩამოველ, გზის ამბავი გამოვიკითხე. მითხრეს, რომ საფრანგეთისკენ მიმავალს ჯერ გერმანიის ქვეყნებზე მომიხდება გავლა, რაც ჩემთვის მეტად სახიფათო და სამძიმოა. თქვენ კიდევ აპირებთ საფრანგეთში წასვლას? გემუდარებით, მაცნობეთ, როდის მიდიხართ და ჩემს წამოყოლას თუ ინებებთ? გემუდარებით, წერილის მიღებისთანავე მიპასუხეთ; რაც შეიძლება ჩქარა, რადგან იქ წასვლის სურვილით ვიწვი. თქვენ თუ წასვლა გადაიფიქრეთ, ეგეც მაცნობეთ, რომ რადაც უნდა დამიჯდეს, მარტო წავიდე“<sup>1</sup>.

საფრანგეთის ელჩმა ვენეციაში ლაზარე დე ბაიფმა მყისვე აცნობა ეს ამბავი ფრანცისკ I-სა და კონეტაბლ მონმორანსის. არწმუნებდა, შემთხვევას ნუ გაუშვებთ ხელიდან და მიქელანჯელო საფრანგეთის სამეფო კარზე მიიზიდეთო. მეფემაც მყისვე შესთავაზა ლტოლვილს ჩინებული სახლი და პენსია. მაგრამ მიმოწერას საკმაო დრო დაჰქირდა და როდესაც ფრანცისკ I-ის წყალობა მოვიდა, მიქელანჯელო უკვე ფლორენციაში დაბრუნებულიყო.

შიშის ქარი დაუცხრა. ჯუდეკას სიმყუდროვით გარემოცულს შერცხვა კიდევ თავისი სიმხდალისა. მისმა უეცარმა გაპარვამ დიდი მითქმა-მოთქმა გამოიწვია ფლორენციაში. ოცდაათ სექტემბერს სე-

<sup>1</sup> მიქელანჯელოს წერილი ბატისტა დელა პალასადმი. (1529 წლის 25 სექტემბერს).



ნიორიამ გამოსცა დეკრეტი, რომლის თანახმადაც ყველა, ვინც შეიდო ოქტომბრამდე არ დაბრუნდებოდა, მოჩახყედ ჩაითვლებოდა და სამუდამოდ იქნებოდა მოკვეთილი. დანიშნულ დღეს ლტოლვილები მართლაც მოჩახყეებად გამოაცხადეს და ქონება ჩამოართვეს. მაგრამ მიქელანჯელოს სახელი ჯერ კიდევ არ მოხვედრილა ამ სიაში; სენიორიამ უკანასკნელი ვადა მისცა. ფლორენციის ელჩმა ფერერში გალეთოტო ჯუნიმ აცნობა რესპუბლიკას, მიქელანჯელომ მეტად გვიან შეიტყო დეკრეტის გამოცემის ამბავი, ჩამოსვლას აპირებს და თუ შეიწყნარებთო. სენიორიამ პატიება აღუთქვა მიქელანჯელოს და ქვის მთელის, ბასტიანო დი ფრანჩესკოს ხელით ვენეციაში წყალობის ქაღალდი გაუგზავნა. ბასტიანომ სიგელთან ერთად მეგობრების ათი ბარათიც გადასცა მიქელანჯელოს. ათივე გულმხურვალედ ევედრებოდა, ფლორენციას დაუბრუნდიო<sup>1</sup>. სხვათა შორის, ქველმა ბატისტა დელა პალამაც მოსწერა სამშობლოს სიყვარულით გამთბარი ბარათი:

„ყველა თქვენი მეგობარი უყოყმანოდ, ერთხმად გირჩევთ დაბრუნებას, რომ შეინარჩუნოთ თქვენი სიცოცხლე, თქვენი სამშობლო, თქვენი მეგობრები, თქვენი სახლი, თქვენი ქონება და დატკბეთ ახალი დროებით, რომელსაც ასე გზნებით ნატრობდით და რომლის დადგომის იმედიც გქონდათ“.

ეგონა, ფლორენციას ოქროს ხანა დაუდგაო და კეთილი საქმის გამარჯვებაში ეჭვი აღარ ეპარებოდა. საბრალო, ერთ-ერთი პირველი შეიქნა რეაქციის მსხვერპლი მედიჩითა დაბრუნების შემდეგ.

მისმა სიტყვებმა საბოლოოდ დაარწმუნეს მიქელანჯელო, მაგრამ დაბრუნებას არ ჩქარობდა. და ბატისტა დელა პალას, მის დასახვედრად ლუქში რომ ჩამოვიდა, დიდხანს მოუხდა ლოდინი. მისი ნახვის იმედიც გადაუწყდა<sup>2</sup>. ოც ნოემბერს, როგორც იქნა, მიქელანჯელომ ფლორენციაში ჩააღწია<sup>3</sup>. ოცდასამში სენიორიამ შერისხვა ახსნა, მაგრამ გადაწყდა, რომ სამი წლის ვადით მისთვის დიდი სათათბიროს კარი დახშული ყოფილიყო<sup>4</sup>.

<sup>1</sup> 1529 წლის 22 ოქტომბერს.

<sup>2</sup> კიდევ მრავალი წერილი მისწერა: ევედრებოდა, დაგვიბრუნდოო.

<sup>3</sup> ოთხი დღით ადრე სენიორიის დეკრეტით პენსია შეუწყვეტეს.

<sup>4</sup> მიქელანჯელოს მიერ სებასტიანო დელ პიომბოსადმი მიწერილი ბარათიდან ჩანს, რომ ამას გარდა მას კომუნისათვის უნდა გადაეხადა ჯარიმა — 1500 ლუკათი.

მას შემდეგ მიქელანჯელო ბოლომდე პირნათლად ასრულებდა თავის მოვალეობას. ისევ დაიბრუნა თავისი ადგილი სან მინიატოში, რომელსაც მტერი ყუმბარებს უშენდა. ერთ თვეში ხელახლა გაამარჯვებინა ბორცი, გამოიგონა ახალი სომარი მანქანები და როგორც აზობენ, დალუპავს გადაარჩინა სამრეკლო იმით, რომ გარს თოკებზე დაკიდებული მატყლის ფუთები და ლეიბები შემოუწყო! უკანასკნელი ცნობა ალყის დროს მისი საქმიანობის შესახებ 1530 წლის 22 თებერვალს განეკუთვნება. ცნობაში ნათქვამია, მიქელანჯელო ტაძრის გუმბათზე აძვრა. რომ მისი მდგომარეობა შეემოწმებინა და თან მტრების მოძრაობისათვისაც თვალყური ედევნებინაო.

მაგრამ მოსალოდნელი უბედურება მაინც დაატყდათ თავს. 1530 წლის 2 აგვისტოს მალატესტა ბანლიონიმ უღალატა ფლორენციელებს. 12-ში ფლორენცია მტერს დანებდა და იმპერატორმა ქალაქი პაპის კომისარს, ვაჩო ვალორის, მისეა დასაბრუნებლად. დაიწყო რეპრესიები. პირველ დღეებში გამარჯვებულთა შტრისაძებრა ველარაფერმა დააკავა. მიქელანჯელოს მეგობრები. მათ შორის ქველი ბატისტა დელა პალაც, პირველ რიგში დაეცნენ. ამბობენ, რომ მიქელანჯელო სან ნიკოლო ოლტარის სამრეკლოზე დაიმალა და ჰქონდა კიდევ შიშის საფუძველი: ხმა დაირხა, მედიჩიტა სასახლის დანგრევა სურდაო. მაგრამ კლიმენტ VII-ს არასოდეს აუყრია მასზე გული და, სებასტიანო დელ პიომბოს თქმით, ძალიან წუხდა, როცა ალყის დროს მიქელანჯელოს საქმიანობის ამბავს იგებდა. მაგრამ მარტო მხრებს იჩიხდა და ამბობდა: „მიქელანჯელო მწარედ ცდება, მე მისთვის ავი არასოდეს მდომებიაო“<sup>2</sup>. როცა დამსჯელებს თავდაპირველი ბრახი დაუცხრათ,

1 „როცა პაპი კლიმენტ VII და ესპანელები ფლორენციას შემოეწყენენ,—უამბობდა მიქელანჯელო ფრანსუა დ'ოლანდეს,— მტერი დიდი ხნით შეაჩერა ჩემს მიერ დადგულმა და აგებულმა მანქანებმა. ერთხელ, ღამით, ჩემს ქვეშევრდომებს კედლების ირგვლივ მატყლის ლეიბების დაწყობა ვუბრძანე; მეორედ თხრილები გავათხრევიან და შიგ კასტილიელების ამოსახუვად დენით ჩაეყრევიან; პაერში ციკოდა მათი დაფლეთილი სხეულის ნაწილები... აი, რისი მაქნისია მხატვრობა! იგი სამხედრო მანქანებსა და ნაგებობებს უღვას სამსახურში; სრულქმნის სიათებსა და შაშხანებს; აგებს ხიდებსა და მისადგმელ კიბებს; და რაც მთავარია, ციხესიმაგრეების, ბასტიონებისა და თხრილების პროექტებსა და მოკულობას ადგენს“... (ფრანსუა დ'ოლანდე: დიალოგი მხატვრობაზე ქალაქ რომში. მესამე ნაწილი, 1549 წ.)

2 სებასტიანო დელ პიომბოს წერილი მიქელანჯელოსადმი (1531 წლის 29 აპრილ).

წერილი გამოგზავნა ფლორენციაში. ბრძანებდა, დაუყოვნებლივ მოენახათ მიქელანჯელო და საკადრისი პატივითაც მოჰყრობოდნენ, თუკი მედიჩთა საფლავებზე მუშაობას განაგრძობდა<sup>1</sup>.

მიქელანჯელო გამოვიდა სამალავიდან და კვლავ დაიწყო შრომა იმათ სადიდებლად, ვისი დამხობაც სურდა. ის კი არა და, ვაჩიო ვალორისათვის, ვინც პაპის შავბნელ ზრახვებს ხორცს ასხამდა და ბატისტა დელა პალა მოკლა, ისარმომარჯვებული აპოლონი გამოაქანდაკა<sup>2</sup>. მალე მთლად განუდგა ლტოლვილ ფლორენციელებს<sup>3</sup>. ეს სავალალო სასუსტე იყო დიდი ხელოვანისა, რომელიც იძულებულია, საკუთარი სიმდაბლითა და პირფერობით დაიცვას თავის ხელოვნებისეულ ოცნებათა სიცოცხლე უხეში, ტლანქი ძალის მსახვრალი ხელისაგან, რომელსაც შეუძლია წაშში, თავისდა გუნებისად დაახრჩოს იგი. ტყუილად კი არ შეაღია თავისი სიცოცხლის უქანასკნელი ოცი წელი პეტრე მოციქულის უზარმაზარი ტაძრის აგებას. მასაც ხომ პეტრე მოციქულივით არაერთხელ წასკდომია ტირილი მამლის ყვივლის გაგონებისას.

იძულებული იყო ეკრუა, ეპირფერა ვალორის წინაშეც, განედიდებინა ლორენცო, ურბინელი ჰერცოგი. სირცხვილი და ბრაზი აღრჩობდა. არყოფნის უინს მუშაობაში იკლავდა<sup>4</sup> და მედიჩები კი არ გამო-

<sup>1</sup> კონდივი. — 1530 წლის 11 დეკემბრიდან პაპმა ისევ დაუნიშნა პენსია მიქელანჯელოს.

<sup>2</sup> 1530 წლის შემოდგომას. ქანდაკება ფლორენციის ნაციონალურ მუზეუმში ინახება.

<sup>3</sup> 1544 წელს.

<sup>4</sup> იმავე წლებში, მისი ცხოვრების უმძიმეს წლებში, მიქელანჯელო ველური ძალით წინ აღუდგა ქრისტიანულ პესიმიზმს, დახრჩობას რომ უქაღდა და გამომწვევად წარმართული სულით აღბეჭდილი ნაწარმოებები შექმნა. ერთი მათგანი, 1529-30 წლებში ფერარის პერცოვის შეკვეთით დახატული „გედთან მოალერსე ლედა“ რომელიც შემდეგში თავის მოწაფეს, ანტონიო მინის აჩუქა და რომელიც ამ უქანასკნელმა საფრანგეთში წაიღო, სუბლე დე ნუიეს გაუნადგურებია 1643 წელს მისი ავხორცობის გამო. ცოტა ხნის შემდეგ მიქელანჯელომ ბარტოლომეო ბეტინისათვის „ამურთან მოალერსე ვენერას“ ესკიზი დაამზადა. პონტორმომ ამ ესკიზის მიხედვით შექმნა ტილო, რომელიც დღესაც ინახება უფაიის მუზეუმში. სხვა ნახატებიც, დიდებული და მკაცრი უსირცხვილობის ბეჭდით აღნიშნულნი, უთუოდ ამ პერიოდს განეკუთვნება. შარლ ბლანი აღწერს ერთ-ერთ მათგანს, „სადაც მამრთან შეკიდებული ქალის ალტაცება მოჩანს. ღონიერი ქალი გააფთრებით იცავს თავს მასზე უფრო ღონიერი მამაკაცისაგან, მას გატაცებას რომ უპირებს, მაგრამ თან ბედნიერებასა და სიამაყეს ვერ ფარავს“.

აქანდაკა, ქვაში თავის სასოწარკვეთას შეასხა ხორცი. თუ შენიშნა-  
დნენ, ეგ პორტრეტები მაინცდამაინც არ გევანო ქულიენსა და ლო-  
რენცო შედიჩებს, ამაყად მიუგებდა: „ამას ვინ შეამჩნევს ათი საუკუ-  
ნის შემდეგ?“ ერთისგან „ქმედება“ გამოჰკვეთა, მეორისგან—„ფიქ-  
რი“. ცოკოლის ქანდაკებები კი, მათი ამხსნელნი და მათი გამერცობ-  
ნი—„ღღე“ და „ღამე“ „განთიადი“ და „მწუხრი“ ცხოვრებისეულ დიდ  
ტანჯვასა და არსებულისადმი არაჩვეულებრივ ზიზღზე მეტყველებენ.  
ადამიანური კავშირის ეს უკვდავი სიმბოლოები 1531 წელს დაასრუ-  
ლა<sup>1</sup>. მაგრამ ვაი, რომ ვერვინ გაიგო ისინი. ჯოვანი სტროციმ, როცა  
უბადლო „ღამე“ იხილა, კონცეტი შეოხზა:

ო, ღამე, ღამე უნაზესო, რომ გძინავს ტკბილად,  
ქვის ქანდაკება, ხორცშესხმული ხარ ანგელოსი,  
შენ რადგან გძინავს, ცოცხალი ხარ, შენ ცოცხლობ ჩემთვის.  
არ გაქრა? ხელი შეახე და ხმას ამოიღებს.

მიქელანჯელომ უპასუხა:

Caro m'è'l sonno et piu l'esser di sasso,  
Mentre che 'l danno et la vergogna dura.  
Non veder, non sentir m'è gran ventura;  
Pero non mi destar, deh! parla basso.

ო, ჩემთვის ძილი ძვირფასია და უკეთესი  
არის ქვად ქცევა; სირცხვილი და დანაშაული  
სანამ გრეოდება, არ ვისვენდე, არ ვუყურებდე!  
ნუ გამაღვიძებთ, ოჰ, ჩურჩულით ილაპარაკეთ!<sup>2</sup>

„ცაში სძინავთო, — წერდა იგი ერთგან, სხვა ლექსში, — თორემ  
ერთი კაცი ვერ მიითვისებდა ყოველივეს, რაც ამდენი კაცის ქონებას  
შეადგენდაო“.

და ფლორენციაც, დამონებული, მის გოდებას ბანს აძლევდა<sup>3</sup>:

---

<sup>1</sup> „ღამე“ 1530 წლის შემოდგომას უნდა იყოს გამოქანდაკებული; 1531 წლის  
გაზაფხულს უკვე დასრულებული იყო იგი; „მწუხრი“ და „განთიადი“ 1531 წელს  
შეიქმნა; „ღღე“ ცოტა უფრო ადრე (იხ. ერნსტ შტეინმანის ნაშრომი: „მედლითა  
საფლავის საიდუმლო, ლაიფციგი, 1907 წ.).

<sup>2</sup> ლექსები, CIX, 16, 17. — ფრეი მათ 1545 წლით ათარიღებს.

<sup>3</sup> მიქელანჯელომ აქ წარმოგვიდგენს დიალოგს ფლორენციასა და დენილ ფლო-  
რენციელებს შორის.

არ ამღვრიოთ წმინდა ფიქრი, არ ამღვრიოთ,  
ის, ვანც ფიქრობს, რომ თქვენს თავს მართავს, შიშის მიზეზით  
იგი ვერ ტყბება ჩადენილი დანაშაულით.  
ბედნიერია მიჯნურთათვის ტრფობის სიუხვის  
ჟამი კი არა, მათ რომ ვნებას უტყრობს, არამედ  
მათ რომ ამედიოთ ასულდგმულებს, ის ძნელბედობა<sup>1</sup>.

ჩვენ ვერც კი წარმოვიდგენთ, თუ რა იყო რომის გაძარცვა და  
ფლორენციის დაცემა იმდროინდელ მოღვაწეთათვის: გონების უდი-  
დესი კრახი, იმედის საშინელი გაცრუება. ბევრი წელში ველარ გაი-  
მართა ამ ამბის შემდეგ.

სებასტიანო დელ პიომბო სიტკბოების მძებნელ სეკტიციზმში გა-  
დაეშვა.

„იმ ზომამდე მიველ, სამყარო რომც დაიქცეს, არას ვინალვლი.  
ყველაფერზე ვიციინი... თვითონაც არ მჯერა, რომ ისევ ის ბასტიანო  
ვარ. რომის გაძარცვამდე რომ ვიყავი... ჭერ გონს ვერ მოვსულვარ“<sup>2</sup>.

მიქელანჯელოს თავის მოკვლა ჰქონდა განზრახული:

მხოლოდ მას ძალუძს სიცოცხლეზე აღმართოს ხელი  
და არსებობა მიწიერი დათმოს, გაექცეს, —  
ვისაც რწმენა აქვს ჭეშმარიტი და მონობაში  
ამოსდის სული, საბრალო და საძულველი<sup>3</sup>.

სული კინალამ განუტევა. 1531 წელს ლოგინად ჩავარდა. კლი-  
მენტ VII ამოდ ცდილობდა მის დამშვიდებას. რამდენჯერმე შეუთვა-  
ლა კიდევ თავისი მდივნისა და სებასტიანო დელ პიომბოს პირით, თავს

<sup>1</sup> ლექსები, CIX, 48.

<sup>2</sup> სებასტიანო დელ პიომბოს წერილი მიქელანჯელოსადმი (1531 წლის 24 თე-  
ბერვალს დაწერილი). ეს პირველი ბარათი იყო, რომელიც მან მოიწერა რომის  
აღების შემდეგ:

„ღვთის მეტმა არაეინ იცის, რა ბედნიერი ვიყავი, რაკი ამდენი გაჭირვების,  
უწედურებისა და საფრთხის შემდეგ ყოვლისმძლე უფალმა გულმოწყალება და  
სიბრალული გამოიჩინა ჩვენდამი და ცოცხლები და საღ-საღამაონი დაგეტოვა:  
მართლაც სასწაული მოხდა-მეთქი, ასე მგონია. ეხლა კი, ნათლიმამ, რაკი წყალსა  
და ცეცხლს გადაფურჩით და წარმოუდგენელი ამბები გადავიტანეთ, ღმერთს მად-  
ლობა შევწირეთ ყველაფრისათვის და ის ორიოდ დღის სიცოცხლე, რაც გადაგვჩრა,  
მშვიდად და მოსვენებით მაინც გავატარეთ. ბედს კი მაინცდამაინც ნუ მივენდობით;  
ბედი მაცდური და ბოროტია“...

წერილებს ხსნიდნენ. სებასტიანო ურჩევს მიქელანჯელოს, ხელი შეიცვალო.

<sup>3</sup> ლექსები, XXXVIII.

რაზე იკლავ, ნელა იმუშავე, გაისეირნე კიდეც, თავი შავ მუშად ნუ გაგიხდიაო<sup>1</sup>. 1531 წლის შემოდგომას სული კინაღამ განუტევა. ერთი მისი მეგობარი სწერდა ვალორის: „მიქელანჯელო მთლად ჩამოსმა, ანასწინათ ველაპარაკე ბუჯარდინისა და ანტონიო მინის: სამივე იმ აზრზე ვდგევართ, რომ თუ სერიოზულად არ მივხედეთ, სულ მალე გამოგვეცლება ხელიდან. ძალიან ბევრს შრომობს, ჰკამით კი სულ არა ჰკამს, ძილითაც არ სძინავს. ერთი წელია, რაც გულს იტკიებს და საშინელი თავის ტკივილები აწუხებს“<sup>2</sup>. კლიმენტ VII სერიოზულად შეაშფოთა ამ ამბავმა. 1531 წლის ოცდაერთ ნოემბერს ბრძანება გასცა, რომ მიქელანჯელოს ეკლესიიდან მოკვეთის მუქარით აკრძალვოდა იულიუს II-სა და მედიჩითა საფლავებს გარდა სხვა რამეზე მუშაობა<sup>3</sup>, რომ ჭაფით წელში არ გამწყდარიყო და „კიდევ უფრო დიდხანს განედიდებინა რომი, თავისი ოჯახი და საკუთარი თავი“.

\* \* \*

ჰაპმა ვალორისა და იმ მდიდარ მათხოვართა მაპეზრობისაგან დაიცვა მიქელანჯელო, რომლებიც თხოვნით გულს უწყალებდნენ, სურათი დაგვიხატეო. „მათ წყენას გულთან ახლოს ნუ მიიტან და შეეკეთებზე ნუ დათანხმდები. ნახატს რომ მოგთხოვენ,—უთვლიდა იგი მიქელანჯელოს, — ფუნჯი ფეხზე მოაბი, ორიოდ ხაზი გაავლე და უთხარი: ნახატი მზადაა-თქო“<sup>4</sup>. მერე, როცა მას იულიუს II-ის მემკვიდრეებმა მაგრად შემოუტყის საფლავის ძეგლის თაობაზე, მიქელანჯელოსა და იულიუს II-ის მემკვიდრეთა შორისაც იკისრა შუამავლობა<sup>5</sup>. მიქელანჯელომ ვალად იღო შეექმნა ძეგლის ახალი, გამარტივე-

<sup>1</sup> „...Non voria che ve fachinasli tanto...“ (პაოლო მარცის წერილი მიქელანჯელოსადმი, 1531 წლის 20 ივნისი. — შდრ. სებასტიანო დელ პიომბოს წერილი მიქელანჯელოსადმი, 1531 წლის 16 ივნისი)

<sup>2</sup> ჯოვანი ბატისტა დი პაოლო მინის წერილი ვალორისადმი (1531 წლის 29 სექტემბერს).

<sup>3</sup> „...Ne aliquo modo aiorare debeas, nisi in sepultura et opera nostre, quam tibi commisimus...“ — „...ჩვენ რომ მოვანდეთ, იმ საფლავის ძეგლის გარდა სხვასა მუშაოს ხელი არ ახლო“... (ლათ.).

<sup>4</sup> ბენევენუტო დელა ვოლპაიას წერილი მიქელანჯელოსადმი (1531 წლის 26 ნოემბერი)

<sup>5</sup> „პაპის წყალობა რომ არ გიფარავდეთ,—სწერს სებასტიანო, — გველებივით დაგებეოდნენ“ (Saltariano come serpenti). 1532 წლის 15 მარტი.

ბული მოდელი<sup>1</sup> და სამ წელიწადში თავის ხარჯზე დაესრულებინა იგი, გადაეხადა ყველა გადასახადი და კიდევ 2000 ლუკატი, ყოველივე იმის სანაცვლოდ, რაც იულიუს II-სა და მისი მემკვიდრეებისაგან ჰქონდა ბოძებული. „ოღონდ ნაწარმოებში თქვენი სული ჩანდეს“, (un poco del vostro odore) — სწერდა სებასტიანო დელ პიომბო მიქელანჯელოს<sup>2</sup>.

სავალალო პირობა, მისი დიდი პროექტის მარცხი, — ესღა დაურჩა იმ დიდებული გეგმის სანაცვლოდ. თან ფულსაც თვითონ იხდიდა: მაგრამ ვანა ყოველ წელს ასე არ იყო? ყველა ტრაგიკული ნაწარმოების შექმნით თავისი ცხოვრების მარცხზე არ აწერდა ხელს მიქელანჯელო?

იულიუს II-ის ძეგლის პროექტის შემდეგ ზედიხითა საფლავთა ძეგლის პროექტიც ჩაიშალა. 1534 წლის 25 სექტემბერს კლიმენტ VII გარდაიცვალა. ბედად მიქელანჯელო მაშინ ფლორენციაში არ იყო: კარგახანია გულში შიში ჰქონდა ჩავარდნილი, რადგან ჰერცოგ ალექსანდრო მედიჩის ძალიან სძულდა. პაპის ხათრი რომ არა, მოაკვლევინებდა კიდევ<sup>3</sup>. მეტადრე მაშინ გადაეკიდა, როცა მიქელანჯელომ ხელი არ შეუწყო ფლორენციის დამორჩილებაში და ქალაქის თავზე ციხე-კოშკის აგებაზე უარი უთხრა.

ეს საუცხოო გმირული საქციელი მოწმობს, თუ რა ძლიერად უყვარდა ამ მფრთხალ კაცს თავისი სამშობლო. მას შემდეგ მიქელანჯელო ყველაფერს ელოდა ჰერცოგისაგან და როცა კლიმენტ VII გარდაიცვალა, მხოლოდ იმან იხსნა, რომ იმხანად ფლორენციის საზღვრებს გარეთ იყო<sup>4</sup>. მას შემდეგ იქ აღარც დაბრუნებულა. მედიხითა საფლავი სამუდამოდ დაუმთავრებელი დარჩა. ის, რასაც ამ

---

<sup>1</sup> ახლა იმასაც დასჯერდებოდნენ, რომ საფლავის ძეგლისათვის, რომელიც სან პეტრო ინ ვინკოლიში უნდა აღმართულიყო, მოეზადებინა 6 დაწეხული და დაუმთავრებელი ქანდაკება (უთუოდ „მოსე“, „გამარჯვება“, „მონები“ და ბოზოლის გამოკვადულის ფიგურები).

<sup>2</sup> სებასტიანო დელ პიომბოს წერილი მიქელანჯელოსადმი (1532 წლის 6 აპრილს).

<sup>3</sup> კლიმენტ VII-მ თავის ამისწულ ჰერცოგ ალექსანდროსაგან ბევრჯერ იპატივა მიქელანჯელო. სებასტიანო დელ პიომბო მიქელანჯელოს ერთ ასეთ ამბავს უამბობს: „პაპი ისეთის მგზნებარებით, ბრაზითა და რისხვით გიკავდათ, ისეთი საშინელი სიტყვები უთხრა, რომ ჰათი დაწერა შეუძლებელიაო“ (1533 წლის 16 აგვისტოს).

<sup>4</sup> კონდივი.

სახელით ვიცნობთ, მხოლოდ შორეული ლანდია იმისა, რაზედაც ოცნებობდა მიქელანჯელო. ჩვენამდე კედლის დეკორაციის ჩონჩხმა მოაღწია. თავი დავანებოთ იმას, რომ მიქელანჯელომ ქანდაკებათა<sup>1</sup> და ნატეხების<sup>2</sup> ნახევარიც კი ვერ შეასრულა, რამდენიმე წლის შემდეგ, როცა მისმა მოწაფეებმა სცადეს, ხორცი შეესხათ მისი ჩანაფიქრისათვის, იმის თქმაც კი ვეღარ შესძლო, თუ რა ჰქონდა განზრახული<sup>3</sup>.

ყველა აღრინდელ წამოწყებაზე ისე მწარედ ჰქონდა ჩაქნეული ხელი, რომ ყველაფერი დავიწყებოდა.

\* \* \*

1534 წლის 23 სექტემბერს მიქელანჯელო რომს დაბრუნდა და სიკვდილამდე ფეხი არ მოუტვლია იქედან<sup>4</sup>. ოცდაერთი წელი იყო, რაც რომი არ ენახა. ამ ოცდაერთი წლის მანძილზე მხოლოდ სამი ქანდაკება გააკეთა იულიუს 11-ს დაუმთავრებელი საფლავისათვის და შვიდი დაუმთავრებელი ქანდაკება მედიჩითა დაუმთავრებელი საფლავებისათვის; ვერ დაამთავრა ვერც ლორენცო მედიჩის სასახლის დერეფანი, ვერც ქრისტე სანტა მარია დე ლა მინერვას ეკლესიისათვის და ვერც აპოლონი ვაჩიო ვალორისათვის. დაკარგა ჯანი, ენერგია, რწმენა ხელოვნებისა და სამშობლოსადმი. დაკარგა ძმა, რომელიც ყველაზე მეტად უყვარდა<sup>5</sup>. დაკარგა მამა, რომელსაც აღმერთებდა<sup>6</sup>.

<sup>1</sup> მიქელანჯელომ ნაწილობრივ დაასრულა შვიდი ძეგლი (უბრუნის ჰერკოლ ლორენცოსა და ეულიენ ნემურელის საფლავები და ღვთისმშობელი). ის ოთხი ფიგურა კი, ცოკოლის დასამშვენებლად რომ ჰქონდა გამიზნული, არც დაუწყო. ლორენცო მშვენიერისა და მისი ძმის, ეულიენის საფლავის ძეგლების აგებაც სხეუბა მიანება

<sup>2</sup> ვაზირი 1563 წლის 17 მარტს ეკითხება მიქელანჯელოს, კედლებზე რისი დახატვა გქონდათო განზრახული.

<sup>3</sup> არაიენ იცოდა, სად მოეთავსებინათ უკვე დამზადებული ქანდაკებები, არც ის, რა უნდა დადგმულიყო ცარიელ ნიშებში. ამაოდ ეკითხებოდნენ მიქელანჯელოს ვაზირი და ამანატი, რომელთაც ჰერკოლ კოზიმო I-საგან მის მიერ დაწვებული ნაწარმოების შექმნა ჰქონდათ დავალებული; მიქელანჯელოს აღარაფერი ახსოვდა: „ქუეამ და მეხსიერებამ წინ გამისწრეს და იმ ქვეყნად მიმელიანო“, — წერდა იგი 1557 წლის აგვისტოს თვეში.

<sup>4</sup> მიქელანჯელომ რომის მოქალაქეობა 1546 წლის 20 მარტს მიიღო.

<sup>5</sup> ბუონაროტი, რომელიც 1528 წელს კირა იმსხვერპლა ფლორენციაში.

<sup>6</sup> 1534 წლის ივნისში.



მათდა სამახსოვროდ საუცხოო სევდით აღსავსე ლექსი დაწერა, მაგრამ ეს ლექსიც ისევე, როგორც ყველაფერი, რასაც ხელს ჰკიდებდა, დაუსრულებელი დარჩა.

ჩვენს ამქვეყნიურ სიღუპვირეს ცამ მოგაშორა.  
ო, შემობრალე, ვცოცხლობ, მაგრამ მე ვარ ცხეღარი...  
სიკვდილს სიკვდილით გაექეცი, ხარ ღვთაებრივი;  
არ შეიცვლება არც ცხოვრება და არც სურვილი.  
(ვერ შურით ამას, ვერ დაფარავ, ბედი მშურს თქვენი...)  
ვეღარც იღბლა, ვეღარც ჟამი, რომ გვთავაზობენ  
ორგულ სიხარულს, ანდა ერთგულ უბედურებას,  
თქვენს ზღურბლზე უკვე ვერ გავძოვლენ ამიერიდან.  
ო, თქვენს სინათლეს ვერც ღრუბელი დამუქრება,  
ძალმომრეობით ვერ გახდება ჟამი ვერაფერს,  
ვერც შემთხვევა და იძულება აგედევნებთ,  
ვერც ღამის ბინდი დააბნელებს თქვენს ბრწყინვალებას  
და ღღის სინათლით ვეღარც შუქი მოგამატებთ...  
სიკვდილს შეიცნობს ჩემი სული შენი სიკვდილით,  
ფერიფასო მამე...  
არაფერია სიკვდილიო, ამბობენ, მისთვის,  
უკანასკნელი დღე ვისთვისაც არის პირველი,  
ღღე მარადისი, ღღე უფალთან მიახლოვების.  
ჩვენ იქ შევხვდებით, ო, მე მჭერა, ჩვენ იქ შევხვდებით  
ჩემი გონების შემწეობით, ან ღვთის წყალობით.  
ცად ავმალდები, მოიშორებს სული მიწიერს,  
ვით სათნოება, ავმალდები იქ, სადაც უფრო  
არის ნეტარი სიყვარული მამის და შვილის!

უკვე აღარაფერი აკავებდა დედამიწაზე; არც ხელოვნება, არც პატივმოყვარეობა, არც სიყვარული და არც იმედი. სამოცი წელი შეუსრულდა. მისი ცხოვრებაც დასრულდა თითქოს. კენტად დარჩენილს უკვე აღარ სჯერა საკუთარი შემოქმედებისა. სიკვდილი ენატრება, ცდილობს გაექცეს „ადამიანთ და საგანთა ცვალებადობას“, „უამთა სიავეს“, აუცილებლობისა და შემთხვევითობის ტირანიას.

ვაგლახ! ღღეები გამიქრნენ და მიბრუნეს ზურგი...  
დაღონებული დამტოვა და გამისხლტა ჟამი...  
მოვხუციდი უკვე, აღარ ძალმიძს მონანიება  
და მომაკვდავი ვეღარც სიკვდილს შევურიგდები...

<sup>1</sup> ლექსები. LVIII.

ვტირი ამაოდ! ვერაფერი ვერ მანუგეშებს,  
გამისხლტა ეამი და ვერასდროს ვერ დავიბრუნებ...  
ვაგლახ! ჩემს წარსულს რომ ვუყურებ ახლა აქედან,  
ერთ დღეს ვერ ვხედავ, ერთ დღეს მაინც, მე მეკუთვნოდეს!  
გაცრუებული იმედები და სურვილები...  
მე ვიყავ, ახლა ვალიარებ. მე ვიყავ მუდამ  
შეყვარებული, მე ვტიროდი, მე ვცახცახებდი.  
მე ვიყავ მუდამ შეპყრობილი (რადგან არ იყო  
უცნობი ჩემთვის თანაგრძნობა მომავლავისა)  
და მე ხელიდან მისხლტებოდა ჭეშმარიტება...  
ვაგლახ! მივდივარ და არ ვიცი, საით მივდივარ...

გზაბნეული ხომ არა ვარ.. მე მეშინია...  
მე ვხედავ სასჯელს მარადიულს, მელის მსაჯული,  
მე ჩავდიოდი ბოროტებას ბირმშო სიკეთის  
და აღარც ვიცი, რისი უნდა მქონდეს იმედი...<sup>1</sup>

---

<sup>1</sup> ლექსები, XLIX.

I

ს ი ყ ვ ა რ უ ლ ი

*¡me la morte, in te la vita mia*<sup>1</sup>.

მას შემდეგ, რაც უარი თქვა ყველაფერზე, რაც კი აქამდე აცოცხლებდა, ამ განაწამებ, დამზრალ სულში კვლავ იშვა ახალი ცხოვრება, კვლავ აყვავილდა გაზაფხული, კვლავ აელვარდა სიყვარული კიდევ უფრო ნათელი შუქით. მაგრამ ამ ტრფობას თითქმის აღარაფერი ჰქონდა გრძნობადი და ეგოისტური; ეს იყო კავალიერის სილამაზის მისტიკური გაღმერთება, ეს იყო ვიტორია კოლონას რელიგიური სიყვარული — სულთა წრფელი ერთობა უფლის წილში. და ბოლოს, ეს გახლდათ მამობრივი სიყვარული დაობლებულ ძმისწულთა მიმართ, ღვთიური ქველმოქმედება და ღარიბ-ღატაკთა სიბრაღული.

მიქელანჯელოს სიყვარულს ტომაზო დეი კავალიერისადმი შეუძლია საგონებელში ჩაადგოს საშუალო გონების ხალხი — პატიოსნებიცა და უპატიოსნოებიც. თვით რენესანსის მიწურულის იტალიაშიც კი ბევრს საჩოთიროდ მიაჩნდა ეგ ამბავი. არეტინო გადაკვრით ლაპარაკობს მასზე ერთ-ერთ თავის წერილში<sup>2</sup>. მაგრამ არეტინოთა ცი-

<sup>1</sup> მე სიყვდილი ვარ ჩემი თავისა და შენში არის სიცოცხლე ჩემი. ლექსები, LIX.

<sup>2</sup> აღსანიშნავია, რომ მიქელანჯელოს ძმისწულის შვილმა 1623 წელს თავისი დიდებული წინაპრის „ლექსების“ პირველ გამოცემაში ვერ გაბედა უცვლელად გამოქვეყნებინა სწორედ ტომაზო დეი კავალიერისადმი მიძღვნილი ლექსები. მიაჩნებოდა, თითქოს ისინი ვიღაც ქალისადმი იყო მიძღვნილი. შეფლერისა და სიმონდისის უახლოეს გამოკვლევებამდე კავალიერის გამოწავონ სახელად თვლიდნენ და მიაჩნდათ, რომ მის უკან ვიტორია კოლონა იყო დამალული.

ლისწამება სად მისწვდება მიქელანჯელოს: ასეთები მუდამ მრავლად არიან: „მათ მიქელანჯელო თავის ხატად და მსგავსად წარმოუდგენიათ“<sup>1</sup>.

არავის სული არ ყოფილა ისე წმიდა, როგორც მიქელანჯელოსია. არავის მიაჩნდა სიყვარული ესოდენ ღვთაებრივად.

„ხშირად მსმენია, — ამბობს კონდიეი, — თუ როგორ ლაპარაკობდა სიყვარულზე: ისინი, ვინც ესწრებოდნენ ამ საუბრებს, ერთხმად აღიარებდნენ, ზუსტად ისე ლაპარაკობს, როგორც პლატონიო. პლატონისა რა მოგახსენოთ და მიქელანჯელოზე კი გეტყვი, რომ ამდენი წნის ნაცნობობისა და ახლო მეგობრობის მანძილზე არასოდეს მსმენია, რომ მის ბაგეთაგან თუნდაც ერთი ურიგო სიტყვა გამოსულიყოს. მისი მსჯელობა მუდამ ღირსებით იყო აღსავსე და შეეძლო ყმაწვილთა გულებშიაც ჩაეჭრო იმ უკეთურ ვნებათა ალი, რომელიც დაგვეუფლება ხოლმე ჭაბუკობაში“.

მაგრამ ეს პლატონისეული იდეალიზმი როდი იყო ლიტერატურული და ცივი: იგი გონების სიშმაგესთან იყო შერწყმული, რაც მიქელანჯელოს ყოველივე ლამაზის ტყვედ აქცევდა. ეს თვითონაც კარგად უწყობდა და ერთხელ ასე გამოხატა საკუთარი გულის პასუხი, როცა თავისი მეგობრის, ჭანოტის სტუმრობაზე უარს ამბობდა:

„როდესაც ვხედავ ადამიანს, კისაც ზეგარდმო ნიჭი ან გონებრივი საუნჯე გააჩნია, როცა ვხედავ კაცს, ვინც რაიმეს გაკეთება, ან რაიმე საგანზე მსჯელობა სხვაზე უკეთ იცის, სიყვარული მიბყრობს და ჩემდაუნებურად მონად ვუხდები იმ ზომამდე, რომ საკუთარ თავს აღარ ვეკუთვნი... თქვენ ყველანი ისეთი ნიჭიერები ხართ, თქვენი მოპატიჟება რომ მივიღო, თავისუფლებას დავეკარგავდი; ყველა თქვენგანი ჩემივე თავის ნაწილს წამართმევდა. მოცეკვავეცა და ჩანგზე დამკვრელიც, თუკი თავიანთ ხელოვნებაში აღმატებულნი არიან, რადაც უნდათ, იმად მაქცევენ! და ნაცვლად იმისა, რომ დავისვენო, ძალა მოვიკრიბო, გულს დარდი გადავიყარო თქვენს სიახლოვეს, სულს ამიშფოთებთ და ქარს გაატანთ ნაწილ-ნაწილ, ისე, რომ მრავალი ღლის შემდეგაც აღარ მეცოდინება, რა ქვეყანაში ვიმყოფები“<sup>2</sup>.

<sup>1</sup> მიქელანჯელოს წერილი ვიდაც უცნობისადმი (1542 წლის ოქტომბერში დაწერილი). წერილები, მილანეზის გამოცემა, CDXXXV.

<sup>2</sup> დონატო ჭანოტი, „დილოგები“, 1545 წ.

და თუკი გონების, სიტყვის და ზგეჩათა სილამაზე ასე ხიბლავდა, რაოდენ უფრო მოხიბლული უნდა ყოფილიყო სხეულის სილამაზით!

La forza d'un bel viso a che mi sprona!  
C'altro non è c'al mondo mi dilecti...

თითქოს დეზი მკრეს, მშვენიერი მიზიდავს სახე,  
ამკვეყნად ჩემთვის არ არსებობს სხვა სიხარული<sup>1</sup>.

საუცხოო ფორმათა დიდი შემოქმედისათვის, ვინც ამავე დროს ღრმად მორწმუნე კაციც იყო, ლამაზი სხეული ღვთაებრივი რამ გახლდათ. ეს თვით ღმერთი იყო ხორცის საფარქვეშ განცხადებულა და როგორც მოსე ღვთაებრივ ეკალს, მხოლოდ თრთოლვით თუ მიეახლებოდა. ტრფობის საგანი მისთვის ნამდვილი კერპი იყო, როგორც თავად ამბობდა; ამ კერპის ფერხთით იყო გართხმული და ეს ნებაყოფლობითი თვითდამცირება დიდი ადამიანისა, რაც ასე ძნელი ასატანი იყო კეთილშობილი კავალიერისათვის, მით უფრო უცნაური ჩანდა, როცა ნაკვთად მშვენიერ კერპს, როგორც მაგალითად ფებო დი პოეოს, საძაგელი და მდაბალი სული ჰქონდა. მაგრამ მიქელანჯელო ვერაფერს ამჩნევდა... მართლა ვერ ამჩნევდა ვერაფერს? — არაფრის შემჩნევა არ სურდა; ბუნების მიერ მოხაზულ სახეს თავის გულში წარმოდგენის საკრეტელით ასრულებდა.

მის იდეალურ მიჯნურთაგან, მის თვალხილულა სიზმართაგან უპირველესი ჭერარლო პერინი იყო. მიქელანჯელო მას დაახლოებით 1522 წელს ეტრფოდა<sup>2</sup>. შემდეგ, 1533 წელს, ფებო დი პოეოს გაუმიჯ-

---

<sup>1</sup> ლექსები, CXXXXI.

<sup>2</sup> მიქელანჯელოს რომ ესმოდა თავს, არტინოს უშუალოდ ჭერარლო პერინი ჰყავდა მხედველობაში. ფრეიმ გამოაქვეყნა მისი რამდენიმე საუცხოო გრძნობით გამოთბარი წერილი, რომლებიც 1522 წლითაა დათარიღებული: „...che avendo di voi lettera, mi paia chun esso voi essere. che altro desiderio non o“ („...როცა თქვენს წერილს ვღებულობ, თქვენს სიახლოვეს მგონია თავი და სწორედ ეს არის ჩემი ერთადერთი სურვილი“). ხელს ასე აწერს: „Vostro come figliuolo“ („თქვენს შვილობილი“)

მიქელანჯელოს ეს მშვენიერი ლექსიც დაიწვეებასა და გაყრის სიმწარეზე მისდამი უნდა იყოს მიძღვნილი:

ნურდა, 1544 წელს კი ჩეკინო დეი ბრაჩის<sup>1</sup>. ასე რომ, კავალიერისადმი სიყვარული გამონაკლისი არ ყოფილა, მაგრამ იგი ყველაზე უფრო ხანიერი გამოდგა და ეგზალტაციის მიჯნამდე მიაღწია, რაც მეგობრის მარტო უბადლო სილაძაზით კი არა, მისი მორალური კეთილშობილებითაც აიხსნებოდა.

„ყველაზე მეტადო, — ამბობს ვაზარი, — ცხადია, ახალგაზრდა რომაელი აზნაური, ხელოვნების დიდად მოყვარული კაცი, ტომაზო დეი კავალიერი უყვარდა; მუყაოზე ნატურალური ზომით მისი პორტრეტიც კი დახატა, ერთადერთი პორტრეტი, რომელიც კი ოდესმე გამოსულა მისი ხელიდან, რადგან ვერ იტანდა ვისიმე პორტრეტის

აქ ნათელია ყოველივე: აქ სიყვარულმა წაიღო ჩემი გულიცა და ჩემი სიცოცხლაც. უთქვამთ უარი სამოთხეზე და აქ სამოთხეს შემპირებიან მშვენიერი თვლები მისი; აქ დაუღვიათ ბორკილი და აქ შეუხსნიათ; მე შეპყრობილი მწუხარებით აქ ვქვითინებდი, ქვის ქანდაკებად აქ ვიხილე, ვის გამოც ალბათ თავს დაეკარგავ და ვერასოდეს ვერ დავიბრუნებ.

ლექსები, X X V.

<sup>1</sup> ანრი ტოლე, ვინც თავის ნაშრომში: „მიქელანჯელო და გვიანი აღორძინების ხანა“ ცილობს შვილამაზოს თავისი გმირი, თუნდაც ქვეშაირტებას ამით ჩრდილი მიადგეს, ჩერარდო პერინის მეგობრობის შემდეგ ფეხო დი პოჯიოს მეგობრობას ათავსებს, რათა თანდათანობით ამაღლდეს ტომაზო დეი კავალიერის მეგობრობამდე, რადგან ვერ შერიგებია იმ აზრს, რომ მიქელანჯელოს უნარი შესწევდა ყველაზე მეტად სრულყოფილი სიყვარულიდან ფეხოს უმაღლეს ტრფობამდე დაშვებულყოფი სინამდვილეში თითქმის წელიწადზე მეტი იყო, რაც მიქელანჯელო კავალიერისთან მეგობრობდა, როცა ფეხოს გაუმოქმედდა და მოკრძალებულ წერილებს სწერდა (ტოდეს მიხედვით, 1533 წლის დეკემბერს, ფრეის მიხედვით, 1534 წლის სექტემბერს). მასვე უძღვნიდა შმაგსა და ბუნდოვან ლექსებს, რომლებშიაც სიტყვები „ფეხო“ და „პოჯიო“ ზმითა აქვს გამოყვანილი (ფრეი, „მიქელანჯელოს ლექსები“, CIII, CIV) და საპასუხოდ ღებულობდა წერილებს, რომლებშიაც პატარა გაიძვრა ფულსა სთხოვდა (იხ. მიქელანჯელოს ლექსების ფრეისული გამოცემა, გვ. 526).

ჩეკინო დეი ბრაჩი კი, მისი მეგობრის, ლუიჯი დელ რიჩოს მეგობარი, მიქელანჯელომ მაშინ გაიცნო. როცა კავალიერისთან უკვე ათი წლის მეგობრობა აყავშირებდა ჩეკინო იყო ვაჟი ერთი დევნილი ფლორენციელისა და 1544 წელს რომში სულ მთლად ჰაბუჯი გარდაიცვალა. მიქელანჯელომ მის სამახსოვროდ მალმურთებელი იდეალიზმით აღბეჭდილი ორმოცდარვა სამგლოვიარო ეპიგრამა დაწერა, რომელთა შორისაც ბევრი გამოირჩევა უბადლო სილაძაზით. ეს ლექსები ყველაზე უფრო მწუხარე ჩანს მიქელანჯელოს ლექსებში.

დახატვას, თუ ეს უკანასკნელი შეუდარებელი სილამაზისა არ იქნებოდა“.

„როდესაც რომში მესერ ტომაზო კავალიერი გაეცანი, დავრწმუნდი, რომ იგი მარტო უბადლო სილამაზის პატრონი არ ყოფილა: ისეთი ზრდილი იყო, ისეთი მოხდენილი მიხრა-მოხრა ჰქონდა, ისეთი გონება და ისეთი კეთილშობილური საქციელი, რომ რაც უფრო ახლოს გაიცნობდით, მით უფრო ღირსი იყო სიყვარულისა“, — დასძენს ვარკი<sup>1</sup>.

მიქელანჯელო მას რომში შეხვდა, 1532 წლის შემოდგომას. პირველი წერილი, რომლითაც კავალიერმა უპასუხა მიქელანჯელოს მგზნებარე აღსარებას, კეთილშობილური ღირსებითაა სავსე:

„მივიღე თქვენი წერილი, რომელიც მით უფრო ძვირფასია ჩემთვის, რამდენადაც მოულოდნელი; მოულოდნელი-მეთქი, ვამბობ, რადგან ჰეშმარიტად ღირსი არა ვარ თქვენისთანა კაცმა მომწეროს. ხოლო რაც შეეხება იმას, რასაც ჩემსა და ჩემი ნაწარმოების საქებრად ბრძანებთ, რომლებიც თითქოსდა მოგწონებიათ, ვფიქრობ, ისინი სულაც არ არიან ისეთი ღირსებისა, რომ თქვენისთანა ნიჭის მქონე კაცმა, რომლის არამცთუ ბადალი, მსგავსიც კი არ მოიძევება დედამიწის ზურგზე, მოუწონოს ყმაწვილ კაცს, ვინაც ეს-ესაა ფეხი შედგა ხელოვნებაში და ჯერ მთლად უვიცია. მაგრამ ვერც იმას დავიჭერებ, რომ ცრუობდეთ. მე მჯერა, ღიახ, დარწმუნებული ვარ, რომ თქვენი ჩემდანი ტრფიალება გამოწვეულია მხოლოდ და მხოლოდ იმ სიყვარულით, რასაც თქვენებრი კაცი, ხელოვნების განსახიერება, უეჭველად გრძნობს იმათ მიმართ, ვისაც უყვარს ხელოვნება და ემსახურება კიდევ მოკრძალებით: მეც ერთი იმათგანი ვარ და ხელოვნების სიყვარულში არავის ჩამოვუვარდები. თქვენს სიყვარულზე მეც საპასუხო გრძნობას მოგიპყრობთ და გეფიცებით, რომ არასოდეს მყვარებია ვინმე თქვენზე მეტად და არასდროს მინატრია ვისიმე მეგობრობა თქვენსაზე უფრო. გთხოვთ მიმსახუროთ ყველაფერში და მარად თქვენს ყურმოჰკრილ ყმად მიგულოთ.

სამუდამოდ თქვენი ერთგული  
ტომაზო დეი კავალიერი“<sup>2</sup>.

<sup>1</sup> ბენედეტო ვარკი: „ორი ლექცია“, 1549 წელი.

<sup>2</sup> ტომაზო დეი კავალიერის წერილი მიქელანჯელოსადმი (1533 წლის პირველი ანუარი).

როგორც ჩანს, კავალიერიმ ბოლომდე შეინარჩუნა ეს მოკრძალებული და თავდაპირველი ტონი. ბოლომდე მიქელანჯელოს ერთგული დარჩა, მისი ნდობაც არ დაუქარგავს ბოლომდე. მიქელანჯელომ მის ხელში დალია სული. ეს ერთადერთი კაცი იყო, ვისზედაც ამბობდნენ, მიქელანჯელოზე გავლენა აქვსო და იშვიათი ღირსებაც გააჩნდა, ეს გავლენა მუდამ მეგობრის სასიკეთოდ და საღიღებლად გამოეყენებინა. სწორედ მან ჩააგონა მიქელანჯელოს პეტრე მოციქულის ტაძრის გუმბათისათვის ხის მოდელის დასრულება. მანვე შემოგვიჩვენა მიქელანჯელოს გეგმები კაპიტოლიუმის ასაგებად. და მათი განხორციელებისათვის დიდძალი შრომაც გასწია. დაბოლოს, მიქელანჯელოს სიკვდილის შემდეგ, სწორედ ის ადევნებდა თვალყურს მისი ანდერძის აღსრულებას.

მაგრამ მიქელანჯელოს გრძნობა მისდამი მიჯნურთ სიშმაგეს ედარებოდა. გიჟურ წერილებს სწერდა და თავის კერპს მიწაზე პირქვე დამხობილი ევედრებოდა! „უბაღლო გენიას... სასწაულს... ჩვენი საუკუნის ჩირაღდანს“ უწოდებდა და ემუდარებოდა, ნუ მომიძულეობთ, რაკი არ ძალმიძს გაგიტოლდეთ თქვენ, ვისაც ქვეყნად ტოლი არ მოექვევბათ. მას მიუძღვნა მთელი თავისი აწმყო, მთელი მომავალი და დასძინა:

„ჩემთვის მეტისმეტად სამძიმოა, რომ არ შემიძლია ჩემი წარსულიც შემოგთავაზოთ, რომ უფრო დიდხანს ვიყო თქვენი ნამსახური, რადგან მომავალი, ვგრძნობ, ხანმოკლე იქნება: მე ძალიან მოხუცო ვარ...<sup>2</sup> არ მჯერა, რომ რამეს შეეძლოს ჩვენი მეგობრობის შესუსტება, მაგრამ შეიძლება ერთობ დაჯერებულადაც გელაპარაკებით, რადგან მე თქვენზე განუზომლად დაბლა ვდგავარ...<sup>3</sup> მე ისევე არ შემიძლია თქვენი სახელის დავიწყება, როგორც საქმლისა, რომლითაც

---

<sup>1</sup> იხ. უპირველეს ყოვლისა, მიქელანჯელოს პასუხი კავალიერის პირველ წერილზე, იმავე დღეს, 1533 წლის პირველ იანვარს მიწერილი. შემონახულია ამ წერილის სამი, ერთიმეორეზე უფრო მღელვარე შავი. ერთ-ერთი მათგანის პოსტ-სკრიპტუმად მიქელანჯელოს შემდეგი სიტყვები აქვს გამოყვანილი: „შეიძლება და საკუთარი სახელით მოვეხსენებინა ის, რასაც ერთი კაცი მეორეს უძღვნის და რასაც მეორე ლებულობს მისგან; მაგრამ წესი არ არის და მეც არ დამიწერია ამ წერილში“. — ცხადია, აქ სიტყვა „სიყვარულია“ ნაგულისხმევი.

<sup>2</sup> მიქელანჯელოს წერილი კავალიერისადმი (1533 წლის პირველი იანვარი).

<sup>3</sup> კავალიერისადმი მიწერილი წერილის შავი (1533 წლის 28 ივლისი).



ვიკეებები; თუმცა საკმელს უფრო ადვილად დავივიწყებ,—იგი ხორცს კვებავს მხოლოდ, სიამოვნებას კი არ მანიჭებს,— ვიდრე თქვენს სახელს, რომელიც სულსაც ასაზრდოებს და ხორცსაც და ავსებს მათ ისეთის სიმშვიდით, რომ სანამ თქვენზე ვფიქრობ, ველარა ვგრძნობ ვერც ტანჯვასა და ვერც სიკვდილის შიშს!... ჩემი სული მის ხელთაა, ვისაც თავად მივუძღვენი<sup>1</sup>... მასზე ფიქრი რომ შემაწყვეტინონ, უმაღვე სულს დავლევდი“<sup>3</sup>.

კავალიერის ბევრი საუცხოო ძღვენი უძღვნა:

„შესანიშნავი ნახატები, წითელი და შავი ფანქრით შესრულებული საუცხოო თავები, რომლებიც საგანგებოდ დაუხატა, რათა მისთვის ხატვა ესწავლებინა. მასვე მიუძღვნა განიმედი, ზევსის არწივი, რომ მიჰქანებს ზეცად, ტიტუსი, გულ-ღვიძლს გრიფი რომ უძიძგნის და მზის ეტლიანი ფაეტონის ჩავარდნა პოში. ყოველივე ეს საუცხოო სილამაზისაა და სრულყოფილადაა შესრულებული“<sup>4</sup>.

სონეტებსაც ხშირად უწერდა, ზოგს საუცხოოს, ზოგს — ბუნდოვანსა და გაუგებარს; ბევრი მათგანი სწრაფად გავრცელდა ლიტერატურულ წრეებში და მთელს იტალიაში გახდა ცნობილი<sup>5</sup>. აი, ერთი სონეტი, რომელზედაც ხშირად უთქვამთ, ულამაზესი ლირიკული ლექსიაო XVI საუკუნის იტალიაში<sup>6</sup>:

<sup>1</sup> მიქელანჯელოს წერილი კავალიერისადმი (1533 წლის 28 ივლისი).

<sup>2</sup> მიქელანჯელოს წერილი ბარტოლომეო ანჯოლინისადმი.

<sup>3</sup> მიქელანჯელოს წერილი სებასტიანო დელ პიომბოსადმი.

<sup>4</sup> ვაზარი.

<sup>5</sup> ვაჟიკი ორ მათგანს საჩაროდ გაუყეთა კომენტარი და გამოაქვეყნა კიდევ თავის „ორ ლექციაში“. მიქელანჯელო არ მალავდა თავის სიყვარულს. ბარტოლომეო ანჯოლინისა და სებასტიანო დელ პიომბოს მასზე ესაუბრებოდა. ასეთი მეგობრობა არავის აოცებდა. როცა ჩეკინო დეი ბრაჩი გარდაიცვალა, რიჩო თავის სასოწარკვეთასა და სიყვარულზე უველას გასაგონად გაჰყვიროდა: „ო, ჩემო მეგობარო დონატო! ჩემი ჩეკინო გარდაიცვალა. მთელი რომი გლოვას მოუტაცვს; მიქელანჯელომ საფლავის ძეგლის ესკიზი დამიხატა; გემუდარებით, დამიწერეთ ეპიტაფია და სანუგეშოდ რამე მითხარით: მწუხარებამ გონი წამართვა. დღე ერთია და ათასჯერ კვდები ო, ღმერთო! რა საზარლად დატრიალდა ჩემი ბელი!“ (დონატო ჭანოტისადმი მიწერილი ბარათი, 1544 წლის იანვარი). „მკერდში ათასი მიჯნურას სულს ვატარებდი“, ათქმევინებს მიქელანჯელო ჩეკინოს ერთ-ერთ სამგლოვიარო ეპიგრამაში (ლექსები, ფრეისეული გამოცემა, LXXIII, 12).

<sup>6</sup> შეფლერი.

თქვენი თვალებით ვხედავ ნათელს, მე ის ნათელი გამოქრებოდა და უთქვენოდ ბრმა ვიქნებოდი. ტვირთის ზიდვასაც ვერ შეველებდი, თქვენ მეხმარებით ჩემს უძლურ ნაბიჯს ვხმარება თქვენი ნაბიჯი.

თქვენი გონება მეზიდება და ცად ვმალდები...

თქვენი სურვილი არას ყველა ჩემი სურვილი, მხოლოდ თქვენს სულში იბადება ჩემი ფიქრები, ყოველი სიტყვა ჩემგან თქმული, სუნთქვაა თქვენი.

უთქვენოდ მე ვარ მიღებული, მსგავსი მთვარისა, რომლის დანახვაც შეგვიძლია მხოლოდ იმიტომ, რომ დიდებული მზის ნათელი ტრიალებს ცაში<sup>1</sup>.

კიდევ უფრო ცნობილი იყო ეს მეორე სონეტი, ერთი საუკეთესო სიმღერათაგანი, რომელიც კი ოდესმე თქმულა სრულქმნილი მეგობრობის სადიდებლად:

თუ უბიწოა სიყვარული, თუ ამ სიყვარულს ემონებიან და მონობა თანასწორია;

თუ უღმობელი ბედისწერა მბრძანებლობს მათზე, ან თუ ერთია მათი ფიქრი, მათი სურვილი;

თუ ერთნაირად მიეღტიან მარადისობას, ერთი ფრთები აქვთ და იმ ფრთებით ადიან ცაში, მათ სიყვარულმა თუ ესროლა ოქროს ისარი და ორივენი ერთი ცეცხლით ააბრიალა;

თუ ერთს მეორე ისე უყვარს, თავს ურჩევნია და თუ გონებით მოხიბლული არის გონება, თუ მიეღტიან და ერთმანეთს თუ ესწრაფვიან;

თუ სხვა ხატება არ არსებობს და ვერ ხედავენ, ო, ასეთ რწმენას, ასეთ კავშირს, ასეთ სიყვარულს განა იქნება, რომ სიკვდილი გადაეღობოს?<sup>2</sup>

ამ თავდავიწყებას, მსხვერპლად მოტანას საკუთარი არსებისას, რომელიც მთლად განიბნევა მეგობრის სულში, მუდამ ასეთი სიციხად არ

<sup>1</sup> ლექსები, CIX, 19.

<sup>2</sup> ლექსები, XLIV.

ხლებია: ზოგჯერ მწუხარება სძლევდა ხოლმე და სიყვარულით შეპყრობილი ტანჯული სული კვნესით აწყდებოდა აქეთ-იქით:

ვარ აღზნებულა, მე ეკვითინებ, მე ვილუბები  
და ამ საზრდოთი საზრდოობს სული...

*I' piango, i' ardo, i' mi consumo, e 'l 40-<sup>o</sup>  
Di questo si nutrisce.. ' 1*

„შენ, ვინც წაართვი სიხარული ჩემს არსებობას“,  
მიმართავს ერთგან კაცალიერის <sup>2</sup>.

ამ მეტისმეტად მგზნებარე ლექსებს „სანატრელი და ტკბილი რაინდი“ <sup>3</sup> თავის ციესა და მშვიდ სიყვარულს აგებებდა <sup>4</sup>. მეგობრულ გრძნობათა ასეთი გადაჭარბება გულის სიღრმეში კიდევაც აკრთობდა და მიქელანჯელოც ბოდიშს უხდიდა:

ჩემო ძვირფასო სენიორო, ნუ მირისხდები,  
რომ არ მგონია უყეთესი შენზე არავინ;  
ერთი გონებით ანთებულა გონება სხვათა.  
მე რაც მინდა და რასაც ვსწავლობ შენთან და შენით  
იმას უთუოდ ვერ მიხვდება ძეხორციელო:  
რომ მიხვდეს, უნდა გამოსცადოს უწინ სიკვდილი <sup>5</sup>.

ცხადია, სილამაზის ამ სიყვარულს უპატიოსნო არა შესდგამს რა <sup>6</sup>, მაგრამ ამ შმაგი, მღვრიე <sup>7</sup> და მაინც წმიდა ტრფობის სფინქსი შემამაფოთებელი იყო და ჰალუცინაციებით შეპყრობილს ჰგავდა.

მაგრამ ამ ავადმყოფურ მეგობრობათა რიგს — სიყვარულს მოშიე-

---

<sup>1</sup> ლექსები, LII. ერთ-ერთი სონეტის ბოლოს მიქელანჯელოს კავალიერის სახელი ზმითა აქვს გამოყვანილი:

*Resto prigion d'un Cavalier armato.*

მე დამატყვევა კავალერმა აზქარასხულმა.

<sup>2</sup> *Onde al mio viver lieto, che me'ha tolto...* (ლექსები, CIX. 18).

<sup>3</sup> *Il desiato mie dolce signore* (ლექსები, L).

<sup>4</sup> *Un freddo aspetto* (ლექსები, CIX. 18).

<sup>5</sup> ლექსები, XLV.

<sup>6</sup> *Il foco onesto, che m'arde... მე წაპყვიდა უწმინდესი ხანძარი...* (ლექსები, L.)  
*La casta voglia, che 'l cor dentro infiamma...* ნება-სურვილი უწმინდესი, სულის გამთბობი (იქვე, XLIII)

<sup>7</sup> ერთ სონეტში მიქელანჯელო ნატრობს: „ნეტა ტყავი მქნა, ჩემი სატრფოს ტანის მშოსველი, ან საქალამნე, რომ მთელავდეს მისი თოვლზე უფრო თეთრი ფეხები“...

ბული სულის ამოღობას თაჲს უსაგნო არსებობის ამონახეზად — საბედნიეროდ მოჰყვა წმიდა და უშფოთველი ტრფობა ქალისა, ვინც შესძლო გავგო ამ უზარმაზარ ქვეყანაში გზააბნეული მოხუც ბავშვისათვის და მისი სულისათვის ცოტა მშვიდობა, ნდობა, საღი აზრი და სიკვდილ-სიცოცხლის მელანქოლიური მიღება შთაებერა.

\* \* \*

მიქელანჯელოს სიყვარულმა კავალიერისადმი 1533-34 წლებში თაჲს ზენიტს მიაღწია<sup>1</sup>. 1535 წლიდან კი იწყება მისი და ვიტორია კოლონას მეგობრობა.

ვიტორია კოლონა 1992 წელს დაიბადა. მამამისი ფაბრიციო კოლონა პალიანოს ბატონი და ტალიაკოცის პრინცი იყო. დედამისი — აგნეს და მონტეფელტრო — დიდი ფედერიგოს, ურბენის მთავრის ქალი გახლდათ, ეს გვარი ერთ-ერთი უკეთილშობილესთაგანი იყო მთელს იტალიაში; ერთი იმათგანი, სადაც ყველაზე უკეთ განხორციელებულიყო რენესანსის ნათელი სული. ჩვიდმეტი წლისა მარკიზ დე პესკარას, პავიის ბრძოლაში სახელმძღვანელო გმირს, დიდ მხედართმთავარ ფერრანტე ფრანჩესკო დ'ავალოსს<sup>2</sup> მიათხოვეს ცოლად. ქმარი უყვარდა გაგიჟებით: მაგრამ ქმარს სულაც არ ჰყვარებია. ლამაზი არ ეთქმოდა ვიტორიას<sup>2</sup>. მედლები, რომლებზედაც მისი სახეა გამოხატული, წარმოგვიდგენენ ვაჟკაცურ სახეს, ქალს ნებისყოფიანი, უხეში ნაკეთები აქვს: შუბლი მაღალი აქვს, ცხვირი — გრძელი და სწორი, ტუჩები — კუშტად მოკუმული. ზედა ბაგე ოდნავ მოკლე ჰქონია,

---

<sup>1</sup> განსაკუთრებით 1533 წლის ივნის-ოქტომბერში, როცა მიქელანჯელო ფლორენციაში დაბრუნდა და კავალიერის კარგა ხნით იყო მოცილებული.

<sup>2</sup> შესანიშნავი ნახატები, მის პორტრეტად რომ სახავენ, მონცელამინც სანდო ირ არის. ასეთია უფიციაში დაცული ცნობილი ნახატი, სადაც მიქელანჯელოს ახალგაზრდა კასიანი ქალი ჰქაეს გამოყვანილი. მაგრამ მსგავსება შემთხვევითი ჩანს: იქნებ ხატვისას მიქელანჯელოს ქვეცნობიერად ვიტორიას სახე ედგა თვალწინ და ის ვადაიტანა ქალადზე, ოღონდ ბევრად უფრო გაახალგაზრდაებული და გალამაზებული. ნახატზე გამოყვანილ ქალს მართლაც ვიტორიას სწორი ნაკეთები, დიდრონი, ფიქრიანი თვალები და პირქუში მზერა აქვს. კისერი შიშველი აქვს, მკერდი — მოღებული, გამომეტყველება კუშტი და მკაცრი.

ქვედა—ოდნავ ჩამოვარდნილი<sup>1</sup>. ფილონიკო ალიკარნასო, ვინც იცნობდა მას და მისი ცხოვრებაც აღწერა, თუმცა დიდი სიფრთხილით არჩევს სიტყვებს, იძულებულია აღიაროს, რომ ქალი ლამაზი არ ყოფილა: „როცა მარკიზ დე პესკარას ვაჟყვა ცოლად — მოგვითხრობს იგი, — სულიერ ნიჭთა განვითარებას მიჰყო ხელი და რაკი დიდი სილამაზის პატრონი არ ყოფილა, ლიტერატურა შეისწავლა, რათა შეემკო თავი თვისი უკვდავი სილამაზით, რომელიც ხორციელ სილამაზესავით წარმავალი როდია“. კეჟა-გონებას მუდამ თაყვანს სცემდა. ერთ-ერთ სონეტში თვითონვე ამბობს: „უხეშ ვნებებს, რომელთაც არ ძალუძთ შექმნან ჰარმონია. რასაც შეიქმს კეთილშობილ სულთა წმიდა სიყვარული, თავის დღეში არ გამოუწვევიათ ჩემში არც ტანჯვა, არც სიხარული... ნათელმა აღმაო, — დასძენს იგი, — ისე მალდა აზიდა ჩემი გული, რომ მდაბალი ზრახვები ვერ შეეხება“. დიან, მას არაფერი ჰქონდა ისეთი, რომ მგრძნობიარე და ბრწყინვალე პესკარას შეჰყვარებოდა; მაგრამ სიყვარულის ალოგიკურობის წყალობით თავად შექმნილი იყო იმისათვის, რომ ჰყვარებოდა და მით დატანჯულიყო.

მართლაც უზომოდ იტანჯებოდა, როცა ქმრის დალატს შეიტყობდა. ქმარი კი ყოველ ნაბიჯზე ატყუებდა, საკუთარ ქერქვეშ. მთელი ნეაპოლის დასანახად და გასაგონად. და მაინც, როცა პესკარა გარდაიცვალა, ქალმა ველარსად ჰპოვა ნუგეში. ისევ რელიგიასა და პოეზიას შეაფარა თავი; ჭერ იყო და რომში ეწეოდა განდევილივით ცხოვრებას, შემდეგ ნეაპოლში გადავიდა<sup>2</sup>. მაგრამ ამსოფლიურ ზრახ-

---

<sup>1</sup> ასე წარმოგვიდგენს მას უცნობი მხატვრის ნაკეთები მედალიონი, რომელიც ერმანო ფერეროსა და ჯუზეპე მიულერის მიერ გამოცემულ „ვიტორია კოლონას მიმოწერაში“ არის დაბეჭდილი. უთუოდ ასეთად ხელდავდა მას მიქელანჯელოც: თმები ზოლებიან ქედში აქვს შეკეცილი; დახურული, კისერზე მკიდროდ მომდგარი კაბა ატარა.

მეორე ანონიმურ მედალზე იგი ახალგაზრდად და იდეალიზირებულად არის წარმოდგენილი (დაბეჭდილია მუნცის წიგნში: „რენესანსული ხელოვნების ისტორია“, ტ. 111. გვ. 248: აგრეთვე „ხელოვნებათა გაზეთის“ გამოცემულ „მიქელანჯელოს ცხოვრებასა და შემოქმედებაში“).

<sup>2</sup> მაშინ სულიერ მოძღვრად ვერონის ეპისკოპოსი მატეო ჭიბერტი ჰყავდა, ერთ-ერთი პირველთაგანი, ვინც კათოლიკური ეკლესიის განახლება სცადა. პოეტი ფრანჩესკო ბერნი ჭიბერტის მდივანი იყო.

ვებზე ჭერ მთლად არ აუღია ხელი; მარტოობასაც მხოლოდ იმიტომ ეძიებდა, რომ თავის ტრფობის მოგონებებში ჩაძირულიყო და მისთვის თავის ლექსებში ეგალობა. ის მეგობრობდა იტალიის უდიდეს პოეტებთან: სადოლეტოსთან, ბეძბოთან, კასტილიონესთან, ვინც მას თავისი „Cortegiano“-ს („კარისკაცის“) ხელნაწერი ჩააბარა, არიოსტოსთან, ვინც მას თავის „ოლანდოში“ ქება შეასხა, პაოლო ჯოვიოსთან, ბერნარდო ტასოსთან, ლოდოვიკო დოლჩესთან. 1530 წლიდან მოკიდებული მისი სონეტები მთელს იტალიაში გავრცელდა და ავტორს იმჟამინდელ ქალთა შორის არნახული სახელი მოუხვეჭა. ისკიაზე გარდახევეწილი, ამ საუცხოო კუნძულზე განმარტოებული, მშვენიერი ზღვის ნაპირას თავის სახეცვლილ სიყვარულს თავდავიწყებით უგალობდა.

მაგრამ 1534 წლიდან რელიგიამ მთლიანად მოიცვა მისი არსება. კათოლიკურმა რეფორმამ გაიტაცა, რელიგიურმა თავისუფლები-მოყვარეობამ, რომელიც იმხანად განხეთქილების თავიდან აცილებას ცდილობდა, მაგრამ ეკლესიის გარდაქმნისა და ხელახალი აღორძინებისათვის იღწვოდა მაინც. არავინ იცის, ნეაპოლში ხუან დე ვალდესს<sup>1</sup> თუ იცნობდა, მაგრამ სულით ხორცამდე შესძრა თურმე ბერნარდინო ოკინო დე სინის<sup>2</sup> ქადაგებებმა. პიეტრო კარნესეის<sup>3</sup>, ჭიბერტის,

<sup>1</sup> ხუან დე ვალდესი, კარლოს V-ის პირადი მდივნის ვაჟი, 1534 წელს ნეაპოლში გადმოსახლდა და იქ რეფორმატორულ მოძრაობას ჩაუდგა სათავეში. გარს შემოიკრიბა უმალესი აჩისტოკრატია და დიდგვაროვანი ბანოვნები. გამოაქვეყნა მრავალი ნაშრომი, რომელთა შორისაც უმთავრესი იყო „ას ათი საღვთო მოსაზრება“ (ბაზელი, 1550 წ.) და „საღვთო წერილის გაგებისათვის“. გარდაიცვალა 1541 წელს. ამბობენ, ნეაპოლში სამი ათასზე მეტი მიმდევარი ჰყავდაო.

<sup>2</sup> ბერნარდინო ოკინო, დიდი მქადაგებელი, კაპუცინთა ქორეპისკოპოსი; 1539 წელს ხუან დე ვალდესს დაუმეგობრდა და დიდი გავლენა იქონია მასზე. თუმცა აბეზღებდნენ, მაინც უშიშრად განავრცობდა ქადაგებას ნეაპოლში, რომში, ვენეციაში და ეკლესიის წინააღმდეგ ხალხის შედგარ მხარდაჭერას პოულობდა, სანამ 1542 წელს ლუთერიანობა არ შესწამეს და იძულებული არ გახადეს ფლორენციიდან ფერარს გახიზნულიყო: აქედან ენევეას გადავიდა, სადაც პროტესტანტობა მიიღო კიდევ. ვიტორია კოლონას ახლო მეგობარი იყო და სანამ იტალიიდან გადაიხვეწებოდა, თავისი გადაწყვეტილება მას საიდუმლო ბარათით ამცნო.

<sup>3</sup> ფლორენციელი პიეტრო კარნესეი, კლიმენტ VII-ის მთავარი ნოტარაუსი, ვალდესის მოწაფე და მეგობარი; ინკვიზიციის წინაშე პიკველად 1546 წელს წარსდგა; 1567 წელს კოკონზე დაწვეს რომში. ვიტორია კოლონას სიკვდილამდე ურთიერთობა არ შეუწყვეტია მასთან.

სადოლეტოს, ქველ რეჯინალდ პოლესა და ამ რეფორმატორ პრელატთა შორის უპირველესს, კარდინალ გასპარ კონტარინის<sup>1</sup> ემეგობრებოდა. ეს ის კონტარინი იყო, ვინც 1536 წელს Collegium de emendandâ Ecclesiâ (ეკლესიის ამღორძინებელი კოლეგია) დააარსა, რატისბონის სეიმზე პროტესტანტების შემორიგებას ამაოდ ცდილობდა და ასეთი თამამი სიტყვების დაწერასაც არ უფრთხოდა<sup>2</sup>:

„მცნება ქრისტესი თავისუფლების მცნებაა... მთავრობად ვერ მივიჩნევთ იმას, რაც ერთი კაცის ნება-სურვილზეა დამოკიდებული, კაცისა, ვინც ბუნებით ბოროტებისკენაა მიდრეკილი და თავის ათასგვარ ვნებათაგან ნაკარნახევ წესისამებრ ირჩება. არა! ყოველი მეუფება გონების მეუფებაა და ვალად აძევს სწორი გზით წარმართოს ყველა, ვინც თავისი სწორი მიზნისაკენ — ბედნიერებისაკენ მიემართება. პაპის ხელისუფლებაც სხვა არა არის რა, თუ არ გონების ხელმწიფება. პაპმა უნდა იცოდეს, რომ თავისუფალ ხალხს განაგებს და თავის გუნებისად კი არ უნდა მართოს, განსაჯოს, დაიცვას, არამედ ოდენ გონების კარნახით, უფლის მცნებათა და სიყვარულის კანონთა შენაბამისად, რომელთაც ღვთისა და საერთო კეთილდღეობისაკენ მიგყავართ“.

ვიტორია კოლონა ერთი ყველაზე გულმხურვალე წევრი იყო იდეალისტთა ამ პატარა ჯგუფისა, რომელსაც იტალიის ყველაზე უფრო წრფელი სულები შეადგენდნენ. მას მიმოწერა ჰქონდა გამართული რენე ფერარელთან და მარგარიტა ნავარელთან; პიერ პაოლო ვერჯერიო კი, ვინც მოგვიანებით პროტესტანტობა მიიღო, მას „ქეშპარიტების ერთ ჩირალდანს“ უწოდებდა. მაგრამ, როცა დაიწყო რე-

---

<sup>1</sup> გასპარ კონტარინი. ვენეციელი დიდგვაროვანი; ჯერ ვენეციის ელჩად იყო კარლოს V-ის კარზე ნიდერლანდებში, გერმანიასა და ესპანეთში, შემდეგ კლიმენტ VII-ის დროსაც, 1528 წლიდან 1530 წლამდე. პაულე III-მ 1535 წელს კარდინალის ტიტული უბოძა; 1541 წელს რატისბონის სეიმზე პაპის დესპანად იყო წარგზავნილი. პროტესტანტებთან საერთო ენა ვერ გამოიხატა და სახელი გაიტეხა კათოლიკეების თვალშიც. ამედნაწურული დაბრუნდა იქიდან და 1542 წლის აგვისტოს ბოლონიაში გარდაიცვალა. ბევრი ნაშრომი დაწერა: „სულის უკვდავებისათვის“, „ფილოსოფიის მოკლე მიმოხილვა“ და ტრაქტატი „გამართლებისათვის“, სადაც თითქმის პროტესტანტული თვალსაზრისი აქვს გამოთქმული.

<sup>2</sup> მოყვანილი აქვს ანრი ტოდეს.

ფორმის საწინააღმდეგო მოძრაობა, რომელსაც უღმობელი კარაფა<sup>1</sup> ედგა სათავეში, მისი სული საზარელმა ექვმა მოიცვა. მიქელანჯელო-სავეით ისიც მგზნებარე, მაგრამ სუსტი სულის პატრონი იყო: რწმენა სჭირდებოდა და არ შეეძლო ეკლესიის ავტორიტეტს გაჰკლავებოდა. „მარხვით იგვემდა თავს, ცარიელი ძვალი და ტყავი იყო, ფლასით მოსილი დადიოდა“<sup>2</sup>. მისმა მეგობარმა კარდინალმა პოლემ<sup>3</sup> დაუბრუნა სიმშვიდე იმით, რომ აიძულა დამორჩილებულიყო, დაეთრგუნა გონების სიამაყე და ღვთის წიაღში მისცემოდა თავდავიწყებას. ქალი დათანხმდა; ღვთის სამსხვერპლოდ დადო თავი და ამაში ჰპოვებდა დამათრობელ ნეტარებას... მაგრამ ვაი, რომ მხოლოდ თავისი თავი არ მოუტანია მსხვერპლად! გასწირა ყველა მეგობარი, უარჰყო ოქინო და მისი ნაწერები რომის ინკვიზიციას გადასცა. მიქელანჯელოს მსგავსად ეს დიდებული სულიც შიშმა მოდრიკა და სინილისის ქენჯნას სასოწარკვეთილ მისტიციზმში აღრჩობდა:

„თქვენ ნახეთ, რა უვიცობის ქაოსში ვიყავ დანთქმული და ცდომილებათა რა ლაბირინთი მერტყა გარს; თუმცა კი მუდამ მიველტვო-

---

<sup>1</sup> ჩამპიეტრო კარაფა, კეტის ეპისკოპოსი; 1524 წელს თეატინთა ორდენი დააარსა, 1528 წლიდან ვენეციაში რეფორმის საწინააღმდეგო მოძრაობა გაშალა და სახელო გაითქვა თავის სისასტიკით; ეს უღმობლობა არც კარდინალობის ეამს მოუშლია და არც მას შემდეგ, რაც 1555 წელს პაულე IV-ის სახელით რომის პაპად იქნა არჩეული. 1540 წელს იეზუიტთა ორდენი დაარსდა, 1542 წლის ივლისში იტალიის ინკვიზიციის სამსჯავრო შეიქმნა, რომელსაც ერეტიკოსთა წინააღმდეგ საზარდველად სრული ძალაუფლება ჰქონდა მინიჭებული; 1545 წელს ტრიდენტის სასულიერო კრება გაიხსნა. ეს იყო დასასრული თავისუფალი კათოლიციზმისა, რომელზედაც ოცნებობდნენ კონტარინი, პოლე და ჯიბერტი.

<sup>2</sup> კარნესეკის ჩვენება ინკვიზიციის სამსჯავროში, 1566 წელი.

<sup>3</sup> რეჩინალდ პოლე, იორკის სახლიდან; იძულებული გახდა ინგლისიდან გადახვეწილიყო, რადგან ანრი VIII-სთან ჰქონდა შუღლი; 1532 წელს ვენეციაში გადავიდა და კონტარინის გულმხურვალე მეგობარი გახდა; პაულე III-მ კარდინალის ტიტული უბოძა და წმ. პეტრეს ტაძრის სამონასტრო მიწების ლეგატად დანიშნა. ეს თვინიერი ხასიათის კაცი მალე დამორჩილდა კონტრეფორმაციასა და რაკი თავის უზომო მომხიბვლელობის წყალობით სხვათა გულის მონადირებაც არ უქირდა, მორჩილებისაყენ მოაქცია კონტარინის ბევრი მიმდევარი, რომელთაც უკვე პროტესტანტობის მღვება ჰქონდათ გადაწყვეტილი. ვიტორია კოლონა 1541—1514 წლებში მთლიანად მისი გავლენის ქვეშ იყო მოქცეული. — 1554 წელს პოლე ინგლისში დაბრუნდა ლეგატად; აქ კენტერბერის არქიეპისკოპოსად ეკურთხა და 1553 წელს აქვე დალია სული.



დი სულის მშვიდობას, სხეული ჩემი მუდამ წრიალებდა და სულიც მუდამ აფორიაქებული მქონდა მაგრამ უფალმა შემიბრალა და „იყავნ ნათელიო!“ გადმოძახა, რათა მეხილა და გულისხმა მეყო, რომ არარა ვარ და რომ ყოველივე სუფევს ქრისტესთან“<sup>1</sup>.

სიკვდილს უხმობდა მხსნელად და გარდაიცვალა კიდეც 1547 წლის 25 თებერვალს.

\* \* \*

მიქელანჯელო სწორედ მაშინ გაიცნო. როცა ყველაზე მეტად იყო განმსქვალული ვალდესისა და ოკანოს თავისუფალი მისტიციზმით. ამ მწუხარე და ტანჯულ ქალს. ვისაც შემწედ მუდამ გზის მაჩვენებელი და წინამძღოლი სქირდებოდა, არანაკლებ სქირდებოდა თავისზე უფრო სუსტი და უბედური არსება, რომ მასზე დაეხარჯა ის დედობრივი სიყვარული, რომლითაც გული სავსე ქონდა. იგი შეეცადა თავისი შეშფოთება მიქელანჯელოსათვის არ გაემხილა და გარეგნულად მშვიდსა და თავდაკერილს მისთვის მოებერა სულის მშვიდობა, რასაც თვითონაც სხვებთან დაეძებდა. მათი მეგობრობა, 1535 წელს დაწყებული, 1538 წლის შემოდგომისათვის კიდეც უფრო მყარი შეიქნა. იგი მალიანად ღმერთზე იყო დაფუძნებული. ვიტორია ორმოცდაექვსი წლისა იყო, მიქელანჯელო—სამოცდასამი წლისა. ვიტორია რომში, სან-სილვესტრო-ინ-კაპიტეს მონასტერში, მონტე პინჩიოს ძირას ცხოვრობდა. მიქელანჯელოს მონტე კავალოს მახლობლად დაედო ბინა. ვვირაობით მონტე კავალოს სან-სილვესტროს ეკლესიაში ხვდებოდნენ ერთმანეთს. ძმა აბროჯიო კატერინო პოლეტი მათ პავლეს ეპისტოლეებს უკითხავდა, რომლებიც შემდგომ მაჯვლების საგნად იქცეოდა. პორტუგალიელმა მხატვარმა ფრანსუა დ'ოლანდემ თავის „ოთხ დიალოგში მხატვრობაზე“<sup>2</sup> ამ საუბრების ხსოვნა

<sup>1</sup> ვიტორია კოლონას წერალი კარდინალ მორონესადმი (1543 წლის 22 დეკემბერი). იხ. აგრეთვე ალფრედ დე რემონის წიგნი ვიტორია კოლონაზე და ტოდეს „მიქელანჯელოს“ მეორე ტომი.

<sup>2</sup> ფრანსუა დ'ოლანდე: „ოთხი დიალოგი მხატვრობაზე, რომში 1538-39 წლებში გამართული“, დაწერილი. 1548 წელს და იოაქიმ დე ვასკონსელოს მიერ გამოქვეყნებული. ფრანგული თარგმანი დაბეჭდილია გრაფ რაჩინსკის „პორტუგალიურ ხელოვნებაში“ (პარიზი, რეხუარი, 1846 წელი).

შემოგვიანხა. ესაა ცოცხალი სურათი ამ სერიოზული და ნაზი მეგობრობისა.

პირველად, როდესაც ფრანსუა დ'ოლანდე სან-სილვესტროს ეკლესიას ეწვია, იქ მარკიზა დე პესკარა დაუხვდა რამდენიმე მეგობართან ერთად. წმიდა საკითხავს უსხდნენ. მიქელანჯელო მათ შორის არ ერია. ეპისტოლეების კითხვა რომ დაასრულეს, ქალმა თავაზიანი ღიმილით უთხრა უცხოელს:

— ეკვი არ არის, რომ ფრანსუა დ'ოლანდე მიქელანჯელოს საუბარს უფრო მეტის სიამოვნებით მოისმენდა, ვიდრე ამ ქადაგებებს.

ფრანსუამ ბრიყვულად იწყინა და მიუგო:

— როგორ, ქალბატონო, ნუთუ თქვენს აღმატებულებას ჰკონია, რომ მე მხოლოდ ხატვისთვის გამოვდგები და სხვად არაფრისად არ შემწევს გონება?

— გულს კი ნუ მოიყვანთ, მესერ ფრანჩესკო, — დაუყვავა ლატანციო ტოლომეიმ, — მარკიზა სწორედაც დარწმუნებულია, რომ მხატვარს ყველაფერი შეუძლია. ჩვენ, იტალიელები, ისეთ დიდ პატივს ვცემთ მხატვრობას! მას ალბათ იმის თქმა სურდა, რომ კარგი იქნებოდა, იმ სიამოვნებას, რომელიც აქ მიიღეთ, მიქელანჯელოს მოამენის სიხარულიც ზედ დართვოდა.

ფრანსუა ბოდიშებად დაიღვარა და მარკიზამ უბრძანა ერთ-ერთ მსახურთაგანს:

— წადი მიქელანჯელოსთან და უთხარი, რომ მე და მესერ ლატანციო წირვის შემდეგ ამ ეკედირში დავრჩით და თუ ცოტა დრო დასაყარგად არ ენანება, შემოგვიერთდეს, მასთან საუბარი ძალიან გვეამება... მაგრამო, — დასძინა ისევ, — რაკი მიქელანჯელოს ველურობის ამბავი ყველამ იცის, ნუ ეტყვი, რომ ესპანელი ფრანსუა დ'ოლანდეც აქ არის, ჩვენთან.

სანამ წარგზავნილი დაბრუნდებოდა, იქვე დარჩნენ სასაუბროდ და შეუდგნენ ბჭობას, რა გზით ეიძულებინათ მიქელანჯელო მხატვრობაზე ელაპარაკა, თანაც ისე, რომ მათი განზრახვა არ შეემჩნია, თორემ, რომ მიმხვდარიყო, კრინტსაც არ დასძრავდა.

„მცირე ხნით სიჩუმე ჩამოვარდა. მერე ვილაც მოადგა კარს. ჩვენ შეგვეშინდა, ვაითუ მიქელანჯელო არ მოვიდეს, რაკი წარგზავნილი ასე სწრაფად დაბრუნდაო. მაგრამ ჩემმა ვარსკვლავმა ინება, რომ მიქელანჯელო, რომელიც აქვე ახლოს ცხოვრობდა, გზად ყოფილიყო

სან-სილვესტროსკენ ესკვილინას ქუჩით მომავალი; მოდიოდა და თან თავის მოწაფეს, ურბინოს ემუსაიფებოდა; და რაკი ჩვენგან წარგზავნილი კაციც შეეგება, უკვე მოსულიყო და კარის ზღურბლზე იდგა. მარკიზა წამოდგა და სანამ ჩვენთან მოიწვევდა და თავისსა და ლატანციოს შორის ჩასვამდა, ფეხზე მდგომი დიდხანს განმარტობით ესაუბრა“.

ფრანსუა დ'ოლანდეც გვერდიც მისჯდომია, მაგრამ მიქელანჯელოს მისთვის არავითარი ყურადღება არ მიუქცევია. ესპანელს ეს ძალიან სწყენია და ნაწყენი კილოთი უთქვამს:

— თუ გინდათ, რომ არ შეგამჩნიოთ ვინმემ, საამისოდ ყველაფერს სჯობია, ცხვირწინ დაუდგეთო

მიქელანჯელომ გაკვირვებით შემოხედა და მყისვე დიდი თავაზიანობით მოუბოდიშა:

— მაპატიეთ, მესერ ფრანჩესკო. ღმერთმანი, ვერ შევნიშნეთ, რადგან მარკიზას მეტს ვერავის ვამჩნევ, მისმა შუერამ დამაბრმავა.

ამასობაში ვიტორიამ მცირე ხნის დუმილის შემდეგ ისეთის ხელოვნებით, რომელსაც ვერავითარი ქება ვერ მისწვდება, დაიწყო ათას რამეზე საუბარი, ისეთი სიფრთხილითა და ოსტატობით, რომ მხატვრობას ერთხელაც არ შეხებია. გამოცდილ მოალყეს ჰგავდა. მიქელანჯელოსაც ექვიანი და ფხიზელი მეციხოვნის იერი ჰქონდა, თავს გულდაგულ რომ იცავს: აქ მცველს აყენებს, იქ ხიდებსა სწევს, მიდამოებს ნაღმავს, კარებსა და კედლებთან კი გარნიზონი ჩაუსაფრებია. მაგრამ ბოლოს მარკიზამ მინც აჯობა და მართლაც ვერავინ შესძლებდა მისგან თავის დაცვას.

— უნდა ვაღიაროთ, რომ მუდამ დავმარცხდებით, როცა მიქელანჯელოს მისივე საკუთარი იარაღით — ეშმაკობით ვუტევთ. მესერ ლატანციო, თუ გვინდა, ხმა არ ამოიღოს და უკანასკნელი სიტყვა ჩვენ დავგვრჩეს, სასამართლო პროცესებზე, პაპის დეკრეტზე, ანდა... მხატვრობაზე უნდა ჩამოვუგდოთ სიტყვა.

ამ ეშმაკურმა ილეთმა გასჭრა და საუბარი ხელოვნებაზე გადავიდა. ვიტორიამ მიქელანჯელოს რომელიღაც სამლოცველოზე დაუწყო საუბარი, რომლის აგებასაც თვითონ აპირებდა და მიქელანჯელომაც მაშინვე გამოთქვა სურვილი ადგილმდებარეობის დათვალიერებისა და გეგმასაც ახლავე შევადგენო, დაიჟინა:

— მე ვერ გავებდავდი თქვენთვის ასეთი დიდი სამსახური მე-

თხოვა, — მიუგო მარკიზამ, — თუმცა კი ვიცი, რომ ზედმიწევნით მისდევთ მაცხოვრის მცნებას. რომელიც მაღალთ ამაღლებს და მღაბალთ განადიდებს... ამიტომ, ვინც თქვენ გიცნობთ, თქვენს პიროვნებას უფრო დიდ პატივსაც სცემს, ვიდრე თქვენს ხელოვნებას. ისინი კი, ვინც არ გიცნობენ, თქვენს უაუსტეს მხარეს, ე. ი. თქვენს ხელოვნებას სცემენ თავყანს. მაგრამ მე ნაკლებ როდი მხიბლავს, რომ განმარტობით გიყვართ ცხოვრება: გაურბიხართ ჩვენს ფუჟ საუბრებს და აბეზარი პრინციების პორტრეტების ხატვის ნაცვლად თითქმის მთელ სიცოცხლეს ერთ დიდ ხელოვნებისეულ ქმნილებას სწირავთ.

მიქელანჯელომ მოკრძალებით უარყო ეს ქათინაური და დააძინა: ყბედსა და მცონარა ხალხს — თავადებსა და პაპებს ვერ ვიტან, რადგან ჰგონიათ, რომ უფლება აქვთ ყოველ წუთს თავისთან იბარებდნენ ხელოვანს. ამ უკანასკნელს სიცოცხლე ისედაც არ ჰყოფნის თავიანი მიზნის შესასრულებლად.

შემდეგ საუბარი ხელოვნების უფრო ამაღლებულ მხარეებზე გადავიდა, რომელთა შესახებაც მარკიზა რელიგიური მოწიწებით ლაპარაკობდა. ხელოვნების ნაწარმოებები მისთვისაც, ისევე როგორც მიქელანჯელოსათვის, რწმენის აქტი გახლდათ.

— კარგი მხატვრობა, — თქვა მიქელანჯელომ, — ღმერთს უახლოვდება და მას შეერწყმება. ის ოდენ ასლია ღვთის სრულქმნილების, მისი ყალმის ჩრდილი, ანარეკლი მისი მუსიკის, მისი მელოდიისა... ამიტომ არ კმარა, რომ მხატვარი დიდი და დახელოვნებულა ოსტატი იყოს, მთავარია, თვითონაც, რაც შეიძლება, წმიდა ცხოვრებით იცხოვროს, რათა სულიწმიდამ წარმართოს მისი აზრები მუშაობის ეამს!...

ასე მიიწურა ის დღე, ამ მართლაცდა წმიდა საუბარში, ნათელი დიდებულებით აღსავსე მსჯელობაში სან-სილვესტროს ეკლესიის მაჯლობლად, ან იქნებ მეგობრებმა, ფრანსუა დ'ოლანდე რომ აგვიწერს, იმ ბალში გასვლა ისურვეს, საიდანაც მათ ფეხქვეშ გადაშლილი მთელი რომი მოჩანდა და იქ, „შადრევის ახლოს, დაფნის ბუჩქების

---

<sup>1</sup> რომში მხატვრობაზე გამართული დიალოგის პირველი ნაწილი.

ჩრდილში, ქვის სკამებზე მსხდარნი და ზურგით სუროს კედელს მიყრდნობილნი“ აგრძელებდნენ საუბარს<sup>1</sup>.

სამწუხაროდ, ეს შესანიშნავი საუბრები დიდხანს აღარ გაგრძელებულა. მარკიზა დე პესკარას რელიგიურმა კრიზისმა ერთბაშად მოუღო მათ ბოლო. ვიტორია 1541 წელს რომიდან წავიდა და ჯერ ორიენტოს, შემდეგ კი ვიტერბოს მონასტერში ჩაიკეტა.

„მაგრამ ვიტერბოდანაც ხშირად ჩამოდიოდა მხოლოდ იმ მიზნით, რომ მიქელანჯელოს შეხვედროდა. მიქელანჯელოს გაგიყებით უყვარდა მისი ღვთაებრივი გონება და ქალიც სიყვარულით პასუხობდა. მიქელანჯელომ მისგან უამრავი წერილი მიიღო, ისეთი წრფელი და უმწიკვლო გრძნობით აღსავსე, როგორც ამ კეთილშობილ სულს შეპყვროდა და დიდხანს მოწიწებით ინახავდა“<sup>2</sup>. მისივე ნებით. — დაატენს კონდივი, — მიქელანჯელომ შიშველი ქრისტე დახატა, რომელიც ჯვრიდან გარდმოსხნილი დაეცემოდა კიდეც წმიდა ღვთისმშობლის ფერხით, ორ ანგელოზს რომ არ შეეკავებინა. დედა ღვთისა ჯვრის ქვეშა ზის; გაშლილი ხელები ციკენ აღუპყრია; სახეზე უზომო ტანჯვა და მწუხარება აღბეჭდია. ჯვარზე წარწერაა გამოყვანილი: „Non vi si pensa quanto sangue costa“<sup>3</sup>. ვიტორიას სიყვარულმა და-

<sup>1</sup> ამავე დიალოგის მესამე ნაწილი. ამ საუბრის დღეს ოქტავ ფარნეზი, პავლე III-ის ძმისწული, ცოლად ირთავდა მარგარიტას. ალექსანდრო მედიჩის ქვრივს; სახეიმო კორტევი, ანტიკურ ყაიდაზე გამართული თორმეტი ეტლი, ნაონის მოედნისაკენ მიემართებოდა, გზად ხალხის ტევა აღარ იყო და მიქელანჯელოსა და მის მცგობრებს ქალაქს თავს გადმომქირალი სან-აილევსტროს ეკლესიის სიმუდრო-გიაათვის შეუფარებიათ თავი

<sup>2</sup> კონდივი.

თუმცა, კაცმა რომ თქვას, ვიტორიას ის წერილები, რომლებიც დღევანდლამდე შემონახულა, უაღრესად კეთილშობილურია, მაგრამ ოდნავ ცივი. საფიქრებელია, რომ ამ კორესპონდენციიდან ბევრი განადგურდა; შემოგვრჩა მხოლოდ ხუთი წერილი: სამი რომიდან, ერთი ორიენტოდან და ერთიც ვიტერბოდან გამოგზავნილი.

<sup>3</sup> ეს ნახატი, როგორც ა. გრენიე ამტკიცებს, პირველი ესკიზი უნდა იყოს იმ რამდენიმე Pietà-სთვის, მიქელანჯელომ მოგვიანებით რომ გამოაქანდაცა. ესენია: ფლორენციული (1550-55 წწ.), რომანინისა (1563 წ.) და ამას წინათ პალესტრინაში ნაპოვნი Pietà, რომელიც იმავე 1550-60 წლებში უნდა იყოს შესრულებული. ამავე ჩანაფიქრს ეხმარება ოქსფორდის ბიბლიოთეკის ნახატი და ბრიტანეთის ნაციონალური გალერეის „საფლავად დადება“.

იხ. ა. გრენიე, „პალესტრინაში ნაპოვნი ერთი უცნობი „ჯვრიდან გარდმოსხნა“ მიქელანჯელოსი. აქვე ნახავთ სხვადასხვა Pietà-ს რეპროდუქციებსაც.

ახატეინა მიქელანჯელოს სხვა ჯვარცმული ქრისტეც; მკედარი კი არა, როგორც ჩვეულებრივ ხატავენ, არამედ ცოცხალი, სახე ცისკენ რომ მიუბყრია და შეპლადადებს: ელი! ელი! „სხეულიც მოშვებული და მოღუნებული როდი აქვს: სიმწრით იგრინება და იკრუნჩხება სულთ-მობრძავი“.

იქნებ ვიტორიამვე შთააგონა ორი შესანიშნავი ნახატი „მკვდრეთით აღდგომისა“, ლუერსა და ბრიტანეთის მუზეუმში რომ ინახება. ლუერის ნახატში ჰერკულესის დარ ქრისტეს საფლავის მძიმე ლოდი გადაუგდია, ცალი ფეხი ისევ სამარეში აქვს, თავი ზევით აუწევია, ხელებიც მალა აღუპყრია და ალტყინებით ცისკენ მიიწევს, უნდა ღმერთს დაუბრუნდეს, ჩქარა დატოვოს ეს ცრუ სოფელი, ბრიყვი ადამიანები, რომელთაც ზედ არ უყურებს და რომლებიც მის ფერხთით თავზარდაცემულნი დახოხავენ. როგორც იქნა, მოსწყდა ამ სოფელს, მიადწია თავის საწაფელს!.. ეს ნახატი ლუერის ერთ „ტყვეს“ მოგვაგონებს. ბრიტანეთის მუზეუმის ნახატში მეტი სიმშვიდეა. ქრისტე უკვე ამოსულა საფლავიდან: მალა მიფრინავს, მისი ღონიერი სხეული ჰაერში ჰკიდია; ჰაერი ეალერსება. გულხელი დაკრეფილი აქვს, თავი უკან გადაუგდია, ექსტაზში მყოფს თვალები დაუხუტავს და მზია სხივივით ნათლით მოსილი ზეცად მალღდება.

ასე გაულო კვლავ ვიტორიამ მიქელანჯელოს ხელოვნებას რწმენის კარი. და უფრო მეტიც: ფრთა შეასხა მის პოეტურ გენიას, რომელიც კავალიერის სიყვარულმა გამოაღვიძა<sup>1</sup>. მარტო რელიგიურ გამოცხა-

---

<sup>1</sup> სწორედ ამ დროს გადაწყვიტა მიქელანჯელომ გამოქვეყნებინა თავისი ლექსების კრებული. მისმა მეგობრებმა, ლუიჯი დელ რიჩომა და დონატო ჯანოტიმ წააქნეს; თვითონ აქამდე დიდ მნიშვნელობას არ ანიჭებდა იმას. რასაც წერდა. ჯანოტიმ ამ გამოცემას 1545 წლისათვის მოჰკიდა ხელი. მიქელანჯელომ გადაარჩია თავისი ლექსები, მეგობრებმა გადაუწერეს კიდევ, მაგრამ რიჩოს სიყვდილმა (1546 წ.) და ვიტორიას სიყვდილმა (1547 წ.) ეს საქმე ფუჭ პატივმოყვარობად დაუსახა და მწარედ ჩააქნევინა ხელი. მისი ლექსები მის სიოცხლეში არ დაბუქდილა, ვარდა იმ მცირე ნაწილისა, რომელიც ვარკის, ჯანოტის, ვაზარისა და სხვათა ნაწერებში იყო გამოქვეყნებული; მაგრამ მაინც ხელიდან ხელში გადადიოდა: უდიდესმა კომპოზიტორებმა: არკადელტმა, ტრომბონჩინომ, კონსილიუმმა, კონსტანკო ფესტამ მუსიკაზე გადაიტანეს ბევრი მათგანი. ერთ სონეტს ვარკიმ კომენტარაჰი დაურთო და 1546 წელს საჯაროდ წაიკითხა ფლორენციის აკადემიაში. ამბობდა: აქ ანტიკური სიცხადე დანტესეული აზრის სახეობასთან არისო შერწყმული.

მიქელანჯელო დანტეს „ღთაებრივ კომედიაზე“ იყო გაზრდილი. „არავის მასზე

დებათა არსში კი არ ჩაახედა, რომელთაც მიქელანჯელო მხოლოდ გუმანით გრძნობდა, არამედ, როგორც ტოდემ გვიჩვენა, თავისი მაგალითით წააქეზა, რომ მათთვის თავის ლექსებში ეგალობა. სწორედ მათი მეგობრობის დასაწყისში მოეფინა ვიტორიას „სასულიერო სონეტები“<sup>1</sup> მთელს იტალიას. ამ ლექსებს ვიტორია დაწერისთანავე უგზავნიდა მეგობარს<sup>2</sup> და მიქელანჯელოც მათში ნუგეშს, შვებასა და ახალ სიცოცხლეს პოულობდა.

ეს საუცხოო სონეტი, ვიტორიას საპასუხოდ რომ მიუძღვნა, მოწმობს მის ნაზ მადლიერებას:

ნეტარი არის სული მისი, ჩვენ სიბერეში  
გულს მხურვალე სიყვარულით ვინც აგვიძგერებს,  
ან სიყეთისა და განცხრომის რთულ არჩევანში  
ამათგან უფრო კეთილშობილს აგვარჩევენებს.

ჩემს თვალებს ისევ ეცხადები უწინდელივით,  
ისევ ჩემს სულში იხედები, რომ მანუგეშო...  
შენ ფიქრობ ჩემზე, ზრუნავ ჩემზე, ვხედავ სიყეთეს  
და მე ვწერ ამას, რომ მადლობა გადაგიხადო...

დიდი სირცხვილი იქნებოდა და ქედმაღლობა,  
რომ დამეხატა ღარიბული შენი სურათი  
ხიორცმსხმული და მშვენიერი ლექსების ნაცვლად<sup>3</sup>.

---

უკეთ არ ესმოდა და არ იცოდა მისი ნაწარმოები“, — ამბობს ჯანოტი. არავის არ შეუსხამს მისთვის ისეთი ხობტა, როგორც მიქელანჯელომ შეასხა ერთ თავის სონეტში: „Dal ciel discese“... („ერთ მოვლენილი“... ლექსები, CIX, 37). პეტრარკას კავალანტის, ჩინო და პისტოიასა და იტალიური პოეზიის კლასიკოსებს ნაკლებ როდი იცნობდა. მისი სტილი მათი პოეზიით არის ნაკვები, მაგრამ ყოველივეს სულს უდგამდა მისი მგზნებარე პლატონური იდეალიზმი.

<sup>1</sup> ლექსები და XVI სასულიერო სონეტი, 1539 წელი. ლექსები და XXIV სასულიერო სონეტი, ვენეცია, 1544 წელი.

<sup>2</sup> „მე მაქვს პატარა პერგამენტის წიგნი, ათი წლის წინათ რომ მაჩუქა, — წერდა მიქელანჯელო ფატუჩის 1551 წლის მარტს, — იგი შეიცავს ას სამ სონეტს, თუ სათვალავში არ შევიტანთ ორმოც დანარჩენს, ვიტერბოდან რომ გამომიგზავნა და უბრალო ქალღმერთს რომაა დაწერილი. ისინიც წიგნთან ერთად ავაკინძინე... შენახული მაქვს მისი წერილებიც, ორვიეტოდან და ვიტერბოდან რომ მიგზავნიდა. აი, სულ ეს არის ჩემი სახსოვარი“.

<sup>3</sup> ლექსები, LXXVIII.

1544 წლის ზაფხულში ვიტორია საცხოვრებლად კვლავ რომს გადმოვიდა, სანტა ანას მონასტერში და სიკვდილამდე იქ დარჩა. მიქელანჯელო მას ამ მონასტერში ეწვია. მოსიყვარულე ქალს სურდა ცოტაოდენი სითბო და კეთილდღეობა შეეტანა მის ცხოვრებაში და საიდუმლოდ პატარ-პატარა საჩუქრებს უგზავნიდა, მაგრამ თავმოყვარე მოხუცი, „თავის დღეში რომ არ ღებულობდა საჩუქრებს“<sup>1</sup> იმათგანაც კი, ვინც სხვაზე მეტად უყვარდა, ამ სიამოვნებაზე უარს ეუბნებოდა.

ვიტორია გარდაიცვალა. მიქელანჯელომ ნახა იგი მომაკვდავი და თქვა ეს გულსაკლავი სიტყვები, რომლებიც მოწმობს, თუ რაოდენ წმიდა და მოკრძალებული იყო მათი დიდი სიყვარული:

„არაფერი არ მაწუხებს ისე, როგორც ფიქრი იმისა, რომ მკვდარს მაინც არ დავუოცენე შუბლი და სახე და მხოლოდ ხელზე ვემთხვიე“.

„ამ სიკვდილმან, — ამბობს კონდივი, — დიდი ხნით წაართვა ცნობა და შმაგს დაამგავსა“.

„მას ჩემთვის დიდი სიკეთე სურდა, — ამბობდა იგი მოგვიანებით, — მეც აურაცხელი სიკეთე მსურდა მისთვის (*Mi voleva grandissimo bene, e io non meno a lei*). სიკვდილმა უახლოესი მეგობარი გამომგლიჯა ხელიდან“<sup>2</sup>.

ამ სიკვდილის გამო ორი სონეტი შეთხზა. ერთი მათგანი, თავიდან ბოლომდე პლატონური სულისკვეთებით განმსჭვალული, გამოიჩინევა თავისი მძიმე პრეციოზულობით და ჰალუცინაციური იდეალიზმით ელვის ზოლებით დასერილ ღამეულ ზეცას ედარება. მიქელანჯელო ვიტორიას ღვთაებრივი მოქანდაკის ჩაქუჩს ადარებს, მატერიიდან ამალღებულ აზრები რომ გამოაქვს:

ნემი უხეში ჩაქუჩი თუ უმტიცეს კლდესაც  
ძებორციელად აქანდაკებს ან სხვა რაიმედ,  
ეს იმეტომ, რომ იმეორებს კაცს რაც სწადია  
და შემოქმედის ნება-სურვილს ემორჩილება.

<sup>1</sup> ეაზარი.

ერთხანს თავის უახლოეს მეგობარს, ლიუიჯი რიჩოსაც წაეკიდა, რადგან ეს უკანასკნელი მისი ნების წინააღმდეგ საჩუქრებს უგზავნიდა ხოლმე:

„შენი უზომო სიკეთე მეტად მაწუხებს; რომ გაგვეურდე, ასე ძლიერ არ ვინაღვლებდი. მეგობართ შორის თანასწორობა უნდა სუფევდეს: ერთმა თუ მეტა გაიღო, მეორემ — ნაკლები, საქმე ბრძოლამდე მივა და გამარჯვებულს დამარცხებული თავის დღეში არ აპატიებს“.

<sup>2</sup> კონდივი.



ღვაჯობრივია ის ჩაქუჩი, რომელიც ცაში  
მშვენიერების შესაქმნელად აღიმაართება,  
ვერ შეედრება სხვა ჩაქუჩი, ის ჩაქუჩია,  
სიციცხლეს სული იმ ჩაქუჩმა უნდა შთაბეროს.

რაც უფრო ძლიერ ხელს უჭირავს ჩაქუჩი გრდემლზე,  
მით უფრო მაღლა და ღონიერად აღიმაართება,  
ახლა ჩემს თავთან აღმართულა უკვე ჩაქუჩი,

კეთილი საქმე რომ კეთილად დააბოლოვოს  
და მომაველის დახმარება უფლის სამკვდლომ,  
ჩემი მშველელი დღევანდლამდე ის იყო მსოლოდ<sup>1</sup>.

მეორე სონეტი უფრო ნაზია და ამბობს, რომ სიყვარულს სიკვდი-  
ლი ვერ მოერევა:

მე ვინც მტანჯავდა, ვინც შიყვარდა, ის აღარ არის,  
გაუჩინარდა და ამაოდ დაეძებს მზერა.  
რომ სურდა ჩვენი ამალღება, დღეს ის ბუნება  
თავდახრილია და უპეებს უსველებს ცრემლი.

და თვით სიკვდილიც აღტაცებით ვერ იტყვის ვერსად,  
მზე ჩაუჭრეო, ვინც მზესავით ქვეყნად ბრწყინავდა,  
ოადგან მას ისევ სიყვარულმა შთაბერა სული  
და დაუბრუნა მიწიერი და ღვთაებრივი.

ო. სურდა სიკვდილს უსამართლოს და უბოროტესს,  
უმანკობის დაეფარა გამოძახილი  
და დაეჩრდილა სახალღელი მშვენიერების.

მაგრამ, ამაოდ, წინ აღუღდა ნაწერი მისი.  
ამ სიციცხლეზე ძლიერია მისი სიციცხლე  
და ამ ზეცაზე მაღალია იმისი ზეცა<sup>2</sup>.

---

<sup>1</sup> ლექსები, C1.

მიქელანჯელომ ამ სონეტს ასეთი კომენტარი გაუეთა:

„ის (ჩაქუჩი — ვიტორია) ერთადერთი იყო ამ ქვეყნად, ვინც თავის უბადლო  
სათნობით სხვედშიაც სათნობას აღვივებდა; აქ არვინ ჰყავდა ისეთი, საბერველის  
გაბერვაში რომ მოხმარებოდა. ცაში ალბათ მრავალი ეყოლება ხელის შემწყობი,  
რადგან სათნობა იქ ყველას ზიბლავს. მეც ვიმედოვნებ, რომ არსება ჩემი ცად აღ-  
სრულდება. ცაში საბეოველს მაინც გაუმართავს ვინმე; აქ მარტო იღდა გრდემლთან,  
სადაც სათნობანი იკვერება“.

<sup>2</sup> ლექსები, C.

სწორედ ამ ნაზი და სერიოზული მეგობრობის უამს<sup>1</sup> შექმნა მიქელანჯელომ უკანასკნელი მნიშვნელოვანი ნაწარმოებები მხატვრობასა და ქანდაკებაში: „განკითხვის დღე“, პავლეს კაპელის ფრესკები და იულიუს II-ის საფლავის ძეგლი.

როდესაც მიქელანჯელო 1534 წელს ფლორენციას განერიდა და საცხოვრებლად რომს გადავიდა, ფიქრობდა, რომ კლიმენტ VII-ის

ამ სონეტის მეორე მხარეს კალმით დახატულია მკერდამკნარი ქალის სურათი, რომელსაც დიდხანს ვიტორია კოლონას პორტრეტად მიიჩნევდნენ

<sup>1</sup> ვიტორიას სიყვარული მისთვის სხვა ვენებებს როდო გამოიცხადდა. მარტო ეს ტრფობა არ კმაროდა მიქელანჯელოს სულის ასავსებად. მაგრამ მისი „გაიდეულების“ სასაცილო სურვილით შეპყრობილი ამას ჩვეულებრივ არ ამხელენ; თითქოსდა მიქელანჯელოს მათგან შელამაზება სჭირდებოდეს!

ვიტორია კოლონასთან მეგობრობის უამს, 1535-46 წლებში მიქელანჯელოს სხვა ქალიც უყვარდა, „ულმობელი და ლამაზი“, „*donna aspra e bella*“ (CIX, 89), „*lucente e fera stella, iniqua e fella. dolce pieta con dispietato core*“ (CIX, 9), „*cruda e fera stella*“ (CIX, 14), „*bellezza e gratia equalmente infinita*“ (CIX, 3). „ჩემი მოსისხლე კალბატონიო“ „*la donna mia nemica*“ (CIX, 54), ამ ქალს ანედაც უწოდებდა. მიქელანჯელოს გაგიჟებით ყვარებია იგი, თავს იმცირებდა, მისი გულიათვის მზად იყო სულის ცხონებაზედაც უარი ეთქვა:

Godò gl' ioganni d'una donna bella... (CIX, 90)  
Porgo umilmente al'aspro giogo il collo... (CIX, 54).

Dolce mi seria l'inferno teco... (CIX, 55).

მომხიბვლელია მშვენიერი ქალის სიცრუეც...

მე მსურს უღელი მორჩილების დავიდგა ქედზე...

თვით ჭოჯობითც საამური იქნება შენთან...

მას სტანჯავდა ეს სიყვარული. ქალი კი ერთობოდა, ეკვს აღუძრავდა და სხივბნ ეკეკლუცებოდა. ბოლოს მიქელანჯელომ შეიძულა იგი. ბედს ევედრებოდა, უსახური და გონჯი გახადე, რომ შემეიყვაროს, მე კი მეზიზღებოდეს და დავტანჯო ისე, როგორც ის მტანჯავდაო.

სიკვდილმა ყველა სხვა სამუშაოსაგან გაათავისუფლა და შესძლებდა, მშვიდად დაესრულებინა იულიუს II-ის საფლავის ძეგლი და მომკვდარიყო ისე, რომ სამარეში არ ჩაეტანა სინდისის ქენჯნა, რომელიც მძიმე ტვირთად აწვა მთელი სიცოცხლის მანძილზე. მაგრამ რომს ჩამოვიდა თუ არა, თავი ახალი ბატონების საძიძვნად გაიხალა.

„პავლე III-მ უხმო მას და სამსახური სთხოვა. მიქელანჯელომ ჯერ იუარა, დრო არა მაქვსო, რადგან კონტრაქტით ურბენის ჰერცოგთან იყო შეკრული, სანამ იულიუს II-ის საფლავის ძეგლს დაასრულებდა. მაშინ პაპი ჯანრისხდა და უთხრა: „აგერ უკვე ოცდაათი წელია, რაც ამ სურვილს გულში ვიმარხავ და ახლა, როცა პაპი შევიქენი, ნუთუ ვერ მივალწევ მიზანს? მე დავხევე მაგ კონტრაქტს, მინდა, რომ მე მემსახურო ყველაფრისდამიუხედავად“<sup>1</sup>.

მიქელანჯელომ კინლამ ისევ გაქცევით უშველა თავს.

„გადაწყვიტა გენუის მახლობლად, ეპისკოპოს ალერიას სააბატონოში გახიზნულიყო. ეგ ალერია უწინ იულიუს II-ის მეგობარი იყო და მიქელანჯელოსაც ემეგობრებოდა. აქ ხელის შემშლელი არავინ ეყოლებოდა და თავის ქმნილებასაც მშვიდად დაასრულებდა კარარის მახლობლად. ურბენს გამგზავრებასაც აპირებდა, მყუდრო ადგილია და იულიუს II-ის ხსოვნას საპატივეცემლოდ კარგი თვალით დამიწყებენ ცქერასო. ამ მიზმით იქ სანდო კაციც კი გააგზავნა, რომ მისთვის სახლი ეყიდა“<sup>2</sup>.

მაგრამ საბოლოო გადაწყვეტილების მიღების ქამს, როგორც ყოველთვის, გამბედაობამ უღალატა; შეეშინდა თავის საქციელის მოსალოდნელი შედეგებისა და თავი ისევ მარადიული ილუზიით დაიმშვიდა, რომ რაიმე კომპრომისით შესძლებდა თავი დაეღწია; ასე დაადგმევინა ქედზე უღელი და სიკვდილამდე იძულებული იყო ეს ჭაპანი ეწვია.

1535 წლის 1 სექტემბერს პავლე მესამის ბრძანებით იგი პაპისეული სასახლის მთავარ არქიტექტორად, მოქანდაკედ და მხატვრად დაინიშნა. წინა წლის აპრილის თვიდან მიქელანჯელო უკვე თანახმა

<sup>1</sup> ვაზარი.

<sup>2</sup> კონდივი.

იყო „განკითხვის დღეზე“ ემუშავა<sup>1</sup> და 1536 წლია აპრილიდან 1541 წლის ნოემბრამდე. ე. ი. ვიტორიას რომში ყოფნის დრო მალთანად ამ სამუშაოს მოანდომა. ამ მეტისმეტად მძიმე შრომის დროს, 1539 წელს მოხუცი ხარაჩოებიდან ჩამოვარდა, მძიმედ დაიშავა ფეხი და „სიმწრისა და სიბრაზისაგან ექიმიც კი არ მიიკარა“<sup>2</sup>. ექიმები თვალის დასანახავად ევავრებოდა და თავის წერილებში ხუმრობით შიშსაც კი გამოსთქვამდა ხოლმე, როცა შეტყობდა, რომ ვინმე მისიანი წინდაუხედავად მოქცეულა და ექიმს ჩვენებია.

„მისდა საბედნიეროდ, ამ მარცხის შემდეგ მის მეგობარს, ფლორენციელ ბაჩო რონტინის — მეტად დახელოვნებულ ექიმს, რომელსაც მიქელანჯელო გულთ უყვარდა, — შეებრაღა იგი, მიაკითხა, კარზე დაუკაკუნა და რაკი არაეინ უპასუხა, შევიდა სახლში, ყველა კუთხე-კუჩქული მოიარა და ბოლოს ერთ ოთახში მწოლარე მიქელანჯელოს წააწყდა. მიქელანჯელო სასოწარკვეთილებას მიეცა, ექიმი რომ დაინახა, მაგრამ ბაჩომ ფეხი არ მოიცვალა იქიდან, სანამ მეგობარი არ განკურნა“<sup>3</sup>.

როგორც ოდესღაც იულიუს II, პავე III-ც მოდიოდა იმის სახანავად, თუ როგორ ხატავდა მიქელანჯელო, თან თავის ცერემონიებისტერი ბიაჯო და ჩეზანაც ახლდა. ერთხელ პაპმა ჰკითხა ამ ჩეზანას, მიქელანჯელოს ნამუშევარი თუ მოგწონსო. ბიაჯომ, რომელიც, ვაზარის თქმით, მეტად უკადრისი კაცი იყო, განაცხადა, დიდი უხამსობაა ასეთ წმინდა ადგილას ამდენი უმსგავსი სიშიშვლის გამოფენაო. ეს მხატვრობა აბანოებისა და სამიკიტნოების კედლებს თუ შეეფერებო. სტუმრები რომ წავიდნენ, შეურაცხყოფილმა მიქელანჯელომ გონებაში აღიდგინა ბიაჯოს სახე და იგი ჯოჯოხეთის ცოდვილ სულელებს შორის, ფეხებზე უზარმაზარგველშემოხვეული მინოსის სახით წარმოადგინა და გარს ეშმაკთა გუნდი დაახვია. ბიაჯომ პაპს შესჩივლა. პავე III-მ აქეთ დასცინა: „მიქელანჯელოს სალხინებელში რომ ჩაეგდე, კიდევ გიშველიდი, მაგრამ ჯოჯოხეთში გიკრა თავი და შენი ხსნა არ შემძლია: ჯოჯოხეთიდან გამოსვლა არ იქნებო“<sup>4</sup>.

<sup>1</sup> იდეა ამ უზარმაზარი ფრესკისა, რომელიც სიქსტის კაპელის საკურთხევილმ კედელს ფარავს, ჯერ კიდევ კლიმენტ VII-ს დაებადა 1533 წელს.

<sup>2</sup> ვაზარი.

<sup>3</sup> ვაზარი.

<sup>4</sup> ვაზარი.

მიქელანჯელოს მხატვრობა უხამსობად მართო ბიჯოს როდი ეჩვენებოდა. იტალია ახლა კდემამოსილობას ჩემულობდა და შორს როდი იყო ის დრო, როცა ვერონეზი თავის „სიმონ ფარისეველთან ნადიმის“<sup>1</sup> გამო ინკვიზიციის წინაშე წარსდგებოდა. „განკითხვის დღესაც“ იმთავითვე ბევრი დამძრახველი გაუჩნდა. ყველაზე უფრო ხმამალა არეტიწო გაჰკიოდა. პორნოგრაფიის დიდოსტატმა კისრად იღო გულით უბიწო მიქელანჯელოსათვის კდემამოსილება ესწავლებინა<sup>2</sup>; მხატვარს ტარტიუფის საკადრისი უტიფარი წერილი მისწერა<sup>3</sup>. ბრალად დასდო, „ისეთი რამ დაგიხატავს, რაც საროსკიპოს ბინადართაც კი გააწითლებდაო“ და ახლადფეხადგმულ ინკვიზიციასთან ასმენდა, „რადგან ნაკლები ცოდვაა თავად არ გწამდეს, ვიდრე სხვებში ამგვარად რწმენას არყევდო“. პაპს აქეზებდა მიქელანჯელოს ფრესკის მოსასპობად. მხატვარს ლუთერიანობას სწამებდა, ნამუსიან კაცს უხამსი მონაჰორით სახელს უტეხდა<sup>4</sup> და ბოლოს, ბრალად იმასაც სდებდა, მიქელანჯელომ იულიუს II გაქურდაო. ამ უმსგავს წე-

---

<sup>1</sup> 1573 წლის ივლისში. ვერონეზმა „განკითხვის დღის“ მაგალითი მოიყვანა:

— მჯერა, რომ ცუდია; მაგრამ ვიტყვი ამაა, რაც უწინაც მითქვამს: ჩემს მოვალეობად მიმაჩნდა მიმებაძა იმ მაგალითებისათვის, რაც ჩვენმა მასწავლებლებმა დაგვიტოვეს.

— თქვენი მასწავლებლებიც ასეთ უხამსობას ხატავდნენ?

— მიქელანჯელომ რომში, პაპის კაპელაში, იესო ქრისტე, ღვთისმშობელი, წმიდა იოანე, წმიდა პეტრე, ციურნი ძალნი და ყველა პერსონაჟი, თვით წმიდა ეალწული მარიამიც კი, შიშველი დასატა, ისეთ პოზებში, რაც არ შეიძლება მყაცრა რელიგიის მიერ იყოს ნაკაჩნახევა“..

(ა. ბაშე, „ვერონეზი ინკვიზიციის წინაშე“, 1880 წელი).

<sup>2</sup> ეს ნურისძიება იყო. არეტიწო ჩვეულებისამებრ ცდილა მიქელანჯელოსათვის რამე ნაწარმოები დაეცინცლა: გარდა ამისა, ეყო კადნიერება მისთვის შეეთავაზებინა „განკითხვის დღის“ პროექტი. მიქელანჯელომ თავაზიანად უარყო ეგ უცნაური თანამშრომლობა და არც მის თხოვნას ათხოვა ყური. როგორ თუ საკადრისი პატივით არ მომეპყროო, გაცხარდა არეტიწო და მიქელანჯელოს დასჯა განიზარაზა.

<sup>3</sup> არეტიწოს ერთი კომედიის, „მოიქენელის“, გმირი ტარტიუფის პროტოტიპად იქცა (პ. გოტიე: არეტიწო, 1895 წელი).

<sup>4</sup> ბილწად გადაუყოფია სირყვას „ჭერარდისა და ტომიზე“ (ჭერარდო პერინისა და ტომაზო დეი კავალიეოიზე).

რილზე<sup>1</sup>, სადაც ყველაფერი, რაც მიქელანჯელოს წმიდათაწმიდა ჰქონდა: ღვთისმოსაობა, მეგობრობა, ღირსების გრძნობა, ლაფში ამოსვრილი და ფეხებზე გაქეპილი იყო, ამ წერილზე, რომლის წაკითხვაც მიქელანჯელოს არ შეეძლო ისე, რომ ზიზღით არ ეცინა და სიმწრით არ ეტირა, მხატვარს არაფერი უპასუხნია. უთუოდ გაიფიქრა ის, რაც მომწუსხველი ქედმაღლობით ხშირად უთქვამს თავის მტრებზე: „ბრძოლად არ ღირან, მათზე გამარჯვებას ფასი არა აქვსო“ — და როცა არეტინოსა და ბიაჯოს აზრმა მის „განკითხვის დღეზე“ გზა გაიკაფეს, არც სპასუხოდ, არც მათ გასაჩერებლად ხელი არ გაიზულა. არაფერი უთქვამს, როცა მის ქმნილებას „ლუთერანული ჰუქუკი“ უწოდეს<sup>2</sup>, არაფერი უთქვამს, როცა პავლე IV-მ მოინდომა ფრესკის ჩამოფხეკა<sup>3</sup>, არაფერი უთქვამს, როცა პაპის ბრძანებით დანიელ დე ვოლტერამ მის გმირებს „ნიფხავი ჩააცვა“<sup>4</sup>. მას აზრი ჰქონდა. რისხვა არ დასტყობია, მხოლოდ სიბრალული და ირონია ისმოდა მის ხმაში, როცა მიუგო: „უთხარით პაპს, რომ ეგ უმნიშვნელო ამბავია და ადვილად მოსაგვარებელიც; დე, მისმა უწმინდესობამ სამყაროს მოწესრიგებაზე იზრუნოს, ნახატის გასწორებას რა დიდი ჯაფა სჭირდება“. მან ზომ იკოდა, რა მგზნებარე რწმენით აღქურვილი ქმნიდა ამ ფრესკებს, ვიტორია კოლონას უბიწო სულის მფარველობის ქვეშ, მასთან რელიგიური საუბრებისას და შერცხვებოდა, თავისი გმირული იდეების უმანკო სიშიშველე ფარისეველთა და სულმდაბალთა ბილწი ეკვებისაგან რომ დაეცვა.

---

<sup>1</sup> შანტაეს რომ ეწევა, ამას არც მალავს: ამ შექარით აღსავსე წერილის ბოლოს, მას შემდეგ, რაც კანდიდად ახსენებს მიქელანჯელოს, საჩუქრებს რომ განოველი შენგან, როდის მომცემო, არეტინო პოსტსკრიპტუმად ურთავს: „ახლა, როდესაც ცოტა ჯავრი ვიყარე და დაგანახეთ, რომ თუკი თქვენა ხართ „ღვთაებრივი“ (divino), არც მე მეთქმის „წყალი“ (acqua), დახიეთ ეს წერილი, როგორც მე ვხევ და გადაწყვიტეთ“...

<sup>2</sup> ერთმა ფლორენციელმა, 1549 წელს (გვი, „მიმოწერა“, II, 500).

<sup>3</sup> 1596 წელს კლიმენტ VIII-საც განუზრახავს ჩამოფხეკა.

<sup>4</sup> 1559 წელს. დანიელ დე ვოლტერას ამ ამბის შემდეგ (braghiotone) „მე-ნიფხვე“ შეარქვეს. დანიელი მიქელანჯელოს მეგობარი იყო. მისი მეორე მეგობარი, მოქანდაკე ამანატო უძრახავდა ამდენი სიშიშველის გამოფენას. ასე რომ, ამ საქმეში მიქელანჯელოს მისმა შეგირდებმაც კი არ დაუპირეს მხარი.

სიქსტის ფრესკა რომ დაასრულა<sup>1</sup>, მიქელანჯელოს ეგონა, ახლა კი უფლება მაქვს იულიუს II-ის საფლავის ძეგლს დავუბრუნდო, მაგრამ გაუმაძღარმა პაპმა ისურვა, რომ სამოცდაათი წლის მოხუცს მისთვის პავლეს კაპელის ფრესკებიც მოეხატა<sup>2</sup>. ცოტას გაწყდა და საკუთარი კაპელის მოსართავად კინალამ იულიუს II-ის ძეგლისათვის განკუთვნილ ქანდაკებებსაც მოხვია ხელი. მიქელანჯელოს თავი ბედნიერად უნდა ჩაეთვალა, რომ ნება დართეს იულიუს II-ის მემკვიდრეებთან მეხუთე, უკანასკნელი კონტრაქტი დაედო. ამ კონტრაქტის თანახმად ყველა დამთავრებულ ქანდაკებას<sup>3</sup> ორ სხვა მოქანდაკეს მიანდობდა; ძეგლზე მუშაობას ისინი განაგრძობდნენ, მიქელანჯელო მათ ჯამაგირსაც გაუჩენდა და სამაგიეროდ ყველა სხვა ვალდებულებისაგან თავისუფლდებოდა.

მაგრამ მის ტანჯვას ბოლო მაინც არ უჩანდა. იულიუს II-ის მემკვიდრეები სასტიკად სდევნიდნენ და მოითხოვდნენ მისგან ფულს, ვითომდა უწინ რომ გადაეხადათ. პაპმა შემოუთვალა: მაგაზე ნუ ჯავრობ, მთელი შენი ძალ-ღონე პავლეს კაპელას მოახმარეო.

„კი მაგრამო, — უპასუხებდა მიქელანჯელო, — ხატავენ თავით და არა ხელებით; ვისაც გონება დაფანტვია, ვერაფერს გახდება და სახელს გაიტეხს, ამიტომ ვერაფერს შევქმნი ფასეულს, სანამ ეს საზრუნავი გამჩენია... მთელი ჩემი სიცოცხლე ამ საფლავის ძეგლზე ვიჯავ მიჯაჭვული; მთელი ჩემი ახალგაზრდობა ვცდილობდი ლეონ X-ისა და კლიმენტ VII-ის წინაშე თავი მემართლებინა; ჩემმა სინდისიერებამ მევე დამღუპა. ასე იაურვა ჩემმა ბედმა! მე ბევრი კაცი

---

<sup>1</sup> „განკითხვის დღე“ 1541 წლის 25 დეკემბერს გაიხსნა. ამ დღეს აქ მთელი იტალიიდან მოაწუნდა ხალხი. ბევრი საფრანგეთიდან, გერმანიიდან და ფლანდრიიდანაც ჩამოვიდა. — იხილეთ ამ ფრესკის აღწერა ჩემს წიგნში: „ხელოვნების ოსტატები“, გვ. 90—93.

<sup>2</sup> ეს ფრესკები („პავლე მოციქულის მოქცევა“ და „მარტვილობა წმ. პეტრესი“) მიქელანჯელოს 1542 წელს დაუწყო, მაგრამ ავადმყოფობამ მუშაობაში ორგზის (1544-46 წლებსა და 1549—1550 წლებში) შეუშალა ხელი. „ეს მისი უკანასკნელი ნახატები იყო, — ამბობს ვაზარი. — და ძალიანაც გაუჭირდა, რადგან ფერწერა, განსაკუთრებით ფრესკის ხატვა ძალიან მძიმე სამუშაოა მოხუცთათვის“.

<sup>3</sup> თავდაპირველად ეს უნდა ყოფილიყო „მოსე“ და „ორი მონა“, მაგრამ მიქელანჯელოს უფიქრია, რომ საფლავის ახალ ძეგლს „მონები“ აღარ შეუენოდა და ორი სხვა ფიგურა გამოუქანდაკებია: „ქმედითი ცხოვრება“ და „მკვრეტელობითი ცხოვრება“ („ლია“ და „რახილი“).

ვიცი ისეთი, ვინც ორი ან სამ-ათასი ეკიუს რენტა დაიგოვია: მე კი, ამ საშინელი ჭაფის შემდეგაც ისევე ღარიბად ვრჩები და ქურდობასაც აქეთ მემართლებიან!.. კაცთა წინაშე, ღვთის წინაშე-მეთქი, აღარ ვამბობ, თავი პატიოსან კაცად მიმაჩნია: არასოდეს მომიტყუებია ვინმე... ქურდი არა ვარ, მე კეთილშობილი მოქალაქე ვარ, სახელოვანი ოჯახი-შვილი... და როცა იძულებული ვარ ამ თაღლითებისაგან თავი დავიცვა, ჰკუა მერევა!“<sup>1</sup>

ავის მდომლები რომ ჩაეჩუმებინა, თავისი ხელით დაასრულა „ქმედითი ცხოვრება“ და „მკვრეტელობითი ცხოვრება“, თუმცა კონტრაქტი ამას არ ავალებდა.

ბოლოს, 1545 წლის იანვარს სან პიეტრო ინ ვინკოლიში იულიუს II-ის საფლავის ძეგლი, როგორც იქნა, გაიხსნა. მაგრამ პირვანდელი დიდებული ჩანაფიქრიდან რაღა დარჩა? მხოლოდ „მოსე“, ძეგლის ცენტრად ქცეული, თუმცა უწინ მარტო დეტალად იყო გამიზნული. ეს სასაცილო კარიკატურა იყო ბრწყინვალე გეგმისა!

მაგრამ ასე იყო თუ ისე, ბოლო მოედო ყველაფერს; მიქელანჯელომ თავიდან მოიშორა კოშმარი, მთელი სიცოცხლის მანძილზე მძიმე ლოდად რომ აწვა.

## II

### რ წ მ მ ნ ა

Signior mie caro, i' te sol chiamo e 'no!o  
Contra l' inutil mie cieco tormento!<sup>2</sup>

ვიტორიას სიკვდილის შემდეგ გულით უნდოდა ფლორენციას დაბრუნებულიყო, რათა „იქ დაემარხა თავის დაღლილი ძვლები, იქ, მამის გვერდით, სამუდამოდ განსასვენებლად“<sup>3</sup>. მაგრამ მას შემდეგ,

<sup>1</sup> ვილაც სასულიერო პირისადმი მიწერილი ბარათი (1542 წლის ოქტომბერი). (წერილები, მილანის გამოცემა, CDXXXV).

<sup>2</sup> უფალო ჩემო, დამიფარე, შენ გიხმობ მხოლოდ, მე უმწეო ვარ, მემუქრება ბრმა სატანჯველი (ლექსები, CXXXIII).

<sup>3</sup> მიქელანჯელოს წერილი ვაზარისადმი (1552 წ. 12 სექტემბერი).



რაც მთელი თავისი სიცოცხლე პაპების სამსახურს მოანდომა, მოისურვა, სიცოცხლის უკანასკნელი წლები ღვთის სამსახურში გაეტარებინა იქნებ მისმა მეგობარმა ვიტორიამაც წააქეზა ამისათვის და ვინ იცის, იქნებ მის უკანასკნელ სურვილსაც ასრულებდა. მართლაც, ვიტორიას სიკვდილამდე ერთი თვით ადრე, 1547 წლის პირველ იანვარს, მიქელანჯელო პავლე II-ის ბრძანებით წმ. პეტრეს ტაძრის პრეფექტად და მთავარ არქიტექტორად დანიშნა და უფლება მიეცა მთელი სამუშაოები თავისი ნება-სურვილისამებრ წარემართა. ძლივს დაიყოლიეს; პაპის დაჟინებამ როდი აიძულა სამოცდაათი წლის მოხუცი კისრად ელო ყველაზე უფრო მძიმე ტვირთი, რაც კი ოდესმე უტარებია. მან ამ საქმეში წმიდა მისია, ღვთიური ვალი დაინახა:

„ბევრს ჰგონია და მეც აგრე მწამს, რომ ამ ადგილზე ღვთის განგებითა ვარ დანიშნული, — წერდა იგი, — და მიუხედავად ჩემი ხანდაზმულობისა, არ მსურს ამ საქმეს თავი ვანებო, რადგან ღვთის სიყვარულით ვირჩები და მთელს ჩემს იმედებს მასზედ ვამყარებ“<sup>1</sup>.

ამ წმიდა საქმეში არავითარ გასამრჩელოს არ იღებდა.

უამრავი მტერიც გაიჩინა. ვადაიკიდა, ვაზარის თქმით, „სან ვალოს სექტა“<sup>2</sup>, მშენებლობის ადმინისტრატორები, მომმარაგებლები, ძოიჯარეები, რომელთა თაღლითობასაც გულდაგულ ამხელებდა. სან გალო კი ამგვარ რამეებზე მუდამ თვალს ხუჭავდა ხოლმე.

„მიქელანჯელომო. — ამბობს ვაზარი, — პეტრე მოციქულის ტაძარი ჭურღებისა და ავაზაკებისაგან იხსნა“.

მის წინააღმდეგ შეიქმნა კოალიცია. მისი მეთაური თავხედი ნანი დი ბაჩო ბიეიო იყო, არქიტექტორი, ვისაც ვაზარი ბრალად სდებს, მიქელანჯელო გაჭურღაო და ვინც თურმე მის ადგილს უმიზნებდა. ხმა დაარხიეს, მიქელანჯელოს არქიტექტურისა არაფერი გაეგება,

<sup>1</sup> მიქელანჯელოს წერილი ძმისწულ ლიონარდოსადმი (1557 წ. 7 ივლისი).

<sup>2</sup> ივლისისმეფე ანტონიო და სან გალო, ვინც 1537 წლიდან სიკვდილამდე (1546 წლის ოქტომბრამდე) წმ. პეტრეს ტაძრის მთავარ არქიტექტორად იყო. ეს კაცი მუდამ მტრობდა მიქელანჯელოს და ეს უკანასკნელიც მკაცრად მოეპყრო. პირველად ბორგოს (ვატიკანის უბნის) გამაგრების თაობაზე წაიკიდნენ, როცა 1545 წელს მიქელანჯელომ სან გალოს ვეგმა უარყო. უთანხმოება ჰქონდათ ფარანჯის სასახლის აგებისასაც; ეს სასახლე მესამე სართულამდე სან გალომ აიყვანა, შემდეგ მიქელანჯელომ დაასრულა. 1549 წელს ლავარდანი თავისებურად გააკეთა და მით თავისი მეტოქის პროექტი უკუაგდო (იხ. ტოდეს „მიქელანჯელო“).

უთავბოლოდ ფლანგავს ფულს და ტყუილად ანგრევს თავისი წინამორბედის ნამუშევარსო. მშენებლობის ადმინისტრაციული კომიტეტიც მიემხრო თავისი არქიტექტორის მტრებს, მიქელანჯელოს ეჭვით დაუწყო ცქერა და 1551 წელს პაპის მეთაურობით მისი საქმიანობის საჯაროდ გამოძიებას შეუდგა. ზედამხედველები და მუშებიც მოვიდნენ სამსჯავროში და კარდინალების სალვიატისა და ჩერვინისაგან<sup>1</sup> წაქეზებულებმა მიქელანჯელოს წინააღმდეგ მისცეს ჩვენება. მიქელანჯელომ თავის მართლებაც კი არ იკადრა: ყოველგვარ კამათზე უარს ამბობდა: „მე მოვალე არა ვარ,—უთხრა კარდინალ ჩერვინის,—ანგარიში ჩაგაბაროთ თქვენ ანდა სხვა ვინმეს, რას ვაკეთებ. ან რის გაკეთებას ვაპირებ. თქვენი ვალია დანახარჯს ადევნოთ თვალყური, დანარჩენი კი მე მეხებაო“<sup>2</sup>. უზომო სიამაყე არასოდეს აძლევდა ნებას ვინმესთვის გაენდო თავისი გეგმები. მუშები რომ ჩივილს მოჰყვებოდნენ, ასე მიუგებდა: „თქვენი საქმე ქვის თლა, აგურის აგურზე დაწყობა და დურგლობაა. მაგას მიხედეთ და ბრძანებები შეასრულეთ. რაც შეეხება იმის ცოდნას, თუ რა მაქვს განზრახული, ამას ვერასოდეს შეიტყობთ, ეს ჩემი ღირსების შებღალვა იქნებაო“<sup>3</sup>.

იმ ზიზღს, ასეთი მოპყრობა რომ იწვევდა, იგი წამითაც ვერ გაუძლებდა პაპების მხარდაქერა რომ არა<sup>4</sup>. ამიტომ, როდესაც იულიუს III გარდაიცვალა<sup>5</sup> და პაპის ტახტზე კარდინალი ჩერვინი დაჯდა, მიქელანჯელოს კინდამ რომიდან წასვლა მოუხდა. მაგრამ მარსელ II

---

1 მომავალი პაპი მარსელ II.

2 ვაზარი.

3 ბოტარი.

<sup>4</sup> 1551 წლის გამოძიების ბოლოს მიქელანჯელო მიუბრუნდა იულიუს III-ს, რომელიც კრებას თავმჯდომარეობდა და უთხრა. „წმიდა მამო, ხომ ხედავთ, როგორია ჩემი სარგებელი. თუ ეს უსიამოვნებანი, რომელთაც განვიცილო, ჩემს სულსაც არ წააღდა, ამაოდ გყარავდ ღროსა და ენერჯიას“. მაშინ პაპმა, რომელსაც იგი უყვარდა, მხარზე დაადო ხელი და შესძახა: „ორმაგად იგებ, სულისთვისაც და ხორცისთვისაც, ნურათერისა გეშინიაო“ (ვაზარი).

<sup>5</sup> პაპულე III 1549 წლის 10 ნოემბერს გარდაიცვალა; იულიუს III, ვისაც მასავით უყვარდა მიქელანჯელო, პაპის ტახტზე 1550 წლის 8 თებერვლიდან 1555 წლის 28 მარტამდე იჯდა. კარდინალი ჩერვინი პაპად მარსელ II-ის სახელით 1555 წლის 9 აპრილს იქნა არჩეული, მაგრამ მან მხოლოდ რამდენიმე დღე გასძლო; 1555 წლის 23 მაისს იგი პაპულე IV კარაფამ შესცვალა.

მხოლოდ მციოე ხნით იყო პაპად, მალე იგი პაველ IV-მ შესცვალა და მიქელანჯელომაც, რაკი კვლავ უზენაესი მფარველი დაიგულა, ისევ განაგრძო ბრძოლა. თავს პატივყარილად მიიჩნევდა, სასუფეველში მოხვედრის იმედიც გარდაუწყებოდა, სამუშაოსათვის თავი რომ მიენებებინა.

„ეს საქმე ჩემივე ნების წინააღმდეგ ამკიდეს, — ამბობდა იგი, — უკვე რვა წელია ვმუშაობ და ამაოდ დავშვერ. საშინლად დავიქანცე და ყველა მტრად გადავიკიდე. ახლა, როცა მშენებლობის საქმემ, ასე თუ ისე, წინ წაიწია და ჯერი ლამის გადახურვაზე მიდგა, რომიდან ჩემი წასვლა დიდი თავის მოკრა და ამდენი ნაშრომის წყალში ჩაყრა იქნებოდა, რაც ჩემს სულს მძიმე ცოდვად დააწება“<sup>1</sup>.

მაგრამ მტრები არ ცხრებოდნენ და ბრძოლამ ერთხანს ტრაგიკული ხასიათიც კი მიიღო. 1563 წელს მიქელანჯელოს უერთგულესი თანაშემწე, პიერ ლუიჯი გაეტა ყალბი ბრალდების საფუძველზე ციხეში ჩასვეს. მშენებლობის უფროსს ჩეზარე და კასტილდურანტეს კი ხანჯლით გაუბეს გული. მიქელანჯელომ ამ გამოწვევას იმით უპასუხა, რომ ჩეზარეს ნაცვლად თავის ქურდობაზეშამებული თანაშემწე გაეტა დანიშნა. აღმინისტრაციულმა კომიტეტმა გააგდო გაეტა და მის ადგილას მიქელანჯელოს მოსისხლე მტერი ნანი დი ბაჩო ბიეიო დასვა. განარისხებულ მიქელანჯელოს ფეხი აღარ მიუღდამს მშენებლობაზე. ხმა დაირხა, მიქელანჯელო უარს ამბობს უფროსობაზეო და კომიტეტმა მის თანამდებობაზე ნანი დანიშნა, რომელმაც მყისვე თავის გუნებისად იწყო მუშაობა. ეგონა, ოთხმოცდარვა წლის ავადმყოფი და მომაკვდავი მოხუცი გაბეზრდებოდა და დანებდებოდა, მაგრამ თავის მოწინააღმდეგეს არ იცნობდა. მიქელანჯელო მაშინვე წავიდა პაპის სანახავად და დამეუქრა, რომიდან წავალ, თუ სამართალს არ გამიჩენთო. მერე ხელახალი გამოძიება მოითხოვა, ამხილა ნანის უუნა-

---

<sup>1</sup> მიქელანჯელოს წერილი ლიონარდოსადმი (1555 წლის 11 მაისს). მაგრამ მეგობართა შენიშვნებით გულმოკლულმა 1560 წელს მაინც ითხოვა „განთავისუფლებინათ ამ მძიმე ტვირთისაგან, რომელსაც აგერ უკვე ჩვიდმეტი წელია, უსასყიდლოდ ატარებდა“. მაგრამ მისი გადაადგომა არ ისურვეს და პიუს IV-მ სპეციალური ბრევეთი კვლავ განახლა მისი ძალაუფლება. სწორედ იმხანად კავალიერის დაკონებული თხოვნით მიქელანჯელომ თაღის ხის მოდელის გაკეთება გადაწყვიტა. მანამ მთელ თავის გეგმებს გულში ინახავდა და ძეხორციელს არ ანდობდა.

რობა და სიკრუე და გააგდებინა იგი<sup>1</sup>. ეს მოხდა 1563 წლის სექტემბერს, მის სიკვდილამდე ოთხი თვით ადრე. ასე უკანასკნელ წუთამდე ეომებოდა შურსა და მტრობას.

ნუ შევიბრალებთ, მან კარგად იცოდა თავის დაცვა და მომაკვდავსაც შესწევდა უნარი სხვის დაუხმარებლად, როგორც ოდესღაც თავის ძმას, ჯოვანე სიმონეს სწერდა, „ათასობით ასეთი არამზადანათვის მოეგრიხა კისერი“.

\* \* \*

წმ. პეტრეს უზარმაზარი ტაძრის გარდა ცხოვრების მიწურულში სხვა არქიტექტურული სამუშაოებიც მრავლად ჰქონდა: მუშაობდა კაპიტოლიუმზე<sup>2</sup>, სანტა მარია დელი ანჯელის ეკლესიაზე<sup>3</sup>, სან ლორენცოს კიბეზე<sup>4</sup>, პორტა პიასა და მეტადრე სან ჯოვანის ეკლესიაზე ფლორენციისათვის, რომელიც მის უდიდეს პროექტთაგან უკანასკნელი და უწინდელეებივით უიღბლო იყო.

ფლორენციელებმა სთხოვეს მათდა სადიდებლად რომში ეკლესია აღემართა; თვით ჰერცოგმა კოზიმომ მოსწერა ლიქნით აღსაესე ბართი და მიქელანჯელოც, ფლორენციის სიყვარულით ფრთაშესხმული, ახალგაზრდული ენერგიით შეუდგა საქმეს<sup>5</sup>. თანამემამულეებს შეუთვალა: თუ ჩემს გეგმას განახორციელებთ, არც რომაელებს, არც ბერძნებს არაფერი ექნებათო ამის ბადალი. ასეთი სიტყვები, ვაზარის თქმით, „არც მანამ, არც მერე არ ამოსულა მისი პირიდან, რადგან მეტისმეტად მოკრძალებული იყო“. ფლორენციელებმა უცვლელად მიიღეს ეს გეგმა. მიქელანჯელოს მეგობარმა, ტიბერიო კალკანიმ

<sup>1</sup> მაგრამ ამ ნაწილ მიქელანჯელოს სიკვდილის მეორე დღესვე სთხოვა ჰერცოგ კოზიმო მედიჩის, წმ. პეტრეს ტაძრის მთავარი არქიტექტორის თანამდებობა აწი მე მომეცითო.

<sup>2</sup> მაგრამ მიქელანჯელო მარტო კიბეებისა და მოედნის აგებას მოესწრო. კაპიტოლიუმის მშენებლობა მხოლოდ მეჩვიდმეტე საუკუნეში დასრულდა.

<sup>3</sup> მიქელანჯელოს ეკლესიიდან ახლა აღარაფერი დარჩა; იგი მთლიანად იქნა რეკონსტრუირებული მეთვრამეტე საუკუნეში.

<sup>4</sup> მიქელანჯელოს მოდელი ქვისაგან გააკეთეს და არა ხისაგან, როგორც აეტორს სურდა

<sup>5</sup> 1559 — 1560 წლებში.

მისი ხელმძღვანელობით ტაძრისათვის ხის მოდელი გააკეთა. „თავისი სილამაზით, სიმდიდრითა და ბრავალფეროვნებით, ეს იმდენად საუცხოო ნიმუში იყო ხელოვნებისა, რომ თავის დღეში არავის ენახა მსგავსი რამ. მშენებლობაც დაიწყო, 5000 სკუდო დახარჯეს; მერე ფული შემოაკლდათ. ყველაფერს თავი ანებეს და საქმეც ამით დასრულდა. მიქელანჯელო მეტად დაამწუხრა ამ ამბავმა“<sup>1</sup>. ტაძარი ვეღარ აშენდა და მოდელიც გაქრა.

ასე გაუტრუვდა მიქელანჯელოს უკანასკნელი შემოქმედებითი იმედი და ვინ დაუდგებოდა თავდებად მომაკედავს, რომ წმ. პეტრეს ძლივს დაწყებულ ტაძარს ოდესმე აიგებოდა და რომ რომელიმე მისი ქმნილება მასზე უფრო დღეგრძელი გამოდგებოდა. ნება რომ მიგეცათ, იქნებ თავადაც დაენგრია ყველაფერი. მისი უკანასკნელი ქანდაკების, ფლორენციული ტაძრისათვის განკუთვნილი „ჯვრიდან გარდმობხსნის“ ბედი გვიჩვენებს, თუ რა მწარედ ჰქონდა ჩაქნეული ხელი ხელოვნებაზე; და თუკი მაინც განხაგრძობდა ქანდაკებას, ხელოვნებისადმი რწმენა კი არ ამოქმედებდა, ღვთის რწმენა ამოძრავებდა და კიდევ ის, რომ „მის გონებასა და ძალას არ შეეძლო არ ემოქმედნა“<sup>2</sup>. მაგრამ, როგორც კი დაასრულა ნამუშევარი, დამტვრევა მოუწოდოდა<sup>3</sup>. „მთლად დაამსხვრედა, მის მსახურს, ანტონიოს რომ არ მიესწრო და არ ეთხოვა, მე მაჩუქეთო“<sup>4</sup>.

სიკვდილის წინ თავის ქმნილებებს მიქელანჯელო ასე გულგრილად ეკიდებოდა.

---

1 ვაზარი.

2 იქვე. ეს ქანდაკება 1553 წელს დაიწყო. იგი ყველაზე უფრო ამაღლებულია მის ქმნილებათაგან, რადგან ყველაზე უფრო ახლო იყო მის გულთან: იგრძნობა, რომ აქ მხოლოდ თავისთვის ლაპარაკობს, თავისთვის იტანჯება და ნებდება კიდევ ამ ტანჯვას. უნდა ითქვას ისიც, რომ მას თითქოს თავის თავი ჰყავს გამოყვანილი იმ მწუხარებასთან მოხუცში, რომელსაც ქრისტეს სხეული უჭირავს.

3 1555 წელს.

4 ანტონიოსაგან ეს ქანდაკება ტიბერიო კალკანიმ იყიდა და მიქელანჯელოს მისი აღდგენის ნებართვა სთხოვა. მიქელანჯელო დათანხმდა, კალკანიც შეუდგა საქმეს, მაგრამ სიკვდილმა მოუწყო და ხაწარმოები ისევ დაუსრულებელი დარჩა.

ვიტორიას სიკვდილის შემდეგ არც ერთ დიდ გრძნობას არ გაუშუქებია მისი ცხოვრება. სიყვარული გაჰკრა, წავიდა:

*Fianza d'amor nel cor non in'e rimasa.*

*Se'l maggior caccia sempre il minor duolo*

*D penne l'alm' ho ben tarpal' et rara*

ჩემს სულში ცეცხლი სიყვარულის აღარ გიზგიზებს,

სხვა ღირს აქობა უფრო მეტმა ღირსმა—სიბუკმა,

მე დავიკერი ჩემი სულის გაშლილი ზრთები!

დაკარგა ძმები: უახლოესი მეგობრებიც დაეხოცა. ლუიჯი დელ რიჩო 1546 წელს გარდაიცვალა, სებასტიანო დელ პიომბო—1547 წელს, მისი ძმა ჯოვანი სიმონე — 1548 წელს. უმცროს ძმასთან, ჯისმონდოსთან, რომელიც 1555 წელს გარდაიცვალა, მაინცდამაინც ანლო ურთიერთობა არასოდეს ჰქონია და მთელი თავისი სიბოროტობა და სინანულადობა დაობლებულ ძმისწულებზე, უსაყვარლესი ძმის ბუონაროტოს ქალვაჯზე: ჩეკასა (ფრანჩესკასა) და ლიონარდოზე გადაიტანა. გოგონა მონასტერში შეიყვანა, ყოველმხრივ გამოაწყო, მისი სწავლის ფულს იხდიდა და როცა ყმაწვილქალს გათხოვების დრო დაუდგა<sup>2</sup>, მზითვად ერთ-ერთი თავისი მამული მისცა<sup>3</sup>. ლიონარდო მამის სიკვდილის შემდეგ ცხრა წლისა დარჩა და მიქელანჯელომ მისი სწავლა-აღზრდის საქმე თავად იკისრა. დიდძალი წერილები, ბეთჰოვენის მიერ ძმისწულისადმი მიწერილ ბარათებს რომ გვაგონებს, გვიჩვენებს, თუ რა სერიოზულად ეკიდებოდა მიქელანჯელო თავის „მამობას“<sup>4</sup>. ხშირად უცნაური ბრაზიც შეიპყრობდა, რადგან ლიონარდო ბიძის მოთმინებაზე თამაშობდა; ეს მოთმინება კი, როგორც ჩანს, მაინცდამაინც დიდი არ ყოფილა. ბიჭის ცუდი ხელი კმაროდა მის გასაცოფებლად, ამაში მისდამი უპატივცემლობას ხედავდა.

<sup>1</sup> ლექსები, LXXXI (დაახლ. 1550 წელს). მაგრამ ზოგიერთი ლექსი, უკიდურესი მოხუცებულობის ეპოს დაწერილი, მოწმობს, რომ ცეცხლი მთლად ისე ჩამქრალი არ ყოფილა, როგორც მას ეგონა და რომ „ძველ, დანახშირებულ ჭირკს“ ალი ზანდახან ისევ შემოეგზნებოდა.

<sup>2</sup> 1538 წელს იგი მიქელ დი ნიკოლო გვიჩარდინის გაჰყვა ცოლად.

<sup>3</sup> პოპოლაციკოს მახლობლად მდებარე მიწა.

<sup>4</sup> ეს მიმოწერა 1540 წელს დაიწყო.

„შენგან ერთი ბარათიც კი არ მიმიღია, რომ წაკითხვამდე სიცხემ არ ამიწიოს. არ ვიცი, სად ისწავლე ასეთი წერა!.. სულ არ გიყვარვარ!.. მე მგონი, ქვეყნად უღიღეს ბრიყვს რომ სწერდეს, მაშინაც კი მეტ გულისყურს გამოიჩინებოდა. შენი უკანასკნელი წერილი ცეცხლს მივეცე, რადგან ვერ მოვახერხე მისი წაკითხვა; თუ გსურს რამე შემატყობინო, იპოვე ვინმე ისეთი, ვინც წერა იცის, რადგან მე ჩემი გონება სხვა რამისათვის მჭირდება და არ შემიძლია დრო უქმად ვეარგო შენი ბატიფეხურის ამოსაკითხად“<sup>1</sup>.

გონებით უნდოს, კიდევ უფრო ეჭვიანი რომ გახადა ძმათა გაუტანლობამ, ძმისწულის სიყვარულისა მაინცდამაინც არ სჯეროდა. სულ ეჩვენებოდა, რომ მასზე მეტად მისი ქისა უყვარდა, ლიონარდომ ავი იცოდა, რომ ბიძის მემკვიდრეობა მას დარჩებოდა. მიქელანჯელოს ეს ხშირად პირშიაც უთქვამს მისთვის. ერთხელ, როცა ავადმყოფობამ დარია ხელი და სიკვდილის პირას იყო მისული, გაიგო, რომ ლიონარდო სასწრაფოდ ჩამოსულა რომში და სამარცხვინო თათბირი გაუმართავს მის ნოტარიუსთან. გულმოსულმა ძმისწულს მრისხანებით აღსავსე წერილი მისწერა:

„ლიონარდო! მე ავად ვიყავ, შენ კი სერ ჯოვანი ფრანჩესკოსთან გაქცეულხარ, რომ გენახა, მემკვიდრეობად რა გრჩებოდა. განა ფლორენციაში რომ ფულს გიგზავნი, არ გყოფნის? მაგრამ არ შეგიძლია შენს ჯილაგს უღალატო და მამაშენის ევალს არ გაჰყვე, მამიშენისა, ვინც ფლორენციაში საკუთარი სახლიდან გამომაგდო. იცოდე, ისეთი ანდერძი დავწერე, რომ თავის დღეში ვერაფერს მიიღებ ჩემგან. თვალთ აღარ დამენახო, ღმერთი იყოს შენი მფარველი და წერილსაც ნუღარასოდეს მომწერა!“<sup>2</sup>.

ასეთი რისხვა სულაც არ აკრთობდა ლიონარდოს, რადგან მას ჩვეულებრივ ალერსიანი წერილები და საჩუქრები მოსდევდა<sup>3</sup>. ერთი

<sup>1</sup> „...Stare a spasmare intorno alle tue lettere“ (წერილები, 1536 — 1548 წწ.).

<sup>2</sup> 1544 წლის 11 ივლისით დათარიღებული ბარათი.

<sup>3</sup> პირველად თვითონვე მისწერა ძმისწულს, როცა 1549 წელს ავადმყოფობამ დარია ხელი, რომ ანდერძში მისი სახელი შეჰქონდა. ანდერძში ნათქვამია: „ყველაფერს, რაც გამაჩნია, შენა და ჯისმონდოს გიტოვებთ. ის ძმა ჩემი, შენ ძმისწული ხარ, ორივეს თანაბარი უფლებები გაქვთ და არც ერთს არ შეგეძლებათ ხელყოთ ჩემი ქონება ისე, თუ მეორის თანხმობაც არ იქნა“.

წლის შემდეგ იგი ისევ გამოქანდა ფლორენციიდან; ამჯერად ბიძის დანაპირებმა 3 000 ეკიუმ მოიზიდა. მიქელანჯელოს საწყენად დარჩენია ეს ანგარებიანი სისწრაფე:

„თვალის დახამხამებაში რომში გაჩნდი. არ ვიცი, ასე სასწრაფოდ თუ ჩამოხვიდოდი, უციდურეს სილატაკეში რომ გეგულებოდე და ლუქმა-პური მაკლდე! შენ ამბობ, ჩემი ვალი იყოო ჩამოსვლა; ამას თურმე ჩემდამი სიყვარული გაეალებს. დიახ, ჩემი ქისის სიყვარული! მე რომ გყვარებოდი, მომწუიდი, ბიძაჩემო, ეგ 3 000 ეკიუ შენს თავს მოახმარე, თქვენი სიცოცხლე ჩვენთვის ყოველგვარ ქონებაზე უფრო ძვირფასია. ჩვენ რაც მოგვეცი, ისიც საკმარისიაო. მაგრამ აგერ უკვე 40 წელია, რაც ყველანი ჩემს ხარჯზე ცხოვრობთ და თქვენგან ერთი კეთილი სიტყვაც არ მახსოვს“<sup>2</sup>...

მეტად მნიშვნელოვან საკითხად იქცა ლიონარდოს დაქორწინება. ამ საქმეს ბიძა-ძმისწულმა ექვს წელზე მეტი ხანი მოანდომა<sup>3</sup>. ლიონარდო ხათრს არ უტეხდა ბიძას, რომლის მემკვიდრეობაც უნდა დარჩენოდა და მის ყველა რჩევას ითვალისწინებდა; არჩევანიც მას მიანება. მისთვის თითქოს სულერთი იყო. მიქელანჯელო კი პირიქით, დიდ აქტივობას იჩენდა და ისე იყო გატაცებული, თითქოს ცოლს ძმისწული კი არა, თავად ირთავდა. ქორწინებას სერიოზულ საქმედ თვლიდა: „აჩქარება არ ეგების, გულისთქმას ნუ აპყვებო“<sup>4</sup>. მაინცდამაინც არც ქონებას დაეძებდა. მხოლოდ იმაზე ზრუნავდა, რომ საცოლე ჯანმრთელი და კარგი ოჯახიშვილი ყოფილიყო. უხეშ, საქმიან, პოეტურობას მოკლებულსა და წინდახედულ რჩევას იძლეოდა:

„ქორწინება სერიოზული საქმეა; გახსოვდეს, რომ ცოლ-ქმარს შორის ათი წლის სხვაობა მაინც უნდა იყოს. ეცადე, რომ შენი რჩეული მარტო კეთილი კი არა, ჯანმრთელიც იყოს. აქ ვილაც-ვილაცებზე ჩამომიგდეს სიტყვა. ზოგი მათგანი მომეწონა, ზოგი კი — არა. თუ შენც გიფიქრია ამ საკითხზე, მომწერე, რომელს აძლევ უპირატესობას. მეც ჩემს აზრს მოგაწვდენ. რომელიც გინდა, აირჩიე, ოღონდ ზრდილი და კეთილშობილი იყოს. დიდმზითვიანს ისევ უმზითვო

<sup>1</sup> „L'amore del tarlo“.

<sup>2</sup> 1546 წლის 6 თებერვალი. იგი დასძენს: „თუმცა შარშან ისე დაგტუქსე, რომ შეგრცხვა და ერთი კასრი ტრებინული ღვინო გამომიგზავნე. ო, როგორ დიხარჯე!“

<sup>3</sup> 1547 წლიდან 1553 წლამდე.



გერჩიოს, რომ დაწყნარებულად იცხოვროთ...<sup>1</sup> ერთმა მანდაურმა კაცმა მითხრა, ჭინორის ქალს ურიგებენო და დასძინა, რომ ეგ ასული მოგწონს. მე კი არ მომწონს, რომ ისეთი ქალის შერთვა გინდა, რომლის მამაც შვილს არ მოგცემდა, საკადრისი მზითევის გაცემა რომ შეეძლოს. მე მინდა ქალი შენ გამოგატანონ და არა შენს ქონებას... შენ მხოლოდ ის უნდა ეცადო, რომ სულით და ხორციით ჯანმრთელი შეგვხედეს, კარგი სისხლი ჰქონდეს და არც ავი ზნისა იყოს... ამას გარდა, დედ-მამა ვინა ჰყავს, ისიც უნდა გამოიძიო, რადგან ამასაც დიდი მნიშვნელობა აქვს. გაისარჯე და ისეთი ცოლი შეირთე, რომ თუ დასჭირდა, კერძის მომზადება და გარეცხვაც არ ითაკილოს და შინაურობაშიც გამოსადეგი იყოს. სილამაზეს კი, რაკი თავადაც ფლორენციის ულამაზესი ჰაბუკი არ ბრძანდები, თუ ქალს ფიზიკური ნაკლი არ ექნა, მაინდამაინც ნუ გამოეკიდები, ოღონდ მთლად გონჯსაც კი ნუ მოიყვან“<sup>2</sup>.

დიდი ძებნის შემდეგ ეტყობა მიაგნეს ამ უცხო ფრინველს, მაგრამ ბოლო წუთს მასაც უპოვეს ნაკლი: ქალი ბეცი ყოფილიყო.

„გავიგე, რომ ბეცი ყოფილა. ეს კი, ჩემის აზრით, პატარა ხინჯი როდია. მე ჯერ სიტყვა არ მიმიცია და რაკი შენც არაფერს შეპირებიხარ, თუ ეგ ამბავი დადასტურდა, ჩემის აზრით, სჯობს საერთოდ უარი ვუთხრათ“<sup>3</sup>.

ლიონარდოს იმედი გადაუწყდა. უკვირს კიდევ, რომ ბიძამისს დაჟინებით სურს მისი დაქორწინება.

„მართლაც გულით მინდა, — პასუხობს მიქელანჯელო, — ეგ იმიტომ, რომ ჩვენი გვარი ჩვენს შემდეგ არ გადაშენდეს. კარგად ვიცი, ამით სამყარო არ დაიქვევა, მაგრამ, ბოლოს და ბოლოს, ყველა სულ-

---

<sup>1</sup> და სხვაგან: „ფულს ნუ დაეიებ, მხოლოდ სიკეთესა და სახელს მისდიე... ისეთი ცოლი უნდა გვავედეს, რომ მულამ მხარში გედგას, შენი მორჩილი იყოს და უსიამოვნებას არ შეგამთხოვოს. ქორწილებსა და ქეიფებს გადაყოლილიც ნუ იქნება, რადგან ეგ ისეთი ადგლებია, სადაც ქალებს ეარშიყებიან და ადვილი შესაძლებელია კიდევაც გაირყვნენ (diventar pullana), მეტადრე მაშინ, თუ ყურს არავენ დაუგდებს...“ (წერილები, 1549 წლის თებერვალი).

<sup>2</sup> „...Storpiata o shifa“... (წერილები, 1547—1552 წწ.).

<sup>3</sup> 1551 წლის 19 დეკემბერს მიწერილ ბარათში.

დგმული თავისი მოდგმის გამრავლებასა ცდილობს. აი, რატომ მინდა შენი ცოლის შერთვა“<sup>1</sup>.

ბოლოს თვითონაც დაიღალა; უკვე სასაცილოდ მიაჩნია, რომ ძმისწულის ქორწინებაზე მარტო თვითონ ზრუნავს, ლიონარდო კი ისე იქცევა, თითქოს ამ ამბავს აინუშშიც არ აგდებდეს. გულმოკლული ამბობს, ამას იქით აღარც მე ჩავერევიო.

„აგერ უკვე სამოცი წელია, რაც თქვენზე ვზრუნავ, ახლა უკვე მოვხუციდი და ჩემს საქმეებსაც უნდა მივხედო“. სწორედ ამ დროს გაიგო, რომ მისი ძმისწული კასანდრა რიდოლფიზე დანიშნულა. მის სიხარულს საზღვარი არა აქვს. ულოცავს ძმისწულს, საჩუქრად 15 000 ლუკატს ჰპირდება. ლიონარდო ჯვარს იწერს<sup>2</sup>. მიქელანჯელო მოლოცვის ბარათს უგზავნის ახლადდაქორწინებულთ და კასანდრას მარგალიტის ყელსაბამს აღუთქვამს. სიხარული მაინც არ უშლის ხელს გააფრთხილოს ძმისწული: „თუმცა მაგ საქმეში ბევრი არაფერი გამეგება, მაინც, ჩემის აზრით, სჯობს ცოლის მოყვანამდე ზედმიწევნით მოაგვარო ფულის საკითხი, რადგან განხეთქილების თესლი მუდამ აქ იმალება“, და ამ სახუმარო რჩევით ამთავრებს: „ეხლა კი ეცადე, სიამტებილობით იცხოვროთ და გახსოვდეს, რომ ქვრივი დედაკაცები უფრო მეტნი არიან ქვეყნად, ვიდრე ქვრივი მამაკაცები“<sup>3</sup>.

ორი თვის შემდეგ ნაცვლად აღთქმული ყელსაბამისა, კასანდრას ორ ბეჭედს უგზავნის: ბრილიანტისთვლიანსა და ლალისთვლიანს. კასანდრა მადლობის ნიშნად რვა პერანგს უგზავნის. მიქელანჯელო სწერს:

„ლამაზი პერანგებია; განსაკუთრებით ტილო მომწონს, მაგრამ ვჯავრობ, რომ ასე დაიხარჩენით. მე არაფერი მაკლია. მადლობა გადაეცი კასანდრას ჩემგან და უთხარი, რომ არაფერში დაეზარდები და თუ რამ წერილმანი სჭირდება, უეჭველად გამოვეუგზავნი რომაულ ან სხვა ნაკეთობას. ამჯერად მხოლოდ მცირედ მოსაკითხს გიგზავ-

---

<sup>1</sup> და იქვე დასძენს. „მაგრამ თუ ჩანრთელობის საქმე მთლად კარგად ვერა გაქვს, სჯობს ისევ მარტობაში მოკვდე და ქვეყნად უბედურები აღარ მოამჩაელო“. (წერილები, 1552 წლის 24 ივნისი).

<sup>2</sup> 1553 წლის 16 მაისს.

<sup>3</sup> წერილები, 1553 წლის 20 მაისი.

ნით: სხვა დროს უყეთესს მოგართმევთ, ისეთს რასმე, რაც კასანდრას სიაშეს მოგვრის, ოლონდ მაცობებ, რა უფოო უნდა<sup>1</sup>.

მალე ბავშვებიც გაჩნდნენ: პირველს მიქელანჯელოს სურვილისამებო ბუნაროტო უწოდეს<sup>2</sup>, მეორეს მიქელანჯელო დაარქვეს<sup>3</sup>, მაგრამ ბალდი დაბადებიდან სულ მალე გარდაიცვალა. მოხუცი ბიჭა 1556 წელს თავისთან იწვევს ახალგაზრდა ცოლ-ქმარს, მას მერეც მხურვალე მონაწილეობას ღებულობს ოჯახის კირსა და ლხინში, მაგრამ არასოდეს აძლევს ნებას თავისიანებს, რომ მის საქმეებში ჩაერონ ან თუნდაც მისი ჯანმრთელობის ამბავს მიხედონ.

\* \* \*

ამ მოყვრებს გარდა მიქელანჯელოს სახელოვანი და რჩეული მეგობრებიც მრავლად ჰყავდა<sup>4</sup>. მიუხედავად მისი ველური ბუნებისა,

<sup>1</sup> 1553 წლის 5 აგვისტოს მიწერილ ბარათში.

<sup>2</sup> დაიბადა 1554 წელს.

<sup>3</sup> დაიბადა 1555 წელს.

<sup>4</sup> უნდა განვსახვავოთ მისი ცხოვრების პერიოდები. ხანგრძლივი ცხოვრების მანძილზე გარს მარტოობის უდაბნოც ხშირად ერტყა, მაგრამ შიგადაშიგ მეგობრობის პერიოდებიც ჰქონდა. ასე მაგალითად, 1515 წელს რომში ფლორენციელთა პატარა წრეში ტრიალებდა, რომელიც თავისუფალი, მხიარული და სმა-ქამის მოყვარული ხალხისაგან შედგებოდა. ამ ჯგუფში შედიოდნენ: დომენიკო ბუონინსენი, სარაჯი ლიონარდო, ჯოვანი 'აკეციალე, ბარტლომეო ვერაცანო, ჯოვანი ჯელეზი, კანიჩიანი. ცოტა მოგვიანებით, კლიმენტ VII-ის პაპობის ეამს, თავისი კვეთით სახელგანთქმულ ფრანჩესკო ბერნისა და ფრა სებასტიანო დელ პიომბოს მეგობრობდა. პიომბო იყო ერთგული, მაგრამ სახიფათო მეგობარი, რომელსაც მოჰქონდა ყოველგვარი კორები, რაც მიქელანჯელოს ირგვლივ ტრიალებდა და ხელოვანს რეფუალის პარტიის წინააღმდეგ საბრძოლველად აქებდა. განსაკუთრებით საგულისხმოა ვიტორია კოლონასთან მეგობრობის ეამს გაჩენილი ამხანაგი — ლეიჯი დელ რიჩო, ფლორენციელი ვაჟარი, რომელიც რჩევა-დარიგებას აძლევდა საქმეებში და მისი უახლოესი მეგობარი შეიქნა. მასთან ხედებოდა მიქელანჯელო დონატო ჯანოტის, მუსიკოს არკადელტსა და მშვენიერ ჩეკინოს. ოთხივეს ერთნაირად უყვარდა პოეზია, მუსიკა და გემრიელი კერაქები. სწორედ ჩეკინოს სიყვდილით სასოწარკვეთილი ჩიჩოსათვის დაწერა მიქელანჯელომ ორმოცდარვა სამგლოვიარო სიკვრამა და ყოველი ეპიგრამის საპასუხოდ რიჩო მას კალმახებს, მტრედებს, სიკვრებს, ტრუფელებს, ნესესა და სხვა ნუგბარ საქმეებს უგზავნიდა. (იხ. ფრეის გამოცემული „ლექსები“, LXXIII). 1546 წლის შემდეგ, როცა რიჩო გარდაიცვალა, მიქელანჯელოს მეგობრები აღარ ჰყოლია, მაგრამ ჰყავდა მოწაფეები: ვაზარი, კონდივი, დანიელ დე ვოლტერა. ბრონიზინო, ლონე ლონი, ბენევენტო ჩელინი. მოწაფეები აღმერთებდნენ და თვითონაც მათდამი გულითადობასა და სიყვარულს იჩენდა.

სრული სიყალბე იქნებოდა, რომ იგი ბეთჰოვენივით დუნაისპირა გაუთლელი გლეხის მსგავსად წარმოგვედგინა. მიქელანჯელო იტალიელი არისტოკრატი იყო, მაღალი კულტურისა და ზვიადი გვარის კაცი და სიყრმიდანვე, სან-მარკოს ბაღში, ლორენცო მშვენიერის გვერდით რომ გაატარა, მუდამ გარშემორტყმული იყო იმით, რაც კი იტალიას საუკეთესო გააჩნდა და რათაც შეეძლო თავი მოეწონებინა: ახლო ურთიერთობაში იყო დიდებულებთან, მთაერებთან, პრელატებთან<sup>1</sup>, მწერლებთან<sup>2</sup>, არტისტებთან<sup>3</sup>. გონებამახვილობაში ეჯიბრებოდა პოეტ ფრანჩესკო ბერნის<sup>4</sup>, ბენედიტო ვარკისთან მიმოწერა ჰქონდა გა-

---

<sup>1</sup> რელიგიური აზრის სიმძაფრისა და თავისი თანამდებობის წყალობით ვატო-  
კანში მეტად ახლოს იყო კათოლიკური ეკლესიის ბევრ გამოჩენილ მოღვაწესთან.

<sup>2</sup> საინტერესოა აღინიშნოს, რომ მიქელანჯელოს თურმე მაკიაველიც სცნობე-  
ბია. ბიჯო ბუნაიორსი თავის 1508 წლის 6 სექტემბრით დათარიღებულ ბარათში  
მაკიაველის ამცნობს, რომ მიქელანჯელოს ხელით გამოუგზავნა ფული ერთი ქალა-  
საგან, რომლის სახელიც არ არის გამხეილი.

<sup>3</sup> როგორც ჩანს, სწორედ მხატვართა შორის ჰყავდა ყველაზე ნაკლები მეგო-  
ბარი, თუ მხედველობაში არ მივიღებთ მისი სიციოცლის ბოლო წლებს, როცა  
პირმოთენე მოწაფეებით იყო გარემოცული. თანამოძმეები მაინცდამაინც არ უყვარ-  
და და არც მალაქა დაღაიღებული იყო ლეონარდო და ვინჩისთან, პეჯუჯინო-  
თან, ფრანჩისთან, სინიორელისთან, რაფაელთან, ბრამანტესთან, სან-გალოსთან.  
„არა მგონია, რომ თქვენ ვინმეზე კარგი გეთქვათ როდისმე“—სწერდა მას ჯაკოპო  
სანსოვინო 1517 წლის 30 ივნისს. მაგრამ ამას ხელი არ შეუშლია მიქელანჯელოსა-  
თვის 1524 წელს დიდა სიკეთე გაეკეთებინა სანსოვინოსათვის და... ბევრი სხვის-  
თვისაც. ოლონდ მისებრ მგზნებარე გენიის კაცს არ შეეძლო თავისი იდეალის გარ-  
და რომელიმე სხვაეც ჰყვარებოდა; თან ერთობ გულწრფელი იყო საიმისოდ, რომ  
თავი მოეკატუნებინა და რაც არ უყვარდა, იმისი სიყვარული დაეჩემებინა. და  
შინც დიდი პატივისცემა გამოიჩინა ტიციანისადმი. როცა ეს უყანასენელი 1513  
წელს რომს ჩავიდა. მაგრამ მხატვართა კულტურული ოღენ ჩვეულებრივ ბრწყინ-  
ვალე არ იყო და მათთან ყოფნას მწერლებთან და საქმონებთან ყოფნა ერჩია.

<sup>4</sup> ერთიმეორეს ლექსად დაწერილ და სახუმარო წერილებს სძღვნიდნენ (ლექსე-  
ბი LVII და CLXXII). ბერნიმ თავის „მიმართვაში ფრა სებასტიანო დელ პიომბო-  
სადმი“ მიქელანჯელოს საუცხოო ხობბა შესახა: მიქელანჯელო ქანდაკებისა და  
არქიტექტურის განსახიერება ისევე, როგორც თავისი ჰკუითა და სიკეთით გან-  
თქმული ასტრეა—სამართლიანობის იდეისაო. იგი მას მეორე პლატონს უწოდებდა  
და სხვა პოეტებს მიმართადა შესანიშნავი სიტყვებით, რომელთაც მას მერე ხში-  
რად იმეორებენ: „თქვენ, ტბილხმოვანო საყარებო, ხმა გაიკოინდეთ, თქვენ სი-  
ტყვებს ამბობთ, ის საენებს ასხამს ხორცს“. (Ei dice cose et voi dita parole...).

მართული, ლუიჯი დელ რიჩოსა და დონატო ჯანოტის ლექსებს უძღვნიდა და არც ისინი რჩებოდნენ ვალში. მასთან საუბარს დაეძებდნენ, მის ღრმა მსჯელობას ხელოვნებასა და დანტეს „ღვთაებრივ კომედიასზე“, რომელსაც არავინ იცნობდა მასზე უკეთ, ალტაცებაში მოჰყავდა ყველანი. ერთი რომელი ბანოვანი<sup>1</sup> წერდა: „თუ მოისურვებდა, მომხიბვლელი და საუცხოო მანერების მქონე კავალერიც იყო, უებრო რაინდი, რომლის მსგავსიც იშვიათად თუ მოიძებნებოდა მთელს ევროპაში“. ჯანოტისა და ფრანსუა დ'ოლანდეს დიალოგებიც ერთხმად დადადებენ მის ურვეულო ზრდილობაზე და მიქელანჯელოს მაღალ საზოგადოებაში გაჩვეულ კაცად თვლიან. პრინციებისადმი მიწერილ მის წერილებში ისიც მოჩანს, რომ მას ბრწყინვალე კარისკაცად ყოფნაც შეეძლო<sup>2</sup>. საზოგადოებას არასოდეს შეუქცევია მისთვის ზურგი. საზოგადოებას თავად გაუბოდა. რომ მოესურვებინა, მისი ცხოვრება გაბმული ტრიუმფი იქნებოდა: იტალიელთათვის იგი ხომ ეროვნული გენიის განხორციელება იყო; თავის კარიერის დასასრულს— უკანასკნელი წარმომადგენელი დიდი აღორძინების ხანისა, მისი ერთადერთი განსახიერება. მართო მისი სახელი კმაროდა საუკუნის სადიდებლად. მხოლოდ ხელოვანნი როდი უცქეროდნენ როგორც ზებუნებრივ არსებას<sup>3</sup>. პრინციები ქედს იხრიდნენ მისი მეფური დიდებულების წინაშე. ფრანცისკ I და ეკატერინე მედიჩი თავყვანსა

---

<sup>1</sup> დონა არჯენტინა მალასპინა, 1516 წელს.

<sup>2</sup> განსაკუთრებით ფრანცისკ I-ისადმი მიწერილ უსტარში (1544 წ. 26 აბილი).

<sup>3</sup> კონდივი ასე იწყებს თავის „მიქელანჯელოს ცხოვრებას“:

„მას შემდეგ, რაც მაღალმა მღვრთმა თავის უსაზღვრო გულმოწყალებით ღირსი გამხადა არა მარტო მენახა მიქელანჯელო ბუნაროტი, უბალო მხატვარი და მიქანდაკე, რისი მხოლოდ ნატვრაც კი ჩემის მხრით უდიდესი კანდიერება იქნებოდა. არამედ ღირსმყო ხშირად მესაუბრა მასთან და მისი სიყვარული და ნდობაც მომიპოვა. მაღლობის ნიშნად თავს მოვალედ ვრაცხ ქებით აღვწერო ყოველივე, რაც მის ცხოვრებაში ალტაცებისა და ხოტბის ღირსად მიმაჩნია, რათა ასეთი იშვიათი კაცის მაგალითით სხვებსაც მოვუტანო სარგებლობა“.

სცემდნენ<sup>1</sup>. კოზიმო მედიჩის მისი სენატორად დანიშვნა სურდა<sup>2</sup> და როცა მიქელანჯელო რომს ჩაკიდა<sup>3</sup>, ტოლივით მიიღო, გვერდით მოისვა და გულითადად ესაუბრა. კოზიმოს ვაჟი, ღონ ფრანჩესკო მედიჩი თავმოხდილი შეეგება, „რათა გამოეხატა ის უსაზღვრო მოწიწება, რასაც ამ უბაღლო კაცის მიმართ გრძნობდა“<sup>4</sup>. მის ნიქსა და „მის უდიდეს სათნოებას“ ერთნაირად სცემდნენ თაყვანს<sup>5</sup>. მისი სიბერე ისეთივე დიდებით იყო მოსილი, როგორც სიბერე ჰიუგოსი და გოეთესი. მაგრამ თვითონ იყო სხვა რკინისაგან ნაქედი კაცი: მას არ გააჩნდა არც პირველის პოპულარობის წყურვილი და არც მეორის დიდი მოწიწება საზოგადოებისა და დაწესებულნი წყობილებისადმი. მიქელანჯელოს სძულდა დიდება, სძულდა საზოგადოება და თუ პაპებს ემსახურებოდა, „მხოლოდ იძულებით“ და არც ფარავდა, რომ პაპებიც თავიანთი საუბრებითა და სასახლეში ხშირი ხმობით თავს აბეზრებდნენ და რომ „მათი ბრძანების მიუხედავად, როცა გუნებაზე არ იყო, მოწვევას არც კი ღებულობდა“<sup>6</sup>.

„როცა კაცს ბუნებითა და სწავლა-აღზრდის გამოისობით ასე სძულს ცერემონიები, ეჯავრება პირმოთენობა, უგუნურებაა თავის ნებაზე არ მიუშვა და თავის გუნებისად არ აცხოვრო. თუ თვითონ არაფერს გთხოვთ და თქვენთან ყოფნას არა ცდილობს, თქვენ რად უნდა ეძიოთ? რად უნდა დაამკიროთ ასე, რად უნდა დააკნინოთ? რად უნდა მოახვიოთ თავს ის, რასაც მისი განდევილობა არ ფერობს? კაცი, ვინც ცდილობს სულელებს მოაწონოს თავი და უდიერად ეპყრობა თავის ნიქს, ღირსი არაა მოწინავეის სახელი ატაროს“<sup>7</sup>.

---

1 ფრანცისკო I 1516 წელს. ეპატერიწე მედიჩი 1559 წლის 14 ნოემბერს ბლუა-დან სწერდა: „მთელმა მსოფლიომ იცის და მეც ვიცი ჩვენს ღრობი ოსტატობა: რაოდენ აღმატებითო ყველას“ და სთხოვდა, ცხენზე ამხედრებული ანრი II-ის ძეგლი გამოგვიქანდაკეთ, ან საამისო ესკიზი შინც გამოგვიგზავნეთ.

2 1552 წელს. მიქელანჯელომ არ უპასუხა და ჰერცოგს ეს მეტად საწყენად დარჩენია. როცა მოგვიანებით ბენვენუტო ჩელინიმ გაახსენა ეს ამბავი მიქელანჯელოს, ამ უკანასკნელმა რაღაც სარკისტული პასუხი მისცა.

3 1560 წლის ნოემბერში.

4 1561 წლის ოქტომბერში.

5 ვაზარი (იმ შეხვედრასთან დაკავშირებით, რომელიც მთავარმა კოზიმომ მიქელანჯელოს გაუმართა).

6 ფრანსუა დ'ოლანდე: „საუბრები მხატვრობაზე“.

7 იქვე.

საზოგადოებასთან მხოლოდ საქმიანი, ანდა წმინდად ინტელექტუალური ურთიერთობა ჰქონდა. თავს არავის უყვარებდა და პაპებს, პრინცებს, მწიგნობრებსა და არტისტებს მცირე ადგილი ეკირათ მის ცხოვრებაში. იმ თითო-ოროლასთანაც კი, ვის მიმართაც კემშარბიტ სიმპათიას გრძნობდა, იშვიათად თუ აბამდა ხანირ მეგობრობას. უყვარდა კი, მათდამი იშვიათ სულგრძელობასაც ამქლავებდა, მაგრამ მისი ფიცხი ხასიათი, სიამაყე და ეკვიანი ბუნება ხშირად მოსისხლე მტრად უქცევდა იმათ, ვისზედაც ყველაზე მეტი ამაგი მიუძღოდა. ერთ დღეს ეს საუცხოო და სევდიანი წერილი დაწერა:

„უმადური კაცი ასე გაუჩენია განგებას: უბედურების ეამს რაც უნდა დაეხმაროთ, იტყვის, რომ თვითონ მოგანიჭათ ყოველივე, რაც თქვენგანა აქვს ბოქებული. და თუ სამადლოდ სამუშაო მიეცით, ხელად ირწმუნებს, რომ იძულებული იყავით ეგ საქმე მისთვის მიგენდოთ, რადგან თავად არაფერი გაგეგებათ. ყველა მინიჭებულ წყალობაზე ამბობს, იძულებული იყვენენ მოენიჭებინათო. და თუ მადლი ისეთი დიდია, რომ მისი მიჩქმალვა არ შეიძლება, მაშინ უმადური მოუთმენლად ელის წუთს, რომ მის მოკეთეს სადმე ფეხი წაუცდეს, რათა ძვირი თქვას მასზე და მადლიერების გრძნობიდან თავი გაითავისუფლოს. ასე მექცეოდნენ მე მუდამ. და მაინც, არც ერთ ხელოვანს არ მოუმართავს ჩემთვის ისე, რომ მთელის გულით დახმარების ხელი არ გამეწვდინოს. მერე ჩემს უხასიათობას, ანდა ჩემს ვითომდა სიგიჟეს მოიმიზეზებენ, ჩემს მეტს არავის რომ არ ვნებს და ჩემზე აუგს იტყვიან... შეურაცხყოფასაც მაყენებენ: ასეთია ყველა კეთილი კაცის ხვედრი“<sup>1</sup>.

\* \* \*

შინ მუდამ საკმაოდ ერთგული თანამემწეები ჰყავდა, მაგრამ დიდი ნიჭის პატრონი არც ერთი მათგანი არ ყოფილა. ეკვიც კი ეპარებოდათ, ასეთ უხვირო ხალხს განგებ ირჩევს, რომ ყურმოჭრილ ყმებად გაიხადოს და არა თანამშრომლებადო, — რაც სხვათა შორის, კანონზომიერი იქნებოდა.

„მაგრამო, — ამბობს კონდივი, — ტყუილად სწამებდნენ ცილს, თით-

<sup>1</sup> პიერო გონდის, 1542 წლის 26 იანვარი.

ქოსდა არ სურდა თავისი ცოდნა სხვებისათვის გაეზიარებინა. სამწუხაროდ, ბედმა ისურვა. რომ მუდამ უნიჭოებს, ანდა ნიჭით დაჯილდოებულთ, მაგრამ ზარმაცებსა და ისეთ სულსწრაფებს წასწყდომოდა, რომლებსაც რამდენიმე თვის შევირდობის შემდეგ თავი უკვე ოსტატებად მოჰქონდათ“.

თუმცა რა დასაძალია, რომ პირველი, რასაც იგი თავის მოწაფეებისაგან მოითხოვდა, უსიტყვო მორჩილება იყო და რაც უფრო უღმობელი ჩანდა მათ მიმართ, ვინც მისდამი ნაკლებ მოწიწებასა და თვითნებობას ამჟღავნებდა, მით უფრო გულმონწყალე და სულგრძელი იყო მათ მიმართ, ვინც მოკრძალებასა და ერთგულებას იჩენდა. ზარმაც ურბინოს, — ვისაც მუშაობა ქირის დღესავეთ ეჭავრებოდა<sup>1</sup> და არც ტყუოდა, რადგან როგორც კი რამეს მოჰკიდებდა ზელს (როგორც მაგალითად „მინერვას ქრისტეს“), მყისვე უნუგეშოდ აფუქებდა, — ავადმყოფობისას მამასავით თავს ევლებოდა<sup>2</sup>. თვითონ ურბინო „ძამაზე უტებესოს“ ეძახდა; პიერო დი ჯანოტო „შვილივით ჰყვარებია“; სილეო დი ჯოვანი სეპარელი, რომელიც მისგან წამოვიდა, რათა ანდრე დოროას სამსახურში შესულიყო, საშინლად ნანობს თავის საქციელს და კვლავ შენთან მიმიღეო, ევედრება. ანტონიო მინის გულიანამაჩუყებელი ამბავიც კმარა შევირდთა მიმართ მიქელანჯელოს გულკეთილობის საჩვენებლად. მინი, ერთი მისი მოწაფეთაგანი, ვისაც, ვაზარის თქმით, „მონდომება და ნებისყოფა არ აკლდა, მაგრამ ნიჭი კი არ შესწევდა“, ერთი ფლორენციელი დიდკაცის ქვრიუს გაუმიჯნურდა. მშობლების თხოვნით მიქელანჯელომ ჰბატუკი ფლორენციას განაარიდა. ანტონიოს საფრანგეთში გადასვლა სურდა<sup>3</sup> და მიქელანჯელო-

<sup>1</sup> ვაზირი ასე ავეიწერს მიქელანჯელოს თანაშემწეებს: „პიეტრო ურბინო დე პისტოია ნიჭიერი იყო, მაგრამ თავის შეწუხება არ უნდოდა: ანტონიო მინი ბევრს ცდილობდა, მაგრამ ნიჭი არ მოსდევდა. ცდას არც ასკანიო დელა ჩიპა ტრანსონე აკლებდა, მაგრამ მასაც არაფერი გამოუვიდა“.

<sup>2</sup> მიქელანჯელოს აწუხებდა მისი მცირედი სატკივარიც; აინტერესებდა მის შევირდს ვაჭრილი თითო რა დღეში ჰქონდა. არიგებდა ხოლმე, გულისხმიერად მოეკიდეო შენს ჩელიგიურ ვალდებულებას: „აღსარებას ნუ დააკლდები, კარგად იმუშავე, სახლს მოუარე“.. (წერილები, 1518 წლის 29 მარტი).

<sup>3</sup> სწორედ ანტონიო მინისთან ერთად აპირებდა მიქელანჯელო ჯერ კიდევ 1529 წელს საფრანგეთში გადასვლას, მას შემდეგ, რაც ფლორენციიდან გამოიქცა.



მაც მეფური საჩუქრით გაისტუმრა. „აჩუქა „ლედას“<sup>1</sup> ყველა ესკიზი, ყველა მოდელი, თიხისა თუ სანთლის, რაც კი მისთვის გაეკეთებინა“. ამ განძით ხელდამშვენებულმა ანტონიომ საფრანგეთს მიაშურა<sup>2</sup>; მაგრამ უბედოდ ბედი, რომელიც მიქელანჯელოს პროექტებს მუღამ თან სდევდა, მის ტლუ მეგობარს კიდევ უფრო მკაცრად მოექცა. ანტონიო პაზიხს ჩავიდა, რომ „ლედას“ სურათი მეფისათვის ეჩვენებინა. მაგრამ ფრანცისკ I სასახლეში არ დაუხვდა და „ლედა“ შესანახად ერთ თავის მეგობარს, იტალიელ ჯულიანო ბუონაიორისის მიაბარა, თვითონ კი ლიონში დაბრუნდა, სადაც ადრე დაედო ბინა. პაზიხს რომ ჩავიდა რამდენიმე თვის შემდეგ, „ლედა“ გამჭრალიყო. ბუონაიორისის იგი მეფე ფრანცისკ I-ისათვის როგორც თავისი კუთვნილი რამ, ისე მიეყიდა. სიმწრით გაგიყებულ, უსახსროდ დარჩენილ ანტონიოს ზღვის დაცვის უნარი არ ჰქონდა და უცხო ქალაქში გადაკარგული 1533 წლის მიწურულს დარდისაგან გარდაიცვალა.

მაგრამ თავის შეგირდებს შორის მიქელანჯელოს ყველაზე მეტად ურბინოდ სახელდებული ფრანჩესკო დ'ამადორე დე კასტელდურანტე უყვარდა: შეგირდს უკვდავებაც კი მოუტანა ოსტატის სიყვარულმა. იგი 1530 წლიდან მიქელანჯელოს სამსახურში იდგა და იულიუს II-ის საფლავის ძეგლზე მისი ხელმძღვანელობით მუშაობდა. ოსტატს აწუხებდა შეგირდის ბედი და ხშირად ეტყოდა ხოლმე: „მე რომ მოკვდები, რა გეშველერაო“.

სხვასთან დავდგებო, — უპასუხებდა ურბინო.

„შე უბედურო, შენს გაკირვებას მინდა ვუწამლოო“, — უთქვამს მიქელანჯელოს და ერთბაშად 2 000 სკუდო მიუცია. „ასეთი საჩუქრის შიკვმა მხოლოდ იმპერატორებსა და პაპებს თუ ძალუძთ“<sup>3</sup>.

მაგრამ პირველად ურბინო მოკვდა<sup>4</sup>. მისი სიკვდილის მეორე დღეს მიქელანჯელო თავის ძმისწულს სწერდა:

---

<sup>1</sup> ეს სურათი მიქელანჯელომ ფლორენციის ალუის დროს ფერარის ჰერცოგისათვის დახატა. მაგრამ მერე გადაიფიქრა მიცემა, რადგან ფერარის ელჩი მას თურმე სათანადო პატივით არ მოპყრობია.

<sup>2</sup> 1531 წელს.

<sup>3</sup> ვაზირი.

<sup>4</sup> 1555 წლის 3 დეკემბერს. მიქელანჯელოს უკანასკნელი ძმის, ჯისმონდოს, სიკვდილიდან ცოტა ხნის შემდეგ.

„ურბინო გუშინ, საღამოს 4 საათზე გარდაიცვალა და ისეთ ჯავრსა და მწუხარებაში დამტოვა, რომ მერჩია მეც მასთან ერთად მოვმკვდარიყავ, ისე მიყვარდა ეს საცოდავი. და ღირსიც იყო: მართლაც რომ ყოვლად ღირსეული, უზაკველი, ალაღმართალი და ერთგული კაცი იყო. მისმა სიკვდილმა ისე დამწყვიტა გული, რომ სიკვდილს ვერსად ვპოვებ და მგონია, აღარც მე ვიცოცხლო დიდხანს“.

მისი მწუხარება იმდენად დიდი იყო, რომ სამი თვის შემდეგ კიდევ უფრო მწველი გახდა, რაც ნათლად ჩანს ვაზარისადმი მიწერილი ცნობილი წერილიდან:

„მესერ ჯორჯიო, ძვირფასო მეგობარო, შეიძლება აბნეულად ვწერ, მაგრამ თქვენს ბარათს ორიოდ სიტყვით მაინც ვპასუხობ: თქვენ იცით, რომ ურბინო გარდაიცვალა. ეს ჩემთვის სასტიკი განსაცდელი და ამავე დროს დიდი ღვთის წყალობაც იყო. წყალობა — მიტომ, რომ ამ კაცმა, ვისგანაც მისი სიკოცხლის ეამს პირში სული მედგა, თავისი სიკვდილით მასწავლა, როგორ უნდა სიკვდილი — ხალისით და არა დანანებით. ოცდაექვს წელიწადს მხარში მედგა; მუდამ ჩემი ერთგული და გამტანი იყო. მე იგი წყალობით ავაგსე, მისი იმედო მქონდა სიბერეში, მაგრამ ბედმა მისი თავიც წამართვა და ნუგეშად ისლა დამრჩენია, რომ სამოთხეში მაინც შევხვდები სადმე, რადგან ღმერთი, რომელმაც ასეთი უშფოთველი სიკვდილი არგუნა, უექველად გაულებს სამოთხის კარებს. სიკვდილზე უფრო ის უმძიმდა, რომ ამდენი დარდით გარემოცულს ამ ცრუ და მუხანათ წუთისოფელში მე მართოდმართო მტოვებდა. თუკი რამ კარგი მქონდა, მას გაჰყვა და აღარაფერი დამრჩენია, უსაზღვრო მწუხარების გარდა“...<sup>1</sup>

ამ სასოწარკვეთილებაში მყოფი ძმისწულს სთხოვდა, რომს გადროსახლდით. ლიონარდო და კასანდრა, მისი მწუხარებით შეშფოთებულინი, უმაღვე მასთან გაჩნდნენ. ძალიან დასუსტებული ეჩვენათ

<sup>1</sup> 1556 წლის 23 თებერვალს.

მიქელანჯელო ასე ამთავრებს: „მიიღეთ ჩემი გულწრფელი საღამი და ბოდიშო მომხადეთ მესერ ბენვენუტო ჩელინისთან, რადგან მის წერილზე ვერ ვუპასუხებ; მაგრამ ისეთი დარდითა ვარ მოცული, რომ წერის თავი აღარა მაქვს“.

იხილეთ აგრეთვე CLXII ლექსიც:

*Et piango et parlo del mio morto Urbino..*

ვტირი და ვუხმობ ამ ქვეყნიდან წასულ ურბინოს...

მოხუცი. ძალი მხოლოდ იმით მოიცა, რომ ურბინოს ანდერძით მეურვეობა უნდა გაეწია მისი უწლოვანი ვაჟებისათვის, რომელთაგანაც ერთი მის სახელს ატარებდა და მისი ნათლული იყო<sup>1</sup>.

\* \* \*

სხვა ბევრი უცნაური მეგობრობაც სჩვეოდა. საზოგადოებისაგან თავს მოხვეულ პირობითობათა წინააღმდეგ ამბოხის ნიშნად, ძლიერი ბუნების ადამიანებს რომ სჩვევიათ, უყვარდა თავის გარშემო ისეთი მიაშიტი ხალხის შემოკრება, ვისაც უცნაური გამოხდომები და თავისუფალი მანერები ჰქონდა. ასეთები იყვნენ: ტოპოლინო, კარარელი ჭვის მთლელი, რომელსაც თავი უდიდეს სკულპტორად მოჰქონდა და არასოდეს არ გაუშვებდა რომისაკენ მიმავალ კარკაპს ისე, რომ სამი-ოთხი თავის ნაქანდაკევი არ გაეყოლებინა, რომელთა შემხედვარე მიქელანჯელოც სიცილით კვდებოდა<sup>2</sup>; მენიგელა, ვალდარნოელი მხატვარი, ვინც დროდადრო მოდიოდა ხოლმე მიქელანჯელოსთან და სთხოვდა, წმ. როჟი, ანდა წმ. ანტონიო დამიხატეო. ამ ნახატებს შემდეგ აფერადებდა და გლეხებში ყიდდა. და მიქელანჯელოც, რომლისგანაც თვით მეფეებსაც კი უჭირდათ უმცირესი ნაშრომის მიღება, ყველაფერს თავს ანებებდა და მენიგელას კარნახით ამ სახატავს ჩაუჯდებოდა. მიქელანჯელომ მისთვის, სხვათა შორის, ერთი შესანიშნავი „ჯვარცმაც“ დახატა<sup>3</sup>. იყო კიდევ ერთი დალაქი, რომელიც თურმე მხატვრობასაც მისდევდა და რომლისთვისაც მიქელანჯელომ „მონის დაღიანი წმინდა ფრანსუა“ დახატა. იყო ერთი რომაელი მუშაიც, ვინც იულიუს II-ის საფლავის ძეგლზე მუშაობდა და თავი უკვე დიდ სკულპტორად წარმოედგინა, რაკი ბრმად მისდევდა მიქელანჯელოს მითითებებს და თავისდა გასაოცრად მარძარილოსაგან საუცხოო

1 ურბინოს ჭკრივს. კორნელიას გრძნობით აღსაესე წერილებს სწერდა, ჰპირდებოდა: „ჩემთან წამოვიყვან თქვენს პატარა მიქელანჯელოს, უფრო მეტი სიყვარულით მოეუბურობი, ვიდრე ჩემი ძმისწულის ლიონარდოს შვილებს და ვასწავლი ყველაფერს, ჩისი სწავლებაც ურბინოს უნდოდაო“ (1557 წლის 28 მარტს მიწერილი ბარათიდან). 1559 წლიდან კი გული აიყარა ქალზე — ვერ აპატიო კორნელიას ხელმოკრედ ვაზხოვება.

2 მისი ოინების შესახებ ნახეთ ვაზარისთან.

3 იქვე.

ფიგურა გამოკვეთა; იყო ერთი მასხარა ოქრომკვედელი პილოტოც, „თევზად“ წოდებული; უცნაური მხატვარი, უსაქმური ინდაყო, რომელსაც ისე უყვარდა საუბარი, რომ სახატავად დრო არ რჩებოდა. და ვისაც ჩვეულებად ჰქონდა, ეთქვა: „ყოველ ცისმარე დღეს შეუწვევებლად მუშაობა ქრისტიანისათვის საძრახისიაო“<sup>1</sup>. დაბოლოს, სასაცილო და უწყინარი ჯულიანო ბუჩარდინი, რომელიც მიქელანჯელოს განსაკუთრებულის სიყვარულით უყვარდა.

„ჯულიანო ბუნებით კეთილი კაცი იყო, მარტივი ცხოვრებით ცხოვრობდა, უბოროტოდ და უზაკველად, რაც მიქელანჯელოს ძალიან მოსწონდა. მას ერთადერთი ნაკლი ჰქონდა: თავისი ნაწარმოებებით მუდამ აღტაცებაში მოდიოდა. მაგრამ მიქელანჯელო სწორედ ამიტომ რაცხდა ბედნიერად, რადგან თვითონ ძალზე უბედური იყო იმით, რომ არაფრით არ აკმაყოფილებდა თავის ნახელავი. ერთხელ მესერ ოტავიანო დე მედაჩიმ სთხოვა ჯულიანოს მისთვის მიქელანჯელოს პორტრეტი დაეხატა. ჯულიანოც შეუდგა საქმეს და მას შემდეგ, რაც მხატვარი ორ საათს გაუნძრევლად გააჩერა, გამოსძახა: „მიქელანჯელო, მოდი, ნახე! მთავარი უკვე ვაკეთებელია!“ მიქელანჯელო წამოდგა და როცა პორტრეტი ნახა, ჯულიანოს სიცილით უთხრა: „ეგრე გიქნია? აბა, უცქირე! ცალი თვალი საფეთქელზე აგიტანია“. ჯულიანო ამ სიტყვებმა მოთმინებიდან გამოიყვანა. რამდენჯერმე შეჩება პორტრეტს, მერე მიქელანჯელოს და თამამად უპასუხა: „არა მგონია: მაგრამ მიდი, ისევ შენს ადგილას დაჯექი და თუ საჭირო იქნა, გავასწორებ“. მიქელანჯელომ, ვინც იცოდა რაში იყო საქმე, იავე დაჯდა თავის ადგილზე. ჯულიანომ კვლავ რამდენჯერმე შეხედა პორტრეტს, მზერა იმდენჯერვე მიქელანჯელოზე გადაიტანა და გადაწვევებით უთხრა: „თვალი ისეთია, როგორიც დავხატე, ბუნებას ასეთი შეუქმნია და მე რა გიყო“. „მაშასადამე, — გაეცინა მიქელანჯელოს, — ბუნებას მოსვლია შეცდომა. მიდი, განაგრძე და საღებავს ნუ დაიშურებ“<sup>2</sup>.

ასეთი შემწყნარებლობა, რომელსაც მიქელანჯელო სხვების მიმართ არასოდეს იჩენდა და რომელსაც ამ პაწია კაცუნებს ასე უხვად

1 ვაზარი.

2 ვაზარი.

მიუპყრობდა ხოლმე, მწარე დაცინვა იყო კაცისგან, ვისაც ადამიანის სასაცილო მხარები ამხიარულებს<sup>1</sup> და ამავე დროს—სიბრაღულიანი სიყვარული ამ ბრიყვებისა, თავი დიდ მხატვრებად რომ წარმოედგინათ და ვინ იცის, ხელოვანს იქნებ საკუთარ სისულელესაც მოაგონებდნენ. აქ მელანდებოდა მისი ირონიული და მასხრული მელანჟოლია.

### III

## ს ი მ ა რ ტ ო ვ ე

*L'anima mia, che chon la morte parla<sup>2</sup>.*

ასე ცხოვრობდა მარტოდმარტო, თავისი მოკრძალებული მეგობრებით. შეგიოდებიტა და შეშლილებით გარემოცული. გარს სხვებიც ერტყნენ—უფრო ჩემნი და თავდადრეკილნი—შინაური ცხოველები: ქათმები, კატები<sup>3</sup>.

სინამდვილეში მარტო იყო და ეგ სიმარტოვე თანდათან უფრო იზრდებოდა. „მუდამ მარტო ვარ, — სწერდა იგი თავის ძმისწულს 1548 წელს, — ხმის გამცემიც არავინა მყავს“. თანდათანობით ჩამოსცილდა ხალხს, მათ მისწრაფებებს, მათ დროსტარებას, მათ ინტერესებს.

უკანასკნელი გატაცებაც, თანამედროვეებთან რომ აკავშირებდა, რესპუბლიკის მხურვალე სიყვარულიც ჩაუქრა. უკანასკნელად მისმა აღმა 1544 და 46 წლებში იფეთქა, როცა ავადმყოფობამ ორჯონის მწარედ დარია ხელი და თავის მეგობარ რიჩოსთან, დევნილი რესპუბლიკელის, სტროცის სახლში იყო შეხიზნული. რომ მოიკეთა, თხოვნა

<sup>1</sup> როგორც ყველა მკმუნვარე სულის მქონე ადამიანს, მიქელანჯელოსაც ზანდახან მასხრობის სურვილი მოუვლიდა ხოლმე. მაშინ იწყებდა ბერნისეზური სახუმარო ლექსების წერას; მაგრამ მასხრობა მუდამ უხეში და ტრაგიკული გამოუდიოდა. გაიხსენოთ მისი საზრელი კარიკატურა სიბერით მოუძღურებაზე (ლექსები, LXXXI) და პაროდია სატრფიალო ლექსებზე (ლექსები, XXXVII).

<sup>2</sup> ო, სული ჩემი. დღეს რომ სიკვდილს ესაუბრება... ლექსები, CX.

<sup>3</sup> „ქათმები და მესერ მამალი ლაღად არიან, — სწერს ანჯოლინი მისი ერთი მოგზაურობის ეპოს, — მაგრამ კატები, თუმცა საცბლო არ აკლიათ, რომ ვერ გხედავენ, სასოწარკვეთილებაში არიან ჩაეარდნილი“.

გაუგზავნა რობერტო სტროცის, ვინც იმხანად ლიონს იყო გადაბე-  
წილი: საფრანგეთის მეფეს მისი დახაპირები შეახსენეთო და თან და-  
ძინა: თუ ფრანცისკ ი ფლორენციას თავისუფლებას დაუბრუნებს,  
სენიორიის მოედანზე ჩემივე ხარჯით ბრინჯაოს ძეგლს დავუდგამო<sup>1</sup>.  
1546 წელს სტუმართმოყვარული მიღების სამახსოვროდ და მადლო-  
ბის ნიშნად სტროცის თავისი „ორი ტყვე“ გაუგზავნა, რომლებიც ამ  
უკანასკნელმა ფრანცისკ I-ს მისცა საჩუქრად.

მაგრამ ეს მხოლოდ პოლიტიკური ციებ-ციხელების შეტევა იყო,  
თანაც უკანასკნელი. 1545 წელს ჯანოტისთან საუბარში თითქმის იმა-  
ვე აზრებს ავითარებს, რასაც ტოლსტოი: ბრძოლა უაზროა და ბორო-  
ტებას წინ არ უნდა აღუდგეო.

„ღიდი ბოროტებაა ვინმეს მოკვლა, რადგან ზუსტად არავინ იცის  
რამე სიკეთე თუ ნოჰყვება ამ კაცის სიკვდილს, ან რამე სასიკეთო  
ხომ არ გამოვიდოდა მისი სიცოცხლით. ამიტომ ვერ ვიტან ხალხს,  
ვინც ამტკიცებს, შეუძლებელია სიკეთის დამყარება ისე, თუ ბორო-  
ტებით, ე. ი. მკვლელობით არ დაიწყეო. ხანი გადის, დროება იცვლე-  
ბა, სურვილები იცვლებიან, ხალხი იღლება... და საბოლოო ჯამში  
მუდამ ის ხდება, რასაც არ ელოდი“.

მაქელანჯელო, ვინც ადრე ტირანთმკვლელობას ხობტას ასხამდა,  
ახლა ლანძღავდა რევოლუციონერებს, რომლებიც ერთის დაკვრით  
სამყაროს გარდაქმნას აპირებდნენ. თავად შესანიშნავად უწყოდა,  
რომ ჭაბუკობაში თვითონაც ერთი მათგანი იყო და ახლა ჯავრს იყრი-  
და საკუთარ თავზე. ჰამლეტივით ყველაფერს ექვის თვალით უმზერ-  
და. არ ენდობოდა თავის აზრებს, თავის სიძულვილს, იმას, რაც უწინ  
სწამდა და მოქმედებას ზურგს აქცევდა.

„მართალი იყო ის კაცი. ვინც ამბობდა: „მე სახელმწიფო მოღვაწე  
კი არა და, პატიოსანი და საღი გონების კაცი ვარო“, — წერდა იგი  
და დასძენდა: „ეჰ, ნეტავ ჩემი რომაული სამუშაოებიც ისე ნაკლებად  
მაწუნებდეს, როგორც სახელმწიფო საქმეებიო“<sup>2</sup>.

სიმართლე თუ გნებავთ, მას აღარ სძულდა. სიძულვილი აღარ შე-  
ეძლო. საამისოდ მეტად გვიან იყო:

Ahime, lasso chi pur tropp' aspetta,  
Ch'i gionga a suoi conforti tanto tardil

<sup>1</sup> რიჩოს წერალი რობერტო დი ფილიპო სტროცისადმი (1544 წ. 21 ივლისი)

<sup>2</sup> მისწულ ლიონარდოსადმი მიწერილ ბარათში (1547 წელს).

Ancor'se ben riguardi.

Un generoso, alter'e nobil core  
Perdon' et porta a chi l'offend' amore.

ვაგლახ, ხანგრძლივი მოლოდინით ვარ მოქანცული,  
ვაგლახ, რაზედაც ვოცნებობდი, აღსრულდა გვიან.  
შეურაცხყოფილს დიდსულოვნად სურს მიუტევეოს  
და ჩემი სული, მიმნდობი და კეთილშობილი.  
შეურაცხმყოფელთ მეგობრობას სთავაზობს ახლა<sup>1</sup>.

\* \* \*

მაჩელ დე კორვიში, ტრაიანის ფორუმზე ცხოვრობდა. სახლი ედგა და პატარა ბაღი ჰქონდა. შინ მარტო ერთი მსახური<sup>2</sup>, მოახლე ქალი და ცხოველები ჰყავდა. მსახურებში ბედი არ სწყალობდა. ვაზარის თქმით, „თითქმის სუყველა დაუდევარი და ბინძური იყო“. მიქელანჯელო ხშირად იცვლიდა მათ და მწარედ ჩიოდა<sup>3</sup>. მსახურები მასაც იაევე აწვალებდნენ, როგორც ბეთჰოვენს და მის „შენიშვნებსაც“, ბეთჰოვენის „სასაუბრო რვეულებზეით“, ოჯახურ უსიამოვნებათა დალი აზის: „ნეტამც არასდროს მყოლოდაო“, — წერდა იგი 1560 წელს მსახურ ქალ ჭიროლამაზე, რომელიც თურმე ძლივს გააგდო სახლიდან.

საწოლი ოთახიკ სამარესავით ბნელი და პირქუში ჰქონდა<sup>4</sup>. „უკვე მოქსოვა ობობამ ქსელი და თითსტარზე მატყლის ფთილა აღარ

<sup>1</sup> ლექსები, CIX, 64

მიქელანჯელო აქ წარმოგიდგენს პოეტის დიალოგს დევნილ ფლორენციელთან. შესაძლოა ეს ლექსი 1536 წელს, ლორენცინოს მიერ ალექსანდრო მედიჩის მოკვლის შემდეგ ჰქონდეს დაწერილი. იგი პირველად 1543 წელს გამოქვეყნდა, გაკომო არკადელტის მუსიკის თანხლებით.

<sup>2</sup> მსახურთა შორის ერთი ფრანგიც ჰყავდა, სახელად რიშარი — „რიკარდო ფრანგი“ („Ricardo franzese“). (1552 წ 18 ივნისი, „შენიშვნები“, გვ. 606).

<sup>3</sup> „მე მინდა, — სწერს იგი ლიონარდოს, — მსახური ქალი, პატროსანი და ფაქიზი, მაგრამ ასეთის პოვნა ძალიან ძნელია: თითქმის სუყველა ბინძური და კახპა გამოდგა (son lutte puttane e porche). თვეში ათ იულიას მიეცემ. ლარიბად ვცხოვრობ, მაგრამ გასამრჩელოს არ დავიშურებ.

<sup>4</sup> La mia scura tomba.. (ლექსები, LXX XI).

ირთვება“<sup>1</sup>. კიბის თავში ზურგზე კუბომოკიდებული სიკვდილი დახატა<sup>2</sup>.

მართლა უპოვარი კაცივით ცხოვრობდა; ჭამითაც არ ჭამდა<sup>3</sup>. „უძილობით გვემული ღამღამობით დგებოდა და საქრეთლით მუშაობდა. ერთი მუყაოს ჩაჩიკ გაიკეთა: ზედ, შუაში, ანთებულ სანთელს იმაგრებდა, რომ მუშაობისას ხელები თავისუფალი ჰქონოდა“<sup>4</sup>.

რაც უფრო ბერდებოდა, ხალხს მით უფრო ერიდებოდა. ღამღამობით, როცა რომში ყველას ეძინა, მუშაობა მოთხოვნილებად ექცა. სიჩუმე იყო მისი ნეტარება, ღამე მეგობრად გახდომოდა:

„ო, ბნელო ღამევ, მაგრამ მაინც ეამო სიმშვიდის,  
შენს მკერდზე სული დაქანცული იშორებს ზრუნვას!  
ღამევ, ვინც იცის შენი ფასი, სავსეა აზრით.  
სავსეა ფიქრით, იგი არის ყოვლის მხილველი.“

---

<sup>1</sup> *Dov'è Aragn'e mill' opre et lavoranti  
Et fan di' lor filando fusaiuolo...*  
(ლექსები, LXXXI).

<sup>2</sup> კუბოზე შემდეგი ეპიტაფია იყო გამოყვანილი:

„თქვენ გეუბნებით, ვინც ძალ-ღონეს არ იშურებდით,  
თქვენ გეუბნებით, ვინც სწირავდით სულს და გონებას:  
ამ ყუთში არის, აქ დამარხებ თქვენ ყველაფერი“.

„Io dico a voi, ch'al mondo avete dato  
L'anima e 'l corpo et lo spirito 'nsieme:  
In questa cassa oscura è' il vostro lato“.  
(ლექსები. CXXXVII).

<sup>3</sup> „ღიღი სმა-ჭამის მოყვარული არ ყოფილა. ახალგაზრდობაში ცოტაოდენი პური და ღვინო ჰყოფნიდა, რომ მთელის არსებით მუშაობას მისცემოდა. სიბერეში, მას შემდეგ, რაც „განაკითხვის დღე“ დახატა, სმას შეეჩვია. მაგრამ მხოლოდ საღამოობით სვამდა, როცა სამუშაო დღე დამთავრებული ჰქონდა და ისიც ძალიან ცოტას. მდიდარი იყო, მაგრამ ღარიბ-ღატაკივით ცხოვრობდა. თითქმის არასოდეს მიუწვევია მეგობრები სტუმრად. სხვისგან საჩუქარსაც არ მიიღებდა, რადგან ფიქრობდა, რომ სამუდამოდ ვალში იქნებოდა მბოძებულთან. მისი ზომიერება იყო მიზეზი იმისა, რომ მუდამ მხნედ იყო და ძალიან ცოტა ძილი სჭირდებოდა“ (ვაზარი).

<sup>4</sup> როცა ვაზარიმ შენიშნა, რომ თაფლის სანთლის ნაცვლად თხის ქონის სანთელს ხმარობდა, მსახურის ხელით ორმოცი ფუნტი თაფლის სანთელი გამოუღზავნა. მაგრამ მიქელანჯელომ საჩუქარი არასდიდებით არ მიიღო. მაშინ მსახურმა უთხრა: ბატონო, ხელები დამაწყდა მაგათი თრევით; უკან წაღება აღარ შემიძლია. თუ არ დაიტოვებთ, სახლის წინ რომ ნავკის გროვავა, შოგ ჩაეარკობ და ყველას ერთბაშად ავანთებო მიქელანჯელო მოლბა და უპასუხა: კარგი, აქ დააწყევ; არ მინდა ჩემი სახლის წინ-სისულელებს ჩადიოდეთ (ვაზარი).



დღით მოქანცული ჩემი ფიქრი და საჭრეთელი  
ახლა შენია, შუბლზე მაფენ ღამის სიგრილეს  
და... ამ ქვეყნიდან იქ მიგყავარ ოცნების ფრთებით,  
სიკვდილის შემდეგ დასახლებას რომ ველოდები.

სიკვდილის ლანდო, შენს წყვილადში არ მეკარება  
უბედურება, სიმძიმელი, შუიი და მტრობა,  
შენ მაღაპო ხარ ნაღვლიანთა და მწუხარეთა.

დასწელებულთ შენ უბრუნებ სულის მხნობას,  
შენ გვიმსუბუქებ დაღლილობას და გვიშრობ ცრემლებს,  
სათნოს და კეთილს შენ აშორებ ზიზს და სიძულვილს<sup>1</sup>.

ერთხელ, ღამით, სახლში გამოკეტილ მოხუცს, მარტოდმარტო  
რომ დარჩენილიყო თავისი ტრაგიკული „Pietà“-სა და აზრების ამა-  
რა, ვაზარი ეწვია.

კაკუნზე მიქელანჯელო წამოდგა და სანთლით ხელში კარებთან  
მივიდა. ვაზარიმ ქანდაკების ნახვა მოისურვა, მაგრამ მიქელანჯელომ,  
ხელი რომ შეეშალა, სანთელი განზრახ გააგდო ხელიდან. და სანამ  
ურბინო მეორე სანთელს მოიტანდა, მასპინძელი მიუბრუნდა სტუ-  
მარსა და უთხრა: „ისე დაებერდი, რომ ხშირად სიკვდილი კალთაზე  
მეწვევა, აბა, გამოძეო. ერთ მშვენიერ დღეს მეც დავეცემი ამ სან-  
თელივით და ჩემი ცხოვრების ნათელიც ამ სანთელივით ჩაქრება“.

სიკვდილზე ფიქრი, დღითიდღე უფრო უღმობელი და მიმზიდვე-  
ლი, მუდამ თან სდევდა.

„ერთი ფიქრიც კი არა მაქვს. სადაც სიკვდილი საჭრეთლით არ  
იყოს ამოკვეთილი“, ეუბნებოდა იგი ვაზარის<sup>2</sup>.

სიკვდილი ახლა ცხოვრებაში ერთადერთ ბედნიერებად ესახე-  
ბოდა:

---

<sup>1</sup> (ლექსები, LXXVIII).

ფრეი ამ ლექსს დაახლოებით 1546 წლით ათარიღებს, იმ პერიოდით, როცა  
მიქელანჯელო „განკითხვის დღესა“ და პავლე მოციქულის ტაძრის კაპელას ხატავ-  
და; გრიმს კი უფრო მოგვიანებით, დაახლოებით 1554 წელს დაწერილად მიაჩნია.

მეორე, ღამეზე დაწერილ ლექსს (ლექსები LXXVII) უფრო დიდი პოეტური  
ღირსება და სილამაზე გააჩნია, მაგრამ უფრო ლიტერატურულია და ოდნავ პრე-  
ციოზული.

<sup>2</sup> Non nasce i me pensero che non vi sia de. tro sculpia la morte (წერალები,  
1555 წლის 22 ივნისი).

როცა ჩემს წარსულს ვიხსენებ ახლა,  
ჩემთვის, მუხთალო წუთისოფელო,  
აოის ნათელი, თუ რა ცოდვები  
ჩაუდენია ადამის მოდგმას.  
ვიც შეურიგდა პირმოთნობას  
და სიტყბობას ეტანება ფუქს და ამაოს, —  
უნდა სამსალა ვამოცალოს მან მწუხარების.  
გამოცდილებით დამძიმებულმა  
იცი, აღთქმული სიმშვიდე და სიკეთე რაა,  
რაც არასოდეს არ გქონია  
და არც გექნება.  
მან იცის სიტყბო წუთისოფლის ხანმოკლეობის,  
რადგან რაც უფრო მცირე ხანს ეცხოვრობთ,  
მით უფრო მალე ცას ვუბრუნდებით<sup>1</sup>.

მე მახოვს მუდამ, დღე დადგება უკანასკნელი,  
წუთისოფელო, შენი სიტყბო შევიცან გვიან.  
შენ აღმითქვამდი იმ სიმშვიდეს, რაც არ გებადა,  
სულის სიმშვიდე სანამ ვიშვი, მანამდე გაქრა...  
მე გამოვცადე და გეუბნებით:  
ის არის მხოლოდ რჩეული ცისა,  
ვიც გარდაცვლილა შობისთანავე<sup>2</sup>.

და როცა მისმა ძმისწულმა ლიონარდომ ძეობა გადაიხადა, მი-  
ქელანჯელომ მწარედ დატუქსა იგი.

„ეგ ზარ-ზეიმი მე არ მომწონს. არ შეიძლება სიცილი, როცა მთელი  
ქვეყანა გლოვობს. უგუნურებაა, ქვეყნად ვინმეს მოსვლა ანე იდღე-  
სასწაულო. სიხარული მარტო მაშინ გემართებს, როცა კვდება კაცი,  
ვიც თავის ცხოვრება კეთილად განვლო“<sup>3</sup>.

და შემდეგსავე წელს, როცა ლიონარდოს მეორე, ჩვილი ვაჟი  
გარდაეცვალა, მიქელანჯელომ მილოცვა გაუგზავნა ძმისწულს.

<sup>1</sup> ლექსები, CIX, 32.

<sup>2</sup> ლექსები, CIX, 34.

<sup>3</sup> ვაზარისადმი მიწერილი ბარათი, რომელსაც თარიღად: „1554 წლის აპრილის  
რომელიდაც დღე“ („A di non so quanti d'aprile 1554“) უზის.

ბუნება, რომელსაც აქამდე მისი მხურვალე ვნებები და ინტელექტუალური გენია უგულვებელყოფდა<sup>1</sup>, ცხოვრების მიმწუხრის უამს მის ერთადერთ ნუგეშად იქცა. 1556 წელს, როცა რომს ჰერცოგ ალბას ესპანური ჯარები შემოადგნენ, ქალაქიდან გაქცეულმა სპოლეტოში შეიარა, შემოდგომის ნათელი დიდებულებით მოხიბლულმა ხუთი კვირა მუხებისა და ზეთისხილის ტყეებში დაჰყო და სინანულით დაბრუნდა რომში, სადაც ოქტომბრის მიწურულს უხმეს. „იქ ჩემი არსების საუკეთესო ნაწილი დაეტოვეო, — სწერდა ვაზარის, — რადგან მხოლოდ ტყეთა შორის შეიძლება კაცმა სიმშვიდე ჰპოვოს“.

*Pace non si trova se non ne boschi<sup>2</sup>.*

და რომს ჩასულმა ოთხმოცდაორი წლის მოხუცმა მინდვრებისა და სოფლური ყოფის სადიდებლად შესანიშნავი ლექსი დაწერა, რომელშიაც ქალაქის სიკრუეს სოფლის სურათებს უპირისპირებდა. ეს მისი უკანასკნელი და მინც კაბუკური სიფაქიზით საესე პოეტური ნაწარმოები იყო<sup>3</sup>.

მაგრამ ბუნებაშიც, ისევე როგორც ხელოვნებასა და სიყვარულში, ღმერთს დაეძებდა და დღითიდღე უახლოვდებოდა კიდევ. მორწმუნე

<sup>1</sup> ბუნებას არასოდეს არ აქცევდა დიდ ყურადღებას, თუმცა დიდხანს ცხოვრობდა ქალაქს მოშორებულ კარასა და სერავეუცი. პეიზაჟს მის შემოქმედებაში ერთობ მცირე ადგილი უჭირავს; სიქსტის ფრესკებში იგი მხოლოდ აქა-იქ, სქემატურად არის წარმოდგენილი ამ მხრივ მიქელანჯელო მეტად განსხვავდება თანამედროვეთაგან: რაფაელისგან, ტიციანისგან, პერუჯინოსგან, ლეონარდოსაგან. სძულდა იმხანად მეტად მოდური ფლამანდიური პეიზაჟები: „ძონძები, ქონძახები, ხეებით მოჩრდილული მწვანე მინდვრები, მდინარეები, ხიდეები — რასაც პეიზაჟს უწოდებენ — და ზედ აქა-იქ გაბნეული უამრავი ფიგურები“ (ფრანსუა ლ'ოლანდეს „დილოგები“).

<sup>2</sup> წერილები, 1556 წლის 28 დეკემბერი.

<sup>3</sup> მხედველობაში მაქვს ერთი მეტად გრძელი, 115 სტრიქონიანი დაუსრულებელი ლექსი, რომელიც ასე იწყება:

„რა შედრება აბა იმას, როდესაც უმზერ  
თამამი თხები ცაკაბოზე როგორ დახტინან  
და ბალახს ძოვერ ხან ამ თხემზე და ხან იმ თხემზე“...

მუდამ იყო და თუმცა მღვდლების, ბერებისა და ორთავ სქესის „მოწმინდანთა“ ანეკის არასდროს წამოგებია და თუ შემთხვევა ეძლეოდა, მწარედ დასცინოდა კიდევ<sup>1</sup>, როგორც ჩანს, სარწმუნოებაში ეკვი არასოდეს შეჰპარვია. როცა მისი მამა ან ძმები ავადმყოფობდნენ, ანდა ვინმე მახლობელი მოუყვებოდა, სხვაზე უწინ იმას იკითხავდა, ზიარება თუ მიიღესო<sup>2</sup>. ლოცვის მადლისა ბრმად სჯე-

„Nuovo piacere e di maggiore stima  
Veder l'ardite capre sopr' un sasso  
Montar, pasciendo or questa or quella cima“.

(ლექსები, CLXIII, ფრეის გამოცემა 249—253 გვ.)

აქ მე მხარს ვუჭერ ფრეის ინტერპრეტაციას, რომელიც ამ ლექსს 1556 წლის ოქტომბერ-დეკემბრით ათარიღებს. ტოლდ სხვაგვარად ფიქრობს და ამ ლექსს მიქელანჯელოს კაბუჯობის ხანას მიაწერს, მაგრამ, ჩემის აზრით, ამ მოსაზრების განსამტყიებლად საკმაო საბუთს არ იძლევა.

<sup>1</sup> 1548 წელს ურჩევს თავის ძმისწულს, ლიონარდოს, „ლორეტოში სამლოცველოდ წასვლას გიჯობს ეგ ფული სამოწყალოდ ღარიბ-ღატაკებს დაურიგო, თორემ მღვდლებს თუ ჩაუვარდათ ხელში, ღმერთმა უწყის, რას უზამენ“.

სებასტიანო დელ პიომბოს სან პიეტრო ინ მონტორიოში ერთი ბერი უნდა დაეხატა; მიქელანჯელომ კი უთხრა, ეგ ბერი ყველაფერს გააფუჭებსო: „ბერებმა დააქციეს ეს ქვეყანა, რომელიც ასე ღლი და ვრცელია და რა გასაკვირია, ერთი ციქქნა კაპელა რომ წაახდინონ“.

იმხანად, როცა მიქელანჯელო თავისი ძმისწულის დაქორწინებას აპირებდა, ერთი მოწმინდანო დედაკაცი ეწვია, დამოძღვრა, ლეთისმოსაობას შთააგონებდა და ძმისწულისათვის ცოლად ერთი მეტად ღვთისმომოში, კეთილი ზნის ასული შესთავაზა. „მე კი ვუპასუხე, — სწერს მიქელანჯელო, — სჯობს მაგ ქალმა საქსოვს და სართავს მოპიკიდის ხელი, ხალხის ირველივ ტრიალსა და წმიდა საგნებით ვაქრობას თავი ანებოს“ (წერალები, 1549 წლის 19 ივლისი).

მას ბევრი მკვახე, სავონაროლას სულით განმსჭვალული ლექსიცა აქვს დაწერილი რომაული ეკლესიის მამათა ზნედაცემულობასა და სიმონიაზე. გავიხსენოთ ეს ერთი სონეტი:

„მუზარადებად, ჭავარდნებად აწრთობენ თასებს,  
და ქრისტეს სისხლით ვაჭრობენ ყველგან“...

„Qua si ta elmi di chalici e spade

E'l sangua di Christo si vend'a giumelle“...

(ლექსები, X, დაახლოებით 1512 წ.).

<sup>2</sup> ბუნაროტოსადმი მამის ავადმყოფობის თაობაზე მიწერილ ბარათში (1516 წლის 23 ნოემბერს) და ჯოვანი სიმონეს სიკვდილის შემდეგ ლიონარდოსადმი მიწერილ ბარათში, 1548 წლის იანვარს: „...ჩემთვის სასიამოვნო იქნება იმის გაგება რომ აღსარების თქმა მოასწრო და ზიარებაც მიიღო. რომ ვიცოდე, აგრე მოხდა ნაკლებს ვიწუხებდი“.

როდა. „მისი ძლიერებისა უფრო სწამდა, ვიდრე წამლებისა“<sup>1</sup>. ყველა მიღწეულ წარმატებასა და თავს არდამტყდარ უბედურებას მათ კეთილ გავლენას მიაწერდა. მარტოობაში ზოგჯერ მისტიურ ექსტაზში ვარდებოდა თურმე. ჩვენამდე შემთხვევით მოაღწია ამ ამბავმა. ერთი თანამედროვის ნაამბობი გვიხატავს სიქსტის გმირის ექსტაზურ პოზას, როცა რომს მყოფი, ღამით მარტოდმარტო ლოცულობდა თავის ბაღში. მზერა ვარსკვლავებით მოქედელი ცისთვის მიეპყრო და მწუხარე თვლებით ზეკას რაღაცას შეჰღალადებდა<sup>2</sup>.

ტყუილად ცდილობენ დაგვარწმუნონ<sup>3</sup>, რომ მისი რწმენა წმინდანებისა და ღვთისმშობლის კულტს გულგრილად ეკიდებოდა. სასაცილოა, პროტესტანტობა დასწამო კაცს, ვინც თავისი სიცოცხლის ოცი უკანასკნელ წელი პეტრე მოციქულის ტაძრის აგებას შეაღია და ვისი უკანასკნელი ნამუშევარიც (სიკვდილის გამო შეწყვეტილი) წმ. პეტრეს ქანდაკება იყო. არ უნდა დავივიწყოთ არც ის, რომ რამდენჯერმე, 1545-სა და 1556 წლებში, სენ ჟაკ დე კომპოსტელსა და ლორეტოში აპირებდა სალოცავად წასვლას და რომ დიდხანს სანჯოვანი დეკოლატოს, წმ. იოანეს ძმობის წევრი იყო: თქმა არ უნდა, რომ როგორც ყველა დიდი ქრისტიანი, ისიც ღვთის წიალ ცხოვრობ-

---

<sup>1</sup> „Più credo agli orazioni che alle medicine“ (ლიონარდოსადმი მიწერილი ბარათი, 1549 წლის 25 აპრილი).

<sup>2</sup> „...ქრისტეს შობიდან 1513-ე წელს, ლეონ X-ის პაპობის პირველ წელიწადს მიქელანჯელო, რომელიც იმხანად რომს იმყოფებოდა, თუ არ ვცდები, გვიანი შემოდგომის ერთ ღამეს თავისი სახლის ბაღში იდგა და ღია ცის ქვეშ მუხლმოყრილი ლოცულობდა უეცრად დაიხაზა მეტეორი, სამკუთხა ნიშანი სამი სხივით. პირველი, რომელიც აღმოსავლეთისაკენ მიიწევდა, კაშკაშა იყო და ალესილი მანვილის პირივით გაკრიალებული: ბოლოში კაუჭი ჰქონდა გამობმული: მეორე — ლალისფერი და მეწამულა, რომს ადგა თავზე. მესამე — ალივით წითელი ორკაპიანი ზოლი იმდენად გრძელი იყო, რომ მისი წვერი ფლორენციას სწვდებოდა... როცა მიქელანჯელომ ეგ ღვთაებრივი ნიშანი იხილა, სახლში შევარდა ფურცლის, ყალმისა და საღებავების ასაღებად; დახატა ნიშანი და რომ დაასრულა, ჩვენებაც გაქრა“... (ფრა ბენედეტო, „წამებულთა დალი“, მესამე ნაწილი).

<sup>3</sup> ანრი ტოდე.

და და მიიცვალა<sup>1</sup>. „ეცხოვრობ ღარიბად, უფლის ღიაღში“,—სწერდა მამას 1512 წელს; სიკვდილის წინაც მოითხოვდა, „ვნებანი უფლისანი“ გამახსენეთო. ვიტორია კოლონასთან მეგობრობის ეამს, მეტადრე მისი სიკვდილის შემდეგ, ამ რწმენამ ეგზალტირებული ხასიათი მიიღო. ამ ხნიდან მოყოლებული ქანდაკებაში მხოლოდ ქრისტეს ვნებებს გახადიდებდა<sup>2</sup> და მისი პოეზიაც მისტიციზმში იყო დანთქმული. იგი უაუყოფდა ხელოვნებას და თავშესაფარს ჯვარცმული ღმერთის ფართოდ გაშლილ მკლავებში ეძებდა:

ჩემი ცხოვრების ქარიშხლიან ზღვებზე ნავალმა  
უმწეო ნავმა მიაღწია იმ ნავსაყუდელს,  
სადაც გემიდან გადმოდიან, სადაც ფასდება  
შრომა და ღვაწლი მორწმუნეთა და ურწმუნოთა.  
ჩემი გონება აღგზნებული, რომელიც ქმნიდა  
კერპს და ის კერპი ხელოვნება იყო აქამდე,  
მიხვდა, შეცდომა ჩაიღინა თურმე მრავალი:  
ბევრჯერ სურვილი სათავეა ბოროტებისა.  
ფაქრო მსუბუქო, მხიარულო, ფიქრო ამაოვ,  
ახლა ორ სიკვდილს მიახლოებ: ერთი თანა მღევს  
და უთუთა, მეორე კი აწ შემუქრება.  
ვერც საკრთელი და ვერც ფუნჯი ვერ მომასვენებს,  
სულს სიყვარული ღვთაებრივი მოსწყურებია,  
ის ღვთაებრივი სიყვარული, ჩვენს შესახვედრად  
ორივე ხელი რომ გაშალა, გაკრულმა ჯვარზე<sup>3</sup>.

\* \* \*

მაგრამ ყველაზე უტურფესი ყვაეილი, რაც კი რწმენაი და ტანჯვამ ამ ბებერ, უბედურ გულში აღმოაყენა, ღვთაებრივი გულ-

---

<sup>1</sup> როდესაც ლეონე ლეონიმ 1560 წელს მიქელანჯელოსსახიანი მედალი შექმნა, ამ უკანასკნელმა მედლის მეორე მხარეს ამოაკვეთინა ბრმა, რომელიც ძალს მისდევს და ზედ წააწერინა: „Docebo iniquos vias (uas et impi; ad te convertentur“. [„ცოდვილთ ვასწაველი შენს გზასა და ურწმუნონი გამოკვეებიან“ (ლათ.).] (ვაზარი).

<sup>2</sup> „ჯვარცმა“, „კუბოში ჩადება“, „ჯვრიდან გარდმოხსნა“, „Pietà“.

<sup>3</sup> ლექსები, CXLVII. ეს სონეტი, რომელსაც ფრეი არტუო უსაფუძვლოდ მიქელანჯელოსს საუკეთესო ლექსთა რიგს მიაკეთებებს, 1555—56 წლებში უნდა იყოს დაწერილი. მაგრამ სხვა ლექსებიც, შესაძლოა ნალები ოსტატობით, მაგრამ არანაკლები რწმენითა და გატაცებით უმღერიათ მსგავს გრძნობებს.

მოწყალეა იყო. ეს კაცი, რომელსაც მტრები ძუნწობას სწამებდნენ<sup>1</sup>, მთელი თავისი სიცოცხლის მანძილზე წყალობას არ აკლებდა ნაცნობსა თუ უცნობ უბედურებს. თავის და მამამისის მსახურთა მიმართ მუდამ გულისამაჩუყებელ ყურადღებას იჩენდა და მოხუცი ბუონაროტის ყოფილი მსახურის, ვინმე მონა მარგარიტას სიკვდილმა ისე დასწყვიტა გული, „როგორც ღვიძლი ღის სიკვდილმა“<sup>2</sup>: იმ უბირდურგალს კი, სიქსტის კაპელაში ხარაჩოებს რომ უგებდა, ქალიშვილისათვის მზითვევი მისცა<sup>3</sup>. სხვა ღარიბებსაც არ აკლებდა მოწყა-

---

<sup>1</sup> ეს ხმები არეტიწომ და ბანდინელიმ დაარბიეს. ურბენის პერცოგის ელჩი 1542 წელს, ვისაც სმენა არ ეზარებოდა, ყველას უყვებოდა, რომ მიქელანჯელო მეტად გამდიდრდა, რადგან ვახშად იძლეოდა ფულს, რომელიც იულიუს II-საგან მიეღო ჭერ აუგებელი ძეგლის საფასურად. ასეთი რამ რომ შესწამეს, ამაში ერთგვარად მიქელანჯელოსაც ედო ბრალი, რადგან ზოგჯერ არაჩვეულებრივ სიმკაცრეს იჩენდა საქმეებში (მაგალითად მოხუც სინორელისთან, რომელსაც 1518 წელსაც სდევნიდა 1513 წელს აღებული ვალისათვის); მის ხასიათში მომხვეჭი გლახაკის სიხარბე ბუნებრივ ხელგაშლილობასთან იყო შერწყმული. მუდამ ფულსა და დოვლათს აგროვებდა; მაგრამ ამას ანგარიშმიუცემლად სჩადიოდა, მემკვიდრეობით მიღებული თვისებებს ძალით. სინამდვილეში მეტად დაუდევარი იყო საქმეებში, აზრითარ ანგარიშს არ აწარმოებდა, არ იცოდა, რა ქონების პატრონი იყო და გაეცამე მუდამ ხელგაშლით უყვარდა. ოჯახი ხშირად მის ხარჯზე იყო; მეფურსაჩუქრებს უძღვნიდა მეგობრებსა და მსახურებს. მის ნაწარმოებთა უმეტესობა გაჩუქებული იყო და არა გაყიდული; წმ. პეტრეს ტაძრისათვის ოც წელს უსასყიდლოდ მუშაობდა და მასზე მეტად არც არავის დაუგმია ფულის სიყვარული. მომხვეჭელობა დიდი ცოდვააო, სწერდა იგი თავის ძმას, ბუონაროტოს. ვაზარი აღწერითებით უარყოფს მიქელანჯელოს მტერთა ამ ცილისმწამებლურ ბრალდებას და ჩამოთვლის ყველაფერს, რაც მის მასწავლებელს გაუცია. ტომაზო დეი კავალიერისათვის, ბონლო ალტოვიტისათვის, სებასტიანო დელ პიომბონასათვის, ჭერარდო პერინისათვის მართლაც საუცხოო ნახატები უჩუქებია. ანტონიო მინისათვის — „ლედას“ მთელი ესკიზები და მოდელები, ბარტოლომეო ბეტინისათვის — არაჩვეულებრივი „ვენერასთან მოალერსე კუპიდონი“; მარკო დელ ვასტოსთვის — „ხელი არ მახლო“. რობერტო სტროცისათვის — ორი „მონა“; მსახურ ანტონიოსათვის: „ჭვრიდან გარდმოსსნა“ და სხვ. „არ ვიცი, — დასძენს ვაზარი, — როგორ შეიძლება ძუნწობა შესწამო კაცს, ვისაც ათასობით ეკიუს ღირებულების საგნებია აქვს გაჩუქებული“.

<sup>2</sup> ჯოვანი სიმონესადმი და ლიონარდო ბუონაროტისადმი მიწერილი ბარათები (1533 და 1540 წლები).

<sup>3</sup> ვაზარი.

ლებას, განსაკუთრებით ნამუსიან ღარიბებს, ვისაც საკუთარი სიღარიბისა რცხვენოდა. ამ ქველ საქმეში ძმისწულების ჩაბმა უყვარდა. დასაც და ძმასაც მუდამ ქველმოქმედებას ჩააგონებდა, ავალებდა ამ საქმის შესრულებას, თან უკრძალავდა მისი სახელის გამხელას, რადგან სურდა, რომ მისი სიკეთე საიდუმლოდ დარჩენილიყო<sup>1</sup>. «ერჩია სიკეთე მართლა ჩაედინა, ვიდრე კეთილად მხოლოდ ხალხის თვალში გამოჩენილიყო»<sup>2</sup>. ყველაზე მეტად ხელმოკლე ქალიშვილებზე ზრუნავდა და ეს ამბავი ყველაზე უკეთ ამხელს მისი სულის სისათუთეს: სულ იმის ცდაში იყო, მათთვის როგორმე საიდუმლოდ ცოტაოდენი სამზითვო, ანდა მონასტერში შესასვლელი ფული მიეცა.

«ეცადე გამიგო, ხომ არ არის მანდ ვინმე ღარიბი მოქალაქე, მოწიფული ქალის პატრონი, ქალისა, რომელსაც გათხოვების ან მონასტერში შესვლის დრო დაუდგა, — სწერდა იგი თავის ძმისწულს და დასძენდა, — ხომ იცი, ისეთებს დავეძებ, ვისაც უჭირთ და მოწყალებით თხოვნას თაკილობენ. მიეცი მათ ჩემი გამოგზავნილი ფული, მიეცი საიდუმლოდ; მაგრამ ერთსა გთხოვ: ეცადე, არ მოგატყუონ»...<sup>3</sup>

---

<sup>1</sup> «მგონია, ქველმოქმედებას სულ არ მისდევ», — სწერდა იგი ლიონარდოს 1547 წელს.

«გადაგიწყევტია, რომ იმ ქალს სამოწყალოდ ოთხი ოქროს ვიკე მისცე: ძალიან მასიამოვნე ამით» (1547 წლის აგვისტოს მიწერილ ბარათში).

«მეგობრობის გრძნობას არ აჰყვე, ეცადე მისცე მას, ვისაც ნამდვილად უჭირა. ფული საიდან გაჩნდა, იმას ნუ იტყვი» (1549 წლის 29 მარტი).

«ჩემზე სიტყვა არ დასძრა» (1547 წლის სექტემბერი).

«მე უფრო კმაყოფილი ვიქნები, რომ ის ფული, რომლითაც ჩემთვის საჩუქრებს ყიდულობ, ქველმოქმედებას მოახმარო და ღარიბ-ღატაკებს დაურიგო ღვთის გულისათვის, რადგან, რამდენადაც ვიცი, თქვენში ბევრია გაჭირვებული» (1558 წელი).

«მინდა სიბერეში ცოტაოდენი სიკეთე ჩაედინო ქველმოქმედებით. სხვაგვარი სიკეთე არც ვიცი და არც მეხერხება» (1561 წლის 18 ივლისი).

<sup>2</sup> კონდივი.

<sup>3</sup> ლიონარდოსადმი მიწერილ ბარათში (1547 წლის აგვისტოს).



სხვაგანაც სთხოვდა:

„მაცნობე, კიდევ ხომ არ გეგულება გაჭირვებაში მყოფი ვინმე კეთილშობილი მოქალაქე; განსაკუთრებით ისეთი, ვისაც შინ გასათხოვარი ქალი უზის. ძალიან მეამება, თუკი ჩემი სულის საცხონებლად რაიმე სიკეთეს გავუყეობ“<sup>1</sup>.

---

<sup>1</sup> 1550 წლის 20 დეკემბერს ისევ ლიონარდოსადმი მიწერილ ბარათში. სხვაგან ვინმე ჩერეტანის ამბავსაც გამოიკითხავს: ქალი ჰყოლიაო მონასტერში შესაყვანა. (1549 წლის 29 მარტი). მისი ძმისწული ჩეკა ერთი ღარიბი ქალაშვილის მონასტერში შესაყვან ფულს სთხოვს და მიქელანჯელოც საჭირო თანხას სიხარულით უგზავნის (წერილი ლიონარდოსადმი. 1556 წლის 31 მაისი).

„ღარიბი ქალიშვილის ცოლად მოყვანაც, — ამბობს ერთგან, — ქველმოქმედებაა ერთგვარი“.

...Et l'osteria  
E morte...<sup>1</sup>

„ნანატრი სიკვდილი, მოსვლას ასე რომ აგვიანებდა“<sup>2</sup>, ეწვია ბოლოს.

მაგარი აგებულებისა და ასკეტური ცხოვრების მიუხედავად ავადმყოფობამ მაინც დაიგდო. 1544 და 46 წლის ავთვისებიანი ციებ-ციხელების შემდეგ ვერ იქნა და საბოლოოდ ვერ გამოკეთდა; კენქე-ბი<sup>3</sup> და ნიკრისის ქარი<sup>4</sup> სტანჯავდა. მრავალმა სენმა საბოლოოდ შეარყია მისი ჯანმრთელობა. სიბერის ქაშს დაწერილ ერთ მწუხარე სახუმარო ლექსში იგი ასე აღწერს ავადმყოფობით დაძაბუნებულ თავის საბრალო სხეულს:

„ვარ მარტოსული და განწირული  
და მომწყვდეული, როგორც ქერქში გულია ხისა...“

მე ვბზუი ისე, როგორც კრაზანა,  
ძელისა და ტყავის ტომარაში მოთავსებულა...  
ჩემი კბილები ისე ირყევა,  
ვით კლავიშები კლავესინისა...  
მაქვს პირისახე გაფითრებული...“

ცალ ყურში მიზის მე ობობა, ქსელის მქსოველი,  
მღერის კრიკინა მეორეში გათენებამდე...  
ისე ვხრიალებ, თვალებს რული არ ეკარება...“

მე დიდებას რომ აღმიტქვამდა, იმ ხელოვნებამ  
აი, სადამდე მიმიყვანა, როგორ გაათავდა.  
მე ვარ მოხუცი, უბადრუკი და გათელილი“

1 ... ჩემი სასტუმრო ერთადერთი არის სიკვდილი... (ლექსები, LXXXI).

2 ლექსები, LXXIII, 30.

3 1549 წლის მარტში ვიტერბოს წყლებზე წასვლა ურჩიეს: მართლაც მომჯობინდა (იხ. წერილი ლიონარდოსადმი), მაგრამ 1559 წლის ივლისში ისევ კენქება აწვლებდა.

4 1555 წლის ივლისს.

და ბედნაეს ახლა სიკვდილი თუ მიზევის მხოლოდ...

მოქანტულ ვარ, გატანჯული და მოტეხილი,  
ჩემი სასტუმრო ერთადერთი —  
არის სიკვდილი...<sup>1</sup>

„ჩემო ძვირფასო მესერ ჯორჯო, — სწერდა იგი ვაზარის 1555 წლის ივნისში, — ჩემს ნაწერზე უთუოდ მიხედვებით, რომ უკვე ცხოვრების ოცდამეოთხე საათს მივალწიე“<sup>2</sup>.

ვაზარის, რომელიც მას 1560 წლის გაზაფხულზე ეწვია, იგი მეტად დასუსტებული ეჩვენა. სახლიდან თითქმის აღარ გამოდიოდა, ძილითაც თითქმის სულ არ ეძინა. ყველაფერი იმის მაუწყებელი იყო, რომ თავადაც დიდხანს ვერ გასტანდა. რაც უფრო სუსტდებოდა, მით უფრო გულჩვილი ხდებოდა და ხშირად ტიროდა ხოლმე.

„ჩემს დიდ მიქელანჯელოს ვეწვიე, — წერს ვაზარი, — ჩემს ნახვას არ ელოდა და ისე აღელდა, თითქოს მშობელი მამა ყოფილიყოს და დიდი ხნის დაკარგული შვილი ეპოვოს. მკერდში ჩამიკრა, კოცნით ამავსო და სიხარულის ცრემლები ღვარა“<sup>3</sup>.

მაგრამ გონების სიცხადე და ენერჯია არ დაუკარგავს. ამ სტუმრობის დროს, რომლის შესახებაც ვაზარი მოგვითხრობს, მოსულს დიდხანს ესაუბრა ხელოვნების სხვადასხვა საკითხზე, ათასი რჩევა-დარიგება მისცა და ცხენით წმ პეტრეს ტაძრამდე მიაცილა<sup>4</sup>.

1561 წლის აგვისტოში შეტევა მოუვიდა. სამ საათს ფეხშიშველა ხატავდა თურმე თავის ოთახში, უეცრად საშინელი ტკივილი იგრძნო, იატაკზე დავარდა და კრუნჩხვები დაეწყო. მსახურმა ანტონიომ უგონოდ მყოფი ნახა. კავალიერიმ, ბანდინიმა და კალკანიმ მაშინვე მოირბინეს. ისინი რომ მოვიდნენ, მიქელანჯელო უკვე გონს მოსულიყო. რამდენიმე დღის შემდეგ კვლავ დაიწყო ცხენით სეირნობა და პორტა პიასათვის ჩანახატების გაკეთება<sup>5</sup>.

<sup>1</sup> ლექსები, LXXXI.

<sup>2</sup> ვაზარისადმი მინაწერ ბარათში (1555 წლის 22 ივნისს). „არა თუ მოვხუცდა, მკვდრებში ვწერივარ უკვე“ — სწერდა ვარკის ჭერ კიდეც 1549 წელს („Non solo son vecchio, ma quasi nel numero de'morti“).

<sup>3</sup> ვაზარის წერილი კოზიმო მედიჩისადმი (1560 წლის 8 აპრილი).

<sup>4</sup> მაშინ იგი ოთხმოცდახუთი წლისა იყო

<sup>5</sup> აი, როდის გაახსენდა პიუს III-ის მემკვიდრეებთან სამოცი წლის წინათ დადებული კონტრაქტი, სიენის პიკოლომინის საკურთხეველის აგების თაობაზე რომ დაედო, და მოისურვა კიდევ მისი შესრულება.

თავნება მოხუცი ვერ ითმენდა, როცა მისდამი რაიმე საბაბით მზრუნველობას იჩენდნენ. მეგობრებს მუდამ აწვალებდათ აზრი, რომ მარტოლმარტო მყოფს ყოველ წუთს შეიძლებოდა შეტევა განმეორებოდა და გვერდში არავინ ეყოლებოდა უგულისყურო და დაუდევარი მსახურების მეტი.

მისი მემკვიდრე ლიონარდო, ასე მწარედ რომ დატუქსა, რაკი ერთხელ ბიძამისის ავადმყოფობა გაიგო და უმაღლვე რომს მოაშურა, მეტად ველარ ბედავდა გამოჩენას. 1563 წლის ივლისში დანიელ დე ვოლტერას პირით შემოუთვალა ბიძას, ჩემს ნახვას თუ ინებებთო. და ყოველგვარი ექვი რომ გაეფანტა, რაც მისი უეცარი ჩამოსვლის გამო მოხუცის უნდო გონებას შეიძლებოდა აღჭვროდა, ისიც დასძინა, საქმე კარგად მიმდის, მდიდარი ვარ და არაფერი მჭირდებაო. მაგრამ მოხუცი მიუხვდა ოინს და შეუთვალა: ძალიან მახარებს ეგ აშბავი და თუკი აგრეა, იმ მცირედსაც, რაც გამაჩნია, ლარიბებს ვუანდერძებო.

ასეთი პასუხით არცთუ მთლად კმაყოფილმა ლიონარდომ ერთი თვის თავზე კვლავ სცადა ბედი და ბიძას ისევ შემოუთვალა: ძალიან მაფიქრებს თქვენი ჯანმრთელობა, ის მაინც ვიცოდე, ვარს სანდო ხალხი თუ გახვევიაო. მაშინ მიქელანჯელომ მრისხანებით აღსავსე წერილი მისწერა, რომელიც ამტკიცებს, რომ ამ ოთხმოცდარვა წელს მიღწეულ კაცს, სიკვდილამდე ექვსი თვით ადრეც, საოცარი სიცოცხლისუნარიანობა ჰქონდა:

„შენი წერილიდან შევიტყვე, რომ თურმე ყურს უგდებ იმ შურიან არამზადათა მონაპორს, ჩემი გაქურდვა და მოტყუება რომ ვერ მოახერხეს და ვინ იცის, რა სისულელეებს არ ჩმახვენ. იცოდე, გაიქვერები და არამზადები არიან; შენ კი ისეთი ბრიყვი ჩანხარ, რომ გჯერა, რასაც ისინი ჩემზე ამბობენ. თითქოს უსუსური ბალდი ვიყო. გირჩევ, მაგათ ნუ აპყვები. ასეთი ხალხი მხოლოდ უსიამოვნებას შეგამთხვევს. შურის მეტი არაფერი შეუძლიათ და მაწანწალებივით ცხოვრობენ. იწერები, ვაითუ ცუდად გემსახურებიანო. მე კი გარწმუნებ, წარმოდგენაც არ შეიძლება, რომ ვინმეს ჩემზე უკეთ მსახურებდნენ. ნურც იმის ფიქრი გექნება, არ გაქურდონო, რაჯგან ხალხს, ვინც ჩემთან ერთად ცხოვრობს, შემიძლია ყველაფერში ვენდო და მშვიდად ვიყო. ამიტომ გირჩევ, ჩემს საქმეებს თავი ანებო და შენსას მიხედო,

რადგან ბავშვი აღარა ვარ და თუ დამჭირდა, თავს უშენოდაც კარგად დავიცავ.

კარგად იყავი, მიქელანჯელო<sup>1</sup>.

მაგრამ მემკვიდრეობის საკითხი მარტო ლიონარდოს როდი აღელვებდა: მთელი იტალია მიქელანჯელოს მემკვიდრე იყო. მეტადრე ჰერცოგი ტოსკანელი და რომის პაპი ცდილობდნენ, რომ სან-ლორენცოსა და წმ. პეტრეს ტაძრის ესკიზები უცაბედად არ გამჭრალიყო. 1563 წელს ვაზარის თხოვნით წაქეზებულმა ჰერცოგმა კოზიმომ თავის ელჩს, ავერარდო სერისტორის დაავალა საიდუმლოდ მოლაპარაკებოდა პაპს, რათა მიქელანჯელოს დაძაბუნება მხედველობაში მიეღოთ და მკაცრი თვალყური დაეწესებინათ მის მოსამსახურეებზე და ყველა იმათზე, ვინც მხატვრის სახლში დადიოდა. და თუ ხელოვანს სიკვდილი უეცრად ეწვეოდა, მთელი მისი ქონება, ნახატები, ესკიზები, საბუთები, ფული, მკისვე აღეწერათ და თვალყური ედევნებინათ, რომ იმ ორომტრიალში არაფერი დაკარგულიყო. ცხადია, იმაზედაც უნდა ეზრუნათ, რომ მიქელანჯელოს არაფერზე ეჭვი არ აეღო<sup>2</sup>.

ჟამმა დაჰკრა და ეგ სიფრთხილე ნადრევი სულაც არ იყო.

მიქელანჯელოს უკანასკნელი წერილი 1563 წლის 28 დეკემბრით თარიღდება. უკვე წელიწადზე მეტი იყო, რაც თვითონ არ წერდა, სხვას კარნახობდა და ბოლოში ხელს აწერდა მხოლოდ. მის ნაცვლად დანიელ დე ვოლტერა აწარმოებდა მიმოწერას.

მუშაობას კი მაინც არ წყვეტდა. 1564 წლის 12 თებერვალს მთელი დღე ფეხზე იდგა და Pietà-ს<sup>3</sup> აკეთებდა. თოთხმეტში სიცხემ აუწია. ტიბერიო კალკანი, რომელსაც აცნობეს ეს ამბავი, მკისვე გამოეშურა ავადმყოფის სანახავად, მაგრამ მოხუცს შინ ველარ მიუსწრო. მიქელანჯელო წვიმასაც არ დარიდებოდა და ფეხით კამპანში სასეირნოდ წასულიყო. შინ რომ დაბრუნდა, კალკანიმ უთხრა, ასეთ ამინდში სახლიდან ფეხი არ უნდა გავედგათო.

1 ლიონარდოსადმი მიწერილი ბარათი (1563 წლის 21 აგვისტოს).

2 ვაზარი.

3 საუბარია რონდანიინის სასახლის დაუსრულებელ პიეტაზე (დახილ დე ვოლტერას წერილი ლიონარდოსადმი, 1564 წლის 11 ივნისს).

„რას ჩამაცივდით? — უთქვამს თურმე მიქელანჯელოს, — ავადა ვარ და სულ ერთია, სიმშვიდეს მაინც ვერსად ვპოვებო“.

მისმა არეულმა მეტყველებამ, მღვრიე გამოხედვამ და სახის ფერმა მეტად შეაშფოთა კალკანი. მაშინვე წერილი აფრინა ლიონარდოსთან: „შეიძლება ერთბაშად არ მოკვდეს, მაგრამ ვშიშობ, დიდი დღე არ უწერიაო“<sup>1</sup>.

იმავე დღეს მიქელანჯელომ კაცი გაუგზავნა დანიელ დე ვოლტერას. დანიელმა ექიმ ფედერიგო დონატის უხმო; თხუთმეტ თებერვალს კი მომაკვდავის თხოვნით მისწერა ლიონარდოს, შეგიძლიათ მოზრძანდეთ და ინახულოთო. მოხუცს იმის შეთვლაც არ დაევიწყებია: „გზები ცუდია და ფრთხილად იარეო“<sup>2</sup>.

„ღამის რვა საათი იქნებოდა, როდესაც მისგან წამოვიდი, — წერს დანიელ დე ვოლტერა, — სრულიად დამშვიდებული და ნათელ გონებაზე მყოფი დავტოვე. მხოლოდ ის იყო, რომ ძილი უმძიმებდა ქუთუთოებს და ეს ისე აწუხებდა, რომ ნასადილევს ცხენით გასეირნებაც კი სცადა, მაგრამ ცუდმა ამინდმა, სახსრებისა და თავის ტკივილმა ამ განზრახვაზე ხელი ააღებინეს. შინ დაბრუნდა და ბუხრის პირას მდგარ სავარძელში ჩაეშვა, რადგან წოლას ისევე ჯდომა ერჩია“.

მისი ერთგული კავალიერიც გვერდით ჰყავდა.

სიკვდილამდე მხოლოდ ორი დღით ადრე დათანხმდა საწოლში გადასულიყო. მეგობართა და მსახურთა წრეში სრულიად საღ გონებაზე მყოფმა უკარნახა თავისი ანდერძი: „სულს უფალს ვაბარებ, სხეულს მიწას“... დაიბარა: „მშობლიური ფლორენციის მიწას მკვდარი მაინც მიმაბარეთო“ და:

*Da l'orribil procella in dolce calma*

ჯოჯოხეთურ ქარიშხლიდან მშვიდ სავანეში<sup>3</sup>

გადავიდა. ეს მოხდა თებერვალში, პარასკევ დღეს, ხუთ საათზე<sup>4</sup>. მწუხარი წვებოდა:

<sup>1</sup> ტიბერიო კალკანის წერილი ლიონარდოსადმი (1564 წლის 14 თებერვალს).

<sup>2</sup> დანიელ დე ვოლტერას წერილი ვაზარისადმი (1564 წლის 17 მარტს).

<sup>3</sup> ლექსები, CLII.

<sup>4</sup> 1564 წლის 18 თებერვალს, პარასკევ დღეს. მის სიკვდილს ტომაზო დეი კავალიერი, დანიელ დე ვოლტერა, დიომედე ლეონი, ორი ექიმი: ფედერიგო დონატი და ჯერარდო ფიდელისიმო და მსახური ანტონიო ფრანცეზე ესწრებოდნენ. ლიონარდო რომში მხოლოდ სამი დღის შემდეგ ჩამოვიდა.

„უკანასკნელი დღე სიცოცხლისა

... მუდროების სახანეში მხოლოდ პირველი!...“<sup>1</sup>

როგორც იქნა, განისვენა. გაექცა ჟამთასვლას, მიაღწია დიდი ხნის  
საწადელს.

Beata l'alma, ove non corre tempo!

ნეტარ არს სული, რომლისთვისაც შეჩერდა ჟამი!<sup>2</sup>

ასეთი იყო ღვთაებრივი სევდით აღბეჭდილი ეს სიცოცხლე.

Fuss'io pur lui! c'a tal fortuna nato

Per l'aspro esilio suo con la virtute

Dare' del mondo il piu felice stato!<sup>3</sup>

\* \* \*

ამ ტრაგიკულ ამბავს რომ ვასრულებ, სინდისის ქენჯნასა ვგრძნობ; თავს ვეკითხები: ტანჯულთათვის მწუხარებაში ნუგეშად მეგობართა გაჩენა მსურდა და ვაითუ მათ სატანჯველს ამ უკანასკნელთა დარდიც შევმატე-მეთქი. იქნება სჯობდა, მეც სხვების დარად გმირებნს მხოლოდ გმირული მხარეები მეჩვენებინა და არ გამოვკიდებოდი მათი მწუხარების უფსკრულებს.

მაგრამ არა! ქეშმარიტებას ვერ ვულალატებ! ჩემს მეგობრებს სიცრუის ფასად წაყიდ ბედნიერებას ვერ შევთავაზებ. მე მათ სიმართლის თქმას შეეპირდი, თუნდაც ამით ბედნიერებას ჩრდილი მიადგეს. დიახ, სიმართლის თქმას შეეპირდი, ვაჟკაცური სიმართლის თქმას, რომელიც მარადიულ სულებს აქანდაკებს. მისი სუნთქვა პირქუშია, მაგრამ წმინდაა. მოდით, ჩვენი სისხლნაკლი გულები მასში განვიბანოთ.

დიადი სულები მაღალ მწვერვალებს გვანან. ღრუბლები გარს ეხვევა, ზედ ქარი დათარეშობს. მაგრამ იქ სუნთქვა უფრო იოლია. ჰაერი იქ ისეთი სუფთაა, რომ გულიდან ყველა ლაქას გადარეცხს.

<sup>1</sup> De giorni mie',.....

L'ultimo primo in piu tranquilla corte..

(ლექსები, LIX).

<sup>2</sup> ლექსები, LIX.

<sup>3</sup> ო, ეს მსურს ვიყო, ვის წილად ხვდა სულის მხნეობით

სიკვდილის პირქუშ დილეგიდან ამ ქვეყანაზე

რომ მოიტანოს მუდროება და ნეტარება!

(ლექსები, CIX, 57).

და როცა ღრუბელი გაიფანტება, ადამის მოდემას ზემოდან გადმო-  
ჰყურებ.

ასეთი იყო ეს გოლიათი მთაც, აღორძინების ხანის იტალიას თავს  
რომ დაჰყურებს. ჩვენ ვხედავთ, მაღლა ცაში როგორ იხატება მისა  
ნაწევალეები პროფილი, მაგრამ მის მწვერვალს თვალს ვეღარ ვუწვ-  
დნთ.

მე არ ვამტკიცებ, რომ ამ მწვერვალებზე ცხოვრება ყველა ადა-  
მიანს ძალუძს. მაგრამ დე, წელიწადში ერთხელ მაინც ავიდნენ მაღლა  
სალოცავად. იქ განწმენდილი ფილტვებით სუფთა ჰაერს ჩაისუნთქა-  
ვენ, სისხლი აუჩქროლდებათ ძარღვებში, მარადიულთან უფრო ახლოს  
ნივლენ. შემდეგ ისევ დაეშვებიან ცხოვრების თავდაღმართში ყო-  
ველდღიური ბრძოლებისათვის გულგაკაეებულნი.



# შ ე ნ ი შ ვ ნ ე ბ ი

## კოლა ბრონიონი

გვ. 30.

ქალწული—იგულისხმება ეანა ღ'არკი.

გვ. 32

მიდასი—ფრიგიის მითიური მეფე იყო, რომელმაც აპოლონის ღირას პანის ფლე-იტა არჩია. გაბრაზებულმა ხელოვნების ღმერთმა კრის ყურებით შეამკო საბრალო მიდასი. მიდასი თავის ყურებს ბეჭითად მალავდა, მაგრამ ერთხელ მისმა დალაქმა შენიშნა მეფის ყურები და, რადგან საიდუმლოების შენახვა არ შეეძლო, პატარა ორმო ამოთხარა და საიდუმლოება მიწას გაანდო, მერე კი ორმო ამოავსო. ლეგენდა გადმოგვცემს, იმ ადგილას ლერწმები აღმოცენდნენ და ყოველ ნიავის დაქროლებაზე გამომეღელთ ამცნობდნენ: „მიდასს, მეფე მიდასს ვირის ყურები აქვსო“.

გვ. 36.

ღაანა—რომაული მითოლოგიის მიხედვით, იუპიტერის ასული, აპოლონის და. ტყეებისა და ნადირობის ღმერთი, ბერძნული არტემიდა.

გვ. 37.

ბიუგ სამგენი—XVI საუკუნის ფრანგი არქიტექტორი.

მედონის კიურე—XVI საუკუნის გამოჩენილი ფრანგი მწერალი რაბლე. რამდენიმე წლის განმავლობაში იგი ქ. მედონის მოძღვარი იყო.

გვ. 38.

აქატი—ვირგილიუსის „ენეიდას“ გმირი. ერთგული მეგობრისა და განუყრელი თანამგზავრის განსახიერება.

გვ. 40

არტაბანი—ლა-კაპრენდის (1614—1663) რომანის „კლეოპატრას“ პერსონაჟი. მისი სიამაყე სანაღბო გახდა. „არტაბანივით ამაყი“, იტყვიან ხოლმე.

გვ. 41.

ოღისევსი—იტაკის მითიური მეფე. პომპონის „ოღისეას“ გმირი.

გვ. 43.

ლიგა—ჰერცოგ ანრი გიზის მიერ 1576 წელს პროტესტანტებთან საბრძოლველად დაარსებული კათოლიკეების კავშირი.

ჭუგენოტი—პროტესტანტი.

გვ. 44

ბეიანი, ანუ ბეთლემი—კლამსის გარეუბანია.

გვ. 45.

მატამორი—(ესპანური სიტყვაა, ნიშნავს შავრების მკვლელს). ესპანური კომედიის პერსონაჟი, რომელიც წარამარა ტრაბახობს თავისი ვითომდაც გმირული საქმეებით მავრებთან ბრძოლაში.

გვ. 47.

იუღა—ბეთლემის გარეუბანი, სადაც კლამსელი მეტივეები ცხოვრობენ.

რომი—კლამის ზემო ნაწილი, ზემო ქალაქი. ეს სახელწოდება ქალაქის ამ ნაწილში ძველი რომული კიბეების გამო მიიღო. კიბეები წაიხდა მარტენის მოედნიდან ბეიანის გარეუბნისაკენ მიემართება.

გვ. 52.

გარგანტუა — რაზლეს რომანის გმირი. დიდი ღორძუცელა ვინმე.

გვ. 53.

სილენი—ფრიგიელთა ღვთაება, იუპიტერის შვილის ბახუსის აღმზრდელი. ვირგო-ლიუსის ერთ პასტორალურ პოემაში სილენი ვალეშილო მთვრალია გამოყვანილი.

აიქსი—პომპროსის „ილიადას“ გმირი, ტროადის ომის მონაწილე.

ბექტორ ტროელი—„ილიადას“ მთავარი გმირი. ყველაზე სახელმწიფო ტროადელი მხედართმთავარი, ტროადის მეფის პრიამოსის შვილი. მოკლა ბერძენების მხედართმთავარმა აქილევსმა.

გვ. 61.

„De Legibus“—„კანონებზე“.

ნოსტრადამიუსი—ცნობილი ასტრონომი და ექიმი (1503—1566). წინასწარმეტყველებათა კრებულის, „ცენტურიების“ ავტორი.

კომიუსი — ჭეიფისა და პურ-მარილის ღვთაება (ბერძ. მით.).

მომიუსი—ავციობის ღვთაება (ბერძ. მით.).

გვ. 67.

Ibi ceciderunt—დაე იქვე დაეცნენ (ლათ.).

Atque expulsi sunt—აგრეთვე გაძევებულ იქნენ (ლათ.).

Stare—დგომა (ლათ.).

Ibi cecidit—იქვე დაეცა (ლათ.).

გვ. 71.

გი კოკი—ფრანგი სამართლისმცოდნე. ნევერის ზნე-ჩვეულებათა კრებულის ავტორი ხამ სულელს ერთში ან ერთს ხამში — ქრისტიანული რელიგიის მიხედვით ღმერთია ერთი და სამპირიანი — მამა ღმერთი, შვილი იესო ქრისტე და სული წმინდა. პაიარი სწორედ ამ რწმენას გადაკრავს.

გვ. 72.

პირონელი — პირონის მიმდევარი. პირონი ანტიუი იდეალისტი ფილოსოფოსი იყო.

გვ. 73.

ბერნი — შვეიცარიის დედაქალაქი.

კანტონი—შვეიცარიის რესპუბლიკაში შემავალი ფედერალური სახელმწიფოებრივი ერთეული.

გვ. 74.

კონჩინი — ლუი XIII-ის მინისტრი. ეროვნებით იტალიელი.

დიდი ანრი — იგულისხმება მეფე ანრი IV.

დე სიული — ანრი IV-ის მინისტრი და მეგობარი.

29. რ. როლანი

გვ. 84.

„Ora pro nobis“—„უფალო, შეგვიწყალო“.

გვ. 89.

In petto—ჩვენთვის, გუნებაში (იტალ.).

გვ. 90.

Absolvo te—მომიტევებია შენთვის (ლათ.).

გვ. 91.

ბეზლ—ისევე გამოითქმის, როგორც „baise-la“, რაც ნიშნავს „აკოცე მას“. („მას“ მღერობით სქესშია).

გვ. 93.

რომს თუ შენევახ — იგულისხმება: რომს, ესე იგი კათოლიკეებს, შენევახ, ესე იგი, პროტესტანტებს.

წმინდა ბართლომეს ღამე — იგულისხმება 1572 წლის 24 აგვისტოს ღამე, როდესაც კათოლიკურმა ლიგამ ჰერცოგ გიზის მეთაურობით პროტესტანტების ხოცვა-ჟლეტა მოაწყო.

გვ. 95.

პანტენორი — საავადმყოფო.

გვ. 97

ტიტუსი — რომის იმპერატორი ტიტუს-ფლავიუს ვესპასიანუსი. ამ მეტად კეთილ იმპერატორს, როდესაც მთელი დღის განმავლობაში შემთხვევა არ ექნებოდა კეთილი საქმე გაეკეთებინა, ჩვეულებად ჰქონდა ეთქვა: „Diem perdidit“, რაც ნიშნავს: „მე დღე დაკარგე“.

გვ. 102.

ღანაე — არგოსის მეფის ასული. ღმერთების მამისა და მბრძანებელი იუპიტერისგან შეეძინა შვილი.

გვ. 103.

ანტიოხე — ფიგანელი მეფის ასული, რომელსაც ძილის დროს ღმერთების მამა ზევსი დაეუფლა (ბერძნ. მითოლ.).

ორესტი და პილადე — ანტიკური საბერძნეთის გმირები, განთქმული თავიანთი მეგობრობით.

გვ. 109.

მერაკლიტე და დემოკრიტე — ანტიკური საბერძნეთის ფილოსოფოსები.

ამადისი და ვალაორი — XI საუკუნის ესპანური რაინდული რომანების გმირები. სიყვარულისა და ერთგულების განსახიერებანი.

გვ. 111.

ნოეს კიდობანი — ბიბლიის გადმოცემით უფალმა გადაწყვიტა ცოდვების გამო წარღვნით მოესპო ადამიანთა მოდგმა, მაგრამ უცოდველი და სამართლიანი პატრიარქი ნოე თავისი ოჯახით გადაერჩინა; ამიტომ უბრძანა მას აეშენებინა კიდობანი თავისთვისა და თავისი ოჯახისათვის და შიგ ჩაეყვანა ყოველი ცხოველისა და ფრინველის წყვილი. ლეგენდა გვარწმუნებს, რომ ამთა გადარჩა ადამიანთა და ცხოველთა მოდგმა.

გვ. 120.

სოლო — ძველი ფრანგული ფულის ერთეული.

გვ. 121.

პანდორი — ბერძნული მითოლოგიის თანახმად პირველი ქალის სახელი. ცნობინ-  
მოყვარეობის განსახიერება. პანდორი ბიბლიის ევას ეთანაბრება.

გვ. 128.

შიული — წონის ერთეული.

გვ. 134.

წმინდა კოზმა — ბერი მკურნალი (287 წ.), არაბი. ექიმებისა და დოსტაქრების  
მფარველი. აწამეს დიოკლეტიანეს დროს.

აპოფთეგმები — ზნეობრივ-დამრიგებლობითი ხასიათის წარმონათქვამები (სენ-  
ტენციები).

„კატონის ოქროს სიტყვები“ — რომელ პოეტ დიონისე კატონის მიმბაძველი XVI  
საუკუნის ფრანგი პოეტის პიერ გრონეს ნაწარმოებია.

გიომ ბუშე — XVI საუკუნის ფრანგი პოეტი.

ვილ კოროზე — XVI საუკუნის ფრანგი პოეტი და ისტორიკოსი.

კუტა — ვენახი დაბალი ბორცვის ფერდობზე.

გვ. 135.

რეგულუსი — მარკუს-ატილიუს-რეგულუსი, რომის კონსული (III საუკ. ჩვენს  
წელთაღრიცხვამდე).

გვ. 139.

Confiteor — კათოლიკური ლოცვა, ითქმის აღსარების წინ და ამ სიტყვით იწუება,  
სიტყვა კი ნიშნავს: „ვადიარებ“ (ლათ.).

გვ. 140.

Sursum corda — აღმადღეთ გულები. გამხნევდით (ლათ.).

Consummatum est — აღსრულდა. ყველაფერი გათავდა (ლათ.). ჭვარცმული ქრის-  
ტეს უკანასკნელი სიტყვა.

გვ. 141.

იესოს ხე — იესო ქრისტეს გენეალოგიური ხე. შუა საუკუნეების ნახატებში ბიზ-  
ლიური პატრიარქი ენაია გამოხატული იყო მიწაზე გაწოლილი, მინი მუცლი-  
დან აზრდებოდა ხე, რომლის წვეროზეც იდგა ღვთისმშობელი მარიამი ხელ-  
ში ყრმა იესოთი.

გვ. 142.

De profundis — სიღრმიდან (ლათ.). სულთათნას პირველი სიტყვა.

ეპითალამი — ძველი ბერძნებისა და რომაელების საქორწინო სიმღერა.

ნოელი — ფრანგული საეკლესიო-სახალხო სიმღერა.

Laudate — გალობა: „ადიდეთ სახელი უფლისა“ (ლათ.).

ფანფარი — საზემო ან სამხედრო მუსიკალური ნაწარმოები ლითონის ჩასახერი  
საკრავისათვის. საზემო ან სამხედრო სიმღერა.

ვიელი — ძველი სიმებიანი საკრავი.

გვ. 143.

წმინდა როკი — დაიბადა და გარდაიცვალა მონპელიეში. მკურნალობდა ჭირია-  
ნებს. მკირწყლავთა და ქვის მტეხელთა მფარველი.

**Mea culpa, mea culpa**—ცოდვილი ვარ ჩემი ბრალია (ლათ.).

გვ. 144.

**წმინდა ლაზარე** — ბიბლიურა ლეგენდის გადმოცემით ქრისტეს მიერ გაცოცხლებული.

**ხამსონის იარაღი**—ყბა. ებრაელთა მსაჯული სამსონი განთქმული იყო თავისი ღონით. ბიბლიური ლეგენდის გადმოცემით სამსონმა ვირის ყბით დახოცა ფილისტიმელები.

გვ. 147.

**მკლე ძროხები** — ეგვიპტის ფარაონს შვიდი მსუქანი და შვიდი მკლე ძროხა დაესიზმრა. ებრაელთა პატრიარქმა იოსებმა სიზმარი ასე ახსნა: 7 წელს უხვო მოსავალი იქნება, შვიდ შემდეგ წელს მოუსავლიანობა და შიმშილი (ბიბლიიდან).

**Requiescat**—„განისვენოს“ (ლათ.). სულათანა.

გვ. 150.

**ლიარდი** — ძველი ფრანგული ფულის ერთეული.

გვ. 151.

**იანუსი** — რომაულ მითოლოგიაში დროის (დასაწყისის და დასასრულის) ღვთაება. გამოისახებოდა ორი პირისახით, რომელთაგან ერთი წინ ჰქონდა, მეორე კი უკან.

გვ. 152.

**„Nunc dimittis“** — „აწ განუტევე“ (ლათ.).

გვ. 153.

**კრეზუსი** — ლიდიის უკანასკნელი მეფე. განთქმული თავისი სიმდიდრით.

გვ. 154.

**ივანიკა** ნათლისმცემელი—იოანე ნათლისმცემელი. ქრისტეს მომნათელები (ბიბლ.).

გვ. 159

**ლოტის ცოლი** — ლოტი — ბიბლიური პატრიარქი, რომელსაც უფალმა ამცნო თავისი განაჩენი სოდომის დანგრევის შესახებ და უბრძანა თავისი ოჯახით ქალაქიდან წასულიყო. მისი ცოლი არ დაემორჩილა ანგელოზების ბრძანებას — უკან არავის მოეხედა და ანგელოზებმა ის მარილის ქანდაკებად აქციეს.

გვ. 161.

**ატილა** — ჰუნების მეფე. დაამარცხა აღმოსავლეთისა და დასავლეთის იმპერიები. დაარბიო გალების ქვეყანა

გვ. 162.

**იჟუპიტერი** — (ბერძენთა ზევსი). რომაული მითოლოგიის მიხედვით, ღმერთების მამა და მბრძანებელი.

გვ. 171.

**Ab haedls scindere oves** — გამოყოფთ თხები ცხვრებისაგან (ლათ.).

გვ. 175.

**ივინც აგებს** — იგებს“ — ფრანგული თამაში, რომელშიც უნდა წააგო, რომ მოგე-

ბული დარჩე.

გვ. 178.

გერლიუ (Gueurlu)—არამზადა. უქნარა.

გვ. 182.

გამბი (Gambi)—კოკლი.

გვ. 184.

კეისარი — გაიუს იულიუს კეისარი. რომის კონსული (100-44 ჩვენს წელთაღრიცხვამდე).

გვ. 185.

ანთეოსი — ზღვებისა და ნაოსნობის ღვთაების ნეპტუნისა და მიწის გოლიათი შვილი. ანთეოსთან ბრძოლის დროს პერკულესმა შენიშნა, რომ, როგორც კი ანთეოსი მის ღედას — მიწას ფეხებს მიაკარებდა, ახალი ძალა ემატებოდა მასინ პერკულესმა გოლიათი ჰაერში აიტაცა და ისე დაახჩრო.

გვ. 186.

მარმარილოს მავიდა — მიწის საქმეების სააპელაციო სასამართლო.

გვ. 188.

წმინდა იოაქიმე—ქრისტეს პაპა. ღვთისმშობელ მარიამის მამა.

წმინდა ანა — ქრისტეს ბებია. ღვთისმშობელ მარიამის დედა.

წმინდა ელუა — მეფე კლოტერ VI-ისა და მეფე დაგობერის მექურქლეთუხუცესი. ნუაიონის ეპისკოპოსი. ოქრომჭედლებისა და მჭედლების მფარველი.

წმინდა ნიკოლოზი — მეტივეების მფარველი.

წმინდა ონორე — ამიენის ეპისკოპოსი. მეფურნეების მფარველი.

წმინდა ფიაკრი — მწირი. წარმოშობით ირლანდიელი. მებაღეებისა და მებონტეების მფარველი.

წმინდა კრეპინი — გალების ქვეყანაში წამებული წმინდანი (287 წ.). ხელობით მეწაღე იყო. მეწაღეების მფარველი.

წმინდა ვენსენი — წარმოშობით სარაგოზიდან იყო. დიოკლეტიანეს მეფობის დროს აწამეს ვალანსში (304 წ.). მევენახეების მფარველი.

In medio stat—შუაში დგას (ლათ.).

გვ. 189.

წმინდა ივი — მოსამართლე. თავი გაანება თავის თანამდებობას და ღარიბების ვე-ქილი გახდა. მოსამართლეთა და ვექილთა მფარველი.

Sub invocatine — მფარველობის ქვეშ (ლათ.).

გვ. 192.

Urbi et orbi — მთელს სამყაროს (ლათ.).

ბალთაზარი — სამთავან ერთ-ერთი მეფე მოგვთავანი. რომელიც ურბასტანში მოვიდნენ, რათა თაყვანი ეცათ ახლადშობილი ქრისტესათვის.

გვ. 206.

პლუტარქე — ბერძენი მორალისტი და ისტორიკოსი (45—125 წწ.), „გამოჩენილ ადამიანთა ცხოვრების“ ავტორი.

გვ. 207.

იოზი — ბიბლიურად ლეგეხდის მიხედვით, ცნობილი ებრაელი პატრიარქი, კაცი

მდიდარი, რომელსაც ღმერთმა მისი ღვთისმოსაობის გამოსაცდელად ყველაფერი წაართვა და ბოლოს ნებზე მჭდარს დასცინოდნენ მისივე ცოლი და მეგობრები.

გვ. 210.

ანტონიუსი — მარკუს-ანტონიუსი, კეისრის დისწული და მისი ერთ-ერთი მხნე სარდალი, მეორე ტრიუმვირატის წევრი.

პომპეუსი — ჯერ ესპანეთის პროკონსული, შემდეგ კონსული. პირველი ტრიუმვირატის წევრი. კეისრის სიძე, შემდეგ კეისარს ბრძოლა დაუწყო. დამარცხდა. მოკლეს ეგვიპტეში, სადაც თავშესაფარს ეძებდა.

პოლიორკეტე — მაკედონიის მეფის დემეტრიოსის მეტსახელი (პოლიორკეტე — ნიშნავს ქალაქების ამღებს).

არტაქსერქსე — სპარსეთის მეფე (465 — 425 ჩვენს წელთაღრიცხვამდე).

ალექსანდრე მშვენიერი — ალექსანდრე მაკედონელი.

კლეოპატრა — ეგვიპტის დედოფალი, კეისრისა და ანტონიუსის საყვარელი, განთქმული თავისი სილამაზითა და გონებაშეხვილობით.

სტატირა — სპარსელი პრინცესა, დარიოს III-ის მეუღლე; ტყვედ ჩაუვარდა ალექსანდრე მაკედონელს, რომელიც მას პატივისცემით მოეპყრო. ალექსანდრემ ცოლად შეირთო სტატირას ასული, ახალგაზრდა სტატირა.

ეკატანი — მდიდის სტატრო ქალაქი. ამჟამად ქ. ჰამადანი სპარსეთში.

თაისი — ათინელა მსუბუქი ყოფაქცევის ქალი, რომელიც ალექსანდრე მაკედონელმა აზიის ლაშქრობაში წაიყვანა. შემდეგ თაისი ეგვიპტის მეფე პტოლომეუსმა შეართო.

როქსანე — ალექსანდრე მაკედონელის ცოლი. მოკლეს მაკედონელის სიძის კასანდრის ბრძანებით.

სტრატონიკე — ბერძენი პრინცესა, ასული დემეტრიოს პოლიორკეტესი, სირიის მეფის ნიკატორეს მეუღლე. ნიკატორემ სტრატონიკე თავის გერს ანტიოქუსს დაუთმო, ამ უკანასკნელს თავდავიწყებით უყვარდა თავისი ლამაზი დედინაცვალი.

მივდივარ, ვხედავ, ვიმარჯვემ — კოლა იმეორებს კეისრის სიტყვებს: მივედი, ვნახე, გავიმარჯვე.

კარაველა — ესპანური და პორტუგალური სამანძიანი ხომალდი.

გვ. 211.

კვიროსი — სპარსეთის იმპერიის დამაარსებელი.

გვ. 212.

კომოდი — რომის იმპერატორი, განთქმული გარყვნილებით, უღმობელობითა და სისასტიკით. მოწინააღმდეგეებმა, რომელთა მოკვლასაც აპირებდა, მოწამლეს და აბაზანაში მოუღეს ბოლო.

კრისპინა — რომის დედოფალი.

ბრუტუსი — ფიქრობენ, თითქოს ის კეისრის უკანონო შვილი იყო. კეისარი დიდ ყურადღებასა და სიყვარულს იჩენდა მის მიმართ; მიუხედავად ამისა, ბრუტუსმა მონაწილეობა მიიღო შეთქმულებაში და კეისრის მკვლელობაში.

კეისრის მომხრეები დევნიდნენ და თავი მოიკლა.

**ფორტუნა** — ბერძნული და რომაული ღვთაება. შემთხვევითობისა და შოულოდნელობის განსახიერება. წარმოსახულია ბორბალზე ან გლობუსზე მკდარა, თვალახვეული რომ მიიწევს წინ.

**მენელაოსი** — სპარტის მეფე. მშვენიერი ელენეს ქმარი. ტროას მეფისწულმა პარიშია მოიტაცა მენელაოსის მეუღლე, ამან გამოიწვია ტროადის ომი.

გვ. 213.

**კახა კლეო**—იგულისხმება ეგვიპტის დედოფალი კლეოპატრა.

**მეფისტოლე** — ალექსანდრე მაკედონელის უახლოესი მეგობარი, რომელსაც მაკედონელმა მეტად მდიდრული დაკრძალვა მოუწყო.

**კლიტუსი** — მაკედონელის ერთ-ერთი სარდალი, რომელიც მოკლა ალექსანდრე მაკედონელმა იმის გამო, რომ მან გაზედა გადაკვრით გაეციხა მაკედონელის ხელგაშლალი ცხოვრება, შემდეგ კი დამპყრობელმა დიდის გულსტიკვილით ინანა თავისი საქციელი.

**ნერეიდები**—ზღვის ნიშები, ზღვის ღმერთის, ნერეოსის ქალიშვილები (მითოლ.).

გვ. 214.

**ადაში** — ბიბლიური გადმოცემით, პირველი ადამიანის სახელი.

გვ. 215.

**Ave, Caesar imperator!** — სალამი შენდა, კეისარო! სასიკვდილოდ განწირული კლადიატორები ასე ესალმებოდნენ კეისარს ბრძოლის დაწყების წინ.

გვ. 216.

**კეთილი როფე** — იტალიური რენესანსის პოეტის, არიოსტოს ნაწარმოების „მძინვარე ჯოლანდის“ გმირი.

**ალსინა** — გრძნული ქალი, რომლის გამო როფე ივიწყებს თავის მეუღლე ბრადამანტას.

**ხმლით ხაშოსის მკვთავი** — ლეგენდის გადმოცემით, ტურის ეპისკოპოსმა წმინდა მარტენმა, რომელიც განთქმული იყო გულუხვობითა და მოწყალებით, ერთ მეტად სუსხიან ზამთარში თავისი მოსახლამი ხმლით ორად გაკრა და ნახევარი ერთ საბრალო კაცს მისცა.

გვ. 217.

**ვიიონის კვანტი, იონი** — ლაპარაკია XV საუკუნის პოეტ ვიიონზე, რომელმაც სახელი გაითქვა დაუღვგარი ბოქემური ცხოვრებითა და თავზეხელაღებული ოინებით.

გვ. 225

**ნიკეას კრედო** — ლაპარაკია ნიკეას საეკლესიო კრების გაუთავებელ დავა-კამათზე (325 წ.).

**Ventre-saint-gris** — დაახლოებით: „დალახვროს ეშმაკმა“, ანრი IV-ის საყვარელი გამოთქმა გულისწყრომის, სიხარულის ან გაკვირვების გამოსახატავად.

გვ. 226.

**Ejusdem farinae** — „ერთი და იმავე ფქვილისაგან“ (ლათ.). იხმარება მუდამ ცუდი მნიშვნელობით, ისეთი პირების შესადარებლად, რომელთაც ერთი და იგივე ნაკლი ან მანკი ახასიათებთ.



გვ. 230.

უმიწაწყლო იოანე — ინგლისის მეფე ანრი II-ის მეოთხე ძე. ეს მეტსახელი იმატომ შეარქვეს, რომ ანრი II-მ მთელი თავისი მამული თავის სამ უფროს შვილს გაუნაწილა და იოანე უმიწაწყლოდ დატოვა.

### ბეთქოვინის ცხოვრება

გვ. 236.

პოლკოვნიკი ბიკარი — ღრეიფუსის ერთ-ერთი მგზნებარე დამცველი.

გვ. 238

მედუზის გველები — მედუზა ერთი სამ ურჩხულთაგანია, რომელსაც დიდებულ თმები ჰქონდა მან ქალღმერთი მინერვა შეუარაცხყო და ამ უქანასკნელმა თმები გველებად უქცია (მითოლ.).

გვ. 244.

პასტორი — პროტესტანტების მღვდელი.

გვ. 246.

ბოტიჩელი — ალექსანდრო (სანდრო) ფილიპო ბოტიჩელი, იტალიელი მხატვარი და გრაფიკოსი (1447—1510 წწ., ფლორენცია). მის კალამს ეკუთვნის უამრავი მადონები და მითოლოგიური სურათები.

გვ. 249.

პირველი კონსული — ნაპოლეონ ბონაპარტი.

გვ. 261.

ჯლორინი — ძველებური ფლორენციული ოქროს ან ვერცხლის ფული.

ლუკათი — XIII—XIX სს.-ში ჯერ ვერცხლის, შემდეგ ოქროს ფული დასავლეთ ევროპის სხვადასხვა ქვეყანაში.

გვ. 273.

აპოლონი — ბერძნულ მითოლოგიაში სინათლის, ხელოვნებისა და წინასწარმეტყველების ღმერთი.

მუზა — ბერძნულ მითოლოგიაში ერთ-ერთი ცხრა ქალღმერთთაგანი, რომლებაც ითვლებოდნენ ხელოვნებისა და მეცნიერების მფარველებად.

გვ. 277.

კრეიდერი — ძველებური ჯვრილი ფული გერმანიაში.

გვ. 282.

პარკები — ადამიანთა სიკვდილ-სიცოცხლის ძაფის მქსოველნი (მითოლ.).

### მიქაელანჯელოს ცხოვრება

გვ 304.

მალეგოლჯე — ჯოჯოხეთის მერვე წრე დანტეს „ღვთაებრივ კომედიაში“.

გვ. 310.

მპოუ — ძველებური ფრანგული ოქროსა და ვერცხლის ფული.

გვ. 315.

ბრევე — პაპის უსტარი, ეპისტოლე.

გვ. 318.

კაპიტოლიუმი — რომში ერთ-ერთი გორაკი, რომელზედაც აშენებულია სასახლეები, მუზეუმები და სხვ. ძველად ამ გორაკზე მოთავსებული იყო იუპიტერის, მინერვასა და იუნონას ტაძარი (შემდგ თვით ამ ტაძარს ეწოდა კაპიტოლიუმი).

გვ. 319.

ფავნი — რომელ მითოლოგიაში ტყეების და მინდვრების ღმერთი. პიკუსი და პომონის შვილი, ჯოგებისა და მწყემსების მფარველი.

გვ. 321.

პოდესტა — მთავარი მოსამართლე ჩრდილო და შუა იტალიის ქალაქებისა შუა საუკუნეებში.

გვ. 322.

კენტავრი — მითიური კაცისთავიანი ცხენი, ან ცხენისთავიანი კაცი. თხის ჩლიქებთანაც ჰყავდათ ბერძნებს წარმოდგენილი.

ლაფიტები — თესალოს მითიური მკვიდრნი, კენტავრების ნათესავები.

კენტავრებისა და ლაფიტების ომი — ერთხელ, როცა მათი მეფე ფირუტუსი ქორწილს იხდიდა, ლაფიტებმა სტუმრად კენტავრებიც მიიწვიეს. კენტავრები დათვრნენ და ლაფიტების ცოლების გატაცება მოინდომეს. ლაფიტები შეებრძოლნენ მათ და სასტიკად დაამარცხეს (ბერძნ. მითოლ.).

გვ. 323.

ამოკალიფსი — ერთ-ერთი ქრისტიანული საეკლესიო წიგნი, „ახალი აღთქმის“ ბოლოს დართული, რომელიც შეიცავს მისტიურ წინასწარმეტყველებას ქეყენის დასასრულზე.

გვ. 325.

კუბიდონი — რომელ მითოლოგიაში სიყვარულის ღმერთი, რომელიც წარმოდგენილი ჰყავდათ მშვილდ-ისრიანი ფრთოსანი ბიჭის სახით ამურის.

ბახუსი — რომელ მითოლოგიაში ღვინისა და დროსტარება-მხიარულების ღმერთი (ბერძნულ მითოლოგიაში მას დიონისე შეესაბამება).

ადონისი — მითიური ლამაზი კაბუცი, სიყვარულის ქალღმერთის აფროდიტის სატრფო.

გვ. 326.

Pietà — ქრისტეს დატირება (იტალ.).

გვ. 327.

დავითი — ბიბლიური მეფე და გმირი, რომელმაც მოკლა გოლიათი.

გონფალონიერი — მებარადლე, მედროშე.

გვ. 328.

ხენოორია — ადგილი, სადაც ვრცელდება უფლება შემამულისა, ქალაქში საპოლიციო დაწესებულების მაგვარი.

გვ. 332.

ვატიკანი — კათოლიკური ეკლესიის მეთაურის, რომის პაპის რეზიდენცია 1378 წლიდან. უზარმაზარი სასახლე (ვატიკანის ბორცვზე), რომლის აგებაში მონაწილეობდნენ გამოჩენილი იტალიელი ხუროთმოძღვრები და მხატვრები,

კათოლიკური ეკლესიის უმაღლესი დაწესებულებაში. გაოდა პაპის სასახლისა აქ არის მოედანი და წმ. პეტრეს ტაძარი.

გვ. 344.

ზარპი — ქარიშხლის ქალღმერთი, წარმოდგენილი ჰყავთ ფრთიან ურჩხულად, რომელსაც ჩიტის ტანი და ქალის თავი აქვს.

გვ. 346.

ზადრიგალი — პატარა ლირიკული ლექსი, ჩვეულებრივ მიძღვნილი ქალისადმი.

გვ. 349.

ზინერვა — რომაულ მითოლოგიაში სიბერძნის ქალღმერთი, ბერძნულ ათენა პალადას დარი, ერთ-ერთი ტაძრის სახელი რომშია.

გვ. 350.

ზოსე — ბიბლიის გადმოცემის მიხედვით ებრაელების წინასწარმეტყველი იყო, რომელიც, ჭერ კიდევ ჩვილი, ლერწმებში იპოვეს.

გვ. 351.

ზესერი — საპატიო ტიტული, რომელსაც უპირველეს მიაკუთვნებდნენ ყველა გამოჩენილ პიროვნებას, მერე ყველა კეთილშობილს, შემდეგ ამ ტიტულს იტალიაში ირქმევდნენ მღვდლები, ეპიშოპები, აღვოკატები. ნიშნავს ბატონს.

გვ. 356.

ზენეფიცოფი — საეკლესიო თანამდებობასთან დაკავშირებული ქონება ან შემოსავალი კათოლიკურ ეკლესიაში.

გვ. 367.

კონეტაბლი — ერთ-ერთი უმაღლესი სამხედრო ჩინი საფრანგეთში.

გვ. 370.

ლედა — ბერძნულ მითოლოგიაში ტესტიუსის ქალი. ლეგენდა მოგვითხრობს, რომ ზევსს მოეწონა ეს ქალი და ბანაობისას გედის სახით გამოეცხადა.

გვ. 384.

განიმედი — მეფის ვაჟიშვილი, რომელიც არაჩვეულებრივი სილამაზის გამო ღმერთებმა მოიტაცეს და ცად აიყვანეს.

ზევის — ბერძნულ მითოლოგიაში უზენაესი ღმერთი, ღმერთი ცისა, ქუხილისა, ელვისა და წვიმისა, ითვლება ღმერთებისა და ადამიანების მამად და მეუფედ (რომაულ მითოლოგიაში მას შეესაბამება იუპიტერი).

ტიტიუსი — ზევსის ვაჟიშვილი. მოკლა აპოლონმა, რადგან მის დედას ლეტოს დაუპირა ხელყოფა. საიქიოში ღმერთებმა პრომეთეოსის სასჯელის მსგავსი სასჯელი მოუვლინეს. კლდეზე მიჯაჭვეულს გრიფი უძიმებდა გულ-მკერდს (მითოლ.).

გრიფი — ანტიკურ მითოლოგიაში ფანტასტიკური ცხოველი, აქვს ლომის ტანი, არწივის ფრთები და არწივის ან ლომის თავი.

ფაეტონი — ბერძნულ მითოლოგიაში მზის ღმერთის ჰელიოსის შვილი. მან მამას სთხოვა ცეცხლოვანი ეტლი და კინალამ მსოფლიო ხანძარი გააჩინა.

გვ. 386

ხფინქი — ბერძნულ მითოლოგიაში ფროთოსანი არსება, რომელსაც ტანი ლომინა

აქვს, თავი და მკერდი ქალისა. კლავდა მგზავრებს, რომლებიც ვერ გამოიცნობდნენ მათთვის მიცემულ გამოცანას.

გვ. 389.

ინკვიზიცია — შ. სკ-ში ქრისტიანულ ეკლესიასთან დაწესებული სასამართლო მწვალებელთა, ურწმუნოთა და სარწმუნოების მკრეხელთა აღმოსაჩენად და დასასჯელად. ეს საშინელი დაწესებულება, რომელიც აშკარად სდევნიდა სინდისის თავისუფლებას, განსაკუთრებით მძინვარებდა იტალიასა და ესპანეთში.

გვ. 391.

ლეგატი — კათოლიკურ ეკლესიაში რომის პაპის რწმუნებული.

გვ. 403.

მინოსი — ზევისისა და ეეროპის ვაეიშვილი. მითებში გამოყვანილია ბრძენ და სამართლიან მმართველად. სიკვდილის შემდეგ მიცვალებულთა მსაჯულად იქცა.

გვ. 408.

პრეფექტი — ძველ რომში ზოგა ადმინისტრაციული და სამხედრო თანამდებობის სახელწოდება.

გვ. 412.

სკუდო — ძველებური იტალიური მსხვილი ოქროს ან ვერცხლის ფული.

გვ. 419.

პრელატი — კათოლიკური ეკლესიის უმაღლესი სასულიერო პირი (არქიეპისკოპოსი და სხვა).

ასტრეა — ზევისისა და თემიდას ქალიშვილი. გადმოცემის თანახმად ადამიანთა შორის ცხოვრობდა, სანამ ოქროს ხანა იდგა. შემდეგ ცად ამაღლდა და დამკვიდრდა ქალწულის თანავარსკვლავედში (მითოლ.).

გვ. 421.

სენატორი — ძველ რომში უმაღლესი ხელისუფლების სახელმწიფო ორგანოს, სენატის წევრი.

გვ. 430.

იულია — ძველებური წვრილი ვერცხლის ფული.

გვ. 435.

სიმონია — (ისტ.) საეკლესიო თანამდებობის ფულით შეძენა. შუა საუკუნეებში რომის პაპები გამორჩენის მიზნით ამ თანამდებობებით ვაჭრობდნენ (ბიბლიური მოგვის სიმონის სახელის მიხედვით. ლეგენდა მოგვითხრობს, რომ სიმონს სურდა მოციქულთაგან ეყიდა სასწაულების მოხდენის საიდუმლოება).

შ ი ნ ა ა რ ს ი

ათასი სიცოცხლე—გასტოხ ბუაჩიფე

5

კოლა ბრონიონი

ომის შემდგომი წინასიტყვაობა	27
გაფრთხილება მკითხველისადმი	29
I. მირქმის ტოროლა	31
II. ალუა, ანუ მწყეფსი, მგელი და ბატკანი	42
III ბრევის მოძღვარი	60
IV. დოულაპია მოხეტიალე, ანუ გაზაფხულის დღე	77
V. დედოფალა	97
VI. მოფრენილი ჩიტუნები, ანუ სერენადა ანუაში	120
VII. კირი	131
VIII. დედაბრის სიკვდილი	144
IX. დამწვარი სახლი	153
X. აჭანუება	165
XI. ვერ მივართვით ჰერცოგს	183
XII. სხვისი სახლი	194
XIII. პლუტარქეს კითხვა	205
XIV. მეფე ქეიფობს	215

ბეთჰოვენის ცხოვრება

წინასიტყვაობა	235
ბეთჰოვენი	238
ჰაილიგენშტატის ანდერძი	280
წერილები	284
ბეთჰოვენის აზრები	298

მიქელანჯელოს ცხოვრება

წინასიტყვაობა	303
მიქელანჯელო	305

ნ ა წ ი ლ ი პ ი რ ვ ე ლ ი . ბ რ ძ ო ლ ა	
I. ძ ა ლ ა	321
II. ძ ა ლ ა დ ა მ ს ხ ე რ ე უ ლ ი	344
III. ს ა ს ო წ ა რ კ ვ ე თ ა	362
ნ ა წ ი ლ ი მ ე ო რ ე . უ ა რ ყ ო ფ ა	
I. ს ი ე ვ ა რ უ ლ ი	378
II. რ წ მ ე ნ ა	407
III. ს ი მ ა რ ტ ო ვ ე	428
ე პ ი ლ ო გ ი . ს ი კ ვ დ ი ლ ი	441
შ ე ნ ი შ ე ნ ე ბ ი	448

რედაქტორი გივი ნახუცრიშვილი  
გამომცემლობის რედაქტორი მანანა იორდანიშვილი  
მხატვრული რედაქტორი დავით დუნდუა  
ტექნიკური რედაქტორი ციციანო შეელიძე  
კორექტორი თამარ მაჩაბელი  
გამომშვები ნოე მაქარაშვილი

გადაეცა წარმოებას 15/11-72 წ. ხელმოწერილია დასაბეჭდად 8/1-73 წ. ქალაქის ზომა 60×84<sup>1</sup>/<sub>16</sub>. პირობითი ნაბეჭდი თაბახი 26,97 + 1 ჩაკერა. საალრიცხო-საგამომცემლო თაბახი 24,48. ტირაჟი 50 000. შეკვ. № 200.  
ფასი 1 მან. 08 კაპ.

გამომცემლობა „საბჭოთა საქართველო“  
თბილისი, მარჯანიშვილის 5  
Издательство «Сабчота Сакартвелო».  
Тбилиси, Марджанишвили, 5.

საქართველოს სსრ მინისტრთა საბჭოს გამომცემლობათა, პოლიგრაფიისა და წიგნით ვაჭრობის სახელმწიფო კომიტეტის მთავარპოლიგრაფმრეწველობის ბეჭდვითი სიტყვის კომბინატი, თბილისი, კამოს ქ. № 18.

Комбинат печати Главполиграфпрома Государственного комитета Совета Министров Грузинской ССР по делам издательств, полиграфии и книжной торговли. Тбилиси, ул. Камо № 18.

**Библиотека всемирной литературы**

**(На грузинском языке)**

*Ромен Роллан*

**Кола Брюньон**

**Жизнь Бетховена**

**Жизнь Микеланджело**

**Издательство «Сабчота Сакартвело»**

**Тбилиси, Марджанишвили, 5**

**1973**